





4/B

Axxx Bla



Handwritten text, possibly a signature or name, with a small red mark and a dark brown stain.

1507



Fr. 4. Green

1709



25 850

STEPH. BLANCARDI  
P. & M. D.

OPERA  
MEDICA, THEORETICA,  
PRACTICA  
ET  
CHIRURGICA,

Quæ omnia variis observationibus, experimentis, tam  
ex corporibus valetudinariis, cadaveribus, quam  
ex Mechanicis,

*Illustrantur & Elucidantur,*

*Cum figuris æneis accuratissimis.*

TOMUS SECUNDUS.



LUGDUNI BATAVORUM,  
Apud { JORDANUM LUGTMANS } 1701.  
{ CORNELIUM BOUTESTEIN. }

*De Luigi Longuetti*



Cic. de Div. L. fec.

*Medicus morbum ingravescentem ratione providet , In-  
dias Imperator , Tempestates Gubernator.*

Hippocr. de veteri Medicina.

*Medicina autem jam ab antiquo existit , & principium &  
via inventa , per quam inventa & multa & probe haben-  
tia comperta sunt , per multum adeo tempus & reliqua  
deinceps invenientur , si quis idoneus sit , & jam inven-  
torum gnarus , ex his ad perquirendum procedat.*

Idem de Flatibus.

*Medicus oculis perlustrat singula pericula , contrectat etiam  
nulla voluptate , & ex alieno malo proprias sibi demetit  
molestias.*





# STEPH. BLANCARDUS LECTORIBUS

Εὐχαίρων.

**D**Edimus in superiore tomo, omnia quæ ad *Medicinam Theoreticam* spectare poterant, & quoniam scientia illa valde claudicaret, si sola ratione (quæ in nobis sæpe labilis est) incederet, summè necessarium duxi, *Praxin Medicam & Chirurgicam*, experientiâ & exemplis innitentem adjungere, ut tota Ars tanquam duobus cruribus suffulciretur incederetque, & recta rationis face totam Praxin dilucidaret. Duo enim præcipui Medicinæ cardines sunt, Ratio nempe & Observatio. Septem Olympiadum observatione à teneris fere, hæc omnia vidi, perlustravi, annotavi, & vivis exemplis Praxin didici. Quinque Lustris ipse Medicinam excolui, idque non solum Amstelodami, sed maximè per totam Germaniam superiorem, ibique de morbis maximè intricatis, omne remedium respicientibus & difficillimis quotidie Epistolari modo consulor. Quippe nemo Practica scribere capax est, quin prius, ut citò, tutò & jucunde egros curet, aliosque instruat, ipse summam Experientiam, & ἐμπειρίαν habeat, necesse sit. Hoc modo erui ex Democriti puteo per plurima, quæ alias Cimmeriis tenebris sepulta fuissent. Aperto usus scribendi calamo, removendo, quæ dicenda umbris & ambagibus obscurarent. Medicina non tam ingenii humani partus est, quam temporis filia: Necessitas eam invenit, sed Experientia perfecit.

A diebus Hippocraticis Medicina stetit, si non retroiverit, saltem nihil profecit, donec inventâ sanguinis periodo, Fundamenta ab *Henrico Regio*, aliisque ad normam Cartesianam, notabilem sensere mutationem, ast Praxis manebat eadem, quæ rationi minime quadrabat: donec tandem *Ettmüllerus*



*lerus* , *Cranen* , aliique Praxi viam aperuerunt, glaciem-  
que primi resciderunt ; ita ut *Medicina Practica & Chirur-*  
*gica* sanguinis circuitui, & rationi in Institutionibus exhibi-  
tæ, planè respondeat. Et quoniam inventis facile additur,  
Praxin nostram secundum Hypothesin supra datam exactè  
struximus, ita ut invicem ἀντιέως respondeant, neque ullo in  
casu contradictionem admittant. Ars nostra floribus fructi-  
busque proferendis est comparata ; quæ magis magisque  
crescit ac vegetior fit.

Visus sum mihi operæ pretium facturum, si rem cognitione non  
indignam publici juris facerem. Itaque nihil habui antiquius,  
quam planioribus verbis Medicinam, ejusque cognitionem  
non modo scripto prodere, verum etiam aptis iconibus repræ-  
sentare. Pythagoras Samius dictitabat anteferendas esse Sire-  
nibus Musas, significare volens simplicem veritatis oratio-  
nem præstare comptis ac phaleratis sermonibus : nimirum Si-  
renibus assimilavit ille orationis structuram lenociniis ver-  
borum fucatam, ut Musis nudam orationem, nullo artis man-  
gonio Medicatam. Vale, & levidense munus benigna fron-  
te metire, & ab æmulorum morsibus tutare.

STEPH.



# STEPH. BLANCARDI PRAXIS MEDICA.

Verioribus fundamentis superstructa.

## I. CAPUT.

DE DEGLUTITIONE LÆSA ; OESOPHAGI ET VENTRICULI  
LÆSIONE ; APPETITU IMMINUTO ET TARDO ; NAU-  
SEA ; VOMITU ; FLATIBUS ; RUPTIBUS ; PICA ; MALA-  
CIA ; FASTIDIO ; CARDIALGIA ; DYSPEPSIA ACIDA ET  
NIDOROSA ; ARDORE VENTRICULI ; FAME BOVINA ET  
CANINA ; SINGULTU ; VENTRICULI INFLAMMATIONE ;  
SITI DEPRAVATA &c. CUM CURATIONUM ADJECTIO-  
NE.



Actis huc usque firmissimis Medicinæ Theoreticæ fun-  
damentis, firma quoque Praxis ei superstruatur opor-  
tet : à Ventriculi itaque morbis initium auspicabimur.  
Quid itaque morbi sint, & unde originem habeant,  
in Praxi non latè docebo, quoniam illos satis super-  
que in *Institutionibus* nostris explicuimus.

Primo ergo explicandum de *œsophago*, atque is læ- <sup>œsoph-</sup>  
ditur in motu suo à Paralyfi musculorum, fauces con- <sup>gi &</sup>  
stituentium ; vel à resolutione fibrarum *œsophagi* mo-  
triciū, atque tunc ne guttula quidem liquoris transmitti potest licet nec dolor  
nectumor, nec ulla urgeat angustia. Deinde læditur ab inflammatione vel  
ipsius, vel partium vicinarum, ita ut nec solida nec liquida deglutiri queant,  
que madmodum anginosi evenire solet. Vel excrescentia quævis viam ob-  
obstruit alimentariam. Gorcomi cum eram anno 1677. Vocatus fui à  
quodam domino, nomine *T. Vink* cui in *œsophagi* initio erat steatoma. Is  
tandem cibum solidum capere nequibat, sed tantum juscula ex carne in qui- <sup>œsoph-</sup>  
bus caro pultis in modum in mortario erat contrita & comminuta : tandem <sup>gi steato-</sup>  
acrescente tumore suffocatus obiit : Aperto cadavere, inventum est stea- <sup>ma.</sup>  
toma *œsophagum* obstruens. Impeditur quoque *œsophagi* motus ab in-  
flammati tonsillis, uvula, aspera arteria. Abolentur etiam in convulsio-  
nibus Epilepticis, Hystericis dictis spasms : in quibus quasi frustum ali-  
quod videtur *œsophagum* obstruere. Deglutitio quoque deficit deficiente  
salivâ, præsertim in febribus continuis ardentibus. Huc accedant boli  
Tome II. A magni,



magni , & non ritè masticati , aut spinæ , aciculæ , officula , &c ei inhærentia.

Stoma-  
chilæſio.

Cibos etiam Stomachus five sinister ventriculi orificium non admittit, quando spasmus aut convulsionibus læditur; vel si inflammationem, tumorem, paralyſin, ulcerationem, excoriationem, &c. patitur, tunc cibos admittere recusat; quod etiam à flatibus, jam jam erupturis contingit. Quando cogimur edere, quæ summè fastidimus & averſamur, sæpe convulſivo motu iterum furſum moveri coguntur.

Aliquando fauces ita anguſtantur, ut tantum liquida tranſire poſſint; & aliquando contra ſolida admittuntur, quando œſophagus ſatis patet, & a liquidis irritatur. Ulceratis quoque à Mercurio faucibus, masticatis etiam deſcenſus denegatur.

Quo læſio major, eo mortis periculum majus: nam fame æger perire cogitur. Ejus paralyſis non tantum periculofa, ſed raro reſtituitur: & lethifera ſi acutis ſuperveniat: in vulneribus non bonum: ut & ejus inflammatio. Scirrhus, cancer, excreſcentiæ, ſteatomata ad mortem uſque perdurant, & ægri non ſine ſuffocatione moriuntur: œſophagus cartilagineoſus, (cum memini in ſene vidiffe,) ob motus deſectum, mortem prænunciat. Siquid inhæreat ut bolus magnus, ſpinæ, officula, ſpongia balenæ affixa ſunt deorſum trudenda, vel eximenda.

Si adſit paralyſis, utere decoctis ex Salviâ, majoranâ, naſturtio, &c. accende fumum ex betonicâ, ſalviâ, roremarino & Majoranâ; vel tabaco ipſo, ſi æger ferre poteſt. Vel fiat mixtura ex aquâ antiparalyticâ cum aquâ meliſſæ.

Tumores vix reſtitui poſſunt, quia pars nec medicamentis, nec inſtrumentis, nec manu tractari poteſt. Si ab hyſtericâ ſuffocatione, omnia ſuccedunt ritè convulſione reſtituta: quod aliquando odore Tincturæ aſſæ foetidæ feliciter ſuccedit. Vel

Rec. Aquæ Meliſſæ, *uncias quatuor.*

Tincturæ aſſæ foetidæ, *drachmas duas.*

Caſtorei, *drachmam unam.*

Miſce.

Detur cochleatim, & ſimul odor naribus attrahatur: tunc convulſio illa, ut plurimum, in totum ceſſat.

Morbi  
ventriculi  
inde.

Plurima Symptomata a ſucco ventriculari dependent, qui pro variâ *κράτει* & diſpoſitione ventriculum varie afficit. Is ſuccus in ſano ſtatu ferè inſipidus inſtar ſalivæ eſt plurimis particulis activis & fermenteſcentibus quibus cibi comminuuntur, conſtans: itaque in valetudinario ſtatu ſuccus iſte vel eſt pituitoſus, vel nimis acris, cujus gradus plurimi ſunt. Pituita enim eſt tenuis, vel craſſa, cui particulæ nullæ acres ſed blandè irritativæ adſunt; hinc pro majori aut minori admixtione, oritur APPETITUS vel planè PROSTRATUS, vel IMMINUTUS. Sic ob fermentum nimis debile cibi tardè vel difficile digeruntur: è contra, ſi ſucci pituitoſi in ventriculo particulas valde pungentes & nimium acres ſibi habeant admixtas, oritur proraione acris edinis, niſus ad vomitum five NAUSEA,

Appeti-  
tus immi-  
nutus &  
tardus

vel



vel VOMITUS ipse; hoc est quod fibræ pylori fortiter contrahantur, qui motus à pyloro progreditur ad stomachum, unde fibræ ventriculi inversim sollicitantur, quarum motu, clauso pyloro, omne quod in utre ventriculari continetur, egeritur: hoc etiam convulsivo motu fellis vesicula contrahitur & bilis abunde elutriatur, atque sic compressione musculorum abdominis evomitur bilis, & non raro ex pancreate, & glandulis ventriculi succus admodum acidus. Sic in nonnullis febribus succus ventricularis admodum irritativus est, & Vomitus oboritur, à vermibus ventriculi fibras rodentibus non raro *Nausea diuturna* & *Lipothymia* oriuntur, ut & *Vermium Vomitus*. Sic, si per pylorum transitus fuerit denegatus, sive ex materia tephaceâ, vel à glandulis ibi in immensum usque excretis, materia ventriculo contenta, fit acris, tandem irritativa, hinc Vomitus: idem de intestinis obstructis dicendum ut in Ileo, Colica &c. sic postquam sceminae conceperunt, sæpe vomunt, quia ob seminale viri fermentum succus ventriculis plane invertitur.

Sic cartilago ensiformis quavis de causa versus interiora flectatur, ventriculus comprimitur, hinc dolor, inappetentia ciborum, vomitus, virium dejectio &c. Et hoc potissimum infantibus accidit, præsertim si brachiis aliarum pectore & ventre incumbant. Sed cucurbitulis cœcis & magnas aperturas habentibus facile restitui solent, si nimirum vi et subito removeantur. deinde locus est providendus Emplastro, ex pice, Mastiche, olibano, & quibusdam astringentibus parato: Præter hoc etiam ob nervorum intercostalium consensum Vomitus fit; affecto enim utero, Tubis Fallopiianis, ovariiis, &c. Idque à semine virili, haut ita difficile ventriculi fibræ contrahuntur, unde *Nausea* & *Vomitus*.

*Vomitus* sæpe est symptoma symptomatis ut vulgo dicitur, nempe per nervorum & membranarum cohærentiam seu consensum, ut in dolore Nephritico, morbo lienari, viscerum inflammationibus, cerebri vulneribus &c. eadem quoque symptomata navigantes sæpe experiuntur, ob motum nempe spirituum anomalum.

Infantes & pueri nimium voraces, modumque non tenentes, nimis que cibis sæpe indulgentes, ventriculum gravant, ac ventriculares fibræ irritantur, & ad vomitum ciendum invitantur. Sic si illæ, quæ infantes lactant nimio acido & cibis dyspeptis vescuntur, infantibus lac in juniore ventriculo vel statim acorem contrahit; hinc lactis coagulationes, & coaguli vomitus una cum fero acidissimo: Quod si evomere nequeant, facile in Tabem incidunt; Hinc dicuntur *Quel-balgen*, quia molestiam pariunt matribus ejulando, atque multum devorando.

Vel lac est nimis pingue, quod ob debile ventriculi fermentum ferri nequit, quando infantes nimium agitantur vel ventre pleno incumbunt gestantium brachio, si que diu circumferantur sursum deorsumque movendo, &c. Tunc succus infantum nervosus in anomalias invitatur. Porro ob gravedinem mucum devorant & deglutiunt, cujus particulis irritativis ventriculi fibræ ad vomitum stimulantur. Idem fit dentientibus; tum enim nervosum & membranosum systema afficitur.

Puellula quindecim ferè mensium cecidit ex trabe in plateam, postea conti-



Ventri-  
culus pu-  
eridus.

nuò fere flebat : corrioiebatur febre continua fortè a doloribus ventriculi & intestinorum. Aperui cadaver, præfente difcipulorum & adfpectantium coronâ. Inflata admodum ac rubicundi cololoris inveniebam intestina ; ventriculus lacte materno acidiffimo, foetido ac in particulas caseofas concreto, turgēbat. Cætera abdomine contenta, fana. Sed ventriculus licet haud difcoloratus . adeo mollis erat ac putridus, ut levi styli contactu perforaretur.

Si conijcere liceat, non effem in eâ opinione, puellulam illam à Ipfu fuiffe læfam, fed illam ab alteratione & acida fanguinis prædifpofitione in febre incidiffe. Quid efficiat alteratio, norunt omnes : nempe convulfivi motus in cerebro & corde excitati, fanguinis reliquorumque fuccorum motus impediunt : hinc primo frigus, deinde cruoris incalescentia, quæ febris est. Puto enim omne frigus, quo cum febres incipiunt à cerebri & cordis convulfionibus oriri ; omnia quippe fymptomata, ut alias lattius explicuimus, id indicare poffunt.

Ut ad rem redeamus : inueni ventriculum quafi putridum ; procul omni dubio à materiâ contentâ acidiffimâ. Hinc liquet, Matres & nutrices lactantes peffimè facere, fi acidis vefcantur : revera quo magis de acido participet lac maternum &c. eo pejus infantes habent, præfertim juniores. Acidum itaque contentum corrofit ventriculi tunicas. à convulfivis motibus intestina inflata fuerunt ; & quia hinc & inde inflammationibus obfessa erant, rubicundo colore tingeabantur. Nam ubi inflammatio, ibi fanguinis fuffiftentia, vel potius tardior motus. Non mirum ergo infantem ab hisce tormentibus continuò lachrymas fudiffe ac tandem obiiffe, cum partes hæ fupra modum fenfibles fint, ex meris ferè membranis conftantes.

Post E-  
meticum  
funtum  
mors.

*Miles febrim tertianam diuturnam fere per totam æftatem paffus, à circumforaneo, quamvis à febre liber, antimoniatum emeticum fumpfit, fed nil præter vomendi conatus in fecuti, adeo ut poft paucas horas de medio fublatus fit.*

Cum intima cadaveris perfcutarentur, mirum, ventriculus in dextra parte thoracis collocatus erat. Unicus duntaxat idque finiftro in latere adfuit pulmo.

Hujus male locati ventriculi caufa non aliunde quam ab emetico petenda : nam à vehementi conatu iucidit Æger, ut ita dicam, in fpeciem iliacæ paffionis, nam ut intestina inuicem inuolvuntur, cur etiam id ventriculo accidere non poffet : non dubito quin ventriculus ante illud affumptum in abdomine locatus fuerit. Ita sæpe medici faniores malè audiunt, quando chymica propinant, cum omnis culpa à circumforaneis audacibus dependeat.

Quando ftomochus ad vomitum propenfionem habet, tunc ei levi vomitorio eft fuccurrendum : tunc temporis enim indicatur multum pituitæ ventriculo inefle. Princeps ille Bavarix 1699 non obiiffet fi emeticum fuiffet propinatum : poft enim obitum plurima pituita tenaci fcebat.

Sanguis  
vomi-  
tus.

A nonnullis fanguis merus vomitur, quod aliquando menftruis denegatis aut fufpenfis evenire folet. Hoc fit fi arteriæ rumpantur, vel quando vafa breviora obftructa funt, nam vafa dicta, in iis, qui poft fanguinis vomitum



tum denati & aperti fuerunt, inventa fuerunt turgida, expansa & sanguine distenta, quia major sanguinis quantitas advehebatur, quam per illa vasa potuerat revehi: accedit hepatis obstructio, quod omnem sanguinem ex vena portæ debebat recipere, quod propter obstructionem tam facile fieri nequebat.

Quoad *Prognosin*. Si vomitus aliquando eveniat, salutaris est, nam saburra tunc eluitur, & multi morbi præveniuntur. Si sponte eveniat in principio febrium, aliis ve in morbis, vel in declinatione, aut gravidis, vino aliquando madidis, &c. non adeo noxii; per se enim cessant. Malignis in morbis, si materia evomatur livida, atque foetens, mali sunt ominis. Vermium vomitus quandoque à Lipothymiis &c. liberat; malum est contra est, si in morborum principio vermium eveniat vomitus. Si in morbis extremis fiat stercorum vomitus, lethale. Vomitus cruentus continuus nihil boni indicat. Si à colico dolore, nephritide, &c cessat, si morbus tollatur. in viscerum inflammationibus, ut & cerebri vulneribus, bonus non est nuncius: Si in illis subito cessat, intestinorum sphacelus est.

Si succus ventriculi viscidus particulas activas sibi habeat admixtas, FLATUS generantur & RUCTUS, nam tunc illud viscidum expanditur, & in bullas inflatur, quibus disruptis aer iis inclusus, per os emittitur; atque hoc verum esse constat, si pituitosi potum carminativum, aut semina anisi, carei &c assumant, ilicò *Flatus* oriuntur, quibus per oesophagum evocatis, *Ructus* appellantur; Hinc sæpe *Dyspepsia*, & *Ventriculi Gravativi sensus*, quia nimirum *Flatus*, propter cibum extensum excerni nequeunt, ventriculi parietes distenduntur. Si *Flatus* sursum atque deorsum emittuntur, CHOLERASICA appellari solet; ast si in ventriculo flatus maneat conclusi, non tantum spirandi difficultas, sed & ventriculi dolor, Lipothymia, syncope &c superveniunt. Ventriculus aliquando in tantum tumorem extenditur, ut totum abdomen distendat, intestinaque operiat: atque foeminae gravidis habeantur. Sic si cum chylo aer iste flatulentus ascendat, etiam membra inflantur. Si flatus emittantur ilicò levamen sentiunt. Sed quare omnes ab eodem cibo non iulantur? quia in diversis diversum est fermentum, aliud bene digerens, aliud cum viscositate acidum, facile fermentescens, inque bullas sese elevans.

*Flatus  
& Ructus.*

Ructus & flatus significant cruditates & visciditates succi seu fermenti ventricularis; & disponit aliquando ad Tympanitidem, imo ob metum lymphaticorum rupturæ, ad Ascitem: in convalescentibus ventriculi inflatio morbum recidivum significat.

Itaque vitanda sunt ea omnia, à quibus experimur flatus produci, præsertim cruda: deinde quicquid acidum & viscosum est leni purgatione aliquoties repetitâ eliminandum: denique acidum est temperandum, & viscidum est incidendum, ventriculus quoque roborandus, vinis Medicatis, & volatilibus oleosis in sequentibus descriptis. Deglutiat aliquando aliquot piperis grana, aut voret zingiberis conditi frustum.

Omnis ætas & sexus tentatur morbo, qui dicitur PICA vel MALACIA: eâ tantum differentiâ, quod *Pica* contingat omnibus, sed *Malacia* prægnantibus

*Pica vel  
Malacia.*



tibus solis; estque Appetitus perversus, in quo estui insolita appetuntur, ut creta, carbones, fistulæ tabacariæ, pix, arena, corium, sal, urina, cespites, aqua foetida, limus turbidus, variaque alia. Prægnantes non tantum ea sæpe appetunt, sed etiam illa quæ estui non sunt aliena, & si iis non dentur, sæpe foetus læditur vel abortiunt. Liqueet fermentum acidum in ventriculo esse huiusmodi rebus dissolvendis aptum, cujus titillatione imaginatio regitur ad hoc aut illud appetendum; præsertim si semel gustaverint, ac deinde sibi assuescant: tunc illis illa commestio adeo est assueta, ut *ὄνοπότης* vinum & *φιλοκάπνης* Tabacum. Hisce accedit incredibilis fere Historia *Nic Tulpii* alicujus foeminæ prægnantis, mille quadringentos Haleces comedentis, idque sine sanitatis dispendio.

*Prognosis*: morbus iste per se quidem odo noxius quandoque non est, sed si appetitui aliquando non satisfiat, læditer foetus: & si menstrua sint suppressa, in Apepsiam, Hydropem, cachexiam, chlorosin incidunt: adjunguntur non raro lipothymia, Syncope, cardialgiæ, &c. Quarto post gestationem mense sæpe cessat, quia saburra peccans vomitionibus crebris est exantlata: Vel si continetur, Mater ipsa & foetus sæpe læduntur.

In *uratione* respiciendum ad ea quæ appetuntur, num acidia, num alcalina. Semper enim contrario modo incedendum. In non gravidis vomitio est instituenda. Si à mensibus suppressis, promoveri debent, quibus revocatis appetitus ille perversus cessat. Vinum roborans & generosum non raro picam pellit. Conveniunt hic tincturæ stomachales aliaque ex sale volatili oleoso constantia, quæ descripsimus. Porro acidum concentrantia sunt præscribenda si causa sit alcali; sin contra, blandè acidia sunt adhibenda: quæ etiam, exceptâ vomitione, etiam gravidis conveniunt.

Alimen-  
torum fastidium.

**FASTIDIUM** est ciborum quædam aversio, præsertim eorum, qui ventriculo nocere possunt. Estque *ingenitum*, quod parentes ab hoc vel illo cibo abhorruere. unde ventriculi fermenta & spiritus animales eodem modo in nato coguntur imaginationem ita movere, ac in parentibus, atque sic multi oriuntur morbi hæreditarii. Vel *præcessit aliquod rei nocumentum*: ut, si vescatur quis quotidie brassicâ, ovis, piscibus, &c. Postea erunt fastidio: vel *Morbi*, præsertim febres, adsunt, tunc enim carnes, panem, cerevisiam lupulatam, &c. fastidiunt.

Hoc in casu si malum sit ingenitum, raro medicamentis restauratur: sed si à nocumento, sæpe restituitur vinis & Tincturis stomachicis, ut & elixire proprietatis. Sin à morbo, eo sublato, fastidium evanescet.

Cardial-  
gia, seu  
Ventriculi  
dolor.

Si Pituita sit acidia ac tenax plicis ventriculi adhæreat, aut obstructio sit in glandulis quibusdam ventriculi; aut aliquid aliud in ventriculo hæreat excibis minus dentibus comminutis, ut porci corium, fila lanea, aut lintea, pili, vermes; vel si adsint scirrhusæ glandulæ, indurationes, topi, &c; fixus dolor sæpe, è cordis regione, oritur, qui male **CARDIALGIA** vocatur, sed potius *ventriculi vel stomachi dolor* dici meretur. Vide de causis ulterius nostras *Institutiones*.

Si à flatibus eructatis ilico levamen sentitur; tunc malum facile expellitur. Si symptomata adsint gravissima, ut Lipothymia, Hysterica passio, motus Epilep-



Epileptici, cephalalgia, uentriculi, pancreatis & ulcera, scirrhi, mœrores & tristitiæ diuturnæ &c. malum est sinistrum. Si à vermibus rodentibus, malum, iis expulsis, cessabit.

Si cibi in ventriculo, ob elutum à potu fermentum, corrumpantur, NIDORES eructantur, ac si essent à putridis ovis, vel instar aquæ Aquis grænanensis. Quidam cibi facile in ventriculo acēscunt, tunc quasi ARDOR IN VENTRICULO excitatur, (nobis DE SODE) hoc sæpe fit à fructibus horariis, à fabis & pisib; præsertim acido condimento appositis. In ventriculo tunc sentitur quasi quædam corrosio, præsertim si tabacum superfugatur, aut vinum Rhenanum superbibatur. Vapores è ventriculo elevati instar flammæ eructantur hinc non mirum quosdam flammæ eructasse, & ejusmodi flamma esse consumptos, quod factum *Bolswardie*, in Frisia 1681, mense Julio: Vide quoque historias similes apud magnum *T. Bartholinum* in centuriis, & *C. Pisonem*: Similem observationem mihi scripsit *Joan. Lud. Hanne-*  
*neman* D. & P. P. S. R. I. A. N. C. collega, dictus *Nestor St. Sec.* His verbis: Dyspep-  
sia nido-  
sa & acida  
Ventricu-  
li ardor. &  
flamma.

Quidam, inquit, Rusticus in pago *Baldebuctel* prope *Fridrichstadium* in Hollatia vino adusto se impleverat, & inclinans cum capite in pulvinar, locus, cui osejus fuerat applicatum, quasi flamma erat ambustus & potator mortuus repertus.

Causa istius flammæ videtur fuisse spiritus vini, quod omnibus exemplis testatur, nam qui ita affecti erant, non nisi post immodicum spiritus istius haustum, flammam experti fuerunt: Hujus rei rationem dedimus in descriptione vitrioli sulphuris & alibi: spiritui quoque nitri, vitrioli, &c. si admisceas vinum spiritum, ac vitrum claudas, brevi in frustra diffiliet, quia nempe incalescit, & majus spatium requirit.

Ex læsa chylicatione, morborum cohors est expectanda, ut *morbi chronici, Phthisis, Scorbutus, febres, colica passio, convulsiones, morbi cutanei, Arthritis, obstructions viscerum, &c.*

Qui itaque nimio laborant acido, vitent acida, & omnia facile acorem contrahentia, ut sunt fabæ, pisa, brassica, caseus, lac, & ipse panis, quia minimo acido in fermentum transit, qua de causa acidum augetur. Fiat vomitus arte; vel aliquando purgantia dato ex Elixire proprietatis sine acido: Hierapicra &c. ut acidi causa evacuetur sive sursum sive deorsum: deinde acidum temperantia sunt quotidie bisterve assumenda ex coralliis, oculis cancri, chalybe, testaceis &c. cerevisiæ instilletur liquor tartari per deliquium, roboretur quoque stomachicis Tincturis ventriculus, ex semine fœniculi, anisi, carui, cardomomi, pipere, zingibere, sassaphras. menthâ, cinamomo, Acoro, Galangâ & similibus postea describendis. Si causa originem ex ebrietate habeat, sorbeatur potus Theæ aut Coffeæ, & stomachus postea roboretur frustulo zingiberis conditi.

In *dyspepsia nidorosa* eodem modo, ut supra, procedendum.

In *ventriculi ardore*, usurpanda sunt Alcalina quibus acidum illud rodens effervescens obtunditur. nempe ex oculis cancri, coralliis, matre perlarum &c. Et tunc statim cessat.



Fames  
canina &  
Bovina.

FAMES CANINA vel BOVINA, Κυνόρεξις & Βελιμία etiam succo ventriculi potenter acido fit, idque volatili & penetrante, nimisque rodente; Si Vomitus ob motus convulsivos adfit, *Canina* appellatur *fames*; ast si Lipothymia, *Bovina Fames* ei nomen est, nam hic nervi stomachi roduntur, qui cum cardiacis nervis communionem habet: atque gradibus tantum differunt: voraces sunt illi admodum, quoniam cibi semper rofionem temperare & subjugare coguntur.

Hic morbus non est quidem mali eventus, nisi quartanae, hydropi, aliisque chonicis morbis superveniens; cibi enim tunc malè digeruntur, unde chylus crudus, & exinde funesta symptomata. Sic nihil quidem mali portendunt post febres, nisi cibi admodum larga quantitate devorentur, atque tunc facile recidivas patiuntur. Si brevi non sistatur cachexia, Hydrops, lienteria, marcores, aliique morbi lethales sunt expectandi.

Anorexis in principio & statu alicujus morbi non est mali ominis, modo in morbi declinatione appetitus redeat: ast, si in declinatione prostratur, morbus vel est recidivus, vel est signum alterius morbi insequentis: idque praesertim post febres. Cessante colico dolore, nephritide, &c. Appetitus redit: Sic cessante tristitia, gaudio &c. idem restituitur. Nervorum & membranarum ventriculi paralysis ut & calculi in stomacho malum. Paralysis enim difficulter restituitur, & calculi intra membranas haerentes non facile franguntur, aut dissolvuntur. Si pituita viscida abundet, vomitorio restituitur. si post suppressos menses, aut chlorosin, ingravidationem, &c. exacta curatione, appetitus redit.

Si itaque à materia ventriculo contenta, vomitoria usu veniant, aut purgantia aliquoties repetita, ut saburra eliminetur. Pituitam incidentia sunt usurpanda. Si fibrae ventriculi sint resoluti à potu nimio &c., roborantia conveniunt. Sunt qui acidis appetitum restaurare satagunt, sed tunc plus cibi ingeritur, quam à fermentis dissolvi potest, unde plus nocent quam profunt; ex iis enim tunc chylus crudus paratur, atque hinc denuo malorum cohors.

Si *Appetitus* fuerit à nimia pituita *prostratus*, & Remediis incidentibus restitui non possit, ad *Emetica* descendendum est, nempe ex.

Vomito-  
ria.

*Croco Metallorum; Vitro, Sulphure, Floribus, & Regulo Antimonii; Tartaro Emetico; Crystallis Lunae & veneris; Vitriolo caeruleo & albo; Turbith minerali; Hercule Bovii; succo Asari, aut Gratiolae; Gutta Gamba &c.*

Peracta vomitione, omnis saburra contenta solvitur & foras elutriatur. Postea viscositates sunt attenuandae Medicamentis Attenuantibus, Incidentibus, & motum ordinarium adducentibus. Ut Ex.gr. sunt.

Pituitam  
incidentia.

*Radices Acori, Aristolochiae, Galangae, Gentianae, Helenii, Raphani Rusticani & Hortensis, Zedoariae, zingiberis, Ostrutii, &c.*

*Cortices. Aurantiarum, Citriorum, Limonum, Cinamoni, Macis, &c.*

*Lignum Aloes, Colubrinum &c.*

*Folia Abrotani, Absinthii utriusque, Apii, Cardui benedicti, cochleariae, Menthae crispae, Nasturtii aquatici, Nicotianae, Origani Hispanici, Phellan-*



# PRAXIS MEDICA;

9

Phellandrii , Rorismarini , Rutæ , Sabinæ , Salviæ , Theæ.  
Flores Chamæmeli Romani , Croci , Lavendulæ , Rorismarini , Salviæ ,  
Schoenanthi &c.

*Semina* Ammeos , Amomi , Anethi , Anisi , Apii , Cardamomi utrius-  
que , Coriandri , Cubebe Cumini , Dauci utriusque , Fœniculi , granapa-  
radyfi , nasturtii , nigellæ , Petroselini , Phellandrii , Sinapi &c.

*Fructus* juniperi , Lauri , carpobalsami , caryophylli , nux Moschata , pi-  
per.

*Vina* spirituosa , vinum adustum.

*Gummi* Caphora , Mastiche , Myrrha , Opopanax , Sagapenum , Galba-  
num , Ammoniacum.

Castoreum , Salia volatilia animalium , Millepedes , Sperma ceti , Zi-  
bethum , Ambra Grysea , &c.

Nec eadem Medicamenta ad nauseam centies repetantur mappam Emeti-  
corum in Tyronum gratiam apponere volui , ex hisce posterioribus variæ com-  
positiones oriri possunt , ut

## ELIXIR VOLATILE OLEOSUM.

*Recipe* Acori,  
Angelicæ ,  
Galangæ ,  
Gentianæ ,  
Ostrutii ,  
Zedoariæ , *ana unciam unam.*  
Corticum cinamomi , *uncias quatuor.*  
Citri , *uncias duas.*  
Schoenanthi , *unciam semis.*  
Macis ,  
Caryophyllorum ,  
Croci ,  
Myrrhæ , *ana uncias duas.*  
Spiritus salis Armoniaci , *unciam unam.*  
Vini , *uncias octoginta.*

Post digestionem & filtrationem debitam detur jejuno stomacho cochlea-  
tim Ast si velis destillationi exponere , uncias octo insuper spiritus salis ar-  
moniaci adde : tunc destillatum in vino aliove liquore guttatim propina.  
Vel compone tibi aliquod *sal volatile oleosum* , ut

## SAL VOLATILE OLEOSUM.

*Recipe* Olei caryophyllorum , *uncias duas.*  
Macis destillati , *unciam unam.*  
Cinamomi , *drachmas duas.*  
Salis tartari ,

Sal Vo-  
latile  
oleosum.

Tom. II.

B

Armo-

Armoniaci, *ana libram unam.*

Omnibus bene mixtis affunde

Spiritus vini Optimi, *libras quatuor.*

Hanc mixturam organis vitreis destilla.

### ALIUD SAL VOLATILE OLEOSUM.

*Recipe* Salis Armoniaci,

Tartari, *ana uncias octo.*

Rad. Galangæ,

Contrajervæ,

Cort. Citri,

Ligni Saffaphras, *ana uncias duas.*

Colubrini,

Guajaci,

Cinamomi acuti,

Macis,

Caryophyllorum,

Nucis Moschatæ,

Coriandri,

Cardamomi minoris,

Cubebe, *ana unciam unam.*

Succini crudi, *unciam unam & semis.*

Spir. Vini, *quantum sufficit.*

Post aliquot dierum macerationem vitris ordinariis, idque more solito destilla.

Simili quoque modo salia oleosa cujuscunque generis destillari possunt : ut

*Sal volatile Anisatum,*

*Juniperinum,*

*Arantiorum,*

*Citreum;*

*Rorismarini,*

*Succini,*

*Sabinae, &c.*

Sub volatiliū classe habentur etiam Spiritus salis Armoniaci, Urina, Vini. Flores salis Armoniaci; Tinctura Assæ foetida; Gummi Ammoniaci, Mil-lepedum. Elixir citri, Vita nostrum, Proprietatis sine acido, Spiritus Carminativus Sylvii, Cochlearia, &c.

Sola radice Raphani Hispanici ejusmodi homines sanavi : vel decoctione seminis sinapi. Si alvus sit astricta lubricetur, sumendo singulis diebus pilulam ex Aloë, chalybe, & Gummi ammoniaco. Hic quoque convenit Tinctura chalybis Tartarificata : vel

*Recipe* Pulv. Chalybis;

Tartari vitriolati, *ana drachmas duas.*

Olei Caryophyllorum, *guttas duas.*



# P R A X I S M E D I C A ,

II

Cremoris tartar, *unciam semis.*

Misce fiant pulveres decem.

Singulis diebus unus fumatur; conveniunt imprimis in hominibus calidi fucci. vel

*Recipe* Extracti cardui benedicti, *drachmas duas.*

Helenii, *seminiunciam.*

Oculorum cancri, *drachmas duas.*

Zingiberis, *drachmas sex.*

Chalybis præparati, *drachmas tres.*

Elixeris proprietatis sine acido, *quantum sufficit.*

Sumatur singulis diebus idque jejuno stomacho nucis avellanæ quantitate. vel

*Accipe* Rad. Helenii,

Angelicæ, *ana unciam semis.*

Acori, *drachmas duas.*

Herb. Melissæ,

Menthæ, *ana manipulum unum.*

Cort. Arantiorum,

Sem. Carci,

Aloes,

Caryophyllorum, *ana drachmas duas.*

Vini albi Generosi, *libras quatuor.*

Misce fiat Vinum Medicatum.

Mane de hoc vino cochlear unum aut alterum fumendum. vel

*Recipe* Rad. Enulæ campanæ,

Acori,

Galangæ minoris, *ana drachmam unam.*

Ligni aloes,

Mastiches,

Caryophyllorum,

Cinamomi, *ana drachmam unam.*

Elixiris Proprietatis, *drachmam unam.*

Sacchari albi, *uncias tres.*

Misce fiant Tabellæ.

*Dosis* ad drachmas tres. vel fume *Tincturam nostram Mastichinam*, cujus descriptio hæc est.

## T I N C T U R A M A S T I C H I N A N O S T R A .

*Recipe* Mastiches, *unciam unam*

Croci,

Aloes,

B 2

Myrrhæ,

Vinum  
Medica-  
tum.



Myrrhæ,

Spir. cornu cervi, *ana unciam semis.*

Vini, *uncias sexdecim.*

Misce fiat Tinctura.

Sumantur quoque nonnunquam *Hieræ picræ drachmæ tres.*

*Dieta* constet ex cibus Eupetis : & inter edendum nonnihil vini sumatur.

Quidam interim Emplastrum quoddam stomachale applicant. ut

Emplaf-  
trum sto-  
machale.

Recipe Absinthii latifolii,  
Menthæ crispæ,  
Caryophyllorum,  
Nucis Moschatæ, *ana drachmas duas.*  
Mastiches, *unciam semis.*  
Olei Absinthii per infusionem, *sesquiunciam.*  
Resinæ,  
Ceræ flavæ, *ana quantum sufficit.*  
Misce fiat Emplastrum.

Vomit-  
us  
curatio.

*Zingiber Conditum*, uti & condituram Indicam, quæ *Aciar* vocatur, opti-  
mi usus esse novi.

Porro si proni ad Vomitus simus, etiam iisdem uti debemus vomitoriis  
suprapræscriptis, ut & ejusmodi incidentibus oleosis : si vomitus fuerit mo-  
dica, medicamenta sunt negligenda; nam hoc modo saburra ventriculi satis  
exinanitur. In Capitis vulneribus Lethalis esse solet, si nimius fuerit : sit ut  
sit, sive de quacunque causa oriatur, si modum excedat, succurrendum est  
anodynis, ut ventriculi convulsio sistatur : Exempli gratia, si detur *opii præ-  
parati* granum unum vel duo. Vel *Theriace* drachma cum *olei macis stilla-  
titii* guttis sex. Vel *Mithridatii*, *confectionis Hyacinthorum*, ana drachma  
semis, cum tribus guttis *Elixiris Proprietatis*. vel

Recipe Spir. Menthæ, *unciam unam.*  
Aquæ cinamomi, *unciam semis.*  
Theriace, *drachmam unam.*  
Laudani opiat, *granatris.*

Misce detur cochleatim.

Illini potest *Oleo Menthæ* aut *Macis*. In prægnantibus sisti non debet, ni-  
si præter modum vomatur. *Inter navigandum* vomitus nec præcaveri potest  
nec sisti : præcavetur dormiendo & quiete ; & sanatur quamprimum appu-  
leris terram : ejusmodi vomitus convenit pituitosis, nam utilis est.

Cibi sint faciles digestionem, ac virium refectionem : quibus *θάρψις* inter-  
misceri oportet. Cibi condiantur aromatis, Porro, alliorumque ac ceparum  
genere. *Zingiber conditum*, vel *Enula campana* condita conveniet, uti &  
*Elixiria* stomachica : Sinapi præparatum cum cibus sumatur. Pulvis calci-  
natorum lapidum grosso modo tusorum, & assumptorum, sæpe multum pi-  
tuitæ secum educit : hinc nonnulli limaturam cupri & chalybis sumunt.

Infantes.



Infantes etiam sunt succurendi Medicamentis convenientibus. Matres vel quæ lactant, ut lac corrigatur, etiam medicamenta fumant oportet. Ex. gr.

*Recipe* Sem. Cardamomi,  
Rad. Galangæ, *ana unciam unam.*  
Caryophyllorum, *unciam semis.*  
Croci, *drachmas duas.*  
Menthæ, *Manipulum unum.*  
Spir. vini anisati, *uncias quadraginta.*

Medice-  
menta in  
vomitu ni-  
mio.

Misce fiat Tinctura  
Singulis diebus fumatur cochlear. vel

*Sume* Tincturæ croci, *drachmas duas.*  
Spiritus Menthæ, *uncias duas.*  
Cornu cervi rectificati, *drachmam unam.*  
Vini anisati, *uncias quinque.*  
Misce

Ufus & dosis est ut supra.

*Menthæ* Manipulus in lacte dulci coquatur, vel Semen anisi, cujus decoctio sæpius singulis diebus bibatur: alias spiritus anisi cum croco.

Quamvis infantes hoc modo quidem restituuntur, nihilominus tamen, ut acidum fermentum in ventriculo temperetur, & pituitæ productio inhibeatur, cum lacte sunt pulveres dandi ex oculis cancri cum croco. Reliquiæ enim istius acidi redintegrant sæpe vomitum denovo: sequens quoque pulvis non erit inconueniens.

*Recipe* Mastiches,  
Pyrethri,  
Corallorum rubrorum, *ana drachmas duas.*

Misce fiat pulvis tenuissimus.

Dosis ad grana decem & plura, pro ætate, bis singulis diebus vel ter. vel

*Accipe* Aquæ Menthæ, *uncias duas.*  
Tinct. Macis, *unciam semis.*  
Spir. salis armoniaci, *Guttas sex.*  
Misce.

Singulis diebus cochlear fumendum, sed infantibus aut pueris guttæ viginti ad sexaginta.

Conuenit quoque lac crocatum, imo & Aqua Menthæ cum croco. Si gutta una aut altera Olei Macis, Menthæ, Aurantiorum, citriorum, &c. pulti admisceri possunt, vel Vino Hispanico.

Si illa non iuvant, confugiendum est ad semen papaveris album, quod pulti admiscetur, vel ei incoquitur; vel quarta papaveris capitis pars vel dimidia coqui cum lacte potest. Vel non nihil Diascordii fumant: vel



*Recipe* Vini Hispanici, *uncias tres.*  
Aquæ Menthæ, *uncias duas.*  
Laudani Opiati, *Granum semis.*  
Misce.

Ex hac mixtura singulis bihoriis fumant semicochlearis quantitatem.  
Ventriculi regio inungatur oleo Menthæ & nucis Moschatæ, ut

*Sume* Olei Menthæ per infusionem, *unciam semis.*  
Ejusdem stillatitii, *guttas decem.*  
Macis expressi, *drachmam semis.*  
Caphoræ, *drachmam unam.*  
Misce.

Hoc Linimento calefacto ventriculi regio inungatur.

Sangu-  
mis Vomi-  
tus.

Aliquando post vasorum sanguineorum Πῆξιν aut Διάβρωσιν &c. sanguis evo-  
mitur, quod sæpe fit iis, quarum Menstrua non procedunt, quæ tunc quâ  
datâ portâ erumpunt, nunc per ventriculum, per nares; nunc per oculos,  
papillas, gingivas, &c. Causa fit unde fit, (rationes tam exactè in Praxi  
non inquiremus, cum ex *Institutionibus nostris* peti debeant & causam supra  
aliquomodo enodavimus.) Sistendus tamen est ille sanguis, ne patiens bre-  
vi deliquium patiat. Sanguinis eruptiones siue sint in ventriculo, siue in  
œsophago, sunt compescendæ, & fermentum nimis acre obtundendum,  
suffocandum. Sumat ergo sequentia.

*Cape* Caphoræ, *scrupulum unum.*  
Laudani opiat, *granum unum.*  
Succi catechu,  
Terræ Sigillatæ,  
Lapidis Hæmatitidis, *ana scrupulos duos.*  
Vini rubri astringentis, *uncias tres.*  
Misce.

Hæc Mixtura detur cochleatim. Vel fiat decoctio ex Rosis Rubris, & su-  
matur cum corallis rubris.

Curatio  
Cardialgiæ.

In *cardialgia* siue ventriculi dolore curatio primo acidum temperantibus  
& balsamicis inchoanda ut ex sequentibus patet.

*Accipe* Oculorum cancri,  
Chalybis præparati, *ana drachmas duas.*  
Olei Macis stillatitii, *guttas decem.*  
Misce.

Hoc pulvere a credo temperabitur, & quicquid pituitosum movebitur.  
Summè utile erit Laxantibus uti, ut pituita tenax in plicis ventriculi, glan-  
dulosisque acinis inhærens sensim elutrietur. ut,

*Recipe* Aloes,  
Myrrhæ,

Croci,



Croci,  
Magisterii chalybis,  
Caphoræ, *anapartes æquales.*  
Spir. vini *quantum sufficit.*

Ut extrahatur Tinctura. Ea singulis diebus aliquoties cum vino assumatur guttatim. Vel

*Recipe* Aquæ Vitæ Mathioli, *uncias duas.*  
Cinamomi, *uncias tres.*  
Vini Hispanici, *uncias sex.*  
Elixiris proprietatis sine acido, *unciam semis.*  
Misce.

Ventriculi regioni Emplastra imponi possunt, ex Emplastro de Baccis Lauri, de Cumino; oleo nucis Moschatæ expresso & destillato, Caryophyllorum, Rutæ, Anethi, &c. imo si dolor non est tolerandus, foveatur cum Muscō navali, aut funibus carptis & spiritu vini, si molestia oriatur ex cibis dyspeptis, illi vitandi, nonnihil vini aut Spiritus vinibibatur post cœnam aut prandium. In Maximo dolore confugiendum est ad opiata, *Theriacam, Mithridatium, Diascordium, Philonium Romanum, Laudanum.*

In vicinis meis habitabat uxor cujusdam sartoris *Christiani Nieuroda*, quæ Vermis continuo vomere conabatur, cum cardialgia & lipothymiis crebris; rebar fasciatus vomitu ejectus. vel adesse saburram pituitosam, vel vermes in ventriculo, præscripsi Emeticum; quo sumpto vomuit vermem septem aut octo pedes longum, & postea se bene habuit. Vide figuras apud *Sennertum, Beverovicium, Tulpium*, aliosque.

Opiatum. Sed si omnia pertinaciter medicamentis non obediunt, vomitoriis materia fixa est evocanda.

In *Ardore ventriculi* ad acidum temperantia est eundum; fumantur *Creta, Curatio oculi cancri, corallia, Margaritæ, Testæ, conchæ, & chalybeata, &c.* illa ardoris omnia facile acidum illud rodens domant: materia porro laxante ex *Hierâ* ventriculi. *picrâ* facile expelli potest. Haustu vini Malvatici vel similis vini sæpe cessat.

*Dyspepsia nidorosa & acida* profligatur leni vomitorio, aut levi cathartico Cura dys- ex *Aloë*, aut *Elixire proprietatis*, cum adiectione acidum temperantium; vel pepsiæ. *Hierapicra* cum *coralliis*, &c. Potus Theæ aut Coffeæ eluet saburram ex ventriculo, si strenuè superbibatur.

*Fames canina & Bovina* requirit summe acidum temperantia: ut *Martialia*, Et Famis & *Petrosa*. Uti & *vina* bonæ notæ, *θάρηξ γὰρ λιμὸν λείψ.* Item *Vomitória* auctæ. sunt sæpè adhibenda, & *Laxantia* lenia, ut materia acida foras eliminetur. Inter saturantia haberi possunt *Opium, Testæ ac oculi cancri, Testæ ovorum, Saturantia, Conchæ, Mater perlarum, cornu cervi ustum, Bolus omnis generis, Chalybs, Corallum, &c.* ut.

*Recipe* Vitrioli Martis,  
Concharum,  
Oculi cancri,

Coralli



Coralli rubri,  
 Antimonii diaphoretici,  
 Cinnabaris nativæ, *ana drachmam unam.*  
 Opii, *grana sex.*  
 Misce fiat pulvis.

*Dosis* est ad scrupulum unum.

Vitellus ovi ad duritiem coctus acidum potenter domat. Assumant cibos dyspeptos. Fiant tincturæ ex Mentha, salvia, absinthio cum vino generoso; addendo narcotica ex Theriaca, Philonio romano &c.

Temperatis crassis acidisque corrosivis humoribus, materia est leniter expurganda: ante acidi domationem si velis purgare, gravia symptomata sunt expectanda. Si per vomitum expellas, imminet cholera; si *κῆλα* expurges, intestina exulcerari possunt: atque sic Dysenteria ante fores est.

Alvus laxari potest Electuario Hieræ picræ, aut pilulis Hieræ simplicis, &c.

Singultus  
 curatio.

Per se sæpe SINGULTUS cessat, præsertim à risu nimio; post majora & sicca frusta deglutita, &c. sed sæpe lethale est in febribus, vulneribus, nimis evacuationibus, ileo, Hernia, nephritide, &c. itaque si periculum adsit, singultus est, quantum fieri potest, compescendus, idque nervosum succum moderantibus, ut *opio*, & *oleosis*, ac *temperantibus*: dato mixturam ex sequentibus præparatam: Ex.gr.

*Recipe* Aquæ Menthæ.

Vitæ Matthioli, *ana uncias duas.*  
 Laudani opiat, *grana duo.*  
 Oculi cancri, *drachmam semissem.*  
 Misce.

Detur per vices cochleatim.

Illinatur quoque regio ventriculi *oleo Menthæ*, & *Macis*, & sacculus cum arenâ calidâ imponatur: sternutatorium quoque sumat, ut hoc motu & alter pereat. Medium quoque corpus cingulo cingatur, ut diaphragma & musculi abdominis compescantur à motu illo violento. Infantibus lacti cocto admisceatur non nihil *Seminis Anisi*, aut *Aquæ Menthæ*; vel gutta *Olei Macis*, imo & *Crocus*; & si in ventriculo abundet acidum, *Oculos* adde *cancris*. Sic supra stomachum illinitio fiat ut supra.

Inflam-  
 matio ven-  
 triculi.

E regione ventriculi sæpe adest dolor magnus, ardor ingens, pungens, tensivus aut pulsans: sæpe adest sanguinis vomitus, aut dejectio: sitis intolerabilis, adest febris in quâ externa frigent, & interna uruntur: atque sic ex loco judicandum num INFLAMMATIO sit VENTRICULI, num INTESTINORUM, illud symptoma non est absque mortis discrimine; sæpe enim ulcus fieri potest, totum ventriculum perforans, atque sic excrementa in abdominis cavitate delabuntur: præter causas generales etiam inflammari potest ab ingestis, nempe ab acribus & rodentibus; item à pungentibus, ut ab aciculis, spinis, officulis &c. deglutitis.

Si alvus sit adstricta, Enemate solvatur emolliente. Si dolor intolerabilis sit



sit & vires ferant, venæ sectio instituatur. Cathartica lenia exhiberi possunt, non fortia, nempe ex *Prunis*, *Passulis Corinthiacis*, *Cassia*, *Manna* &c. Bibat æger calide sequentem potionem.

*Recipe* Rad. Scorzonæræ, *uncias duas*.

Cornu cervi raspati, *unciam unam*.

Flor. papaveris Erratici, *Manipulum unum*.

Coquantur ex aquâ ad uncias viginti, colaturæ adde

Spir. Cornu cervi, *Guttas decem*

Tinct. Cinamomi *uncias duas*.

Misce fiat Potio.

Hoc decocto utatur. Sic Potus Theæ aut Coffeæ creberrimè sanguinem intrat, omnemque acrimoniam per diuresin præcipitat, inflammationemque lenit, ac febrim diminuit. Si dolor fuerit intolerabilis, ad opii sacram anchoram confugiendum. Externè applica fotum ex unciis decem *spiritus vini* & semuncia *caphuræ*. Vel impone arenam calidam, vel aliud quid calefactum, calore enim resolvi debet inflammatio. *Sudorifera* lenia uti & *Acidum concentrantia* sunt propinanda, ex *Cinnabari nativa*, *Antimonio diaphoretico*, oculis *cancris*, *Albogræco*, &c.

Si resolvi non possit, sed æger pus evomat, pus tunc vel evomitur vel cum excrementis alvinis deponitur: itaque detergentia sunt propinanda. Clysteribus additur non nihil *Myrrhæ* cum *Terebinthina* & *ovi vitello*. Assumatur *Hydromel vulnerarium*, ex. gr.

*Accipe* Herb. Agrimonie,

Virgæ Aureæ,

Veronicæ,

Betonicæ, *ana manipulum unum*.

Rad. Rubiæ Tinctorum.

Limaturæ chalybis, *ana uncias duas*.

Coquantur ex Hydromelle ad uncias triginta; colaturæ admisce.

Tincturæ croci, *guttas viginti*.

Misce fiat potio.

vel.

*Sume* Terræ figillatæ, *unciam unam*.

Caphoræ, *scrupulum unum*.

Balsami copaibæ, *drachmas duas*.

Aloës,

Myrrhæ,

Croci, *ana grana decem*.

Vini Hispanici, *quantum sufficit*.

Misce fiat conditum.

Interim ad consolidandum adde Radicum symphyti majoris non nihil, & Balsami sulphuris,

*Tom. II,*

*C*

*Dieta*



*Diata* fit ex Eupeptis cibis : ex Oryza, lacte dulci, biscocto, percis, Lucio, Trocta seu Trutta, carne juniori, atque recenti, &c. vinum & cervisia sint mollia.

Sitis  
laxa.

**LÆSA** quid sit **SITIS** in *Institutionibus* antea docuimus. Si quis habeat sitim intolerabilem & inextinguibilem, cum lingua arida, ore glutinoso, exsucco, æstu corporis insigni, neque æger de sitimolesta conqueratur, delirium adest, ideoque pessimum, cessat iudicium, & functiones animales. In febribus ardentibus sitis perparca significat succorum separationem inæqualiter fieri, & per consequens Medici iudicium est ambiguum. In Hydro-picis sitis potu non extinguitur, sed potius intenditur.

*Quo plus sunt potæ, plus sitiuntur aqua.*

Maximè sitim sedant aquosa, præsertim acidis admixta, sed quia illa non amo, ad alia blandiora fugiendum : imprimis ab aquâ frigidâ in nostris regionibus est temperandum, quia inde non tantum varia symptomata sunt expectanda, sed ipsa mors ; calidè potius sorbeatur potus coffeæ, Theæ, salviæ &c. vel serum dulce, aut decoctum ex scorzonera, vel radicibus chinæ, & falsæ parillæ : si vero æger mavult acidum potum, in aquam coctam exprime malum Chinesè vel Aurantium, vel coquantur in aqua crysalli tartari ; adde non nihil salis nitri cerevisiæ Neomagensi, vulgo *Mol.* Lingat frustulum mali Chinesis. Colluatur sæpe os aqua pura sale nitri imprægnata, vino. Vinum aqua cocta dilutum, sitim non tantum profligat, sed & diaphoresin promovet.

Sitis de-  
pravata.

Eodem modo ut pica, etiam depravata aliquando sitis est, quando ægri appetunt Acetum, succum limonum, aquam balsam ; cæus causa depravata saliva est, cujus titillatione papillæ nervæ afficiuntur, unde phantasia appetendi depravata, eodem modo ac in pica. Cujus curatio eodem modo procedere oportet, ac in pica præscripta.

à Veneno  
interempti  
Anatome.

*Theologus, quidam nocturno tempore ingentibus doloribus circa umbilici regionem torquetur, medicamentis frustra sumptis, à veneno, quod ex improvisio sumpserat, obiit.*

**I**nspecto cadavere, erat abdomē cum genitalibus admodum inflatum, ventriculus & intestina variis in locis perforata, adeo ut contenta in abdomen effluerent.

Qui novit venena corrodere, facile percipiet, unde dolores isti ingentes, & ventriculi intestinorumque erosio & perforatio.

*Quidam succrevit humilis ac latus tumor, insidens firmiter lateri tracheæ, paulo supra jugulum. Hinc respiratio & deglutitio impediabantur, ita ut ne gutta liquoris petransire poterat. tandem emaciato corpore, morti succubuit.*

à Gula  
carcinoma-  
tis mors.

**D**Enudata post obitum cute, ad instar carcinomatis, colore plumbeo, & radicibus undiquaque diffusum tumor, præsertim circa gulam, intus adeo concreverat, ut vix aciculæ majoris glandem admittebat.

Laboravit cancro glandulæ alicujus ad tracheæ latus communiter residen-  
tis.



tis : sæpe glandulæ immensum usque excrescunt , quæ partes vicinas præmunt , ut hic. Si enim trachea & œsophagus liberum habuissent aëris transitum nec deglutitio , nec respiratio læsa fuissent. Cancer gangræna est alicujus glandulæ.

*Quidam consistentis ætatis, habitu corporis squallido strigosoque præditus, alvum habens astrictiorem, urinæque saturatè, more scorbuticorum & febricitantium, rubentes; Ructibus ventriculi, sputatione cruentâ, sanguinolentiâ gingivarum per annos aliquot afficitur, interne aliquoties alvi fluxu sanguinolento, semel etiam febris continua, præeunte tumore in inguine, tandemque antea superiori, intumescencia ventris atque pedum hydropica superingruente, præbenditur: postea symptomatibus magis recrudescentibus, quamvis, post medicamentorum usum se bene sensisset, brumali tempore subito vomitu cruento, cum dejectionibus nigris, picis instar correptus, perque triduum continuante, tandem è vivis ereptus.*

Cadaveris inspectio post vomitum sanguinis cum dejectionibus nigris.

Abdomine demortui aperto, erant Ventriculus & Intestina inflata, nec non nigricantia, interius atramento, quasi futorio, oblita: Renes & Pulmones se bene habebant: jecur totum scirrhosum ac tuberosum interius atque exterius erat, nec quicquam vasorum aut sanguinis exhibebat. Lien vero triplo major, quam ordinario esse solet, optime sanus conspiciebatur, texturam jecoris colore saturatè rubeo, nec non substantia carnosar eferens: Mesenterium satis glandulosum ac tuberosum atque crassum occurrebat, vasisque mesentericis planè evanescentibus.

Ob sanguinem depravatum succi in ventriculum & intestina debito modo instillari non potuerunt, unde pravus chylus, quo corpus nutriri haud potuit quam ob causam macies inducta est.

Alvus fuit astricta, non tantum ob causam superiorem, sed quod ob corruptum hepar bilis admixtio cum chylo & fæcibus denegata sit: cum, porro particulæ bilem constituentes in sanguine remanere debuerint, cumque eo diutissime circulum absolventes, tincturam urinæ adduxerunt solito saturiorem.

Ventriculus & intestina flatu turgebant ob convulsiones, quibus expandebantur; cum interim aliquando relaxabantur, aër antea inclusus vi exprimebatur, unde ructus.

Sputatio erat cruenta, ob gingivas à scorbutica saliva exefas.

Ob hepar scirrhosum & induratum, sanguis ejus texturam pervadere nequivit, unde sanguinis stagnatio, quare versus mesenterium & lienem turgens, non tantum vascula splenica immensum usque dilatavit, sed & ob compressionem advenientis sanguinis in intestina effusus est, unde dejectio cruenta & nigra.

*Ver literatus triginta duorum circiter annorum, qui postquam ante annos aliquot Cachexia hydropica, ad scorbutum inclinante laborasset; restitutus medicis tandem cum diu gravitatem hypochondriorum sensisset, in vomitum sanguinis incidit, cum dejectionibus nigris, vesperi summis anxietatibus, & virium*

Sanguinis Vomitus ejusque dejectiones.



*jactura supervenientibus : subsequentibus diebus vomitiones ejusmodi cum nigris dejectionibus reiterantur, cum lapsu virium gravissimo. Postea medicamentorum auxilio ad pristinam sanitatem redire visus est. Verum vix semestre complebatur, & ecce, recidivam patitur. portiones sanguinis coagulatas primum, post etiam sanguinem purum evomens, cum dejectionibus atramentum dilutum referentibus, viribus tandem exhaustis vitæ spiritum exhalavit.*

CUM Abdomen apperiretur, jecur scirrhum & lividum, lien satis magnus & sanguinei coloris : Vasa stomachum cingentia, sanguine turgida. Intestina potissimum lata, cum ileo, succo nigricante, atramenti instar, oblita conspiciebantur, quo deterso, vasa intestinalia succum ejusmodi sanguine permixtum effundebant.

Novimus quod omnis abdominis sanguis per portæ truncum hepar subire debeat, quo obstructo, quid fit? nisi cruoris regurgitatio, adeo ut ob affluxum arterialis sanguinis iste venalis ita in venis prematur, ut *πύξις* facta, foras in ventriculum & intestina erumpat, hinc vomitus cruentus, & excrementa alvi nigerrima. Ob sanguinis quoque stagnationem, lien solito major apparebat; jam per facile divinandum est unde in hypochondriis gravitas, partim nempe ab obstructo Hepate, partim à splene sanguine turgido.

## II. C A P U T.

DE DIARRHOEA; DYSENTERIA; TENESMO; FLUXU  
HEPATICO DICTO; CHOLERA; LIENTERIA; COE-  
LIACA PASSIONE; ILEO; ALVO ASTRICTA;  
VERMIBUS; INTESTINORUM ET ANI  
INFLAMMATIONE, &c.

*Diarrhoea.* DIARRHOEA immodica vires nimium prostermit, sed si modum non excedat salubris sæpe est; nisi Phthificis, gravidis aliisque morbis acutis aliquando periculosa est. Pro materiâ, quæ excernitur, aliquatenus differt, sæpe enim est biliosa, pituitosa, serosa, &c. Ex succis acris sæpe oritur, vel ex frigore contracto & similibus. *Sublata causa, facile tolletur effectus.* Omnes illi fluxus alvini gradibus ab invicem tantum differunt, prout succi intestinales sint acres aut mites: Ex foetore excrementorum satis liquet acidum peccare, imo & ex medicamentis acidum temperantibus, sudoriferis, &c. Ut curetur, solent primo levia cathartica præscribere, præsertim quæ etiam astringunt, ut sunt *Rhabarbarum & Myrobalana*. Ex.gr.

*Recipe* Rhei electi, *drachmam unam.*  
Myrobalanorum citrinorum, *scrupulos duos.*  
Santali citrini:  
Cinamomi acuti, *ana scrupulum unum.*

Misce fiat Pulvis. Vel.

*Sume* Rhabarbari tosti, *drachmam unam.*  
Nucis Moschatæ, *Scrupulum semis.*

Misce.



Misce fiat pulvis.

Multum si adfuerit visciditatis, aut humoris tenuis, tunc

*Accipe* Rhei Electi, *scrupulos duos.*  
 Pulv. Jalappæ,  
 Cinamomi, *ana grana decem.*  
 Spir. vini, *quantum sufficit.*  
 Misce fiat tinctura.

Solent præscribere Rhabarbarum quia simul purgat & adstringit; Sed novi, omnes milites Montepessuli, qui Rhabarbarum sumpserant, obiisse. Malo itaque acidum concentrantibus, diureticis, roborantibus & sudoriferis uti, diuretica & sudorifera hic valde profunt. ex eo, quod urina & sudoris materia in alvi fluxibus aliquo modo suspenditur, & magis ad intestina ruit, quam ad partes urinæ & sudoris secretioni destinatas. Porro acrimonia temperari debet, ne dolor intestina invadat. Et quia in ejusmodi fluxibus vires languescunt utimur quoque spiritibus reficientibus.

*Enemata* ex Lacte chalybeato profunt. Abdomen oleo *Menthæ*, *Macis destillato*, &c. illinatur: Acidum absorbentia, ut dixi, hic præprimis magni usus sunt, uti & quæ ex *Opio* præparantur. Ex. Gr.

*Recipe* Vinirubri (vulgo *vin tint*) *uncias tres.*  
 Aq. cinamomi, *unciam unam.*  
 Diafcordii,  
 Mastiches, *ana drachmam unam.*  
 Maceris pulv. *scrupulos quatuor.*  
 Misce. detur cochleatim. vel,

*Cape* Spiritus *Menthæ.*  
 Aquæ Cinamomi, *ana uncias duas.*  
 Olei Macis, *guttas sex.*  
 Laudani Opiati, *grana tria.*  
 Cornu cervi usti, *drachmam unam.*  
 Misce. Detur cochleatim. Vel,

*Recipe* Oculi cancri, *unciam semis.*  
 Thuris, *Drachmas duas.*  
 Caphoræ, *Drachmam unam.*  
 Misce fiant pulveres numero octo.  
 Singulis diebus duo sumendi vel tres. Vel,

*Recipe* Mivæ cydoniorum, *uncias duas.*  
 Corallorum rubrorum,  
 Lapidis Hæmatitis,  
 Chalybis præp. *ana drachmas duas.*  
 Tincturæ catechu, *quantum sufficit.*

C 3

Misce



Miscefiat conditum.

De quo ter de die quantitas magnitudine nucis moschatæ fumatur. Vel,

*Reeipe* Cretæ albæ, vel.

Terræ, ex quibus tubuli tabacarii conficiuntur,

Santali citrini, *ana unciam semis.*

Thuris,

Mastiches, *ana drachmam unam.*

Sacchari albi, *uncias duas,*

Misce fiant tabellæ.

*Dosis* ad drachmas duas.

Patiens cubitum iturus, vinum calidè bibat cum vitellis ovi, cinamomo & nuce Moschatâ. Pultes ex lacte & farinâ, hordeo mundato, aut oryzâ fumat. Acida & salsa, uti & cruda, angue pejus vitanda.

*Quidam Scorbuticus post diutinam diarrhœam tandem obiit.*

A diar-  
rhœa dena-  
ti anatomi-  
cæ.

**I**N Hepatis gibba parte atheroma rotundum & amplum se exhibuit, idque proxime posticam Diaphragmatis regionem, juxta venam cavam, pugni magnitudinem fere æquans, ac pondere fere unciarum sex: materia continens partim erat fluida & gelatinæ instar pellucida, partim crassa albi pultis in modum. Hepar solito majus, vasa sanguinea intestinorum valde turgabant, & varicum instar dilatata.

Istud *Atheroma* in gibba parte factum, portæ venam ita compressit, ut sanguis Hepar ingressurus, regurgitare cogeretur, hinc contra valvulas ita comprimebatur, ut vascula varicosa viderentur: interim Humores à glandulis intestinalibus sequestrandi, majori copia emanabant, quam solet; ob compressionem enim vasorum, vi quasi, ex sanguine exprimebantur; qui ob acrimoniam, quam ex mora contraxerant, diarrhœam induxerunt.

Hepar erat solito majus, quia ob compressionem sanguis ex portæ vena incavam versus cor redire non potuit: quâ viâ præclusâ, vasa Hepar per-reptantia magis distendebantur, unde & totius molis distensio.

*Puellula quædam bono corporis habitu prædita, enormi corripitur Diarrhœa, postea nonnihil remittens, & tandem cum vomitibus recrudescens. Fuit in dextro hypochondrio durities, aderant sitis, pervigilia, dolor capitis, stercora alba, & virium prostratio. Denique Epileptica obiit.*

Alia.

**A** Cervice ad dorfi finem spina erat nigra. Ventriculus aliquo modo nigricans & putridus, humorem continens viridem: jecur scirrhosum. Folliculus fellis nigricante bile turgidus. Cerebrum ingens aquæ innatans.

Videtur fuisse species alicujus febris malignæ, cui cætera symptomata comitavere.

**DYSENTERIA** major fluxuum alvinorum gradus est; in eâ enim excernitur sanguis, purulenta materia, & aliquando glandulæ intestinorum cum torminibus & intestinorum dolore, non sine febris & siti. Estque potius Febris symptoma, quam ipse morbus. Hic etiam acre & rodens aliquos acidum



acidum peccare videtur, cujus ope intestinorum interior tunica corroditur, & tenella vascula sanguifera aperiuntur, atque sic primo prodit sanguis: deinde abrasâ tunicâ gignitur pus, quod cum abrafis particulis excernitur. Acris redditur sanguis sive ab aëre arsenicali, aut à veneno assumpto, *Arsenico* scil. *Sublimato*, *Auripigmento*, aut nimia quantitate quorumlibet Purgantium.

Malum si hæret in tenuibus intestinis, longè pejus est quam in crassis & carnosioribus. Si habeat vomitum & febrim comitem periculosior, quam sine. si maligna sit & contagiosa, non sine periculo est: vomitus cum singultu jugi si adjungatur, deterrimum significat statum, cum & ipse stomachus affectus sit. Stercora colore viridi, nigro aut vario cum foetore intolerabili, deterrima; si superveniat ructus, aut flatus per podicem emittantur, bonum est, tunc enim succi digestivi & fermentescentes in pristinum reducuntur statum: sed mors in propinquo est, si convulsiones & deliria appareant. Si veluti carunculæ deponantur, *θαλάσσιον*, & eo magis quando dolores subito cessant, quod, ut in ileo, lethale: tunc enim gangræna aut sphacelus adest, & certe moriuntur: In morbi principio vomitus biliosus, periculo non vacat, nihil enim bilis tunc relinquitur, qua succorum acrimonia obtundatur. Variolis, aut febribus malignis superveniens, pessimum est. Si febris superveniat, aut si adfuerit, intendatur, non bonum, indicans inflammationem adesse, præsertim si interna urantur, & externa frigeant: Instante morte absque pulsu algidi jacent, quamvis de partium interiorum intenuissimo æstu conquerrantur. Si Lienteria superveniat, pessimum, tunc enim nihil succi nutritii ascendit, & vires non restaurantur. Sic advenientes Aphthæ, ut & singultus, pessima signa. Ut plurimum abortiunt, si gravidæ incurrant dysenteriam: aut si debito tempore foetum enitantur, non raro liberantur, nam tum per lochia quidquid peccat, excernitur, Aphthæ exeunte morbo ad venientes, mortem imminentem ut plurimum denuntiant. Sic manuum & pedum frigore superveniente, in maximo erit æger periculo.

Post veneris exercitium constipatur alvus, ergo dysentericis purature esse remedium. Si podex hiet, in Lienteria, paralytis adest; sin vero arctè claudatur, tumor cum inflammatione præsens est, quod signum est mortiferum. Ex dysenteria pueri & senes facile pereunt: intestina enim puerorum sunt admodum tenella, corruptioni & spasms maximè obnoxia, & ut senes, vires ferre non possunt hostem si ob consumptionem & erosionem tunicæ glandulosæ intestina callo obducantur, chylus per vascula lactea ascendere nequit, hinc atrophia, & marasmus. Si sanguis sincerus ne minimo quidem mucos admixtus singulis ejiciatur conatibus, corrosionem majorem aliquot vasorum, quæ intestina perreptant denotat; ægroque interitum minatur.

Itaque illud acre evacuandum est & temperandum, febrisque est jugulanda. Levia primo purgantia præscribi solent, quæ simul constringunt. Ex. gr.

*Recipe Rheitosi, drachmam unam.*

*Myrobalanorum citrinorum, drachmam semis.*

*Cornu cervi usti, scrupulos duos.*

Misce.



Misce fiat pulvis. vel,

*Accipe* Rheitosti,  
Mechoacannæ, *ana drachmam semissem.*  
Mivæ cydoniorum, *quantum sufficit.*  
Misce fiat Bolus. vel.

*Recipe* Myrobalanorum chebulorum.  
citrinorum, *ana sesquiunciam.*  
Passularum majorum, *uncias duas.*  
Coque ex aquâ chalybeatâ ad consumptionem  
medietatis, colaturæ adde  
Cinamomi tusi, *drachmas duas.*  
Misce.

Simul purgat & astringit. Verum hæc cum omni prudentiâ sunt præscribenda, ut supra innuimus. Omnia *Acidum Temperantia* longè meliora sunt, quia hisce causa tollitur, de quibus statim. Interim enematum usus non est negligendus. Ex.gr.

*Recipe* Lactis recentis, *uncias decem.*  
Terebinthinæ, *uncias decem.*  
Vitellorum ovorum, *Numero tria.*  
Misce fiat Clyster. vel,

*Recipe* Cerevisiæ recentis, *uncias decem.*  
Myrrhæ,  
Thuris,  
Mastiches, *ana sesquidrachmam.*  
Boli Armenæ, *drachmam unam.*  
Misce fiat Clyster.

*Cape* Glutinis vulgaris, *unciam semis.*  
Terebinthinæ, *drachmam semis.*  
Plumbi crudi, cum aqua in pulverem tusi, *drachmas tres.*  
Amyli, *drachmas duas.*  
Lactis Chalybeati, *uncias decem.*  
Misce fiat Enema.

*Balsamum Peruvianum* cum vitello ovi clysteribus admixtum, multum utilitatis adfert. Negligenda sudorifera non sunt, ex *scorzonerâ*, *cornu cervino rasato*, *Radicibus contrayervæ*, *croco*, &c. danda quoque sunt, quæ astringunt, confortant, & acidum temperant. Cavendum ne stringentia nimis maturè dentur: quia tunc saburra acris in sanguine manet, unde Mors, vel Mania, Apoplexia, Pleuritis, sanguinis vomitus, scabies, &c. expectantur. Præscribe ergo sequeintia, ut



*Sume* Oculor. cancri,  
Coralli rubri, *ana drachmas tres.*  
Olei macis stillati, *guttas decem.*  
Misce fiant Pulveres octo.

De quibus duo vel tres singulis diebus fumantur. vel,

*Recipe* Mastiches,  
Cornu cervi usti, *ana unciam.*  
Balsami peruviani, *guttas sex.*  
Misce fiat pulvis.

*Dosis* eadem est ut supra.

Cum vitello ovi Balsamum Peruvianum fumere licet. vel,

*Recipe* Spiritus Menthæ,  
Tinct. cinamomi, *ana uncias duas.*  
Oculor. cancri, *drachmas duas.*  
Antimonii diaphoretici, *scrupulos duos.*  
Diascordii, *sesqui drachmam.*  
Olei macis, *guttas sex.*  
Misce detur cochleatim. vel,

*Sume* Radicum consolidæ majoris, *unciam unam.*  
Folior. Hyperici,  
Hederæ terrestris, *ana Manipulum unum.*  
Cornu cervi raspatum, *sesquiunciam.*

Coque ex aqua chalybeata, ad uncias viginti. Colaturæ adde  
Tinct. cinamomi nostræ, *unciam unam.*  
Catechu, *uncias duas.*

Misce fiat potio, quotidie calidè sorbenda. vel,

*Cape* Tinct. Hyperici, *uncias quatuor.*  
Aq. Menthæ,  
Cinamomi, *ana unciam unam.*  
Laudani opiatum, *grana duo.*  
Misce. fumatur cochleatim. vel,

*Recipe* Pulv. Consolidæ majoris, *uncias duas.*  
Diascordii, *drachmas duas.*  
Antimonii diaphoretici,  
Cornu cervi usti, *ana sesqui drachmam.*  
Mastiches, *drachmas duas.*  
Terræ Vitrioli dulcis,  
Nucis Moschatæ, *ana scrupulos duos.*  
Vini (nomine *vin tint*) quantum sufficit.



Misce fiat conditum.

*Dosis* bis vel ter de die, ad magnitudinem nucis moschatæ. vel

*Recipe* Laudani Opiati, *grana decem.*

Croci Martis,

Salis saturni, *ana grana sex.*

Misce fiant pilulæ numero viginti.

*Dosis* est pilula una nonnunquam sumenda. vel,

*Recipe* Oculorum cancri,

Mastiches,

Bals. sulphuris terebinthinati.

Scoriæ ferri,

Antimonii diaphoretici, *ana drachmas duas.*

Balsami peruviani, *guttas decem.*

Spiritus vini, *quantum sufficit.*

Misce fiant tabellæ.

Quidam carnem infumatam in patellâ leni igne exsiccant, contusam cum vino rubello astringente assumunt.

## TINCTURA CINAMOMI NOSTRA.

*Recipe* Cinamomi acuti, *uncias quatuor.*

Nucis Moschatæ, *unciam unam.*

Olei Macis destillati, *guttas viginti.*

Spiritus vini, *uncias duodecim.*

Misce fiat tinctura.

Quæ cochleatim cum vel sine vehiculo assumi potest. Pro rerum exigentia aliquot *Opii* præparati grana admisceri possunt.

## OPIUM PRÆPARATUM.

*Recipe* Opii exsiccati, *quantum placet.*

Extrahatur Tinctura cum spiritu vini tartarificato, quæ in consistentiam massæ pilularum est evaporanda: plerique *Castoreum*, *Crocum*, similiaque addunt, sed quid utilitatis in tam exigua *dosi* afferant, non video. Ideoque *olea stillantia Cinamomi Caryophyllorum* &c. magis convenirent: uti & *Moschus*, *Ambra Grisea*, &c. cujus grani quantitas plus valet, quam octo *croci* vel *Castorei*.

## TINCTURA HYPERICI.

*Accipe* Florum hyperici recens ficcatorum, *unciam unam.*

Solidaginis saracenicæ, *unciam semis.*

Radicum chelidonii Majoris, *drachmas duas.*

Spi-



Spiritus vini, *uncias duodecim.*  
Tincturam extractam filtra, & ad usum repone.

## T I N C T U R A C A T E C H U .

*Recipe* Catechu, *uncias duas.*  
Spiritus vini, *uncias duodecim.*

Extrahatur Tinctura.

Abdomini imponi potest arena calida vel aliquod Emplastrum roborans & confortans ex Theriacâ, & oleo ex radicibus cinamomi, Caphoræ dicto cum oleo maceris expresso. Cibi cum cinamomo condiantur & nuce moschata. Inter cibos habeatur *ωβγαλα* cum cinamomo, lac oryzatum, vinum calidum vel cerevisia cum aromatibus. Sæpe curatur amylo ex lacte cocto, vel papyro-alba cum lacte elixa.

*Hortulanus diuturna Dysenteria denatus, aperiebatur.*

Intestina erant admodum inflata, interiorque tunica penitus abrafa. Hepar sublividum. Vesicula fellis viscosa, imo pultacea ac crassa bile distenta acturgida.

Deficiente in corpore nostro bile, quæ suo alcali omnem aciditatem amovet, humores acidi & acres certissimè in sanguine abundare debent. Hinc sanguis coagulatur, & recens chylus acorem contrahit. Jam facile causam invenimus, cur hepar hujus cadaveris fuerit sublividum; sanguis enim illud viscus petransiens, nimia aciditate fuit sphacelatus, unde color plumbeus. Porro ex sanguine ita coagulato ac viscido nihil bilis potuit sequestrari, nisi humor crassus, lentus vel pultaceus.

Dysenterici anatome.

Acidi porro humores, qui à glandulis intestinorum segregantur, non modo convulsiones, unde eorum inflatio; sed & corrodendo continuam fæcum egerendi necessitatem pariunt. Nam *Dysenteria* nihil aliud est, quam frequens humoris acris & acidi cum dolore egestio, cui & febris cum siti adjungitur. In hujusmodi morbis chylus adeo acidus evasit, ut sanguini jungi & misceri non possit, eodem ferè modo ac lac secretum nunquam ita exactè uniri potest, sed semper ab invicem caseus & serum secedent, illudque mulierculæ culinariæ ob servant, cum crassamentum lactis serosi subfidere & fundum petere videant. Ita casei & feri secretio, cur quoque chylo nostro non esset applicanda? caseus in hoc affectu sanguinem reddit tenacem, crassum & viscidum: serum acidum ad intestina ruens, ibi convulsiones & corrosiones excitat, unde dolores & frequens egestio. Sanguis coagulatus tandem, ob motum particularum acidarum & alcalicarum incalescit, febrimque adfert, & salivæ inopiam, qua sitis excitatur.

Juvenis decimum quintum annum agens, nomine *Corn. Brouwer* incidit in Diarrhœam, quæ tres quatuorve septimanas continuavit. Medicus in Medela m ei adstringentia quædam præscripsit. Desistente Diarrhœâ, delirus factus, & simul cæcus: Mense tertio post hæc primo lumen conspicebat, & cæcitas sensim evanuit: sed brevi post iterum subito in cæcitatem incidit: tunc os frontis cauterio fuit ustum, sed sine successu, & post Diarrhœam annis rham.



annis 24 post illud tempus cæcus mansit : sed quod notandum , illum tempore bienni bis vidisse , & bis cæcum fuisse.

Aphonia  
post dysen-  
teriam .  
Inhibitz  
dysenteriz  
sympto-  
mata.

Alium novi qui post Dysenteriam loquelam amiserat , sed seraceo restitu-  
tus.

Fœmina agens annum sexagesimum , *Dysenteria* laborans , ex consilio fœ-  
minæ vicinæ , ad fluxum inhibendum , panem album calidum & recens cli-  
bano seu forno exemptum , cum olivarum oleo devorabat ; hoc  
modo fluxus aliquantisper obediebat : quid fiebat ? in omnibus totius cor-  
poris membris non exiguus dolor oriebatur , præsertim in articulis cum pustu-  
lis & prutitu.

Hoc factum , quia acres humores , qui in intestinis elutriabantur , in sangui-  
ne manebant , membranasque vellicabant , unde dolor. Deinde , quia dia-  
phoresis , ut decet , non respondebat , particulæ acres in cute subsistebant , pus-  
tulas , pruritusque concitabant.

Ut itaque fluxus humorum acrium versus intestina revocaretur , ope Rha-  
barbari purgata est : deinde bis aut ter sudavit , & tandem acidum temperan-  
tia sumpsit.

Dysente-  
riz curatio  
ab arseni-  
co.

Post assumptum *Arsenicum* , &c. in dysenteriam lethalem quandoque labi-  
mur : assumpto Arsenico , corroditur ventriculus & intestina ; præcedunt  
primo convulsiones , & Inflammationes , deinde gangræna & Sphacelus. Si  
nimis sero non fuerit , statim Emetica danda , præsertim pingua ex oleo aut  
butyro liquido , ut acumen particularum corrodentium obtundatur : vomitu  
largiter peracto , æger se ad lectum componat , & haustum sudoriferum sumat ,  
ex *Theriaca* , *Opio* , *Acidum* & *acre domantibus* & *expellentibus* , &c. ne scili-  
cet sanguis accessu veneni coaguletur , & ut motus intestinalis cum motu pro-  
gressivo fervetur. Superbibat continuò lac dulce calidum , vel potius creino-  
rem lactis dulcem & recentem. Erosi ventriculo & intestinis nullum inve-  
nietur Antidotum.

Hyperca-  
tharsis.

Sæpe à purgantibus nimis acribus inducitur *ὑπερκαθαρσις* sive SUPER-  
PURGATIO , hoc est , Purgatio modum excedens & ad animi deliqui-  
um : in hoc casu fluxus nimis non tantum compescendus , sed vires exhaus-  
tæ sunt reficiendæ , Exempli gratia.

*Recipe* Tinct. Cinamomi,  
Aq. Menthæ,  
Melissæ , *ana. unciam unam & semis.*  
Tinct. Catechu , *uncias duas.*  
Laudani Opiati , *granat tria.*  
Olei Macis stillati , *guttas sex.*  
Misce detur cochleatim.

Si deficiant vires , acetum naribus admove , & non nihil vini præsertim rhe-  
nani bibatur. Post refectionem dato cibum forbilem ex lacte cum ovis , &  
cinamomo , aut Jusculum carnis ; aut simile quid. Illinatur abdomen oleis  
calorem adferentibus , & penetrantibus.



In CHOLERA non tantum intestina sollicitantur ad evacuationem nimiam, sed etiam ventriculus; in quâ humores acres & biliosi *ἀνω καὶ κάτω* ejiciuntur, non sine magnâ anxietate & subitâ virium prostratione. Abdomen sæpe intumescit, adsunt murmura, dolores, morsus, sitis, cum calore & anxietate: parvus nonnunquam pulsus est & inæqualis; sudor frigidus erumpit; adsunt convulsiones, Lipothymia, Frigus partium extremarum cum febri aliisque symptomatis.

*Causa* est quædam acrimonia succi intestinalis, & ventriculi, cujus causa sæpe externa est ut ex venenis assumptis, ut statim dictum, vel ex fructibus citò in ventriculo, &c. corrumpentibus, ex malis, pomis, prunis, inalis persicis, uvis, musto, &c. vel ab aquâ nimis frigidâ epotâ, aut ex balneatione nimium frigidâ, aliâve frigidâ causâ: vel ab aere venenato & arsenicali: irritantur itaque ventriculus & intestina, à succis illis acris convulsionem nimiam inducentibus, atque hoc motu vehementi etiam elutriatur bilis, hinc excrementa bile sunt tincta: quamvis in causâ non sit, nam per accidens tantum emulgetur. Magnæ durationis istud symptoma non est, quia sæpe ægri brevi temporis spatio à vitâ tolluntur, nam omnes partes fluidæ & solidæ conturbantur.

Accessus iste vehemens est compescendus, deinde sanguis, omnesque succi sunt temperandi. Primo Clysteres sunt injiciendi, ut

Curatio.

*Recipe* Cerevisiæ recentis, *uncias decem.*

Caphoræ, *drachmam semis.*

Vitellorum ovorum, *numero duo.*

Opii, *grana decem.*

Misce fiat clyster. vel

*Recipe* Juris pinguium, *uncias decem.*

Diascordii, *drachmas duas.*

Oleiraparum, *unciam unam.*

M. fiat clyster. vel,

*Recipe* Terræ catechu, *drachmas duas.*

Lactis dulcis, *uncias decem.*

Cretæ albæ, *unciam semis.*

Misce fiat Enema. vel,

*Sume* Decocti capiti papaveris, *uncias duodecim.*

Amyli, *unciam unam.*

Misce fiat clyster.

Vel sequens Mixtura cochleatim dari potest:

*Sume* Aquæ Menthæ,

Fœniculi,

Vitæ Matthioli, *ana unciam unam.*

Theriacæ veteris, *drachmas duas.*

D 3.

Tinct.



Tinct. Catechu, *unciam unam.*

Cretæ albæ, *drachmam unam.*

Misce. vel

*Recipe* Mithridatii, *scrupulos duos.*

Requiei Nicolai, *scrupulum unum.*

Olei Macis stillatitii, *guttas sex.*

Misce fiat Bolus.

Si hisce nihil promoveatur, dato *Laudanum opiatum* ad grana tria. Illinatur quoque alvus oleis penetrantibus: accessu cessante, præscribe acidum temperantia, ut reliquæ nempe mortificentur ex chalybeatis & Petrofis, cum croco, macere & similibus. Potus Theæ aut salviæ, aut Origani Hispanici juvat, uti & quies. Bibat nonnunquam vinum nigrum, (*Vin Tint*) sic levis sudatio etiam non nocebit. Supra ventriculum applicari possunt penetrantia, ex spiritu vini, caphora, cum panerecenti & adhuc calenti. Vel applicetur fofus ex mentha, absinthio, macere, caphora &c.

Cholera  
sicca.

Alia CHOLERA dicitur SICCA, quando sursum & deorsum flatus erumpunt: quæ originem habet à pituitâ inflatâ, quæ levi purgatione est expellenda: deinde carminantia sunt danda, ex corticibus Arantiorum, Semine coriandri, Anisi, carei & similibus.

Lienteria  
& coeliaca  
passio.

LIENTERIA & COELIACA PASSIO idem est symptoma, gradibus tantum differens. In prima cibi egeruntur, ut sunt assumpti, absque ullâ sensibili mutatione. In alterâ vero cibi vel plane mutati sunt, vel ex parte, aut absque chyli ascensione per podicem excernuntur.

Causa lienterix consistit in defectu succi ventricularis intestinalis, vel obstructione glandularum ventriculi & intestinorum, à viscidis nempe humoribus. In *coeliaca* quidem *passione*, chylus ob succi fermentativi præsentiam in totum vel ex parte mutatur, verum post longam inedia, dysenteriam, glandularum mesenterii obstructions, &c. oscula vasorum chyli ferorum concretescunt, vel cicatrice obducta sunt, atque sic omnis chylus una cum crassa mentis egeritur; sic bilis defectu chylo fluiditas denegatur. Atque sic gradibus sæpe malum vel majus est vel minus. Hoc modo corpus chylo frustratur; hinc extenuatur tabe, vel Hydropicum redditur. Exemplâ docent, quod post diutinam Lienteriam inducta est Tabes vel Atrophia, nam quia nutritio non rectè procedit, vires vacillant; & quid quid sanguini inest succi facescit in cachexiam, idque præsertim si post graves morbos sequitur: ex ea quoque hydrops expectandus. Vide de prognosi quædam, ubi de dysenterix cura agitur.

In hisce pituita ejicienda, obstructions referandæ, fermenta restituenda: vel concretis vasculis lacteis, vix ulla spes super est. da primo purgationem ex *Rhabbarbo*, *Aloe*, vel *Hiera picra* &c. utere deinde sequente condito: Ex.  
Gr.

*Recipe*



*Recipe* Oculorum cancri, *unciam semis.*

Aloes,

Myrrhæ,

Croci, *ana scrupulum unum.*

Aquæ vitæ, *quantum sufficit.*

Misce fiat conditum vel,

*Accipe* Absinthii Romani,

Menthæ,

Mivæcydoniorum, *ana drachmas sex.*

Terræ sigillatæ, *drachmas duas.*

Spiritus Menthæ, *quantum sufficit.*

Misce fiat Conditum.

Alterutrius conditi detur matutino tempore ad unciam semissem. vel,

*Sume* Oculor. Cancrī, *drachmas duas.*

Antimoni diaphoretici, *drachmam Semissem.*

Carallorum rubrorum,

Cinamomi, *ana drachmam unam.*

Misce fiant pulveres quatuor.

Singulis diebus unus sumendus.

Comedantur nonnunquam quædam condita, v.g. Corticum Arantiorum, zingiberis, Nucis Moschatæ &c.

Vel absorbeatur *vinum calidum* cum tribus vel quatuor *ovorum vitellis*, saccharo & cinamomo. Ventriculo vel abdomini Emplastrum applicetur, ex Cerato santalino, aut Cerato stomachico Galeni. vel,

*Sume* Aloes,

Mastiches,

Myrrhæ,

Galangæ,

Spicæ Indicæ, *ana drachmas duas.*

Empl. de Meliloto, *uncias duas.*

Croci,

Olei carei stillati, *ana drachmam semissem.*

Macis expressi, *drachmam unam.*

Misce fiat Emplastrum.

Interdum Enema injicere licebit. *Dieta sit ex cibis Eupeptis*, cum haustu vini Anatome  
rubri Hoglandici. Cibi parcé sumendi: neque sorbillum potus Theæ nocebit. post dysen-  
Juvenis quidam quindecim circiter annos natus dysenteria eaque teriam &  
longâ & molestissimâ afflictus, morbo tandem superato, in alium ducebatur, fluxum  
chylosum nempe fluxum cum marasmo; per biennium prope cum perseve-  
rassent hæc omnia, morte tandem obiit; aperto cadavere & intestinis lus-  
tratis illa multis in locis callosa reperiiebantur. chylosum.

FLUXUS HEPATICUS, improprie dictus, in quo serum sanguineum

ex-



Fluxus excernitur, loturæ carniū non abſimile, ac ſæpe cum grumis ſanguinis  
Hepaticus. coagulati.

*Cauſa* videtur conſiſtere in ſero ſanguinis acri, quod ex glanduloſis in-  
teſtinorum acinis exſtillat; cujus acrimoniâ vascula inteſtinorum ſanguifera  
erodunt, ex cujus aperturis ſanguis extillatur, atque ſic ſerum deponitur cru-  
entum: ſi nimiâ copiâ ſanguis exſtilletur, ſæpe in grumos coaleſcit, atque  
hac facie excernuntur: vide *Inſtitutiones noſtras*.

Atque hoc modo ægri non parum debilitantur, hinc ſi accedat febris, aut  
morbus & à longo tempore duraverit, non ſine periculo eſt; diſponit enim ad  
Tabem, Hydropem, cachexiam. & quia præſupponitur ſemper aliquod  
Vitium in corpore latere, difficulter curatur.

*Curatio* eſt inſtituenda uti in Dyſenteria: Hiſce accedunt *ſudorifera* &  
*Diuretica* quæ acidum temperant: item roborantia & calida, ac ſimul vaſa  
eroſa conſolidantia. Vitanda ſunt acida, falſa & omnia acria.

Teneſ-  
mus.

Loco ſolum TENESMUS à cæteris differt. Eſtque continuus deſiden-  
di niſus, in quo nihil aliud excernitur, quam pauca viſcida, ſanguinolenta  
aut purulenta materia. Contingit tantum in inteſtino recto: in eo ſæpe viſ-  
cida pituitoſa hærent, quæque ad ſedem ſollicitant.

*Cauſæ* quoque eſſe poſſunt in eo, vel partibus vicinis inflammatio & ulcus:  
item inteſtinorum vel veſicæ calculi: aut piſcium ſpinæ inhærentes, quibus  
accedunt offacula, volva pomorum, Aſcarides, ſeſe in eo continuo moven-  
tes uti & Hæmorrhoides internæ, partus inſtans &c. Periculo caret, niſi  
vaſa erodantur majora, quorum continuus fluxus, ſi Medicamenti ſiſti non  
poſſit, admodum debilitat, imo & mortem ſæpe accelerat; gangræna aut  
Sphacelus imminet, aut anus ab excreſcentiis concreſcit. Expectandus eſt  
Ani prolapſus, vel ulcus ſordidum vel fiſtula. Utero gerenti ſupervenienti,  
ut plurimum abortus eſt expectandus, non tantum abortiet; ſed  
vitæ eſt periculum.

*Curatio* ferè eadem eſt ac in *Dyſenteria*, ſed quia ſymptoma illud in fine  
inteſtinorum exiſtit, hinc linimenti, ac Suppoſitoriis facilius cura inſtitui  
poſteſt. Sic ulcera mundanda Melle Roſato & Myrrhâ, vel Tincturâ cate-  
chu cum penicillo ex linteo carpto. Porro ſi conſolidari debeat, adde Bal-  
ſamum ſulphuris, Peruvianum aut Copaibæ. Si hæreant ſpinæ, offacula  
&c. digitus unus aut alter eſt intrudendus, ut eorum ope inhærentia extra-  
hantur. In veſicæ calculo nullum datur remedium, quam Lithotomia.  
Conveniunt clyſmata emollientia, mundificantia, conſolidantia & ſi  
aſcarides adſint, Enemata conſtent ex amariſ, abſinthio, colocynthide, a-  
loe, ſemine ſantonici; quibus adde mercurium dulcem &c. ex calculo, partu  
in ſtanti ceſſabit, cauſa ſublata. Aquæ Indos orientales frequenſ quidem  
Teneſmus, ſed crudeliôr exiſtit; hinc ob nimium æſtum (ut mihi relatum)  
ſeſe fluviis committunt.

Alvus af-  
ſtriſta.

Quid ſit ALVUS ADSTRICTA omnibus notum, quando nempe fæ-  
ces alvinæ nimium tardè ac non niſi cum difficultate egeruntur.

*Cauſa* conſiſtit in penuriâ ſpirituum ac ſuccorum, ut in paralyſi inteſtino-  
rum, & motu periltaltico abolito aut imminuto. Item in nimiâ à potu ab-  
ſtinentiâ;



stinentiâ, & ciborum siccorum assumptione : porro in obstructione glandularum intestinalium quæ ab humoribus viscidis obstruuntur : sic multi succi consumuntur per nimiam διαφύγησιν : item in defectu bilis : in Excrecentiis in intestinis, convulsionibus, vulneribus, inflammationibus, ileo : item post astringentium assumptionem, &c. Si in colo diu morentur, cellularum intestinalium formam adipiscuntur, ideoque ab Hippocrate Σκώβαλα dicuntur. Si nulla adsit inflammatio, excrecentia, paralysis, &c facilis erit cura; ast si nimis diu in intestinis remorentur, nimiumque indurentur, non nisi difficulter restituantur.

Nonnulli de *Lumborum dolore queruntur* uti & de difficili & gravi incessu, præsertim fœminæ, si alvo constipata laborent. *Dolor* iste aliunde non habet originem quam ab intestino colo facibus onusto, quod quoniam contiguitatem habet cum lumborum membranis, illæ elongantur, earumque fibræ nimium extenduntur, hinc gravis est dolor, hinc Nephritis aliquando frustra non suspecta est. Ab hoc intestino gravi Musculi lumbares & nervi ad crura euntes comprimuntur, unde difficilis incessus, sæpe cum stupore, nonnunquam cum vehementi dolore; quia ob compressionem, succi circulum non absolvunt, ergo stagnant, & corrumpuntur, tendinesque ac membranæ convelluntur.

Siraro contingat, periculo vacat : Sæpe adjunguntur immanes capitis dolores, lipothymix, oculi rubicundi. In colico dolore, si enemate sæpius repetito malum non cesset, malum, sed pejus in volvulo. Si à paralyfi intestinalorum, & si contrahantur, novi mortem fuisse insecutam in quodam natatore.

Alvus ergo laxanda Lenientibus, Laxantibus, Aperientibus, & aliquando purgantibus : sed purgantia raro assumenda. Si hisce nihil prodesse possimus, suppositoria sunt applicanda ex melle, sale, &c. vel Enemata purgantia & Excernenda indurata dissolvenda, quod injectione olei sæpe succedit. Laxato ventre sumat aliquando guttas aliquot *Elixiris proprietatis*, vel Vinum Medicatum sorbeat ex *Senis, Jalappâ, Polypodio, Semine carei, Anisi, Scyllâ.* &c. Cibus assumat qui facile digeritur, inter olera sunt Malva & beta, rapæ, Lactinia, Carnium Juscula, cichorea, Lupuli summitates, pruna : si per parcè potus sumatur, largius bibatur, sit tenuis cerevisia, recens, dulcis : Amara enim, diaphoresin præter modum auget, & alvum stipat. Pilulæ etiam ex Gummi Ammoniaco, Martis Vitriolo, oculis canceri, Aloë, &c. quotidie sumantur.

VERMIBUS infantes maximè molestantur, præsertim post ablactationem quando cibus dyspeptis utuntur : Verum adultior ætas, post assumpta largiori copiâ saccharata & fructus horarios non raro quoque vermibus laborat. Rotundi in intestinis tenuibus crescunt, uti & in ventriculo : sed *Ascarides* omnium minimi in intestino recto. In massam convolutam sæpe cohærent, intestinaque quasi obstruunt, eaque expandunt, unde aliquando durities, & ventris intumescencia, ita ut externè induratum hepar vel splen repræsentetur. Talis apparitio à circumforaneis *cen Ruyshoek* vocatur.

De causis productionis hic nihil dicam, de quibus antea in *Institutionibus.*



Continuò nares pruriunt, hinc digito sæpe scalpuntur; & livore oculorum ambitus depinguntur; quia sanguis ob crassitiem arteriolas narium & oculorum vix pertransire potest, ideo livorem adfert, verum quia sibi pungentes quoque particulas admixtas habet, prurigo oritur. Prurigo ista verum non est semper signum pathognomonicum, nam post crapulam nonnunquam nares pruriunt, hinc scalpendo sæpe oritur narium Hæmorrhagia; & non raro circulos lividos circum oculos habebit circumfusus. Ob lumbricos sentiuntur sæpe ventris dolores, ac motus in intestinis: interdum sæpe excernuntur, quod signum est certissimum. Verum quia illa signa semper non adsunt, ex prioribus peti debent. Aliquando ora foetent, ac multum salivæ excernitur, quia chylus cum sanguine non exactè miscetur; hinc facile ductibus salivalibus elabitur: & quia in sanguine corrumpitur, ideo foetet. Porro ob corruptum chylum, instar lactis ebutyrati, urina lactescent; quoniam ex chylo corrupto, & acri spiritus animales satis volatiles non producantur; hinc inter dormiendum terrore afficiuntur, ac de rebus horribilibus insomniant, quia cerebri fibrillæ ob particulas heterogeneas diversimodè commoventur. Ob succum in ventriculo acrem ac vellicantem, πολύφαγί sunt, & insatiabili fame sæpe torquentur. Sic quia chylus corrumpitur, non pinguescunt, sed macie extenuantur. Tympani in modum sæpe abdomen intumescit, ob nimiam pituitam inflatam & lumbricorum nodos convolutos; item ob obstructions in mesenterio, hepate, liene &c, præsertim si alvus adsit adstricta. Raro à febris planè liberi sunt, sed levem experiuntur erraticam.

Diu aliquando absque detrimento lumbricos alunt, quia chyli corruptio gradibus differre potest. *Ascarides* motu continuo non quidem magnopere lædunt, sed molestiam pruriginosam recto intestino inferunt; raro commordent. Lumbricis latis & longis rarissimè pueri infestantur: Ast si ejusmodi alant, miserrimi sunt, nam difficile ejiciuntur, imo ad aliquot annos molestiam pariunt. Quo pauciores ac juniores, eo cura celerior: contrarium, si adsit febris, aliaque symptomata, eo tardius cura instituitur, quia sanguis nimium corruptus est. In febribus continuis, ardentibus & periculosis, si excernantur, lethale sæpe signum observavi.

Ne infantes aut paulo adultiores in vermes incidant, præcavendum, imo curandum ut potius interdum aliquod Anthelminticum sumant. Ex gratia, si puppa ex cornu cervino rasato cum rhabarbaro in hydromelle suspendatur: vel grana aliquot *Mercurii dulcis* cum *corallina* assumant aliquando oportet. Porro *Curatio* consistit in necandis vermibus, & ut acidi & pituitæ accretio caveatur, & quod in corpore est expellatur. Inter vulgaria nihil vulgarius quam *semen santonici*, aut *semen Tanaceti*: huic *allium* accedit: ambo illa ex sale constant volatili aromatico, quo pituita inciditur & acidum domatur, quorum essentia vermes moriuntur. Inter Mineralia habentur præsertim *Mercurius dulcis*, *Cinnabaris nativa*, *precipitatum album*; &c. præparatio sit ut sit, omnis curatio à Mercurio dependet: quia, ut alibi dictum, Mercurius omnes aculeos acidos absorbet, & se habet instar echini, qui ab omni parte tactus, lædit, atque hoc modo vermes roduntur, encantur.



cantur. Omnia amara, ut *Absinthium*, *Rhabarbarum*, *Crocus*, *Colocythis*, expellunt, & necant vermes, quoniam ex sale volatili aut fixo aromatico constant, nam incidunt pituitam, acidum absorbent, bilis productionem & fluiditatem procurant, & diaphoresin augent. Ejusdem quoque commatis sunt Alcalia fixa, ut sunt *Corallia Rubra & Alba*, *Corallina*, *Chalybeata*, &c. quibus si aromatica adjungantur & pituitam incidunt, & acidum magnoperè temperant: *causâ porro sublata, tollitur effectus*: hinc omnia Antihelminthica ex Alkali volatili aut fixo constant.

Ex *santonici semine* quædam præparata haberi possunt: præparatur itaque Tinctura, ut

Recipe *seminis santonici* unciam unam, *aloes*, drachmam semis, *Vini Hispanici*, uncias decem, & in loco calido fiat secundum artem Tinctura.

Bis singulis diebus, mane & vesperi cochlearis quantitatem singulis vicibus fumant. Extractum porro concinnari posset. Coque itaque integram libram *Seminis Santonici*, extrahe coquendo cum aquâ omnem Tincturam, deinde leni igne in pilularem formam evapora; de qua singulis vicibus quatuor aut quinque grana fumantur cum pulte, aut assato pomo. Sic etiam pulveris formâ à granis decem ad triginta singulis diebus cum vino Hispanico propinatur. Ejusmodi præparationes asservari possunt ex *semine Tanaceti vulgaris*, quæ ejusdem sunt virium & *scoræas*. Sic & placentulæ & liba ex harum pulvere parari possunt; alii conficiunt tabellas, aut panem Martium cum hoc semine. Quædam Medicamina insipida parari possunt, ex. gr.

Recipe Mercurii dulcis,

Mechoacannæ, ana drachmas duas.

Misce fiat Pulvis.

Cum hoc pulvere forma libum aut placentam; sic quatuor doses aut quinque habebis pro subiecto sex, septem aut octo annorum.

Sic *Allium*, quod, ut dictum, ex sale volatili oleoso constat, pellit vermes, si capita coquantur ex lacte dulci, & decoctum colatum aliquot dies pro potu matutino fumatur. Vires etiam vino Hispanico elici possunt, de quo singulis diebus cochlear unum aut alterum detur. Ex Mercurialibus etiam parari possunt *Pulveres*, *Pilulæ*, *Tabellæ*, *Placentæ*, *Aquæ*, &c. ut,

Recipe Mercurii dulcis,

Scammonii, ana grana sex.

Misce fiat Pulvis. vel

Recipe, Cinnabaris nativæ,

Resinæ jalappæ, ana grana quinque.

Misce fiat Pulvis. vel

Recipe, Calomelas, grana decem.

Corallinæ præp. scrupulum unum.

Misce fiat Pulvis.

Hi dantur ab annis sex ad septem & octo pro viribus. Sic Pilulari forma cum prædictis Extractis exhibeantur.

Ex Venere etiam parantur. Ex. gr. E 2

Recipe



*Recipe* Vitrioli Veneris, *grana quatuor.*  
 Vini Hispanici, *unciam semissem.*  
 Misce.

De hac Mixtura ad guttas duas aut tres jejuno stomacho cum vino aut cerevisiâ detur. Vel *Vitrioli cerulei* grani quadrantem singulis matutinis cum pane butyrato sumant.

Externa quidam parant, ex *Oleo Absinthii*, *Myrrha*, *Aloë*, *Felle Taurino*, &c. Quæ si per cutis poros in sanguinem & succos penetrent, Medelâ erunt ut,

*Recipe* Myrrhæ,  
 Aloës,  
 Colocynthidis, *ana drachmas duas.*  
 Fellis bovini, *unciam unam.*  
 Misce.

Ponantur simul per aliquot dies in loco calido: colaturæ deinde adde

*Olei Absinthii stillatitii, guttas decem.*

Hac Mixturâ illinatur abdomen. Si spissiores consistentiam desideres, adde nonnihil ceræ: addunt hisce nonnulli Mercurialia; sed hæc prudenter sunt applicanda, ne incuriâ salivatio oriatur, ideoque illa Tyronibus non suaderem: ad exemplum sequens esto.

*Recipe* Ung. Arthanitæ, *unciam unam.*  
 Mercurii vivi, *drachmam semissem.*  
 Misce

Alternis diebus illinatur abdomen: verum si os foetere incipiat, desistendum.

Dolor  
 colicus.

COLICA PASSIO dolor est plerumque intestinorum, cum intolerabili dolore, vomitu ac nonnunquam convulsione omnium imi ventris partium. Læsa sunt intestina, aut mesenterium, omnesve partes vicinæ: dolor sæpe fixus est, & non raro vagus: interdum vomunt, aliquando multos flatus excernunt. Per accidens oboritur, vel radicata est. Dolor est sursum vel deorsum; ad latera; in medio, &c. Post colicam passionem, dissecto cadavere, intestina inflata inveniuntur, ac humore glutinoso intus obducta, imo sphacelo nonnunquam correpta; atque non tantum intestina, sed & ipsum mesenterium, omentum, &c. Ex doloribus lancinantibus constat acidum huic morbo originem præbere. Videntur etiam non tantum intestina, sed & ipsum mesenterium aliquando laborare. Quando itaque è glandulis intestinalibus humor exstillat glutinosus & acris, quo intestina conveillantur, dolor iste oritur: & quia materia illa loco moveri non potest, fixam sibi ibidem adsciscit sedem, hinc dolor fixus; quæ materia, si fuerit in diversis locis dispersa, etiam dispersus est dolor: ast si interim nervi convelluntur, vagus est do-



lor: à convulsione interim admodum inflantur, unde expansio abdominis: convulsione itaque remittente, remittitur expansio; & flatus compressione musculorum abdominis emittuntur. Hisce quoque convulsionibus per nervorum cum ventriculo convulsionem, facile oritur *Vomitus*: sic ab eadem causâ ob convulsiones vasa mesenterii sanguifera comprimuntur, & sanguis in cursu retardatur, cujus mora si diu sit, *Sphacelus* oritur. Sic causa esse potest in succo acido pancreatis: in pancreate scirrroso, in obstructo à calculis fellis folliculo: in obstructis mesenterii glandulis, & tephaceâ materiâ infarctis, &c. sed tunc dolor sæpe tolerabilis est, verum fixus. In infantibus lactis accrescentia & corruptio in causâ esse potest, hinc continuus ejulatus, & excrementa viridia, foetentia & disjuncta, una sæpe cum pituitâ tenaci: urina graveolens est, & mordens. Sic à frigore tam adultis quam infantibus accedit dolor, ob diaphoresin nempe prohibitam, acidum intus manet, & ad intestinorum cloacam amandatur, quia ab aliis glandulis fecerni non poterat. Qui defectu laborant bilis, acido & viscido abundant, quia illa in sanitatis statu à bile subiguntur, ut alias sæpius dictum: interim deficiente bile, à corrosivo acido ex lacte acescente, aceto nimio, vinis rhenanis, fructibus acidis, limoniis, arantiis &c. intestinorum membranæ convelluntur, corroduntur. Ob anomalias hæc sæpe interiora frigent, quia sanguine frustrantur calido: hoc modo sæpe inducitur febris symptomatice, &c. Ventrictormina, vomitus, febris, motus convulsivi oriuntur (adstipulante Clarissimo C. *Stalpart van der Wiel*) à bile per vesiculæ felleæ poros sudante; qua bile duodenum & ventriculus exterius flavo colore tinguntur. Quod & iis evenit, quibus in folliculo calculi sunt; unde obstructio, & exsudatio. Nonnunquam etiam à frigore inducitur: si pedibus nudis incedas; vel diu frigidi à quavis causa fuerint. Nobilis Gallus à *Nob. Boyleo* citatus, qui in frigidissimis locis meruerat, narrat, se olim quosdam ab hac colicâ, aut ileo extinctos vidisse; quibus abdomine post mortem aperto intestina livida & glutinosa sanie sibi invicem adhærentia, inventa sunt. Gangræna enim à frigore inducta, siderata erant, & putrefacta.

*Colica* per se quidem malum tantum non est, sed periculi plena imo Lethifera, si symptomata crudelia superveniant: convulsiva quoque periculosior, quam ex humoribus pituitosis, acidis, corruptis, quia pareses, Epilepsiæ, gangrænæ, sphacelus exinde expectantur. Bonum signum si alvus non constringatur. Quo plura symptomata, eo pejus. Degenerat quidem in dolores arthriticos, & vice versa. Casu, facile curatu & non ita periculosa, verum quæ altas egit radices, pertinax est & ad hebdomadas & menses extenditur. Sæpe in Paralyfin mutatur, ob motum nervorum nimium, & obstructionem succi nervosi. In Paroxysmo dolor quam primum sistendus, sed extra eum est causa expellenda. Primo Enemata sunt injicienda ex lacte vaccino, saccharo & sale.

Vel ex jure vervecino, oleo lini, sulphure vivo.

Vel ex urina sani hominis, vitellis ovi, &c. calidè injicienda, ut calore pituita solvatur & attenuetur, sic soluta pituita, una cum enematis contento deponitur, dolorque cessat. Si pertinax fuerit dolor, sequenti modo procede.



Præparentur enemata ex *Aquâ salsâ*, *spiritu vini*, *Opio*, *Terebinthina vitello ovi soluta*.

Vel ex decocto *capitum papaveris*, *opio*, *caphora*.

Vel ex *spiritu vini*, lacte dulci, pipere.

Vel fiant suppositoria ex *opio* & *melle*.

Vel ex *Philonio Romano* & *melle*.

Fotus ex *Chærefolio*, *Camomilla*, *melissa*, *floribus sambui* &c. ex lacte calidè applicari possunt.

Vel fotus fit ex solo *Tabaco*: aut ex *Arenâ* calidâ, *lapidibus* calidis: item stupa ex funibus picatis dissoluta, ut & *muscus*, quo utuntur naupegi in navium rimis claudendis, cum spiritu vini calidè applicetur.

Interim dantur cathartica, ut pituita abradatur, expellatur. Nonnunquam descenditur ad Emetica lenia.

Supernè quædam dantur flatus discutientia, & dolorem sedantia aut lenientia, quibus volatilia vel fixa seu acidum absorbentia accedunt, nempe ex *Aqua Fœniculi*, *Petroselini*, *Mentha*, *Spiritu Cochleariæ* & *salis Armoniaci*; *Oleo Anisi* vel *carei* &c.

Vel ex *Millepedibus*, *floribus salis armoniaci*, *Laudano opiato*, *Terebinthina* &c. exinde fiant pilulæ.

Aut ex *Castoreo*, *Caphorâ*, *Croco*, *Laudano opiato*, *oculis cancri*, *semine Anisi*: exinde fiat pulvis.

Sæpe curationem largo haustu lactis dulcis calidi cum ovi vitellis institui, tunc enim ab adveniente lacte acidum coagulatur & in grumos facescit, atque sic absorbetur, quod corrodebat, & quod viscidum, calore inciditur: addo nonnunquam quædam laudani opiati grana vel cochleatim forbeat sequentem mixturam:

*Recipe* *Philonii Romani*, *drachmam unam*.

*Laudani opiati*, *grana duo*.

*Olei carei*,

*Anisi*, *ana guttam unam*.

*Aquæ Menthæ*, *uncias quatuor*.

Misce.

Vel sequentem fumat bolum.

*Recipe* *Philonii Romani*, *drachmam unam*.

*Laudani opiati*, *granum unum*.

*Olei Camomillæ Romanæ*, *guttam unam*.

Misce.

Vel ex

#### PILULIS ANGELICIS DICTIS

*Pilulæ Angelicæ.* *Recipe* *Olei Terebinthinæ*, quantum vis, ei adde sufficientem quoque *salis tartari* quantitatem, bene misceantur, continuo agitando, tunc mixtura saponis faciem induet: adde *Extracti opii*, *Hellebori nigri*, ana dimidiam partem.



partem. Misce. Dosis est ad granaduo.

Extra paroxysmum alvus laxanda, & acidum temperantia assumenda. Cum cerevisiâ quotidie propinetur.

# TINCTURA CHALYBIS.

Recipe *Limaturæ Chalybis*, unciam unam. *Spiritus vitrioli*, uncias duas. *Tinctura chalybis.* *Vini optimi* uncias quatuor. Stent aliquot dies in loco calido, donec tinctura fuerit rubicunda, quam decanta.

Radices si egerit morbus, decoctum bibatur ex *China*, *Sassa parilla*, *Sassafras*, &c.

In *Victus ratione* caveatur ab acidis, falsis & frigidis: sed interim acidum temperantia sumenda ex *Sale volatili oleoso nostro*, ex *Oculis Cancris*, ex *Alcabeſt Glauberi* &c.

Mirum dictu quosdam, post diuturnos dolores colicos, solo ostreorum comestu, liberatos fuisse. Atqui hoc fit, quando in ventriculo, non corrumpuntur, & bonæ fuerint notæ: atque insuper multum panis, commederint, & paucum vini superbiberint.

*Brumâ saviente, omnibusque nive canescentibus, Vir doctissimus atroci capitis dolore, juxta latus sinistrum vexabatur, postea de doloribus abdominalis questus, apoplecticus lumina placida morte clausit.* *Apoplectici & colici anatome.*

**P**ost horam novissimam imo ventre dissecto, mesenterii glandula maxima, scirrhusa & exulcerata inventa est. Cranio elevato, carotis dextra intra cranii moenia ascendens, prorsus ossea, & si dicere liceat petrosa fuit, cavitate vix permeabili. Arteria vertebralis dextra triplo major fuit, quam in oppositi lateris.

Arteriæ, cum primo ex obstructione paralyſi laborant, cartilaginis formam induunt, & deinde osseæ redduntur, quod non raro circa cor contingit. Fortasse ex dolore capitis atroci primo convulsionibus obnoxia fuit, & ex convulsionem paralyſis, & sic deinceps: tandem motu dilatationis & contractionis perditum, concrevit: eodem ferè modo ac arteriis & venæ umbilicali accidit, quæ post partum cavitatem amittunt, & ligamenti indolem acquirunt. Mirum, arteriam vertebralem dextram triplo majorem fuisse, videbitur, sed æger apoplecticus interiisset, si hæc non substituerat, quod carotis dextra adferre non potuit; hinc sensim dilatata fuit.

Sed rogabit quis cur de sinistro capitis dolore quæstus fuit, cum dilatatio & concreſcentia à dextris erat? cui reſponſum, quod occlusa arteriâ carotide dextra, impetu vehementiori per sinistrum latus sanguis irrueret quam in dextrum, unde meatus & membranæ magis in hoc latere extendebantur quam in altero: postea vero eodem penu à vertebrali dextra prospecto, dolor sensim evanuit. Adhuc etiam, dolor primo forte totum *ἐνέφθαλον* occupavit, qui concreſcente arteriâ carotide in dextris deſiit, in sinistris vero perseveravit.

Obstructione cerebri postea laborans, apoplecticus interiit. Obstructionibus



bus enim scatebat, nam cum ad mesenterii glandulas perventum esset, ipsius glandula maxima scirrhusa & ulcerata fuit, quod sæpe pueris accidit, qui continuo fructibus horariis utuntur, unde chylus concrevit, & istas glandulas particulis caseosis obstruit.

*Mercator diuturna diarrhœa laborans, debilis admodum & macilentus fit. Postea borborygmos in abdomine sentit, ex quo vomitus, tensio dolorifica & febris oriebantur: nihil αὐτὸν aut χάρων deiecit, incassum adhibitis catharticis, & enematibus. Tensio tamen & dolor magis exinde incredebant. Facies erat Hippocratica, cum extremorum frigiditate.*

**P**erlustratis Visceribus, intestina lata seu crassa plumbei coloris, semicorrupta, & unico in loco perforata. Intestina liquore foetido madebant.

Diarrhœa est frequens dejectio alvi, qua varii humores & excrementa deiciuntur. Si accedat gravissimus & intolerabilis dolor, idque pejusest, inquit *Celsus*. Atque hoc ex diuturnitate istius fluxus factum. Originem sumit ex bilis penuria: hujus enim defectus, abundantis acidi causa existit; hinc chylus in sanguine acidus factus, etiam succum intestinale acidum reddit. Illud acidum leves convulsiones intestinorum parit, quibus alvus liquida redditur. Ex motu quippe plus debito omne deponitur, quicquid intestina continent.

Fluxus iste diuturnus propter acidissimum succum, intestina corruperat, unde eorum paralyxis, perterebratio & sphacelus. Non mirum enim nec sursum nec deorsum quicquam deiecit. Ob paralyxin in colo excrementitii humores morabantur; ex mora, putredo; ex putridâ & acri saburrâ vomendi conatus; ex eadem causâ convulsiones intestinorum; ex convulsione dolor & tensio.

Facies  
Hippocratica.

Ex sanguine, tantâ aciditate, corrupto, nihil alimenti in substantiam corporis faceffit: qua ratione macilentus & debilis factus, Hippocraticam faciem induit: quæ nihil aliud est, quam cum quis habeat nares acutas, oculos concavos, tempora collapsa, auriculas frigidas & contractas, auriumque lobos inversos; quin cutim, circa frontem, duram, tum circumtensam & aridam, adest color totius faciei pallidus, lividus, plumbeus aut niger.

Si æger ab initio acidum concentrantia solummodo sumpsisset, animam corpori junctam servasset. Hujusmodi Medicorum ignorantia Ars nostra turpiter dehonestatur, per paucissimi inveniuntur veri Medici, ideoque jure ab Hippocrate vocantur, ἰσοθέοι, *Deo æquales*, hujus ægri morbus nec clysteribus nec (ut *Plautus* dicit) ellebori jugere sanari potuit: ut in Tragadiis figuram quidem & habitum ac personam eorum quos referunt, habent, illi ipsi autem verè non sunt, sic & Medici fama quidem & nomine multi, re autem & opere valde pauci.

*Illustris vir, acutissimis ventris doloribus, colica amulis sapissime molestatus, incidit in febrim continuam satis acutam, cum vigiliis & sinistri.*

*Hy-*



*Hypochondrii dolore vehementissimo ad humerum usque tendente in quo sævissimis doloribus afficiebatur. Galenicâ Methodo morbum pelleret cum non potuit, subiit mortem.*

**A** Bdomine dissectio, omentum in se convolutum & umbilicum versus globuli instar conglobatum fuit. Splen autem totum putrefactum & partesima planè consumptum. Contenta picis nigræ & liquidæ in modum graviter foetebant. Jecur quoque ob viciniam putrescere incipiebat.

Ab acidis particulis in mensenterii membranis latitantibus, colicis doloribus, ejusque contractioni ansam dederunt: sic & à sanguine coagulato Hepatitis lienisque obstructions & corruptiones ortæ.

*Virgo quatuordecim annorum colico dolore atroci laborans cum ventris intumescencia. Dolor iste intra viginti dies eam de medio tollit. Per bi-  
duum ante mortem multum sanguinis nigerrimi per anum deposuit.*

**I** Ntestina multo humore viscido erant exterius perfusa, in eoque frustula casei instar ac varia magnitudine dispersa. Intestina quoque sanguine nigro turgebant. In venis & corde nullus sanguis,

Ex humoribus acris ac viscidis, diu in intestinis hærentibus, sæpe oritur dolor vehemens, qui ab intestino Colo nomen derivat, vocaturque *Dolor Colicus*. Si humores, ex glandulis intestinalibus manantes, nimiam visciditatem & acrimoniam sibi ex sanguine adsciscunt, istas glandulas obstruunt, liquoresque exstillandi acorem contrahunt, intestinorumque membranas vellicant, doloremque inferunt, & hinc illæ lachrymæ.

Credo Vasa lactea rupta fuisse, candidumque lac per intestina erupisse, ibique ex diutina mora in oagulum mutasse, unde frustula casei. Serum interim à coagulo segregatum aciditatem induit, quia intestina magnoperè lædebantur: Hinc non tantum mucus sed & convulsiones, quæ omnia viscera, totumque abdomen intendebant, ut in tympanitide fit. Imo ob vehementes convulsiones vasa sanguinea, ad rupturam usque ita convellebantur, ut ipse sanguis per ea liberè currere haud potuerit, unde sanguinis turgescencia, & obruptionem ejusdem ante obitum excretio.

Puer octo annorum continuis ferè doloribus, & sæpe immanibus, afflictus, <sup>Alia, cum tumore abdominis.</sup> incidit in abdominis ingentem tumorem, donec tandem umbilicus se aperiebat, ex quo multum liquoris foetidi, una cum pure fluebat, & quod mirum, etiam varia urachi frusta: sed tandem convaluit.

Casus hic rarus est, ideoque illum hic inferere censui: vocatus enim à quo- <sup>Colica pe-  
riodica,</sup> dam Medico *Joanne Poolmann*, in Waterlandia in Pago Ostfana habitante, in cujus ædibus fæmina curanda erat locata, quæ illius terræ tractus quoque indigena.

*Hippocrates* olim Medicinam jure merito *τέχνην μεγάλην* vocavit: Cujus observationes infinitæ sunt; imo Seniores Medicinam à teneris tractantes,



quotidie Nova observant : Ideoque sæpe dico , me adhuc incipere , quamvis annis triginta duobus in illa arte enutritus fuerim.

*Alida.* . . . rustica triginta novem annorum , incidit in sequentem morbum , postquam duos annos Menstrua cessaverant. Primo , postquam lactucam aceto , oleoque irrigatam , deinde dulce lac largiter comederat , secutus vomitus immanis : Hoc cessante , de debilitate ventriculi conquesta est ; ab hoc tamen malo liberata , appetitus postea se bene habebat : sed quatuor aut quinque horis elapsis , postquam leviores quosdam cibos sumpserat , de ingenti , & intolerabili pungente dolore , in sinistro latere circa costas breves , & sub eas versus renem ejusdem lateris conquerebatur ; hinc convulsiones , præsertim versus scapulam , perque totum abdomen ad inguina usque. Pedes cum tibiis frigore vel potius stupore capti. Dolor interdum adeo intollerabilis , ut à tribus foeminis contineri vix posset ; altâ voce clamans , aperite mihi abdomen , & multa alia. Infra ventriculi fundum , ubi colon est , admodum elevabatur. Alvus semper adstricta , quæ egerebantur erant dura globulorum more ut Scybala solent esse post duas trefve horas dolor cessabat , & convulsiones evanescebant ; ita ut tunc iterum se bene videretur habere. Parum bibebat : lac dulce coctum ei cæteris cibis melius conveniebat. Quidam ei salivationem ex Mercurialibus instituebant : alii fonticulum in latere sinistro , ubi elevatio erat causticis inurebant : Alii cataplasinata , fots , Emplastra , linimenta &c. Abdomini applicabant , sed omnia incassum sunt tentata , omnia sine fructu. Opio aut similibus utebatur quidem pro dolore cessando , sed causa non tollebatur. Atque hæc sunt quæ ex ipsius ore audiui.

Sequentia prænominato Medico respondi. Itaque hujus morbi *Ætiologia* hæc esse videtur. Quantum ego judico , puto ventriculum hic non esse culpandum , ut nonnullis placebat , sed intestinum colon , sub ventriculi fundum versus renem sinistrum incedens : Malum enim si in ventriculo hæreret , statim post pastum , dolor ortus fuisset , ast è contra , viguit paucis horis post cibum assumptum , quando nempe cibus è ventriculo in duodenum & Jejunum erat distributus , atque chylus à Mesenterii lacteis erat absorptus : interim fæces crassiores ileum pervadentes tandem in colon sunt distributæ , idque sub ventriculo ( ubi colon procul dubio fuit angustatum , sive à glandulis immentum usque excrecentibus , sive à calculis intra coli membranas hærentibus , sive ab intestino coarctato , cujus exempla habemus & vidimus , sive à carnositate quadam vel alias ) ubi viam angustatam invenientes , fistulam coli dilataverunt , ita ut ejus membranæ rupturam minarentur , unde iste dolor intollerabilis & intestini præter modum expansio , qua abdominis muscoli loco moti tumorem visibilem ostentabant. Sic non tantum maximus huic intestino accedebat dolor , sed & prænominatis partibus : nam per mesenterium per plurimi vagantur nervi intercostales , qui pari vago conjunguntur , hinc totius abdominis , & partium superiorum contractio ; hinc motus anomali cervicis , scapularum , & per mesocolon ad inguina & pudendum muliebri excurrerant : ast excrementis coli angustam prætergressis , omnes dolores , cæteraque convulsionum , &c. symptomata sensim cessabant. Porro quod Scybala

sicca



ficca egerebantur, mirum videri non debet: si consideres potus parciolem assumptionem; deinde quia liberior transitus per colon negabatur; superfluum humor à lacteis inferioribus jejuni & forsan ilei absorbebatur: adde parciolem per partes inferiores spirituum transitum, & opii assumptionem: spirituum penuria satis liquet, ex crurum pedumque frigore & torpore; nesciebat enim num pedes frigidi essent nec ne: hinc paralytis metuenda erat.

Sit ut sit, abstineat oportet à cibis siccis, atque duris, piperatis, carnibus ac piscibus infumatis & arefactis, ut & flatum excitantibus, ut sunt cibi cum passulis corinthiacis, aut prunis præparati, olera cocta ex betâ, cherefolio, malvâ &c. Spinachia item more solito præparata. Juscula ex juniore carne, pullis, cum hordeo, endivia vel oriza &c. lac dulce coctum, cum hordeo, Alicâ, orizâ cum ovis: ova forbilia, sed mimimè dura &c.

Cibi utique illi, propter mollitiem, non fatigabunt coli angustiam; sed cum leni lubricitate pertransibunt: modo incidentia quædam medicamenta interim usurpentur: ex. gr.

*Recipe Gummi Ammoniaci, drachmas duas.*

*Affæ foetidæ, drachmam unam.*

*Vitrioli Martis, scrupulum unum.*

*Oculorum cancri, drachmam unam.*

Misce fiant pilulæ pisi magnitudine singulis diebus sumat duas, unam matutino tempore, & alteram vespertino. Enemata emolliendis excrementis induratis non dissuadenda; hisce enim detractis, dejectio facilius erit.

*Cervus venatorem ex improvise impetens, primo se post arborem densioris trunci recipit; cervus agilius eum à tergo cornibus petens; primo arbori impetuosè abdomine tenus illisit, mox cornibus sublatum, per aliquot spatium deportavit, & in terram projecit. Nullum aderat externæ noxæ indicium, nisi quod sinistra natium apice cornu cervini ad mediocris pollicis profunditatem adaucto, vulnerata esset. Vulnere deligato, emplastrum supra totum abdomen, quod insigniter & maxime circa umbilici confinia, dolere continuis ejulatibus, pronunciabat, applicatum est, adhibitis simul interne quæ resolvendo sanguini essent, eumque reficerent: sæpe enim animo linguebatur, sudore faciem largiter irrorante. Paucis ab hinc horis, dum media nocte deliquia increbrescerent, vita hominem reliquit.*

Ex vehementi illi, su, abdominis lethalitas.

**P** Ræter memoratum vulnus extrinsecus nihil culpabile apparebat, nisi quod dorsum solummodo, qua os sacrum vergit ad scrotum usque, & aliquam pubis partem, extravasatus & intra cutim coagulatus sanguis, diverso solitoque livore tinxerat.

Perfecto peritonæo, ilico inde liquor sanguineus quam altissimè profiliebat, qui & totum abdominis cavum implebat. Ileum & colon quippe foraminibus



minibus rotundis, & mesenterium proxime ad rectum fissura perforata, maculisque lividis & semicorruptis fuerunt.

Infelix hic post tanta bruti animalis tormenta & externè vulneratus : exterior quidem plaga nullius momenti, sed eo deterior interna. Post cursum fortè intestina inflata, à vehementi illusione in arborem rupta, qua sanguis in abdominis cavitationem effusus, crebra concitavit deliquia. Extravasatus enim sanguis venas ingredi impotens, versus cordis regionem duci haud potuit : hinc causa inordinatæ circulationis petenda est : nam ex sanguinis penuria, cor sufficientem cruoris quantitatem caput versus emittere impotens, nulli spiritus cerebrales iterum versus cor, aliasque partes depluebant : atque propter hanc Eclipsin, totum corpus deficiebat : lymphæ quoque, in cute effusa per ordinarias vias revertere non potuit, ob leves convulsiones, hinc extra cutim in sudorem frigidum emanavit : quippe in lipothymiis non tantum cor, sed & cerebrum, omnesque totius corporis partes convulsiones patiuntur. Postea omnibus ferè sanguinis rivis in abdominis cavitationem exhaustis, animam Deo consecravit : Vita enim, deficiente circulatione, perennare non potest, ideoque ejus defectus corpus collabescere & mori curat.

*Quidam de dolore in dextro Hypochondrio diu questus, obiit.*

Jecoris  
apostema,  
& foramen  
in Dia-  
phragmate.

Concava jecoris pars erat sphacelata, intus vero viginti puris libræ continebantur. Ren dexter etiam purulentus & prorsus consumptus fuit. Foramen magnitudine duorum pugnorum in Diaphragmate exesum erat.

*Quidam, cum viveret, ingenti struma per aliquot annos, juxta imam inferioris maxillæ regionem, laborabat.*

Strumæ  
in  
Maxillis &  
Hepate ge-  
neratio.

Aperto post obitum corpore Hepar intus forisque innumeris glandulis, pipis fabæque magnitudine, refertissimum, eadem transversim sectæ, nihil prorsus humoris effundebant, verum ex gypsea quadam pituita compositæ, in figuram substantiamque adenibus persimilem condensabantur ; indeque hepar in ingentem molem, atque immane pondus excrevit ; adeo ut duplo majus, triplòque gravius solito conspicerentur.

Strumæ nihil aliud sunt, quam obstructions glandularum, si eæ fiant in glandulis maxillaribus, si in Hepate, aliisve in partibus. Causa est visciditas humorum ; qua sequestratio debita denegatur : hinc ob continuum affluxum, idque mediante sanguinis periodo, continuo extumescunt, earumque membranæ extenduntur, omniaque vascula materia hac viscida replentur : Hæ particulæ obstruentes, si acidis & salinis abundant, facile invicem crystallifantur, unde materiam gypseam sæpe repræsentant.

Novimus porro Hepar maxima ex parte ex glandulosis acinis constare, quibus omnibus obstructis, & alterum tantum extensis, Hepatis molem & pondus auxerunt.

*Quidam*



*Quidam diu de dolore è regione Hypochondrii dextri questus est, qui tandem emaciatus obiit.*

**I**nspetto abdomine, Hepar, qua parte Diaphragmati cohæret, abscessum habebat, ac Diaphragma in eadem parte os durum, & exterius cartilagine obductum.

Ossa Diaphragmati accreta.  
Hydropici Dissectio.

#### ALIA OBSERVATIO.

Abdominis cutis maculis lividis decolorata. Multum aquæ ex aperto abdomine effluxit, vario colore distinctum. Omentum putrefactum. Intestina inflata. Pancreas consumptum, ejusque nullum vestigium. Vasa mesenterica materia glutinosa turgida. Hepar cineritii coloris. In Pericardio aqua fœtebat. Cor exuccum. Sanguis in vasis majoribus aquosus. Pulmo flaccidus & purulentus.

*Bajulus per quinque ferme hebdomadas faces alvinas non deponens, quamvis cathartici superne & inferne præscriptis, irritatus, obiit.*

Alvus astricta lethalis.

**A** Fato sectus, intestina ei quorumvis ingestorum farciminis adinstar, repleta. Tecmaris in Medicina multi usus: haud semper novimus quæ intus latent. Curandi methodus fuit optima, ast si scivissent intestina aut spasmo aut paralyfi laborasse, vel nihil fecissent, vel alio modo medicinam applicassent. Ex spasmo aut Paralyfi, intestinatorum contenta non multum proritantur, exinde ab ingestis repleta, farcimen repræsentant. Cathartica spasmus potius augment, quam diminuunt. Si morbus mihi mandatus fuisset, procurassem ei balneum calidum, & lac cum rore marino vel veneto sapone coctum propinassem calidè.

#### HYDROPICI INSPECTIO.

Ex abdomine circa sexaginta pintæ lymphæ expromptæ. Omentum profus consumptum. Mirandum, nullas Hepatis, splenis aut renum reliquias fuisse inventas. Septum quoque transversum, variis in locis exesum & consumptum. Ambitus uteri sesquiulnam habebat, continens molam scirrhosam & albam, exque plurimis glandulis duris, quarum nonnullæ puris materiam effundebant, congestam.

Hydropici inspectio.

#### ALIA.

Intra peritonæum plurimum aquæ continebatur. Hepar flaccidum. Omentum fere consumptum.

*Quidam ab aliquo temporis spatio, in affectum aquosum incidit, qui tandem vitam cum morte mutavit.*

**A** Perto abdomine, ingens aquæ copia effluxit; ljecur erat scirrhosum, exuccum & induratum, instar ligui putrefacti, & saniei non dissimilis. Vasa mesenterica, glutinosa quasi materia, repleta, circa quæ thrombi sanguinis concreti, quos ad ulnam integram atque dimidiam extrahere potuerunt.

Credo fuisse Hepar aliudve viscus antea aquulis obfessum, quibus disruptis, lymphæ



lymphæ effluxerit. In hoc subjecto satis manifestum est, sanguinem incrassatum & tenacem seu viscidum Hydropi anſam præbuisse: novimus, si ratione & experientia innitamur, sanguinem viscidum & adeo glutinosum, ut hic, minuscule & Hepatis & Lienis vascula non potuisse permeare, unde iis partibus obstructio & scirrhus natus est: ab obstructione vasculorum lymphaticorum extensio, deinde πῆξις, & liquoris contenti ἐκχυσίς.

Alia.

Circa quadraginta libras aquæ crassæ & amurcæ instar ex abdomine effluxere. Jecur consumptum nisi quædam venæ residuæ; consumptus quoque lien & uterque ren. Bile viridi ventriculus plenus. Septum transversum variis in locis sphacelatum. Mola in utero contenta melleam materiam referens.

umblicis  
laborantis  
lanatione.

*Alicujus nobilis filiulus bimulus per duos aut tres dies tussi sicca laborat, cum inquietudine tempore nocturno: creberrime ejulabat: an à dentibus molaribus prorumpentibus, an ab alia causa, Mater nesciebat; tandem in continuas convulsiones incidit: post diem tertium rebus humanis, præmatura morte, exemptus est.*

Cum apertum esset abdomen, nihil culpabile inventum est, nisi quod duodenum à lumbrico tereti perforatum & exesum esset, qui vivus adhuc extrahebatur.

Iliacus  
affectus.

*Intensa hieme incidit consiliarius quidam in dolorem colicum. Vomitus stercoreus per intervalla. Tertio die febris, sitis & linguæ ariditas. Septimo die venter laxus, tandem præ virium imbecillitate & languore, extinctus est.*

I Nteraneis perlustratis, ileon tribus in locis, complicationibus convolutum & velut in unam massam compactum circa colon inventum est, non sine sphacelo infectum & perforatum, nec ipsum mesenterium circa illam convolutionem à gangræna tutum fuit. Plurima excrementa effusa ex ano perterebrato effluiebant.

Ab ileo vomitus, vel singultus, vel convulsio, vel delirium, malum. Vide de ileo porro observationem decimam septimam.

Dissectio  
pueri, qui  
excrementa  
per umbi-  
licum ex-  
cernebat

*Cacochymicus quidam duodecim annorum, queritur de dolore & tumore duro circa umbilicum: tandem rupto tumore ultra mensem stercora per illud foramen ejecit; alvus interim erat clausa.*

D Issecto abdomine, excrementa per ventris cavitatem ejecta erant. In latere sinistro colon ulcere, eoque calloso laborabat, & instar ventriculidistentum. Circa finem mesocoli tumor grandis & prædurus fuit, qui ectum intestinum ita comprimebat, ut ne γῆ quidem excerni potuerit. Fæces



ces intestinis adhuc contentæ lapideam ferè duritiem acquisiverant. Mesenterium, intestina & pancreas scirrhusa inventa sunt. Ulcus in ventriculi fundo fuit. Pylori carnosæ valvula scirrhusa & justo major. Vena portæ & cava scirrhusitatibus & steatomatibus scatebant. Jecur exuccum & scirrhusum. Occupabant quoque scirrhi & steatomata undique ipsum diaphragma. Iisdem & pulmones, cordisque vasa, Trachea & œsophagus corripiebantur. Liquorem flavum continebat sacculus cordis, idque magna copia. In cordis mucrone tumor albus ad nucis moschatae minoris magnitudinem. Causa istius ejectionis per umbilicum patet ex cadaveris descriptione: nam tumor iste rectum ita compressit, ut per anum nihil quicquam excerni potuerit; adeo ob excrementorum stagnatione fuit exulceratum, atque sic facile excrementa in abdominis cavitatem effusa fuisse credibile est: hæc postea abdomen ita distenderunt, ut rupto abdomine, facile eruperint.

Porro; ut sæpius dictum, ex humoribus obstruentibus, seu acidis & viscidis scirrhusitates & steatomata in glandulis aliisque partibus crevere: omnia quippe viscera ejusmodi tumoribus scatebant.

*Puer octo circiter annos natus, à longo tempore erosione gingivarum correptus: post usum aliquot remediorum, decessit.*

**D** Infecto abdomine vermibus non tantum scatebant intestina, sed ali-  
quibus in locis ea perterebraverant, adeo ut abdominis cavitatem re-  
plerent. Cadaver  
vermibus  
scatens.

Maxima Philosophorum cohors docuerunt, ex putredine animalia quædam posse produci: imo ex defosso anatis corpore bufones nasci, asserit *Ath. Kircherus*. Quantum ad meas observationes, quas à juventute super insectis annotare potui, nunquam ex putredine, verum ex ovis procreari animalcula observavi. Fateor quidem inter corrupta vermiculos conspici; sed unde vermiculi, nisi à muscarum ovis, supra materiam corruptam enixi. Experimento verissimo mihi constat, si materia quædam putrefactioni exponatur, in vase, tenuissima sindone, (ut liber esset aëris aditus & reditus) clauso, nullum animalculum in ea generabitur. Sic aqua calida piperi admixta producit quidem vermiculos, si vas continens fuerit apertum, clausum vero ne unum mihi produxit: adeo ut certum sit, nihil nisi ex ovo generari. Latius hæc probare hic inutile esset, quia de insectis tractatum quendam olim edidi & suo tempore, cæteræ observationes prodibunt.

Sed redeamus ad vermiculos nostri pueri, & inquiremus quomodo in corpore humano originem sumant. Hoc præsupponendum est nos sæpe & potum De ileo  
morbo. & cibum sumere, in quibus jam illi vermiculi vel sint geniti, vel ova contineant, quæ muscæ aliæ animalcula supra Herbas, fructus, carnes, pisces &c. deposuerint: ova illa vel vermiculi, non statim in corpore nostro moriuntur, sed immensum usque sæpe incrementum sumunt, præsertim si multum viscidum humoris intestina contineant: cibus enim adest copiosus, & calor non



paucus cum sufficiente aëris quantitate : adeo ut credendum sit, vermes illos aliam originem non habere, quam à semine externo per os ingestio. Illi enim qui bile abundant, quæ vermiculis pharmacum est, paucum pituitæ habent: in iis, dico, cibi in intestinis non diu morantur ; imo & ova & vermiculi à bile amara, ut aloes, semen Santonici, tanacetum, colocynthis &c. esse Anthelmintica.

Porro æger noster fuit scorbuticus, & hinc ob salivam corrosivam gingivæ putrescebant, quod scorbuticis commune est.

ILIACA PASSIO quæ VOLVULUS dicitur aut MISERERE MEI, est motus intestinorum peristalticus inversus, ita ut quævis ingesta sursum evomantur, cum dolore, cibi fastidio, continuâ febre, abdomine intumescente, inquietudine, spirandi & mingendi difficultate, calore circa umbilicum, nihil respondente alvo. Si ab *Excrementis induratis*, adest intolerabilis dolor in abdomine ; pauca vomuntur præsertim in principio ; præcordiis anxietas ; febris est lenior, & nulla dejectio. à *Motu peristaltico* inverso : continuus ad est vomitus eorum quæ assumpta sunt. Sed *Herniæ* signa externè sunt manifesta.

*Causa* itaque esse potest inflammatio, obstructio, flatus, aut Hernia intestinorum, quorum expansione ac intumescencia, succi nervosi irradiatio impeditur, hinc retrogradi cogitur sursum versus, uti in Vertigine fieri potest, cujus cursum inversum contenta sequuntur, redeuntque ad ventriculum, & œsophagum, atque sic evomuntur. Succus iste in fibrillis moram trahens, sæpe accescit, unde intestinis dolores & convulsiones pariuntur: hinc inferius intestinum in superius, & superius in inferius contractione intruditur. Contrahendo enim fibræ quasi rumpuntur, ac paralyfin patiuntur. In Herniâ intestinali sæpe intestina (à tendinibus) ob relaxationem musculorum abdominis ita constringuntur, ut ne vel vi intrudi possint. In stranguria sæpe etiam adeste potest vesicæ motus peristalticus inversus, qui ob nervorum & membranarum communionem facile ad intestina transfertur: hinc etiam vomitus ex iliaca passione.

Morbus est periculosissimus, sed alius alio periculosior. Si in Hernia intestina absque læsione intrudi possint, spontè evanescit, alias est symptoma lethale. Brevi moriuntur si Volvulus stranguriæ superveniat, nisi super veniente febre largiter mingatur. Ob motus enim convulsivos, vesicæ tensionem vel semi paralyfin, urina reddi nequit : sed superveniente febre alius motus sanguini & succis accidit, unde priores motus laxantur, & urina diu retenta emingitur.

Evanescente brevi dolore, Gangræna adest, quod est signum θανάσιμον. Si inferius intestinum in superius sit contractum, spes affulget ; si contrarium, nulla.

Opiata si solamen adferant bonum est omen, si contra, pessimum. Et si enemate bis terve repetito excrementa per anum descendere incipiant, spes est.

In hoc affectu dolor est mitigandus : intestina exoneranda & quovis cumque modo restituenda. Primo injiciatur Enema ex lacte, ovi albumine, capbura & similibus. Assumat æger mixturam ex oleo amygdalorum dulcium, pulpâ cassiæ,



*cassia*, *caphorâ*, *lactis sero*, &c. vel fiat Decoctio ex radicibus *scorzonerae*, *cornu cervino*, *floribus papaveris erratici* &c. detur mixtura quoque ex carminantibus & vomitum sedantibus ex *aquâ melissæ*, *laudano opiato*, *oleo maris*, &c. foveatur etiam venter, stupa ex funibus picatis dissolutis vel *musco navali* & *spiritu vini*, vel alio quovis fotu calido, aut calidâ arenâ.

Si inferius intestinum à superius receptum sit, globulos sæpè plumbeos deglutiant, quorum gravitate, intestinum receptum elabitur: sed res interdum malè succedit, quia vel sero instituitur, vel quod receptio fuerit contraria, aut si superius in inferius sit delapsum, quidam utuntur foliis, quos ano applicant, sed non memini rem bene successisse, quia intestina flatum frigidum ferrè non possunt. Alii apertionem abdominis suadent, ut intestina manibus restituantur, sed quia ad illam operationem tardè devenitur, etiam successum habere nequit. Novi plures assumptâ Mercurii vivi librâ restitutos.

*Henric. ab Heers* testatur argentum vivum crebro per corium transitu perpur- Mercurius  
gatum vidisse sæpe sine noxa dari, & momento citius, eductis secum obviis crudus as-  
fæcibus per intestina transiisse, à cujus usu, ne frigore suo interanea læsisse pos- sumptus  
set, statim clysterem ex puro cretico vino injici curabat, sicque aliquot coli non nocet.  
nimia tensione morituros, fervavit.

Qui ex fodinis cinnabarim nativam effodiunt, si mercurium inveniant, cum deglutiant, ut hoc modo domum portent, dejiciant & divendant.

Uxor *D. Colyn* in vicinia nostra ante aliquot annos iliacam passionem patie- Iliaca pas-  
batur; enemata nihil auxilii adferebant, per superiora nihil assumere voluit: sio esu ca-  
quid post paucos dies factum; clam curabat emere castaneas tostas, quibus stanearum  
assumptis, alvus laxata, & restituta fuit, & ab orci faucibus erepta. profligata.

Si ex Hernia veniat, intestina restituenda, uti postea in *Chirurgia nostra* docebitur.

Quemadmodum à generalicausâ ventriculus inflammatur, ita & intestina: sed specialiter etiam inflammatione corripuntur, nempe ex Herniâ, dysen- Intestino-  
teriâ, iliacâ passione: vel à contusione, aciculis &c. inhærentibus: atque il- rum in-  
la forstam tenuibus quam crassis communis est. Ad sunt porro cruciatus infig- flammati.  
nes, ferè ineffabiles, fixi, distendentes: dolor ingens in parte affectâ intus percipitur, & nonnunquam plus minus pulsatorius. In loco inflammato sentitur tumor quidam rotundus ac renitens: item ingens adest ardor, ita ut interna urantur, & externa tepeant. Alvus non tantum constipata est, sed anus ita constringitur ut ne stylum quidem admittat, & anus introrsum trahitur: quod signum est instantis vomitus stercorei: imo clyster paulo antea injectus vomitu rejicitur.

Urina, ob convulsiones, non raro retinetur; nam venter quoque inflatur, diaphragma etiam sursum premitur, unde difficilis respiratio: vires quoque fiunt languidæ &c. Omnia illa tenuibus intestinis fiunt graviora ac sitis doloris ac caloris, medium ventrem imprimis occupat, dolor & tormina ad superiora magis vergunt, stomachi adest distensio, spiritus angustia, nausea, vomitus assidui &c. in crassis, omnia ista sunt remissiora, vomitus minoris durationis, dolor ad hypochondria magis pertingit, ac lumborum adest gravitas.

Sed sicut hæc omnia sunt vehementissima, ita brevissime durant, nam intra



biduum cessat, ideoque periculosissimum, & succedit gangræna & mors.

Quoad *curationem*, morbus hic leniter est tractandus, ne ileus, gangræna, insignes convulsiones &c. expectentur. Non sine jure hic phlebotomia est adhibenda, ut nimia sanguinis compressio diminuatur: alvus item est enemate relaxanda: eaque prima instantia fiant, quia morbus est per brevissimus. Clyisma fiat ex decocto raparum, salviæ, cum saccharo aut melle, addendo nonnihil opii, sacculi cum floribus sambuci, & farina hordei cum nonnihil arenæ calidè ventri imponantur. Internè conveniunt opiata cum aquis aut decoctis temperatis, sale prunellæ, oculis cancri &c.

Ani in-  
flammati.

Anus cum pertineat ad intestinum rectum, ejus inflammationem etiam hisce annectemus: anus itaque inflammatur ab externis causis, à contusione, concussione nimia, Chartis Euphorbio, aut pipere brasiliensi &c. inebriatis. Ex causa interna venit ab Hæmorrhoidibus retentis: eaque inflammatio est vel interna vel externa: atque tunc podex introrsum retrahitur, alvus est astricta, adest ardor, pulsus, tumor, febris &c.

Fistulæ sæpe non tantum metus est, sed propter viciniam & connexionem facile in vesicam penetrare potest.

Primo venæ sectio, ut supra, est instituenda, & alvus quoque enemate laxanda, hoc faciendo dolor mitigabitur: vel lenientia supernè sunt danda: externè applicetur fons ex vino & caphora: vel mixturam ex albumine ovi; cum alumine & caphora. Si in ulcus degeneret, detergendum & consolidandum est cum balsamo sulphuris, copaibæ, peruviani &c.

Alvi con-  
stipata &c.  
observatio.

Fæmina viginti & octo annos nata, sæpissimè alvum habebat adstrictam, ut & dolores colicos, ac flatus, præsertim post cruda, fabas, pisa, &c. assumpta. à Laxantibus, clysteribus injectis, flatum discutientibus &c. sæpe levamen sensit. Post tamen aliquot dies recruduerunt dolores, aderat tussis, nausea, alvus constipata, quare & iterum purgans præscriptum; quod dum præparabatur, incidit ferè in syncopen, & simul de ingenti in inguine dextro (nisi me memoria fallit) conquesta dolore & extuberantiâ: loco purgantis haultus, Enema præscriptum, atque iteratum, sed nullo cum successu. Tumor interim neque fomentis, neque manu chirurgicâ reduci poterat; erat enim Hernia inguinalis, seu intestinalis; stercora secundo, tertio ac quarto die *à vomitu* ejecta nonnunquam quoque biliosa ac viscida. Cum omnia erant tam interna quam externa incassum adhibita, atque sphacelus Mortis periculum certò denunciabat, à Medicorum & Chirurgorum coronâ tandem abdominis apertio ejusque incisio proposita est. Quæ post ægræ, Mariti cæterorumque consanguineorum deliberationem instituta est. Annuentibus tandem omnibus, incisio facta est tribus digitis fere à tumore in parte superiore: deinde chirurgus digitis oleo unctis intestina delapsa restituebat, & altera manu externè quantum fieri potuit reducebat: foramen enim peritonæi valde erat angustum. Post reductionem, vulnus fuit, ut solet obligatum; & omnia symptomata evanuerunt non tantum, sed adhuc in vivis est.



*Virgo per annos viginti plurimos bufones evomit. Laborabat pedum tumore, imo cutis ipsa sæpe findebatur ac humor tenuis extillabatur. Erat admodum emaciata. Circa stomachi regionem dolore atroci vexabatur, eodem ritu ac si unguibus ventriculi parietes lancinarentur. Potus & cibi astitia. De dolore, duritie & pondere in dextro hypochondrio semper ferè queritur. Inter dormiendum multum sanguinis evomit; tandem post vomitus immanes, cum excrementis intestinorum fœtentibus, interiit.*

Bufentia  
vomitibus  
antrone

**D**UOS tumores habebat magnitudine ferme nucis juglandis mediocris, alter in sinistro latere circa infimos lumbos, alter verò pube tenus eruperat; hic paulo ante obitum sponte sua erumpens in ulcus degeneravit.

Aperto abdomine, ilion tribus in locis involutum erat; nodi seu involutiones digiti longitudinem æquabant, & aliqua intercapedine ab invicem distabant. Intestinum illud hac involutione seu duplicatura tam arcte angustatum fuit, ut liquor siphone injectus non nisi guttatim pertransibat. Injecto liquore & involutiones evaginatae sunt, & per pauca parva & dura excrementa cum quatuor lumbricis per exiguis exturbabantur.

Hepar solito grande, quatuor libras pendebat. In media parte concava erat macula alba ducatum aureum adæquans, adipis instar, tactu mollior cartilagini persimilis, quæ totam jecoris substantiam penetrabat: huic & aliæ minores comites erant. Hepar intrinsecus album & durum apparuit pure & sanie refertum. Cadaver foetebat.

Varias de bufonum vomitu habemus observationes, anne fuerint bufones, an analogum quid, certe hæreo. Sum in ea opinione, nihil animale produci, nisi ex femine, non dicam ex virili & foeminino, cum expertus loquor, me mense martio araneam vitro inclusisse, quæ ova peperit, sed postquam exicata fuerint, iterum peperit ova, ex quibus, quod mirandum est, novæ araneæ exclusæ sunt, idque obturato semper vitro, ita ut certus sim masculam araneam non adfuisse. Per se ex putredine ranas, bufones aut lumbricos generari, nego. Quid de lumbricis in corpore genitis sentio, in Institutionibus nostris dixi.

Crèdiderim facile ægram hanc non vomuisse bufones, sed simile quid: fieri potuit illam eiecisse caseosum quid; imo quibus menstrua deficiunt, sæpe vomitus cruentos incurrunt. Quid si sanguis coagulatus esset ejectus, qui viscidis ac biliosis humoribus erat involutus, & non ab similibus bufonibus semierosis fuisset?

Vehementi hoc vomitionis motu intestina ita invicem illata & vaginata fuerunt, adeo ut tota fistulæ intestinalis cavitas maxima ex parte esset occlusa. Non mirum igitur eam dolore atroci circa ventriculi regionem fuisse vexatam, cum istæ intestinorum involutiones (quæ convulsione & spasmo excitantur) admodum dolorificæ sint, imò ab hac occlusionem factum est, illam



afitia laborare; nam quicquid potus aut cibi assumpserat, evomere iterum coacta fuit.

Hunc morbum ab acido, in sanguine & chylo abundante, originem habere non dubito: serum illud acidum glandulis intestinorum extillans, cum tam acerrimum erat, ut ventriculum & intestina posset erodere, dolores intollescentes excitati sunt, hinc convulsiones, quibus intestina invicem volvebantur. Ex humoribus lentis, ibique stagnantibus, lumbrici producti sunt, (nempe ex semine præexistente à muscis &c.) Corrodente acido vascula sanguinea erodente, sanguis effluebat, qui insciâ ægra vomitu nocturno tempore exturbabatur. Et hac saburræ stagnatione etiam fœtor ortum habuit.

De dolore, duritie & gravitate sub dextris costis, etiam à sanguine acido & lentis humoribus inquinato Hepatis Vascula obstruente certe originem sumit. Fecit obstructio ut plus humoris admitteretur, quam in venas reducentes amandari poterat, hinc mole auctum fuit. Interna interim substantia ab humoribus obstruentibus, qui & corrumpebantur, erosa fuit, unde dolor. Durities veniebat, quia partim sphacelatum, partim ab humoribus contentis distendebatur.

Ulcera externa etiam ab obstructionibus in musculis aut glandulis ortum ducunt.

Quomodo pedes intumescunt, cum alibi de hydrope agam, explicabo.

Post iliacam passionem  
&c. anatomic.

*Filius alicujus Mercatoris à longo tempore continuo dolore fixo in dextro Hypochondrio vexatur. Tandem iliacam passionem passus, moritur.*

**A** Perto abdomine, cæcum intestinum erat contractum, & in illum insinuatum, adeo ut nihil ex ilio in colon descendere potuerit: cæcum non tantum inflammatum & prætumidum erat, sed etiam cancrum.

Iliacis passionibus causa sæpe est inflammatio, à fecibus obstructio, flatus, aut Herna; exinde intestina distenduntur, & succi nervosi cursus pervertitur. Hinc quoque intestini partis paralyxis, & contractio, adeo ut intestinum arcte contractum facile in distentum incidat. Canceri in intestinis fieri possunt, cum eorum glandulæ obstruantur. *Cancer* enim est mortificatio glandularum, quæ in carne *Sphacelus*, & in ossibus *Caries* dicitur.

Post colicam, anatomic.

*Intensa hieme, incidit consiliarius quidam in dolorem colicum. Vomitus stercoreus per invalla. Tertio die febris, sitis & linguæ ariditas. Septimo die venter laxus, tandem præ virium imbecillitate & languere, extinctus est.*

**I**nteraneis perlustratis, ileon tribus in locis, complicationibus convolutum & velut in unam massam compactum circa colon inventum est, non sine sphacelo infectum & perforatum, nec ipsum mesenterium circa illam convolutio-



lutionem à gangræna tutum fuit. Plurima excrementa effusa ex ano perterebrato effuebant.

Ab ileo vomitus, vel singultus, vel convulsio, vel delirium malum.

## III. C A P U T.

DE OBSTRUCTIONIBUS, ET INFLAMMATIONE  
MESENTERII ET PANCREATIS.

**M** E S E N T E R I I O B S T R U C T I O N E S præsertim pueris & infantibus sunt: eorum enim chylus admodum viscosus sæpe est & tenax, imo caseosus & facile in grumulos secedens: hinc ex intestinis per vasa lactea ad mesenterii glandulas ascendens, eas versus ductum thoracicum pro parte subire nequit, sed materia lenta, viscosa & caseosa in iis remanet & immensum usque accumulatur: quarum accretione, quoniam quotidie fit, glandulæ istæ sensim sensimque intumescunt & abdomen protuberare faciunt. Porro licet mediocris notæ chylus ascendat, tamen à confluyente Lympha ex Hepate, &c. etiam facile coagulari potest: nam lymphæ aliquando particulis abundat acidis. Hoc modo abdomen redditur non tantum tumidum, sed & admodum durum: & ut antea dictum, sæpe concomitantur vermes in intestinis. Glandulis hisce ita obstructis, non nisi chylus serosus & *ὀλιγόρροφος* in sanguinem mittitur: ideo marcore ferè pueri extabescunt, & non sine vitæ periculo est, si glandulæ scirrhosæ sint aut tephaceæ materiâ infartæ; tunc enim omnis succi alibilis transitus non raro pæcluditur.

P A N C R E A S etiam aliquando obstruitur, ob succum, quem segregat coagulantem, concrecentem. Succus iste merè salivialis est & chylosus; si itaque sanguis ei accedens nimium fuerit viscidus, facile illud viscidum ei inhæret, hinc intumescit, & sepe in scirrhum incidit: liquor porro è Pancreate manans, tum subacidus est, vel acidus, aut corrosivus, quia materiam obstruentem semper præterlabitur, hinc particulas sibi dissimiles secum rapit.

In Eiusmodi obstructionibus, chylus est alterandus ne acefcat, aut viscidus evadat: deinde obstructiones sunt referendæ. Itaque acidum temperantia & simul deobstruentia sunt præscribenda uti sunt

Radices *graminis*, *Raphani hortensis* & *rusticani*, *quinque aperientium*, *Filicis*, *urticæ*, *Bryoniæ*, *Iridis*, *Allii*, *Polypodii*, *Taraxici*, *Cichorei*, &c.

Deob-  
struentia.

Cortices *Capparum*, *Tamarisci*.

Folia *Abinthii*, *Taraxici*, *Fumariæ*, *Centaurii minoris*, *Cardui Benedicti*, *Cochleariæ*, *Eupatorii*, *Lupuli*, *Nicotianæ*, *Nasturtii*, *Theæ*, &c.

Seminis *Anisi*, *Cannabis*, *Cicerum rubrorum*, *petroselini*, *Nasturtii*, *Raphani*, *Sinapi*.

Fructus *Iuniperi*, *passulæ*, *prunæ*, *Cassia fistula*.

*Vinum*, *Aloë*, *Ammoniacum*, *Galbanum*, *Opopanax*, *Sagapenum*, *Caranna*, *Tacamabaca*, *Terebinthina*, *Gummi Guajaci*, &c. *Tartarum*, *Chalybeata*, &c.



Ex hisce varia præscribi possunt. Ex. Gr.

Recipe *Martis Vitrioli*, *Tartari Vitriolati*, ana partes æquales, fiat pulvis, *Dosis* à granis sex ad decem vel ulterius pro ætate, singulis diebus bis.

Vel detur *Tinctura Lunæ* aut *Martis* aut *Vereris*, quibus brevi omnis saburra viscida inciditur, evacuatur. Bibatur quotidie lac cum *Allio* coctum. Valet & usus *Tincturæ Assæ fætidae*, aut *Ammoniæ*. Illinatur externè abdomen cum *Oleo Absinthii*, addendo oleis stillatitiis *Absinthii*, *Tabaci*, &c. Vel *Emplastrum* applicetur ex *Gummi Caranna*, *Tacamahaca* in oleo *Terebinthinæ* dissoluto, &c. Interim *Dieta* sit ex cibis non facilè corrumpentibus & acorem contrahentibus: Exercitia sint modica.

Mesenterii inflammatio.

Inflammatum aliquando quoque Mesenterium, unde morbi sæpe oriuntur diuturni & chronici: nam licet per conjecturam tantum cognosci possint, tamen medicamenta, vix, ut decet, applicari queunt: in medio enim ventre situm habet antè & postè rectum intestinis, cujus sensus ut plurimum obtusus: in medio ejus variæ habentur glandulæ, quæ vel inflammantur, casefiunt, particulis obstruuntur, scirrhus aut tartarus laborant &c. unde varia resultant symptomata. Accedit multiplex nervorum ramificatio, quæ cum vicinis partibus cohæsionem habeat, necesse est, ob varia symptomata & ægros & Medicos falli. Dolores nunc sunt magis obtusi, nunc magis molesti: item fixi, aut vagi, circa lumbos aut dorsum, vel circa umbilicum: non est morbus unius mensis, sed sæpe plurium: idque non sine febricula erratica, plerumque post pastum exacerbans. In abdomine aliquod grave onus ægri videntur gestare: horrores subinde oriuntur, qui membranæ propriæ: corpus ut plurimum emaciatur: respiratio evadit solito difficilior: vel inflatur venter vel retrahitur versus posteriora: dolor aut lumborum aut abdominis per intervalla nonnunquam recurrit.

Porro vel solum Mesenterio accedit inflammatio, vel inflammatur una cum intestinorum inflammatione. Generalibus causis omissis, inflammatur præsertim in dysenteria & affectu hernioso. In dysenteria enim malè curata, materia peccans in sanguine & succis manet, quæ glandulæ mesenterii à lymphâ hepatica acri, &c. læduntur, obstruuntur, corroduntur, inflammantur, exulcerantur, &c. in Hernia intestinali res est manifesta, elapsis enim intestinis, facile sequitur mesenterium, præsertim si tendines musculi abdominis nimium relaxati sint, qui vehementer recepta intestina constringunt, ita ut vix vel artere restitui queant. Huic inflammationi quoque adjungitur, ut debet, febris.

Quia isti tumores & abscessus in profundo latent, idque vel sine dolore vel vix molesto, sæpe ex symptomatibus, ut nausea, vomitu & pro nephriticis, uterinis &c. habentur: nihilominus tamen dum æger se volvit ab uno latere in alterum, sentit pondus grave, adest ardor circa umbilicum & præcordiorum: in profundo abdominis sentitur dolor pulsans, cum leni ardoris sensu absconditus, cum quo ardore, sensus quidam tensivus in abdomine citra vehementem duritiem sentitur; adsunt non raro egestionis chylosæ abque ventriculi vitio; adsunt signa inflammationis reliquorum abdominis partium, quæ alias facile confunduntur; providendum præcipuè ne sit umbilici inflammatio, non  
etc.



exterioris . sed interni circa musculos rectos, in quibus interdum fit inflammatio & abscessus, unde pus per eum evacuatur. Febres quæ in mesenterii inflammatione & abscessu observantur, diversæ. Si inflammatio sit profunda, febres plerumque sunt continuæ, sed languidæ, quæ insensibiliter ferè circa vespèram exacerbantur. Si vero circa exteriores partes, ubi reliquis abdominis visceribus conjungitur, inflammatio ejus accadat, febres plus minus acutæ adesse solent. In quavis inflammatione, febris, dolor & symptomata reliqua sunt graviora. Dum apostena rumpi incipit aut rumpitur, horror insignis, interdum rigor quatit ægrum, cum superveniente æstu interdum insigni, quæ puris, præsertim per alvum, excretio successivè comitatur.

Inflammationes ejus vel suppurantur, vel in scirrhum abeunt, præsertim ejus glandulæ in mesenterii obstructionibus, si cruentæ superveniant dejectiones, nonnunquam salutes habentur. Suppurationes Mesenterii admodum sunt lentæ & non nisi tardè suum absolvunt cursum, unde etiam ægros vix in consuetis functionibus impediunt. Diurno hoc malo affecti, tandem aut ad tabem & hæcticam deveniunt. Erumpente alio, quam in alvum pure, post ruptionem abscessus, nec locum alium excretioni idoneum reperiente, affectus colicus simul observatur. Sin vero in abdominis cavum effundatur, tum membræ vicina vel inficit, ut gangrænâ concipiant, vel acredine corrodit & plurimum malorum author est. Optimè abscessus ruptus per alvum vel per urinam evacuatur. Quod si vero intestina corrodit, hæc fiderata, seu sphacelata reddit. Si subito, copiosè & plerumque permista est sanguine, non potest non à mesenterio esse. Si vero pauciora, tardius, & cum torminibus sensim ac successive effluat, est ab ulcere intestinorum.

In curatione, quoniam dolores non admodum urgent, venæ sectio, pro rerum statu, moderanda est. Præscribuntur hæmorrhoidum per hirudines apertiones: laxanda potius alvus enemate emolliente, aut passulatis, nam acria cathartica in ejusmodi sumantur *Martialia*, *tartarus nitratus*, *nitrum antimoniatum*: sumantur sudorifera blanda, & serum acre per urinam præcipitantia. Cibis sint temperati ex rapis, pomis cum passulis coctis, lacte cum ovis, sorbilibus ovis, carne gallinacea &c. externè emplastra & foci ex emollientibus, discutientibus & resolventibus applicari possunt: si dolor exacerbatur, signum est adesse inflammationem, alit si diminuatur, pus factum esse significat: tunc per intestina sese confertim vel per vices exonerat: per duplicaturam enim membranarum mesenterii ad intestina viam sibi tunc cudit. Porro, quia ob motum convulsivum vesica quoque passa fuit, ut & renes, atque is nunc relaxatus sit, urinæ dicunt oriri profluvium. Porro ob sedimentum, quod in matulæ fundo reperitur, laudabile; nullam salutis spem concipere debet Medicus, cum liquamentum potius corporis tabescentis existat. Porro pure factò, sic omnia conveniunt, quæ in omnibus internis ulcerationibus convenire solent: ut sunt ea quæ conficiuntur ex Terebinthinâ, Balsamo peruvianò, copaibæ, sulphuris &c. item decocta profunt ex Herbis Hyperici, virgæ aureæ, solidaginis saracenicæ, saffras &c.

Sequuntur quædam obstructionum exempla.



*Vir quadraginta circum circa annos natus, ab annis tribus cruentis renum ac dorsi doloribus nonnunquam recurrentibus laboravit, & inter mingendum arenulas rubras magna copia excrevit; quibus symptomatis vomitus gravissimus accedebat. Omnes Medici ad medicandum adhibiti, cum nephriticum aut calculosum judicabant. Is tandem savissimis hisce doloribus repetentibus, moti succubuit.*

Post ne-  
phritim &  
varias ob-  
structio-  
nes,  
anatomic.

**T** Horace aperto, sinister pulmo sanguine extravasato turgidus fuit; alias pulmones sani satis. Cor se bene habuit: diaphragma in latere sinistro ac in parte carnosâ erat perforatum, per quod foramen, putrida quasi caro, livida, ac nigricans perterebravit. Sed cum ad abdomen ventum esset, ipsum pancreas longitudinem duarum spithamarum, duarumque manuum transversarum latitudinem obtinuit. Porro putridum ac cancrum; regio circa spinam, venamque cavam, corrosa fuit, imo renes ipsos sphacelo obduxit ac putridos reddidit, nec arenæ nec calculi inventi sunt. Bile intestina conspersa erant.

Quoad in pulmonibus sanguinis extravasationem, illam casu ex gravissimo vomitu, procul dubio factam credo. Novimus sæpe vasa sanguifera ex vehementissimo vomitu rupisse, quod lippis atque tonsoribus notum est. Cum enim aer inspiratus pulmonibus vi convulsiva exprimatur, necesse est quædam vasa admodum constringi & angustari; qua siccaione interim vasa à sanguine affluente ad rupturam implentur, & hinc sanguinis ad aliquod libras effusio.

Porro quam difficile judicatu sit de lumborum doloribus, hic liquet: ab omnibus Medicis calculosus judicabatur, cum interim ne ullum calculi vel arenularum stigma in toto cadavere inveniebatur. Sed rogabis, unde arenularum copiosa mictio? ad id respondeo, arenulas non fuisse per urinam excreta; sed quia lotium nimis falsum ac rubrum erat; arenulæ, postquam friguit, ad lateta, mediante falsedinis crystallisatione, concreverunt: quod sæpe in propria urina animadverti, præsertim post esum asparagorum; tunc lotium reddidi fætidum sine arenulis; ast cum aliquot horis friguerit, ecce ingens arenularum rubrarum copia matulæ albæ ex *procellana Hollandica* factæ, lateribus adhæsit.

Origo totius morbi igitur, fuit obstructio glandularum pancreas constituentium: succus enim, qui dicitur pancreaticus, nimis lentus, & acidus erat lentor sive mucago obstruxit glandulas pancreatis, adeo ut succus, alias fluidus, per ductum pancreaticum, nimis lentus, & acidus erat: lentor sive mucago obstruxit glandulas pancreatis, adeo ut succus, alias fluidus, per ductum pancreaticum in duodenum sese exonerare non potuerit: cum interim copiosior succus ibidem sequestraretur, & major sanguinis quantitas accumularetur, quam per vias ordinarias reduci potuerit, corpus pancreatis immensum augeri debuit: atqui hinc patet, cur debitò longius & latius erat.

Deinceps si visciditati huic admixtæ sint particulæ acutæ sive acidæ, utrinque:



que scindentes, tota pancreatis machina corroditur: hinc primo inflammatio & deinde cancer: cujus succus admodum corrodens, partes vicinas, & carnosam diaphragmatis partem primo perforavit; postea renes, venamque cavam cum spina regione sphacelo ac putredine corruptit.

Per foramen diaphragmati corrosione illatum, expirando, abdomenque cum intestinis intus versus diaphragma premendo, pancreas in thoracis cavitatem latum fuit;

Non mirum intestina bile fuisse spurcata, cum felle vesicula huic glandulae vicina erat: atqui mos non est in tuto existere parietem, cum proximus ardet. Et si folliculus fuisset integer, ductus bili communis ob vicinatem meatus pancreatici, potuisset facile corrodi, unde bilis per intestina flavedo.

*Fœmina quædam ante obitum per duos menses continuo febre quadam afficitur; quæta est de gravi pondere, (quod liberè pendebat, ut putabat) in abdomine. Urinæ ejectio non respondebat; alvus quoque dura, ac respiratio difficilis. Medici divinabant de mola in utero; alii vero de Hydrope & tumorem istum abdominis octo annos gessit.*

**P**ost mortem abdomen aperiebatur. Mesenterium ac pancreas immensæ molis erant, decem libras cum dimidia æquabant. Externè scirrhusa videbantur, connexa tantum erant cum lumborum vertebis posterius; antè vero cum peritonæo etiam planè scirrhuso, adeo incrassato, ut cartilaginis speciem referret: ab intestinis, quod mirum est, planè libera erant.

Ana-  
tome Me-  
senterii  
& pancre-  
atis  
obstructi.

Varia ulcera in mesenterio inveniebantur, quorum singula singulari quasi pellicula continebantur; quædam pure plena, olei instar, alia mellis consistentia erant, alia vero adipis liquefacti vel pultis, albuminis ovi aut lymphæ liquorem continebant: & ut brevi dicam quot ulcera tot materiæ diversitates. Aquæ aliquot libræ effluebant. Jecur planè induratum, ac ulceribus plenum. Intra octo annos, quibus iste abdominis tumor sensim accrescebat, se quod menstrua & cætera sanitati convenientia, bene habuit, exceptis postremis ante obitum mensibus, tum enim præ gravitate abdominis & febre continua decumbere cogebatur.

Omnes abdominis glandulæ atheromate, meliceride, steatomate aut scirrhuso obsessæ fuerunt, præsertim pancreas & mesenterii glandulæ, atque pro varia glandularum obstructione, fuit etiam materia ab invicem varia. Ob ingentem pancreatis molem, rectum intestinum & vesica compressa, adeo ut nihil stercoris aut urinæ excerni potuert. Sic quoque ob elevatum, à tumoribus & aqua, diaphragma, musculisque abdominis distentis, respirandi actus libere fieri non potuit, ideoque in difficilem incidit respirationem. Quod ante mortem febri laborabat, mirum non est, nam obstructis visceribus, sanguis tandem saburra ejusmodi inficitur, ita ut tandem inspissatus, incalescat.

Ex ruptis in abdomine lymphaticis, aqua extillavit, unde Hydrops ascitis, sive venter aquosus.



Mirum videtur, pancreas & mesenterium intusstinis, ut solet, non adhæ-  
fisse: Sed præ nimia ponderis gravitate, omnes membranæ, cæteraque visce-  
rum retinacula à pancreate & mesenterio dirupta sunt, adeoque ut ipsa fateba-  
tur viva, liberè pendebant.

*Per integrum fere annum quidam pauper fluxu ventris æruginoso laboravit;  
cui aderat tussis, sicca cum insigni respirandi difficultate.*

Post  
fluxum  
ærugino-  
sum  
anatomæ.

**A** Perto cadavere, epiploon cum mesenterio fermè consumpta erant, adeo  
ut intestina sine ordine sibi invicem confusè adnata fuerint, parvis villis  
hinc inde enascentibus. Lien contractus, rotundus & instar pilæ minimæ ad-  
modum exiguus. Hepar coloris pallidi, flavi, luridi ac viridis ποικίλον fuit.  
Folliculus felle solito major æruginosus bile admodum distentus. Intestina &  
ventriculus erosa bilis æruginosæ copia spurcata.

Pro varia humorum corruptione & inspissatione etiam obstructions variant,  
nam pro diversa particularum figura & magnitudine, diversi quoque meatus  
& canaliculi, obstruuntur. Certum est in bile æruginosa multum acidi abun-  
dare, quod experimur, si bili acidum affundatur, illico flavus color in viridem  
mutabitur. Viriditate quandoquidem ab invicem bilis discrepat: Authores  
enim bilem æruginosam, porraceam, vitellinam, colore Isatidis Herbæ &c.  
esse ponunt: hæc differentia oritur ex acidi non tantum varietate, sed ex ma-  
jori copia. Bilis porro hoc modo constituta vehementius intestina irritat,  
unde diarrhœa. Ob istius bilis acrimoniam acidisque in ventriculo & intesti-  
nis erodebantur. Sic propter vasorum & glandularum Hepaticarum variam  
obstructionem diversum colorem accepit.

*Quadragenarius à biennii tempore incidit in capitis dolorem, icte-  
rum sæpe ischuriam, viscerum obstructions, & dolorem ischiadicum,  
postremo feбри cum paraphrenitide diem clausit.*

Omen-  
tum cor-  
ruptum;  
vermes  
&c.

**I** Nspecto cadavere Omentum corruptum & inflatum. Colon in latere si-  
nistro admodum contractum & coarctatum. Intestina vermibus plena. In-  
ter vesicam & rectum intestinum tuberculum scirrhosum creverat. Circa fe-  
moris dextri Trochanterem, apostema fuit, continens libram integram pu-  
ris: hinc tendinibus muscutorum & ossium ligamentis erosio, femoris luxatio.  
A postica renis sinistri parte sub musculo lumbari atheroma fuit, è quo  
plus quam duæ libræ puris effluebant: vertebræ tres quibus incumbibat, ca-  
rie exesæ & contritæ erant. Pancreas circa partem duodeni, ipsum in-  
testinum scirrho & atheromate ita obsedebat, ut alterum ventriculum menti-  
retur. Jecur exiguis scirrhosis apostematibus plenum. Splen totus corruptus  
& calculosus.

Pulmones inflammati ac glandulosi tumoribus referti. Sternum, circa  
clavicularum juncturam, atheromate ovi magnitudine obsessum fuit. Sub  
axilla



axilla dextra, inter pleuram & costas ad pugni maximi magnitudinem abscessus graveolens fuit, cujus aciditate quarta, quinta & sexta costa carie non tantum afficiebantur, sed à vertebis divulsæ sunt.

Elevato cranio meninx crassa fuit inflammata. Ad lævam falcis regionem tumor scirrhus & latus in tenui meninge erat. Cerebrum lymphæ flava turgēbat. Ad basin felibra sanguinis inventa.

Hic homo ab omni parte corruptus & obstructus: in capite scirrhus præcedentem indicat inflammationem, unde dolor biennalis.

Obstructiones in Hepate impedimento fuerunt, ne bilis ad vesiculam fellis aditum haberet, unde contigit eam in sanguine remansisse, cutimque colore aureo infecisse. Ischuria à tuberculo inter vesicam & rectum intestinum orta, quia ab eo vesica premebatur.

Apostema circa Trochanterem ischiadicum dolorem procreavit. Sic omnibus visceribus & glandulis obstructis myrias malorum nata fuit.

*Fœmina quædam variis cœpit torqueri doloribus in imo Ventre & Hypochondriis, qui interdum omnino delituerunt, interdum ad lipothymias sævierunt. Facies pallore suffundebatur: Venter in tumorem surgebat, sed inaequalem. Postea dolores circa matricem adeo intensos (parturientium instar) sensit, ut accersita obstetrix, vel molam vel simile quid ex utero proditurum expectaret. Sed præter aquea effluvia, nil apparuit, & dolores paulatim omnino remiserunt. Interpositis aliquot diebus & tumor ventris, & dolores iterum aucti sunt: usu medicamentorum hæc omnia eo usque cessarunt, ut res domesticas iterum aggrediretur; tandem cum lanio suam mactanti adstaret, subito epileptica concidit, & ea ipsa die vitam cum morte mutavit.*

Obs. v.

Mesenterii ob-  
structi  
anatomie.

**V**entriculus, Hepar, Lien, & Intestina debito modo erant constituta, sic & uterus sanus. Loco vero glandularum mesenterii, vesicæ venulis ejusdem implicitæ & tectæ, uti & toti mesenterio hinc inde adnatæ ultra viginti, diversæ magnitudinis, aqua lymphidissima turgentes apparuerunt: quarum una omnium maxima (capitis infantis alicujus mole) se præbuit, & totam matricem contextit. Matrix ut dixi subtus latuit; ab hac maxima sex adhuc paulo minores pugnum æquabant, reliqua ova gallinacea & colombina, quæ omnes inter se nonnexæ, ova gallinacea partim ad maturitatem producta, partim adhuc varia magnitudine succrescentia egregie (een eijerstok) repræsentabant.

Videmus in hoc & aliis subjectis Hydropem vario modo concitari, nunc expanduntur membranæ hepatis, nunc ventriculi, aut lienis, mesenterii, uteri, aut ipsius peritonæi, quibus expansionibus disruptis humor in abdomen effluit, quod sæpe lethum adfert; aqua enim effluxa in venas redire non potest, hinc ex diuturna mora acorem contrahit, & viscera aquæ huic innata, corrumpuntur, nisi tempestivè satis paracentesi aqua extrahatur.



Steatoma  
in abdo-  
mine re-  
pertum.

*Figuli cujusdam uxor tantum ventris tumorem habebat, ut ascitem ingen-  
tem mentiretur. Molem hanc ventris per aliquot annos foverat, &  
pedetentim auxerat, eo usque ut ponderis illius extensione non solum do-  
loribus variarum partium consumeretur, sed insuper compressione pecto-  
ris & diaphragmatis tandem extingueretur.*

**I**ntestina juxta dextrum latus ascendebant, quibus remotis tumor ingens  
propria tunica, satis crassa, totam abdominis capacitatem implebat, libras  
quinguaginta & sex adæquans: adhærebat ventriculi fundo, partibusque cir-  
cumjacentibus. Continebat materiam adipi similem, insuper partim glandu-  
losus fuit, partim quoque scirrhus: verum in medio cavitas foetida, sordi-  
daque sanie repleta fuit.

Mesen-  
terii &c.  
obstructio.

*Puer octennis ab alio quodam puero baculo circa lumbos percussus, aliquot  
diebus post malè habere cepit, qui tamen elapsis quibusdam septimanis,  
tabe consumptus est.*

**V**entre aperto, glandulæ mesenterii non tantum tumebant, sed etiam  
scirrhusæ & ita conglobatæ erant, ut duorum pugnorum magnitudinem  
superarent. Cætera viscera sine culpa.

Hac percussione fortè quidam nervi intercostales per mesenterium excur-  
rentes, læsi fuerunt, unde motus impeditus; glandulæ interim chylum susci-  
pientes, sese versus chyli receptaculum exonerare non potuerunt, ideoque ob  
stagnationem, chylus acorem contraxit, particulæque caseosæ eas non tan-  
tum obstruxerunt, verum earum molem auxerunt.

Obs. VIII. *Quidam de doloribus in abdomine ad jugulum ascendentibus à longo tem-  
pore questus; præsertim cum cibum sumeret. Is subito expiravit.*

**O**mentum habebat putridum, cui foetor aderat. Ingens erat Hepar, to-  
tamque ferè abdominis capacitatem implens. Lien exiguus. Hinc inde  
in abdomine Vesiculæ flatibus distentæ. Exucci pulmones lividi, & versus  
gulæ regionem inflammati. Cor solito majus.

Pulmonibus obstructis, respiratio nec sanguinis periodus liberè peraguntur,  
quarum quiete homo suffocatur. Non mirum quoque illum de doloribus con-  
questum esse, cum Omentum computruerat, quod ob nervos intercostales  
sensibile est.

Obs. IX.

*Nobilis quidam in febrim incidit, cui aderat dolor circa dorsum & lum-  
bos, Tremor item totius corporis ac fluxus hamorrhoidalis: omnibus  
tandem ingravescentibus, delirus obiit.*



**I**N abdomine Pancreas fuit suppuratum, viridi & acri pure refertum. Putrilaginem quandam pulmones continebant: cerebrum liquori acri & subvirescenti innatabat.

De dolore è lumborum & dorsi regione, manifestum est fuiffe Pancreas primo inflammatum & deinde suppuratum. Tremor totius corporis venit à particulis irritativis, quibus liquor subviridis, cui cerebrum innatabat, erat imprægnatus: irritatis quippe meningibus, cæteræ quoque membranæ totum corpus investientes, eodem tremore tentantur.

*Laborabat Mulier quadam Ventris ingenti tumore, adeo ut ab obstetrice pragnans judicaretur; tumor interdum remittebat, aliquando augebatur. Menstrua debito tempore excrevit. Postea ingentibus doloribus tortâ, obiit.*

Omenti  
&c.  
corruptio

**D**Issecto cadavere multum sanguinis aquosi effluxit, implens non tantum abdomen, sed & Thoracis cavitatem: Venæ omnes evacuatæ. Omentum putredine consumptum. Tenuia intestina protuberantia arctissimè inter se cohærebant. Ventriculus, Jecur, Splen, cæteraque huc spectantia eodem quasi vinculo connectabantur. Ingenti pinguedinis copiâ membranæ adiposæ propendebant, adeo ut crassa intestina planè eadem tegerentur. Ventriculus adeo densus fuit, ut ferè cartilaginis duritiem æquaret, supraque janitorem eminentiam acutam habens. Hepar ingentis fuit molis, scirrhosum. Parvus fuit Lien, pinguedini immersus.

Dextra thoracis pars, eodem sanguine aquoso & grumoso plena. Pulmo vix pomi magnitudinem æquabat, verum sinister præter solitum amplius.

Procul omni dubio in utraque cavitate vasorum pñxis fuit, sive à veneno, sive à pondere pinguedinis aut alias, difficile erit judicatu.

*Decem circiter annorum puer, aliquot ante obitum annis continuò de dolore in abdominis sinistra parte querebatur.*

Pancreas  
durum &  
ren ulcere  
consump-  
tus.

**P**ost obitum Ventriculus fuit admodum exiguæ capacitatis, verum intestina supra modum distenta. Pancreas durissimum. Ren sinistri lateris pure consumptus, calculum continens inæqualem. Sinister non tantum præter solitum parvus, sed verius fungosam substantiam, quam renem referebat.



## I V. C A P U T.

DE FEBRIBUS INTERMITTENTIBUS, CONTINUIS, VAGIS,  
SYMPTOMATICIS, PESTILENTIALIBUS, PLEURITICIS,  
ANGINOSIS, CUM MORBILLIS, VARIOLIS, CE-  
PHALALGIA, &c.Febris  
quie.

à **C**hyli ascensione ducimur secundum sanguinis circulum ad cordis re-  
gionem: itaque ab ipso sanguine ordinem primum auspicabimur, &  
quidem à FEBRIBUS. Quando sanguis à chylo indisposito aut malè affe-  
cto læditur, sæpe condensatur, & in motu continuo retardatur; tunc primo  
oritur frigus & deinde calor, quibus cum nonnunquam varia symptomata sti-  
pantur, ac illud Phænomenon FEBRIS appellatur. Itaque *Febris nihil aliud  
est, quam chyli & sanguinis talis condensatio seu coagulatio, quâ omnium humo-  
rum Periodus non parum retardatur, primo cum frigore, deinde incalescentia, va-  
riisque symptomatis, pro vario coagulationis gradu, comitata.*

Frigoris  
causa.

Quando ergo sanguini nostro chylus ferè acefcens commiscetur, ei, instar  
cremoris ferè lactis, crassitiem adfert: inspissatio porro illa satis superque ex  
symptomatis supervenientibus cognita est. Quid enim aliud nobis indicat *Sal-  
iva tenax; Sitis intolerabilis; Oscitatio; Vomitus; Diarrhœa, Dysenteria, Ce-  
phalalgia; Convulsiones, spasmi &c.* præsertim patet *Horrore continuo & frigore  
gelido.* Si solummodo sanguis incrassatus esset, & minimè chylus, tunc fe-  
bris absque ullâ intermissione aut remissione continuo affligeret, quòd in mor-  
bis chronicis patet, qui perpetui sunt; verum quia tales non dantur (quamvis  
propriè loquendo, febres semper sunt perpetuæ, sed non assiduò eadem face  
flagrare solent) in chylo mali latebit fons, cujus affluxu sanguis ea-  
dem labe contaminatur. Propter humorum sane inspissationem, circuitus in  
corpore nostro solitò tardius peragitur; cum itaque in sanitatis statu singulis ho-  
ris duodecies vel tredecies circulum absolvebat, in febrili statu sexies, octies  
vel novies circumfertur; & si circumlatio illa ferè deficiat, morti sumus proxi-  
mi; sed prorsus deficiente, ultimum vale diximus. Hinc Periodus si tardior  
fuerit, necessariò condensatio sequitur, & *omnium partium frigus*: hoc ergo  
phænomenon aliam non habet originem quam à chylo acidis particulis turgi-  
do; Quemadmodum enim lac Aceti admixtione coagulatur (propter globu-  
lorum æthereorum majorem pressionem) sic chylus ab eadem causâ sanguini  
admixtus, facile coagulatur.

Motus  
convulsivi.

Hiscè ita positis, liquor chylosus una cum sanguine caput petens, ineptus  
est, ut ex eo in cerebro succus nervosus segregetur: hinc partium nervosarum  
ac membranosarum debilis expansio, unde motus convulsivi, ut in vomitu,  
& oscitatione, pandiculatione, præsertim constat ut & ex omnium partium  
tremore ac pulsu debili. Ex forti globulorum æthereorum compressione,  
subtilis materia minus in poris admittitur, id propter sanguinis calor deprimi-  
tur, debilitatur. Acidum in febribus abundare, Medicamenta ἀντισπασμωδικὰ  
satis abundè testantur, quæ omnia ex volatilibus & acidum concentrantibus  
parari



parari solent. Vide de hisce ulterius institutiones nostras.

Chylus adeo coagulatus, sanguinem condensat, qui tunc per venas tardius incedit, hinc propter crassitiem pulmones non nisi lento gradu subire potest, quapropter venâ emissus, vi quasi profilit; nam partim propter motum tardiorrem ibidem magnâ copiâ accumulatur; partim propter motus convulsivos, qui venas non raro infestant. Exinde concludendum non est, sanguinem adeo effervesce ac ebullire in venis, sed hic tantâ prorumpere vi non videtur, quæ non nisi lentè per pulmones & cor transfertur, ergo in venis major copia asser-  
vatur, quam pulmones ingreditur. Frigore ægris nimium molestante, *Livor*<sup>Livor unde,</sup> unguibus accedit, quia sanguis circa extremitates aliquando planè subsistit; memini livorem febrilem post anni curriculum primum fuisse deletum.

Evanefcente sensim frigore, *Calor* ægros gradatim invadit. Certum enim <sup>Calor.</sup> est frigus in eodem semper statu non manere: quia materia febrilis à principio ad finem ab influxu subtilis materiæ continuò alteratur, atque sic particulæ sanguinis loco moventur & sensim sensimque magis agitantur, donec tandem calor vigescit, ægrisque non exiguam molestiam parit. Qui si intolerabilis fuerit, *ARDENS* dicitur *FEBRIS* seu *CAUSUS*. Licet in febrili calo-<sup>Febris ardens.</sup> re sanguis magnoperè æstuet, non tamen statuendum eundem effervesce magis ac ignescere quam in statu sanitatis. Particulæ quippe sanguinis vehementer (ferè uti in fæno nimis madidè aggesto rustici cum damno experiuntur) à Materiâ subtili agitatae, motum intestinum habent, longè à sanguinis circulo diversum; itaque motus intestinalis à motu progressivo distinguendus est. Illo quidem tempore plus solito æstuat, nihilominus tamen in hoc statu longè frigidior est, quam si celeriter in sano corpore circumduceretur: sed nunc temporis magis animadvertitur, quia tardius progreditur, itaque facilius & non sine molestiâ sentitur: non secus ac aër quietus, nobis majorem caloris sensationem imprimit, quam ventis motus & agitatus: sic mulierculæ flabellis non incassum aërem in faciem injiciunt. Ast in debito circuitu celeriter transit & nulla ferè sui caloris relinquit vestigia, saltem sanis non molesta. Perennante hoc calore, acidum peccans per poros expirat, atque sic demum sanguis fluidor fit, & in ἀνυπεξίαν statum reducitur: in eo omnes corporis nostri <sup>Apyrexia</sup> functiones bene aliquando obeuntur, donec de novo Paroxysmus redeat.

Intermissionis seu deservescentiæ intervallo, materia febrilis relicta ac necdum penitus subacta vel expulsa de novo chylum ex intestinis sanguini accedentem, quo quasi veneno inficit, eodemque, ut antea diximus, modo, febrilem accessionem cum frigore & calore resuscitat, quæ tamdiu recipro-  
cando perennat, donec febrilis materia planè sublata sit.

Atque hæc in genere de Febribus: nunc examinandum unde illorum varietas <sup>Februm differentia.</sup> dependeat, Hercules adhibendus, ut hæc solvam, cuneus est. Acida omnia plurimum ab invicem differre novimus: in nostro ergo corpore austeritate, falsedine, visciditate, acredine &c. quoque differunt: itaque propter particularum acidarum differentem gravitatem, levitatem, acumen, hebetudinem, &c. diversimodè etiam à materiâ subtili agitantur. Atque sic materia febrilis nunc citius, nunc tardius febrili paroxysmo inundo, maturatur;



tur; hinc patet differentia *Febris Quotidiana*, *Tertianæ* & *Quartanæ*: sæpe enim deficit Bilis præsentia: nonnunquam succus pancreaticus qualitate aut quantitate peccat; aliquando & alia fermenta deficiunt, quibus si sanguis & chylus privetur, ad anomalias sæpe febriles ineundas cogitur. Ausim non sine ratione affirmare totam febriem ejusque diversitates unicè ab obstructionibus dependere, atque sic chylus, ut antea ostendimus, acescit & acorem contrahit.

Febres quotidianæ & tertianæ periculo vacant, nisi mutantur in quartanas, hinc cachexiæ, scorbutus, Hydrops &c. & tandem mors.

Synochus.

Aliquando febres videntur esse continuæ, & dicuntur *Synochi*, quæ eundem etiam, ut intermittentes, servant typum: sed in eo tantum differunt, quod in continuis major sit materiæ febrilis copia, hinc paroxysmi longius extenduntur; desinente enim priori febre, altera iterum hinc incipit, vel saltem intermissio non est longa: hinc resultant nomina *Febris Continua Quotidiana*, *Tertianæ*, sed rarissimè *Quartanæ*, &c. Si sanguis levi tantum modo ab irâ, exercitiis, terrore, solis calore &c. alteratus fuerit, tunc sæpe unico febris absolvitur paroxysmo, quæ Græcis *Ephemera* & Latinis *Diaria* dicitur: quæ si ultra viginti quatuor horas continetur, tunc *Synochus* vocatur *simplex*.

Ephemera.  
Synochus  
simplex.

Hæc varia sæpe concomitantur Symptomata, ut supra relatum. Cum enim acidum in sanguine à lixiviosis alcalicis moderari nequeat, aliquando ita abundat, ut una cum succo intestinali per glandulosam intestinorum tunicam delabatur, unde *Diarrhæa* vel *Dysenteria*, hinc Febris dicitur *Cacatoria* à Sylvio, seu *Cathartica*. Vel si glandulæ hæc obstructæ sint, *Alvus* oritur *Constipata*. Si laxæ fuerint glandulæ salivales, *Ptyalismus* febri comitatur vel sequitur; sin vero obstructæ, *Aphthæ* producuntur. Si per ἐνεργάς partes solitò tardius sanguis circumducatur, ibi moram trahit, incalescit, vasaque ac membranas expandit, hinc CAPITIS DOLOR immanis, qui vix aut raro, nisi sublatâ febre, tollitur. Atque hæc sunt symptomata scorbutum quoque concomitantia. Quo symptomata graviora, eo minor spes affulget.

Diarrhæa,  
dysenteris.  
Alvus constipata.  
Ptyalismus.  
Aphthæ.

Ex Observationibus Anatomicis constat in CEPHALALGIA meningem Phlegmone, Abscessu, Nodis, tuberculis ac Scirrhis obsideri, quæ non nisi ex vasis obstructis producuntur. Ingruente febre, non raro CARDIALGIA excitatur, quia propter frigus, totum corpus Rigore à motu convulsivo, uti & ventriculus tangitur: atque sic plurimum istius acidi succi in ventriculo colligitur, quod propter nimiam acrimoniam vehementer rodit, atque sic ventriculo dolor infertur: quâ ratione etiam NAUSEA producitur & VOMITUS. Nam in vomitu contrahuntur Pylori fibræ, deinde ventriculi, & materia contenta involuntariè in os revocatur: ast in nauseabundis stomachi tantum fibræ constringi videntur: de his vide Institutiones. Ex sanguine porro conturbato in cerebro quoque succus nervosus conturbatus deponitur. Hinc præcedentia, præsentia & futura menti non bene repræsentantur; hinc DELIRIUM ac PHRENITIS: & in hisce sæpe *Meningum* est *Inflammatio*, aut *Rosio*, ab humoribus ibidem stagnantibus, & corruptis. Si idem succus per cerebelli nervos tardè ac inordinatè distribuitur, Delirium tunc PARAPHRENITIS vocatur. Ex succo cerebri deficiente, aut nimis viscido, nec in cere-

Nausea  
vomit.

Delirium.



cerebro nec in cerebello mediocris succi istius quantitas segregatur ac ritè distribuitur : nam propter crassitiem à sanguine sequestrari nequit, hinc istius succi penuria ; sed quod adhuc minori copiâ segregatur, sæpe inordinatè & ἀνομάτως, propter particulas heterogeneas, distribuitur, hinc, diximus *Deliria, & Incongruæ dictiones*. PHRENETICI non raro *floccos quærunt*, ut & LETHARGICI, quod ideo fit, quia succus nervosus steriliter admodum mittitur, hoc est nunc parum nervos opticos perlustrat, nunc vero desinit : hinc color varius, qui illis imaginationem rei (sive flocci sive animalculorum aut alterius quippiam) præbet. Si porro huic succo acidæ ac pungentes particulae adhærescant, convulsiones oriuntur, quæ nonnunquam mortem instantem prænunciant, quia sanguis à cursu suo jam jam est desiturus.

Paraphrenitis.

Phrenitis.

Hicce conveniet ANGINAM, *Laterisque dolorem* annectere, qui morbi semper per se non existunt, sed febribus originem debent : Quando nempe sanguinis tenuiores latices per gulæ glandulas (nempe tonsillas, easque quæ circa fauces & laryngem inveniuntur) permeare propter crassitiem nequeunt, in iisdem hærent ac moram trahunt, deinde coagulantur ac dictis glandulis tumorem ac inflammationem inferunt, de quibus postea latius acturus) atque sic faucium tandem angustiam constituunt.

Angina.

Ex eodem quoque profilit fonte PLEURITIS seu LATERIS DOLOR PUNCTORIUS dictus. In ea olim fuerunt Antiqui opinione *Pleuritidem* esse Pleuræ membranæ vel intercostalium musculorum inflammationem; sed quomodo sese ab hoc nodo expedient nescio, cum contrarium ex cadaverum inspectione, ut plurimum liquet, Testibus *Riverio, Platero, Sennerto* & ex magis recentioribus *H. Regio*, libro Institutionum secundo, ubi dicit, *Pleuritis oritur non tantum à pleuræ, & musculorum intercostalium, sed etiam ab alicujus partis pulmonum exterioris inflammatione, uti docet sectio plurimorum pleuritico-rum, hoc morbo extinctorum, in quibus pulmones affecti inveniuntur, pleura sæpe integra*. Atque hæc sunt *Regii* verba. Non possum concipere, quare sola pleura afficeretur; idque in latere ut plurimum dextro; quamvis non negem in pleura posse fieri inflammationem aut dolorem, absit hoc, ibidem enim loci, ut & in aliis partibus accidentaliter quoque oboriri potest, sed tunc, meo judicio, non esset symptoma, quod *Vera* vocatur *Pleuritis*, sed potius *Spuria*, eadem ferè symptomata mentiens. Magna etiam puris extravasatio in Empyemate, vetat Lateris tantum & non pulmonis esse inflammationem: neque esset morbus tantæ alexæ si sola pleura esset inflammata.

Pleuritis.

Facile itaque divinarem Pulmones hoc modo inflammari: unicam itaque causam de potu frigido, corpore existente calido, adducam, nempe quando potus iste algidus per venas lacteas, ductumque thoracicum magnâ copiâ ascendit, ac mediante vena subclavia per cordis dextrum Thalamum pulmonem in dextro latere infunditur, tunc sanguis à superioribus & inferioribus regrediens à potu frigido admixto coalescit. Ferè eodem modo ac quando primum è venâ est missus. His suppositis, sanguis coagulatus in pulmonibus moratur, & ab adveniente sanguine premitur, ac pressus vascula proxima premuntur, atque sic tenuiores membranarum ac lymphaticorum vasculorum (ex quibus pro parte pulmonum substantia constat) succi, vascula minima pertransire non



possunt, hinc ob extensionem *dolor*, & ob partes sensibiles *punctorius*. Succilli tandem, ritu inflammationum, incallescunt, inflammationem constituent, quâ ad maturitatem perductâ, pus tussiendo ejicitur: Læsis pulmonum organis, vitatur quoque respiratio. Quod pleura simul cum pulmonibus inflammatur, fit propter partium sæpe connexionem; raro enim Pleuritis existit, ubi & pleura & pulmones simul non afficiantur: sed si interiorem pulmonum partem occupat, PERIPNEUMONIA appellatur & dolor tunc gravis est.

Ex his PLEURO-PNEUMONIAE variis quasi speciebus, cæteris paribus, levissima omnium est *Pleuritis*, etiamsi interdum pulsus intermittentem habere videatur, quod in eâ minus periculosum est. Vehementior autem & periculosior est *Peripneumonia*, adhuc periculosior *Diaphragmatis inflammatio*, quæ acutissimus morbus est, atque ægrum citò in summum discrimen deducit, & sæpe jugulat; sicuti etiam *Mediastini inflammatio* periculosior est pleuritide.

Quod si absque interitu ægri hæc *pleuropneumonia* finiantur, terminantur vel *discussione & resolutione*, quæ fit *per se*, vel *Medicamentis*. Vel copiosâ *sputi excretionem*. Vel, inflammationis *suppurationem*, ac in *empyema* transmutationem. Vel raro ac singulari *metastasi*, verbi gratia, nunc ad phrenitidem, nunc in singulares morbos articulares, nunc in ulcera tibiæ, &c.

Si terminantur *resolutione*, vel *per sudores*, vel *Hæmorrhagias*, vel aliis modis, imprimis observandum, num *resolutio* ex succorum prædispositione fiat, quæ, si possit, potius præveniendâ. Per *Hæmorrhagiam* septimo die pleuritis quandoque solvitur & pleuritis in *peripneumoniam* conversa per fluxum mensium sanata. *Pleuriticæ mulieres* per sanguinis mictum curatæ & pleuritis magna in gravida, post partum ob uteri exinanitionem curata. *Diarrhœa pleuropneumoniæ* quandoque solvuntur. Desperata pleuritis per alvi fluxum curata: diarrhœa, quamvis sæpe salutaris, tamen mala esse potest. Porro in *pleuropneumoniâ*, si sputum statim appareat in initio, intra diem tertium scilicet, indicat brevem morbum; sin vero serius, longum. Qui pleuritide laborant, nisi intra quatuordecim dies repurgentur, iis in *empyema* fit mutatio. Qui vero ex pleuritide *Empyici* fiunt, si in quadraginta dies repurgentur, à die qua ruptio facta est, liberantur, alioquin in tabem seu phthisin transeunt. Nempe pleuritis maxima ex parte die decimo quarto terminatur, aut saltem vigesimo, & quidem si æger quarto die exspuat album, leve, æquale, ter vel quater tussiendo, in septimo terminabitur. Si in septimo tale sputum primario appareat, concurrentibus aliis signis bonis, morbus ultra decimum quartum non extenditur. Periculosum signum est, si in pleuritide pulsus perdurus, frequentissimus est.

Paria de *Peripneumonia* quoque dicenda. In specie sputorum magis, quam urinarum habenda est ratio. Ut ut enim urinæ & coctæ, sin tamen sputa sint mala, periculosum; & contra, etiam si urinæ sint malæ, sputa verò bona, melius. Quibus angina in *peripneumoniam* fit conversio, intra septem dies moriuntur; sin hos effugiant, purulenti evadunt: Sicuti contra quam miræ subindè sint *peripneumoniæ metastases* plus minus faustæ. *Vomitibus* biliosus & copiosus in principio pleuritidis.



dis salutem prænunciat. Pleuritici dolore levati, facie tristi facta, oculisque perturbatis, signum est metastaseos pleureseos in cerebrum, casusque ut plurimum lethalis. *Pleuritis* molliter incipiens & usque ad quintum sic procedens diem, sexto vero exacerbata, interdum est lethalis, interdum difficilis. *Delirium*, quod in *pleuritide* observatur, aut fortem sequitur pleuritidem, aut si non sequitur fortem, negligatur, tanquam ordinarium symptomata. Si vero delirium sequatur mitiorem pleuritidem, mitiorem dolorem thoracis & per intervalla infestantem de Metastasi ejus in caput est metuendum. Aliquando in pleuriticis urinæ sunt malæ, cum sputis bonis & liberantur; nam in his morbis ex sputis magis indicium quam ex urinis sumitur. Si quidem sputi conditio signa propria coctionis hujus morbi suggerit, unde pro hujus conditione magna pars *prognoseos* instituenda est.

Sic etiam in FEBRIBUS quibusdam MALIGNIS dictis, sanguis sæpe Peripneumonia adeo coagulatur, ut pulmones subire nequeat, oritur sanguinis subsistentia, momia. Dolor, Respiratio difficilis, aliaque symptomata apparent.

PESTES cum vel sine febre, item FEBRES PESTILENTIALES ac Pestes Febres Pestilenciales & malignæ. MALIGNÆ, omnesque quæ sub hoc titulo veniunt, à venenoso ac deleterio acido volatili gignuntur, cujus ope sanguinis pori figurâ mutantur; quâ mutatione non exigua alteratio, hoc est particularum loco mutatio succis ac sanguini inducitur. Cum pestes grassantur, ær veneno quoque contaminatur, idque ex ruptis montibus, cryptisve subterraneis, hinc halitus Arsenicales, Mercuriales aut fumine acres aut acidi prorumpunt, quibus ab humano genere inspiratis, sanguis aliisque succi contaminantur, coagulantur & tardius circumaguntur. Hoc est particulæ acidæ quæ aërem implebant, conjungebantur inspirando cum acidis, quæ sanguini & chylo insunt, idque propter figurarum, motuum ac partium similitudinem; hinc alcali contentum minori copiâ existens, impeditur, ne motus particularum intestinalis (à quibusdam *Fermentatio* dictus) ritè continuetur, unde secessio ac turbata particularum mixtio: sic eodem ferè modo, ut in lacte quædam particulæ magis ad invicem premuntur ac conjunguntur, sic ab aliis tenuioribus secedunt, atque hoc ritu constituitur lactis simul ac sanguinis coagulatio, cui febrium causam adscribo. Hinc pro particularum varietate, sive ex mineris supra dictis, sive ex putrefactione (cujus particulæ fermentescentes, sanguinem nostrum, corruptionem per se facile subeuntem, à *κρίσις* suâ nil invertunt, ac etiam ad putrefactionem disponunt) aut alias ortis, Pestis quoque varietas constituitur, quæ pro diversitate corruptionis, etiam diversa symptomata producit.

In Guineâ & aliis quibusdam Africæ provinciis post imbres, qui sole in Zenith imminente à mediâ nocte ad meridiem usque perpetuo decidunt, incolæ aliquandiu à venenatis vaporibus quos terra post pluvias exhalat, graviter metuentes domi se continent. In Ægypto etiam, quæ singulari privilegio, constantiori, quam aliæ terræ, serenitate fruitur, si nebula in pluviam solvatur, dicitur corporibus, in quotquot decedit ulcuscula molesta infligere.

Porro sanguis hoc modo constitutus, sive à frigore aliave de causâ subito constipatus, non statim in febrim erumpit, quamvis antea insidias struebat hostis, clamque in sanguine latebat. Sin vero jungatur Febris, ea ex sanguinis



guinis constipatione, à veneno nempe, oritur, primo cum frigore ac postea, ut supra de Remittentibus dictum, cum incalescentia. Sic & Febres Pestilentiales à Malignis gradibus tantum differre, certum est: quippe si symptomata solitò praviora ac maligniora febres concomitentur, ac exequiæ paucæ sint, FEBRES vocantur MALIGNÆ: ast si symptomata sæviora fuerint, ac funerum solitò major frequentia sub PESTILENTIALIUM FEBRIUM nomine censentur.

Consideranda hic porro veniunt quædam symptomata hisce morbis propria, ut sunt *Maculæ*, *Anthraces*, *Bubones*. Primum itaque locum tenent MACULÆ ac VIBICES, quæ nihil aliud sunt quam sanguis coagulatus, qui propter crassitiem in venas redire non potuit, ideoque in totâ cutis peripheriâ circa venarum oscula subsistit; maculasque pulicares rubedine circumfusas, exhibet. Atque hæc fiunt in FEBRIBUS dictis PETECHIALIBUS. Sed quare non suppurantur? quia est sanguis coagulatus, qui nunquam in pus mutatur, quemadmodum lymphæ & chylus, sed quamprimum extravasatus fuerit, tantum putrescit; vel si in superficie corporis subsisterit, exsiccatur, maculas rubras aut lividas relinquit.

Si quando chyli particulæ coagulatae hinc & inde in corporis ambitu sint dispersæ, pustulæ oriuntur cum suppuratione: Tunc enim Febris VARIOLARUM nomine venit. Si vero coagulatio fuerit levior, maculæ rubræ facile evanescent (hoc est, continuo sanguinis circuitu materia extravasata vel absorbetur, vel per jugem diaphoresin expellitur) & non suppurantur, tuncque MORBILLI vocantur. Sunt nonnulli in opinione *Variolas* à fermento quodam uterino originem fortiri, sed quibus *Statica Medicina* non ignota est, aliud iudicium ferent. Nempe si infantes hisce solum tangerentur, & minimè adulti & confecti ætate, aliquo modo esset concedendum; sed quomodo illud fermentum in senibus tamdiu delitesceret, cum ab ineunte ætate continuam diaphoresin habuerunt: itaque argumentatio illa falsa esse videtur, & cæteris erroribus annumeranda. Atque non omnes semel tantum Variolas patiuntur, sed novimus tertiâ quoque vice iis non tantum laborasse, sed & sextâ vice ab iis obiisse, quod rarissimum quidem & observatū dignum.

*Causa* Dixi in superioribus *Causam Pestis Proximam* sanguinem succosque esse pro- habere coagulatos: his præsuppositis, facile intelligitur, eosdem uno tempore celerius, alio vero tardius circumagi: quidam item arteriarum rami nunc magis nunc minus (propter succi cerebri inordinatam secretionem) contrahuntur: sanguis quoque corde statim emittendus, nunc magis nunc minus coagulatus est. Atque hæc tria eodem temporis momento simul concurrere possunt. Ex hisce itaque non difficile diduci potest, quomodo obstructions circa arteriarum fines pariantur. Primo cum sanguinis massa tardius circumvehitur, minor pulsio fit, quare sanguis per minora arteriolarum vascula fluere nequit, unde sanguinis subsistentia.

*Anthraces.* Quando eodem tempore arteriæ debito modo non contrahuntur (quia è sanguine coagulato secerni succus nervosus vix potest) sanguis etiam ibidem loci stagnat: sic etiam, quando coagulatus sanguis è corde expulsus hanc aut illam arteriam obstruit, ANTHRACES seu CARBONES producuntur, quæ



quæ nihil aliud sunt quam Gangrænæ & sphaceli; atque hoc modo fiunt, nempe cum sanguis coagulatus ibidem in aliquâ parte, ut diximus, stagnat, *acidum* illud *acre* seu *serum-acre* à sanguine secedit, quemadmodum serum à lacte, hoc est, motu pristino circulari denegato, particulæ à subtili materiâ aliter disponuntur, atque sic aliæ magis aliæ vero minus à globulis æthereis premuntur. feri porro istius particulæ acres per se subsistentes à materiâ subtili adinstar culicum volantium gregis hinc & inde inter sese in partes circumjacentes & vicinas adiguntur: quippe acrium particularum figura est ensium instar anceps & pungens: atque sic mirum videri non debet, quod pars obsessa Sphacelo aut Gangrænâ corripiatur; pars enim affecta ita læsa est, ac si escharoticum fuisset impositum. *Anthrax* circum se habet sæpe plurimas pustulas acerrimas, quia non tantum unus arteriæ ramus, ubi Anthrax oritur, est obstructus, sed & ejus minores ramuli, atque hac de causâ minores quoque pustulæ producuntur. Aliquando novem numerantur, hinc vulgo *negen oogen* appellantur. Refert *Diemerbroek* sequens exemplum, in cadavere observatum:

Miles quatuor habens carbunculos, summa anxietate & inquietudine, cum magnâ virium dejectione, crebris deliquiis & vomitu violento, laborabat, quique nihil proficientibus antidotis animam efflavit. Cum chirurgus adjuncto de causa vomitus pestilentialis verba ferebantur; affirmabat ille, hunc vomitum plerumque induci à carbunculis in ventriculi tunicis enatis, idque se ab experientia scire, & aliquando cadaver peste cum vomitu emortuum ac jam refrigeratum dissecauisse, & in ventriculo à latere orificii superioris invenisse locum quendam longiusculum, circiter magnitudinis articuli pollicis, qui nigricabat instar carbunculi, quæ nigredo ventriculi tunicas transiens, æque foris, quam intus conspiciebatur.

Post *Anthraces* ad BUBONUM genesin deveniendum: notum est illos in glandulis sub axillis, pone aures, in inguinibus &c. oboriri: deinde glandulas constare ex tenuibus arteriarum canaliculis variè inter sese contortis, nec non ex materiâ vesiculari conflatas. Deinde tempore malignitatis nostri sanguinis succos malè esse commixtos; hinc succi illi, qui per ejusmodi glandulas penetrare nequeunt, in iis manent ac obstructionem pariunt; particulæ acre tunc secedunt, ac dolorem inferunt, quia partem affectam continuo motu & agitatione conscindunt, dissecant. Palpitatio, propter Arteriam compressam & convulsivam, etiam animadvertitur: postea ob materiam lentam & tenacem tardè ad suppurationem perveniunt.

Hiscæ Phænomenis INCRUSTATIO quoque LABIORUM ac *Aphthæ* accedunt, idque sæpe in febribus, quæ tantæ non sunt malignitatis. Non raro in Febrium discessu Labia *Erysipelatis scabritie* incrustantur, quia post sanguinis & succorum restitutionem, glandulæ quædam salivales adhuc materiâ acri, rodente ac obstruente laborant, tunc sæpe linguâ labia, præsertim si adfuerit sitis, linguntur, & leviter inflammantur & incalescunt, pustulæ adveniunt, pus effundunt, eaque crustulis deformant: sed lactis cremore & cretâ aut cerussâ facile medentur.

Propter sanguinem & salivam malè dispositam lingua & totum os crustâ obducitur albâ, quæ APHTHARUM nomine venit. Nam salivâ tenaci to-

Carbunculi pestilentiales in ventriculo.

Bubones.

Labii incrustatio.

Aphthæ.



tum os & lingua non tantum incrustatur, sed & œsophagus, ventriculus imo & integer intestinorum tubus. Ob tenacitatem porro ductus salivales obstruuntur, qui ulterius à salivâ, quæ à tergo premit, extenduntur, atque sic deinceps vascula vicina tam sanguinea quam reliqua, atque sic albedo mutatur in rubedinem, & tandem in nigredinem, indicia gangrænæ & sphaceli (nostra lingua *de Bruine*) atque tale symptoma in Hungaria familiare est, ubi lingua aliquando ob sphacelum decidit, & vocatur *Prunella*. Oesophagum affici liquet ex deglutatione difficili; ita quoque obducitur interior laryngis, &c. pars, unde respirandi difficultas. Sic particulæ Aphtharum ex ventriculo & intestinis sæpe per alvum excernuntur.

Aphthæ albæ, flavæ, candidæ, fungosæ, molles, vel quando flocci instar videntur tumere præstant: sed pessimæ notæ sunt glabræ, viscidæ, subsidentes, compactæ. Habentur etiam rubræ & molles; ut & lividæ, virides & nigrae quæ omnium pessimæ. Aphthæ intra triduum advenientes, morbum prænunciant longum. Aphthis præsentibus, purgandum non est. De *Aphthis ac sitit intolerabili*, consule Institutiones nostras hic de *curatione* breviter agam.

CURATIO, cæteris medicamentis non neglectis, in eo consistit, ut sanguis ceterique humores, blando ac *volatili* quodam *alcali* in pristinum reducantur statum; Factâ igitur dissolutione humorum, Aphthæ ilicò depascuntur ac evanescent. Atque hoc *decocto ex Scorzonera & cornu cervino* præstari potest, huic addenonnihil *Salis prunellæ*, cum *Caphora* tantillo. Sudore enim leviter excitato, multum aciditatis chyli ex corpore expellitur, & pituita viscida blandè dissolvitur, præsertim si calidè sorbeatur. Lingua madesiat quoque continuò *vitellis ovorum cum sale prunellæ & Caphora*. *Succum* non præscribo *sempervivi*, neque *Syrupum violarum*, uti solent, quia plus nocent quam pro-funt. Vino Gallico os aliquando eluatur; quod pituitam Aphtharum incidit, abradit: nam ab emollientibus sæpe non satis celeriter decidunt, ideoque particulæ majorum virium sunt adhibendæ, uti sunt in vinis Generosis. *Succo ex Pastinacis flavis aut Rapis coctis cum Sale prunellæ & ficis*, fauces & os eluantur, leniter enim leniunt, penetrant & incidunt. Cetaceo interim bacillo lingua abradatur, & superscripto succo eluatur. Saliva masticando evocatur, si *Catechu* masticetur, hæc & ejusmodi solemus præscribere. Hisce quoque accedit *potus Theæ, Caffæ, salviæ*, &c. quo nonnihil sitis tollitur aut saltem moderatur: lactis calidi usum non prohibeo.

SYMPTOMATICAM quoque FEBRIM hic non omittendam censeo, quippe ea non provenit nisi ex aliqua partium obstructione, sive sit in *Pulmonibus*, sive in *Hepate, Liene, Renibus*, aliisve in partibus. Pulmones si ulcus obsederit, tunc symptoma PHTHISIS appellatur, cui FEBRIS adjungitur HECTICA dicta; sin vero in aliis partibus, ut Mesenterio, Pancreate, Liene, Hepate ulceratis aut obstructis Latino nomine TABES dici solet: sed differentiam non habent, nisi per viscus affectum, nam semper adesse solet Febris, sive tunc *Hectica, Lenta, Marasmus* &c. vocitetur, sive alias, nomen ad rem non facit. Porro ab ictu, vulnere, casu, propriè *Symptomati-ca* appellatur. Est tamen eadem febris, sive originem sumat ex vulnere, an ex ulcere, eodem redit: Hæc tamen differentia haberi potest, quod *Phthisis* primum

Symptoma-  
tica febris.

Phthisis.

Hectica  
Febris.

Tabes.



primum ex sanguinis malâ constitutione producta sit, cujus molimine obstructio in hac aut illâ parte oboritur; Hinc inflammatio & tandem ulcus, quibus Febris adjungi solet, Quare & *Hæctica Febris* ut Plurimum vocatur, quia est in *ἥξει* sive in habitu, nam omnia viscera cæteræque partes etiam obstruuntur & emarcescunt. Ast quæ propriè *Symptomatica* dicitur, non ex succis aut sanguine primo provenit, sed casu à rebus externis, ut dixi.

Perturbatam sanguinis cæterorumque liquorum malam diathesin, in superioribus, cum de Febribus agebam, demonstravi. Hisce itaque præsuppositis, aliquando succi harum aut illarum particularum figurâ dotati, hos illosve ductus aut canaliculos penetrare nequeunt, in partibus externis ) ut postea dicturus ) vel internis, ut in pulmonibus, aliisve visceribus, obstructions pariunt, confirmatis ergo obstructionibus, Inflammationes oriuntur, & deinde non raro suppurationes: si ulcera deinde aut obstructions diu perennent, sanguis præterlabens quotidie afficitur; partim propter motum impeditum, partim propter particulas sanguini non congeneres, eique ad miscentes: motu porro sanguinis propter obstructions impedito, hoc est, solito tardius circumvecto, in parte læsa, quædam *Incalescentia* (Belgis *Broeyjing*) *oritur* <sup>Incalescentia febrilis.</sup> atque sic Febris tandem producitur. *Secundo*, sanguis cæterique succi ab ejusmodi ulceribus particulas heterogeneas continuò accipientes, ab iis magno perè perturbatur: Quippe integra sanguinis massa tandem corrumpitur, & tunc ægri post excreta, prandium, cœnam, &c. incalescunt, hoc est, tunc temporis primo febrim sentiunt, quia novæ materiæ accessu, sanguis magis afficitur ac incalescit, nam ideo tunc in vasculis minoribus major pressio est, hinc in motu progressivo aliquantulum sistitur; hinc quidquid alcalicum & acidum à subtili materiâ magis agitur & invalescit. Post incalescentiam illam iterum sensim refrigerantur, & color faciei rubicundus evanescit, nam tunc acidum aliquantulum est domatum, & pressio in vasculis longè minor. Atque hæc FEBRIS appellatur LENTA, in qua ægri à longo tempore contabescunt. Eodem quoque ritu in Febribus symptomaticis ex inflammationibus externis aut internis se res habet. <sup>Febris Lenta.</sup>

Satis superque de causis Febrium proximis, ad CURAM adeamus INTERMITTENTIUM, gradibus ab invicem differentium. Succis acres, acidi ac lentis, qui ex acinis glandulosis solent ex sanguine elutriari, *ἄνω* vel *ἀνω* expellendi sunt: si in ventriculo hæreat saburra quod ex appetitu constat nimio, vel planè cessante, vomitoriis incedendum, & non raro hisce medentur quartanæ, uti à longo tempore omnibus notum; vel si æger, ut solet, abhorreat *Emetica*, ex Purgantibus solatium quærat, id que pro viribus, ætate &c. fortibus. Hoc modo expellatur, omnis saburra. Postea; quoniam hostis semina necdum sunt expulsa, ad sudorifera descendendum, uti *ad acidum concentrantia*, *Volatilia oleosa*, *amara diaphoresin insensibilem procurantia*, &c. sudoriferis agitur sanguinis pituita, ejusque acidum domatur, & per diaphoresin expellitur: ex sudoriferorum classe præscribantur sequentia:

*Recipe* Cinnabaris nativæ,  
Caphoræ, ana grana sex.

Croci



Croci Britannici, *scrupulum semis.*  
 Salis volatilis cornu cervi, *grana octo.*  
 Spiritus vini, *quantum sufficit.*  
 Misce fiat Haustus. vel,

*Accipe* Florum salis armoniaci,  
 Caphoræ, *ana grana sex.*  
 Croci, *grana viginti.*  
 Bezoardici mineralis, *grana octo.*  
 Misce fiat Pulvis. vel,

*Sume* Spiritus Cornu cervi, *guttas decem.*  
 Vini Juniperati, *uncias duas.*  
 Misce pro Haustu. vel,

*Contunde* Piperis nigri,  
 Myrrhæ,  
 Castorei, *ana scrupulum unum.*  
 Caphoræ, *grana sex.*  
 Opii præparati, *granum unum.*  
 Misce fiat Pulvis.

Hæc & similia præscribi possunt, & ante paroxysmum dari; quibus, repetitis vicibus, assumptis, sanguis magis agitur ac pristinum motum recuperat; acidis enim particulis sudore exhalatis, ultrò desinit febris, nam pori aliter disponuntur, & subtilis æther alio longè modo perfluit, atque sic motus intestinus restituitur. Sudorifera superius scripta partim acidum figunt, partim quod fixum & ferè coagulatum est, debito modo commovent. *Cinnabaris, Antimonium diaphoreticum, Bezoar minerale, sal & spiritus cornu cervi,* ac similia ejusdem farinae, alcali quoddam acido contrarium, sic *Caphora, Crocus, Castoreum, Myrrha, Piper, Spiritus Vini* &c. particulas possident volatiles, quibus acidum obtunditur, & motus pristinus dissolvendo restituitur. Notandum ne mulierculis delicatulis nec junioribus admodum, spiritus vini propinetur, sed cum ejus succedaneo vino Hoglandico alterove gallicio medicamina misceantur: consuetudini tamen non nihil concedendum.

Ab acidis *Dixi acidum peccare in febribus, cur ergo nonnulli acidis medentur? Hæ-*  
 sæpe febres *bui enim cognatam Anna Vink, quæ immaturas uvas, ex quibus Omphacium*  
 profligan- *premitur, edendo, febrim profligabat. Imo ab æti potu, limoniorum com-*  
 aur. *estione &c. Febres superatas novi. Sciendum omnia acida non esse unius*  
*generis, quia acidorum particulæ motu, magnitudine, & figura multis mo-*  
*dis ab invicem discrepant, ideoque ab his acidis si Chyli acidum ferofum, quod*  
*in sanguine est, superetur, motus sanguinis intestinus, pori, subtilis mate-*  
*teriæ influxus, aëris pressio, & diaphoresis &c. multum immutantur; unde*  
*sanguis sæpe magis scorbuticus evasit, & incalēscentiis febrilibus ineptus.*

Porro



Porro Maximum febrifugum est *Caphura*, constat enim ex sale volatili oleoso adeo ut sal quoddam volatile oleosum sit, quippe tota in auras avolat, ac facile ignem concipit. Probatur id quoque Chymicâ ἐγχειρήσει, neque frigida est, ut olim putarunt, sed potius admodum calida, penetrat linguam ac nares maximè ferit: in ea arcana maximæ efficaciam sunt.

*Cortex peruvianus* ex India occidentali huc allatus *kina kina* dictus inter *Antipyretica* maximi usus censetur, qui in pulvere aut infusione datus sæpissimè Paroxysmos abarcet, cujus vires in alcali quodam, in quantum ego divinor, consistere facile affirmarem; nam si tantâ copiâ non sit exhibita, quantum ad acidum subigendum, aut sanguinis poros mutandos requiritur, Paroxysmus unus aut alter pellitur duntaxat, sed postea febris est recidiva. Sic etiam isto *M. Kergeri* pulvere ex *Corallis & Tartari crystallis*, curavit (eodem teste) omnes febres indifferenter, idque infallibiliter. Eodem modo operantur omnia *Testacea* uti & *oculi canceri* cum *nitro*.

Porro ut sanguis diu sine recidivis in motu continuetur, Volatilia quædam usurpanda veniunt, ut *spiritus cornu cervi aromatis* imprægnatus, *sal Volatile oleosum Sylvii*, vel *nostrum*, *Elixir volatile*; huc quoque pertinent summo-perè quædam oleum & sal volatile possidentia: ut tincturæ & infusiones ex *Absinthio latifolio*, *Carduo benedicto*, *centaurio minori*, *Ligno colubrino*, *Baccis lauri*, &c. ex.gr.

Remedia  
ne redeat  
Febris.

### TINCTURA ANTIPYRETICA.

*Recipe* Cort. Peruviani,  
Ligni Colubrini, *ana uncias duas.*  
Salis Absinthii, *unciam semis.*  
Spiritus vini Juniperati, *uncias viginti.*  
Misce fiat Tinctura.  
*Dosis* in adultis ad uncias duas.

### ALIA TINCTURA ANTIPYRETICA.

*Recipe* Herbarum Absinthii vulgaris.  
Cardui Benedicti,  
Centaurii minoris, *ana Manipulum unum.*  
Ligni Colubrini,  
Baccarum Lauri, *ana uncias duas.*  
Aloës Lucidæ, *unciam semis.*  
Spiritus vini Juniperati, *libras tres, aut quatuor.*  
Misce fiat Tinctura.

De quâ mane ac vesperi Unciæ duæ vel tres fumantur. Chylus hisce uti & sanguis admodum corrigitur. Vermes si adsint, aut pituita, addi quoque potest *Allium & semen santonicum*.



ELECTUARIUM NOSTRUM ANTIFEBRILE, ET  
SUDORIFERUM.

*Sume* Rad. Acori,  
 Angelicæ,  
 Aristolochiæ Rotundæ,  
 Fabacææ,  
 Contrayervæ,  
 Galangæ,  
 Gentianæ,  
 Helenii,  
 Kinæ Kinæ,  
 Ostrutii,  
 Valerianæ,  
 Pyrethri,  
 Zedoariæ,  
 Ligni Guajaci,  
 Sassafras,  
 Colubrini,  
 Sem. Anisi,  
 Carui,  
 Angelicæ,  
 Fœniculi,  
 Levistici,  
 Dauci,  
 Santonici,  
 Baccarum Juniperi,  
 Lauri,  
 Folior. Absinthii latifolii,  
 Cardui Benedicti,  
 Centaurii minoris,  
 Rutæ,  
 Scordii, *ana libram semis.*

Infundantur omnia in sufficiente quantitate aquæ ferventis per diem unum aut alterum, deinde per aliquot horas coquantur. Colatum atque expressum per facum residentiam depuratum, evaporetur in consistentiam ferè Electuarii, sub finem addendo

Olei nucis Moschatæ expressi,  
 Opii colati & in consistentiam debitam evaporati,  
 Olei caphoræ, ex radicibus, nempe, arboris cinamomi destillati, *ana unciam unam.*  
 Spiritus tartari, *unciam semis.*

Salis



Salis tartari, *libram semis*

Syrupi baccarum Sambuci, *libras duas.*

Misce fiat secundum artem Electuarium.

*Dosis* ad drachmas duas vel tres cum vino calido ante paroxysmum. Plus mille hominum hoc Medicamento à febris quibusvis intermittentibus restitui,

Loco julepi alicujus, ut solet, acidis, aut syrupis corrupti, bibendum curo *scorzonera decoctum* cum cornu cervino, uti & *Potum Theæ, Coffeæ, Organi Hispanici*, aut *Salviæ*, vel *Aquam simpliciter coctam* sorbendam jubeo, quibus in continuo sudore continentur, & febris in fugam pellitur. Vinum gallicum optimæ notæ in febris non prohibeo, aquam si admisceas. Vulgaria enim julapia sunt quidem linguæ grata, & sapiunt palato, imo & sanguinem refrigerant: sed refrigerio hic opus non est, quia incallescencia potius suffocatur quam expellitur, ideoque plus nocent quam profunt, nam diaphoresin prohibent; omnia refrigerantia, quia sanguinem cæterosque succos constipant, procurant primo ut acidum continuetur, deinde ut particulæ crassiores, ac quietiores non volatilisentur nec motum pristinum recuperent. Potius quoque acidis sitis augetur, *quo plus sunt potæ, plus sitiuntur aquæ.*

Propter acidum succedunt, quæ **EPIDEMII MORBI** dicuntur, autumnali præsertim tempore; unde alias originem haberent, nisi ex fructibus horti- Epide-  
mii rariis, Ribesiis, cerasis, Uvis, Pomis, Pyris, Prunis, &c. acido scatenti- morbi. bus, quo sanguis præsertim instante hyeme ob frigoris adventum valde constipatur, adeo ut, propter causas supra allatas per facile febres oriantur: sed hi-  
ce aër venenatus sæpe multum contribuit.

Censuram quoque venarum tusio meretur: quippe, secundum nostram Venæ de Febribus hypothésin, in pluribus morbis ferè inutile erit medicamentum, sectio in quoniam sanguis incrassatus venæ sectione dissolvi non potest, neque motus, quibus tempore sanitatis assuetus, recuperari. Porro in omni Febri vires conservari prosit debent, quod sanguinis effusione fieri nequit. Fateor quidem aliquando fe- vel noceat. bres post venæ sectionem fuisse sublatas; certè non inficias ibo, ac ipse olim ægris præscripsi; sed potius non venam secando, quia antipyreticis commodis sanguinis *συσπύκνωση* erat sublata ac materia peccans foras excreta. Verum post emissum sanguinem ægri facile recidivas patiuntur, vel totâ hyeme imbecilles sunt, & tanquam tabe confecti ac semî mortui, exsucci obambulant, flavo colore, macri, ac frigidi, nonnunquam quartanâ per annos laborant & sic deinceps. Citius quoque venâ non sectâ curantur, quam phlebotomo aperta. In magnis morbis, ut Peste, Febribus Pestilentialibus, Variolis, &c. cane pejus & angue venarum aperturæ vitantur: si ergo in ejusmodi morbis Phlebotomia inutilis Judicatur, quodnam igitur utilitatis in morbis gradu multò benignioribus procurabit? revera nihil. Ratio itaque ac experientia nobis suadent hanc operationem in curatione febrium totaliter esse eradicandam, quamvis antiquitus traditam. In quibusdam tamen casibus ad eam, tanquam ad sacram anchoram, concurrendum est. In gravi *Mania, Pleuriticis*. &c. *intolerabili dolore, prohibita circulatione* &c. optimum aliquando remedium existit. Maniacis enim furor deservescit: Pleuriticis vero dolor levatur, causata tamen non aufertur, & prohibita circulatio restituitur. Diximus in superioribus pleu-  
riti-



ritidim esse in pulmonibus obstructionem, hinc liquet Phlebotomiæ ope, sanguinem nimis contra obstructionem prementem, non nihil retardari, & sic pressio illa & membranarum expansio ægros non amplius molestat, & dolor tolerabilis evadit. In syncope vel Lipothymia, aliisve morbis, in quibus circulus sanguinis prohibetur, aperturâ venarum promovetur. Exemplum producimus alicujus furis, qui postquam à carnifice ad patibulum suspensus erat, & quædam temporis momenta pependerit, pro mortuo habebatur. Chirurgus quidam adstans, datâ à Magistratu veniâ, furi jam denato, venam in crure tudit; quid fiebat? Mortuus judicatus iterum in vivis vocatus, promotâ tantum sanguinis circulatione; atque hoc mihi pro veritate relatum.

Epicarpia  
quid possint.

Porro ejusdem quoque farinæ *Epicarpia* sunt, quæ à circumforaneis ac ventulæ sæpe parantur, si constent ex volatilibus, ut *fuliginæ camini*, *Terebinthinæ*, *croco*, &c. præterfluentem sanguinem aliquantulum volatilisant, sed hoc parum æstimandum est, intertians febribus (quæ per se non diu affligunt) videntur aliquid efficere, sed in quartanis nihil profunt, & oleum ac operam ludunt. Vocum quoque, ut ferunt recitationes nullam febrim tollunt, novi plurima exempla in cassum adhibita, sed omnia illa flocci pendenda, quia in nullâ ratione consistunt, neque divina revelatio est.

In FEBRIBUS REMITTENTIBUS seu SYNOCHIS primo quoque sudandum, & si necesse sit iterandum, deinde pro potu, quod supra scripsi, dandum; & paucis diebus, crede mihi, absque julepis acidis ac venesectionibus curaberis, expertus loquor. Præter hæc etiam symptomata respicienda sunt, eodem modo ut suo loco egimus, nam de Aphthis, Diarrhæis, Vomitu, &c. sigillatim locuti sumus. Si alvus non respondeat at suppositorio ex melle & sale, aut enemate fæces induratas emolliente, &c. laxanda.

Antipleurica

Pleuritici in continuo contineantur sudore. Ex. Gr.

*Recipe* Flor. salis armoniaci, *grana decem*.

Antimonii diaphoretici, *drachmam semis*.

Croci, *scrupulum unum*.

Succi stercoris equini, *unciam unam*.

Spiritus Juniperi, *quantum sufficit*.

Misce fiat Haustus.

Omnia stercora sale volatili pollentia, in ejusmodi affectibus summopere profunt. Habuit id quoque *Helmontius* olim inter secreta sua Antiplauritica. vel,

*Recipe* Succo Taraxici, *unciam unam*.

Caphoræ, *grana decem*.

Cinnabaris nativæ, *grana sex*.

Spir. Cornu cervi, *guttas sex*.

Anisi, *quantum sufficit*.

Misce fiat Haustus. vel

*Recipe* Oculi Cancris, *scrupulus duos*.

Salis volatilis cornu cervi, *grana sex*.



Bezoardici Mineralis,  
Crocī, *ana grana decem.*  
Misce fiat pulvis. vel,

*Recipe* Vini Hispanici, *uncias viginti.*  
Salis volatilis oleosi, *drachmas duas.*  
Spermatis ceti, *scrupulum semis.*  
Misce detur cochleatim. vel.

*Recipe* Sanguinis Hirco,  
Oculorum Cancro, *ana drachmas duas.*  
Crocī, *drachmam unam.*  
Cinnabaris nativæ, *scrupulum unum.*  
Misce fiant pulveres *numero sex.*  
Singulis bihoriis detur unus. vel,

*Accipe* Hordei mundati,  
Seminis cannabini, *ana unciam unam.*  
Stercoris Gallinæ,  
Equi, *ana unciam semis.*  
Coquantur ex aquâ ad uncias viginti. Colaturæ adde  
Salis volatilis oleosi, *drachmas duas.*  
Misce fiat potio. vel

*Recipe* Olei seminis lini, *uncias quatuor.*  
Caphoræ, *scrupulum unum.*  
Misce. vel,

*Accipe* Tinct. Papaveris erratici, *unciam unam.*  
Crocī, *scrupulum semis.*  
Spiritus Cornu cervi, *guttas duodecim.*  
Misce.

Proficuum etiam erit ut bibat *Decoctum scorzonerae ac Cornu cervi cum papaveris Erratico & Cannabis semine.* Vel *Tincturam Theae aut Coffeae:* aut *Chine & Salse parillae decocta,* quæ multum sunt æstimanda. Notandum ut omnia, quæ æger bibit, calidè assumantur, ne morbus exasperetur: nihil enim nocentius in his morbis, quam frigidus potus, nam coctionem impedit, excretionem remoratur, tussim exacerbat, inflammationem intendit & lædendo pulmones, respirationem difficiliorem facit, quæ omnia in calido potu contraria modo se habent. Supra pectus aut locum dolore affectum *arenam calidam* imponito. Illinatur linimentis ex *Oleo Maceris.* Vel Cataplasma fiat aut Fodus ex *Phellandrio, Ruta, Tabaco, Roremarino & Spiritu vini:* materia enim impacta attenuari ac dissolvi debet. In continuo sudore æger contineatur, alias aspe expectata esset frustratus. Vel fiat Emplastrum ex *unguento althææ, oleo Macis expresso, emplastro de mucagine, &c.*



Quid in  
dolore,  
pleuritico  
facien-  
dum.

Dolores interim admodum pungentes *opio præparato* sedandi, cui volatilia aut mitiora quædam acidum temperantia & dissolventia sunt admiscenda. ut,

*Recipe* Salis volatilis oleosi, *guttas viginti.*

Elixiris volatilis, *uncias duas.*

Opium præp. *grana tria.*

Vini Hispanici, *uncias tres.*

Misce detur cochleatim. vel,

*Accipe* Dentis Apri,

Mandibulæ lucii, *ana drachmam semis.*

Caphoræ, *grana sex.*

Opium præp. *grana duo.*

Spiritus cornu cervi, *guttas duodecim.*

Vini Hispanici, *uncias tres aut quatuor.*

Misce.

Quid in  
pleuritide  
de venese-  
ctione  
censen-  
dum.

Non opus est statim venam aperire, ignorantiaæ asylum & plurimorum confugium: nam emissio sanguine aliquando quidem levatur dolor, at paulo post multò sæpe vehementius redit, adeo ut priorem venæsectionem reiterare cogantur, illaque tam sæpius repetitur, donec ægro & sanguis & anima effluxe- rit, ac ipse esse desit, quod sæpenumero contingit. Causa quare dolor post phlebotomiam mitigatur, hæc est: quia sanguis præterfluens tunc temporis tumorem minori vi premit, hinc membranæ quoque minus extenduntur, quam antea: sed postea particulis balsamicis ac alcalicis una cum calore è san- guine exhaustis, reliquus liquor statim vappescere & acescere incipit, partem- que læsam magis afficit, quare dolor majori crudelitate sævire incipit. Si enim hac methodo curetur æger, admodum tardè restituitur, vel in *Empyema* in- cidit: ideoque non nisi tardissimè ad venæsectionem descendendum, Pure factò, quod ex sputo cognoscimus & intra pleuram & costas collecto, ibi tanquam in sacco sæpe colligitur, si ejusitaque certissimus, apertio inter duas costas est molienda, præsertim si emplastris emollientibus versus exteriora pus allici nequeat, huic alias conveniret decoctum vel emplastrum ex tabaco ap- plicatum. Vomitus ad puris vomitum rumpendam, convenit, & tunc pus in thoracis cavitate colligitur. De *Empyematis curatione* hic nihil dicam, quia ea materia in *Chirurgia* postea tractabitur. Alvus si non respondeat *supposi- toriis* aut *enemate* sollicitari oportet.

Peripneu-  
monia.

Quoad PERIPNEUMONIAM. ea curari debet ut *Pleuritis*. Ea est inflam- matio in parte pulmonum interiore, cum celeri ac difficili respiratione, tussi, dolore gravativo, & febri continuâ. Eadem est causa ac in Pleuritide, sed lo- cus tantum est diversus. Pleuritide Periculosior est. Sreatum in principio flavum, cum pauco sanguine, signa bona. Si sreatus non appareat cum vigiliis, delirio, vel alto sopore, cum extremitatum frigore, stertore, diffi- cultate respirandi, unguitibus lividis ac incurvatis, signa sunt lethalia. Non raro in *Empyema* transit.

Quia



Quia *Pleuritis* & *ANGINA* non nisi gradibus differunt, de ejus *prognosi* & *curatione* Methodum dicam. *Causam* alibi diximus. Atque hæc inflammationes vel per se evanescunt, vel discutiuntur, vel suppurantur, & tunc facile ulcera manent diuturna, quæ non facile curantur, vel terminantur suffocatione & morte. Si in *Angina* inflammatio vix conspici queat, malum omen & signum est asperam arteriam quoque obsideri. Si inflammatio sit in glandulis aut musculis internis majus periculum imminet, quam in externis: si secreta fuerit tenax, crassus ac paucâ quantitate; vel cum spumâ circa os; inflammatio subito evanescit, si os foeteat, faucium adsit angustia, Lethalia signa sunt.

Itaque obstructio solvenda est, medicamentorum penetrantium adhibitione, ut tumor dispareat; si non, maturantia sunt adhibenda: interim symptomata non sunt negligenda. Prudenter purgationem institues, præsertim si alvus fuerit astricta. Si necessitas exigat, vena tundatur, ne sanguis vehementer in partem inflammata ruat; sed ipsam causam non tollit; obstructio enim semper est in canaliculis arteriarum angustissimis, & nunquam in venis, hinc repelli non potest.

*Vesicatoria* propter sal volatile penetrans etiam non nocebunt.

Gargarismata consent oportet ex subtilibus & penetrantibus, ut materia intricata, fluori restituatur, & si solvi non possit, ad maturitatem reduci debet, quod sæpe per se fit. Colluat fauces sequenti Gargarismate.

*Recipe* Aquæ coctæ, *uncias duodecim.*

Spiritus vini, *uncias quatuor.*

Salis armoniaci, *guttas viginti.*

Caphoræ, *drachmam unam.*

Misce fiat Gargarisma. vel,

*Sume* Herb. Hyssopi,

Salviæ,

Malvæ,

Hederæ terrestris, *ana Manipulum unum.*

Ficuum pinguium, *Numero sex.*

Florum sambuci, *manipulum unum.*

Albi Græci, *drachmam unam & semis.*

Sem. sinapi, *unciam unam.*

Coquantur ex Aquâ ad uncias viginti, colaturæ adde

Tincturæ assæ foetidæ, *guttas sex.*

Misce fiat gargarisma.

Solum sinapi decoctum sufficit pro gargarismate.

Collo applica *Emplastrum de mucilagine cum Theriacâ.* Aut Cataplasma ex nidis *Hirundinum*, vel ejus loco *Hirundinum stercora* cum *Radicibus Althææ* aut *Brionie*, quibus adde *Herbas Parietarie*, *Malvæ*, *Sulphur*, *Butyrum recens*, *Oleum Menthæ*, &c. vel ex *Rapis*, *Capis*, *Liliorum capitibus*, albo



*græco*, *Ficis*, *semine Fœnigræci*, *Lini*, *croco*, &c. vel ex *Tabaco*, *Farinâ* *seminis Lini* & *Caphora*, Cataplasma fiat admodum penetrans. Atque ne cataplasinata frigida fiant, ut solet, sacculo arenâ calidâ impleto, noctu fovripotest. Si circa fauces alba macula appareat, ea aperienda, & cavendum, ne in Asperam arteriam pus destillet, deinde ulcus sequenti Gargarismate detergendum; ut.

*Recipe* *Aristolochiæ longæ*,  
*Iridis Florentinæ*, ana *unciam semis*.  
*Fol. scabiosæ*,  
*Agrimoniæ*, ana *Manipulum unum*.  
*Nucum cupressi*, *Drachmam unam*.  
*Flor. rosarum rubrarum*, *Manipulum semissem*.  
*Myrrhæ*, *Drachmam unam*.  
 Coquantur ex Aquâ ad uncias quindecim,  
 Colaturæ adde.  
*Mellis albi*, *unciam unam*.  
 Misce fiat Gargarisma.

Si Omnia porro non succedant, & ægri suffocari minentur: *Laryngotomia* institui debet, atque sic cannulâ argenteâ aër est trahendus. Sorbilia quædam nutritia, mediante siphone in œsophagum immittantur: uti & purgantia dissoluta, post cujus usum ægri non raro levamen sentiunt.

Hic loci hirundinum nidi præscribuntur, sed ex iis nihil video, quod aliquid emolumenti adferre possit. Nidi enim non ædificantur ex stercore, sed ex fœno, pilis, plumis & gleba, unde ergo vires? ex gleba? ergo gleba erit contra anginam. Qui versatur circa hirundinum nidos, observabit eas excrementa extra nidum deponere, quod sensit in veteri Instrumento Daniel, cui sterco- ra in oculos deciderant. Brevi, à nidis non expectandum, quod ab iis vulgo receptum est.

*Variolæ.*

Quoad VARIOLARUM curam, in iis vitandum est frigus, sed calore corpus foveri oportet, alias prohiberetur diaphoresis requisita, & *Variolæ* non efflorescerent, atque sic materia morbifica sanguinem magis contaminaret. Itaque sudoriferis diaphoresis est procuranda. Ex. gratia.

*Recipe* *Croci*, *grana quinque*.  
*Rad. Contrajervæ*, *scrupulum unum*.  
 Misce fiat Pulvis.

*Recipe* *Croci*, *grana sex*.  
*Bezoardici Mineralis*, *grana tria*.  
 Misce fiat pulvis.

Hæc & similia usui venire possunt, ut leviter continuo transpirent. Ovium scybala in sacculo suspendi possunt in cerevisiâ, ut sit pro potu: vel ejus loco de-



decoctio fiat, ex *scorzonera* & *Rasura cornu cervi*: Et si ægri desiderent Theam aut Coffeam, ad sudorem usque sorbeant. Variolæ maturæ acutæ sunt aperiendæ, ne acris materia cutim nimis lituris corrumpat. Oleo quoque *Amygdalorum dulcium* illinuntur, vel cerevisiâ irrigantur in qua ficus fuerunt cocti. Oculi læsi à catulo lingantur: sic pro collyrio sumunt lac muliebre crocatum: & si dolor adsit, non nihil opii additur. Fauces si læsæ sint sumant pro gargarismate succum ex rapis coctum, vel cerevisiam ficuum dulcedine imbutam.

Venæsectione hic opus non est, quia emissio sanguine corpus infrigidatur, & per consequens diaphoresis inhibetur. Et si alvus minus respondeat, non purgantibus *ἄνω*, sed enemate laxante *κάρω* stercora emulgenda. E contra in Indiâ orientali, in locis nempe calidissimis, se refrigerant fluviis immergendo, ne corporis perspirato nimia fiat: quod & in aliis morbis fieri mihi relat-  
tum.

*Quinquagenarius ab annis tribus laboraverat pleuritide, incidit postea in tussiculam, cum flatibus; ac viscida saepe sed nunquam pus aut sanguinem exspuebat. Supra diaphragma, admota aure materia fluctuans audiebatur. Omnibus remediis frustra applicatis, inter quartam & quintam vertebra cauterio aperta via est. Multum crudi puris effluxit, sed quinque post dies mundo cessit.*

Pleuritidis  
observatio  
anatomica.

**P**ost cadaveris dissectionem pulmones quasi exucci & scirrhi: membrana pulmones & costas succingens syderata pro parte erat.

In superioribus docui pleuritidem non tam pleuram quam ipsos pulmones posse invadere. Rationesque addidi, ita in hoc cadavere nullum in laterali membrana stigma inveniebatur, sed pulmones affectierant.

Inflammatiō tunc temporis fuit in eo pulmonis loco, quo pus factum vix per bronchia & laryngem exspui poterat: ideoque post pleuritidem, materia necdum excreta acescebat, membranasque pulmonum systema constituentes aciditate suâ ad motus convulsivos irritavit, unde Tussis. Nam *tussis* nihil aliud est quam *vehemens pectoris & pulmonum efflatio*, qua id, quod spirandi instrumentis est molestum, vi aëris expellitur. Atqui iste motus non aliunde oritur quam à convulsione.

Non difficile tunc conceptu erit, quomodo pus copiose sensim aggestum, tandem in diaphragma eruperit: imo quare postea toti pulmones cum membrana pleura siderati sint: omnes etiam glandulæ quas pulmones continent, tandem à pure & humoribus viscosis obstructionem passæ sunt, hinc eorum ariditas ac scirrhusa facies: cum enim succiglandulas amplius permeare non possunt, in scirrhum incidunt, & per consequens sicciores fiunt.



Dissectio  
Phrenitici.

*Quidam de cephalalgia per biennium questus est, tandem in phrenitidem & convulsiones incidens, obiit.*

**A** Blato cranio, meninx exterior variis in locis foraminibus erat pertusa, quibus sanguis coagulatus & valde foetens profluebat. Vasa sanguinea meningesperreptantia, sanguine concreto quoque turgida. In cerebello abscessus, humore subcitrino colore turgidus.

Febricitantis  
Anatome.

*Quidam à longo tempore febris afflictus, cum dolore in dextro Hypochondrio & respiratione sæcla, lumina clausit vitæ.*

Ingens erat jecori abscessus; hinc & vena cava ascendens pure repleta.

*Ex febris lenta & respirandi difficultate, cum deliriis, quidam vitam amisit.*

Post  
lentam  
Febrim  
Anatome.

**P** Ulmones lividi & exucci. Lien plumbei coloris. Interior Vesicæ paries & intestina hinc & inde inflammata. Scirrhum incidunt, & per consequens ficciores fiunt.

Nihil puris aut cruentæ materiæ expuit, quia, ut statim dixi, se ob longam à trachea distantiam in fistulas respiratorias exonerare nequivit. Quod interim flatulentus fuit, mirum non est, cum omnes pituitosi à quavis occasione inflantur: aer enim inspiratus, vel alio quovis modo intus in corpore tractus, si visciditatibus inhæreat, non tam facile extricatur, quam si, succis haud tenacibus esset permixtus: aer quippe aqua purâ conclusus diciliffius bullas excitat quam si sapo admixtus fuisset.

Pleuritidis  
& Empyematis  
Anatome.

*Incidit quidam in pleuritidem, ac tandem in Empyema.*

**C** Adavere dissecto, muscoli intercostales ac pleura apostemate erant affecti; pus acrius factum & pulmones sphacelo affecit, ac diaphragma corrodit, & foramine in dextro ejus latere excitato, inter viscera imi ventris perfundebatur, quo ventriculi ac intestinorum tunicæ exteriores corrosæ & discolors inveniebantur; tandem intestinum rectum corrodendo perforans, pus una cum excrementis per anum foras eliminabatur.

In superioribus demonstravi & ratione, & illustrium virorum experientiâ, morbum lateralem ἐπὶ τὸ πλὸν pulmones pati: procul omni dubio quin etiam in hoc ægro pulmones inflammatione & deinde abscessu correpti fuerint. Ita & muscoli intercostales una cum pleura ob viciniam facile infici potuerunt. Pus deinde pulmonibus effluens, acrius evasit, & corrodendo ipsum diaphragma perterebravit, unde in abdomen effluxit; atque sic non tantum intestina sphacelo corripuit, sed & anum ipsum perforavit.

Memini me olim vocatum Leovardiæ fuisse à nobili matronâ, cui pus etiam per



per foramen ano corrosione illatum effluxit. Laborabat enim antea matricis abscessu, ex quo pus per intestina spargebatur. Post mortem renuerunt liberi ne aperiretur, cum ipsa idame viva adhuc, serio postulaverat.

*Advocatus longo tempore saepe sanguinolenta deinde purulenta exspuit, queritur de magno dextri lateris dolore: tandem è vivis excessit.*

**L**ibuit post mortem pulmones indagare. Utrunque costis firmiter non tantum adnati, sed & inferius diaphragmati. In latere dextro fragmenta quædam bronchiorum cum pulmonum membranosa substantia erant avulsa & putrida: pus cruentum copiosum. Vox clangosa fuit. Altera observatio.

A sanguinus sputo puris sputum, malum. Atque hoc in nostro Causarum patrono manifestum; ab incunabilis ei pulmones diaphragmati connexos fuisse, facile fidem meretur.

A quavis occasione, idque à longo tempore, fortè nimio corporis motu aut alias, sanguis, quam potuit, celeriter per pulmones ruebat, unde vasorum pulmones perreptantium præzis, sanguinisque effusio. Cujus putredine adjacentes partes corruptæ, imò & tracheæ ramulus unus aut alter qua via materia sanguinolenta extussiri debuit. Interim cum plaga in principio neglecta fuit, tandem & purulenta ejecit; quia vascula lymphatica à sanguinis effusi compressione, obstructa, lympham effundebant, quæ post aliquot temporis moram, in pus versaest.

Haud mirum, eum de dextrilateris dolore conqueri, cum ob diaphragmatis & pulmonum connexionem respiratio libera ei denegata fuit, nam respirando membrana connectens, jugi fibrarum elongatione, læsa fuit.

Porro cum pulmones perforati sint, aut alio modo læsi, vox ipsa vitatur, hinc clangosa facta est. Pro varia enim pulmonis & laryngis dispositione, etiam vocum efflatio mutatur, quod unicuique obvium.

*Unde quinquaginta annos natus vir, ut dicitur, melancholicus, & Hypochondriacus: per aliquot annos de dolore sinistri Hypochondrii vexatus, incidit, post prægressam fluxus Hæmorrhoidalis suppressionem in sanguinis sputum, singulis tribus mensibus repetens. Ast tertio rediens animam evomuit cum sanguine.*

**L**ien non tantum magnus, sed & lividus & flaccidus. Vasa mesenterii & omenti atro sanguine turgebant, & varicosa videbantur. Ren sinister solitò flaccidior & magnitudine inferior dextro: dexter vero in parte superiore extrorsum vesiculam ad magnitudinem pilæ lusoriæ, latice subflavescente turgidam habuit. Post sanguinis exsputum & anatome.

Pulmones sanguine nigro referti, ac inflati.

Quorum cruor aciditatibus abundat, inspissato sanguine gaudent; non quod sanguis ad saporem usque acidus sit, sed cujus particulæ salinæ & volatiles, instar



salis armoniaci sint, quod in officinis vulgo venditur: illud quippe constat quidem ex particulis volatilibus, verum ab acidis particulis ita domatum, ut vix sui juris sit, nisi addantur aliæ quædam particulæ plane alcalicæ, tunc acidum domatur, & quod volatile erat, jus pristinum, in statu volatilitatis existens, possidet.

Ad eandem planè normam res se habet in ægro nostro, cujus sanguis ita est inspissatus, ut inde obstructiones patiatur. Revera quantum acida nocent, norunt ii, qui acetariis quotidie vescuntur, vel in morbos vagos, vel chronicos, cum adoleverint, incidunt; nisi exercitiis inutile acidum (rustici enim, præsertim in Frisia, seroso lacte, nec non sero acido multâ copiâ utuntur) per diaphoreseos vias evaporare cogant: Verum desides ac studiis continuis dediti, nullo exercitio corpus suum & sanguinem commoventes, non multum transpirant, acidumque in sanguine servant, & hinc, proh dolor! illæ lacrymæ.

Sanguis ita inspissatus & in liene à particulis tenuibus (lien enim multum lymphæ à sanguine segregat, inque chyli cisternam ablegat) liberatus, magis densatur, adeo ut ipse lien obstruatur, hinc Hypochondriaca passio, sive lienis intumescencia. Ob eandem causam sanguis per arterias Hæmorrhoidales in venas ejusdem nominis transire impotens, partes ani distendit, & aneurismata concitat, quibus ruptis, sanguis effluens *fluxus Hæmorrhoidalis* dicitur. Sæpe tamen varices eodemque in loco concitantur, sed hoc plerumque fit, à prægressâ alvi constipatione, qua sanguinis regressus impeditur, ita ut venæ magnopere distendantur, tandemque rumpantur.

Incidit quoque æger noster in *sputum cruentum*, seu *Hæmoptysin*: Non mirum, quoniam, sanguis etiam per pulmonum vascula sanguinea liberum transitum non habens, & ab adveniente, per arteriam pulmonalem, sanguine propulsus, tenera vascula ita dilatavit, ut tandem ruperint, unde sanguinis extravasatio & per Trachææ ductus excretio.

Phthifici  
Anatome.

*Quater novem annorum vir Phthificus, repentima morte tollitur.*

**I**N thorace circa Arytænoidem cartilaginem collum inflatum instar strumæ erat: vivens tamen inflationem non habuit. Pulmones exulcerari & pure pleni. Et quod mirum, frustum rupti pulmonis trachææ fistulam ita obstruxerat, ut aër vi inflatus in pulmones adigi non potuerit.

Phthisis pulmonum ulcus est, cum febre, tussi &c. causa repentinæ mortis fuit obstructio. Trachææ à frusto pulmonis putridi, unde respiratio impedita, & suffocatio. Ista colli inflatio forte à convulsione inter moriendum genita est, alias ipsam vivus animadvertisset.

Alia.

*Ex Matre phthisi mortuâ natus quidam studiosus noctu vagabundus, & quosvis cibos ac potus sine discrimine ingurgitans, violenta ac diuturna tussi obruitur, tempore nocturno præsertim affligente: sputum erat rotundum, postea virulentum. & ex albo virescens: huic Hæmoptysis succedebat.*



bat copiosa & anorexia, cum febris circa vesperam magis recrudescente. Adeo emaciatus fuit, ut ossa vix cute obducerentur. Manus & pedes calore languido tuebant: postea diarrhœa superveniente, auxiliisque omnibus incassum tentatis, esse desit.

**P**Ulmones, aperto cadavere, suppurati. Iisque dissectis, pus foetidissimum totumque cubiculum inquinans, inventum est.

Quid Phthisis sit, & quid de ea dicendum, in superioribus plus semel enarravimus. Ex Hippocrate id veri ei contigit, cum dicit *Tabido diarrhœa superveniens, lethale*. Licet matre tabidâ natus, nihilominus mala victus ratio, huic malo producendo non parum contribuit, & acceleravit.

Amulus cujusdam Herois, postquam plurimum currando incaluisse, & poculum cerevisiæ frigidioris hausisset, tussi, pectoris angustia & maximâ respirandi difficultate corripitur; hisce febris, cum siti intensa, nec non malarum rubore accedunt. Hic ex inopia Medicum negligens, morbum vilipendebat; Dominus tamen Medicum ad se accersiri jubet. Pulmonibus laborare ajit. Pulsus erat tangendo magnus, undosus & Tertia. quodammodo languidus. Galenica Methodo administratus, incidit saepe in Lipothymiam, & tandem ad plures abiit.

**A**Bdominis contenta inculpabilia erant. In Thorace pulmones nigri & sphacelo infecti inventi sunt.

Potus nimium frigidus, sanguini æstuanti affusus, eundem coagulat; cujus coagulum per pulmones transitum non inveniens, in iis non tantum manet sed corrumpitur, unde tota hujus morbi Tragœdia.

Quatuordecim annorum Virguncula à quatuor annis tabe incepit laborare; Quarta. postea tussi & febricula correpta est. Functionibus quotidianis obeundis satis vigilans. Cibi & potus valde appetens. Per sesquimenssem ante obitum decumbens, moritur.

**M**Esenterium scirrhis ac steatomatibus duris undique plenum, præsertim circâ vasa sanguinea: quædam ovi anserini magnitudinem superabant, alia nucem moschatam excedebant. Cibi ut comesti erant, impermixti excreti fuerunt. Ramosus calculus pondere sesquicilici in dextro pulmone & abscessus foetidus, membrana inclusus fuit: inciso tumore tanta puris copia effluxit ut dodrantem bis æquaret. Porro pulmones scirrhis ac steatomatibus referti. Cor molle & flaccidum: cætera satis sana.

Quadragenarius post febrim tertianam diuturnam curatam, Hydropem asci-



Pleuritici  
Anatome.

*tem incurrit. Venter admodum intumuit, præsertim umbilicus, qui ad pugni fere magnitudinem protuberabat. Postea sua sponte rupit, & convalluit.*

*Post annos aliquot in pleuresin incidit, & ab eadem obiit.*

**P**ost obitum vena umbilicalis, quæ alias concrefcit & ligamenti indolem acquirit, non tantum aperta inventa est: sed facillimè pennam anserinam admittit.

Testatur non tantum *Aquapendens* sed & *Bartholinus* Venam umbilicalem præter communem ordinem in Hydropicis referari. Fortasse Hepar ingentem molem, hydatidibus obsessam, excrevit, ruptisque aquulis, vena illa ita madefacta fuit ut facile dilatari, & à sanguine in venam portæ contento repleri & iterum aperiri potuerit.

*Puella quadam, ex parentibus sanis nata, circa undecimum ætatis annum, primo in febrim, ut dicitur, Ephemeram, mox in Hecticam incidit.*

*Hinc cum spatio trium mensium doloribus totius corporis, ariditate Linguae, tussiculâ, deglutiendi, respirandi atque loquendi difficultate, sudoribus frequentibus, præcipuè noctu, imo & dormiendo vexata esset, tandem planè extenuata, obiit.*

Tabidæ  
&c. Ana-  
tome.

**C**Adavere aperto, intestina vermibus plurimis infarcta conspiciebantur. Mesenterium scirrhum, & hinc inde materia gypseâ, uti quoque circum circa venam portæ, refertum fuerat. Hepar in diversis locis tam in parte sua concava, quam gibba, steatomatibus scatebat. Hepar mediante materiâ gypseâ tam tenaciter diaphragmati adnatum erat, vix ut avelli posset. Circum circa venam cavam tam ramum ascendentem, quam descendentem, moles materiæ hujus gypseæ, ad magnitudinem pugni, tenaciter adhærescit, ramosque comprimebat. Substantia lienis materiâ hac gypseâ undique scatebat. Thoracis vacuum aquâ limpidâ & non nihil flavescente plenum viscebatur. Pulmonis substantia materia purulenta imbuta, uti quoque steatomatis, nucis vel castaneæ magnitudinem excedentibus, hinc inde referta apparebat. Circa exortum arteriæ asperæ ex pulmonis substantia, mola, steatomatum materia permixta, ovi magnitudinem excedens, inventa est, quæ tam asperæ arteriæ quam œsophago adhærescebat.

Tussicula ex pulmonis mala diathesi orta: læsis enim pulmonum organis, respiratio quoque difficulter peragitur. Sic & loquendi difficultas orta est, quod steatoma quoddam tracheam compressit. Ita & sanguis debito modo circumduci non potuit, & hinc nutritionis defectus, sanguinisque corruptio, & febris, quæ dicitur Hectica.

Totum corpus ex malâ diætâ obstructionibus laborasse planum est. Parit & Hepatis valetudinarius habitus, bilis defectum, ejus penuria, visciditates & vermes. Visciditates procreare glandularum mesenterii, Hepatis, Lienis, Pul-



Pulmonis, aliarumque partium obstructions: quibus si accedat multum acidi, quicquid adhuc volatile erat, figitur in materiam gypseam.

*Quidam Tabæ consumptus, vitam cum morte mutavit.*

**E** Piploon fuit gangræna corruptum & propè consumptum. Ren dexter non secunda tantum calculum continebat magnum, sed & putridus erat. Sinister erat lividi coloris. Hepar scirrhis putridisque tuberculis & abscessibus plenum, lien livescebat: sic & intestinorum genus decoloratum, imo mesenterium consumptum, adeo ut præter glandulas corruptas, ferè nihil remanserit. Pancreas scirrhosum. Pulmones ambo pure referti, variisque maculis conspersi.

Αδύνατον ferè est, aliquem in vivis manere, cui corpus & sanguis est corruptus: obstructions hic nullibi sunt exclusæ, unde scirrhi, gangrænæ atque puris nidi: Diutius quidem in explicandâ hac observatione vacarem, verum si Lector retro eat, eandem explicatam inveniet.

*Habitu quidam pinguiori, annis abhinc binis admodum macilentus fit, ita ut cutis vix ossibus hareret, atqui sic tandem in Phthisin incurrit. A* <sup>Tertia.</sup> *primâ hujus morbi instantiâ vox adeo intercipiebatur, ut vix particula affirmativa aut negativa effari potuerit. Ante sex menses ei tumor infra mentum succrevit, ut nihil cibi solidi per œsophagum deglutire quiverit sed potulentis sese per aliquod tempus sustentavit, donec ob vires deperditas ad plures abierit, evanescente tamen prius tumore.*

**P** Ulmones adeo leves erant & spongiosi, ut vix plumæ cederent: paucum sanguinis continebant, ex eorumque vasis purulenta quædam exprimebantur. In larynge nihil tumori simile repertum.

Omentum pene consumptum. Intestina inflata & vacua. Ileum fuit nigricans. Hepar luridi coloris. Bilis solito obscurior.

Membrænæ circa mentum fortè inflatæ fuerunt, unde tumor, quo & cibi deglutitio & loquela impedièbatur. Nam si adfuisset Steatoma, illud non tam facile evanuisset.

*Febris erat ita ardens, ut viscera omnia comburere viderentur.*

**D** Insecto Cadavere, Viscera omnia nigra & quasi sphacelata inventa sunt. <sup>Post febrim Anatome.</sup> Ventriculus vix tangi poterat, quin in frustra discederet.

Diximus sæpè febricitantium sanguinem valde esse inspissatum, quod præprimis in hoc subjecto liquet, cum sanguis viscera perreptans coaluerit. Idem ostendunt maculæ cutanæ, à coagulato sanguine concitatæ.

*Quidam*



*Alia. Quidam post febrem ardentem, & medicamenta frustra adhibita, fati-  
cessit.*

**O**Mnia post obitum optima quidem disposita fuissent, si ventriculus variis  
pustulis non fuisset interius obsessus.

*Post  
febrim  
lentam  
Anatome.*

*Ex febrilenta & respirandi difficultate, cum deliriis, quidam vitam ami-  
sit.*

**P**Ulmones lividi & exucci. Lien plumbei coloris. Interior Vesicæ paries  
& intestina hinc & inde inflammata.

*Alia.*

*Quidam à longo tempore febris afflictus, cum dolore in dextro Hypochondrio  
& respiratione læsa, lumina clausit vitæ.*

**I**Ngens erat jecori abscessus; hinc & vena cava ascendens pure reple-  
ta.

*Post  
variolas  
Anatome.*

*Infans Variolis laborans, fortè ob negligentiam, suffocatus; passus fuit al-  
vum obstinatum.*

**I**N Thorace lymphæ viridis. Folliculus fellis obstructus. Quamvis Hepar  
exuccum & pallidum, inordinatæ tamen erat molis & figuræ. Pancreas  
pustulis obsessum. Multum adipis circa cordis basin.

*Post fe-  
brim cuti-  
culæ cor-  
poris de-  
corticatio.*

1680. Vocatus à Dom. Hoogkamer, cujus filia Anna annorum duodecim  
intentissimâ laborabat febris: post data sudorifera, & quæ ulterius convenie-  
bant, totius corporis, eâ reconvalescente, senectam exuit, à manibus chiro-  
thecæ in modum cuticulam detraxit. Fortè quia quod per diaphoresin erat e-  
vaporandum subepidermide remanserit, ibique in modum cantharidum eam  
à cute separaverit: facies enim & cæteræ corporis partes, febricitanti, ad-  
modum tuebant.

Christianus Frauwen Dronthemi Chirurgus expertissimus, hanc mihi de  
Febribus Intermittentibus observationem communicavit.

*In ditio-  
ne  
dronthe-  
mensi fe-  
bres inter-  
mittentes  
raræ.*

Non possum tacere, modo vobis non sit notum, in hac Norvegiæ plagâ  
(circa Dronthemum nempe) Febres Intermittentes esse rarissimas: imo tem-  
pore duodecim annorum, quo hic Medicinam feci, nullum, quantum re-  
cordor, patientem febris intermittente laborantem, habui: modo hic loci  
semper manserit & non aliunde huc secum portaverit. Anno 1693. Mense  
octobris quidam huc ex Hollandiâ venerat, qui ibidem febris quotidianâ erat  
correptus. Is non nisi difficulter ab hac febris liberari poterat. In manus in-  
terim venerat Author quidam nomine Matth. Godfried Purman, qui in Chi-  
rurgiâ suâ infusoriâ scribit, semet ipsum infusione in venam quandam à quoti-  
dianâ febris liberasse: idque aquâ cardui benedicti sola. Ast quoniam illa  
aqua paucis viribus pollere videbatur, addidi drachmam semissem spiritus  
The-



Theriacalis, & decem spiritus salis armoniaci guttas. Quem liquorem, in dextrum injeci brachium horâ semi decimâ pomeridianâ: sed febris, quæ post meridiem horâ tertiâ solebat invadere; nunc semi horâ post injectionem ingruerat: postea iterum horâ tertiâ adveniebat quidem, verum solitò mitior erat. Sed post octavum aut nonum diem non amplius accedebat: nunc in vis est & sanus.

Quidam sexagenarius longo tempore febris intermittente laborabat, qui ab alio, ut fit, pro consilio accepit, ut integram pintam, (five uncias viginti) spiritus vini Juniperati unico haustu ebiberet, deinde per plateas, ad sudorem usque, curreret: dictum factum, sumpsit & se currendo fatigabat, domum rediens & ad lassitudinem perductus, in pavementum cadit cum alto sopore & ingenti stertore, qui statim moriebatur. Sanguis enim ab hoc spiritu admodum mobilis factus, & per se crassus cerebri canaliculos obstruxit, unde apoplecticus factus, vitam cum morte mutavit. Hinc discimus, non temerè quævis Remedia esse sumenda, quia sæpe plus nocent, quam prosunt.

In insula *Columbo* & continenti *Cormandel*, rarissimè Anginæ oriuntur. Lusitani Goenses radicem habent, nomine *Rais d'abutere*. Dicunt hanc radicem in omni inflammatione plurimum valere, præsertim in faucium inflammationibus. Hæc supra lapidem marmoreum cum aquâ in pulvem teritur; quâ pars inflammata oblinitur: atque sic statim evanescit inflammatio. Et quod mirum, dicunt nunquam quemquam Anginâ laboraturum, si hujus radicis non nihil de collo suspendat.

Observavit Amicus meus *Ægydius Daalmeans* M. D. in India orientali (nempe in insula *Ceilonensi*, *Javanensi*, in continenti *Cormandel* &c. vix oriri Anginam aut febres, aliosque plurimos morbos. Addit homines plerisque invadere Paralyseis, Veneream luem, fluxus alvinos, choleram &c. porro & maxime in *Ceilonica* insula morbus est, in quo correpti nesciunt dicere quomodo se habeant: in iis cibi appetitus nullus, virium debiles sunt, tardi &c. & verbo, scorbutici sunt, à quo tanquam marasmo extenuantur & moriuntur.

Contra faucium ulcerationes *Ceilonenses*, inquit R. *Knox*, corticem alicujus arboris manducant, nomine *Amaranga*. Ipse (dicit) experientiâ & certitudine testor de ejus virtute. Iste cortex, postquam ab illis est præparatus, per diem unum aut alterum solummodo manducatur; deinde succus salivaris exinde prodiens, est deglutiendus. Hoc ego feci & spatio 24 horarum planissime restitutus fui. Hæc ille.

Hæc si vera, hic loci idem remedium institui posset, ex corticibus cinnamomi Magellanicis, seu Winterani, pyrethro, Mastiche, Tabaco, &c. quia ut plurimum anginæ ortum ex glandulosis succis, vitiatis & incrassatis originem trahunt: hinc aliquando in assuetis Tabaci succum, cum optato eventu, suasi.

Antipyreticum  
temerarium.

In insula  
Columbo  
& Cormandel  
Angina  
rara.

Alia.

Contra  
faucium  
ulcerationes  
medela.



## V. CAPUT.

DE HÆMOPTYSI, TUSSI, ASTHMA TE, PHTHISI,  
VOMICA, &c.

**H**ÆMOPTYSIS sive *sanguinis è pulmonibus sputatio*, quando ab aliquâ de causâ vascula pulmonum sunt rupta, sive à corrosione, sive ruptione vasculorum pulmonalium, sive à veneno assumpto aut alias ex casu, contusione sæpe non ex pulmonibus, sed ex ipsâ asperâ arteriâ aliquando educitur: tunc enim sanguis spumofus non est, uti quidem ex ipsâ pulmonum substantiâ, qui aërem admixtum habet. Huic sputationi ansam quoque præbent monstrosa de- negata, ac Hæmorrhoides non fluentes: aëris vehemens frigus, cursus celer- rimus, &c. si magna vasa sint rupta, majus instat periculum, quam si mi- nuscula: major restitutionis spes est, si nulla adsit Cacochymia, Scorbutus  
 Hæmopty- sit. Phthisis, Senectus, Tabaci suctus, vini adusti quotidiana assumptio, aci- dorum usus nimius, &c.

In Hæmoptysi sæpe expuuntur venæ, quando pulmonum substantia est cor- rupta: sed præter venas interdum sanguis coagulatus in modum venarum sputo excernitur; quando nempe sanguis in venis, aut bronchiis diu coagulatus mo- ram traxit, tunc enim venarum in modum extuffitur. Sic quoque topi- tussiendo excutiuntur.

Hic non tantum curandum ut sanguis incrassatus attenuetur, pristinoque motu restituatur, sed & extravasatus expectoretur, ac vasa rupta consoliden- tur. Sanguis itaque crassus ac lentus, corrigitur præsertim Alcalinis, chaly- beatis, Oleosis &c. quæ non tantum acidum temperant, sed & consolidatio- nem procurant: ut sunt formulæ sequentes.

*Recipe* Tinct. Succini,  
Caphoræ, ana drachmam unam.  
Misce. vel,

*Sume* Olei Terebinthinæ succinati, drachmam unam.  
Detur guttatim. vel.

*Accipe* Mastichis,  
Thuris,  
Oculorum cancri, ana partes æquales.  
Misce fiat Pulvis.

*Dosis* Pro adultis sit drachma unica. vel,

*Recipe* Spiritus Matricalis, uncias duas.  
Vini Canarini, vel  
Hispanici, uncias tres.  
Tinct. Croci, drachmam unam.

Misce.



Misce.

Sanguinis spuitio modum si excedat, additur nonnihil opii: ut.

*Recipe* Croci,

Mastichis,

Caphoræ, ana grana decem.

Opium, granum unum vel duo.

Misce fiat Pulvis.

*Tinctura Martis ac Lapidis Hematitidis*, hic etiam in usum vocari possunt, acidum enim temperant, obstructions debellant, ac ulcera deterunt. Potus quotidianus *Coffeæ*, *Theæ*, *chocolatæ* &c. etiam multum valent: uti & quotidianus *Lactis crocati* haustus. Conveniunt hic non minus *Pilulæ ex Terebintinâ*, *Caphorâ*, *Oculis cancri*, *Balsamo Peruviano*, aut de *Copaibâ*. Cavendum perprimis ab acidis, & pituitam generantibus: uti & à Tabaco nimio, ac vino adusto. Non laudo quoque vulgares syrupos, quia plus nocent quam profunt, & si quid solaminis adferant, non tamen radicitus morbum eradicant. Neque astringentia laudem merentur, præposterè enim usurpantur: nimium enim sanguinem & succos condensant; & si quid efficiant, tantum impediunt, ne sanguinis motus nimis sit in locum læsum celer & premens, sed causam non tollunt. Errant itaque qui *conservam rosarum rubrarum* cum spiritu *vitrioli* præscribunt. Melius conveniret *Decoctum ex Salsa Parilla & china*, quod in omni ferè morbo conducit. Si menstrua cessant, aut cachexia, &c. adest, tunc ejusmodi medicamenta hisce admiscenda.

Pulmonis quoque morbus **TUSSIS** est, quæ est vehemens & convulsiva efflatio, continuò rediens, inæqualis, cum multo sonitu, & non raro cum pectoris sibilo. Estque *Sicca* vel *Humida*. Si *Tussis* continua sit, cum sibilo, anhelatione inter ambulandum aut altiora ascendendum, & periodica, **ASTHMA** appellatur. *Causæ* sunt irritationes in pulmonibus vel extra eos. In pulmonibus causa esse potest à gravedine & frigoris susceptione, tunc enim succi salii & pituitosi stagnare coguntur in fistula pulmonali, illamque convellunt & ad tussim sollicitant. Succus illi sunt qui ex interiori tunica Asperæ arteriæ promanant: vel ex vasculis lymphaticis pulmonis substantiam perreptantibus. Vel quando à sanguine aut pure in pulmonibus stagnante vesiculæ pulmonales obstruuntur, atque sic membranæ & nervi ad convulsiones sollicitantur. Si causa sit interna, venit ea à succo nervoso malè disposito, quæ nervi & membranæ pulmonis vel thoracis Tympanitidis in modum expanduntur, ita ut thorax dilatatus constringi nequeat, atque sic aer contentus egredi non potest, neque recens hauriri: atque sic nascitur *Tussis sicca*, & præcipua videtur in Asthmate esse causa: quæ Accessiones habet & Intermisiones vel potius Remissiones, pro variâ aeris & succi nervosi mutatione. Asthmatis itaque accessus seu paroxysmus nihil aliud esse videtur, quam intermittens quædam contractio seu convulsio, incerto tempore recrudescens. In lecto ægri vehementer incalescunt ac anxii fiunt, cum alias extra lectum sese non inale habent: nam ob calorem, quem è lecto & stragulis sentiunt, sanguis & cæteri succi ita

Tussis,  
Asthma.



incalescunt ac moventur, ut in tussim & sudorem incidant : nam vasa pulmonalia, ob auctam circulationem magis premuntur, uti & ipsi cutis tubulifudatorii : quod etiam fit si locum altum ascendant, celeriter eant, aut grave onus ferant, &c.

Si tussis diu perseverat, in A S T H M A mutatur, & Asthma in Hydropem aut Tabem, & tandem in Mortem. In Asthmate Pleuritis aut Peripneumonia, *θανάσιμον* judicatur. Quia, ut in superioribus dixi; in Pleuritide pulmones ἐπὶ τὸ πολὺ læsi sunt, qua de causa suffocantur, nam vires deficient & materiam, à priori asthma auctam, ejicere nequeunt. In Junioribus sæpe curatur, in Adultis raro, in senectute nunquam.

Ob minorem enim corruptionem pulmonum, spes major in Junioribus, quam adultis aut senioribus. Raro Plenissimè curatur, præsertim in veratum. Vehemens tussis abortum inferre potest, & Herniam producere. Non raro mutatur in Hæmoptysin aut phthisin. Tussis diuturna cephalalgiam parit, oculosque rubentes & protuberantes : in senibus ad extremum vitæ terminum sæpe durat.

Succi acres sunt temperandi & expellendi, ne pulmones ulterius lædantur; & ad tussendum sollicitentur. In ipo Asthmate paroxysmus est invadendus & avertendus : sed paroxysmo cessante, causa est respicienda. In hisce morbis *Balsamica* profunt, *Oleosa blanda* & *Volatilia*. Uti sunt.

*Radices Iridis Florentinae, Angelicae, Helenii, Rapa. Semen Anisi, Carei, Coriandri, Cardamomi, Crocus, Castoreum, Terebinthina, Millepedes, caryophylli, lignum Aloës, Ambra grisea, Moschus, Benzoin, Bolus, Mastiche, Ammoniacum; Flores Sambuci, Sapo Venetus, Amylum, Succus Glycyrrhizæ, Flores sulphuris & Benzoini. Tinctura croci, Antimonii, spiritus salis armoniaci, Laudanum opiatum, pilula de cynoglossa, &c.*

Quoniam appetitus sæpe prosternitur, Ventriculus non raro pituita est obfessa : ideoque levi Vomitorio saburra educitur, vel vino aut cerevisiâ medicatâ, & blanditèr purgante : convenit hic ante omnia *Elixir salutis* : nam *Cathartica* vehementia hic bonum successum annihilarent. Potus sit calidus, *Theæ, Coffeæ, Chocolatæ, Lactis crocati*. Vel sumat decoctum ex *salsa, china, Hyssopo, Allio* &c. uti & *Lac cum sapone veneto* coctum & potum conducit, & à *Lacte cum Allio* multum est expectandum, nec non à *vino scillitico*, & *pilulis ex gummi Ammoniaco, Assa fœtida, Martis vitriolo* &c. sequens *Tinctura* multi est valoris, ut.

*Recipe Spiritus Hederæ Terrestris,*

*Matricalis, ana. uncias sex.*

*Cornu cervi,*

*Tincturæ croci,*

*Castorei, ana drachmam unam.*

*Vini Hispanici, aut*

*Canarini, uncias viginti.*

*Misce detur cochleatim. vel*



*Sume* Rad. Helenii,  
 Angelicæ, *ana uncias sex.*  
 Castorei,  
 Caphoræ, *ana drachmam unam.*  
 Fol. Hederæ terestris,  
 Hyssopi, *ana unciam unam.*  
 Seminis carei,  
 Anisi, *ana unciam semis.*  
 Mastichis, *uncias duas.*  
 Vini Hispanici, *uncias quadraginta.*  
 Spir. Salis armoniaci, *uncias quatuor.*  
 Misce fiat destillatio.

Guttatim in vino Hispanico sumatur. vel,  
 Fiat infusio ex Spiritus vini, *unciis decem.*  
 Passularum minorum contusarum, *unciis quatuor.*  
 Zingiberis, *scrupulo uno.*

Post aliquot dierum infusionem, cochleatim sumatur. Pro necdum adultæ ætate, Infantulis, detur Vinum Hispanicum. Trochisci Bechici, aut Tabellæ fieri possunt, ut.

*Recipe* Rad. Helenii,  
 Angelicæ,  
 Croci,  
 Caphoræ,  
 Mastichis, *ana drachmam unam.*  
 Olei Anisi, *drachmam semis.*  
 Succiglycyrrhizæ, *uncias duas.*  
 Misce fiant Tabellæ.

De hisce aliquando nonnihil masticare potest : & si Tussis excedat modum, nonnihil *opii præparati* additur.

In *Asthmate* ferè eodem modo ac in *Tussi* proceditur. Quidam Emetica in hoc morbo præscribunt, sed Expertus sum non cum bono successu fieri, quia irritatis succis spasmus sive membranarum pectoris partium major fit. *Willisius* præscribit *Millepedes* non sine bono successu. Memini ex multiplici observatione Astmaticos post Musculos (*Mosselen*) comestos, se multo melius habuisse, procul dubio à sale volatili, quibus abundant. *Diuretica* profunt. Alvus est laxanda non purganda. Sequentia non sine fructu exhibentur. ut

*Recipe* Rad. Angelicæ,  
 Glycyrrhizæ,  
 Zingiberis, *ana unciam semis.*  
 Fol. Hyssopi siccati, *Manipulum unum.*  
 Sem. Anisi, *unciam semis.*



Carei, *drachmas tres.*

Olei Anisi, *guttas viginti.*

Mellis albi despumati, *libram unam.*

Misce. vel

*Recipe* Terebinthinæ Venetæ coctæ, *unciam semissem.*

Gummi Ammoniacy.

Caphoræ, *ana drachmam unam.*

Misce fiant pilulæ.

*Recipe* Millepedium, *drachmas duas.*

Florum Benzoin,

Salis succini, *ana scrupulos duos.*

Extracti Helenii,

Castorei, *ana drachmam semissem.*

Croci, *scrupulum unum.*

Terebinthinæ Venetæ, *quantum sufficit.*

Misce fiant Pilulæ.

*Flores & Tinctura Benzoin* in hac occasione profunt: uti & sequens *Balsamum Benzoinum.*

*Recipe* Florum Benzoin, *unciam unam.*

Spiritus Terebinthinæ *uncias quatuor.*

Misce.

Lento solvantur calore, donec Tinctura fiat rubicunda, quæ in Vino Hispanico guttatim sumatur. vel

*Recipe* Terebinthinæ Venetæ,

Balsami Copaibæ, *ana unciam semis.*

Peruviani,

Croci, *ana drachmas duas.*

Benzoës, *unciam semis.*

Macis, *drachmas tres.*

Moschi, *grana viginti.*

Spiritus Vini, *quantum sufficit.*

Destillantur in Balneo.

Spiritus hujus & Oleum guttatim in vino Hispanico exhiberi possunt.

In Asthmatis paroxysmo *Laudani Opiati* granum unum aut alterum conveniet. Vel grana decem Pilularum de Cynaglossâ; & minoris erit ponderis croci Extractum; vel,

*Accipe* Opii Thebaici,

Sanguinis Draconis,

Benzoin,

Croci, *ana drachmas duas.*

Ambræ gryseæ, *scrupulum unum.*

Spir. Vini rectificati, *quantum sufficit.*

Fiat. sec. artem Extractum.

*Dosis* à granis tribus ad quinque. vel *Laudanum Liquidum*, ut

*Recipe*



*Recipe* Spiritus Vini sale Tartari ad rubedinem.

saturati, *uncias sex.*

Opium Thebaicum, *drachmas sex.*

Croci,

Ligni Aloës, *ana drachmam unam.*

Castorei,

Caryophyllorum, *ana drachmam semis.*

Misce fiat Tinctura.

*Dosis* à guttis decem ad viginti & ulterius.

Si suffocatio minetur, ad venæ sectionem descendendum est; ut pulmones à sanguinis majori impetu liberentur: atque tunc statim aër liberiores in pulmones ingressum accipit.

Infantibus datur *crocus* cum *melle*; & pectori applicatur Emplastrum ex *oleo maceris expresso*, & *cumini*, *caphora* (ex radicibus cinamomi) *cerâ* & simili-

bus. In Indiæ regione *Cormandel* ab ultimis diebus Februarii, ferè usque Novembris initium singulis diebus duo diversi venti habentur alter à regionis plagâ, al-  
De Asthmaticis in Cormandel observatio.  
 ter è mari surgit. Circa noctis medium prior incipit, & posterior circa meridiem; sed interdum tam prior quam posterior aliquot dies flare perseverat, idque absque ullâ mutatione: & prout tunc à terrâ veniat, vel è mari, tunc aër calidus est vel moderatè frigidus; Marinus enim ventus aërem valde temperat, caloremque nimium moderatur: è contra Ventus à continenti, interdum adeo calidus est, ut diceret illum ex fornace candenti evomi; verum si ventus vitetur, aër non magis calet, ac si nullus esset ventus.

Omnes porro illi qui *Asthmatici* sunt, eo tempore vix respirare possunt, imo in terram se prosternere coguntur, quia hoc medio, quemadmodum dicunt levamen sentiunt: verum quamprimum ventus è mari incipit flare, statim respiratio liberior est. Hujus rei rationem hinc esse ajunt, quod quindecim aut sexdecim miliaribus ab hoc loco montes sint ignem eructantes, quorum calor hoc vento è locis illis longinquis huc transfertur. Imo & inter montes illos & urbem *Paliacattam* aër interdum valde turbidus visitur, ac si plenus fuisset pulvere aut cinere; quod sæpe evenit, quando ventus iste duos vel tres dies continuatur. Imo & eo tempore tam magnæ quam parvæ aves advolant, quæ aliis temporibus nunquam visuntur; atque illæ præ calore & pulvere ita exanimes sunt factæ, ut ferè manu capiantur.

*Mercator* . . . . *Manfdale nisi fallor*, *triginta annorum*, cum vivebat, quotidie de tussi cum anhelatione pectoris ac gravitate circa hepatis regionem querebatur, ac à motu corporis celeri in cordis palpitationem incidebat, quæ postea sensim cessabat. Aliquot diebus ante obitum crebras lipothymias patiebatur.

**T** Horace dissecto, aliquot libris lymphæ, recenter ex vasculis lymphaticis effusæ, pectoris cavitas repleta erat: cor duplo majus quam solet: arteria  
Valvula circa cor magna



magna una cum valvulis circa cor, osseam seu potius petrosam duritiem acquiſiverat, & iam arctè occluſa, ut vix aciculæ craſſiuſculæ glandem admitteret, Hepar planè ſcirrhoſum fuit.

Per anguſtatam & penitus ferè concretam arteriam, tanta ſanguinis copia eam pertranſire nequibat, quam quidem decebat: ideoque in ipſo corde ſtagnare ac motu ſuo reflecti cogeſatur, unde jugis cordis palpitatio, ejusque laterum dilatatio, & magnitudo ſolitam peripheriam ſuperans. Cum porro ſanguis nec pulmones liberè pertranſire poterat, lymphatica vaſcula adeo premebantur & coarctabantur, ut ruptis vaſculis, lymphæ in cordis cavitatem efflueret.

Sanguis interim & cor & pulmones ſubire impotens factus, in ipſo hepate, à quo ad cor magnâ quantitate ſolet aſcendere, morari nimis coactus, ac interim ex mora diuturna in eodem coagulatus fuit, & corruptus, unde circa jecoris regionem dolor gravativus. Cætera viſcera ſatis ſana erant, quia à ſanguine minus lædi poterant. Vide eandem obſervationem in obſ. Cl. F. Ruiſch.

*Decem annorum puer, Joannes van Gent, poſt morbillos in maximam reſpirandi difficultatem cum gravamine & oppreſſione circa pectus incidit. Poſtquam aliquot dies ita agonifans jacuiſſet, tandem expiravit convulſivus, Libitinaque relictus eſt.*

Post mor-  
billos &c.  
anatomic.

**P**oſt obitum in Cordis thalamo polypus, arteriam pulmonalem obſtruens, creverat.

Quid ſint *Morbilli* omnibus notum, nempe maculæ rubicundæ, quæ neque in molem attolluntur, neque ſuppurantur. Eorum curatio ſi per diaphoretica non fiat, ſæpe graves morbos incurrunt; ſi quando eorum virus in ſanguine remaneat, ſanguis magis magiſque coagulatur, ut in hoc ægro, iſtud coagulum ſæpe intra cordis thalamos reſidet, impedimentumque circuitui ſanguinis præbet; adeo ut pulmones pertranſire impotens, gravamen cum peſtoris oppreſſione, imo lipothymias excitet. A coagulo enim obſtructo corde, pulmones ſanguine fruſtrantur & reſpirandi difficultatem præbent.

Porro ſanguis cavitatibus cordis inhærens (quod ſæpè in cadaveribus vidi, menſtruis ſuppreſſis) ibidem columnis & fibris ſeu tendinibus cordis irretitur tandem duritiem acquirit, & à præterlabente cruore alimentum quodammodo accipit quod inſtar polypi conſideratur.

Convulſivus expiravit, quia in cerebro ſucci nervoſi de novo non poterant ſegregari, hinc quod remanſit Spirituum, tandem a corem contraxit, nervoſum genus convulſionibus faciendis excitavit.

*Sartoris cujuſdam infans, nundum annum numerans, incidit per quatuor aut quinque dies in tuſſim, cum febricula; paulo poſt ſe deterius habuit; interim reſpirandi difficulſate, lingua arida & corporis continuâ inquietudi-*



*ne corripitur : Symptomatibus interim nihil remittentibus intra biduum mortalitatem exiit.*

**C** Adavere dissecto, pulmones sanguine stagnante turgidi, & sanguinei coloris, nisi hinc & inde nigriores maculae apparebant. In cordis ventriculis ingentes polypi erant, adipi concreto admodum similes, qui non tantum cordis cavitates, sed & arteriam pulmonalem, & aortam obstruebant. Post febrim & tussim anatome.

Infans frigore correptus facile in tussim incidit; quia frigefactis humoribus, levi occasione obstructions fiunt: Hæc obstructio jam in pulmonibus facta est & corde. In corde enim Sanguis coagulatus polyporum instar cavitates replebat, quo factum est, ut sanguinis circuitus liberè per cor & pulmones ire non potuerit. Interim stagnantes humores membranaceam pulmonum compagem in motus convulsivos adegerunt, atque hinc tussis. Porro ab eadem causa incallescere incipiebat, & sic febricula excitata est. Sanguis coagulatus cordis cavitates replens, tandem tenacior factus, se instar polyporum habuit, unde & Symptomata ingravescebant. Humores porro in toto corpore stagnantes continuam inquietudinem inferebant, quia ex tardiori motu acescunt. Denique cum Sanguis à polypis obstruentibus, cor & pulmones amplius pertransire non potuit interibat. Vitam tam diu integram servamus, quamdiu Sanguinis periodus abque ullis obstaculis peragitur: sin vero retardetur, morbos incurrimus: alit si penitus desinat, animam deponimus.

*Sexageneria Cornelia Hoog-huisen, admodum pinguis & deses, à quindecim annis difficultate spirandi laboravit, quæ singulis diebus valde increbuit, idque potissimum cum gradus ascenderet. Postea ab aëre austriano & pluvioso coryzam, genæ item dextræ, glandularumque intus contentarum inflammationem passa est. Mandibula ita coarctabantur, ut agra non nisi potulenta quedam sorbillaret. Ad tibiam sinistram sæpe Erysipelate affici solita est, quæ & quandoque exulcerabatur. Pulsus porro aderat inæqualis, & intermittens. Et quamvis genæ tumor detumuerat, mandibulae nihilominus constrictæ manebant. Postea dexter oculus clausus apparuit, quod ex convulsione aut paralyfi factum; deinde Hemiplegia tacta, apoplectica interiit. Toto morbi decursu, perseverante dyspnœa, tussis non adfuit, neque stertor, nisi duodecim horis ante obitum.*

**P** Ræter splenem putridum, pulmones lividi, & lymphatico humore perfusi Sinister pure multo & foetido refertus. Dexter cordis thalamus, intus non tantum excoriatus, sed & putridus & exulceratus, fibrisque carnosus, leviter tractando, in frustra secedentibus. Auricula dextra solito major, substantia carnosâ, partim rubra, partim nigra, ad instar sanguinis concreti, quæ manibus ab invicem fricari non potuit, referta. Post spirandi difficultatem &c. anatome.



Sæpe asthmatici fiunt cachectici & hydropici. Recentis ulceris sanatio difficillima est, inveterati omninò impossibilis, nam ob pulmonum continuum motum, eorum substantia vasculosa magis laceratur, quam sanatur. Sic ægra nostra longo tempore hac respirandi difficultate laborans, tandem cachectica facta est. Cachexia est succi vitiosi abundantia, quam ex ipso corporis habitu cognoscimus, hominem valetudinarium esse. Atque hinc multorum symptomatum fons & origo. Quia læsi pulmones sanati non sunt, ideoque spirandi difficultas singulis diebus increbuit. Porro cum ascensu respiratio retardatur, se exinde pessimè habuit. Cælo quoque Austrino ac pluvioso, ob aëris crassitiem, minor sanguinis in pulmonibus accensio erat, unde suffocari videbatur: aëre enim sereno vividiores multò fumus quam nebuloso.

Ob motum salivæ in glandulis maxillaribus denegatum, maxillæ intumescencia, quæ non raro gravedine laborantibus accidit. Ex spasmo & mandibularum coarctatio & palpebrarum oclusio fiunt: imo ex cordis convulsione pulsus inæqualis & intermittens. Denique unica medullæ spinalis parte obstructa, eodemque humore cerebro obfesso, primo in hemiplegiam, & deinde in apoplexiam incidit.

Tussis perseverante morbo non adfuit: super hoc docet *Aphor. 16. Sect. VII.* à puris sputu tabes: quum vero sputum retentum fuerit, moriuntur. Ob virium imbecillatem nempe & istarum partium paralyfin. Sed postea quidem rediit, ab humoris collecti copia, & paralyfi desinente: quæ viribus in totum deficientibus, obiit.

Non mirum, aperto cadavere pulmones fuisse purulentos, & cor à foetente pure intus erosum & exulceratum. Exinde enim sanguis evasit crassus, dextrum thalamum pervadere nequibat, hinc auriculæ distensio. Ab erosione fungosa quædam excrevit substantia, ut sæpe in ulceribus fit: cum enim fibræ læsæ non sistuntur medicamentis, immensum usque excrescunt, atque sic polypti generantur.

*Filiolus quinque annorum, malè educatus, dyspnœa sæpe laborat, præsertim si corpus nimium movebat. Postea cum ludendo plurimum incauisset, in tussim & spirandi difficultatem incidit: his febris & sitis cum diarrhœa, qua flava, alba & subviridia excernebat, adjungebatur. Interim lipothymia, quæ brevi cessabat, corripiebatur. Postea pulsus languidus & frequens. Venterensus & dolens fuit, terris tandem excessit.*

Post Dys-  
pnœam  
anatomie.

**A** Bdomine inspecto, cystis fellea solitò grandior & humore nigricante tumens. Sinister pulmo tam firmiter diaphragmati concreverat, ut difficulter separari potuerit. Sinistra cordis auricula debitò amplior, cui inhærebat materia crassa, compacta, & instar lardi cocti alba.

Ob pravam educationem multum sæpe acidi & visceri humoris in tenellulo-

rum.



rum sanguine colligitur : cum igitur ob illam causam sanguis pulmonum vesicularem substantiam percurrere nequibat, obstructiones factæ sunt, unde *Dyspnœa* sive Respirandi difficultas: cum vero ipsius corpus post nimium à lusu exercitium incaluisse, sanguis celerrimo motu instigatus, & obstructiones præterire impotens factus, aucta fuit respirandi difficultas non tantum, sed, vesiculis quibusdam nimis distentis aut ruptis, sanguis aut alii humores extra receptacula stillavere; quibus acorem contrahentibus, tussis excitata est.

Sanguine ab obstructione moram contrahente, acidum & alcali occasionem acceperunt, ut sibi inmutuò appropinquarent, ex quibus invicem commixtis effervescentia cum calore oritur; atque ista incallescenza febris dicitur.

Porro ex nimia acidii in sanguine quantitate, chylus recens advectus coagulatur, & serum à caseo secedit; caseus sanguini admiscetur, serum vero per intestinorum glandulas destillat, cujus acore intestina, & folliculus fellis, magis, quam solet, convelluntur, & fæcibus deponendis irritantur à convulsionibus cordis aliarumque partium, ac ab incrassato sanguine circulatio ritè peragi non potuit, cujus ἐκλείψη lipothymia orta est.

Bilis defectus deducitur ex humore atro vesiculæ fellis infarcto, imo ab excretis viridibus: nihil enim bili magis inimicum quam acida, quibus bilis constipatur. Erat sinistra cordis auricula debitò amplior, idque ob inhærentem materiam: sanguis enim ex pulmonibus auriculæ advectus, & auriculam permeare impotens, ipsam magis extendere & expandere necesse habuit. Crediderim facile materiam hanc auriculæ infixam, caseum ex chylo fuisse concretum: omnis enim chylus sanguini infunditur, & si alibi acidum moretur, facile coagulationem patitur.

*Vidua sæpe Hysterica noctu surgens è fenestra jacuit, inde respiratio difficilis ad instar asthmatis, cum tussi, Hemoptysi, febris ac facie rubicunda. In medio pectoris grave pondus cum ardore interno, & puncturis in variis thoracis locis. Tertio die dolorem circa claviculam dextram sentit. Hisce aderat magna cordis palpitatio, quæ etiam in Hypochondrio dextro, tum in eodem latere per aliquot horas percipiebatur. Sed è regione cordis perseverabat, idque ictibus vehementibus; hac convaleuit. Sed aliquot dies post in sedili sedens repente in pavimento concidit exanimis.*

**D** Issecto cadavere, mediastinum lymphæ cruenta plenum inventum est. Pulmones toti purulenti & foetidi. Ovarium sinistrum, ovum columbinum facile æquabat, lividum, sphacelatum & intus spongiosum. Intus globulus nucleum magnitudine, grumo sanguinis similis, concludebatur.

Calida fortè surrecta, refrigerii gratia fenestram aperuit, ut aura nimirum vesceretur frigida; unde constipato sanguine, ac diaphoresi impedita, pulmones ab eodem obstructi, ita ut libera respiratio ei denegata fuerit. Ab obstructione putredo, pus, febris similiaque symptomata, quæ superius in aliis subjectis



plus semel explicuimus. Sanguis coagulatus cordis ventriculos obstruens, eoque liberè pervadere impotens, latera cordis ampliavit, ac ob majorem motum Palpitationem induxit. Hiscetamen nonnihil quietis, quasi reconvalescebat; postea vero levi occasione vel sponte sua, vascula pulmonum rupta, pus effluxit respirandique actionem impedivit.

Quoad ovarium ad ovi columbini magnitudinem auctum, fortè è præviâ obstructione & inflammatione ortum habuit & passioni hystericae ansam præbuit: est enim malum cum præcedenti nihil commune habens. Globulus iste, qui intus erat conclusus, ovum procul omni dubio fuit ab inflammatione auctum, ut in iis quæ rabie uterina, ut vocant, laborant, observavi. Illud ovum quoque sphacelatum fuisse & corruptum, est à sanguine cæterisque stagnantibus succis, quibus ova irrorantur, aluntur.

*Puellula quadam, tussiculâ continuâ & difficultate anhelitus vexabatur.*

*Circa undecimum mensem ætatis sub axilla dextra exortus est abscessus: quo aperto; pus copiose per mensem integrum effluxit: exiguum tamen levamen inde habuit. Tandem occluso ulcere, symptomata, veluti tussis & difficultas anhelitus, virium prostratio & nutrimenti fastidium, aucta sunt: ita ut decimo octavo circiter mense ætatis à vita decederet.*

Fertia,

**P**ost mortem, inciso cadavere, ingens abscessus sub axillâ & quidem inter pleuram & costas inventus est, in quo pus copiosè repertum fuit.

Effusum pus ex abscessu, sæpe intra membranas colligitur, & sacci instar dependet. Sæpe hoc contingit in crurum ulceribus, si debito loco, aut tempestive non aperiuntur, pus juxta musculos descendit, & ulcera fistulosa cudit. Mirum infantem maximo dolore cruciatam non fuisse, cum, ut vulgo dicitur, spuria pleuritidis species sit.

*Quidam per multos annos asthmate & tussi laborans, tandem extenuatus, obiit.*

Asthma-  
tis Anato-  
me.

**P**ost mortem ejus, cadaver dissectum fuit, in eoque (præter hepatis, lienis, aliorumque viscerum obstructionem ac scirrhositatem) in pulmonis substantia lapis prædurus, & undique asper nucis juglandis magnitudine, validissimâ quadam tunicâ inclusus, inventus est. Præterea hinc inde per pulmonis substantiam, præcipuè autem circa ramos asperæ arteriæ, tubercula plurima adhærebant, absque ullo tamen ulcere pulmones inveniuntur: In pericardio item ad libras duas aquæ continebatur, uti & in pectore multum ejusdem aquæ innatabat.



*Quidam repentina morte vivis ereptus.*

**A** Perto thorace, inferior dextri pulmonis pars erat consumpta, superstita <sup>Pulmo</sup> tamen exteriori membrana, valde incrassata, intusque materia sebacea ob- <sup>corruptus.</sup> litâ, supra diaphragma ingentis molis hydatides succrevere. Sinister pulmo lividuserat. Cordis ventriculi atro sanguine turgidi.

Hujus repentinæ mortis causa fuit suffocatio, nam sanguis in corde ob crassitiam restagnans, pulmones aëre impleri non amplius potuerunt, unde quoque sanguinis circuitus desistentia.

Jecur pallidum & exsangue; adhærebat pulmo variis in locis pleuræ, pericardio & diaphragmati. In sinistra pulmonis parte ingens apostema, puris vari- <sup>Apostema</sup> <sup>in pulmo-</sup> <sup>ribus.</sup> coloris quatuor libras continebat; præter hoc magnum plurimis in locis plura minora erant: item diversæ magnitudinis scirrhii.

*Caletio Hispania hic casus nihi missus.*

## DOCTISSIME DOMINE,

**I**Uvenili tempore a pepsiâ laboravi, sed veneri & vinis hispanicis hic loci stre- <sup>Consul-</sup> nuè indulsi. Ante annos quatuor memet ad edendum coëgi, & à potatione <sup>tatio tussis</sup> peperci: sed hora una post passum interdum vomebam, verum pauca tantum <sup>&c.</sup> quantitate; imo etiam cum decumbebam tussis oriebatur ad horam unam & ulterius; postea cessavit vomitio; mediocriter edebam, sed tussis augebatur tam noctu quam die, excernebam semper pituitam viscosam & crystallinam. Hôc modo sesquiannum peregi. Ab hoc tempore tussis continuavit, quæ maximè vehemens erat post passum: quo cibus digestus facilius, eo tussis vehementior, sic etiam cum me ad decubitum componebam, exacerbabatur tussis; lipothymia subinde intermiscebantur. Ante duos annos febris gravi vexabar sex diebus, sed tunc à tussi levabar. Tunc pedes tumere incipiebant, ut & scrotum: hoc sustinui per 14 dies, sed absque ullâ Medicinâ stillabat donec evacuatumerat; post illud tempus laxum pependit: & tussis ut ante iterum insculta. Nunc ante annum denuò me corripuit febris gravis, hac sublata, vesicæ collum comprimebatur; hisce cessantibus dolor crudelis lumborum per totam medullam spinalem ad superiorem partem usque, me invasit: qui duos dies intermittebat, redibatque. Hisce sublati pedes tumefacti ulceribus defœdabantur, quibus aquosa materia exstillabat; interdum febricula vexor erratica, quæ soporem præcedaneum habebat, deinde tussis, post tussim cordis anxietas, imo lipothymia: post hæc iterum sopori deditus eram. In principio semper medicina profuit, postea me malè habui. Nunc edendo insatiabilis sum. Potus quivis mihi flatus pariunt.



## Responsio.

Domine.

**A**D tuas literas sequentia in genere respondebo. Tibi est spirituum & virium defectus : imo totum corpus saburrâ viscida & acri abundat. In principio non adeo quidem acris fuit, ideoque cibi appetitus debelis; nam succus appetitum excitans à vinis fortibus subjugabatur; & spiritus corpore contenti per diaphoresin insensibilem (uti à spirituoso vino) decedebant; accedit, ubi paucitantum sumuntur cibi, paucos etiam spiritus generari.

Nunc evaporatis spiritibus, pituita acrior facta est, quod liquet ex tu ssi & cibi majori appetentia. Tussis sic excitatur, quia pituita acris in vesiculis pulmonalibus hæret; hinc membranosarum partium titillatio, qua convulsio, ut id quod molestum, excutitur, tussisque appellatur. Sic ob acrimoniam succi ventricularis Fames fuit aucta, hinc cibi voracitas; quia bonus non elaboratur chylus, nutritio non procedit.

A succis hisce acribus lumbalium & intercostalium nervi, quibus & vesica gaudet, vellicabantur, hinc lumborum dolor & compressio vesicæ spincteris.

Porro, cum lymphæ in vasis lymphaticis viscida est, & tardigrada, à pedibus fursum incedere nequit, hinc crura inferiora &c. tument: & ruptis lymphaticis, ulcera oboriebantur.

Ex eodem fundamento lipothymia; quando sanguis pulmones pertransire nequit: & cerebri canaliculis ferè obstructis, oritur sopor, deinde si pituita incalcescat, febricula.

Morbus hic lentus est, & raro superabilis. & si quid faciendum, acidum absorbentia, viscidum incidentia & diaphoresin procurantia hic sunt interne adhibenda. Oculi cancri, lixivium salis tartari &c. Acidum temperant, & urinam præcipitant: *Tinctura ex radicibus* Angelicæ, Galangæ, Zedoariæ, Ostrutii, Helenii: *Seminibus* fœniculi, anisi, carui, cardamomi minoris &c. *Corticibus* cinamomi, Winterani: *Foliis* rutæ, rorismarini, lauri, Majoranæ &c. Viscidum incidunt & diaphoresin procurant: interim motus corporis sit modicus, nam continuo sedendo morbus augetur. Sint cibi Euprepti ex gallinis, carne vitulinâ, piscibus fluviatilibus. Si cerevisia apud vos haberi nequit, vinum bibe aquâ dilutum.

Post paucos menses me adiit, & plane restitutus fuit.

De Asthmate obs.

Nobilis Juvenis *Isaacus Hasselaar* à primis incunabulis asthmate interpolato afflictus; cum vigesimum sextum annum ageret 1698. in Galliam profectus, totâ illâ æstate Asthmaticos paroxysmos nunquam fuit passus, sed redux in Hollandiam statim eodem obrutus. Itaque aër huic morbo prouocando multum contribuere potest.

Vir quidam nobilis 52 annorum, Elbingâ sequentem casum mihi misit. Laborabat raucedine ferè continuâ, tussi humida, respiratione difficili cum sonitu,



mitu, cum febris hectica ut Asthmaticis & Phthificis solet; aliquando sanguinem, nonnunquam pus scretu expuit. Sputum aquæ calidæ & salitæ injectum, fundum petit. Queritur porro de ventriculi dolore, nausæ, cibi fastidio, pollutione nocturna: urina turbida, foetens cum arenulis matulæ adherentibus.

Asthma-  
cum variis  
sympto-  
matis.

Nobilissime Heros,

Quæ ex vestra epistola percepi, apertè dicam. Laboras Asthmate & Phthisi, quod satis ex Symptomatibus indicatur. Nempe ex tussi, febriculâ cum pulsu veloci & frequenti, quæ intermittens sed simul erratica, in sudores finiens; ex sonitu & sibilo inter respirandum; ex sanguinis & puris expuitione &c. accedit sputi in aqua demersio: hæc omnia indicant pulmones intus esse læsos & laceratos, nam si sputum aquæ superficiei innataret, signum esset aëris admixti, quod non est, ergo in pulmonibus tantum colligitur quasi in sacco membranaceo, qui se in bronchia exonerat, tum cum sanguine, tum cum pure.

Brevi omnia symptomata dependent à succis viscidis & acribus. Acini glandulosi, quibus trachea intus investitur, succum effundunt tenacem, & acrem, unde raucedo: Qui humor per tracheæ ramos in pulmonum vesiculas delabitur, ibique rodens tussim excitat: interim sanguis præterfluens inficitur, unde illa febricula: & quia succi illi corrupti nutritioni inepti evaserunt, corpus emaciatur. Idem succus in ventriculum stillans *ἀνέψια* parit & cibi fastidium, quia fermentum est tenax & debile: & quoniam particulas acres sibi admixtas habet, ad nausæam, quæ ad vomitum conamen est, ventriculum sollicitat, cumque doloris sensu afficit. Sic ob feminis materiam acrem, ad pollutionem sollicitatio. Urina denique quoniam sale acriscatet, facile ad latera in sabulum crystallizatur.

Vestra Dominatio à me solamen petit & Remedia. Suadeo itaque quotidie decoctum potes ex falsa parili china, glycyrrhiza &c. paratum. Deinde balsamum sulphuris anisatum, acidum temperantia, ex corallis, oculis cancri, &c. cum Tinctura Vitæ, ex aromatibus, aloe, Myrrha & croco paratum, ut nempe ventricularis succus restauretur, & diaphoresis procuretur.

Horum usu se semper melius habuit, ita ut ferè restitutus videretur, sed ob annos, vires debiles, pulmonum læsionem, planè in integrum restaurari nequibat.

*Phthisis*, est totius corporis ex ulcere pulmonum tabes, cum Hectica febris; sæpe cum tussi, sanguinis, aut puris excretionem. Tres Phthiseos ponuntur gradus. *Primus* est in quo Extabelcentia vix animadvertitur. *Alter*, quando partes carnosæ & pingues evidentem extenuantur. *Tertius*, qui insanabilis judicatur & ossa vix cute teguntur, ideoque sensim sensimque extenuantur atque pereunt. Fit vel casu, vel ex contagio aut Hæreditate. De causis id *Institutionibus*, ut & præcedente capite.

Phthisis

In principio facile curatur; in secundo gradu vix ulla spes reliqua: ast in tertio rarissimè aut nunquam curatur. Si foeteat saliva, capilli decidant, aut Diarrhœa superveniat, signa sunt lethalia.

Succis



Succis enim omnibus corruptis, omnis spes reliqua inanis; & ob eam rationem Phthisis hæreditaria raro curam admittit.

Curandum primo ut Symptomata mitigentur, ut Tussis molesta, & nocturna, excreatio difficilis, respirationis difficultas, sudor nocturnus, diarrhœa &c. deinde ut sanguinis mixtura corrigatur, ac motui debito restauretur. Deinde ut materia purulenta excreetur, ulcusque consolidetur. Tertio ut optima diæta vires restituantur. Optimum est quotidie inculpabilem conficere chylum, ex cibis citò nutrientibus, uti sunt ova forbilia, pullorum jus, aut etiam vitulorum aut vervecum. Jus Herbarum ex Chærefolio, Betâ, Malvâ, Urticâ, &c. Puls ex orizâ; placentâ lacteâ vel ex chærefolio; pulticulâ, *ωόγαλα*, caro perdicum, leporum, amygdala, perca, porculus, lucius &c. profunt vitulorum pedes cum passulis.

Utpus elutrietur *bechica* sunt adhibenda, & vulneraria ut ulcus detergatur ac sanetur. In hoc casu apprime conducunt *Balsamum Sulphuris*, *Tinctura Sulphuris*, *Succini*, *Croci*, &c. consolidando singulis diebus devorentur quinque aut sex Pilulæ ex sequentibus.

*Recipe* Terebinthinæ Venetæ coctæ, *unciam semis*.

Balsami copaybæ, *drachmam unam*.

Pulv. Glycyrrhizæ, *quantum sufficit*.

Misce fiant Pilulæ parvæ.

Hæ constant ex particulis ramosis & volatilibus, quibus sanguinis obtunditur acidum, nam acidæ cuspides à ramosis circumvolvuntur, & hoc modo quasi in vaginisteguntur: porro cuspides pungentes in poris alcalicis figuntur: atque hoc modo sanguis ab hoste liberatur, fluidior & motui circulari aptior fit: remoto itaque hoste, reliqua per se consolidantur. In hoc *caphura* plurimum est æstimanda, multum enim continet salis volatilis oleosi, & tam copiosè, quam mihi in ullis vegetabilibus notum. In pueris Junioribus plurimum valet chelidonia major.

## TINCTURA SULPHURIS NOSTRA SIMPLEX.

*Recipe* Vini canarini, *libras duas*.

Florum sulphuris, *uncias sex*.

Digerantur leni calore viginti quatuor horas. Prodest plurimum, si in pectore non sentiatur calor ut quibusdam fit. Cochleatim fumatur, vel

*Recipe* Pulveris Chocolatæ, *uncias duas*.

Enulæ companæ, *unciam semis*.

Spiritus Terebinthinæ, *drachmam semis*.

Caphoræ, *grana quatuor*.

Tinct. Sulphuris simplicis nostræ, *quantum sufficit*.

Misce fiat conditum. vel

*Recipe*



*Recipe* Spir. Hederæ terrestris,  
 Liliorum convallium, *ana uncias duas.*  
 Salis volatilis Oleosi, *unciam semis.*  
 Caphoræ, *drachmas duas.*  
 Croci, *drachmam semis.*  
 Succu Glycyrrhizæ, *quantum ad dulcedinem sufficit.*  
 Misce detur cochleatim. vel,

*Recipe* Florum Sulphuris, *drachmas duas.*  
 Antimoniidiaphoretici, *drachmam unam.*  
 Croci, *scrupulum unum.*  
 Oculi cancri, *drachmas tres.*  
 Succu Glycyrrhizæ, *uncias tres.*  
 Bals. peruviani, *guttas viginti.*  
 Spir. Vini Camphorati, *quantum sufficit.*  
 Misce fiant Trochisci.

Apprimè conveniunt decocta ex sassafras, Guajaco, Chinâ, falsâ parillâ &c. quibus adjungi possunt vulneraria & pectoralia dicta. Si causa sit ex stomacho viscidis humoribus irritato, Emetica conducunt. Vitriolata, acidulæ, saccharata, mellita pulmonibus phthisi affectis, aliisque partibus tabe laborantibus, summè nocent.

Convenit aliquando potus chocolatæ, nam, quia constat ex Particulis balfamicis præsertim propter vanilios (vulgo *Banieljes.*) hisce non tantum ulcera detergantur, sed & acidum involvitur, atque insuper nutrit. Theæ quoque aut Coffeæ usu, multa salium peregrinorum spicula per urinam deponuntur, uti & per diaphoresin.

In India orientali commendatur imprimis potus qui Lusitanis vocatur *Vin de palmes* & Indis *surie*: qui matutino & vespertino tempore potatur. Sed hic loci *Vin de palmes.* sorbent lac caprinum recens mulctum, quod bene nutrit.

VOMICA, est pulmonis ulceratio, quæ in principio absque ullis signis communiter fit. Primo tussis sicca, postea humida, quæ propter diuturnitatem morbi, respirandi difficultatem inducit; corpus tum sensim extenuatur, neque tussiendo rejicitur pus neque sanguis. *Causa* abscessus, est in pulmonibus ipsis vel in quavis aliâ parte, nam ex aliis partibus sæpe pus una cum sanguine in pulmonibus deponitur, ibique in vesiculis pulmonalibus hæret, vicinasque partes corrumpit. Sit ut sit, materia hæc in Principio acris non est nec rodens: sensim tamen ob succos continuò affluentes materia augetur, & cellula ista dilatatur, ita ut pus in Vesicâ videatur collectum, quæ tussiendo non ejicitur, quia ab omni parte conclusa est: sensim tamen aliquo modo convellit vicinas membranas aut nervos, hinc tussicula sicca. Sanguis præterfluens à purulentâ materiâ continuò inficitur, exinde accedit febricula; quâ corpus contabescit. Propter obstructionem Trachææ ramuli obstruuntur, unde dyspnœa. Non vacat periculo, nam rumpente aut nimis premente Vomica, Mors subito invadit. Si per tracheam



cheam extuffiri possit illud purulentum, spes affulget. Facile in Phthisin incidunt ægri, sed plerumque ægri moriuntur. Medici, quamquam intelligunt sæpe, tamen nunquam ægris dicunt illo morbo eos esse morituros. Omnis enim prædictio mali tum probatur, cum ad prædictionem cautio adjungitur.

Annitendum ut materies extuffiatur, deinde ulcus detergendum & consolidandum, In hoc casu præstat *Terebinthina*, *Balsamum copaivæ*, *Peruvianum*, *Balsamum sulphuris*. *Tinctura croci*, & *sulphuris*, spiritus *Hederæ terrestris*, omnia *Acidum Temperantia*, *Bechica* &c. de quibus mentio in curatione Pleuritidis & Asthmatis est facta. His adjuuge omnia Vulneraria, ut *Aristolochiæ* species. *Veronica*, *Betonica*, *Alchimilla*, *Sanicula*, *Pyrola*. *Crocus*, &c. Potus Theæ, Caffæ & Chocolatæ, uui & lactis non nocet.

Ad respirationem læsam præcipuè pertinet *suffocatio*: impedimenta sunt removenda: si quis se ipsum suspenderit, is solvendus, vena aperienda, ut sanguinis circulus iterum in motum reducatur: artuum frictiones ut & spinæ dorsi sunt instituendæ præsertim cum vino penetranti; sumat quoque haustum spirituosum alicujus liquoris: novi exemplum (ut alibi relatum nisi fallor) judicis jussu suspensi, qui, postquam aliquandiu suspensus fuerat, atque pro mortuo habitus, phlebotomia instituta, in vitam fuit revocatus.

Si in faucibus hæreant boli, ita ut fere videantur sufforari, tunc facies livet, idque ob venas compressas, tum acantabolo seu balenâ cui in cuspide spongia affixa est, detrudendi sunt, si potu descensus promoveri nequeat.

Sin ab assumptione spiritus salis armoniaci, aut spiritus vitrioli suffocatio imminet, aqua vel cerevisia recens prodest, quia vis illa temperatur, & frangitur.

Si sanguis in pulmonibus stagnat, ut in subitaneo terrore, febribus corpulentorum, &c. Venæ adhibeatur sectio, ut sanguis cursum circularem servet: alias in terrore aut gaudio effuso soleo *θάρσυνον* propinare, ut serventur vires.

Quam primum quis aqua suffocatus videtur, statim ante focum ejus corpus ab uno latere in alterum est volvendum, & concutiendum, ut aqua pulmonibus exeat, interim aspergenda facies vino, quod & naribus admoveri debet, idemque calidè cum aromate sumat: deinde si ad se redeat, æger lecto committendus, & sudor provocandus. Si vix ad se redeat, vomitorium per siphonem œsophagum injiciatur: Si vomitus sequatur bonum, si vero non, malum.

Si ex prunarum aut carbonum effluviis, aëre recenti opus est: cum anno 1670 Franequeræ Medicinæ fundamenta jaciebam, erat mihi cubiculum mediocre, sine camino aut aëris ventilabro, jubebam famulum mihi apportaret ignitabulum, omnibus clausis, brevipost videbar in vertiginem verti, & colores ante oculum fiebant *πομπιδόι*. Animadvertens hæc, quoad potui aperiebam januam, & pene præ anxietate de gradibus cecidissem, nisi famulus qui aderat, meprehendisset: ad me, ob recentis aëris haustum rediens, fenestras aperiebam, ignem removebam: atque sic suffocationem evitavi. Ob ignis & carbonum effluvia in Ecclesiis aliquando syncopen & lipothymiam patiuntur mulier-



mulierculæ , quæ recentem aërem intrantes statim vires recuperant. In cryptis subterraneis aut altissimis puteis , etiam accessu aëris novi restituntur : in hoc casu facies vino rhenano , aceto , aut aqua frigida est aspergenda.

Si *Suffocatio* sit *convulsiva* , usurpanda veniunt , quæ solemus , in motibus epilepticis & Hystericis dictis , præscribere.

## VI. C A P U T .

## DE SYNCOPE , LIPOTHYMIA , ECLYSI ; CORDIS PALPITATIONE AC TREMORE.

**S**YNCOPE est magna virium debilitas ; gradus numerantur vulgo tres. Pri-<sup>Syncope.</sup>  
mus dicitur **ECLYSIS** quando quis non nihil debilitatur , ita ut officio adhuc lipothy-  
fungi possit. Latinis *dissolutio* Secundus est **LIPOTHYMIA** sive **DELIRI-**<sup>lipothy-</sup>  
**MIUM** , quando ægriferè in terram prosternuntur. - Tertius est **SYNCOPE**  
sive **DEFECTUS** , quando coguntur in terram prosterni aut decumbere : his-<sup>Asphyxia.</sup>  
ce accedit **ASPHYXIA** , cum pulsus deficere videtur. Per se veniunt , vel ab  
alio morbo originem habent. *Signa* sunt pusillanimitas , ideoque imbecilles ,  
fœminæ , &c. hisce magis corripuntur , præsertim instantibus mensibus : de-  
repentè sæpe paroxysmus eas invadit. Adest animi perturbatio , sudor frigidus ,  
debilis pulsus , Extremitatum frigus , faciei pallor , gravitas capitis , &c. *Cau-*  
*sa externa* est vel *interna*. *Externæ* sunt consternatio ; gaudium effusum ;  
Fastidium alicujus rei visæ , auditæ &c. averratio alicujus odoris , ut Moschi ,  
Pomorum , Rosarum , Fœtoris , ira &c. ob nervorum cardiacorum con-  
vulsionem , spiritus deficient ; vel uti in gaudio vel irâ citissimè effunduntur ,  
ita ut brevi generari iterum è sanguine nequeant. Istis itaque contractis ner-  
vis , atque spiritibus deficientibus , cessat motus sanguinis periodicus : hinc  
totius corporis **ECLIPSIS** , quæ gradibus differt , hinc illa nomina diversa :  
nam circulatio magis vel minus cessare potest. Porro quia sanguis per pulmo-  
nes & cor meare nequit , fit stagnatio quædam , quia liquor tenuis ex cute ex-  
primitur , unde sudor frigidus : & ob eandem stagnationem extremorum fri-  
gus , quia influxus ille calidus nunc cessat. A carbonibus accensis idem fit , si  
in cubiculo clauso accendantur , sed ille defectus commodè ad Apoplexiam  
refertur. *Causæ internæ* sunt cogitationes graves , vires debiles , febres malig-  
næ , stomachi convulsiones , aut cordis , aut arteriarum cor ingredientium ,  
quod in menstruis suppressis non raro evenit , aut liene malè disposito , vermi-  
bus , &c. Sic nimius esus , Hypercatharsis , larga sanguinis emissio , longa  
inedia , &c. Hisce causis etiam ventriculi ac per consequens cordis nervi con-  
trahuntur , ita ut sanguinis circulus retardari cogatur. Proxima itaque causa  
est vel convulsio partium , quâ circulatio non procedit : vel est per se tarda  
circulatio , quâ succi circumduci nequeunt.

Morbus iste periculo non vacat , nam si diu duret , tunc circulus sanguinis  
non tantum cessat , sed omnes succi incrassantur ; quibus condensatis , cada-



verrelinquitur : animalium enim vita consistit in celerrimâ sanguinis circulatione. Si æger ab haustu vini, aspersione frigida, sternutamento, &c. non reficiatur, lethale est. Si à purgatione, venesectione, metu, Tristitiâ, &c. proveniat, non tam periculosum est, si in tempore media adhibeantur.

Medicamenta hic adhibenda sunt, quæ constant ex sale oleoso volatili ac penetrante, uti sunt omnia aromatica ac spirituosâ : quædam etiam ex alcalicis constant, ad acidum domandum. Penetrantibus illis statim circulatio promovetur, & tunc statim reficiuntur ægri. De quibus in *Institutionibus nostris*. Hæc medicamina vocantur, *Cardiaca*, seu *Cordialia*, sed potius sanguinem & succos reficiunt, nam cor caro est, uti omnes muscoli.

Cum veniat ab aëre suffocativo, uti in Ecclesiis, aliisque congregationibus magnis, aut à carbonibus, aspersio aquæ frigida in faciem juvat : aut vinum rhenanum vel acetum vini naribus admovetur; vel ori vinum Rhenanum infundatur. In hoc casu nihil melius est quam frigida & acida spirituosâ, quia particulæ suffocantes hamatæ sunt, quæ statim acidas acutas præhendunt, atque sic recenti aëri datur introitus. Si, ægri aërem recentem intrent, statim reficiuntur. Accedente hoc symptomate, tunc in pulvinaria decumbat oportet supinus.

Si ob acre in ventriculo fermentum acidat ut in Bulimia, Vini meri haustus præstat : & in plurimis Tabacum, quia propter tenues particulas, acidum temperatur, vel saltem è ventriculo eluitur. Quidam pane vescuntur vino intincto. Porro ne paroxysmus redeat, cibi boni succi sunt sumendi. Si ex morbis Hystericis aut lienis, &c. proveniat, tunc *Curatio* instituenda pro morbi indole. Si ex Veneno, fero sæpe medela adhibetur : dato lac dulce, in tempore aut cerevisiam cum butyro aut oleo, adde Theriacæ, *drachmas duas*. Deinde vomitu peracto, sudatio est instituenda. Si veniat à Venesectione aut Purgatione, ægri *Vino*, *aquâ cinamomi*, &c. reficiendi, & cibis restaurandi; deinde quieti componendi, sumendo non nihil *Theriacæ*, aut *Laudani opiatæ*. Si à terrore, irâ, gaudio effuso, statim vena tundatur, quia circulatio aliquando cessat, & hoc modo iterum restituitur : Verum si sudatione aut vini generosi hausti restitui possit, quemadmodum potest, melius esset. Sin veniat à nimia sudatione, ægri sunt aquâ frigidâ aspergendi : & roborantia sunt usurpanda, ut *vinum*, *Caryophylli*, *cinamomum*, *spiritus vini*, &c. ut circulatio iterum promoveatur. Formulas quasdam adjungam roborantes, ut

#### CLARETUM CINAMOMI.

*Recipe*. Cinamomi, *uncias duas*.  
Caryophyllorum, *drachmas duas*.  
Zingiberis, *scrupulum unum*.  
Spir. Vini rect. *libras duas*.

Infundantur aliquot dies in vitro clauso, materiam aliquando agitando : colatur.



jaturæ adde *saccharicandi*, libram semis, *Aquæ rosarum*, libras duas : adde insuper *Ambra Griseæ*, grana decem, *Moschi*, grana quatuor. Servetur ad usum, & detur cochleatim. vel.

## T I N C T U R A F R A G O R U M .

Affunde quantitati *Fragorum* tantum *Vini spiritus*, donec quatuor digitos superemineat. Exponatur mixtura aliquot dies solis radiis, deinde exprime, materiæ expressæ nova fraga injice, atque hoc sexies repete. Deinde usui serva; cochleatim sumi potest sine aut cum additione.

## V I N U M C E R A S O R U M N I G R O R U M .

*Succus cerasorum nigrorum* fermentetur, singulis libris adde unciam unam *sacchari albi*. coletur per manicam Hippocratis.

## A L I U S M O D U S .

Affunde *cerasis nigris* sufficientem *spiritus vini* quantitatem; singulis libris adde *Caryophyllorum*, drachmastres. *Sacchari albissimi* uncias duas : fiat aliquot dierum infusio, tunc liquorem habebis summè roborantem.

Hisce annumera *Tincturam Cinamomi*, *Caryophyllorum*, *Moschi*, *Ambra Griseæ*, *Elixir Citri*, *Spiritus Liliorum convallium* & *Florum Aurantiarum*. *Sal volatile oleosum*. vel.

*Recipe* Olei *Caryophyllorum* . *Guttas sex.*

*Cinamomi*, *guttas duas.*

*Alcohol vini*, *unciam unam.*

Misceantur. Adde

*Vinigallici*, *uncias duas.*

Detur usui; vel

*Recipe* *Spiritus liliorum convallium*, *unciam semis.*

*Aquæ Rosarum*, *uncias duas.*

Misce. vel

*Recipe* *Vini Hispanici*, *uncias quatuor.*

*Salis volatilis oleosi*, *drachmam unam.*

Misce.

Quidam hisce & similibus curari non possunt, verum aceti odore indigent, vel vini rhenani, aut aëre recenti, aquæ frigidæ aspersione, ut ante dictum : itaque causæ sunt respiciendæ. Aliquando sola cingula lumbis adhibita, solamen adferunt, præsertim si ex *Hysterica* passione originem habeat. Sic etiam aromata sunt respicienda; quidam *Cinamomum* ferunt, alii non : quidam *moschum*, &c. averfantur, alii iterum amant.



*Fabri lignarii trimeſtris infans, alias ſanus & bene diſpoſitus, cum ma-  
ter cum eo luderet ante focum, ſubito moritur.*

Cadaveris  
ſubito  
demortui  
Anatome.

**C** Adavere diſſecto dexter thalamus Sanguine coagulato plenus erat. Cætera Sana inventa.

Inter ludendum proculdubio infans riſit, unde infantibus convuſio : partes enim totius corporiculi flaccidæ admodum ſunt, quo, ad quemvis motum immodicum Epileptici fiunt. Nervi non conſueverunt niſi modicè moveri, unde ſi nimis moveantur, ſtatim cerebrales ſucci deficiunt, qui alias in promptu erant ad tardè movendum, hinc iſtius laticis ἐκλειψις : poſtea à Viſcidioribus particulis obſtruuntur, & vitam cum morte mutant.

Hac convuſione porro factum eſt, ipſum cor ejuſque vāſa appendentia adeo contraherentur, ut Sanguinis circumductio prohiberetur unde mors ; quod interim Thalamo dextro inhærebat, coagulabatur, quod ſæpe in demortuis fit. Videantur quædam exempla apud doctiſſ. Virum C. Stalpart Van der Wiel.

*Miles generoſus ab alio ad pugnandum irritatus, ſub mammilla ſinistrâ uſque in ſubſtantiam cordis digladiatur ; à pugnando tamen non ceſſabat, ſed hoſtem fugientem ducentis paſſibus inſequabatur, tandemque animam eodem in loco dabat.*

Cordis  
Vulnus.

**T** Horace poſt obitum diſſecto, vulnus digitum indicem admittebat, ac plurimum ſanguinis effuſi ſupra diaphragma viſebatur.

Cor diſſectum habere, præſertim ſi vulnus in ventriculos penetret, lethale ; quia ſanguinis circumductioni fons eſt cor. Læſo quippe corde, effunditur Sanguis in thoracis cavitatem, qui alias per arteriam magnam in univerſum corpus vehi oportuerit : & effuſo ſanguine, convulſoque corde, vita deſiſtit. Sed fugientem Hoſtem aliquot paſſibus inſecutus eſt, quia pauco tempore omnis ſanguis ex vulnere effundi non potuit.

*Quatuordecim annorum virgo, ſapius antea vomitu humoris viſcidi, ſemel aut bis in die idque potiffimum cum è lecto surgebat, aliquando cum cardialgiâ, afficiebatur. Dolor aderat in ſinistræ ſcapulæ parte altiori & brachii ſummitate, qua humero jungitur. Poſtea diarrhæa cum feбри correpta eſt. Pulſus ſæpe intermittens : dolore in lavâ parte fixè permanente, non poterat in illud latus decumbere, quin ilico cardialgia & tuſſis eam invaſerit. Tuſſis ſicca non ſemper, ſed per intervalla. Flatus ævo & nato aliquando mittebat. Somnus ferè nullus ; urina pallida & craſſa. Et, quamvis hæc aliquoties exacerbantur, nonnunquam remittebantur ; tuſſis cum respirandi difficultate per-*  
ma-



manebant. Tandem Hæmoptysi spumosa subito correpta, subito extincta est.

**A**perta thoracis cavitate, pulmones albi costis utrinque & diaphragmati undique adhærentes: Cor fuit coloris albicantis & media fermè sui par-  
te, quæ diaphragma respicit exesum, ulcerosum & putridum. In pericardio nullus latex. Cordis  
ulcus.

Neque oculorum ὀφθαλμία neque mentis τέτρασις Virginem hanc cordis abscessu laborare, divinasset. Ita sæpe eludit ars magistrum. Ex omnibus Symptomatis liquet eam fuisse scorbuticam; hoc est, acido & viscidis humoribus abundantem, unde ex saburra ventriculi irritans vomitus, cardialgia, tussis, flatus, & sexaginta alia. Vomitus concitatur, cum ventriculus ejusmodi materia acido viscida saburratus sit: propter tenacitatem facile per pylorum non expellitur: unde ob particulas acutas ei inhærentes ventriculus ad vomitum concitatur. Ita nervis ventriculi cum cordis nervis communionem habentibus, cardialgia paritur. Pituita ista seu pigri humores hoc statu permanere non potentes, tandem etiam ut in ventriculo, ita in intestinis motus convulsivos concitarunt: unde diarrhæa seu alvi fluxus, qui non aliundè venit quam ab aucto motu peristaltico. Lenti humores sæpe alcalicis particulis & acidis abundantibus, si alibi morantur, effervescentiam ineunt, eosque humores in bullas elevant, quibus ruptis, flatus excitantur.

Obstructis & irritatis pulmonibus tussis & respirandi difficultas: ruptisque vasis sanguis cruentus. Nervis cardiacis cum nervis plexus inferioris paris vagi, imo cum cervicalibus ac intercostalibus communem nexum habentibus, dolorem in scapulæ parte per sentiscit. Cordis ulcus ob cardialgiam cæteraque symptomata non animadvertit. Quis (proh superi, quantum immortalia pectora cæcæ noctis habent?) de cordis ulcere ex his symptomatis somniasset; nam quoad morbi ἀντιόχοιαν non patebat.

Virgo bis decem annos nata, à longo tempore pulsu intermittente, ejusque inaequalitate laboravit, quæ tandem obiit. Post  
pulsum  
intermit-  
tentem,  
mors.

**I**nspecto thorace, ulcus in corde fuit, quo cor fermè ad dimidium consumptum fuit.

Impedito à motu corde; etiam arteriæ laborant, nam quo ritu sanguis è corde effunditur, eodem modo ab arteriis accipitur: si cor convulsionibus, ut hic, tentetur, arteriæ obediētes, eundem sequuntur motum.

Mercatoris filius quinque annos natus, sæpe pulsus inaequalitate vexatus, interiit. Eadem  
observatio.

**A**uricula cordis dextra, multo quam solet major, materia quadam mucosa, dura & concreta, nuci ferè juglandis similis referta.

Rusti-



*Rusticus quadraginta & quinque annos natus, plaustrum, feno onusti, e-versionem ruinamque in se passus, de punctorio; simulque gravativo doloris sensu in pectore, nec non de cordis quadam compressione & respirandi difficultate, quaeritur. Thoracis Vertebrae; quae citra ullam costarum fracturam contorta & subluxata conspiciebantur; levi negotio fuerunt restituta, ipseque agrotus post quatrimum adeo levatus, ut ad consuetos labores redierit. Verum aliquot elapsis diebus ardenti febris conflictari cepit, cum asthmate, deliratione, vigiliis perennibus, siti maximâ, genarumque rubore, & lipothymia sibi mutuò succedentibus: ita demum undecima morbi die (cum praesertim à vini usu non abstinuisset) vitam finivit.*

Cordis  
vulnus.  
Pericardium pure  
repletum.

**A**d aperto cadavere, Pericardium pure sanioso scatebat, cui velut immersum Cor, magno sui parte ad utramque potissimum auriculam partim externum, partim etiam marcidum visebatur: quinimo contagium supernam sinistri ventriculi regionem jam invaserat: insuper & ab ipso corde, saniosa quaedam materia exiliit; pulmo ejusdem labis particeps.

Ab hoc onere gravissimo, non mirum vascula quaedam, internam Pericardii partem, respicientia rupisse: liquor jam stagnans tandem putrefactus, ipsum quoque Cor invasit. Circulatione hoc modo impedita, respiratio difficilis oriebatur, cui aderat lipothymia, nam vix ulli cerebrales succi ad Cor perveniebant. Sanguine quoque restitante, febris; nam acidum & alcali occasionem habebant mutuò pugnandi. Particulæ acres, cerebrum vellicantes & vigiliam & delirium pepererunt.

*Studiosi duo, altercationibus subortis, cultros stringunt, unde unus inter tertiam quartamque costam vulnus alteri sub sternum inflixit. Læsus non tantum domum ivit, sed ferè ad quinque dies supervixit.*

Officulum  
in corde.

**C**adavere aperto, Cor obliquo & angusto foramine læsum fuit. Non mirum læsum per aliquot dies superstitem, cum omnis sanguis ob angustum vulnus, non potuit tam citò elabi, verum si amplum & magnum fuisset. statim animam creatori reddidisset.

Cadavere alicujus nobilissimi viri dissecto, in cordis sinistro thalamo officulum triangulare repertam. Folliculus quoque fellis calculis turgebat, ut & renes.

Palpitatio  
cordis.

**PALPITATIO CORDIS** est durus ac coactus cordis motus, qui externè non tantum manu sentitur, sed & pulsus vehemens conspicitur, imò nonnunquam auditur. Causas vide in *Institutionibus nostris*.

Raro sanantur, quando in corde officula, cartilagine, vermes, sanguis coagulatus, polypi &c. continentur. Verum si originem ex sanguine incrassato,



to ; uti in lienosis, cacochymicis, scorbuticis, &c. habeat : spes affulget. Si in cordis palpitatione aliquando pulsus sensim remittatur, sæpe imminet syncope & sine vitæ periculo non est.

Si sit incurabilis tunc palliativè incedendum, quantum fieri possit. Si suffocatio aut syncope ex sanguine coagulato, &c. imminere videatur, ægro phlebotomia succurrendum, liberior nempe ut fiat sanguinis circulus. Si ex convulsionibus, spasmodica sunt applicanda. Si ex sanguine incrassato, tunc molliendum ut attenuetur per temperantia, per salia volatilia oleosa. Sequentia usui veniant oportet. ut

*Recipe Aquæ Hyssopi,*

Vitæ Matthioli, *ana uncias duas.*  
Tincturæ Chalybis, *unciam unam.*  
Elixiris Proprietatis,  
Spiritus urinæ, *ana drachmam semis.*  
Laudani Opiati, *granum unum.*  
Olei Caryophyllorum, *guttas quatuor.*  
Misce. vel

*Recipe Aquæ Petroselinæ,*

Fœniculi,  
Menthæ, *ana unciam unam.*  
Vitæ Matthioli, *sesquiunciam.*  
Spir. Salis Armoniaci, *drachmam semis.*  
Cochleariæ, *unciam unam.*  
Olei Macis stillatitii, *guttas quinque.*  
Laudani Opiati, *granum unum.*  
Misce, vel,

*Sume Spiritus Cochleariæ, uncias decem.*

Salis volatilis oleosi, *uncias duas.*  
Misce. vel,

*Recipe Tincturæ Croci unciam unam.*

Castorei, *drachmas duas.*  
Ambræ griseæ, *drachmam unam.*  
Misce.

Suspendatur nodulus de collo, circa cordis regionem, ex *Caphora, Castoreæ, assafoetida, &c.*

Hæc & similia si quotidie in usum vocantur, non parum emolumenti adferunt. *Pilulæ ex gummi Ammoniaco, martis vitriolo &c. usu veniant oportet.*

*Juvenis 20 circiter annorum, corpore gracili & macilento, aliquot annos COR-*  
*DIS PALPITATIONE afflictus erat, ita validâ, ut costæ loco debito exce-*  
*derent; extuberantia enim in latere sinistro evidenter conspiciebatur, quam si ejusque*  
*manu tangebatur, fortiter admodum cor insiliens sentiebas; interim tamen arteria-*

*Cordis palpitatione, anatome,*



*rum pulsus in carpis erat admodum debilis. Porro post quemvis motum celerem, statim anhelus fiebat, & cordis Palpitatio augebatur cum virium deliquio. Postea curru longum iterfecerat, Paroxysmus ingravescebat, cum crebris lipothymis, atque cum frigore partium extremarum, diem obiit.*

Cadavere aperto, erat cor tumidum, præsertim dexter ventriculus, qui solito major, & sanguine coagulato turgens: latusque musculare valde incrassatum erat, atque robustum. Coagulato quoque sanguine vena & Arteria pulmonalis turgebant. Vena quæ sanguinem in ventriculum sinistrum fert, erat cartilaginea, & intus ferè occlusa, quo obstaculo sanguinis in eum cursus ferè denegatus fuit.

Causa hujus palpitationis manifesta est, omne enim malum ab occlusionē venæ pulmonalis dependebat. Cum enim sanguini per cordis sinistram cavitatem liber transitus non patescit, in cordis ventriculo dextro ac pulmonibus, eorumque vasiscertè stagnare cogitur; & per consequens novimus sanguinem stagnantem coagulari, hinc sanguis grumofus & coagulatus ortum habuit, imo & cordis vasorumque pulmonalium intumefactio, præsertim dextri ventriculi, qui & magis muscularis, crassus & robustus erat, quia occlusa vena pulmonali fibræ cavitatis dextræ eo fortius sanguinem in pulmones propellere debebant, hinc vis istarum aucta fuit, & fibræ magis magisque distentæ, ut illi qui à juventute continuis laboribus assuescunt, robustiores, & magis torosi fiunt, quam qui delicatiori vita fruuntur.

Facile quoque percipimus, quare cor tam vehementer costis allidebatur, ac costæ extrorsum protrudebantur, hoc quippe factum fuit à motu cordis fortissimo, nam cum sanguis venam pulmonalem subire non poterat, motus quasi duplicabatur, quia sanguis se reflectere cogeatur.

Ad quemvis motum concitatiores anhelus fiebat, ex eo quod sanguis tunc celeriori motu per pulmones concitatus, ibidem gradum progressionis sistebat; atque hoc modo, impletis à sanguine stagnante pulmonibus, aëris introitus excluderetur, & anhelus fieri coactus fuit.

Arteriarum pulsatio in manuum carpis admodum remissa fuit, non mirum, nam ex cordis sinistro Thalamo paucum sanguinis exiebat, unde & succi cerebrales pauca quantitate in cerebri glandulosa parte segregabantur, qui & clater pulsum, omniumque actionum in humano corpore sunt.

Morte tandem appropinquante, sanguis ferè in pulmonibus fixus stagnabat, quare & partium externarum frigus oriebatur, nec non lipothymie crebræ.

*Civis quidam quinquagenarius de dolore continuo capitis & circa scapula dextræ regionem queritur, imo de tussi ac palpitazione cordis, atque his aliquot mensibus vexatus fuit.*

Alia:

**A** Perto cadavere, hepar erat scirrhusum; lien ex obstructione solito major. Pectus humore lymphatico plenum fuit: pulmonis dextra pars ferè absumpta & sinistra magnoperè inflammata. Pericardium haud mediocriter dilatatum

pu-



puris & saniosi sanguinis ultra quatuor libras continebat. Cor læsum non erat nisi superficie tenuis.

Quid obstructions ex acido & viscidis humoribus faciant, in superioribus plus semel dixi. Ex hepatis scirrho & lienis intumescencia, pulmonisque dextri consumptione, liquet, liquores per universum corpus circulari ductu liberè vehi impotentes, in iis visceribus moram contraxisse, ex mora corruptio, inflammatio, dolor, tussis, cæteraque symptomata. Prima humanæ sapientiæ laus est, valde similia posse distinguere. Quis Apollo Hydrocardiam divinaisset. Est procul à nobis sæpe præsentia veri.

Felix qui potuit rerum cognoscere causas.

Post mortui cadaveris ἐπίτομη in pectus & pericardium, exruptis ab obstructione lymphaticis, lymphâ corruptâ plenum. Æger, cum in vivis esset, de destillatione frigida ad latera colli in pectus querebatur. Num ex cerebro, cujus dolore molestabatur, per membranarum intercapedines, liquor ibi restitans in pulmones & pericardium descenderit nec ne, dubium cum viæ non pateant. Fortasse leves nervorum convulsiones fuerunt.

Humores in pericardo collecti, suâ acrimoniâ ipsum cor affecerunt, unde sæpè in palpitationem incidit. Imo ob copiam collecti in pericardio humoris, cordis latera adeo compressa, sanguinem demittere non potuerunt, quod sæpe fit, cum sanguini liber transitus per cordis thalamos denegatur; nunquam quis in palpitationem incidit, nisi in corde vel circa ipsum, obstaculum sit: quod ex inspectis cadaveribus semper manifestum est.

*Vir nobilis post naufragii terrorem queritur de palpitatione cordis ipsum ab aliquot diebus infestante: pulsus ei continuo inæqualis. Cum hoc symptoma diu perseverasset in difficultatem spirandi incidit. Postea omnibus in pejus ruentibus, pulsus in carpo nullus; at supra regionem cordis frequens, debilis admodum & inæqualis: crura & pedes inflati. Antemortem sanguinem nigerrimum, crassum & glomeratum excernebat. Æger, ad extrema redactus, moritur.*

**V**isceribus perscrutatis, cordis uterque thalamus concreto sanguine distentus: imo ipsi pulmones plurimo sanguine referti. In sinistrâ cordis cavitate carunculæ satis magnæ inventæ, substantiam pulmoum æmulantes quæ arteriam magnam obstruebant.

Tertia.

Post Terrorem sæpe coagulatur sanguis, qui in pulmonibus & corde hærens ejusmodi symptomata concitat.

*Virgo bis decem annos nata, à longo tempore pulsu intermittente, ejusque inæqualitate laboravit, quæ tandem obiit.*

**I**nspecto thorace, ulcus in corde fuit, quo cor fermè ad dimidium consumptum fuit.

Postpulsus inæqualem mors & anatome.



Impedito à motu corde, etiam arteriæ laborant, nam quo ritu sanguis è corde effunditur, eodem modo ab arteriis accipitur: si cor convulsionibus, ut hic, tentetur, arteriæ obedientes eundem sequuntur motum.

*Nulla quidem nomine ortus quidam, à tribus annis in palpitationem cordis incidit, qui, cum nimium laborando se fatigasset, magis exacerbatur.*

Post cor-  
dis palpi-  
tationem  
cordis,  
anatomie.

**P**ost obitum, in aorta supra valvulas semilunares, tria corpuscula membranistecta, invicemque unita, inventa, quibus sanguinis exitus præcludebatur. Ad ejusdem arteriæ ex corde exitum, infra unius præcedentis valvulam, osseum quid longitudine digiti transversi repertum.

*Pauperis alicujus filius, annorum undecim ferè natus ab alto cecidit in pavimentum ligneum. Vomitus sanguinis per nares & aures effluebat, alias se bene habebat. Dolebat quidem continuò caput, sed nulla contusio aut vulnus, nec febris, ut solet, apparebant. Signis omnibus se benigne habentibus, morbus neglectus est. Mensibus quinque aut sex fere elapsis, colli vertebrae relaxantur, adeo ut caput erectum tenere aut erigere non potuerit. Relaxantibus interim dorsi ligamentis in cyphosin & morbum asthmaticum incidit. Femur dextrum vix movebat: Atheromata sub claviculis ab utroque sterni latere inveniebantur. Symptomatis exacerbantibus, loquela deficiebat. Interim Medicus vocatus collum in integrum & loquelam pro parte restituit. Sed postea inter jugulares venas & Tracheam, prope aurem sinistram tumor primo & deinde abscessus factus est: Cum aperiebatur, primis tribus diebus ultra sex libras puris effundit, idque cum levamine cephalalgiae: sed vires quotidie magis magisque absolvebantur. Postea alius abscessus ortus est, qui pus à colli parte interna in pulmones & oesophagum effundebat, hinc vomitus, nausea, & tussis cum respirandi difficultate. Et quamvis ulcus colli se bene haberet, periit nihilominus convulsivus.*

Longe  
post casum  
ab alto  
Sympto-  
mata, quæ  
mors  
insequeba-  
tur; ejus-  
que cada-  
veris ana-  
tomie.

**A** Bdomine inciso, Hepar scirrhosum & folliculus feilis prægrandis.

Pulmo visciditatibus scatebat. Arteria magna corde egrediens non tantum petrosa, sed ei tubercula calculosa nucis moschatae magnitudine adnata erant. Ejusque rami sursum ascendentes iisdem calculis rigidi fuerant. Ipsaque trachea eadem materia gypsea obsecta fuit.

Tumoribus circa claviculas incisis, meri puris copia haud exigua pultis instar, extrahebatur; non sine costarum ac sterni carie.

In occipite similis substantia lapidea inventa est, eaque membrana intra crassam



crassam & tenuem meningem inclusa : & quantum videbatur in crassæ meningis duplicatura, nam ei tam firmiter adhæruit, ut non nisi vi avulsa fuerit. In cerebri cavitatibus lymphæ pellucidæ ultra duas libras inventum est.

Ob Vasorum sanguiferorum in naribus & cerebro à lapsu rupturam, facile percipitur, quomodo sanguis per easdem vias sese exoneraverit. A cerebro concusso, succorumque cerebralium motu ἀνομάλῳ orta nervorum, versus ventriculum, tendentium Convulsio, quæ Vomitus appellatur : is sæpe vulneribus capitis internis supervenit. Postea solum caput dolebat, quietis cæteris symptomatis : & hanc ob causam morbus neglectui habitus.

Sed unde dolor ? Ab effusâ scilicet materiâ, cum exitum nullum inveniebat, corrupta, meninges lædebantur, unde dolor perennans. Corruptum illud per occipitis foramen subsidens, non tantum nervorum par decimum, cervicis musculorum motorium, compressit, ne spiritus nervosi justo modo musculos irradiare possent, sed & ipsa medulla spinalis intra colli vertebra contenta, adeo gravata & compressa fuit ut paralyti relaxari debuerit : atque tandem subfidente in dorsum usque materia, etiam dorso vertebræ corruptæ & relaxatæ sunt, unde *Cyphosis*, sive spinæ dorsalis versus posteriora incurvatio. Sic quoque ad ossis sacri regionem lumborumque vertebra descendens femoris nervi compressi, adeo ut paralyfis etiam insequeretur. A Cyphosi asthmaticus factus, quia pulmones se liberè, ut solebant, movere non poterant. A materia in capite aucta etiam nonum nervorum par, quod linguæ motui inservit, pressum, mutusevasit. Erupit tandem materia peccans extra meninges vertebrarum cavitates investientes, unde intra jugulares venas & asperam arteriam & prope aurem sinistram tumor & abscessus, cujus apertura caput doloribus levatum : ex respirationis debilitate vires prostrati pus etiam descendens pulmones œsophagumque obruebat, & mordacitate sua & tussim & vomitum & nauseam cum respirandi difficultate excitavit. Viribus prorsus deperditis ob summam succorum acrimoniam etiam convulsivus obiit.

Ob humorum summam acridinem, sanguis corruptus & inspissatus, Hepatis machinam permeare impotens, eam obstructionibus imperviam fecit & scirrhisitatibus obseffit : ita eandem ob causam folliculus bilarius bile petrosis particulis inspissata turgebat. Sic & pulmones materia purulenta obruta, vesiculæ respiratoriæ obstruebantur. Trachea & arteria magna corde egrediens, à succis acris & salinis ita convellebantur, ut post factam obstructionem, in paralyfin non tantum inciderint, sed materia obstruens ibi concreta est, & indies sensim sensimque aggesta tandem tophos produxit. Tumores, è claviculæ regione, à pure deorsum per musculorum membranas ruente, nati, mordacitate sua costas & sternum carie infecerunt. Aperto cranio ex particulis salinarum intra meninges mora, calculi concreti sunt. Sic quoque multum lymphæ, inter meningum per vertebrarum foramina exeuntium vaginam, continuò depluentis, inventum : unde omnium in hoc ægro malorum fons, & origo.



*Juvenis ab incunabilis gibbo cum asthma laborans decimo quinto ætatis anno phthisicus periit.*

sectio gib-  
bosi &  
phthisici.

**A** Perto capite, cristagalli, quæ septi instar os ethmodes in duos partes dividit, in latitudinem & altitudinem ita aucta fuit, ut totum os cribriforme obtegeret, ejusque foramina quasi obstrueret: imo post coctum cranium nulla cavitas in eo patuit. Officula porro maxillæ superioris, quæ canthum oculi majorem constituunt, ita accreverant, ut mirum non sit, frustula quædam vertebrarum in ipsis pulmonibus esse inventa, cum per se partim, partim à respirationis quasi tractu ut nasi septum fere attingerent. Offa omnia præter consuetudinem tenera & prope instar ceræ mollia erant. Dorsi vertebra sexta, septima, octava, nona & decima, quæ gibbum constituebant, carie exsæ & in partes fractæ fuerunt, præsertim ab interna parte. Harum particulae in ipsis pulmonibus à parte dorsi ulceratis, inveniebantur.

Quem non latuisset causa morbi: inest sæpe & incredibili verum, & in verisimili mendacium: ideoque medicina ipsis medicis nil nisi ratione utentibus conjecturalis est. Qui gibbi ex asthma aut tussi fiunt, ante pubertatem moriuntur, inquit *Cous Hippocrates*: à præpostero partu sæpè infantibus contingit Vertebrae luxari; unde, collabescente Thorace, pulmones comprimuntur, & respirandi actionem impediunt. Proveciori ætate, gibbo etiam accrescente, omnes membranæ, quibus pulmones vertebrarum regioni connectuntur, magis dilatantur, & vascula quædam interrepentia rumpuntur: ex quibus liquor stillat, qui reduci ineptus, ibidem stagnare cogitur, & corrumpendo vicinas partes, pulmones nempe & vertebrae, corrumpit. Perceptu igitur difficile non erit, juvenem illum pulmones exulceratos, vertebraeque cariosas habuisse; cum ob membranarum conclusionem pus in cavitate thoracis dilabi non potuerit, ideoque circa vertebrae quasi in nido purulentum omne conclusum fuit. Atque sic mirum non est, frustula quædam vertebrarum in ipsis pulmonibus esse inventa, cum per se partim, partim à respirationis quasi tractu, in pulmones ceciderint.

Rogabit me quis, cur ante pubertatem, non moriebatur, secundum *Hippocratis* textum? Regero, adolescentem hunc fortasse pubertatis notam externam quidem habuisse, ast quoad coeundi potestatem (quæ propriè pubertatem facit) eum ad id opus ineptum fuisse, verò quidem simile est. Ejus impotentia, non tantum ex morbi dispositione, sed ex ossium teneritudine & mollitie apparet.

Structuram cristæ Galli in osse ethmoide monstrosam, nihil ad morbi generis contribuissè, credo: nam per illud cribrum vasa sanguinea & nervi quidem excurrunt, sed per illud nihil humoris ex ventriculis cerebri in nares destillat verum omnis humor per infundibulum ablegatur.

Quod autem spectat ad maxillæ superioris officula, narium cavitates respiratorias præcludentia: respirationi quidem impedimento fuerunt, ast quia per os; liber in pulmones aëri aditus patebat, nihil aut parum huic morbo ansam dedisse credibile est.

*Juvenis*



*Juveni cuidam in tribus prioribus costis brevibus gravitas producitur, unde flatulentia quadam œdematosa, deinde gangrena & caries secuta, ac postea mors.*

**A** Perto Thorace in Mediastini intercapedine multum puris continebatur. Si- Vomica in Media-  
milisque vomica ossis sterni interiori parti adhæruit intra pleuram, ubi Me- stini inter-  
diastinum affigitur: ita ut una cum altera commune iter haberet. capedine.

Abdominis quoque Viscera multo pure madida.

Ab illato ictu plurima, procul dubio, vasa lymphatica rupta fuisse creden-  
dum, unde lymphæ intra membranas effusio. Lympha interim concrescens,  
puris præbuit materiam.

Jecur pallidum & exsangue; adhærebat pulmo variis in locis pleuræ, peri- Apostema in Pulmo-  
cardio & diaphragmati. In sinistra pulmonis parte ingens apostema, puris va- nibus.  
rii coloris quatuor libras continebat; præter hoc magnum plurimis in locis plura  
minora erant: item diversæ magnitudinis scirrhi.

*Valetudinarius quidam putabat sibi in pratis animalculum quoddam per os  
irrepisse, & exinde tormina ceteraque symptomata subsecuta fuis-  
se.*

**P** Rope lineam albam livida quædam excrefcentia erat. In abdomen pau-  
cum serinon graveolentis erupit. Omentum parvum. Hepar prægrande. Officulum in Corde  
Folliculus fellis serosa bile distentus. In Thoracem multum lymphæ effusum. reperitum.  
Pulmones maculis lividis variegati. Cor erat firmum, magnum & pondero-  
sum: capacitas dextræ auriculæ plus solito capax. Arteria ad sinistrum ventri-  
culum erat putrefacta.

*Quidam nobilis annos natus quadraginta & quatuor, gracilis, palli-  
dus, ad iram promptus, & per multos dies versatus in locis, ubi e-  
rant cadavera inhumata, conqueri cœpit, quadraginta circiter die-  
bus, de dolore brachii sinistri, ab indicis punctura suborto, ac deinde  
sub axilla glandulosæ substantiæ communicatis, ubi & tumor non ma-  
gnus, sed profundus, & dolor subortus est talis ac tantus, ut feбри oc-  
casionem dederit, diu duranti, imo pluries repetenti, necdum cessan-  
ti, somnumque ademerit, nec non motum non totius brachii tantum, sed  
totius corporis impediverit, unde & virium labefactatio & corporis ma-  
cies. Tandem circa vigesimum diem, tumore suppurato, abscessuque  
disrupto uncia viginti saniei subcruenta, liquida, fœtida inde effluxe-  
runt. His denique symptomatis mitigatis, supervenit diarrhœa mate-*



*ria flavæ, & ad nigredinem vergentis, modo cum sanguine, modo cum pure.*

Apostema  
in glandu-  
lis subax-  
illaribus,

**A** Perto corpore, inventi sunt pulmones putridi, semicorrupti, ex vario colore nigricantes: jecur totum quasi in Apostema conversum: omnia denique viscera putrilagine erant infecta.

Non tam à læsa axilla, puncturave obiisse eum crediderim, quam ab infecto, à cadaverum foetore, sanguine; continua enim respiratione particulas à cadaveribus emanantes exhaustit & hoc ostendunt satis pulmones purulenti, cæteraque viscera putrilagine infecta.

*Morbo admodum intricato quædam mulier correpta fuit, nunc enim palpitatione cordis, nunc dolore & torminibus ventris vexabatur: interim appetitus non multum prostratus fuit, ita ut pro more alimenta sumeret, quibus tamen parum nutriebatur. Tussiculâ quinetiam, palpitatione cordis, & difficultate respirandi laborabat. Cum circiter annos quatuor vitam sane calamitosam vixisset, ac sceleti ferè instar extenuata esset, paulatim stupore & frigore in sinistra manu, præcipuè circa extremitates digitorum, correpta est: Symptomata tamen hac ab initio tam exigua erant, vix ut percipi possent: nec aderat tumor, multo minus inflammatio, imo nec dolor ullus. Interea tamen extremitates digitorum & tota manus paulatim & absque dolore sphacelata & penitus emortua est. Postea brachium ad cubitum usque, simul & digiti carbonum instar nigri erant, frigidissimi, & ita extenuati, ut ossa vix tenuissima cute obtegerentur; nulla tamen aderat inflammatio, neque dolor; brachium postea feliciter supra cubitum amputatum est: nihilominus tamen circa undecimam horam post brachii abscissionem, gangrena denuo truncum invasit, ita ut paucis post diebus à vita discederet.*

Morbus  
intricatus  
pectoris,  
abdominis  
&c.

**C** Adavere dissecto, abdomen serosi humoris plenum & extensum erat. Mesenterium steatomatis multis scatebat. Sub vena portæ, & quidem in ipso pancreate scirrhus admodum magnus conspiciebatur. Hepar durum, pallidum, ac si elixatum fuisset, apparebat. Pulmo dextrâ parte materia purulenta ac foetida; sinistrâ vero humore seroso, imbutus erat. Per totam pulmonis substantiam scirrhii plurimi, colore lividi, in quibus materia nigra, atramenti instar, contenta fuerat, conspuebantur. Lapides plurimi hinc inde per pulmonem, diversi coloris, parvi tamen omnes reperiebantur. Cor sanguine plane exhaustum, extenuatum, ideoque valde diminutum & parvum erat. Vena pulmonalis in monstrosam amplitudinem extensa erat: nam humore aquoso fuit impleta.



Ægram hanc sanguinem habuisse admodum crassum, ex gangræna satis liquer: non enim ex inflammatione ortum habuit, sed ex sanguine in motu coagulato. Est mihi adhuc cognata, quæ ante aliquot annos sanguinem suum seroso lacte aliisque acetariis ita corruerat, ut postea in febrim incideret, non tantum ungues nigredine commaculabantur, sed iste color per integrum annum sub unguibus latebat: unde igitur iste color? nisi à sanguine, ibidem loci coagulato. Scribit *Thucydides*, cum pestis Athenis sæviret, præter alia symptomata etiam summas manus, summosque pedes invasisse: quibus nonnulli amissis liberabantur, Quomodo hoc aliter factum fuisset, nisi ex sanguine coagulato & corrupto, in manibus pedibusque resistente: & hoc accidit iis, qui frigidi temperamenti sunt.

Revera nutritionis particeps esse non potuit, quoniam Viscera abdominis omnia obstructa erant, imo ob Hepatis duritiem & scirrhositatem, bilis deficiebat, quæ toti sanguini balsamum existit, eique fluiditatem, corporique optimam *διάρθειν* procurat: effluvia etiam à corpore decedentia maximâ ex parte à bilis copiâ dependent. Deficiente quoque bile, chylus manet crassus & viscidus, scirrositatesque mesenterii glandulis, lienis item, Hepatis, pulmonis, aliarumque partium adfert: pulmonibus hoc modo obstructis, respiratio impedita fuit, ex humorum acrimonia, eorumque vellicatione tussis excitata, pulmonumque *ἀσπείρεσις*, quæ & *phthisis* appellatur. Serositates ex sinistra pulmonali, vasis lymphaticis ruptæ fuerunt. Vena isthæc laxioris texturæ est, non ex una membrana, ut veteres voluere; verum industria hujus seculi Anatomicorum, eam ex variis tunicis constare detexit. Hæc venæ pulmonalis tunica admodum laxa, & à reliquo vase soluta existit, in tantum ut ubi vis aperta per totum inflari, & quasi vas distinctum esset, plurimum extendi possit: unde suspicari licuit, hoc ductu peculiari lympham à glandulis substratis secretam reduci: verum obortâ obstructione, eam immensum usque posse distendi, ut in hoc cadavere liquet.

Hinc facile percipiendum est, unde cordis *palpitatio originem* traxerit, nempe ab obstructa vena pulmonali: nam in Hydrope hoc adeo ejus capacitas coarctabatur, ut sanguini per eam via denegata fuerit, tunc resilire coactus cor se immodicè movere debuit. Omnis enim palpitatio fit à causa obstruente circa cor: quotquot mihi contingere cadavera, semper vel Polypum, vel sanguinem coagulatum, vermes, ossificationes, aut simile quid reperi.

De TREMORE CORDIS etiam in *Institutionibus* mentionem fecimus. Tremor Quamvis non sit periculosus, comitatur tamen sæpe ægros ad mortem usque. Cordis. Curatio etiam eodem modo instituitur ac de palpitatione dictum.



## VII. C A P U T.

DE MORBIS HEPATIS, ICTERO, HYDROPE ASCI-  
TE, ANASARCA, LEUCOPHLEGMATIA, H.Y-  
DROCEPHALO, CHLOROSI; DE INFLAM-  
MATIONE, OBSTRUCTIONE, SCIRRHO  
HEPATIS. &c.

**E** Peccore descendimus ad Hepatis Viscus, quod nobis nonnunquam *ι'λιάδα*  
*κακῶν* producit, illud peccat quando ob sanguinem tenacem vel bilis viscida se-  
gregatur; vel ob defectum nimis aquosa; vel ob salis abundantiam limosa ac cal-  
culosa. Atqui sic facile ductus bilarii obstruuntur: & quidquid bilis remanserit  
in viscido sanguine manet, totamque cutim flavedine tingit, qui morbus tunc  
icterus. ICTERUS appellatur. Cujus causas in *Institutionibus* invenies.

Morbus iste non est admodum periculosus, nisi ad sit continua febris, Hepa-  
tis inflammatio, scirrhus, debilitas, calculi in Vesiculâ, &c.

Pituita viscida primum est incidenda, ac per consequens sunt obstructions  
deobstruendæ, deinde procurandum, ut Bilis defectus suppleatur. Ultimò  
symptomata sunt respicienda. In hoc casu conveniunt aperientia, & saturan-  
tia. ut sunt.

*Radices Graminis, Chelidonii majoris, Urticæ, Asparagi, Rhabarbari, Ru-  
biæ tinctorum, Polypodii. Folia Chelidonii majoris, Urticæ majoris, Verbenæ,  
Fragariæ, Theæ, Taraxici, Cichorei, Fumariæ, Agrimonie, Argentine. Cro-  
cus. Semen cannabis, Urticæ, Sinapi, Nux Moschata, Bacca Juniperi, Passulæ.  
Gummi Ammoniacum. Oculi cancri, Sapo Venetus, Lac, stercus anseris, equinum,  
lumbrici terræ, Millepedes. Chalybs, Sulphur. Spiritus salis armoniaci, urinæ,  
cornu cervi, salia volatilia urinosa, Vitriolum Martis.*

Aliquando Emetica hic locum inveniunt, vi enim vomitionis obstructio sæ-  
pe folliculi fellis tollitur. Pituitam expellentia non sunt negligenda: uti sunt  
laxantia ex *Rhabarbaro*: respondente alvo fæces ob bilis defectum inveniuntur  
albida vel grisei coloris. Deinde sequentia veniunt præscribenda, ut

*Recipe Sem. Cannabis contusi, uncias tres.*

*Saponis Veneti, drachmas duas.*

*Lactis vaccini, quantum sufficit.*

*Coquantur ad Uncias Viginti, Colatura.*

*Detur usui.*

*Collige Lumbricorum terrestrium aquâ lotorum, uncias duas.*

*Coquantur ex lacte ad uncias viginti,*

*Colaturæ adde*

*Croci, scrupulum unum.*

*Detur pro potu. vel,*

*Recipe*



*Recipe* Rad. Chelidonii majoris,  
 Urticæ majoris, *ana unciam unam.*  
 Stercoris anserini,  
 Limaturæ chalybis, *ana uncias duas.*  
 Lumbricorum terrestrium, *unciam unam.*  
 Croci, *scrupulum semis.*  
 Vini albi, *libras sex.*  
 Misce fiat Vinum Medicatum. vel

*Recipe* Tinct. Croci, *drachmas duas.*  
 Cinamomi,  
 Spiritus cornu cervi, *ana unciam semis.*  
 Misce.  
 Sumantur ter de die viginti guttæ cum vino. vel

*Recipe* Millepedum viventium, *numero centum.*  
 Lumbricorum terrestrium siccatorum,  
 Tartari Vitriolati, *ana drachmas duas.*  
 Nucis Moschatæ, *scrupulos duos.*  
 Croci, *scrupulum unum.*  
 Chalybis cum sulphure præp. *drachmam unam.*  
 Sacchari albi, *uncias duas.*  
 Misce fiant Tabellæ.

De hisce fumatur singulis diebus uncia semis.  
*Allii decoctum* in hoc casu etiam magni est valoris.

*Homo facie icteritia à multis annis tumore in sinistro Hypochondrio laboravit cum dolore intermittente. Tentatus interdum dysuria, nonnunquam vomitu materiæ nigra. Postea emaciatus obiit.*

**I**Ntestina, præter solitum, flava. Vesica fellea præter serosum humorem icterici variisque lapillis ac grumis nihil continebat. Lien immensæ molis, libras &c. anato- medicas quinque facile superans: Renes nigri, in pelvi sinistrâ aliquantu- lumpuris. me.

Ingens splenis moles fuit causa difficultatis urinæ; Vesicâ enim urinariâ pressâ, urina reddi non potuit, hinc dysuria. Ob ipsius visceris obstructio- nem, sanguis, qui alias ex ventriculi tunicis in splenis ramo transit, regurgi- tans, in ventriculum erupit, unde vomitus nigri. Vasa enim splenica etiam, ut de vesica dictum, premebantur. Quid de icterico vultu dicendum, lapillis- que in folliculo fellis inventis, superius diximus.

Quamvis proprie HYDROPS ASCITES non pertinet ad hepar, nihi- Hydrops  
Ascites,  
 lominus tamen, quia oritur sæpe ob defectum bilis, & vasa lymphatica hepa- tis  
 Q 2



Hydatides. *tis* obstructa, unde HYDATIDES, uti in aliis partibus, enascuntur hic describam, quibus ruptis ingens colligitur in abdomine aquæ copia, qua abdomen immensum usque intumescit; atque sic hoc onere compressis vasis in inguine lymphaticis, oriuntur, ut in gravidis crura tumida, atque scrotum tumidum. Hinc ob effusionem hujus lymphæ fiti continuâ plerumque laborant. Idem fit à liene obstructo, tunc enim vasa lymphatica eodem modo tumere possunt, & rumpi, sic & vasa mesenterii lymphatica. Ita tument quoque eadem intra duplicaturam peritonæi euntia, nec non quæ ovaria cingunt, quorum hydatidibus sæpe ova sunt in ingentem molem extensa. Si porro vasa lymphatica obstructa sint in pectore, ibi etiam hydatides enascuntur, atque tunc effusâ aquâ, HYDROPS oritur THORACIS: si idem contingat in cerebro oritur in infantibus HYDROCEPHALOS, quod in adultis etiam fieri potest, verum quia cranium ab invicem discedere non potest, ut in infantibus ab aqua conclusa corrumpitur, hinc Apoplexiæ, Convulsiones, capitis dolores, & *θόλασσα κακῶν*. In abdomine in causa esse possunt vasa lactea rupta, imo & ductus Thoracicus: ac ureteres per vulnus aut inflammationem. De causis consule *Institutiones* meas.

Hydrops  
Thoracis.  
Hydrocephalos.

Si vasa lymphatica rupta non sint, facile in principio curantur: & si existente Anasarca superveniat *Ascites*, facilius curatur, quam si proveniat ex ruptis vasculis, aut alicujus visceris ulcerationibus. Si urina sit pauca, rubicunda, lixiviosa, malum: signum enim est omne liquidum extravasari, & sanguinem admodum esse crassum. Purgando si detumescat venter, est bonum omen, & non sine spe. Si aqua acris fiat & foetida, viscera corrumpuntur. Post quartanam asthma, scorbutum raro spes est, quia omnia in pejus ruunt.

Primo inter signa habentur abdomen tumefactum, & si digito comprimatur, cavitatis impressæ vestigium relinquit; respiratio fit difficilis, uti & in Pectoris Hydrope. *Sitis* adest intolerabilis, quia sanguis ab humido continuo orbatur, hinc saliva sequestrari nequit. *Facies pallet*, & extenuatur, quia non nutritur; *Febris* adest *Lenta*, quia, quod mirum non est, in lecto decumbentibus aqua in pectore vel abdomine de latere in latus fluit. Aliquando urina est rubra, aquosa, crassa vel turbida.

In Hoc causæ sunt abigendæ casu, & quidquid aquæ collectum, expellendum. Ergo hic opus est Aperientibus, incidentibus & diaphoresin mediocrem procurantibus, nec non urinam expellentibus. Si quis inclinationem habet ad vomendum, sumat unciam unam *oxyssacchari vomitivi*. Quamvis in hoc casu Emetica & Purgantia non admodum laudo, præsertim deperditis viribus: verum ut nonnullis satisfaciam, usui esse possunt in robustis, & formulas quasdam præscribam. ut

*Recipe* Guttæ Gambæ, grana duodecim.  
Olei caryophyllorum, guttas duas.  
Tartari Vitriolati, scrupulum semis.  
Misce fiat Pulvis. vel,

*Recipe* Guttæ Gambæ, grana sex.  
Resinæ Jalappæ, grana septem.

Ole-



Olei Cinamomi, *guttam unam.*  
Spiritus vini, *quantum sufficit.*  
Misce fiat Haustus. vel,

*Sume.* Aloës lucidæ, *drachmam unam.*  
Guttæ Gambæ, *scrupulos duos.*  
Gummi Ammoniacy, *drachmam semis.*  
Tartari Vitriolati, *drachmas duas.*  
Olei caryophyllorum, *guttas sex.*

Misce fiant Pilulæ.

*Dosis* à scrupulo uno ad drachmam integram. vel,

*Recipe* Pilulæ Aloëphanginæ, *drachmam semis.*  
Mannæ Calabrinæ, *sesquiunciam.*  
Misce fiat Haustus. vel,

*Recipe* Electuarii Hydragogi Sylvii, *unciam semis.*  
Aquæ Fœniculi, *quantum sufficit.*  
Misce fiat Haustus. vel,

*Recipe* Pulv. Jalappæ; *drachmam unam.*  
Aquæ Cinamomi,  
Fœniculi, *ana unciam unam.*  
Misce fiat Haustus. vel,

*Recipe* Rad. Iridis Nostratis,  
Enulæ campanæ, *ana unciam semis.*  
Cort. Mediani sambuci,  
Baccarum Juniperi, *ana unciam unam.*  
Herb. Eupatorii,  
Centaurei minoris,  
Absinthii latifolii, *ana Manipulum unum.*  
Oculorum cancri, *drachmas duas.*  
Rhei electi, *unciam semis.*  
Jalappæ, *drachmas duas.*  
Vini optimi, *libras sex.*  
Misce fiat Vinum Medicatum.

*Dosis* ad uncias duas vel tres pro ætate & viribus.

Si metus sit perditionis virium, Enemata sunt usurpanda, aut suppositoria.

ut,

*Recipe* Urinæ humanæ, *uncias decem.*  
Salis prunellæ,  
Terebinthinæ Venetæ, *ana drachmas duas.*  
Vitelli ovi, *quantum dissolvenda Terebinthinæ sufficit.*



Misce fiat Enema: vel,

*Recipe* Fermenti acidi, *unciam unam.*

Salis communis, *drachmas duas.*

Urinæ, *uncias octo.*

Olei Rutæ, *unciam unam.*

Mellis, *uncias duas.*

Misce fiat Clyster.

Interim continuo fumant *Lac*, cui incoctum est *Allium*; uti & Chalybeata :  
ex. Gr.

*Recipe* Gummi Ammoniaci,

Assæ fætidæ, *ana drachmas duas.*

Vitrioli Martis, *drachmam unam.*

Vini scyllitici, *quantum sufficit.*

Misce fiant Pilulæ, quinque ex scrupulo uno.

Ex quibus singulis diebus quatuor sumantur.

*Vitriolum ceruleum* est in Hydropum speciebus præstantissimum remedium, si in spiritu cornu cervi rectificato solvatur, & aliquot guttæ singulis diebus cum vino fumantur.

Remedium optimum est levem concitare diaphoresin : ideoque vitet æger omnia frigida, & sese in continuo calore contineat oportet. In lecto habeat ad latera & ad pedes arenam calidam vel lateres calidos. Interim quoque salia volatilia aromatica in usum veniant. *Externæ* sequentia sunt applicanda, ut

*Recipe* Ung. Martiati, *drachmas tres.*

Olei Caphoræ orientalis, *drachmas duas.*

Lauri, *unciam semis.*

*Recipe* Stercoris Vaccini ficci, *libram unam.*

Sem. Cumini,

Bacc. Lauri, *ana unciam semis.*

Urinæ, *quantum sufficit.*

Misce fiat Cataplasma. vel

*Recipe* Empl. de Baccis Lauri,

Cumino, *ana quantum sufficit.*

Misce fiat Emplastrum.

Æger abstineat à multo potu, potius cerevisiam bonæ notæ aut vinum quam tenuis potus, nisi in hac occasione liquor debitâ quantitate emingatur, & tunc lac, Thea aut coffea essent boni usus, sed quia hoc raro fit, noxius magis esset quam proficuus. Cibi sint Eupepti, ut Gallinæ, columbæ, perdices, caro vitulina, agnina, lepores, cuniculi, &c. Crura tumida in arenâ calidâ



calidâ ponantur, & in lecto eadem foveantur, ut sudor porrumpt. Sic decocta ex Sassafras & Guajaco, non sunt spernenda.

Si hæc omnia incassum sint tentata, ad *Paracentesin* est descendendum, atque sic per vices aqua est educenda, de qua in *Chirurgia*.

Quæstio movetur, quomodo aquæ, pus &c. ex abdominis cavitate per vesicam exonerari possint. Sed Experimenta hanc nebulam abigent. Si vesica recens corpori eximatur, & invertatur, & eidem urinam prius contentam infundas, omnis urina sensim guttatim quasi transfudabit. Hinc concludendum vesicam habere poros foris intro spectantes, & ne è vesicâ in abdomen profluat, adesse valvulas exiguas, effluxum inhibentes. Si in inversa vesica sal armoniacum, sal vulgare, alumen &c. committas, funiculo constringas & aquæ calidæ immergas, salia liquefcent; unde, nisi ab aqua vesicæ porulos penetrante? Sic quemadmodum in hoc casu, ita etiam in thoracis &c. fieri vero non est ab- simile.

Quomodo  
aqua &c.  
per uri-  
nam edu-  
catur.

Ne deviemus ulterius quam decet:

*Hydrocephalos* est tantum Hydrops intra cranium, qui maximè infantibus evenit, quibus cranii parietes in imensum usque ab invicem dilatantur, ita ut caput supra modum excrescat & aliquot sæpe libras aquæ contineat. Mirum est infantes hoc morbo non pluri tentari, quia inter gestandum, ob matrum animi pathemata, & inter pariendum ab obstetricibus sæpe multum patiuntur, unde cerebrum adhuc molle maximoperè lædi potest, ac vasa lymphatica rumpi; quibus ruptis multum aquæ extravasatur, quâ occasione cranium necdum coadunatum in ingentem molem excrescit.

Etiam post partum non minus cerebrum afficitur, dum caput tenellum committitur, ac cunis agitur. Quando infantes parum adoleverint, minus malum illud oboritur, quia cranii ossa sunt invicem coalita, & non facile separari queunt. Septem mensium gestationis foetum 1675 Leovardix aperui, in cujus capite erant quatuor libræ aquæ. In hoc casu maxima infantium pars moriuntur.

Quoad curam, optimum censeo, ut caput continuo calore foveatur, & si in cunis decumbant, ut circa caput lapis calidus, aut arena calida ponatur, ut obstructio referetur, & aqua viam debitam eat, sed hoc rarum esset, quia  $\epsilon\pi\tau\alpha\lambda\omicron\upsilon$  aqua est extravasata, atque tunc retrogradi nescit. Interna vix infantibus dari possunt, alias sudorifera essent proficua. Quidam paracenthesin proponunt, sed in ea opinione non sum, quod multum hoc remedio possint moliri: aquâ enim depromptâ alia statim insequitur: Et si diu duraverit ac cranium maximè fuerit distensum, vix claudi potest: ita ut plerumque ad cæteros a- beant.

Inter Hydropis species etiam recensetur *TYMPANITES*, five *Hydrops* *Tympanites*, quæ propriè loquendo Hydrops non est, sed causa existere potest. Estque tumor abdominis immobilis, continuus, æqualis, durus & renitens, percussus Tympani in modum sonitum edens, nam à Tympano etiam nomen habet. Causa est species *Spasmi* qua peritonæum tantum, vel etiam intestina supra modum expanduntur. Non tantum in abdomine illud malum hæret, sed aliquando in thorace, uti de Asthmate dictum. Etiam per integrum corpus esse potest Teste *T. Bartholino*, *Riverio* aliisque. Consule plura in *Institutionibus meis*.

Præce-



Præcedentes Tympanitidis causæ aliquando sunt colicus dolor, Hypochondriaca passio, Hysterica passio, &c. per se nihil periculi habet, nisi superveniat (compressis vasis lymphaticis) Ascites, & tunc mors pulsat divitem ac pauperum tabernas. Si superveniat stranguria, pessimum, quia vesica & ureteres vel etiam spasmo afficiuntur vel quia ab intestinis inflatis nimium comprimuntur.

Causa removenda est, & inflatio diminuenda. *Purgantia*, hic vix requiruntur, præsertim fortia: quamvis exemplum habeo alicujus virginis, quæ *succo ebuli* subito curata fuit. *Laxantia* sunt concedenda, idque tantum interdum; fiat Vinum medicatum, ut

*Recipe* Fol. fenæ, *unciam unam.*

Agarici,

Jalappæ,

Tartari rhenani, *ana unciam semis.*

Absinthii pontici,

Centaurii minoris, *manipulum unum.*

Bacc. Sambuci,

Sem. Genistæ, *ana drachmas tres.*

Cort. Citri,

Caryophyllorum, *ana drachmas duas.*

Sem. Coriandri, *drachmam unam.*

Vini albi, *libram unam.*

Misce fiat Vinum Medicatum.

*Dosis* ad unciam unam vel duas pro viribus.

Si alvus constipata sit & planè non respondeat, clysteres suprapræscripti injiciendi sunt. Præstant in hoc casu omnia *Aromatica*, & *salia volatilia oleosa*, uti & *diuretica*. Exempli gratia.

### TINCTURA MILLEPEDUM.

*Sume* Millepedum, *uncias tres.*

Nucis Moschatæ, *drachmas tres.*

Fol. Hederæ terrestris rubræ, siccæ, *manipulos duos.*

Spir. vini Juniperini, *sesquilibram.*

Misce fiat Tinctura.

vel,

*Recipe* Tartari vitriolati, *unciam unam.*

Ocul. cancri,

Vitrioli chalybis, *ana drachmas duas.*

Sem. Nasturtii, *drachmam unam.*

Terebinthinæ Venetæ, *quantum sufficit.*

Misce fiant pilulæ ex scrupulo quinque.

*Dosis*



*Dosis* singulis diebus quinque : abdomini applicari possunt quædam *nervina*, uti *oxycroceum*, cum oleo ex *nuce Moschata* : *Emplastrum de baccis lauri* aut de *cumino cum oleis stillatitiis*, &c. vel applicetur *cataplasma ex stercore vaccino & canino*. Si mutetur in *Asciten*, remedia supra præscripta sunt adhibenda.

**ANASARCA & LEUCOPHLEGMATIA**, est *Hydrops* totius corporis, vel alicujus Partis, qui digitis pressus, cavitatem relinquit : cui aliquando *ascites* supervenit. *Leucophlegmatia* & *Anasarca* sive *Intercus*, gradibus tantum differunt, nam in *Leucophlegmatia* materia longè viscidior est quam in *Anasarca*. *Causa* est vasorum lymphaticorum totius corporis obstructio, à lymphâ incrassatâ & sanguine particulis volatilibus & motivis orbato : vasis itaque lymphâ turgidis, tota cutis peripheria etiam intumescit ; quâ digitis compressâ, cavitas relinquitur. In particulari parte aliquando unicum vas ruptum est, vel quædam compressa, ut in prægnantibus, & qui desidem vitam agunt. Hoc modo sæpe matutino tempore facies tumet, præsertim sub oculis, quia decumbente corpore lymphâ deorsum tam facile descendere non potest, ac quando erectum habemus situm. è Contra pedes matutino tempore sunt detumefacti, quia è pedibus versus inguina, &c. facilius fluit quam in erecto situ nobis stantibus. *Externe causæ* esse possunt, nimius *Spiritus vini* haustus, cujus volatilitate omne volatile & activum è sanguine per diaphoresin nimiam foras rapitur : hinc admodum refrigeratur, & visciditatibus abundat, & nisi hoc spiritu continuè reficiantur ferè exanimes fiunt & admodum frigidi : ideoque in curatione illa ab hoc spiritu subito non sunt arcendi, sed singulis diebus aut biduis dosis est diminuenda, ne subitanè abstinentiâ ex improviso deficiant. Tardè potius defuescant, ut particulæ motivæ & suppressæ recolligantur. *Venæsectiones* & *purgationes*, nimius *Theæ* aut *coffæ* potus, idem præstant ; priores duæ exhaustiunt planè vires, & vaporem relinquunt. Sic potus illi calidi non tantum ob caliditatem enervant ventriculi tonum, nam ad mollitiem ferè coquitur, hinc quia officio fungi nequit, tota œconomia animalis cessat : sed & quidquid activum & volatile per diaphoresin fugatur vel per renes cum urinâ præcipitatur. Lymphâ quoque coagulatur ut ovi albumen à spiritu vini. Vel, ut spiritus salis armoniaci cum salè tartari destillatus ab alcohol vini. Idem fieri in *Leucophlegmatia* verisimile est.

Plurimi ex Europæis in insula Ceilonica *Leucophlegmatici* fiunt, qui morbus ei regioni endemius est. Illi, si Bataviam veniant, horum lingua *Suriekatten* appellantur ; sunt animalcula sciurorum instar, sed paulo majora, continuè arboribus insidentia, ex quibus *surie*, seu vinum palmæ depromunt. *Causa* est iste potus *surie*, spiritus orizæ, (vulgo *Arak*,) cerevisia fictitia, quam vocant *set-bier*, fructus, *Venus nimia*, &c. & curantur Medicamentis, quæ nobis in hoc morbo in usu sunt.

Tantum periculi non habet ac cæteri *Hydropum* species. *Ascites* post *Anasarcam* cum urinæ copia, & siti tolerabili præstat quam contrarium. *Anasarca* ex *phthisi* aut *Tympanitide*, malum portendit.

*Intentio* & *Remedia* eadem sunt, ac in *ascite*. Sed hic *Vesicatoria* locum habent, ut & *illinitiones* ex penetrantibus & volatilibus. Corpora semper in calore tenenda, sequentia usui esse possunt, ad bibendum, ut



*Recipe* Salis Absinthii non admodum albi, *unciam semis*.  
 Vini albi, *uncias viginti*.  
 Misce.

*Dosis* ad uncias tres. *vel*.

*Recipe* Tartari albi cum nitro calcinati, *uncias tres*.  
 Spiritus Vini, *libram semis*.  
 Aquæ petroselini, *uncias octo*.  
 Misce, detur cochleatim.

*Chlorosis.* Hujus indolis ferè *CHLOROSIS* est. Morbus *Virgineus*, seu *Febris alba* aut *Amatoria* vel *Icterus albus*. Circa tempus præsertim cum menstrua expectantur, virgines pallent, & ex viridi ferè livescunt & facies tumet, & non raro quoque pedes. De causis consule *Institutiones nostras*. Morbus hic longæ est durationis & sine periculo. Matrimonio sæpe liberantur, propter fermentum virile, cujus ope succi mulierum aliter disponuntur. Si sæpe huic morbo obnoxie sint, redduntur infœcundæ, vel infantes quos pariunt, imbecilles sunt.

Si alibi, quod certum est, obstructions sint, deobstruentia sunt usurpanda. Si menstrua non fluant, tunc *Hysterica* in usum vocanda. Si in intestinis saburra sit pituitæ, tunc alvus *Rhabarbaro*, *senis*, *agarico*, &c. est laxanda. Hic *Venæsectio* locum non habet, quia sanguis non fervet calore aut abundat. Utantur singulis diebus *Tincturâ Croci*, *Succini*, *Martis*. *Spiritus Sabine*. &c. *vel*.

*Recipe* Spiritus Sabinæ,  
 Cornu cervi, *ana partes æquales*.  
 Misce.

Guttatim in vino quotidie prodest. Magni quoque usus est *decoctio florum camomillæ*, uti & *Vinum martiale*; his accedit *caphora* cum *croco* & *spiritu vini*, quæ ob particulas activas profunt. Balneum fiat ex *Artemisiâ*, *Sabinâ*, *Pulegio*, *Matricariâ*, *semine dauci* & *levistici*, &c. non minoris momenti sunt *Pilulæ* sequentes: ut.

*Recipe* Gummi Ammoniacy, *drachmas tres*.  
 Aloës,  
 Limaturæ chalybis, *ana drachmas duas*.  
 Myrrhæ, *drachmam unam*.  
 Croci, *scrupulum unum*.  
 Tartari vitriolati, *drachmas tres*.  
 Olei Macis destillati, *guttas decem*.  
 Misce fiant pilulæ ex scrupulo quinque.

*Recipe*



*Recipe* Limaturæ chalybis tenuissimè tritæ,  
Vel cum sulphure præparatæ, *unciam unam.*

Ocul. Cancrī,

Corallorum rubrorum,

Cinamomi, *ana drachmas duas.*

Croci, *drachmam unam.*

Misce.

*Dosis* erit drachma una.

Siccus fit cibus & facilis digestionis, ex gallinis, perdicibus, oryzâ, carne ovillâ & vitulinâ: pisces sint porculus, perca, lucius, solea, &c. cerevisia fit optimè defæcata, & vinum merum. Exercitia sint modica, & somnus paulo brevior; aër siccus. Potus Theæ & Coffeæ sint modici usus: quotidiana croci assumptio non erit inutilis.

Deficiente bile, quotidie amara sunt assumenda ex *absinthio*, *carduo benedicto*, *centaurio minori*, *Eupatorio aquatico*, & exinde componatur vinum medicatum, de quo bis singulis diebus bibatur Haustus. Si bilis fuerit vitellina, porracea, æruginosa, nigra, illa venit ab abundante acido, tum *chalybeata* & omnia acidum emendantia sunt in usum vocanda.

Cum de Hepatis agitur morbis, quandoque inflammatione & ulcere laborat, quæ oritur ex succis ibi stagnantibus, & incalescentibus: inflammatio illa variat pro diversitate particularum, & pororum, exinde vocatur Phlegmone, Erysipelas, &c.

Quoad curationem, parum refert in quo loco sit, num in concava, num in convexa parte, aut in substantiâ intermediâ. Gravitās sentitur in dextro latere, nam hepar ob inflammationem peritonæum premit, præsertim si in gibba fuerit parte, & hoc maximè animadvertitur cum æger ab uno latere in aliud se volutet. Si circa ligamentum suspensorium sit, tunc dolor gravativus circa costas nothas sentitur, & per membranarum continuationem ad jugulum ipsum adscendit. Febris quoque adest, quæ continua est; remittens & exacerbans, cum magno ardore & siti aliquando, si inflammatio fuerit magna. Ob diaphragma compressum, adesse debet respiratio difficilis: adest sæpe tunc temporis tussis molesta; pulsus inæqualis, durus & non rarò ferratilis: cibi adest fastidium, vomunt sæpe biliosa: cutis flava est: adest sæpe alvus adstricta ob bilis penuriam, vel loturæ carniū instar, urina rubra est ob febrim. Vix dignoscitur ab inflammatione muscutorum abdominis, sed in ea dolor magis externus est, cutisque circumtensa, & muscoli tractando non cedunt, actumor non est profundus, neque facies adeo flavedine suffunditur.

*Causæ externæ* esse possunt contusio, casus ab alto in hepatis regionem, nimia corporis calefactio.

Symptomata quoque differunt, alia enim sunt in convexa, alia in concava parte: in *convexa* enim ferè pleuritidem æmulantur: ast in concava, urgent magis *Symptomata* ventriculi & intestinorum. *Non facile hepar inflammatur*, aut si id contingat, febris tamen & æstus ac cognata symptomata non adeo intensa sunt, quam pro ratione partis esse debeant, quia hepar parvam habet arteriolam; hinc pulsatio quoque minor adesse solet.



In genere adest *sensus gravativus*, circa ejus regionem in dextro hypochondrio, cum dolore simul obscuro & tensivo, qui *sub suppuratione punctorius* plus minus evadere solet. Mox *febris* adest minus ferè tamen acuta, sed sæpius *lenta*, prout nempe est inflammatio. Nam perpetuò inflammationis magnitudinem vehementia febris analogice comitatur. *Tussis Sicca* seu inanis per intervalla affligit: *difficultas respirandi* adest; *decubitus* in latere affecto est *difficilis*, non secus ac in latere opposito, unde ferè supini jacent ægri, *pulsus* celer, frequens, inæqualis: *sitis* intensa, *anorexia*, *lingua arida*, *calor mordax* totius corporis &c. Quod si major adsit inflammatio, dolor ad jugulum adscendens percipitur, quasi ad inferiora traheretur, præsertim dum vehementius æger inspirat, idque propter pondus Hepatis inflammati, mediante ligamento lato diaphragmati, juxta connexionem hujus cum cordis, alligati.

Porro si *pars cava afficitur*, frequens oboritur, adeo ut ferè perpetuò singultiant; *Vomitus* materiæ biliosæ interdum & *diarrhæa* adest. Si vero *pars gibba afficitur*, acris est dolor circa cordis foveam, decubitus in dextrum latus est *difficilior*, dolor expressurâ exacerbatur, *tumor* manifestius apparet, partes ad jugulum dextrum, deorsum trahi videntur & symptomata cætera, partes thoracis apparenter affectas sequi videntur. Contrarium vero in *parte cavâ affectâ*, in quâ ipsi interdum *dolores ventris* concurrunt, ut inflammatio hepatis pro *colica* à quibusdam habita fuerit, & quoniam subinde pleuritidem mentiri videtur, etiam cum hac à quibusdam non raro confunditur. Propterea probè discernenda sunt & in specie, si pleuritis circa costas breves dextri hypochondrii affligerit, facillimè cum Hepatitide confundi potest.

*Differentia* hæc est, quod dolor punctorius in *pleuritide* sit longe acutior; in *hepatis inflammatione* parvus vel nullus, ita etiam spiratio in hepatis inflammatione adest *difficilis*, exspiratio vero facilis, cum utraque *difficilis* sit in *pleuritide*; *tussis* longè vehementior ac ferè humida est in pleuritide, quæ in hepaticæ est mitior, arida, &c. *Pulsus pleuriticorum* est durus, ac ut vocant, *fer-ratus*, qui in *hepatitide* magis ad undosum accedit. Denique pondus gravans & quasi deorsum tundens thoracem, percipitur in latere dextro, in *Hepatitide*, ubi etiam non raro tumor renitens quidam tactu percipitur; quæ minus in *Pleuritide* apparent.

Sic *musculorum abdominis inflammatio*, juxta hypochondrii dextri regionem etiam subinde cum hepatitide confunditur. Sed *differentia* patet, quod in musculorum inflammatione adest *dolor pulsatorius*, qui nullus aut saltem exiguus est in inflammatione hepatis propter parvam ejus arteriolam; pectoris quoque symptomata in *musculorum abdominis inflammatione* absunt. Denique tactus percipit *tumorem* circumscriptum, nec adeo nimis profundè situm, extuberantia quoque magis sensilis observatur interim tamen cavendum, ne fallamur, si tumor in medio ventre appareat, cum quibusdam etiam hepar ad medium ventris extendatur.

Hepatis inflammatio periculo non vacat, sæpe enim terminatur in vitæ exitum, vel in tabem aut hydropem. Ob vasa in concavâ parte hepar subeuntia majus periculum est expectandum, quam si in gibba esset parte, quamvis alii aliter sentiunt, qui dicunt majus imminere periculum ob cordis viciniam, sed hoc est ridiculum, quia vasa cordi sunt proximiora quoad eorum vinculum.

Quo



Quo symptomata pauciora & benigniora , eo melius. Singultus ob nervos ventriculi & oesophagi communes affectos, malum portendit, Si adsit Diarrhoea , rarissimè in melius tendit, nisi Διαρχήματα sint bonæ consistentiæ. Si omni *duræque* inflammatio resolvi non possit, terminatur in ulcus vel in Scirrhum & rarissimè evadunt, nisi pus per alvum aut urinas posset expelli. Facile exinde in Tabem , vel Hydropem labuntur , cum febris lenta.

Quæ est *in cava hepatis parte*, magis inappetentiam, nauseam, vomitum biliosum, sitim ingentem adfert; *quæ in gibba*, majorem respirandi difficultatem, frequentiore tussim & dolorem usque ad dextræ partis jugulum infert, & ea, *quæ in gibbâ parte* est, gravior est quam illa quæ in *cava*. *Hepatis inflammatio*, si diem vigesimum primum excedat & febris perduret, tumore non subsistente, in suppurationem fertur.

Certissima *signa inflammationis* sunt, febris ardens, sitis inexhausta, lingua scabra, refrigeratio extremorum, dum interiora uruntur. Vomitus item niger & porraceus. *Morti Proximis* venter intumescit, rupto abscessu & frigidum sudant circa collum & faciem, atque animo linquuntur. Cum hepatis inflammationem febris ardens & continua comitatur, malum est, quia vehementer viscus inflammatum significatur.

Curandum ut in principio inflammatio profligatur, & facto ulcere, ut quam primum ulcus curetur. Si alvus non respondeat, clysteribus est sollicitanda. Curatio interim procedat, ut diximus in Ventriculi inflammatione, tam internis quam externis. Bibat æger *Scorzoneræ decoctum cum Cornu cervi*. Vel *Aquam coctam* cum tandundem *vitrioli martis*, ne palato officiat: Externè Cataplasma adhiberi potest ex *Phellandrio, Absinthio, Salviâ, Lavendulâ*, &c. & si Inflammatio quarto vel quinto die non profligetur: omni curâ moliendum ut suppuratio promoveatur, & bibat decoctum ex *Rapis, Ficibus, Passulis*, &c. & externè imponatur *Emplastrum* ex *Meliloto & Gummi Ammoniaco*. Si per aliquas vias pus sibi viam cudat, bonum, alias in abdominis cavitatem affunditur, quod non nisi aperto abdomine exauriri potest. Ut sanetur ulcus, quotidie sumat *Terebinthinam Venetam* cum *ovi Vitello*, aut *Balsamum Peruvianum* aut *copaibæ*, vel *Balsamum sulphuris terebinthinatum*.

Obstructiones in Hepate fiunt ut plurimum sive à sanguine incrassato & grumoso, qui venam cavam intrare non potest, vel lymphâ nimis incrassatâ vel obstru- Hepatis obstru-  
ctio aliis succis glandulosos acinos obstruentibus; vel ipsâ bilis necdum secreta, quando est glutinosa, viscida, aut amurcæ instar, aut arenosa, calculosa. Particulæ porro obstruentes tempore sensim ibi morantur, ac scirrhum efficiunt, & non raro, obstructis vasis lymphaticis, Hydropem, vel ulcerationes & tandem in ortem.

In hoc casu sunt obstruções fugandæ; acida peccantia corrigenda, vel viscida incidenda, & si scirrhi adsunt, emolliendi, maturandi. In hoc casu opus est deobstruentibus, antiscorbuticis, chalybeatis, salibus volatilibus, &c. laxantia usu veniant oportet, deinde resolventia & deobstruentia sunt præscribenda, ut

*Recipe Tartari Vitriolati, unciam semis.*

*R 3*

*Crysalis*



Cryſtalli Tartari, *drachmas duas.*  
 Chalybis cum ſulphure præparati, *drachmam unam.*  
 Miſce fiant pulveres numero octo. vel,

*Recipe* Spir. vini, *uncias duas.*  
 Gummi Ammoniacy, *ſcrupulum unum.*  
 Spir. ſalis armoniaci, *drachmam unam.*  
 Tincturæ chalybis, *uncias quatuor.*  
 Miſce vel,

*Recipe* Tartari Vitriolati,  
 Cremoris Tartari, *ana drachmas duas.*  
 Saponis Veneti, *drachmam unam.*  
 Oculi cancri, *drachmas tres.*  
 Sacchari albi, *uncias tres.*  
 Miſce fiant Tabellæ. vel

*Recipe* Scorix ferri,  
 Corticum arantiorum, *ana unciam unam.*  
 Tartari Rhenani, *ſeſquiunciam.*  
 Oculorum Cancrici, *drachmas tres.*  
 Salis Abſinthii, *drachmam unam.*  
 Elixiris proprietatis, *quantum ſufficit.*  
 Miſce fiat conditum. vel,

*Recipe* Tincturæ Martis, *unciam unam.*  
 Elixiris proprietatis, *drachmam unam.*  
 Miſce.

Detur cum cereviſiâ aut vino ad guttas decem. vel,

*Sume* Limaturæ Chalybis, *uncias duas.*  
 Corticum Arantiorum, *unciam unam.*  
 Myrrhæ,  
 Croci, *ana drachmam unam.*  
 Vini Rhenani, *uncias viginti.*  
 Miſce fiat vinum Medicatum.

Hiſce adde *Tincturam Aſſæ Foetidæ & Galbani* ſi quotidie guttatim ſumatur:  
 ut & uſus pilularum ex *Gummi Ammoniaco & chalybeatis.* Externè applicari  
 poteſt Emplaſtrum ex *Gummi caranna & Tacamahaca:* vel *Emplaſtrum de Ta-*  
*baco:* ut

*Recipe* Succitabaci, *uncias octo.*  
 Gummi Ammoniacy, *uncias ſex.*  
 Spiritus Vini Rectificati, *uncias quatuor.*



Olei Amygdalarum dulcium, *uncias tres.*

Ceræ flavæ, *quantum sufficit.*

Misce fiat Emplastrum.

Ex *Tabaco* etiam Cataplasmata & Fodus fieri possunt.

**A** Nno 1676. Calendarum Januarii decimo septimo dissecui Leovardiae Hydrocephalus. septem mensium abortum. Mater gravida ac paupercula desiderabat comedere carnem vaccinam salitam, quam præ egestate ad lubitum habere non potuit; tandem à vicinis vel ab aliis civibus eandem nacta est. Cum porro ferè satiebatnr, ecce quidam cornice fores pulsant, quas ut aperiat, à mensa surgit & per gradus descendens, cecidit, frustum istius carnis adhuc buccâ tenens. Postea abortivit.

Abortum paulo post præsentente *Augustino Reinalda* aliisque Chirurgis aperuimus. Caput permagnum, intra spatium crassæ & tenuis meningis duæ circiter libræ lymphæ cruentæ continebantur. Glandula pinealis solitò major & lymphaturgida. Cerebrum aquosum & molle. In ore habebat vesicam lividam & carni salitæ, coctæque similem: primo intuitu carnosum quid esse putabam, sed incisione facta, lymphæ uncia ferè triginta ad laqueare vi quasi adactæ, saliebant: hæc vesica totum os implebat, ac linguam adeo premebat, ut ab interiore gingiva oriri videretur, cum alias ortum multò posterius habuert, nempe à posteriori Faucium hydrops Faucium parte, ubi colli vertebris cohæret membrana, fauces investiens, & meritò *Faucium Hydrops* appellari potest.

Cystis aquosa videbatur mihi esse pars œsophagi posterior, & hinc liquet cur ventriculus adeo parvus fuerit, hujus vesiculæ constituendæ gratiâ, ventriculus sursum trahi debuit.

Porro quicquid hydrocephalon ex lapsu matris ortum, dicimus matrem unam cum foetu eadem quasi vitâ frui, eodem modo ac furculus arbori insertus: omne enim quicquid patitur mater gravida, idem patitur embryon, matris terror fuit & embryonis; vascula lymphatica matris, satis rigida ac tenacia erant ne à terrore rumperentur, sed in foetu nondum excluso mollia admodum, ac facile fragilia, unde vascula lymphatica, cerebrocontenta, rupta fuerunt; liquorque effusus, cranium necdum coalitum, immensum dilatarunt, hinc *Hydrocephalos* seu *Capitis Hydrops*.

Sed unde vesicula ori contenta? Experientia satis docuit, quid non possit matris imaginatio. Fibrae nempe œsophagi adeo à liquore ex ruptis lymphaticorum vasculis dilatatae fuerunt, ut vesicula extra os quasi propendere coacta fuerit: interim vascula quædam sanguinea, cruorem reducere impotentia, rubedinem & livorem vesiculæ induxerunt, eo modo ac si carnem saliram, voraciter à matre ingestam, repræsentaret.



*Cerdo quidam inflammatione jecoris laborans, taliter qualiter se habuit; incidit tandem in fluxum alvinum, quo sanguis concretus excernebatur. Languebat sex menses & emaciatus fuit usque ad mortem.*

**C**Um cadaver aperiiebatur, mirum, loco hepatis sacculus crassus & membranofus inventus est, cui pus cruentum, & aquosa quædam inerant.

Hepatis  
Inflamma-  
tio.

Dixi sæpius à chylo acido, sanguinem ita inspissari, ut circulationi ineptus evadat; exinde obstructions sive in Hepate, ut hic, vel in alio quovis viscere pariuntur. Particulæ caseosæ chyli in tenuioribus jecoris canaliculis sedem fixerunt; erant enim tam crassæ, ut eos permeare non potuerint: hinc primo obstructio. Succum porro, qui continua circumductione circa obstructionem resistere cogebantur, incallescere incipiebant: succi enim quodammodo stagnantes, occasionem majorem nanciscuntur, quam cum celerrimo itu vehebantur: atque hæc incallescencia à Medicis *Inflammatio* seu *Phlegmone* appellatur. Succum interim ibi tardius moti acorem contrahunt, unde pus. Pus enim nihil aliud est, quam succus chylosus leviter coagulatus; quod si diu in parte quavis remaneat, corrumpitur & foetet. In hoc cadavere omne pus in hepatis membranâ remansit, & quicquid intus Hepatis substantiam constituebat, continua rosione consumptum est: hinc pus non unius formæ sed cruentum & aquosum, nam vascula erosa sanguinem & lympham aliquatenus adhuc adferebant. Non mirum videri oportet cum fuisse imbecillum & mortis instar emaciatum, cum omnis succus nutritius continuo corrumpebatur, Imo corrupto chylo, latex serosus intestina erosit, adeo ut sanguinea vascula sanguinem effunderent, qui coagulatus per anum excernebatur; atque sit debuit extrema sua fata claudere. Quanta cimmeriis tenebris non involvuntur, quæ vel sphiux non divinaret.

*Vir quinquagenarius, diebus canicularibus in febrim tertianam, deinde appropinquante autumno in quartanam, rhythmum ordinarium non tinentem, incidit. Mense novembri Hydropicus factus, initio Februarii sequentis anni, durante tertiana plurimis julapiis refrigerantibus ac purgantibus, à Pseudomedicis & Philonide indoctioribus præscriptis, usus fuit.*

**S**Yderatis intestinis, Hydris similibus, cum corrupto omento ac jecore scirrhoso inventus est.

Hydropici  
anatomie.

Sæpè vidimus eos, qui tempestate calida multum frigidioris potus ingurgitassent, in febres cujusvis generis incidisse. Nusquam quidem notum non est, Medicos etiam febricitantibus medicamenta refrigerantia præscribere? refrigerantia, imo ipsa aqua frigida in quartanis largiter & sæpe hausta, non raro Hydropem infert, Sed si febrium indolem paulo subtilius excoluissent, ad majorem scientiam pervenissent. Febris enim nihil aliud est, quam hu-  
mo-



morum corporis acor, quo non tantum sanguis nimium inspissatur, sed acid particulis in cerebro effrænis, totum systema nervosum ad convulsiones ferè irritat; adeo ut febris sit convulsio, præcipuè cerebri & cordis. Atque hinc omne frigus. Porro cum sanguis tardius incedit, particulæ acidæ & alcalicæ in sanguine existentes, sibi invicem approximantur, & exinde febris calor exæstuans. Quando sanguis celerrime vascula pertranseat, fermentandi præceps præscinditur occasio. Putrescunt, ni moveantur aquæ. Nulli liquores fermentantur, nisi sint quieti.

Si mea hypothesis veri habeat similitudinem, cur quæso non potius sanguinis acidum temperantibus, diaphoreticisque utantur, quam potionibus sanguinem refrigerantibus. Acido domato, humorum circuitus acceleratur; sudationeque facta, materia peccans foras eliminatur. Frigida & acida, ex quibus julapia constituuntur, Sanguinem figunt, inspissant, & circumductioni ineptum reddunt.

Discimus experientia quotidianâ, eos, qui incaluerunt nimium, post frigidi potus haustum, pleuriticos fieri, altosve ejusdem normæ morbos incurrere: quare *Medici Experientiales*, semper *Deam Experientiam & Naturam* invocantes, ejusmodi exempla non intueuntur: si his frigida noceant cur non illis. Sanguis igitur refrigeratoriis opus non habet, sed potius calidis, ut eo melius ipsius motus acceleretur: præscribo potum calidum, ex Theâ, coffeâ, salviâ, origano, aut croco, hæc aquâ fervidâ diluuntur, & magnâ quantitate absorbentur; hinc sudor non paucus, sitis extinguitur, & æstus febrilis exploditur. Ex hoc discimus omnem experientiam, non semper fidendam, sed rationem debere eam comitari. Veteres, *Hippocrate & Erasistrato* ducibus, non contenti Febres & ulcera agitare, morborum quoque indolem ex aliquâ parte scrutati sunt, non ideo quidem Medicos fuisse solæ experientiæ innitentes, verum omnia, quantum ingenii acumine poterant, ideo quoque majores Medicos extitisse. Ratione vero opus est ipsi medicinæ, si non semper, tamen sæpe, teste *Celfo*.

Non obiisset pater noster ab Hydrope, si meo ritu medicatus fuisset. Ipse enim sanguis è refrigerantibus & acidis tam densus factus, ut obstructionibus faciendis, aptissimus esset. à Nimia sanguinis constipatione liberatus quidem fuit à febre, quia, domatis particulis alcalicis, acidum cum viscidis particulis fere solum supererat, & exinde febrili calore amplius accendi non potuit. Cui rei faciendæ tunc sanguis crassus aptius fuisset, nisi obstructionibus inducendis? Vasis lymphaticis undelibet obstructis, & crassâ lymphâ infarctis, multum lymphæ primo colligitur; deinde ruptis vasis, omnis liquor in abdomen effunditur, Hydropemque inducit.

Lympha jam effusa fit acris, visceraque abdominis corrodit, quia sphacello corripiebantur & Hydris similia erant. Jecur, ex obstructionibus nimis, obstructum, scirrhum patiebatur? Nimiis enim refrigerantibus & purgationibus, vires deperditæ non restaurantur, ast indices decrescunt. Hinc sanguis incrassatus non tantum non liberè vascula hepatica permeabat; verum ob virium inopiam cordis non solum, sed & vasorum omnium systole & diastole



non parum imminuebantur; adeo ut sanguis lentissimo gradu incedens, in ipsis vasis stagnare tandem coactus fuit. Atque hac occasione Hepati scirrhus inductus. Scirrhus enim nihil aliud est, quam sanguis, aut liquor, in ipsis vasis cujuscvis partis, instar coaguli, coactus & induratus.

*Quæritur puella de dolore ac tumore ubi abdominis recti muscoli sterni junguntur; imò ad oculum & tactum intumescencia apparuit; digitis facile cedebat.*

Hepatis  
inflammatio  
&  
ulcus.

**P**ost mortem in hepate ulcus virosum & valde foetens inventum est. Peritonæum ob viciniam corruptum erat.

Inflammatio Hepatis circa rectorum musculorum regionem apparens eos musculos elevavit, atque sic decepti Medici. Ars nostra in plurimis conjecturalis dicenda, nam quæ intus latent, conjectura sæpe assequuntur, idque invicta ratione. Laboravit ægra ex jecoris tumore, qui postea maturatus, ipsum peritonæum corripit; hinc illæ lachrymæ & mare malorum.

*Infans unius anni, post nativitatem Hydrocephalos factus; obiit.*

Hydrocephalus  
dissectus.

**D**issectum caput tres libras, Romani ponderis, limpidæ & subsalsæ aquæ, cerebrum vero valde depressum & flaccidum, continebat.

à Nimia cunarum commotione, cerebrum sæpè ita concutitur, donec vascula cerebri tenella rumpant: Cranium interim per futuras, necdum ut in adultis, firmiter concretum, ab effluente latice facile immensum usque dilatatur, & ad Hydrocephali genesin ansam præbet.

*Mulieris se gravidam putantis abdomen sensim intumuit. Gestationis tempore elapso, Hydrops laborare judicata est: per triennium venter ita intumuit, ut oneri ferendo vix sufficeret. Tandem febris continuâ, dyspnœâ, siti immani & inquietudine emaciata animam reddidit. In vivis multo potu frigido & fructibus crudis usa fuit.*

Hydrops  
Anatome.

**C**ontinebat abdomen lymphæ nonaginta libras. Peritonæum parti anticæ ventriculi tam firmiter adhærebat, ut non nisi cultello separari potuerit, adeo ut vulnus, per quod lymphæ ducta fuerat, in ipsum ventriculum penetrabat. Ambo ventriculi orificia eundem situm fere obtinebant, seque invicem tangebant: Omentum superiorem partem accubabat. Jecur è loco valde elevatum: Ventriculus per medium dissectus ulnam mercatoriam vulgarem superabat, fibris, quæ membranam interiorem contexebant, à se invicem late diffitis. Cystis aquosa de pylori medio pendebat, interior ventriculi membranæ hydatidibus scæe ebat.

Quantum frigida & fructus acidi nocent, cuivis notum: frigida sanguinem instar gelatinæ concrefcere faciunt, acida vero eundem coagulant: atque hæc duo mulierem hanc vexarunt.

Rarum



Rarum certè Hydropis ventriculi exemplum est : novimus Hydropem esse vel generaliter per universum corpus, vel in particularibus partibus tantum reside-  
re, atque illa fors nostræ mulieri in ventriculi membranis contigit. Vasculis lym-  
pham, per universam texturam, vehentibus, dilatatis, primo Hydatides seu a-  
quulæ ortæ sunt, & deinde post eorum rupturam, lymphæ intra ventriculi tu-  
nicas effusio, hinc quoque laterum ingens dilatatio, intra cujus intercapedinem  
immensa liquoris copia, disseccantibus inventa.

Ob sanguinem aliquando refrigeratum & deinde incalescentem, febris labo-  
ravit : ex diætâ liquet multum cruditatis & aciditatis in sanguine reliquisque suc-  
cis accumulasse. Ex Febri, ob salivæ defectum oriebatur sitis ingens. Inque-  
tutine fatigata est, quia acidi & viscosi humores, particulas acutas habentes,  
membra omnia vellicabant, unde quasi totius corporis dolor. Sitim patientes  
cibos vix capere aut deglutire queunt, imo abhorrent ; accedit appetitus prostra-  
tus & ventriculi ab aqua ad interiora coarctatio, unde vix cibum, nisi cum sum-  
mâ difficultate sumere quivit : non mirum igitur illam ad extremam maciem  
fuisse radactam.

Facile mihi persuaderem, ex potu frigido, quem æstate largiter ingessit,  
lympham, ventriculi parietes percurrentem, fuisse constipatam, unde vascu-  
lorum dilatatio & ruptio : unde venter post annum unum & alterum immen-  
sum usque extensus fuit.

*Sexagenarius per quadriennium initio levi, post gravi pectoris angustia de-  
tinetur. Is subito inopinatâ morte, quasi fulmine ictus, corruit.*

**D**iscissâ cartilagine costis annexâ, mox lymphæ ex viridi citrina, cum impe-  
tu profilit. Pulmones maculis nigris etiam diversi coloris, instar 1 perina-  
tis ranarum occurrunt, ex quibus sanguis nigerrimus profluxit.

Apoplexia  
& pectoris  
hydrops.

Apoplecticus obiit, nam in pectoris cavitate lymphæ erupit, ob cujus copiam  
pulmones se liberè movere non potuerunt, atque sic per eos sanguinem amplius  
moveri concessum non fuit : cerebrum interim ab ejus irrigatione frustratum,  
corpus corruit.

*Ante annos duos laboravit Filia quadam quatuordecim annos nata Hy-  
drope quæ medicamentorum usu, curata fuit : ab illo tamen tempore  
integra valetudine fructa non est. Incidebat tandem in febrim continuo  
affligentem : aderat alvus plus debito lubrica, plurima viscida &  
cruda egerebat. Venter denuò intumuit, & aliquando crura. Sic do-  
lorem punctorium per vices in abdomine sentiebat ; presso etiam abdo-  
mine, ob dolorem restitit. Venter tumebat, præsertim in ambitu Ven-  
triculi. Tumore presso, plurimum præsertim in sinistro latere duobus  
digitis ab umbilico, dolebat, ubi ab initio morbi, dolorem punctorium*



*aliquoties perpeſſa fuit. Aperto tumore nullum pus, ſed poſtea nonnihil effluxit. Omnibus in pejus ruentibus, obiit.*

Pus & putrilago in abdomine.

**I**Nteraneis exploratis, in tumoris loco, abdominis muſculi, putredine affecti conſpiciebantur, idque ab umbilici ſiniſtra parte, à dextris vero, in teſtina peritonæo adhærebant. Jecur flavum, mole ſuâ mediam Thoracis partem implebat; omnia pure & putrilagine non ſine graviffimo fœtore erant reſerta. Summa aderat macies in toto corpore.

Pus effuſum omnia corrumpit, omniaque viſcera ſuâ mordacitate vaſtavit: adeo ut per corruptum diaphragma Hepar Cordi vicinum erat.

*Juvenis quidam Sutor vix viginti quatuor annorum, cum meſſis tempore ſub ferventiſſimo ſole pluribus diebus meſſorem egiſſet, & quadam die propter ſitis vehementiam, aquâ frigidâ derepentè, ſeſe impleverat febrî continuâ correptus fuit: ex quâ male curatus in Cachexiam incidit itaque nunc tertianâ, nunc quartanâ laboravit.*

*Post menses octo, quum ex morbo iſto diuturno vires plane proſtrate eſſent, omnesque partes corporis (ventre tamen excepto, qui admodum inflatus erat) imo & ipſa crura, ſupra modum extenuata eſſent, è vitâ diſceſſit.*

Post cachexiam anatome.

**D**iſſecto Cadavere, in ventre pus album, bene digeſtum, & minimè fœtidum (quale ex abſceſſibus manare conſuevit) inventum eſt, idque ultra libras undecim Romanas. Ulcus nullum. Splen & Hepar ſcirrhoſum. Reliqua viſcera ſe bene habebant.

Quantum frigidus potus bibentibus noceat, unicuique notum. Sanguis enim æſtuans ſtatim à frigore coagulatur; coagulum illud in hac aut illa parte ſedem figens, varia ſymptomata producit. Primo oritur febris; poſtea, ſanguine corrupto, emaciantur, atque perditum eunt. Mirum hic nullum adfuiffe ulcus: ergo credendum hocce purulentum ex vaſculis lymphaticis aliunde emanasse; fortè & in interiore jecoris parte pus quoddam generatum. & per vaſcula, oculos effugientia, ejectum fuit.

*Matrona quædam cacoehymica, circa quintum menſem impregnationis, parturientium doloribus correpta, poſt maximos & diuturnos conatus, gemellos cum multâ aquâ enixa eſt, fœmellam ſc. ac maſculum.*

Alia.

**A**bdomen maſculi, non ſecus ac hydropicorum, lymphâ impletum erat. Teſtes in ipſa ventris capacitate reſidebant; vaſa ad teſticuloſeuntia, pro conſueto breviora erant. Vaſa deferentia quam ſolet longiora. Teſtes ejusque vaſa præter modum rubicunda. Hepar debitò majus, inflatum & aliquo modo lividum. Meſenterium ſimiliter, uti & renes inflammati. Veſicæ rugoſa



gosa planè & vacua , præterquam quod humor viscidus ei ad latera , non secus ac in intestinis videre licebat , adhæsit. Cutis undique maculis lividis , quales in febribus pestilentialibus conspici solent , conspersa erat.

Exemplum Hydrocephali , habetis in præcedentibus , quem ipse ante aliquot annos dissecui. In hoc infantulo Hepar obstructum fuisse mihi vero simile videtur. Matre fortè perversâ victus ratione usâ , infantulis obstructio contigit : adeo ut , vasculis lymphaticis ruptis , liquor in abdominis cavum eruperit. Maculas , quibus cutis erat conspersa , ex suffocatione inter parturientum obortas credo ; nam ex difficili partu vasa sæpe adeo comprimuntur , ut sanguis huc illuc ire nequeat , interim coagulatur , suoque colore cutim suffillatam reddit. Quoad testiculos intus latentes , lusus in formandis membris , est , ut aliquando fit. Novi Studiosum cui etiam antea planè latuere , cuius unus testiculus , dexter nisi fallor , Herniâ obortâ , extrorsum trusus est ; qui & sanatâ herniâ , extus mansit , cum alter alterius lateris intus manserit. Inflammationem Mesenterii uti & renum factam arbitror ex aquâ jam in ventrem effusâ , cuius corruptione vicinæ partes haud raro læduntur. Vesicam intus mucosâ obliniri facile mihi persuadeo , cum ut intestina , folliculus fellis &c. glandulosis acinis investitur , quorum ope præcavetur , ne urina acris vesicam inordacitate suâ invadat. In suppressâ urinâ iste mucus sæpe vesicæ collum ita obstruit , ut non , nisi mediante cathetere , mingere queas.

*Hydropica quædam ab hydrope liberatur , verum in abdomine quædam durities remansit , lapidis instar dura , postea ob inordinatam victus rationem , mensumque inordinate fluentium , suppressionem , iterum in Hydropem incidit , à quo postea obiit.*

**C**Adavere dissecto , malum aquæ profluit. Universa intestina , & ambo Hydropis  
latera , circa diaphragma , multis millibus granulorum referta viscebantur : anatomic.  
insuper etiam spatium illud , quod inter intestina & mesenterium , cui annexa hærent , interiacet ; mucosâ quodam viscido , gelatinæ colorem ac substantiam referente , repletum scatebat. Reliqua viscera ( excepto solo pulmone , qui in locis quibusdam quoque granulis infectus conspiciebatur ) omni labe sensibili carebant. Cæterum , dissectâ vesicâ felleâ , lapillus , magnitudine nucis juglandis , est inventus. Uterus erat flaccidus , sanguine resistente in vasibus turgidus.

Quid sit Hydrops in præcedentibus fatis superque explicavi. Granula illa , quæ ubique viscebantur , erant glandulæ minimæ jam o baquæ copiam & ex viscido humore obstructi & eoque magis turgidulæ. A viscidâ bile in vesiculâ hepaticâ sæpe , ut ante vidimus , lapilli & arenulæ concrevissent.

*Mulieris Venter , post puerperium intantam excrevit magnitudinem , ut circumferentia , ducto per medium umbilici filo , pedes geometricos quinque contineret. Misere per aliquod tempus vixit , tandem triduo*



*ante obitum , rupto umbilico , ultra mensuras octodecim aqua effluxit.*

*Alia.]*

**A** Perto Cadavere , iterum aquæ ultra mensuras viginti effluxit. Præterea Ovarium dextrum ad Ovi anserini magnitudinem adauctum, pilis, materiæ cuidam purulentæ & oleaginosæ commixtis, infarctum fuit; major autem pars pilorum, quasi confuse in globum acta, prædictæ materiæ immixta fuit: multi quoque interiori membranæ tenaciter adhærebant.

*Virgo quinquagenaria cacochymica, in uteri Hydropem incidit, qui ad triennium duravit.*

*Uteri  
Hydrops.*

**T** Andem post obitum dissecto cadavere, non tantum uterus pustulis, aquâ refertis, inventus, sed in ipso etiam abdomine saniosa colluvies foetida subpurulenta ad aliquot heminas deprehensa fuit.

Cacochymia est corruptio sanguinis & humorum, unde obstructions, & vaseulorum lymphaticorum eruptiones, hac de causâ aqua facile intra membranas effluit, Hydatidesque elevat.

*Fœminæ alicujus venter instar prægnantis intumuit, subsequentibus etiam pedibus tumore duro, nullas ex pressurâ foveas recipiente, præditis.*

*[Secunda]*

**P** Ost mortem Hepar & Lien sine noxâ, pulmo semiputridus: uterus exemptus intumescens libras octoginta septem mercatorias ponderavit, partim ichore flavo, partim etiam materiâ adiposâ, & oleaginosâ repletus, in medio ipsius uteri cum prædictâ materiâ copiosi pili, instar lanæ mollioris, flavescents, inventi sunt.

*Nobilis fœmina vidua, per multos annos pedem graviter ulceratum & fontanellam etiam in altero pede habuit. Horum diuturnâ molestiâ defessa per Chirurgum consolidari curavit, quo factò, statim spirandi difficultas occupat, appetitu edendi non dejecto, imo, ipsa dicente, jam vegetior reddita, ita ut desiderio indulgere, ob asthma, nunquam ausa fuerit. Tandem totum corpus intumuit, & asthmate aucto, viribusque diuturnitate fractis & attritis, vitam reddidit.*

*Cacochy-  
micæ  
anatomie.*

**I** N hujus post mortem latere sinistro, ad lienis situm, abscessus, quem omnium cum admiratione occultum habuerat, apertus inventus est, ex quo, defunctâ jam ipsâ, magna foetidissimæ saniei copia effluxit.

Sunt per plurimi, & nomine & superficie nasuti Medici, qui causam hujus asthmatis & ulceris occulti, fontanellæ aut ulceris consolidationi imputarent: quod.



quod revera non est, si quis solummodo consideret, fontanellam, esse aliud nihil, quam ulcus artificiosum, cujus parisevomitibus non ab omni parte corporis corraditur, sed in ipso hoc ulcere producit, à succo nempe chyloso, ex vasculis in ulcere ruptis, emanante, & ob acoris contractionem, coagulante. Sunt certè cæci, & talpæ terram rostro evertentibus cæciores, qui hoc non animadvertunt. Ἀλώπηξ τὸ βῆν ἐλαύνει, vulpes bovem ducit, ut est in in proverbio.

Unde ejus ulcus in altero pede ortum duxit? nisi ab humoribus eodem in loco restagnantibus, unde inflammatio & ulcus: vascula interim lymphatica, continuo lympham reddentia, ulcus, ne ad consolidationem duceretur, perpetuum produxerunt.

Eandem ob restagnationem, ulcus in latere sinistro, productum; eademque causa pulmones reddidit obstructos, aërique spirando minus permeabiles, unde respirandi difficultas & asthma.

*Vir quidam aliquando febricula & tussi infestatur: hac omnia tempore in pejus ruere cœperunt, adeo ut ob suffocationis metum, erectè sedere coactus fuit. Viribus interim deperditis, obiit, postquam à longo tempore ἀσφυξία laboraverat.*

**T** Horace aperto, ingens aquæ foetentis copia effluxit, pulmo sinister putridus. Tho racie  
hydrops. Splen quoque multum puris continebat. In arteriæ magnæ initio, quidam sanguinis grumi aderant.

A corrupto pulmone, respirandi difficultas; cor si sanguinis quantitatem sufficientem ex pulmonibus obsessis non accipiat, sese debito modo non expandit, nec contrahit, unde & pulsus defectus, præsertim si arteriæ à sanguine grumoso obstruantur. Ob pulmonum quoque corruptelam, vasa lymphatica rupta sunt, ex quibus liquor emanavit, quia à foetentibus pulmonibus, fœtus redditus est.

*Quidam post nimiam vini ingurgitationem in tussim vehementem incidit, adeo ut sæpe suffocationis esset metus: postea pedes valde intumere. Ingravescente tandem dyspnœa: spolia vitæ exuit: in dextro latere semper decubuit.*

**I**N aperto corpore hæc inventa sunt. Jecur scirrhosum & plumbei coloris. Cacochy-  
miaci  
anatomie. Lien flaccidus & debito major. Ren lateris dextri calculo cum arenulis plurimis fuit obsessum.

Auricula Cordis dextra sanguine grumoso turgebat. Pulmones exucci & lividi. Intra membranam pleuræ & pulmonum serum acre & mucus inventus.



*Quidam repentina morte è vivis ereptus.*

Alia.

**A** Perto thorace, inferior dextri pulmonis pars erat consumpta, superstita tamen exteriori membranâ, valde incrassatâ; intusque materiâ sebaccâ oblitâ: supradiaphragma ingentis molis hydatides succrevire. Sinister pulmo lividus erat. Cordis ventriculi atro sanguine turgidi.

Hujus repentinæ mortis causa fuit suffocatio, nam sanguis in corde ob crassitiem restagnans, pulmones aëre impleri non amplius potuerunt, unde quoque sanguinis circuitus desistentia.

*Virgini paupercula adversâ valetudine aliquandiu usæ cepit abdomen intumescere (Anno 1660 à quo tempore tumor paulatim & ita increvit) ut præ pondere, decem & octo annis molestissimè vixerit, antequam miseriarum suarum invenerit finem.*

Tertia.

**T** Otum corpus quodammodo erat ematiatum, sed abdomen in tantam molem excreverat, ut reliquæ partes vix conspicerentur, & ferè à nemine, quidemonstrationi non adfuit, concipi queat. Aperto abdomine nulla aqua effluxit, sed omnis continebatur in dextrâ uteri tubâ, & quidem solummodo in ejus parte juxta testiculum, nec non in ligamento isto lato, quod ab Anatomicis alæ vespertilionis vulgo assimilatur; eaque ab aquarum copiâ ita erat dilatatâ, ut inflicto parvo vulnuscule centum & duodecim libræ effulxerint. Aqua hæc erat limpida, fontanæ ad instar, saporis subsalsi. Substantia in qua continebatur crassitiem habebat semidigiti: externæ superficiei multæ vesiculæ aquosæ, nec non portiones adiposæ plurimæ adhærebant. In latere opposito eodem in loco tumor conspiciebatur tenax, continens in se purulentam, fungosam, cartilagineam, viscidam, & nescio quam putridam materiam, nec non plurimas vesiculas limpidi humore repletas, ultra decem libras pendens: cujus externæ parti adhærebat alius tumor, magnitudine duarum manuum sibi invicem complicatarum, flavus, mollis, friabilis, materiam continens purulentam casei putrefacti ad instar. Ovarium erat mediocris magnitudinis, ac dimidiâ ex parte corruptum. Uterus tamen debitè erat constitutus, & decentem habebat magnitudinem, atque in ejus cavitate ne guttula quidem aquæ conspiciebatur. Meatus ex utero tubas spectantes erant aperti, ita ut liberè & sine ullo impedimento ex utero in tubas utrasque stylus penetraret, usque ad tubarum inediatatem, ultra quam ulterior progressus nequaquam concedebatur. Hepar extrinsecus erat foedi coloris; & multis hydatidibus obfessum, quarum aliæ ovi columbini, aliæ ferè ovi gallinacci, aliæ minoris erant magnitudinis; quibus tamen non solum hepar, sed etiam aliæ in abdominis partes scatebant: interior hepatis substantia satis sani & rubicundi coloris conspiciebatur. Lien similiter bene erat constitutus. Ventriculus ad minimum apparebat quadruplò major, foetenti materiâ plenus. Intestina omnia



omnia erant atricoloris & ferè sphacelata. Cum cultro perforatum esset diaphragma, magna rubicundi humoris copia cum impetu effluxit. Cætera ob magnum foetorem non inquisita.

Anno 1678 vocatus hic loci apud puerperam, *Abrahami Scotani* uxorem, in *Medullæ* *plateâ* vulgo *d'oude zyds Narm-steeg* habitantem: videbam infantem ante *spinalis* *Hydros.* triginta horas natum: qui, crepundiis dissolutis, pugni magnitudine quasi vesicularem tumorem, in dorfi medio gerebat, digitis cedentem. Is post diem tertium moriebatur: aperto tumore, aqua profluxit lymphida, in membranâ, quâ alias cingitur medulla spinalis, conclusa: vertebræ ibidem loci, à posteriori parte, erant fissæ; & in duas partes divisæ, quod facile fit, quia vertebræ posterius distinctis, & ab invicem separatis constet officulis. Simile exemplum vide in observationibus Ruifchianis.

VIII. C A P U T.

DE LIENIS INFLAMMATIONE, ULCERATIONE, OBSTRUCTIONE, AUT SCIRRHO: ITEM DE HYPOCHONDRIACA PASSIONE.

*Inflammationes, ulcerationes, Obstructiones, & scirrhi Lienis*: nunc tractandi, sed Lienis inflammatio non est adeo obvia: & si proftet, tunc *fer-* *Lienis* *inflammatio, ob-* *structio, scirrhus.* *vor, dolor*, ac ferè *tumor* cum *pondere* non nihil gravante in profundo hypochondrii sinistri percipitur. Sed quia inflammatio renis ejusdem lateris cum lienis facile confundi potest; præcipuè *dolor pulsatorius* considerandus est, qui in *lienis inflammatione* propter arterias copiosas sat sensibilis est, quod applicata manu regioni lienis, pulsatio ferè sensibilis percipi possit, de quo tamen meritò dubitatur; cum è contra in *rene inflammato* mitior talis pulsatio esse soleat. *Febris* adest *continua*, *difficultas*, (ex diaphragmate per consensum affecto,) in *respiratione* simul adest.

Inflammatio illa malè præsertim si tractetur, facile in scirrhum abit. Solvitur sæpe hæmorrhagia, diarrhæa, urinæ profluvio, &c.

Hæc eodem modo tractari solent ac de Hepate dictum. Sed hisce conjungitur aliud symptoma *HYPOCHONDRIACA PASSIO* dicta, ex lienis obstructione, qua per totum corpus indefinita accidentia concitantur. Maxime evenit tristibus, & taciturnis ac delicatulis, præsertim crescente ætate. Post prandium & cænam dolores in abdomine, interdum nausea cum vomendi conatibus; cibi sunt appetentes, sed post estum gravantur: cibi vertuntur in materiam viscido-aquosam, acidam, acerbam, falfam, quæ aliquando in os



regurgitant, in abdomine murmura exaudiuntur ac inflationes : continua ad-  
est sputatio, quia sanguis incrassatus moram trahit in glandulis salivalibus,  
& hac occasione plus salivæ excernitur. Tumor è regione lienis sentitur cum  
pulsatione; propter lienem tumidum etiam in motu impeditur diaphragma,  
unde respiratio difficilis; unde Anxietates, suffocationes, lipothymia. Con-  
jungitur non raro horror febrilis, quem calor cum sudore viscido insequitur.  
Et quia sanguis in liene obstructo quasi regurgitat, cor se à sanguine influxo li-  
berare nequit, hinc cordis palpitatio & respirandi quoque difficultas: eo prop-  
ter non raro in syncopen labuntur, & non sine Vitæ periculo constituuntur.  
Constipatam sæpe habent alvum, cujus egesta, limosa, tenacia, viscida, ni-  
gra apparent. Oculi non raro obscuri sunt; ægri assiduo cogitabundi & inquieti,  
semper timidi, nemini fidentes: accedit aliquando delirium quod dicitur Me-  
lancholicum; urina nunc tenuis est, & instantem paroxysmum significat, sine  
Hypostasi, aut concoctionis indicio; nonnunquam turbida, crassa, rubra,  
acris; non raro foetida, quæ si fuerit frigefacta arenulas rubras interdum  
deponit. Pulsus nunc durus, nunc tardior, nunc concitator, frequenter in-  
termittens. Cephalalgia sæpe immanis. Porro quibusdam Vertigines, Ma-  
niæ, convulsiones, memoria abolita vel imminuta, aurium sonitus, lassitu-  
dines, formicationes, stupores, vigiliæ, sommi perturbati, insomnia ter-  
ribilia advenire solent. Ardens calor in malis, & tota facie, manuum volis &  
pedum plantis, aliaque plurima.

*Causa* consistit, ut aliorum morborum in sanguine incrassato, qui nequiens  
per capillares lienis arteriolas meare, ibidem retardantur; & quoniam plus  
sanguinis accedit, quam per venam portæ & Hepar remeare potest, debet lien  
magnoperè extendi & tumescere. Tumefacto liene expandi debent ejus mem-  
branæ & ferè ab invicem divelli, unde dolor, qui augetur post exercitia, aut u-  
sum aromaticorum, quibus cursus sanguinis magis promovetur, hinc extensio  
major & dolor exacerbat. Arteriæ interim lienis comprimuntur hinc pul-  
satio augetur, eodem modo ac pulsus sentitur, inflammato digito. Sanguis  
porro in liene moram trahens, ibi purpureum deponit colorem, qui ob crassi-  
tiem & coagulationem, livorem induit, hinc lien es lividi, & facies sæpe li-  
vida. Lienis nervo irritato aut convulsione quodammodo læso, oritur cordis  
tremor. Quomodo adeo tristes sint, dictum in *Institutionibus*, nempe ob  
spiritum animalium penuriam. Ob Ventriculi nervorum interventu cum  
liene communionem, ventriculo non raro *Nausea* accedit & *Vomit*, quibus  
non parum contribuit fermenti succi gastrici corruptio, ex sanguine deprava-  
to stillante. Murmura in intestinis etiam ob nervorum societatem causantur,  
nam fistula intestinalis hoc modo inflari potest: cui accedit pituita in intesti-  
nis, & inde quoque flatus. *Causæ externæ* sunt perversa victus ratio; acidi  
nimii usus, præsertim uti in nostris regionibus solet; comestio lactucæ cum  
multo aceto, & insuper lac: potus cerevisiæ acidæ aut feri aut lactis ebuty-  
rati, uti in Frisia præsertim solet.

Morbus iste non quidem lethalis est, sed diuturnus: post curationem sæpe  
recrudescit. Urina crassa præstat tenui. Sed si nigra fuerit sine febris curatio-  
nis



his spes est, sed contrarium evenit in febribus continuis. Alvus laxa præstat strictâ. Mutatur quidem in Epilepsiam, Apoplexiam, cæcitatem quibus Murmura in Hypochondriis, iisque tumefactis accedunt, cum lumbari dolore, laxantur alvo, nisi adveniant flatus, aut urinæ copia, quod quidem in febribus fit. Dolor sine inflammatione, febris solvuntur.

Primo sanguis incrassatus est attenuandus: viæ primæ purgandæ; & symptomata prospicienda: atque hæc consistunt maximè in acidum temperantibus, ex quibus etiam bilis augmentum sumit. Si in ventriculo sint humores pituitosi tum vomendum, & singulis mensibus repetendum, cum *sale vitrioli, oxymelle stillitico, cerevisiâ cum oleo*, &c.

Quoad purgantia, hæc fieri possunt ex *Scammonio, Aloë, guttâ gambâ, Colocynthide* una cum *Tartaro Vitriolato, Vitriolo Martis, Gummi Ammoniaco* &c. Præstant etiam *Pilulæ Bontii* ex *Aloë, Gummi Ammoniaco & Tartaro Vitriolato*, Lienis regioni applicandum *Emplastrum ex Gummi Caranna in Oleo Terebinthinæ soluto*, vel *Emplastrum de Tabaco*, aut *cataplasma ex Tabaco*. Sumatur interim vinum aliquod chalybeatum: aut *Tartarus chalybeatus* ex *Martis Magisterio & cremore tartari*. Quidam *Apozemata* parant ex *Polypodio, radicibus Graminis, Fœniculi, Asparagi, Cichorei, Buglossæ, Foliis Agrimonie, Ceterach, Capilli Veneris, Scolopendriæ, Fumariæ, Buglossæ, Endiviæ, Acetosæ, Cuscutâ, Epithymo, Lupulo, Corticibus Tamarisci, Capparum, Foliis Senæ, Agarico, Rhabarbaro* &c. Hæc quidem omnia bona, sed quia *Apozemata* Nauseam fumentibus pariunt, propter odorem, ac ingratum saporem, uti & ob succum longum, iis non utimur, sed præstat potius extractum ex iisdem parare atque sic breviorē dosin ægris elargiri. Qui sunt succi calidi, sequentibus utantur temperatioribus.

*Recipe* Ocul. cancri, *unciam semis.*

Croci,

Caryophyllorum, *ana drachmam semis.*

Florum salis armoniaci,

Macis, *ana drachmam semis.*

Elixiris citri, *quantum sufficit.*

Misce fiat conditum.

De quo aliquando drachmæ duæ sumendæ. Temperat enim Acidum, & quidquid tardigradum, ad motum stimulat. vel,

*Recipe* Tinct. Gummi Ammoniaci.

Croci,

Elix. Proprietatis sine acido, *ana partes æquales.*

Misce. vel,

Sume Spir. Cornu cervi aromatizati, *partem unam.*



Tinct. chalybis, *partes duas.*  
Misce.

Hæ mixturæ guttatim aliquoties in die sumi debent. Conciliant enim sanguinis fluiditatem, ut spiritus cerebrales meliorentur: quidquid enim ex sale volatili constat, ad illud procurandum utile est. *Chelarum cancri pulveres*, omniaque *chalybeata* acido domando magnoperè conducunt: & ut vires efficaciores fiant, non inutile est potum calidum Theæ superbibere, ut eo citius medicamenta distribuuntur, sanguinemque incorrupta intrent. Potus enim fluidus & simul calidus non parum ad fluiditatem conducit. Valet etiam illud sequens.

*Accipe Olei Macis, guttas viginti.*  
Spiritus falis armoniaci, *uncias duas.*  
Vini, *uncias quatuor.*  
Misce.

Abstinendum ab omnibus acidis, acerbis, lacte ebutyrato, caseo, falsamentis, infumatis. Cibus sit caro recens junior, pisciculi durioris & siccioris carnis, asparagi, spinachium, Beta, cherefolium, Cichoreum, sinapi, Articocali, Lupuli stolones, ova forbilia, &c. recens sit cerevisia, & vinum merum, Exercitium modicum.

Si lien adveniat Inflammatio, Apostematio aut scirrhus, eodem modo est procedendum ac de Hepate præcedenti capite dictum.

*Domina splene ingentis molis diu vexata, purgans assumpsit annum, ex se alias bene habens, hac vice ad quatuor dies infinitis vicibus corpus discruciatum (ira sanguinem commoventi causa adscripta) alvo ex parte tranquillâ reddita, venæ sectio instituta, post hæc constipatio nata cum scybala vehementiâ ejicere conaretur, in vomitum per triduum durans cum summâ debilitate & perpetuo narium stillicidio incidit. Postea primo vertigine levi & deinde apoplexiâ se tactam imaginatur. Ex syncope tandem obiit.*

Cachecti-  
ex anatomo-  
mac.

**R** Ecluso abdomine, lien maximæ molis erat: sex libras civiles pendebat. Interior ejus substantia picem saturato nigrore referebat. Foetor aderat. Stomachus putridus & inflammatus. Imo in utroque latere, ubi ab hepate & liene cingitur, non aliter, ac si combustus esset. Intus exulcerationem patiebatur: à lienis regione erat disruptus.

Nihil auxilii attulit nec Purgatio nec Phlebotomia; expedit enim considerare morbos, num oporteat purgare, sanguinemve effundere, nec ne. In hac ægra obstructio in liene, idque à crasso sanguine: illud malum medicamentis pellitur chalybeatis & volatilibus, quibus obstructions tolluntur. Ex-  
pul-



puli sæpius ejusmodi obstructiones cornu cervini oleo rectificato ac camini fuligine. In hac matrona sanguis non tantum erat crassus, sed post catharsin & scissam venam, multo spissior redditus est: adeo ut lienis tumor ingravescere incepit; cujus ingenti mole ventriculus cum intestinis ita premebatur, ut ingesta per pylorum vix ascendere, ac per intestina vix descendere potuerunt: exinde ventriculus semiputridus factus est, quia contenta acrescebant, acoremque contraxerant. Ob intestinorum compressionem fuit alvus constipata; hinc cum vi conaretur fœces deponere, in narium Hæmorrhagiam incidit: in hoc conatu quid sit, quam quod inspirando & diaphragmatis compressione, arteria à corde descendens adeo comprimatur, ut sanguis potius versus superiora ruat, quam ad partes infra diaphragma: & ob hanc causam vultus tumet, luridoque colore sæpe tingitur. Tumescunt igitur arteriis sanguinisque aditu libero versus cor præcluso, vascula sanguinea nares perrepantia facile in pñiv sive disruptionem incidunt.

Ex Cerebri Paralyfi, primo Vertigine, & deinde Apoplexia correpta, decessit.

*Mulier quædam jam pridem morbo detenta, sibi persuadebat, fœtum mortuum post partum alterius ( qui tum post triduum mortuus ) per menses quatuordecim in utero remansisse. Id vero quod ipsam in hac opinione falsa confirmaverat, erat in latere sinistro durities manifesta, oblonga, ac ex inferiori parte rotunda, caput infantis representans, quæ ad ilia usque se extendebat, comprehendens simul regisnem umbilici, una cum lateris dextri costis brevioribus.*

**C** Adavere inciso, tantæ magnitudinis Hepar erat, ut lobus stomachum versus sub costis sinistri lateris breviores transgrederentur. Splen quoque Hepatis immensæ magnitudinis, durus, & in inferiori parte versus ileum rotundus, & lienis sanguine nigro plenus, hepatis lobo adnatus conspiciebatur. obstructio Venæ ejus cum arteriis, mediocris pollicis magnitudinem excedebant: vas quod dicitur breve, exiguum, & obstructum erat.

Et Hepatis & Lienis obstructio fuit, quorum extensione, mulier opinione falsa detenta fuit. Hæc immensa utriusque visceris magnitudo plane ab obstructionibus dependet, sive à morbo; quo olim laboraverat, sive postea hæc symptomata oborta fuerint. Mala sæpe utuntur mulierculæ diætâ, acidis plerumque cibos immodicâ quantitate corrumpunt, hinc chylus & sanguis corruptus, crassus & inspissatus.



## IX. CAPUT.

DE MORBIS QUI ADVENIUNT RENIBUS AC VESICÆ, UTI  
DE INFLAMMATIONIBUS, ULCERATIONIBUS, NE-  
PHRITIDE, CALCULO, ISCHURIA, STRAN-  
GURIA, DYSURIA, DIABETE, SANGUI-  
NIS MICTIONE. &c.

Renum  
& vesicæ  
inflamma-  
tio.

**A**B Hepatis & Lienis morbis tandem descendimus ad curatone in Symp-  
tomatum, quæ renibus ac vesicæ accedunt. Primo itaque de utriusque In-  
flammatione agemus: quid sit Inflammatio in genere in *Institutionibus nos-*  
*tris* & alibi in *Chirurgia* diximus, nempe alicujus partis intumescencia  
cum calore, rubedine, pulsatione, &c. ab obstructione canaliculorum.  
Raro renes inflammantur, sed quia fit, ejus signa, prognostica, & cu-  
ratio sunt hic describenda: sic vesica etiam raro inflammatioibus occu-  
patur.

*Causæ* possunt esse urina acris & ardens; obstructiones in canaliculis mini-  
mis, quibus succus lacteus & nutritius vehitur. Vasculorum ruptiones ab  
ictu, vulnere, saltu, rerum gravium elevatione, ac latione, cursu nimio,  
&c. hæc omnia facile ansam inflammationibus elargiuntur.

*Signa* quoad renum inflammationem est in ea parte dolor gravis circa costas  
nothas, dorsum & vesicam, non raro cum pulsatione: ægri sese non nisi cum  
dolore erigere valent, neque vix pedibus insistere, difficulter sese in latum  
oppositum convertunt, aut supini in ventrem jacent: risum, tussim, sternuta-  
tiones aut alios commotiones non ferunt, crus ob musculos psoas & nervos  
compressos, stupore afficitur aut quodam dolore. Oburinam acrem & arden-  
tem, non nisi cum difficultate mingunt: Alvus pigra est, urina aliquando est  
purulenta aut sanguinolenta, quamvis in principio clara, quæ sensim rubi-  
cundior fit & intensior, adest febris continua cum vigiliis, delirio sæpe,  
nausæ, Vomitu, ventris distensione, extremorum frigore, &c. Proxima  
coli pars non raro quoque inflammatione afficitur.

Calculus à nephritide seu renum inflammatione distinguitur: quod nephri-  
tidi perpetuò sit juncta febris continua; calculo vero minimè aut admodum ra-  
ro adsit eadem. Quod dolor in inflammatione sit magis continuus & pulsanti  
similis, in calculo vero magis interpolatus seu periodicus & gravativus. Quod  
plerumque renes inflammati comitem habeant urinæ stillicidium, seu mictio-  
nis difficultatem: contra vero se res habet, ubi renes calculo sunt obfessi, in  
quo affectu non semper Ischuria se offert, sed tunc demum, ubi calculus ipsis  
ureteribus firmiter fuerit impactus.

Vesica inflammatur à sectione calculi, aliove vulnere; ab ictu, contusione,  
cantharidibus: adest ordinario *Tensio*, *durities*, *ardor* & dolor in regione vesicæ  
& pubis.

Inflammatâ vero vesicâ perinæum cum pubis regione rubore, dolore ac ardo-  
re occupantur. Dysuria adest, & si quid mingitur, non sine acredine & ar-  
dor



dore redditur: totaliter aliquando supprimitur. Ob viciniam etiam rectum intestinum afficitur, atque tunc alvus est astricta vel desidendi continua est cupiditas: adest febris, vigiliæ, deliria, & hujusmodi alia.

Renum inflammatio malum est anceps & non sine vitæ discrimine, præsertim si deliria adsint, convulsiones, frigidi sudores, extremitatum frigus, &c. alii si suppuratio superveniat & pus per ureteres & vesicam evacuetur non malum est, alias periculosum. Idem de vesicâ dicendum.

In curatione renum & vesicæ inflammatio est dissipanda omni vi tam externis quam internis. Vena aperiatur ut tumor factus minuat, atque dolor sistatur. Clyster etiam est injiciendus ne excrementa in colo contenta renibus aut vesicæ ob onus & pondus noceant, atque is aliquando repetendus. Quia adest febris nihil melius est quam bibere decoctum ex *Scorzoneræ* & *Cornu cervino*, uti & potus Theæ, coffeæ, aut decoctionem ex salicâ & chinâ cum radicibus glycyrrhizæ: si adsint vigiliæ, ut sæpe contigit, *capita*, addi possunt, *papaveris cum seminibus*. Externè adhiberi possunt Epithemata ex spiritu vini caphorato vel fomentum aliquod ex Malvâ, Parietaria, cherefolio, &c. Vel applicandus est sacculus ex farinâ hordei & arenâ calidâ, calor enim penetrans dissolvit & dissipat inflammationem, quod refrigerantibus fieri non potest, uti veterum solebat Authoritas. Cæterum prospicienda quoque sunt symptomata sudoriferis, temperantibus &c.

Sæpe huic morbo præcedit sanguinis *mictus*, quando vas ruptum fuerit, in <sup>Sanguinis</sup> mictus. Renibus præsertim, rarissimè in Ureteribus aut Vesicâ, tunc semper absque intolerabili dolore una cum urinâ mejitur sanguis, ut sit urina semper cruenta, & cum grumis sanguineis. Causa consistit in Vasorum ruptione ut supra dictum, vel à calculo, cujus attritu etiam vasa læduntur. Hujus sanguinis evacuatio larga non est sine vitæ discrimine, quia vires dilabuntur, atque sic Tabes aut Hydrops inducitur, noli movere camarinam: non raro in *Ulcus Renum* mutatur. Ob sanguinis grumos nonnunquam *Ischuria* producit.

In hoc casu præter alvum laxam, acidum temperantibus opus sunt, deinde balsamicis ex *terebinthina*, *Balsamo Copaibæ*, *de peru*, &c quibus, si fluxus fuerit nimis sæpe non nihil opii admiscendum. Emplastra etiam externè sunt applicanda ex oxycroceo & similibus. Potus sit lac calidum, aut Theæ infusio, ne scilicet frigidis sanguis grumescat. Si à calculo veniat, Hostis tantum est demulcendus, noli irritare crabrones, *ἐδάμωσ τὰς σφηκτὰς ἐρεθίζειν*.

Inflammationibus ac sanguinis mictui sæpe RENUM AC VESICÆ succedit *ULCUS*, quod est cum vel sine calculo aut arenis. Sed quæritur signum, num ex renibus proveniat, num ex vesicâ? sed hoc indicatur ex doloris loco, si in lumbis sit, certissimum est renes laborare; sin vero in perinæo aut è regione pubis, pus è vesicâ exoneratur, & tunc tam magnâ quantitate non excernitur. Certissimum signum est puris cum urinâ mictus. Aliquando est album, nonnunquam sanguinolentum, non raro foetet admodum, sæpe non item. Interdum consistentia est, ut pus vulgare, sed vidi tam tenax instar glutinis in spissam consistentiam cocti (in gubernatore Hulsdano) non sine vehementi foetore, quod non nisi cum insigni dolore mingebatur. In aliis facile e-



mingitur, nisi adsit in vesicâ calculus, quod expertus nuper in famulo meo; cujus renes ambo erant pleni pure, & in vesica calculus, qui in vivis non nisi cum difficultate lotium reddebat. Hæc ulcera sine vitæ periculo non sunt, & raro curantur, quia est morbus internus, præsertim si in renibus adsit calculus, aut sabulum fixum. Sæpe adest febris cum tabe, vigiliæ, &c.

Hic solummodo detergendum & consolidandum. Præter alvum laxam, in hoc casu commendo acidum temperantia, quibus aciditas puris inhibetur. Deinde balsamica præscribo, ex terebinthinâ cum ovo sorbili, aut balsamum copaibæ & de peru, uti & balsamum sulphuris Terebinthinatum. Bibere possunt aquam mulsam chalybeatam. Si, propter urinæ acrimoniam, lotium reddi non possit, aquam mellitam siphone pudendo ad vesicam usque immittant, ex quâ non exiguum in plurimis solamen vidi. Pilulæ interim ex gummi ammoniaco, chalybeatis, &c. sumantur. Potus convenit ex coffeâ & glycyrrhizâ: vel lac dulce, uti & Chocolata & Thea. Externè etiam Emplastra penetrantia adhiberi possunt vel linimenta calida & penetrantia ex oleo radicum cynamomi vulgo oleum caphoræ. Mercurialia nonnunquam data, ut Mercurius dulcis, etiam consolidat.

Nephritis & calculus. Inter renum morbos etiam recensetur NEPHRITIS & CALCULUS, ab invicem magnitudine differentes; nam in Nephritide Arenulæ & minimi calculi seu grumitantum excernuntur: sed in calculo lapis ob magnitudinem excerni non potest. *Nephritis* itaque est in renibus arenularum collectio, quibus ureteres, vesica vel penis sæpe obstruuntur, hisce accedunt dolores immanes, sæpe cum stupore cruris ejusdem lateris in quo dolor est, cum vomitu, &c. In lumbis quibus renes adhærent, dolor est intolerabilis: in principio urina clara est, postea vel guttatim excernitur vel mictus plane denegatur; procedunt arenulæ vel minimi calculi, quibus urethra sæpe planè obstruitur, uti & ureteres, qui quoniam semper non sunt æqualis amplitudinis, sed aliquando magis coarctati, & interdum magis laxi (annotante *Cl. Ant. Nuk*) hinc est quod calculi in iis sæpe hærent, & non æquali viâ ad vesicam delabuntur. sæpe testiculus lateris affecti sursum trahitur: nonnunquam adest Colicæ passio.

De causis quibus Arenulæ & calculi generantur vide *Institutiones meas*: & quemadmodum calculorum materia in renibus crescit, sic eodem modo intra vesicæ membranas nascitur, præsertim in acinis vesicæ glandulosis, quod expertus in puero sex annorum, quem post obitum dissecui, cui intra vesicæ membranas, calculus rotundus, sed inæquali superficie hærebat: si in vesica non hæreat, & liberè intra vesicam cum urina fluctuet, tunc à renibus per ureterem delapsus est, ibique remansit, quia emingi non poterat, & sensim augmentum acceperat, quia particule salinæ ob eandem superficiem sibi invicem facile adhærent & applicantur, hinc calculi immensum usque augentur, vidi ante aliquot annos calculum, qui uncias sexdecim & semissem pendebat, quem peritissimus *Smaltius* ex vesicâ alicujus cadaveris secuerat. Materia illa in vesicâ semper non est dura, sed memini in modum crustæ instar gypsi aut glebæ lateribus vesicæ adhæsisse. Quoad symptomata. Vomitus, & cru-  
ris



ris stuporis, &c. sciendum ob communes nervos renum & ventriculi, Ventriculum facile in motum convulsivum stimulari, hinc vomendi conatus affiduus. Sic ob nervos communes ex lumborum vertebriis, integumenta communia nervi comprimuntur, qui per totum crus incedunt: sic etiam si musculus psoas lædatur, crus quoque contrahitur. Colica passio aliquando à nephritica vix dignoscitur, quoniam ren dexter intestino colo cohæret, & sinister cæco.

Signa calculi renalis, secundum descriptionem Clar. *Groënveldt*, hæc sunt.

1. Dolor circa regionem lumbarem fixus omnino & stabilis, obtusus quidem, & gravantis ponderis sensum inferens, cum in ipso renum parenchymate, obtusiore utpote sensu donato, calculus stabulatur, at ubi in caput ureteris sese insinuavit, acutus, lancinans, omniumque crudelissimus. Signa calculi renum.

2. Spinam inflectendi difficultas, compressis scilicet distentisque ejus nervis aut musculis.

3. Calor lumborum molestus prorsum.

4. Stupor femoris, crurisque è directo, ob compressionem (à calculi graviori pondere) musculi, *psiæ* dicti vel nervi in omnes crurum musculos divaricati.

5. Testiculi retractio è regione affecti renis, ob vasorum (quæ à renibus ad testes vergunt) versus superiora adductionem.

6. Nausea & vomitus, propter consensum scilicet renum cum ventriculo, qui fit non tam mediante, ut volunt peritonæo, cujus membranam utrumque viscus participat, quam quidem ob communem illum nervulum, à stomacho sextiparis (octavi paris Willisii) ramo, in propriam & interiorem renum tunicam implantatum.

7. Urina plerumque cruenta, laceratis apertisque à calculi asperioris attritione, venulis, per renis substantiam dispersis, quin & quandoque, præsertim circa initia, tenuis, aquosa & parvâ copiâ prodiens, propter renis à calculo obstructionem, quoties vero per ureteres in vesicam demittitur, urinæ crassæ, turbidæ & aquosæ ut plurimum excernuntur.

8. Calculos per urinam excretos, ut & arenas (non quæ vasorum lateribus adhærent, sed quæ statim matulæ fundum petunt) unde ægroti notabile levamen sentiunt, inter præcipua signa recenseri vellem.

Sed quia est tanta similitudo nephritidis cum dolore colico, ut non solum sæpissimè empiricum, sed & Medicum rationalem falli contingat, distinctionis ergo hæc signa notari vellem.

Si supra renes sit dolor, non ad renes sed ad intestina pertinet.

Dolor nephriticus extrorsum vergit, nec ab eo loco nunquam discedit, nisi cum tophus, è nido suo excussus, delabatur in ureterem.

Colicus vero sæpissimè peregrinatur, locum mutat, & per omnem intestinorum circuitum oberrat, inque pectinem declinat.

Nephritici à sumpto alimento melius, colici vero pejus habent. Hæc ille.



Calculus & Nephritis, si quis jure Hereditario sit adeptus rarissimè curtur; imo & in senioribustardius, quam in Junioribus curam admittunt. Ex hisce facile oriuntur inflammationes, Ulcerationes, Dolores intolerabiles, Vigiliæ pertinaces; Virium dejectiones, Febres, Dysuria &c. Si Nephritis diu perseveret, neque Medicamentis demulceatur, Mors expectanda est, & oboriente sudore frigido, Mors instat. Si primo urina fuerit clara & deinde sabulo turbida, non est omen malum. Si Calculus adsit cum ulcere renum, res est incurabilis. Calculi extractio per urethram dilatatam in foeminis, non semper bonum; nam gangræna accedere potest. Si adsit in renibus calculus, secari non potest. In vesicâ fluctuans fecatur, sed fixus non, nisi cum mortis discrimine *αἷζ* enim *μάχαιραν* inveniret, quia reperirent, quo pereant. Calculosi, cum mingunt, semper etiam ad dejectionem intestinum rectum sollicitatur.

Dolor primo mitigandus, si calculus hæreat in ureteribus, (nempe quia ubique ejusdem non sunt amplitudinis, aliquando enim tam viris quam foeminis angustantur) sollicitè pellendus potu lactis calidi aut Theæ, ut si à tergo prematur, eo citius in vesicam delabatur. Post paroxysmum, blanda diuretica usu veniant. Inter *antinephritica* & *diuretica* præcipue sunt.

Radices *Allii*, *Eryngii*, *Glycyrrhizæ*, *Saxifragiæ*, *Raphani*, *Ononidis*. Lignum *Nephriticum*. Folia *Chiæresolii*, *Petroselini*, *Apii*, *Foeniculi*, *Phellandrii*, *Nasturtii hortensis*, *Levistici*, *Sabinæ*, *Hederæ terrestris*. Flores *Camomillæ*, *Croci*, *Malvæ*, *Genistæ*. Semen *Anethi*, *Apii*, *Dauci vulgaris*, *Genistæ*, *Levistici*, *Nasturtii*, *Allii*, *Cepæ*, *Fraxini*. Fructus *Juniperi*. Gummi *Ammoniacum*, *Terebinthinæ* utriusque. Balsamum *copaibæ*, *Peruvianum*. Oculi *cancris*, *Millepedes*, *Sapo venetus*, *Cortices ovorum*. *Sal volatile* & *oleum succini*. Oleum *Juniperi*, *Balsamum Sulphuris* &c. & quæ ex hisce componuntur.

Verbo, omnia Acidum concentrantia & pituitam incidentia hoc in casu conveniunt; præsertim si oleum aromaticum sibi habeant admixtum. Rhenanum quoque vinum solent diureticis annumerare, quia diureticum est, verum hostem post se relinquit, & generandæ calculosæ materiæ ansam dat, nam sanguinem coagulat, quia alcali sanguinis ab acido vini saturatur: ideoque ab ejusmodi diureticis potius abstinendum. Sed ejusmodi vina si fuerint vetusta, & quibusdam diureticis & aromaticis saturata, tunc rejicienda plane non sunt. In nephriticorum paroxysmo, clyster est injiciendus, ne excrementa renes aut ureteres gravitate molestant, & si dolor sit intolerabilis, vena est aperienda: clysteres aliquando sunt repetendi & calidè immittendi; calor enim ad calculum propellendum non parum conducit: fiant itaque formulæ hunc in modum:

*Recipe Aquæ Foeniculi, uncias octo.*

*Terebinthinæ, unciam unam.*

*Vitellorum ovorum, Numero tria.*

*Misce fiat Clyster. vel,*

*Recip.*



*Recipe* Summit. Anethi ,  
Fol. Althææ, *ana manipulum unum.*  
Sem. Levistici , *unciam semis.*

Coquantur ex Aquâ ad uncias decem.

Colaturæ adde

Olei scorpionum , *uncias duas.*

Salis culinarii , *drachmam unam.*

Misce fiat Enema. vel

*Recipe* Lactis vacini , *uncias octo.*

Salis marini , *drachmam unam.*

Olei Amygdalarum dulcium , *unciam unam.*

Misce fiat Enema.

Linteis abdomini applicari potest Fotus ex Cherefolio , Hederâ terrestri , Camomillâ & lacte. Vel ex Petroselino , Parietariâ , Malvâ , foliis Raparum , Anethi , Rutæ. Camomilla , Melitoto , Tabaco , Sem. Levistici &c. Alii applicant fila lintea cruda , quæ cum lacte coquantur , aut arenam calidam : ut & stupa ex funibus picatis dissolutis collecta. Linimenta hic etiam usui sint ex oleo scorpionum , amygdalorum , rutæ , Butyro recenti , &c. Vel cataplasma , ex cepis , cherefolio , oleo scorpionum , in lacte dulci coctis.

Adversus intolerabiles dolores , nimias vigilas , & vomitum sistendum sequentia dato : ut,

*Recipe* Spir. Petroselini , *uncias duas.*

Laudani opiat , *grana duo,*

Tincturæ Succini , *guttas decem.*

Misce fiat Haustus. vel

*Recipe* Diascordii , *drachmam unam.*

Laudani opiat , *granum unum.*

Spir. Hederæ terrestris , *uncias duas.*

Ocul. Cancri , *drachmam unam.*

Misce fiat Haustus.

Postquam aliquantulum deferbuerit dolor , laxans aliquod exhibeatur ex Cassiâ fistula , Rhabarbaro , Sale prunella & Terebinthina : uti & pilula spada-  
æ.

Adversus cruris stuporem cucurbitulas applicant cæcas à parte superiore versus inferiorem : sed quia causam habet altiore , ex hisce nihil expectandum.

Diuretica hic prodesse possunt , præsertim si ureteres à calculo sint obstructi , sed ne quid nimis , præsertim in gravidis , inter hæc potus theæ , decoctum cherefolii aut petroselini , vel seminis dauci hic usui veniant : quæ urinam  
V 2 pellunt



pellunt ac eadem operâ arenulas hærentes: accedunt hisce *spiritus & oleum juniperi, succini, sabinae, &c.* vel sequentia: ut

*Recipe* Ocul. cancri, *unciam semissem.*

Tartari Vitriolati, *drachmam unam.*

Balsami Peruviani, *drachmas duas.*

Vini Hispanici, *quantum sufficit.*

Misce fiat Conditum.

*Dosis* ad magnitudinem nucis Moschatæ. vel,

*Sume* Tincturæ ligni Nephritici,

Spir. Hederæ Terrestris, *ana uncias duas.*

Cornu cervi, *guttas decem.*

Caphoræ, *drachmam semis.*

Misce.

*Dosis*, ad drachmas duas aut tres cum vino. vel

*Recipe* Terebinthinæ Venetæ, *libram unam.*

Balsami Copaibæ,

Peruviani, *ana unciam unam.*

Rutæ,

Sabinæ,

Menthæ, *ana Manipulos tres.*

Spir. Juniperi, *uncias octoginta.*

Misce & destillentur.

Spiritus tunc ab oleo separandus, & seorsim servandus. Oleum cum vino Hispanico sumendum. vel

*Recipe* Millepedum,

Oculorum Cancrici,

Corticum ovorum,

Sem. Petroselini,

Phellandrii, *ana drachmas duas.*

Terebinthinæ Venetæ coctæ, *unciam semis.*

Misce fiant pilulæ.

De his tres, quatuorve singulis diebus sumantur. vel

*Recipe* Tartari Vitriolati, *drachmas tres.*

Caphoræ,

Croci,

Balsami Peruviani, *ana drachmam unam.*

Ocul. Cancrici,

Millepedum, *ana drachmas duas.*

Aquæ Cinamomi, *quantum sufficit.*

Misce fiant Trochisci.



Si calculus fuerit exiguus, & peni inhæreat in pueris, Ægyptiorum more, aliquando exugere jussi, idque non sine successu, & si in medio pene subsistebat, vel instrumento frangi curabam; vel, si nec fugendo, nec instrumento malum vinci possit, tunc penis cutis ad latera trahenda, & incisio per urethram usque ad calculum est facienda, tunc enim liberè exprimi potest, sic reducta cute, vulnusculum facile coalescit.

Externè dolori mitigando, fiat Unguentum, ex *Unguento Populeo & Opio*. Atque hæc sunt quæ de Nephritide dicenda habebamus: de calculi sectione hic non agam, quia de illâ materiâ alibi dicendi erit occasio, uti & de ipsius generatione.

In victus ratione vita sedentaria est desuescenda, sed opus est modicâ ambulatione. In *Dieta* vitentur nimium falsa & acida, uti & viscosa & *δύσπεπτα*. Sumatur aliquando nonnihil *Terebinthinæ & Balsami peruviani* aut *copaibæ* cum ovo sorbili. Potus sit cerevisia recens, Thea, Coffea &c.

Addam Historiam raram: quæ sic se habet. Quidam Mercator à me post obitum aperiebatur: omnibus visceribus accuratè perlustratis, erat ren dexter planè consumptus: quo aperto pelvis integrum cochleare puris flavi, crassi, ac tenacis continebat, cum calculo & per consequens secundum canaliculorum ductum; singuli enim singularem continebant; Numero quidem sex vel plures; qui tam firmiter membranis viisque urinariis adhærebant, ut non nisi vi abrumpi potent. Colore erant fusco, & formâ ferè ac vertebrarum frustra. Extremitates erant rotundæ, non acuminatæ, cum duabus, tribus pluribusque prominentiis: durities erat in modum silicis, ita ut cultro vix aliquid abradi posset. Odore non erant ingrati.

Ren sinister ordinariam magnitudinem quadragies quidem superabat, porro intus nihil consideratione dignum. Forte & quidem certissimè, quia per dextrum nihil urinæ transibat, debebat ille solitò magis extendi: quod & in aliis calculosis non tantum observavi, sed & quidem in potatoribus, alias sanis.

Porro quædam vertebræ è membranâ propriâ & periosteo erant denudatæ, & attactu tanquam corruptæ. Nullum pussupra intestina effusum, sed versus exteriora se exonerabat, atque ob acrimoniam museulum lumbarem perforaverat, ad se evacuandam.

Æger antea diu de dolore circa costas breves & lumbos questus erat; ubi & eminentia conspiciebatur, cum puris profundâ collectione, quæ quotidie magis magisque eminebat, & postea à Chururgo perito dextrè aperiebatur, unde & bona puris quantitas evocata; postea compendiosior via se sponte monstrabat per spatia muscutorum infra jacentium, tanquam per Epistomia, quæ etiam aperiebatur; singulisque diebus circa puris uncias octo effundens.

Post hac se patiens melius sentiebat, continens in viis apertis cannulas plumbeas. Stylo ulcus aliquando explorabatur, & os corruptum adesse judicatum; quod eximere conantes, non exiguo dolore patiens enervabatur cum pulsus mutatione. Persuasus ut Leidæ melius tractaretur, ubi apertura ad remanentiam fistulæ angustæ claudebatur: hinc maxima puris, pars intus rema-



nere cogeatur, ut quasi materia peccans per ureterem abduceretur, (qui calculo erat obstructus) in vesicam: ast postea brevi vitam cum morte mutavit.

Aliud exemplum notabile, Nephritidi simile mihi observatum anno 1677. Chirurghi cujusdam Vesopienfis (nomine *Gulielmus Stapelmoer*) uxor, aliquot dies recreationis causa Vesopio Nardenum pedes cum liberis, &c. ibat; rediens de lumborum doloribus multum quæsta; idque eo loci ubi ren sinister residet; superveniebant vomitus ingens, cum contractione & stupore cruris. Urina erat aquosa, sed nonnihil lateribus vitri, retium more adhærens. Quæ omnia indicia Nephritidis erant. Omnia adhibebam, quæ in hoc casu præscribi solent. Interim intumescencia se prodebat, & judicavi ibi adesse puris collectionem, quamvis alius Medicus (*Godske* nomine) ischiaticum dolorem esse putabat, cui tamen nulla intumescencia externa est, atque dolor esse debebat in inferiori loco. Jubebam ruptorium applicari, & aperto foramine libra quidem bene cocti & non fætidæ puris evacuabatur. Apertura cannulâ plumbeâ servabatur aperta: postridie iterum libra emanabat: quæ materia tunc singulis diebus diminuebatur. Injections etiam fiebant ex spiritu vini & melle chelidonie & in hunc usque diem optimè valet, absque ulla claudicatione.

Fortè inter illud ambulandum, vel aliis motibus faciendis, vas quoddam lymphaticum ruptum fuit intra peritonæum & musculos; quâ lymphâ partes proximè adjacentes sensim distendebantur, & gravitate suâ descendens saccum pure plenum efformans, musculum lumbarem compressit, unde *Stupor*, & quia moveri liberè non poterat contrahebatur à membranis, nervis & tendinibus vicinis, nam materia evadebat acris.

Anno 1695. 7 Septembris, Gedrosia mihi sequens casus missus, à Chirurgo peritissimo *Chr. Frauwen*: quem absque omni ambage hic describam.

Quidam Tubicen *Nicolaus Sibenburger* per integrum ferè annum magnos in vesica cruciatus inter mingendum sentit multa medicamina eideri; tædium esset hæc omnia hic recensere; una cum urinâ multum materiæ instar calcis reddebat, referebatque exactè frustula quæ de parietibus decidunt, quædam dimidii unguis magnitudinem non superabant; lamellæ erant planæ & tenues: interdum ita invicem cohærebant, ut referrent crassitiem articuli minimi digiti, & urethram ita obstruebant, ut magna cum difficultate apertura Cathetere posset fieri: tunc tam ingens hujus materiæ copia proveniebat quam unquam antea: post hæc ita levatus fuit, cum hujus mali cessatione, ut se planè sanatum imaginaretur: sed elapsis sex aut septem hebdomadis, de novo urinæ difficultatem sensit. Dolore pressus, curavit se in nostram urbem vehi, sed malum respuebat catheterem, nam nihil urinæ effluere potuit, ast semper sanguis coagulatus extrahebatur.

Videbatur vesica hac materiâ esse plena, & quoniam neque interna neque externa aliquid solaminis adferebam, incisionem in perinæo proponebam, cum æger viribus valebat, & meæ propositioni cum uxore annuebat: verum Poljater noster consentire nōlebat, sed formulas præscribendo nihil efficiens æger die undecimo obiit, 1695. 12 Januarii.



Aperto cadavere, erat vesica valde extensa, continens quinque pintas urinæ,eductâ per superiorem partem urinâ, ad cervicem vesicæ inveniebatur species carnis spongiosæ & viscidæ: quæ digitis abrafa pendebat circa uncias septemdecim: exempta vesica & inversa, circa urethram planè erat exulcerata, referens ulcera inveterata, tibiis quandoque advenientia, ex quibus caro spongiosa excreverat: sed materia calcem referens neque in vesicâ, aliave parte inveniebatur: renes atque ureteres optimè erant dispositi. Sed ubi in vesicam se aperturis desinebant, erant ulcerationes, quia illam materiam calcariam inter tunicas videbantur deposuisse, unde illæ separabantur, & ulceribus dabatur geneseos causa: hinc mea operatio fuisset incassum adhibita.

Anno 1694. 21 Junii aperui decem annorum puerum, à vesicæ calculo demortuum, quo à mense suæ ætatis decimo octavo laboraverat: calculus pendebat scsquiunciam, ovi figura, maximâ ex parte glabra. Vesica parva erat & crassa, præsertim circa collum; renum pelvis, ut & ureteres ab urinæ regurgitatione erant admodum dilatata: erant dicti ureteres figura monstrosa, quorum unum leviter inflatum vobis mitto. Vide Fig. I Tab. VIII. A. Pars superior versus renem. B. Diverticulum insolitum. C. inferior pars versus Vesicam.

Ureter  
monstro-  
sus.

Ante aliquot annos vir quidam magnis cruciatibus urinam reddebat, ac si calculo laborasset: post obitum vesica aperta, erat intus plurimis glandulis obfita, quæ meatum urinarium claudebant.

Vesica  
glandulis  
plena.

Ægrotus quidam ischuria laborans, urinam nullam emittebat, nisi quod vomitu sursum excernebatur, (urinalem quoque odorem exspiratio præ se ferebat) quo continuato maximè debilitatus fuit, multis remediis usi fuimus, sed frustra, vitam tandem cum morte mutavit.

Urina à  
calculo  
plane  
suppressa.

Corpus ejus cum dissectum fuerit, pelvis renis dextri majori calculo fuit oppleta, cujus pars inferior, papillæ in modum protuberans, ureterem omnino obstruebat, capiti ureteris sinistri acutus calculus adeo exactè erat infixus ut renes utrique suo officio fungi neutiquam potuerint, atque tandem expiravit.

### PENE LIGATURA CONSTRICTO, SUPRA LIGATURAM SPONTE URINA PER *εἰς* ERUPIT.

Annorum circiter novem puer, ne amplius noctu in lectum mingeret medium penem filo strictè ligabat, hinc supra ligaturam tumor; hinc nullus, urinæ exitus: sed tertio die supra ligaturam in inferiore parte, ob urinæ vehementem pressionem per urethram & cutim foramen est factum, quo urina exitum inveniebat. Chirurgus *Francois de la Court*, filum persecabat; & ulcusculum inde ortum, unguento aureo deligabat, & superior pars tumefacta linteis vino inebriatis circumvolvitur: hæc quidem cessavere, sed foramen factum nunquam potuit sanari, idque forte ob fibras prius nimium elongatas, & ruptas: hinc suavit, si mingeret, foramen digito clauderet, ut urina recta viâ emingi posset.



ischuria,  
stranguria  
dysuria &  
urina  
ardens.

ISCHURIA, STRANGURIA; DYSURIA & URINA ARDENS sæpè tantum differunt gradibus. Si sæpe & guttatim mingatur, *Stranguria* dicitur. *Ardens urina* est, quando cum vehementi ardore, acrimoniâ & sæpe dolore redditur. In *Ischuria* & *Dysuria* aut vel in totum non redditur vel tantum per vices. In hisce sæpe ob sanguinem nimis crassum & ab omni humiditate tenui destitutum causa est, uti & renes inflammati, ac ulcerati, vel cum pus, propter tenacitatem vix per urethram reddi potest, vel propter arenulas aut calculum vias urinarias obstruentem. Convulsionibus etiam viæ angustantur. Ut & paralytis five per se, five ex nimia lotii retentione, quâ fibræ vesicæ immensum usque extenduntur, & ferè rumpuntur, quæ postea pristinum tenorem non accipiunt, atque tunc urina non redditur, vel guttatim aliquando exprimitur. Si caruncula in viâ urinariâ sit: vel vesicæ glandosi acini, ut sit, notabilem tumescuntiam aut magnitudinem, præsertim circa collum acceperint, guttatim quoque extillatur, post nimia quantitate comestos fructus horarios: vel post variorum potuum assumptionem. Vel si quis audacter propter præsentiam aliorum, reddere non audet. ARDENS fit, ob potus nimis spirituosos & incalescentes quantitate plus justo assumptos, aut aromata nimium ingesta: vel si quis parum potet: vel si nimis diu in vesicâ retineatur tunc etiam acris fit & rodens, vel adsit pus nimis acre: huic ansam præbent, calculi, angulos acutos habentes, quibus vesica & urethra intus abraditur, atque sic urina rodens redditur: accedit inflammatio vesicæ, Gonorrhæa virulenta, &c.

Post urinæ suppressionem varia sæpe oriuntur symptomata. Ut præcordiorum anxietates, sensuum torpores, affectiones convulsivæ, tumor totius corporis, præsertim pedum: vomitus, sudores, non raro acidum aliumve fœtorem spirantes. Ischuriâ laborantem virum olim novi, qui intra octo septimanas nihil urinæ reddebat, idque sine molestiâ, quia quidquid liquidi assumpserat, per sudores emanabat; nihilominus tamen obiit: Haustu largiori vini rhenani plurimi sanantur, quibus aliquot dies urina fuerat suspensa. Sunt qui in urinæ suppressione cantharides præscribunt, sed hoc non suadendum, nam propter acrimoniam sæpe plus damni quam commodi adferunt. Periculum est summum in lotio denegato, nam post septimum aut octavum diem moriuntur, sed si guttatim procedat aut cum ardore, periculo vacat, nisi adsit inflammatio aut ulcus, aut excrementia magna in vesicâ circa collum. In calculo non sanatur, nisi post lithotomiam institutam.

*Causæ* quæ variæ sunt, tollendæ, ut viæ sint patulæ. Si sanguis ob penuriam liquoris tenuis in causâ sit, potu Theæ est corrigendus, quo omnis puita ac rodens sal, blandè attenuando, expelletur. Si calculi in vesica sint, vel in urethra hæreant arte chirurgica sunt frangendi aut foras educendi. Diuretica, & lithontriptica, ut vocant, etiam usurpanda. In ardente urina, emollientia, usu veniant, ut lac dulce, potus theæ, pinguis &c. vel sume potionem sequentem, ut



*Recipe* Rad. Scorzonæræ,  
 Salsæ parillæ, *ana uncias duas.*  
 Ficuum pinguium, *numero decem.*  
*Coque* ex Aqua ad uncias viginti quatuor,  
 Colaturæ adde  
 Spir. Hederæ terrestris, *uncias duas.*  
 Misce fiat Potio.

De hac bibatur, tantum quantum fieri potest : Etiam decoctio cherefolii, aut petroselini magni quoque esset usus.

Abdomini, & vesicæ regioni fots sunt applicandi ex *Capis*, *Charefolio*, *Petroselino*, *Malvâ*, *Fœniculo*, *Hedera terrestri*, &c, ex lacte dulci coctis. Ejusmodi quoque decocta sunt in vesicam per syringem mittenda, ut ardor nempe demulceatur, vel ut urinæ acrimonia moderetur. In Dysuria aut Ischuria valent etiam summopere linimenta ex *spiritu vini*, *oleo petræ*, *Terebinthinæ*, *scorpionum*, &c. laxantes boli per os exhibeantur ex *cassia fistula*, *terebinthina* & *pulvere Glycyrrhizæ*, aut ex *oculis cancri*, *Rheo* & *oleo succini*, &c.

Si malum hæreat in renibus, fots aut cataplasmata applicentur ex *capis*, *axungia* & *ovis* : sed principalis actor in hujusmodi casibus penetrans est calor. Pro excitando lotio sumatur *Vinum rhenanum* cum *Oleo terebinthinæ*, aut *Succinisal* ejusve *spiritus*. Si planè *urina* retineatur, opus est immisione *Catheteris*, & si deinde necdum succedat, peritonæi incisionem suaderem, præsertim si mors immineat, & gangrænæ metus sit, nam in re ancipiti Medicamentum dubium est adhibendum. In foeminino sexu etiam est procedendum ut in *Lipothymia* solet.

Casus de Dysuria Nidrosiâ ab Expertissimo Chr. Frauwen, Chirurgo felicissimo ad me 1698. 13 Sept. S. V. conscriptus. Ante tres menses vir Nobilissimus Imperii Danici Cancellarius, sub nomine *Greiffenfeld* notus, sub curâ meâ fuit, qui vehement dysuria vexabatur, & quamvis melius habet, tamen planè superare nequivi. In principio immensum usque â agitatus fuit, imo singulis horæ quadrantibus aut semihoris cum magna convulsiva contractione, tam in vesicæ sphinctere quam ani, quasi omnia debebant exprimi : sed paroxysmo desinente, omnia sine dolore se bene habebant. Ante aliquot quidem annos nephritide laboravit. Sed post Theæ & Coffeæ usum, ut & *Terebinthinæ cypriæ*; cum sale volatili oleoso, nephriticis doloribus non amplius divexatus fuit, sed aliquando levi dysuriâ tentatus, quæ iterum, diureticis aliquando assumptis, cessavit. Non possum calculum aut ulcerationem vesicæ inesse conjecturare, qui interpolatis vicibus se prodit; neque pus aut simile quid in urinâ apparet, sed planè pellucida est. Nunc autem elapsis aliquot hebdomadis malum ita mutatum est, quod intermissio ad unam duasve horas extendatur urinæ incontinentia ita, ut aliquando guttatim, aliquando incontinententer effluat, idque nullo præsentē dolore, magnum sæpe & difficilem in pene & ano ut & circa pedum follicas sentit pruritum. Huc usque ille

Historia  
dysuriala-  
borantis.



Quid sit Dysuria, in superioribus explicuimus; casus hic mihi tantum enodandus est. In nephritide novimus materiam calculosam è renibus in vesicam descendere, quæ pro arenularum vario acumine atque in vesicâ jugi circumrotatione & circumvolutione, cum urinâ, procul omni dubio, acri, internam urinariæ vesicæ tunicam laceravere: hinc, quamvis nephritica passio cessabat; tamen quoties urina urgebat ob compunctiones & vesicæ sphincterem ab arenulis læsum, sphincteris isthmum pertransire nequibat; quia membranosa pars prius læsa ab urinæ acrimoniâ in motum *σπασμώδης* invitabatur: hinc major contractio & angustia: atque sic per breves vices urina reddebatur: at urinâ evacuata nihil molesti sensit, nam sublata causâ tollitur effectus.

Postea res usque perducta, ut cessante spasmō, sphincteri paralyxis inducta sit, hinc urinæ incontinentia, vel continuum stillicidium & doloris cessatio.

Contractio vesicæ sphincteris & ani fit ob communes tam membranas quam nervos. Sic pruritus penis, ani, & circa pedum soleas, originem etiam à communium nervorum lævi contractione.

*Post Illustrissimi viri obitum sequentia idem Chirurgus ad me dedit, 1699.*

*11 Julii.*

**T**Empore octo vel novem mensium, continuo tam noctu quam die, semper guttatim minxit, idque non sine ingentibus doloribus. Is 12 Martii hujus anni obiit. Postridie post obitum aperui cadaver: admodum erat extenuatus, sed in imo ventre multum pinguedinis inveni; viscera ad oculum sana. Renes ingenti pinguedinis copia erant circumfusi. Ren dexter solito minor, nodosus, & variis coloribus discolor: in pelvi erant sex calculi acuti & obtusi magnitudine ferè grani tritici, ureter ejus facile digitum minimum admittebat Ren sinister tactu sacculus nucibus plenus videbatur, sed ipsius substantia planè consumpta, membrana exterior tantum superstite; continebat variæ magnitudinis & figuræ calculos, in quos unus instar zingiberis radice: ureter ut alter ejusdem capacitatis. Sex aut octo annos sæpe paroxysmos nephriticos passus, sed tolerabiles, ast nunc sex annorum tempore, nihil conquestus, nisi tantum de mingendi difficultate. Noluit ut inquirerem num in vesicâ calculus lateret. Sibi persuadebat non esse calculum, sed ulcus, vel alibi symptoma spasmodicum. Sed apertâ vesicâ, invenimus calculum ovi anserini magnitudine & figura, cum quatuor minoribus in vesicæ collo. Hæc ille.

Post ischuriam urinæ per umbilicum.

Quidam intolerabili dolore in imo ventre querebatur, & præsertim circa vesicæ regionem, ita ut sæpe centies unico horæ spatio urinam reddere cogeatur. Sed accrescente in dies malo, urina, tandem per umbilicum aliasque partes continuo prorumperebat, quod ægro non minorem molestiam ac dolorem pariebat; ideoque post paucos dies vitam cum morte mutavit. Aperto cadavere, vesica inventa in totum corrugata, hinc non mirum illum tam sæpiuscule ad mingendum fuisse coactum, lotiumque per alias vias erupisse.



Generosus quidam Vir, post violentum pilæ Italicæ seu recussibilis exercitium, incidit in Hæmorrhagiam per vesicam se evacuantem. Primis octo diebus urnas duas sanguinis minxit. Se extraordinariè postea movere non ausus fuit, quin sanguinis fluxus statim rediret. Octo aut decem annos ita in hoc statu mansit. Viginti annis renum interim dolores gravissimos passus est, hoc est ad obitum usque. Tres annos ante mortem, venter valde intumescebat, insensibiliterque quotidie immensum usque accrevit. Savientibus hisce doloribus una cum abdominis intumescentiâ variis temporibus ex vesica quatuor aut quinque pintas ejusdem materiae excrevit, ac postea aperto ventre post mortem inventa sit. Tandem Etatis suæ anno sexagesimo sexto vitam cum morte mutavit.

**P**ost dissectum abdomen, inventum est corpus aliquod monstrosum, à primo intuitu ignotum, totam ferè cavitatem occupans; adeo ut facile non erat cætera viscera ab invicem dignoscere, nisi coli partem, supra tumorem in formam cinguli incedentem. Colon ascendebat sub tumore hoc à dextris ad partem sinistram, & descendendo versus anum, terminum consequebatur. Valde complicatum fuit; & cum ordinariò inversum S. Romanum repræsentet, hic figurâ anguli obtusissimi, in medio tumoris locati, apparuit. Tumori huic membrana facile separabili connectebatur.

à Parte sinistra, copia vasorum sanguine distentorum conspiciebatur. Observandum quoque, tumorem hunc, magis sinistram quam dextram regionem occupantem, costas ac sternum elevasse, imo intestina omnia ac splenem ad dextrum latus compressisse: lien enim supra vertebrae lumbares inveniebatur.

Inciso tumore, prodiit materia differentis consistentiæ ac diversi coloris: hæc erat fluida, flava, & glandulosis corpusculis plena, calculis inæqualibus, asperisque ad pollicis magnitudinem, permixta: altera viscosa ac crassior, colore obscuro-viridi, olei olivarum amurcæ instar: tertia materiæ species albida & grisea mellis crassiusculi vel glutinis soluti in modum erat.

In fundo tumoris quinque aut sex sanguinis coagulati libræ inveniuntur, cujus pars, carnis ferè consistentiam habebat, & ab interna facie ab omni parte calculis munita. Mirum hanc materiam fuisse *ἄσχυρον*, cum videatur diu in abdomine latuisse.

Membrana tumorem continens inæqualis crassitie erat. Quibusdam in locis digito transverso æquabat, in aliis tenuior, in cæteris plurima pinguedine obducta fuit. Materia hæc libras octo & sexaginta pendebat: membrana ipsa novem libras æquavit.

Omnibus bene examinatis, vidimus corpus illud non fuisse abdomini alienum, sed renem sinistram in tantam molem extensum. Proximè figuram ovalem repræsentabat; circumferentiam quatuor pedum & octo pollicum habebat:



bat: diameter erat trium pedum ac decem pollicum. Supernè ureter incedebat ab hoc rene versus primam lumborum vertebram, qui tandem vesicæ insecratur. Vena & arteria renales præter modum magnitudine auctæ erant. Ren dexter erat ut decet. Cor multo majus & musculosius solito fuit, ejusque vasa valde dilatata, & substantiæ cartilaginosa, præsertim arteriæ magnæ principium cum valvulis.

Miserrimus noster patiens violentissimo hoc motu totum renem laceravit; & in hoc totus morbus consistit; nec tamen ilico sphacelo correptus, sed vascula quædam interiora una cum pelvi disrupta fuerunt, unde tanta sanguinis copia per vesicam exonerari potuit. Læsa enim pelvi, facile per urethram sanguini ad vesicam patebat via.

Vulnere hoc leviter cicatrizzato, nihilominus ab exercitio paulo majori haud difficile de novo sanguinem effudit, atqui hoc causa fuit, cur se quietum tenebat, Interim cum cruoris ex arteriis in venas reditus ex ruptione facta aliquomodo denegaretur, hinc ipse ren magnitudine sensim augebatur; & eandem ob causam membrana renem ambiens distendi oportuit, unde dolor quotidianus sævissimus. Jam mirum videri non debet intra renis cavitatem, magnam cruentæ materiæ copiam fuisse collectam; nam ruptis vasis internis, sanguis allatus reditui in venas impotens erat, hinc ibidem plus colligebatur quam reduci potuit: materia hæc collecta tandem in substantiam versicoloris & consistentiæ mutata est, illudque tempore præsertim paulo ante obitum factum conjicio, quia foetore carebat, antea enim liquor effusus aliquo modo circumducifortasse potuit, sed postea per vesicam exoneravit aliquot pintas.

Glandulæ quæ in substantia renis erant, ab obstructione majores redditæ, fuerunt illæ quæ inveniebantur, quarum quædam melleæ factæ sunt, & aliæ (crystallifatis particulis salinis) calculosæ. Pinguedo membranæ adhærens fuit à membrana adiposa.

De hoc morbo nihil aliud dico, quam, quod fuerit *Varicis* species quemadmodum enim varices ex magno labore, currendo, saltu &c. oriuntur, ita ab exercitio vehementiori etiam originem sumere possunt.

Arteriæ magnæ trunco una cum diaphragmate à tumore hoc, pressæ, non potuit sanguis ex corde liberè per omnes abdominis partes spatium: ideo subsistente in corde sanguine, ejus latera non parum dilatata sunt, quo cor majus factum est: fibris interim circa arteriæ initium disruptis, & ab extensione quasi paralyti tactis, motibus obeundis in idoneæ fuerunt; hinc ab obstructione succorum iis inhærentium, tandem obriguere & cartilaginis duritiem acquirere.

Renes purulenti. *Puella annos nata octodecim, à longo tempore reddidit urinam purulentam; aderat febris diuturna: & periit.*

**P**erlustratis visceribus, renes planè in totum purulenti erant, eorumque tunica pus concludebatur.



Si quis sanguinem aut pus mejat, renum aut vesicæ exulcerationem significat. Si renes obstruantur, aut inflammationem, & deinde exulcerationem aut calculum incurrunt. Hic nulla calculi signa: sed solummodo purulenta per lotium reddit. Præcedit semper exulcerationem inflammatio: quæ à longo tempore renes consumpsit, & purulentos reddidit.

Ex mala sanguinis *ἡγάσθη*, orta febris, eaque diuturna, quia purulentum quid è renibus sanguini continuo admixta fuit.

*Senex octogenarius per annum integrum difficili admodum Ischuriâ & interdum Stranguriâ laboravit, qui tandem obiit.*

**A** Pertâ demortui Vesicâ, lapis inventus adæquans filicis duritiem, & pen-  
debat nummarii ponderis uncias sex cum dimidiâ, rediisset hoc ad vulga-  
ris Medicorum ponderis uncias ferè octo.

Ex Ischuria  
& Strangu-  
ria de mor-

Observatio explicatione non indiget, nam per se manifesta est. Quibustui  
enim lapis in Vesica est, iis collum Vesicæ obstruere necesse est, hinc urinæ  
præcluditur via.

Cadaver

*Calculosus à febris lethali extinguitur. Hic bis decem ante annos dolore  
laterum intolerabili conquestus est, viscosa saepe per diuresin excre-  
vit.*

**I**N Cadavere exenterato ren sinister fuit consumptus, verum ejus loco cal-  
culus ramosus inventus: dexter fuit colore magis citrino & subfusco. U-  
reteres admodum capaces. Vesica distenta & Hydatidibus obsessa, magnum  
continens calculum. Ventriculus sanguine concreto exterius asper-  
sus.

Calculosus  
U-  
dissectio.

*Adolescens undevigesimum annum natus à longo tempore de vehementi do-  
lore circa renis sinistri & vesicæ regionem, cum vomitu assiduo & do-  
lorifica urinæ excretionem questus, moritur.*

**A** Bdomine aperto ingens fœtor aparuit. Exterius in superiore vesicæ parte  
insolitus sinus pugnum adæquans, fuit: in cujus membranis pus conclu-  
sum ren sinister planè exulceratus, purulentum illud in vesicæ sinum depo-  
nisse videbatur. In ipsâ vesicâ pro urinâ calculus rotundus, & nimis asper  
sesquiunciam pendens. Interior tunica exulcerata.

Renum &  
vesicæ ul-  
cus cum  
vesicæ cal-  
culo.

Ab obstructionibus in renibus, aut vesicæ membranis, inflammatio ab inflamma-  
tione ulcus unde & dolor. Vomitus ei obortus est, quia nervi intercostales cum  
renibus & vesica magnam connexionem habent, adeo ut si nervi renales convul-  
santur, etiam & ventriculi. Vesicæ textura ex duabus tunicis tendinosissæ seu mem-  
branosis constat: intra cujus duplicaturam binæ fibrarum musculosarum series  
inveniuntur: quibus inflammatis pus facile intra tendinosas tunicas effundi



Potuit, unde facculus purulentus. Calculus anne in vesica, an vero in rene cretus sit, dubitandum: credo tamen eum à rene primo descendisse, & in vesica augmentum sumpsisse, qui & vesicam forte nimis irritans ad inflammandam adegit.

*Quidam de dolore acuto è Hypogastrii regione cum tumore, inflammatione, pulsatione ac febre queritur: in abscessum mutatur tumor, multumque puris fœtidi per aliquot menses effundebat. Imo aliquot hebdomadis ante obitum una cum pure urina excreta est.*

Acicula in  
uretere  
inventa.

**D**issecto cadavere, omentum gangrænatum. Intestina sana; ren quoque dexter satis integer, verum ipsius ureter ulceratus & pure repletus, paulo inferius aciculam, materia tartarea cinctam, infixam habuit.

Curiosissimus Corn. *Stalpart Van der Wiel*, In observationibus suis selectis obs. XVIII. Part. Sec. De globulo plumbeo deglutito narrat per urinam excreto: ast hic loci aciculam proponimus. Quid de globulo dicendum ἐπεὶ ἔχον. Acicula hæc deglutita alibi in intestinis hæsit, eaque perterebravit, unde inflammatio, & quæ eandem solent concomitari: tandem in abdominis cavitatem delapsa, ipsum ureterem perfodere debuit: in eoque moram trahens, ærugine, materiaque tartarea ab urinæ particulis salinis ei adhærentibus, facile obducta est.

*Quinquagenarius postquam per aliquot horas equo infederat; in suppressam urinam incidit, cui mox febris comitata cum singultu continuo, tumore & dolore circa inguina. Cathetere immisso, venter detumuit, dolorque sedatus est; verum in vesicæ collo obstaculum quoddam inventum est. Omnibus remediis frustra adhibitis, tandem satis cessit.*

Anatomia  
suppressæ  
urinæ labo-  
rantis.

**D**issecto abdomine duo tubercula in orificio vesicæ erant. magnitudine ovi columbini, substantiâ glandulosâ: vesicæ collum gangræna invaserat.

Interiorem Vesicæ faciem glandulisque investitam in *Anatomia mea Reformata* satis superque ostendi: porro quomodo glandulæ minimæ in incredibilem molem excrescant, etiam alibi dictum est.

*Matrona maximis doloribus nephriticis per plusculos annos torta, spissam crebro minxit urinam, ut in ipsa emissionem & stillicidio quasi in fila deduci potuerit; ingruentibus interdum rigoribus in nephriticis consuetis, lumbos ferè nudos fornaci admovet, ut se calefaceret, vix tamen calorem sensit, licet cutim ipsam fornacis flamma laderet. Tandem rigidis dolorum atrocitatibus vexata, succubuit.*



**P**erfecto abdomine, inventi fuere ambo renes obriguiffe in alabastrinam duritiem & soliditatem. Renes petresfacti.

Qui semel in nephriticum morbum incidunt, raro liberantur, & ferè per totam vitam ab eodem torquentur; nisi sabulum in renibus concretum optimis medicamentis, & potu coffeæ aut theæ elutrietur: sæpe tunc morbum superavi, at in calculum si concreverit, fixamque sedem in renibus habuerit, aut ob nimiam magnitudinem ureteres pertransire nesciens, nunquam vici medicamentis malum.

In Matrona hac renes obriguere, quia plurimæ arenulæ in unam molem compactæ sint: omnes enim calculi hoc modo crescunt; cum exempli gratia, duæ superficies politæ se invicem immediatè tangant, ita ab externis globulis aëreis pressæ, firmiter cohærent, ut vel vi ab invicem diduci nequeant: quemadmodum id in duabus corporum superficiebus fit, ita & in centum myriadibus, quæ omnes primo arenulam, & sic deinceps calculum constituunt. Sæpe colore & duritie calculi variant: quippe particulæ politæ calculum constituentes non semper sunt impermixtæ cum aliis particulis; imo ejusdem figuræ, magnitudinis, aut superficiei non sunt; adeo ut pro varia particularum diversitate, variis lapides & calculi in renibus, vesica, aliisque in corpore partibus, cudentur.

Quæritur de frigore lumborum maximo. Fortè quia calculi hi præ gravitate membranas renes investientes valde depresserunt, illasque paralyti tetigerunt: accedit etiam quod succi ibidem allati & subsistentes etiam frigus contraxerint, quare & spissiores & viscidiores, per meatum urinarium emissi sunt. Lumbi fornaci calidæ admoti vix calorem sentiebant, quod etiam paralyticis fit, qui inter frigus & calorem vix sensibilem differentiam advertunt.

*Ostogenarius ex nimio novi vini usu, suppressione urinae & dolore colico correptus est, atque ita per duodecim dies cruciatus fuit. Homo tum in lecto febricitans, miris cruciatibus ac doloribus afflictus, viribus quin etiam prostratis, cum ventris tumore magno, duro, tenso, ac renitente, ab osse pubis ad regionem fundi ventriculi, & hypochondriorum ferè usque, gravidæ instar, offensus. Fetus adhibitus, deinde & meatui urinario Catheter immissus, cujus ope libræ quinque urinae cum uncis quatuor Romaniponderis effluxere. Unde levamen & ventris subsidentia. Sequenti die eodem instrumento nihil emanavit. Hinc denuo auctus est dolor, ventrisque tensio. Die decimo tertio libræ sex urinae elicitæ, unde dolor protinus & ventris tensio cessavit. Decimo quarto à morbo die, denuo catheteris beneficio urinae libræ sex profluxere. Postridie circa meridiem rursus cathetere immisso, postquam libræ quatuor cum totidem uncis extractæ fuissent, sub finem circiter uncia integrâ puris subsecuta est. Alvus interim enemate deposita & alleviata. Sub vesperam vero horâ nonâ adhuc semel cathetere in vesicam indito, urinae quatuor libræ uti praece-*



precedentibus vicibus, quibus semper quoque multum sanguinis effluerat. Decimo sexto deinde die circa meridiem per immissum catheterem, urina libra quatuor cum uncis sex & cyatho puris pleno, uti & sub Vesperam libra quatuor & uncias octo cum pauxillo puris, extracta. Decimo octavo, urina sua sponte erupit cum levamine, cum ager descendisset, & per hora quadrantem resedisset. Sequenti die non solum urinam copiose, sed una quoque materiam crassam albam ac foetidissimam excrevit. Hic senex adeo usque restitutus fuit, ut redderet quidem urinam, sed involuntarie. Post septimanas quinque urina per secēsum nunc seorsim, nunc vero mixta excrementis, & quidem involuntarie effluere cepit, neque amplius per penem eam reddidit. Dolor tamen nullus aderat, viresque pro atate constabant, nec appetitus admodum prostratus. Tandem tussicula sicca correptus, vires & appetitus paulatim ita diminuebantur, ut denique animam reddiderit.

Urinæ re-  
tentio &  
Vesicæ  
Scirrhus.

**A** Perto Cadavere, Scirrhus magnitudinem ovi gallinacei adæquans, unciasque duas pendens, in ipsa vesicâ, & quidem ante collum ipsius tenaciter adhærens, inventus. Ex cavitate præterea vesicæ, usque in intestinum rectum, ulcusculum conspiciebatur rotundum, procul dubio, ab urinâ purulentâ, & foetidâ exesum. Vesica ipsa circa collum, uti quoque intestinum rectum lividum, ren uterque insignis magnitudinis, exterius vesiculis quam plurimis ferroso humore scatentibus, apparebant. Hepar denique in parte cava durum & scirrhosum viscebatur.

Urinæ detentio periculosa, imo sæpe lethalis, nam nimia vesicæ distensio paralyfin primo, & deinde Gangrænam, Sphacelum, imo & Mortem ægris adfert. Videtur ægrum nostrum à vini acrimoniâ, primo laborasse vesicæ inflammatione, qua collum ipsius se dilatare haud potuit, hinc quidquid à renibus segregatum in Vesicâ manere coactum fuit, inflammationem deinde in ulcus & scirrhum mutasse. Postea sedatis symptomatibus, urinam involuntarie fluxisse: ac deinde per anum, ob partium viciniam & cohærentiam eandem emanasse liquet, nam Vesicæ ulcus facile in anum penetrat in viris, sicut & uteri in mulieribus, quale exemplum in matrona nobili vidi. Nuperrime accersitus ad Pharmacopæum, qui ex eodem morbo decumbebat, is per aliquot horas non minxerat, verum, accommodato in urethram cathetere, statim non tantum copiose minxit, sed & eodem momento non solummodo levatus, sed & sanatus fuit.

Nunc ad *Diabetem* iter nostrum dirigamus, Morbus quidem raro obvius, tamen aliquando nobis occurrit. *Diabetes* ergo nihil aliud est, quam nimia urinæ dulcis redditio, cum febris, siti intolerabili, ac corporis colliquatione cujus causas in *Institutionibus nostris* descripsi.

In principio facile curatur verum postea difficile, ideoque non sine vitæ discrimine. In hoc casu omni *diuræsi* annitendum, ut causa, quâ sanguis instar lactis



lactis coagulatur, & in varias partes abit, removeatur: atque hæc consistit in acidi mortificatione, præsertim *chalybeatis*, *corallis*, *ceruæ cervi usio*, *liquore salis tartari*, &c. uti & pinguibus & oleosis, lacte nempe dulci, amygdalis, nucibus pini, pistachis, lacte cum ovīs & Cinnamomo, ovīs forbilibus, ficubus, passulis majoribus & minoribus, decoctione ichthyocollæ cum lacte, &c. Exhibeantur quoque sudorifera fortia cum opio quodam præparato, una cum acidum concentrantibus, ut motus ad renes divertatur: exhibentur non raro astringentia, sed putarem illa magis obesse quam prodesse, & maxima illorum pars remanet in intestinis. Iura quoque carniū hic magni esse possunt usus, ut secessio sanguinis iterum restituatur.

Anno 1679 eram cum clar. viro J. Van Dueren M. Doct. tunc temporis <sup>Diabetis</sup> Gornichemensi Exscabino visitatum in urbe Herculanâ (vulgo Henkelum) <sup>Historia</sup> rever. Virum *Henr. Van de Velde* ibi Ecclesiæ pastorem; eum invenimus diabete laborantem, singulis momentis mejebat, cum insatiabili siti, urina clara & pellucida, sapore dulcis. Cum nullum pharmacopolium præsens esset, collegi nonnullas herbas, nempe *Malvam arboream* atque *sylvestrem*, *lactucam*, *violariam* &c. ex hisce decoctum parabam: & brevi restitutus.

## XI. C A P U T.

DE MORBIS UTERI, NEMPE DE MENSTRUIS RETENTIS,  
& NIMIUM FLUENTIBUS; FLUORE ALBO; FLUORE  
UTERINO; HYSTERICA PASSIONE; INFLAMMATI-  
ONE, ULCERE, SCIRRHO & CANCRO; UTERI  
INFLATIONE & HYDROPE, &c.

**M**ENSIBUS OBSTRUCTIS aut RETENTIS Mulierum sexus plurimos morbos incurrit. Causa hujus retentionis est osculum uteri arctissime clausum, vel cum hujus vasa obstructa sunt; vel quando sanguis nimium est crassus, viscidus & tardigradus, ita ut deficiente vigore, vasa in uterum hiantia, non satis aperiantur: cui rei non parum contribuit in primis viis assumptorum mutatio; quibus corruptis, necessario quoque sanguis producit corruptus. Ansam item non minus præbet liquor ovulorum in ovariis, à quo etiam menstruus fluxus dependet, vel quando ova deficiunt, tunc sanguini vigor iste non inspiratur. Aliæ enumerari possunt causæ, ut Inflammatio, scirrhus, uteri clausura, &c. Post conceptum etiam retinentur, sed de hac re hic dicendi non est locus. Si uteri osculum arctissime fuerit clausum, menstruus sanguis viam, per quam exeat, non inveniens, per tubas ova in uterum ducentes, facile in abdominis pelvim decidit, idque tam virginibus, quam viro junctis, & viduis junioribus contigisse Anatomica inspectio testatur.

In hoc casu signa habeantur, ut Medicus noscat, num fœmina utero gerat nec ne, solet enim Meretricum genus Medicos fallere: in fœtum gestantibus solet color esse ordinarius, sed in mensibus obstructis, pallidus & squallidus. Symptomata prægnantibus in principio advenientia, sensim evanescent ast



in aliis potius augentur. Mense quarto aut quinto post coitum, fœtus se movere incipit, verum in aliis tumet sæpe abdomen quidem, sed est aquosum & non renitens. Hilariores solent esse imprægnatæ, cum aliæ tristes sint. In gravidis osculum uteri clausum & durum est, non item in iis, quibus Menstrua denegantur.

Si Menstrua in non gravidis deficient, sæpe incidunt in Febres, Obstructiones, Hystericas passionēs, Cachexias, Hydropem, Lipothymias, Stomachi difficultates, Cephalalgias, Cardialgias &c. alias per se iste morbus periculosus non est.

In curatione volatilia & oleosa sunt præscribenda, uti & balsamica, Diuretica, & sanguinem attenuantia, uti sunt.

Radices *Allii*, *Angelicæ*, *Pastinacæ*, *Porri*, *cepæ*, *Raphani silvestris* & *sativi*, &c. Cortices *Capparum*, *Lauri*, *Tamarisci*.

Herbæ & Folia *Abrotani*, *Absinthii*, *Apii*, *Artemisiæ*, *Betonica*, *Calaminthæ Montanæ*, *Chæresolii*, *Chamædryos*, *Chamæpytios*, *Cochleariæ*, *Fœniculi*, *Melissæ*, *Menthæ sativæ* & *aquaticæ*, *Menthastri*, *Nasturtii*, *Neptæ*, *Origani*, *Petroselinii*, *Pulegii*, *Rorismarini*, *Rutæ*, *Sabinæ*, *Salviæ*, *Satureiæ*, *Tanacetii*, *Thymi*, &c.

Flores *Camomillæ utriusque*, *Croci*, *Lavendulæ*, *Lupuli*, *Matricariæ*, *Origani*, *Tanacetii*, &c.

Baccæ *Juniperi* & *Lauri*.

Semen *Ammeos veri* & *Vulgaris*, *Angelicæ*, *Anisi*, *Apii*, *Levisticii*, *Pastinacæ*, *Porri*, *Rutæ*, *Sinapi*, *Dauci* &c.

Gummi *Asfæ fœtidæ*, *Galbani*, *Ammoniacy*, *Myrrhæ*, *Sagapeni*, *Caphoræ*, &c.

*Millepedes*, *Castoreum*, *Chelæ cancrorum*, *Oculi cancri*, &c.

Spiritus & Oleum *Succini*, *Juniperi*, *Urinæ*, *Salis Armoniaci*, *Chalybeata*. Spiritus *Sabinæ*, *Pulegii* &c. ex hisce & similibus varia oriuntur præparata.

In hoc ergo casu causæ sunt profligandæ ut viæ uterinæ relaxentur. Quidam in pede venæ sectionem moliuntur, sed incassum, quia sanguis non peccat copiâ, sed qualitate, nam nimis est viscidus, tenax & incrassatus: sed si quis vult purgationem instituere, addat Purgantibus *chalybeata*, *Asfæm fœtidam*, *Myrrham*, *Castoreum*, *Oleum Sabinæ*, vel *succini*: vel paretur ex *Matricaria*, *Sabina*, *Semine Dauci* & *Levisticii* coquendo extractum; potest post purgationem quædam menstrua pellentia Medicus præscribere, ut

*Recipe* *Sabinæ* recens ficcata, *uncias tres*.

Sem. *Levisticii*,

*Dauci*, ana *unciam semis*.

*Boracis*,

*Croci*, ana *drachmas duas*

*Magisterii Chalybis*, *drachmanam unam*.

*Spiritus Juniperi*, *uncias triginta*.

Misce fiat Vinum Medicatum.

*Dosis*



*Dosis* est unius Cochlearis, matutino tempore. vel,

*Sume* Tartari Vitriolati, *unciam semis*.

Magisterii Martis,

Flor. Salis Armoniaci, *ana drachmas duas*.

Olei Sabinæ, *drachmam unam*.

Sacchari albi, *uncias duas*.

Misce fiant Tabellæ.

*Dosis* ad drachmas duas. vel

*Recipe* Mastichis,

Myrrhæ,

Olibani,

Succini, *ana libram semis*.

Sabinæ, *uncias quatuor*.

Castorei, *uncias duas*.

Spir. vini rectificati, *libras quatuor*.

Digerantur, destillentur, Cohobentur.

De hoc spiritu in retentis Mensibus, Hysterica passione, Partu adverso, &c. aliquot guttæ cum vino sumantur. vel,

*Recipe* Castorei, *drachmas duas*.

Salis Succini volatilis,

Armoniaci volatilis,

Artemisiæ, *ana drachmam semis*.

Spir. Vini, *uncias octo*.

Misce fiat S. A. Tinctura.

Quæ filtranda & cochleatim cum vehiculo assumenda : vel.

*Recipe* Spir. Vini, *uncias sex*.

Sabinæ, *Manipulum semis*.

Chalybis, *unciam semis*.

Cantharidum, *scrupulum semis*.

Misce.

*Dosis* sit semicochlear singulis diebus.

E regione matricis applicatur Emplastrum ex Gummi Ammoniaco, *Assâ fœtida*, Oleo sabinæ, &c. vel per metrenchytam *Decoctura Sabinæ*, &c. est injiciendum. Balnea etiam institui possunt, & inter olera jusculenta admisceri, ea, quæ huic affectui conveniunt. Valet decoctum Allii cum lacte : uti & Balsamum Sulphuris Terebinthinatum & succinatum, &c.

Habentur fœminæ, quæ ut menstrua retenta, revocentur, aliarum fœminarum sanguinem assumant : quod propter sal volatile fieri debet, Sanguinis fermentum illi sanguini proprium. Inveniuntur ancillæ, quæ domus œco-<sup>menstrui</sup>nomiæ præsumunt, sanguinem menstruum cibis aut potui Domini sui, necdum <sup>assumpti</sup>matrimonio juncti admiscentes, ut eum amore alliciant. Sed ob fermenta-<sup>sympto-</sup>mata



tum sanguini & succis Heri non respondens, in delirium incidunt, sanguis ab omni parte erumpit. &c. Vide obs. Cl. Doct. *Stalpart van der Wiel*. Sed cur hoc foeminis, eundem sanguinem assumentes, non accidit? quia simile non agit in simile, nam fermenta & influxus subtilis materiae conveniunt, quod in virisita non est.

Fluxus  
mensium  
nimius.

Nunc de NIMIO MENSIVM FLUXU aliquid dicendum est: *Causa* consistit in sanguine nimis falso, acri & inspissato, quo tamen matricis vascula non obstruuntur. Sanguis is à tergo magnopere protrusus, magnâ vi foras erumpit, uti fit in Narium Hæmorrhagiâ aliquando à sanguine acri, falso & incalcescente: cum enim non possit minuscule vasa subire, per latera erumpit. Hisce accedunt pororum aut vasorum relaxatio a pertione, perturbatione aut dissectione. Item per lapsum, casum, vulnera, terrores &c. In nimio fluxu, vacillant vires, ideoque periculosus; metus enim est hydro-  
pis, cachexiæ, vertiginis, lipothymia, &c.

Retardandus est sanguinis imperus; deinde sanguinis *duritia* est attenuantibus & acria temperantibus corrigenda. Si sanguinis effluxus fuerit nimius, brachia & crura ligentur, & aliquando solvantur. Interim sequens cochleatim datur, ut

*Recipe* Tincturæ catechu, *uncias tres.*

Mastichis,

Ocul. Cancr. *ana drachmam unam.*

Caphuræ, *drachmam semis.*

Opii præp. *grana duo, aut tria, pro rei necessitate.*

Misce. vel,

*Sume* Thuris,

Mastichis,

Cort. ovorum, *ana partes æquales.*

Misce fiat pulvis.

Singulis diebus sumatur drachma integra. vel

*Accipe* Cretæ albæ,

Mastichis, *ana drachmam unam.*

Ocul. cancri,

Musci quercini, *ana scrupulum semis.*

Laudani Opiati, *grana duo vel tria*

Vini (Vulgo *Vin Tint*) *uncias sex.*

Misce sumatur cochleatim. vel,

*Sume* Mastichis,

Boli Armeniæ,

Chalybis præp. *ana scrupulum unum.*

Sacchari Saturni, *grana sex.*

Caphoræ,

Cretæ albæ,



Ocul. cancri, *ana drachmam semis.*

Lapidis prunellæ, *scrupulum semis.*

Terebinthinæ Venetæ, *quantum sufficit.*

Misce fiant pilulæ.

De quibus quotidie scrupulus matutino tempore sumendus. vel.

*Recipe* Cort. ovorum,

Philonii Romani, *ana drachmam unam.*

Misce fiat Bolus. vel.

*Recipe* Gallarum,

Mastichis,

Flor. Rosarum rubrarum,

Cretæ albæ,

Fol. Quercus,

Boli Armenæ, *ana scrupulum unum.*

Salis Saturni, *granatocto.*

Croci Martis, *drachmam unam.*

Misce fiat pulvis.

*Dosis* esto drachma unica.

Si opus sit, alvus laxetur *Rhabbarbaro & Myrobalanis.* Supra matricis regionem linimentum præscribunt applicandum, ex *Unguento Conitissæ & sale saturni*, sed frustra, quia vires ad ipsum uterum non penetrant; ejusdem quoque valoris tenendum *vinum rubellum* cum *gallarum pulvere* linteis applicatum. Multum juvat lac oryzatum cum cinamomo & pulvere ovi testarum. Accedunt huc etiam omnia chalybeata & Lapis Hæmatites, neque minoris est valoris vinum illud nigrum, quod vulgo audit *vintint*. Vagina quidem claudi potest linteo combusto, bolo, Thure, &c. sed hoc non suaderem, quia tunc sanguis facile coagulaturus intus remanet, ibique putresceret.

In menstribus nimium fluentibus præscribit vir Clar. *Ferd. Gruinwart* Med. Doctor, (apud Goefanos in Selandiâ primarius & Consul gravissimus &c.) sequentem pulverem; sumit lini stupam, quam semel & bis ad candelam accendit, & suffocando extinguit; huic pulveri inspergit justam maceris pulverisati quantitatem & pubi applicare jubet, qui manu admotâ ita tenetur, ne decidat. Dicit esse remedium optimum ad sistendos maximos fluxus: addit, se expertum loqui.

Transeamus nunc ad FLUOREM ALBUM, qui est fluxus albi cujusdam humoris ex vaginâ aut utero qui incerto tempore apparet, vel qui Fluxus continuus albus. est. In iis sæpe facies pallor est, respirandi difficultas, tristitia, nausea, respirandi molestia, circum oculos, præsertim matutino tempore inflatio est sive tumor, lassitudo, vires sine vigore: urinæ crudæ & turbidæ, cibos non appetunt. Sed illa signa magis locum habent in Junioribus quam adultis, quibus illud malum magis familiare est, præsertim cessantibus menstribus; ideoque *menstrua alba* vocantur. Menstrua alba. Manuum, pedum ac crurum torpor sæpe adest cum



cum pruritu imo & per universum corpus. Nonnunquam dolore vexantur capitis. Porro Tyrones sæpe falli possunt, ideoque distinguendum à *Gonorrhœa*, nam in fluore albo congressus est absque dolore, ac humor minoris est quantitatis & consistentia est crassior; habetque albedinem splendidam fluitque majori intervallò, raro cum foetore. Ast si *Virulenta* fuerit, cognoscitur ex urinâ ardente, *ulceribus* circa pudenda, aliisque signis malignitatem indicantibus. Deinde pus materiâ excretâ multò crassius est, albidius, ac minori copiâ si bene sit coctum: ast si materia sit acris & tenuis, congressum non amant, quia dolorem sentiunt.

*Causæ* consistunt in glandulosâ uteri vel vaginæ aut utriusque substantiâ, nimium relaxatâ; hinc nimia istius humoris copia secernitur, qui, licet sanitatis tempore semper separetur, hic tamen præter solitum fit secretio, idque ad molestiam usque: eodem modo hoc peragitur ut in ptyalismo post reconvalescentiam, relaxatis enim ductibus salivalibus, copiosè spuitur. Præcedens causa etiam in ipso sanguine est quærendâ. cum nimium sit viscosus aptusque, ut per poros istarum glandularum transmittatur. Sic cessantibus menstruis, viæ nihilominus patent, atque sic loco menstruorum, liquor albus à sanguine deponitur. Hoc malum lethale non est, sed si continuò fluat, vires consumuntur, unde *Lassitudo*, *Respirandi difficultas*, *Apepsia*, &c. In principio facile curatur, sed postquam radices egerit, vix restituitur: sic ob virium dejectionem sæpe infœcundæ redduntur, aut hydropicæ, cachecticæ, tabidæ, exulceratæ &c.

Si in sanguine sint viscidii humores, etiam in intestinis hærebunt, & expurgari debent: & si relaxatæ aut obstructæ sint glandulæ matricis, restituendæ sunt. Purgandum, aut potius laxandum est cum *Rhabarbaro*, *Jalappâ*, *Mechoacanna*, &c. addendo *Salsuccini volatile* vel simile quid. Acidum temperantia hic desiderantur, eodem modo ac dixi cum de nimio fluxu menstruorum agebam. vel

*Recipe* Mastiches,

Thuris,

Ocul. cancri, ana partes æquales.

Misce fiat Pulvis.

Sumatur singulis diebus bis drachma una. Astringentia quædam aromatica hic usui veniant oportet, ut *Nux Moschata*, *Santalum citrinum*, *Mastix*, *Olibanum*, uti & ex iisdem suffitus præparari possunt, sed an sint multarum virium, mihi non persuaderem. Conveniunt quoque *Martialia*, uti & usus *Rhabarbari* cum *Terebinthina*, nec non Decoctio ex *Salsa parilla*, *China*, *Gujaco*, *Sassaparilla*, &c. conveniret hic quoque usus *catechu* sive ejus Tinctura; item *cortices ovorum*, *granatorum* &c.

Furor  
uterinus.

Sequitur nunc morbus FUROR UTERINUS dictus, qui potius est *Furor* & *Appetitus ad coitum*, sine pudore aut Metu, quibus obscæna & impudica verba accedunt. In principio, quoniam iste furor sensim & gradibus augeatur, animi adhuc compotes quidem sunt, verum tristes, pauciloquæ, cum

ocu-



oculorum circumvolutione, hinc & inde vertentium, cum lasciviâ, & faciei rubore : sæpe augetur, præcipuè si de ejusmodi rebus sermo instituitur, deinde respiratio mutatur & pulsus. Postea vero augescente furore rixari incipiunt & flere, & sæpe in risum erumpunt : plurima enormia effutiant, idque imprudenter, ex quibus nihil certi colligere est; deinde interim ad se redeunt, donec novus paroxysmus adveniat. In summo gradu cum pervenerint, quosvis palam ad se vocant, ut cum iis coeant.

*Causa* consistere videtur in fermento uteri admodum falso & acri, nempe hujus, qui continuè ex uteri & vaginæ glandulosis acinis stillat : atque hoc membra genitalia admodum convelluntur, ac inflantur, unde spiritibus inclinatio ad coitum imprimitur. Morbus hic maximè accidit virginibus & viduis junoribus, quibus sæpe, ut coire possint, occasio est. Contingit & quidem nuptis, cum à maritis non fiunt satis, vel cum uxores non amant. Præter hoc, docemur ex earum cadaveribus, ovaria sæpe tumere, ac inflammata esse, quod evenire debet ob acrimoniam, quâ ovula roduntur, unde humorum circulantium quædam retardatio & inflammatio : uti fit in externis nostris partibus, cutis enim ut rosa tumet & inflammatur : materia itaque rodente ibi moram trahente, oritur ardor ac vehemens titillatio, cui rei contus in remedium facecit. Huic quoque rei juvenus facit, & succorum vigor; potus vini nimius, aliorumque potuum inebriantium : Esus rerum calefacientium & pinguium. Odor zibethi, aut moschi; adulationes Amatorum : lectio libellorum ac cantilenarum de re amatoriâ tractantium; conversatio cum hominibus de rebus lascivis loquentibus, &c. In principio quidem curatur, verum malo augescente, in Furorem aut Maniam mutatur. Si Paroxysmus raro recrudescit spes est; vel si narratiunculæ ejusmodi audientes in paroxysmum non incidunt.

Acrimonia est temperanda; ac si obstructio adsit, referanda; deinde Victus ratio est habenda. Quoad remedia, ea sunt eadem ac de Maniâ dicemus. Fiat nempe Venæsectio, quæ aliquando repetenda, tunc sanguis & consequenter omnes succi, ex quibus furor originem trahebat, refrigerabuntur: at quoniam ipsam radicem non tollit, & non raro exacerbatur, ideoque alia temperantia sunt adhibenda, quibus acrimonia extirpatur, & obstructiones deobstruuntur. Si menses non fluant, proliciendi sunt. Alcalia petrosa, Martialia, & Diuretica hic magni usus esse possunt. Aliquando purgandum, ut acres humores ejiciantur. Lumbi illinantur *Oleo Hyocyami*, *Papaveris*, *Myrtillorum*, *Unguento Astringente vel Albo camphorato*, *Calcis*, *Populei*, *Refrigerantis Galeni*, &c.

*Diata* sit ex cibis oligotrophis; sint abstinentes & abstemiæ à vino : nam

*Sine cerere & Baccho friget Venus.*

Cibine sint falsi nam

*Orta Mari Venus.*

Et si de rebus obscœnis fiat locutio, tunc abeundum, ne audiantur.

Novi virginem in vicinis meis, quæ concionatorem viduum ardenter amabat,



Furoris  
uterini  
Historia  
&

bat, & cum compos voti fieri non poterat, in furorem redacta est: Facies erat pallida, & oculi fulgidi. Non procul à vicinis alia erat, virum conjugio junctum amans, etiam in furorem erupit: erat pallida, tristis, deliranti similis, oculifulgidi, taciturna.

*Virgo furore uterino tacta, tanta mania fuit correpta, ut catenis vinciri deberet. Interim ex improvise obiit.*

Anatome.

**A** Perto cadavere, ovarium dextrum pugni magnitudinem æquabat, succique plenum.

Impotentia  
venerea  
in  
viris.

*Venerica impotentia* in viris dicitur; quando quis penem coeundi gratiâ tendere nequit; vel si erigere queat, statim ante pudendi introitum, collabascatur: & tunc *languiditas* dicitur. *Venus* quoque *imperfecta* dicitur, quod, quamvis erectio fiat, & introitus inculpabilis, nullum tamen semen ejaculetur.

*Impotentia* nascitur, ob defectum testiculorum vel ipsius penis, præsertim glandis, cujus præsertim titilatione ad Veneris actum incitamur. Hisce accedit paralytis, obstructio testiculorum, vasorum semen deferentium coalitio; seminis destitutio: tumoris adnascencia; vidi ante aliquot annos virum præpinguem, cujus penis in corpore ita latebat, ut dixisses esse foeminam, quia rimam instar pudendi muliebris habebat, is tamen penem potuit exercere, sed coitioni ob brevitatem & prætumidum ventrem non videbatur aptus. Idem contingit hydropicis: accedunt excrescentiæ in urethra, ulcera glandis &c. In hisce Medela non est expectanda.

Sunt qui statim ante introitum *languidi* sunt: hoc fit, quando supini decumbunt, vel in uno alterove latere, tunc sanguinis impletio libera satis est, & penis erigitur, præsertim si uxoris manu demulcetur. Ast si sese erigant, & more solito velint coire, tunc omnis sanguis, quo penis tendebatur, subito per venas regreditur, unde flaccessere penem necesse erat, accedit, musculos, qui tensionis tempore venam aliquatenus comprimebant, nimis longos aut impotentes esse, hinc sanguis statim elabatur venis, & per consequens ex toto penis corpore.

Hisce suasi alio modo debitum uxori solvant, nempe si decumbant lecto, ut uxor cum vulvâ supra Mariti corpus incumbat, ut penis jam erectus, absque situs mutatione à vagina amplectatur: & res succedit. Item si juxta uxorem cumbant, tunc penis absque situs mutatione, à parte posteriore introduci potest. Similia sæpe suasi, idque non sine successu, nam plurimi eorum plurimos liberos generasse novi, qui alias non potuerant: item, si Maritus sedeat supra sedem ordinariam, & erectum penem per uxoris posteriora in vulvam trahat, res quoque non sine fructu eveniet, καὶ ταῦτα μὲν δὴ ταῦτα. Præscripti, quidem condita, ut sequitur:

*Recipe* Rad. Satyrionis, uncias, duas.

Nucis Moschatæ conditæ unc. unam.

Moschi grana sex.

Ambra



*Ambra griseæ grana quatuor. Misce.*

Iussi quoque penis illinatur liquoribus spirituosus roborandi gratia.

Quidam quidem coeunt, sed nihil emittunt, ut Eunuchi, & hisce similes nati. Vel sæpius ejecto semine quidem tendunt penem, sed loculis exhaustis, nihil sequitur.

*Impotentia* viris crebrius quam mulieribus accidit: contingit tamen, ob ulcera vaginæ aut uteri: excrecentias, polypos, viarum angustiam, qua membrum virile admitti nequeat: ob nimiam penis longitudinem: ob clitoridem nimis longam & præter modum turgidam mulieres concipere nequeunt; hinc quædam nationes illam partem amputant. Sæpe Tubæ Fallopiæ adco concretæ, ut ova admitti, & fœcundari nequeant. Sic nimius fluxus albus semen virile obtundit, suffocat, ita ut ejus aura fœcundans per uterum & tubas penetrare non possit. Sunt, quæ nullam voluptatem sentiunt, & hæc steriles dicuntur, quod tamen non semper evenit; novi enim plures, quæ confitebantur nullam in coitu sentire voluptatem, quæ tamen liberos pepererunt, è contra novi lascivas, nullos liberos habentes. Accedit mulierum crura admodum crassa & brevia, ita ut membrum virile admitti nequeat. Sed tunc res à parte posteriore satis succedit.

Et in mulieribus de sterilitate.

Si ab albo fluore, curari debet, ut de illo morbo præscripsimus: si à gonorrhœa, ea removenda, uti & ulcerationes, polypi. Si Tubæ sint concretæ, nulla spes est. Si voluptatem non sentiant: præscribe sequentem conservam aut Tincturam.

*Recipe* Nucis Moschat. Cond. *unciam semis.*

Sem. Fraxini.

Erucae,

Nasturtii, *ana drachmas duas.*

Rad. Pyrethri, *drachmam unam.*

Moschi, *grana sex.*

Julapii rosacei, *q. s. Misce.*

Si Vinum Medicatum desideres, tunc misce conditi præscripti materiam unciis triginta vini Hispanici, post aliquot dies per linteum cola, & de eo nonnunquam bibe: addi possunt tam condito quam vino grana quædam cantharidum, sed hoc non suaderem.

*Hysterica*

Quamvis HYSTERICA PASSIO potius accensetur morbis convulsivis; nihilominus tamen quia pertinet ad morbos mulierum, Historiam istius hic enodabo. Estque nihil aliud quam convulsio nervorum paris vagi & intercostalis, raro in aliis nervis, nisi quod paroxysmus sit admodum gravis; hisce accedit ascensio rotundialicujus corporis in abdomine; adsunt murmura, inflationes Hypochondriorum; vomitus aliquando, flatuum excretio; inæqualis respiratio; faucium suffocatio, vertigo & circumrotatio oculorum, strangulatio faucium: nonnunquam adest risus aut ejulatus; sermo inconditus; aliquando tacent & immobiles manent; livor faciei; pulsus sanis similis, sed interdum languidus aut insensibilis.



Sæpe latet in ipsis spiritibus causa, cum nimium sint debiles, minimaque occasione in motus convulsivos cieantur; uti & acris menstruorum humor, aut uteri hydrops; aut ab humoribus in ovariiis corruptis. Sæpe causa in liene, hepate aliisque visceribus absconditur (nam illud malum non raro in ipsis viris imo & pueris observavi) quorum succi, ob titillantem acrimoniam, nervos vellicant ac derepentè in convulsiones trahunt; hisce accedit fæminarum debilitas, qua minimâ occasione à passionibus mutantur, atque sic spiritus per viscera pectoris, & abdominis, per diaphragma &c. mediantibus nervis paris vagi & intercostalis euntes, ad convulsivos motus invitantur. Sic itaque omnia intestina versus diaphragma, globi instar contrahuntur, quem mulierculæ, sed malè, putant esse matricem ascendentem. Et quoniam pulmones comprimuntur, & plexus nervosi in collo contrahuntur, videntur suffocari, nam muscoli œsophagi & laryngis etiam contrahuntur, & exinde suffocari videntur. Hinc quoque ob vasa sanguinea contracta & coarctata, livor accedit faciei. Qui ulterius desiderat scire quomodo convulsiones oboriuntur, mea audeat *Institutiones* oportet.

Morbus hic sæpe chronicus est & non sine molestiâ, præsertim in adultis, superatur. Raro periculosus, nisi symptomata sint admodum gravia. Post puerperium in junioribus quidem per se sanatur: verum si ipsis puerperis adveniat, periculo non vacat. In paroxysmo sternutatio, bonum. Bene olentia ut *Moschus*, *Zibethum*, *Cinamomum* &c, ut & foetida nempe fumus recens, extinctæ candelæ, Paroxysmum facile recrudescere facit.

Primo itaque paroxysmus est fugandus: deinde opera danda ne redeat: nempe sanguinem purificando: ut spiritus roborentur, & quod in utero aliisque partibus irregulare est, corrigatur. In hoc casu præscribuntur volatilia oleosa, quibus robur additur spiritibus, sanguinique fluor accedit. Ut sunt.

*Capa*, *Abrotonum*, *Artemisia*, *Betonica*, *Apium*, *Levisticum*, *Matricaria*, *Mentha*, *Nepeta*, *Petroselinum*, *Porrum*, *Pulegium*, *Ruta*, *Sabina*, *Salvia*, *Satureia*. Cortices *Arantiorum*, *citriorum*. Flores *Anethi*, *Camomillæ* utriusque, *Croci*, *Matricariæ*. Baccæ *lauri*, *Juniperi*. Semen *Ammios*, *Dauci* *Vulgaris*, *Petroselini*, *Sileris montani*, *Porri*, *Rutæ*, *Sinapi*. *Asa fatida*, *Camphora*, *Galbanum*, *Myrrha*. *Castoreum*. *Tinctura Croci*, *Castorei*, *Sabinæ*. *Balsamum succini*. *Spiritus succini*, *Urinæ*, *Salis Armoniaci*, *Cornu cervi*, &c. *Oleum succini*, *Caphoræ veræ*, *Sabinæ*.

Levis paroxysmus per se evanescit, vel odore *tincturæ Asæ fatidæ* profligatur; ast in gravi omnibus viribus laborandum, ut paroxysmus abigatur. Ufurpanda itaque ea, quibus spiritus impetuosius refrænantur, atque ea sunt præparata ex *Asa foetida*, *Castoreo*, *Galbano*, *oleo succini*, *spiritu salis armoniaci*, &c. primo ægra in lecto collocanda, ita ut caput elatius sit quam pedes, deinde cingulum lumbis accommodetur, arctiusque stringatur: itidem crura vinciantur, & aliquando relaxentur; fricationes artuum etiam non sunt spernendæ. Sic etiam supplantalia pedibus accommodentur ex *sapone*, *sale*, *Matricaria*, *ruta*, &c. Naribus adhibeatur *oleum succini*, sed ante omnia *spiritus salis armoniaci*, quidam accendunt *sulphur*, verum quia pulmonibus nocet, non suadendum; potius accendatur *ungula caballina*, *corium*, *lintheum*, *tabacum*, &c.



&c. Vel naribus infletur sternutatorium, ex *Tabaco*, *Pipere*, *Helleboro albo*, *Pyrethro*, &c. aut *capa* decorticata admoveatur. Præparentur enemata, ex *Sapone Veneto*, & *Sale*, vel ex *sale*, *oleo* & *cerevisia*; uteri vaginæ intrudunt nonnihil *Moschi*. *Zibetho* umbilicum ungunt, vel ei emplastrum applicatur ex *diapalma* & *caphura*. Vel abdomini applicatur fots: Ex. gr.

*Recipe* Fol. *Artemisiæ*,  
*Matricariæ*,  
*Pulegii*,  
*Salviæ*,  
*Rutæ*, ana *Manipulum unum*.  
 Sem. *Levistici*,  
*Dauci*, ana *unciam unam*.

Coquantur ex *Aquâ* ad uncias quindecim, *Colaturæ* adde,  
*Olei Rutæ*, *uncias duas*.  
*Spir. Terebinthinæ*, *drachmas duas*.  
 Misce fiat *Fomentum*.  
 Vel utere sequenti *Linimento*.

*Recipe* *Olei Rutæ*, *sesquiunciam*.  
*Spir. Terebinthinæ*, *drachmas duas*.  
*Caphoræ*, *drachmam unam*.  
 Misce fiat *Linimentum*.

Huic immittatur spongia atque vaginæ intrudatur: imo pannum laneum, hocce linimento saturatum, abdomini applicabis.

Ossi clausum fuerit, cochleari aperiendum, & sequens *Mixtura* est infundenda: ut

*Recipe* *Spiritus Pulegii*, *sesquiunciam*.  
*Olei Succini*, *Guttas quatuor*.  
*Castorei*, *scrupulum semis*.  
*Opii præpar.* *granum unum*.  
 Misce. vel,

*Recipe* *Aquæ Anthystericæ*, *sesquiunciam*.  
*Tincturæ castorei*, *unciam semis*.  
*Spir. Cornu cervi*, *guttas sex*.  
 Misce.

Post paroxysmum sacculus ex *Asja Fœtida*, *Castoreo*, & *oleo succini*, de collo suspendatur. Deinde alvus leniter solvenda *elixire salutis* aut *Proprietatis*, aut vino quodam laxante, cui simul insunt vires *Asæ fœtidæ*, *castorei*, *Myrrha*, &c. deinde *Martialia* profunt, ut



*Recipe* Aquæ Pulegii,  
 Antepilepticæ, *ana uncias duas.*  
 Tinct. Castorei,  
 Magisterii chalybis, *ana drachmam semis.*  
 Tinct. Sabinæ, *unciam unam.*  
 Misce detur cochleatim. vel,

*Recipe* Sem. Pastinacæ,  
 Bacc. Sambuci, *ana unciam unam.*  
 Castorei, *drachmam semis.*  
 Chalybis præp. *drachmas duas.*  
 Spiritus Vini, *libram unam.*  
 Post aliquot dierum infusionem, detur matutino tempore ad cochlearia  
 duo. Vel loco hujus.

*Sume* Fol. Matricariæ,  
 Nepetæ,  
 Pulegii, *ana Manipulum unum.*  
 Sem. Dauci,  
 Pastinacæ, *ana uncias duas.*  
 Castorei,  
 Bacc. Lauri,  
 Croci, *ana drachmas duas.*  
 Vini albi, *libras quatuor.*  
 Misce fiat destillatio.

Jejuno stomacho sumatur cochlear unum.

Maximè conveniunt extra paroxysmum pilulæ ex *Assa foetida*, *anamonio*,  
*Castoreo*, *oleo succini*; &c. si singulis diebus una aut duæ deglutian-  
 tur.

Si quid difficultatis in utero fit, corrigi debet. Contingit interdum ute-  
 rum nimis in partu difficili divelli: vel frustum secundinarum retineri, vel  
 lochia non ritè procedere, unde ejusmodi plagæ sæpe remanent. Men-  
 strua si non procedant, promovenda. Si ex aliis partibus læsis proveniat,  
 malum expellendum.

In *Victus ratione*, abstineant ab Irâ, Tristitiâ, & effuso gaudio, hoc  
 enim modo spiritus admodum irritantur, & facile Eclipsin cum convulsio-  
 nibus totius corporis patiuntur, ideoque Epilepsiæ species: ab ea enim gra-  
 dibus tantum differunt. Cibi sint Eupepti, non dulces, quia dulcia illis  
 sæpe nocent: neque dyspepti, quia, præsertim nocturno tempore in convul-  
 sivos motus sæpe incidunt, ventriculi enim ac intestinorum nervi tunc irri-  
 tantur: sed ab *Assâ foetida* statim levamen sentiunt; ab alvum nimis com-  
 moventibus sese quoque temperent oportet; illis enim intestina nimis irri-  
 tantur; ut, si lactucam sumant, aceto & oleo, ut solet, irroratam, & dein-



de lac, tunc sæpissimè commovetur alvus, &c. cerevisia sit bonæ notæ, & Vinum merum. Si in causâ sint vermes, paroxysmus primo profligandus, deinde singulis diebus ægrotans sumat Tincturæ seminis fantonici, & aloes, cum vino Hispanico extractæ uncias duas.

Cum de UTERO nobis sermo sit, etiam de ejus INFLAMMATIONE & EXULCERATIONE aliquid subnectemus. Quid sit Inflammatio hic non dicemus. Sed ad alia properemus: Totus uterus vel inflammatur, vel ejus tantum pars: Uteri inflammatio, & ulceratio. inflammatio quoque vel interna vel externa est; in membranis, vel substantiâ mediâ; vel est in vaginâ. Causa est per se à succis ibi stagnantibus, *hisque* acribus, & rodentibus, ut sunt menstrua, aut liquor albus semper emanans: aut alii succi ibi congregati, vel ab injuriis externis, ab ictu, casu, &c. sit ut sit, respicimus solummodo inflammationem. Vix à vesicæ inflammatione distingui potest, ut neque de recti intestini: quia utero affecto per cognationem nervorum & membranarum, omnes vicinæ partes afficiuntur. Verum si digitus in vaginam trudatur, tunc omnia admodum calescunt; imo & magis clauditur osculum, & introrsum contractum est: rubicunda etiam magis sunt omnia, cum conspicuis vasculis sanguineis: ardens adest febris, & sæpè cum externorum frigore, cui per vices repentinus calor supervenit; adsunt continui ferè horrores: lingua sæpe nigra est & sicca non sine intolerabili siti, vigiliis, delirio, corporis jactatione. Tument aliquando mammæ, atque caput dolet; totum corpus dolere videtur, ab inguinibus ad costas, diaphragma, pleuram, cum respirandi difficultate, pleuritidem sæpe mentiens; Hisce accedunt vomitus, nausea, singultus, urinæ retentio, astricta alvus: pulsus parvus, qui in principio durior est: adveniunt deliquia, extremorum frigus, sudor frigidus, præsertim circa frontem & faciem. Si in ulcus degeneret, symptomata vehementiora sunt, quæ levantur, facto pure.

In hoc affectu itaque est stagnatio lymphæ, chyli &c. quibus membranæ convelluntur, contrahuntur, tument, &c. quâ de causâ omnes succi à circulatione debitâ prohibentur, unde incallescuntia & dolor magnus. Dolor oritur vel ex materiâ extravasatâ, vel à sanguine à tergo accedente & membranas extendente, cui transitus denegatur, atque eodem aggesto tumor augetur, rubedine afficitur, unde & dolor & calor: sanguine à stagnante humore infecto, tota quoque sanguinis massa inficitur uti & chylus, &c. hinc continuæ febriles incallescuntia &c. Consule de inflammationibus *Institutiones* uti & *Chirurgiam* nostram. Cohæsió membranarum ac confinium inter se, uti & nervorum, causa est dolorum totius corporis, atque sic affectus per totum corpus dispergitur.

Hic morbus maximè periculosus est, imo lethalis, præsertim in prægnantibus; & non raro in Gangrænam aut Sphacelum, exulcerationem aut scirrhum mutatur. Melius est discutientia & resolventia in usum vocare, quam ut suppuratio promoveatur, tunc enim ulcus est diuturnum & foetidum cum tabidâ febre aut Hydrope. Convenientius est pus per vias ordinarias excerni, quam ut in abdomen stillet, tunc enim intestina quoque corroduntur.



Quidquid fixam habet sedem, resolvendum & discutiendum, & si fieri non possit, suppurandum, & excernendum. Alvus lenitivis laxanda, & si non respondeat, clysteres injiciendi, idque more solito una cum *Caphurâ*, Alvo applicari possunt fomenta ex *Caphorâ*, *Camomillâ*, *Lavendula*, *Meliloto*, *Salvia*, *Pulegio*, *Artemisia*, *Anetho*, &c. si inflammatio tendat ad ulcerationem, Emollientia sunt usurpanda, ut *Malva*, *Althæa*, *Beta*, *Parietaria*, *Violaria*, *Camomilla*, *Melilotus*. Semen *Lini*, *Fœnugræci*, *Caricæ*: deinde detergetur decocto *Plantaginis*, *Aristolochiæ*, *Millefolii*, *Rutæ*, *Salviæ*, *Rosarum rubrarum*, *Aloes*, *Myrrhæ*, &c. interim diuretica usu veniant inter vulneraria: ut,

*Coque* Fol. *Veronicæ*,  
*Alchimillæ*,  
*Virgæ aureæ*,  
*Petroselinii*,  
*Chærefoli*, *ana Manipulum unum.*

*Facta* ex aquâ decoctione ad uncias viginti, *Colaturæ* adde  
*Ocul. cancri*, *drachmas tres*  
*Elix. proprietatis*, *drachmas duas*  
*Misce* fiat Potio.

Sæpe ab obstetricibus uterus malè tractatur, unde inflammatio. Discant ergo uterum neutiquam fortiter extrinsecus comprimere, ut foetus nempe caput versus uteri osculum ducant; discant cautius agere in secundinis extrahendis, ne abdomen & per consequens uterum nimis comprimant. Sint prudentiores in obstetricatione, ne continuè absque necessitate manus in utero habeant, à qua frictione non raro uteri pars inferior inflammatur. Et quid dicendum de iis, quæ non verentur digitos in anum intrudere, ut foetus capiti exitum parent, unde tam facile intestinum rectum, & per connexum uterus inflammatur.

Ulcere deterso consolidandum est, Potionibus & Injectionibus ex *Radicibus Symphyti majoris*, *Succo Hypocistidis*, *Terebinthina*, *Lithargyrio*, *Sarcocolla*, *Tutia* &c.

A cibis calefacientibus abstinendum est, uti & ab animi pathematis, exercitio nimio &c.

Inflammationes non raro in SCHIRRHUM mutantur, sive à *Repellentibus* dictis, sive à sanguine extravasato, ibidemque indurato, aut alias. Adest in hoc casu tumor durus ac indolens, quod digitis cedere nequit. Menstrua non respondent, vel saltem parum sese produnt, verum postea aliquando magnæ Hæmorrhagiæ superviunt: hisce accedit, inter ambulandum, quædam gravitas. Si molam habeant, mammæ trunescunt, non item in scirrho. Curatio perdifficilis est, & potissimum, si malum sit inveteratum, tunc enim emolliiri nequit. Canceri venturi timore est, si acres humores ibi subsistant. Ex menstruis suppressis, non raro hydrops: quo scirrhus magis versus exitum, eo melius.



Materia impacta est dissolvenda, & fluori restituenda. Fetus ergo sunt parandi ac injectiones: ut

**Coque Rad.** Althææ,  
Liliorum alborum,  
Bryoniæ, *ana uncias duas.*  
**Fol.** Malvæ,  
Verbasci,  
Althææ, *ana Manipulum unum.*  
**Sem.** Lini,  
Fœnigræci, *ana unciam semis.*  
**Flor.** Meliloti, *Manipulum semis.*

Facto ad uncias viginti ex Aqua decocto, Colaturæ adde

Croci, *drachmam semis.*

Caphoræ, *drachmas duas.*

Detur pro Fotu & Injectione.

Cataplasmata externè applicata, uti & Emplastra videntur mihi nullius esse momenti: Verum in uterum mitti possent *oleum verbasci, liliorum alborum, Amygdalorum, &c.* deinde vagina arctè claudenda, ne quid delabatur, & olea diu intus remaneant. Unguentum quoque fieri potest utero calidè infundendum: ut,

**Recipe** Gummi Ammoniaci, *uncias duas.*

Butyri recentis, *uncias tres.*

Olei liliorum alborum, *drachmas duas.*

Misce fiat Unguentum.

Intus ea fumantur, quæ diximus de scirrho Hepatis & lienis: uti est *Tartarus Vitriolatus, Magisterium Chalybis, oculi cancri, limatura chalybis, uti & pilulæ ex Gummi ammoniaco & Martialibus &c.*

**UTERI CANCER** tumor est durus, qui pressus vestigium non relinquit, cum vehementi punctorio dolore in parte uteriglandulosâ. Causa est, Uteri can-  
uti in cancro mammarum, quod chylosa aut lymphatica pars in glandulis subsistat, ibique coaguletur, & in caseosam substantiam redigatur, quæ cum acris sit, vicinas partes, membranas &c. rodit, unde dolor: porro ob acrimoniam continuò serpit. Quando scirrhus accedunt acres humores, in cancerum degenerat: vel si glandulæ alibi sint contusæ etiam non raro in cancerum mutantur: succi enim per tubulos contusos meare ac remeare nequeunt, itaque ibi subsistunt, & acres fiunt. Dividitur in exulceratum, & non exulceratum. In utero non sine periculo est, & vix vel rarissimè curabilis.

Itaque faciendum quidquid possumus, & danda quæ acidam acrimoniam temperant, ac mordacitatem sistunt. ut

*Dissol-*



*Dissolve* Aceti Vini, *uncias decem.*

Minii, *uncias sex.*

Caphoræ, *drachmas duas.*

Misce.

Ex hoc Remedio fieri possunt Injectiones & Fetus.

Recipe aliquot *ovorum vitella* cum *aqua rosarum* & *sale saturni*, misceantur in mortario plumbeo, donec liquor livorem contraxerit, & utere ut prius. Si dolor sit intolerabilis, Anodyna sunt admiscenda ex *opio*, *croco*, &c. si Cancer fuerit exulceratus, Detergentia supra præscripta hic commodè adhiberi possunt, cui adde *Tutiam*, & *Myrrham*. Interna sint acidum temperantia ex oculi *cancro*, *Testis*, *Conchis*, &c.

Uteri In-  
flatio.

Videamus nunc quid sit UTERI INFLATIO, quando convulsionibus expanditur, ita ut foeminæ vel virgines videantur prægnantes. Inflatio illa vel est in ipso utero, aut intra ipsius membranas. Ab uteri Hydropere differt; quoniam hic sunt flatus, qui aliquando derepentè adveniunt, sed in aliis liquor est pituitosus. *Causæ* eadem sunt, ac de *Tympanitide* diximus; quibus accedunt plerumque convulsiones ex liene, hepate, mesenterio, &c. malè disposito. Item externum frigus, menstrua obstructa, cibi flatus producentes: lavationes in aquâ frigida, fluentibus mensibus: remanentia acrim humorum post partum in utero, &c. Cognoscitur ex tumore in Inferiore abdominis parte (qui in *Tympanitide* altior est & major) ex utero aliquando flatus emittuntur, si in ipsa sint cavitate, & si non, intra membranas inflatio est, Si adsit aqua, pondus in abdomine inter ambulandum sentitur; ast in *Tympanitide* non. In hac inflatione nunc dolor est major nunc minor, qui in uteri hydropere non adeo urget. Inflatio illa diu persistere non potest, ideoque non periculosa; verum si intra membranas sit, & diu persistat, mutatur facile in Hydropem.

*Curatio* eadem est ac de *Tympanitide* dictum: huic etiam accedunt quædam *Hysterica*. Supra uterum sacculi ex *fursure*, *sale*, *semine cumini*, *vino* madefactis, calidè imponuntur: & melius est *arena* cum *sale* & *fursuribus*; linimenta etiam conveniunt ex oleo *Anethi*, *Camomillæ*, *Castorei*, *Absinthii*, *Nardini*, *Laurini* &c. deinde applicari possunt *Emplastrum de cumino*, de *baccis Lauri*, *oxyrocei* & vel cataplasma ex stercore vaccino recenti, vel *facibus frumenti* Cocti, quæ à cerevisiariis & destillatoribus petuntur, uti ex *Levisico*, *Cumino* ex vino coctis. Ne fæces alvinæ uterum premant, clysteres aliquando sunt injiciendi, nam si induratae fuerint, utero dolorem inferrent: sequens matrici injiciatur:

*Coque* Summit. *Anethi*,

Flor. *Camomillæ*,

*Lavendulæ*, ana *Manipulum unum.*

Fol. *Sabinæ*, *Manipulum semis.*

Semi.



Sem. Anisi,  
Carei,  
Levistici, ana *Unciam semis.*

Aquæ, pluvialis,  
Vini, ana *libras duas.*

Colaturæ admisce.

Olei Castorei, *uncias duas.*

Misce fiat Metrenchyta.

*Fumigatio* ex Caryophyllis & nuce Moschatâ instituitur : uti & balnea nitrosa & sulphurea.

Ut cæteræ partes particulares in Hydropem incidunt, ita & uterus, quando <sup>Hydrops uteri.</sup> vasa lymphatica obstructa multum lymphæ congerunt inque hydatides sese dilatant. Hæc congestio fit extra vel intra uterum vel in ejus substantiâ intermedia : imo & in tubis Fallopiianis, & in ovariis ipsis, præsertim tumentibus ovis Hydatidesque repræsentantibus. *Signa* ferè eadem sunt ac de uteri inflatione diximus, præter quod hic flatus non emittuntur, verum aliquando nonnihil humiditatis. Menstrua etiam in ejusmodi casu quoque supprimuntur. Præter quod *Causæ* eadem sunt ac de Hydrope antea dictum, fortuito tamen quædam accedunt, ut malæ obstetricum tractationes : assumptio cantharidum, infrigidaiones, febres, &c. si in uteri cavitatè sit Hydrops facilius curatur quam si extra uterum aut in Tubis, ovariis aut interiori substantiâ : quo minor aquæ adfit acrimonia aut corruptio, eo melius : neque boni quid apportat, si diu duraverit, quia uterus tunc facile corrumpitur & gangrænâ vexatur.

*Curatio* ferè eadem est ac in vulgari hydrope, solo ferè allii usu quotidiano quidem curavi, dabam interdum quoque succini sal cum ejus oleo. Hisce accedant Medicamenta *Hysterica* dicta, quæ quoque diuretica sunt, velut *Sabina*, *Matricaria*, *Artemesia*, *Radices Apii*, *Asparagi*, *Graninis*, *Petroselini*. *Semen Levistici*, *Dauci*, *Cumini*, *Phellandrii*, *Myrrha*, *Oculi cancri*, *Crocus*, *Gummi Ammoniacum*, *Assa foetida*. *Baccæ Juniperi*, *Borax*. Hic etiam magnoperè profunt sudorifera & diuretica ; sequenti pulvere bis singulis septimanis utantur : ut

Contunde Boracis, *drachmam semis.*

Croci, *scrupulum semis.*

Sabinæ, *drachmam semis.*

Misce fiat Pulvis.

Tentandum ut uteri osculum aperiatur, aquaque, si fieri possit, elutrietur : fiat quoque injectio ex *Sabina*, *Veronica*, *Sanicula*, *Alchimilla*, *Salvia* &c. Si ovaria aut Tubæ hydropelaborent, non nisi hydropicis sanantur : operatio Chirurgica hic locum vix habere potest, nisi aperto abdomine & utero.



*Mulier cum intra triduum parere non posset, speculum matricis est adhibitum. Tumor aderat durus & magnus in sinistro latere è regione umbilici tactui renitens; omnibus auxiliis frustra adhibitis, postridie ejus die circa vesperam è vita decessit.*

Uteri  
Scirrhus  
in  
gravida.

**A** Bdomine aperto, uterus in dextra (sana nimirum parte) disruptus, & infans extra uterum locatus, scirrusque insignis magnitudinis à fundo uteri incipiens & ad os uteri desinens erat.

Quid sit Scirrhus, & quomodo generetur, in præcedentibus satis superque dictum est. Uterum fuisse disruptum, propter viam angustam, veri simile est: Si omnia quæ iutus latent Medici foris divinarent, cæsarea sectio hic fuisset instituita, ni vires defecissent.

*Fœmina triennali menstruorum defectu laborans, post esum aselli arefacti, repente in lipothymiam & syncopen correpta inopinata morte decessit.*

Menstruorum  
defectus.

**U** Terus sanguine nigro impletus. Renes tartaro incrustati. Defectum menstruorum incrustatio materiæ sabulosæ in renibus non raro concomitatur: semper enim ad est sanguis crassus & nimium inspissatus ac non raro falsus, cujus pasticulæ crystallisatæ calculos, arenulas, tartareamque materiem efficiunt. Sic etiam ob sanguinis crassitiem ab uteri vasculis excipi non potuit, sed ut in cadavere conspiciebatur, vasa majora eodem turgabant. Eandem ob causam sanguis per pulmones & cor ire impotens, in Syncopen, nunquam restituendam, incidit.

*Quædam Matrona, cum bimestri spatio mensum suppressione laborasset, Tandem exortus est dolor & inflammatio partium genitalium. Morbo propter verecundiam neglecto, abscessus & ulcus in collo matricis secutum est. Adhibito matricis speculo, ulcus caliosum, fatidum, inæquale lividumque, & ut brevi dicam, cancrosum inventum est. Postea auctus dolor, aucta febris, inflammatio, Vigiliæ, cibi fastidium & syncope, & paucos post dies è vita discessit.*

Ulcus &  
cancer  
colli  
matricis.

**C** Adavere dissecto, totum uteri collum planè cancrosum & exulceratum erat.

Menstrua ex sanguine nimis crasso sæpè supprimuntur; fortè fortuna sanguis depluendus in colli vasculis substitit, præsertim in substantia ejus glandulosa; equidem hoc malum aliquando invadit mammas, glandulas salivales, aliasque partes glandulosas. Interim ibi, corrupto sanguine, inflammatio, cancer & ulcus factum. Cancer nihil aliud est quam glandularum



rum sphacelus, cujus sævitiæ vicinas partes non raro quoque depopulatur.

*Mulier quædam hystericis passionibus obnoxia, tandem moritur.*

**M**esenterium plurimis glandulis scirrhis, durissimis & variæ magnitudinis & figuræ obfessum: vix ob duritiem discindi poterant. Uterus & ovaria cum Tubis, recenti quasi coagulato lacte turgebant. Hystericæ  
anatomie

Ex obstructis Mesenterii glandulis, sæpè convulsio orta, præsertim quando cibo vel potu corpus repleatur, tunc enim magis istæ glandulæ distenduntur, unde membranarum ruptura, distensio & dolor. Quod suo tempore bene observavit *Hippocrates*, cum dicit Convulsionem vel à repletionem fieri vel ab inanitione, hic etiam à distentione membranarum nimia, succi non tantum acres fiunt, convelluntque, sed ipsæ membranarum fibræ franguntur, unde convulsio. Sic etiam ab inanitione, hoc est ab Eclipsi succi cerebralis seu nervosi, etiam convulsiones oriuntur.

Porro convulsiones istæ in abdomine, ob communionem cum aliis visceribus, idque mediantibus nervis paris vagi & intercostalis *Hystericam* (ut dicitur, quamvis uterus sit inculpatus) *passionem* intulerunt.

Ægra hæc istas in Mesenterio obstructions nunquam passa fuisset, si & viscidis humoribus se non divitem fecisset. Atque hoc acidum abundare testantur succi in ovatis, Tubisque Fallopiæ ac uteri cavitate coagulatis. Omne acidum, omne falsum ac omne viscidum succis nostri corporis inimicum: ideoque ab omnibus his, si sanitatem velimus curare, se temperandum est.

*Matrona quædam duorum fere annorum spatio gravissime utero laboraverat. Ab initio gravidam se esse putabat: omnia enim signa prægnationis aderant. Elapsis tamen mensibus aliquot falsæ hujus prægnationis, pejus se habere cæpit, mammae flaccescebant, venter vero de die in diem accrescebat, appetitus item prostratus erat, dolores quoque totius ventris continui, imprimis vero lateris dextri, atque e regione renis sinistri tam vehementes, tamque maximi aderant, ut sapissime maritum suum & adstantes imploraverit, quo Medicum aut Chirurgum accerserent, qui aperto abdomine horrendas illas & crudelissimas bestias expelleret: plane enim sibi persuasum habebat, se gestare bestias. Tandem cum in hac miseria ultra duos annos langueret, auctâ febriculâ, nausæâ & vigiliis, nullis item usâ remediis e vita discessit.*

**A**d aperto abdomine, plurimum aquæ, carnis loturæ similis effluxit. Uterus in magnitudinem ingentem extensus, peritonæo à linea alba usque data.



que ad costas breves & renem dextrum, adeo tenaciter adhærescebat, ut vix avelli posset. Ren sinister plane putrefactus conspiciebatur. Hepar undique abscessibus putridis scatebat.

Utero dissecto aquæ foetidissimæ puri permixtæ, ultra libras sex effluerant. Mola quoque in conspectum sese dabat, magnitudinem capitis longè excedens, inæqualis, nonnullis quoque in locis dura, atque hinc inde putrida ac fœtida. Utero tenaciter adhærescebat, præsertim parte, quæ dorsum respicit, imo absque dilaceratione uteri avelli atque separari non potuit. Ambo quoque ovaria adeo excreverant, ut magnitudinem pugni excederent, crantque inæqualia, dura & ad instar ferè uvæ.

Aqua seu lymphæ, quæ in ventrem effluerat, ex Hepatis abscessibus, sine dubio, emanavit, cui nonnihil sanguinis admixtum fuit.

Dolores in dextro latere, Hepatis inflammationes & tandem abscessus fuere: in sinistro vero, à putrescente rene sinistro oborti.

Mola quò modo crescat, in institutionibus meis docui. Est nempe ovum, jam jam utero receptum atque à virili instrumento aut alias iterum læsum, sed tamen non ita, quin aliquò modo alimentum accipi possit; hinc indigesta moles & caro quasi fungosa. Sæpissime figuram cordis refert, quia uteri cavitas trilatera est.

Obstructiones in ovariis, eorum substantiam extenderunt, hinc liquet dolores totum abdomen occupasse. Mirum ejusmodi corpus, tamdiu fuisse superstes.

*Quinquagenaria, mola laborans, obiit.*

**A** Petro Cadavere, Hepar & Lien sine noxa, pulmo vero semiputridus. Uterus libras octoginta septem mercatorum æquabat pondere: ille autem partim ichore flavo, partim quoque materia adiposa & oleaginosa infarctus erat; in medio ipsius utero, crines, (aut veluti lana flavescens, & adiposa materia involuta) reperta fuerunt.

Venter cum in vivis erat, instar prægnantis fœminæ intumuit. Alvus solito segnior.

Memini me quoque ejusmodi pilos ex steatomate, quo mulier laboravit, vidisse: erant quoque citrini coloris. Eorum geneseos ratio, quibusdam admodum obscura videbitur, præsertim illis, qui omnia occulta ad occultas qualitates vel fascinationes dirigunt. Certè res quamvis explicatu ardua, hoc tamen dicam, pilos hosce nihil aliud fuisse quam vascula minima obstructa, quæ variè sibi invicem torta, atque à functione desistentia, pilorum speciem præbuerunt. Novimus venam & arterias umbilicales concrecere, & ligamenti φάσιν acquirere, ita hæc minuscule vascula non ligamentorum, sed ob tenuitatem, pilorum genus referre: pili enim revera non sunt, sed ut dixi, vascula alicujus glandulæ concreta. Vide obs. Ruischianas.

*Fœmina*



*Famina, hora dimidia ab editione pueri vitalis, in syncope exspiravit.*

UTERUS post obitum perpendiculariter cæditur, qui duas secundinas suis <sup>Gemello-</sup> cum umbilicalibus vasis retinebat. Inferior secundina, duas placentas, <sup>rum du-</sup> totidemque vasa umbilicalia ex unico trunco prodeuntia, habebat; in qua <sup>plex te-</sup> puer jam jam natus occlusus fuit: à superioris circumferentia, uteri osculo & dorso in anticum medium producta fuit secundina: placenta Hydatidibus interius paucis obsessa erat. Superior erat integra, dimidium fundi superius pro more ambiens, in qua puer extinctus alter concludebatur. Ab invicem per septum orbiculare extendine membranaceum dirimebantur. Ab interna placentæ facie, Hydatides erant.

De bifido & trifido funiculo exempla etiam refert in observationibus suis Experientissimus *Doctor C. van Solingen*, sed num placentas etiam divisas invenerit, non refert; Veri tamen simile est, quod funiculos, tot etiam placentas adesse. Saltem in hoc partu divisa fuit ut fratris placentæ nempe cederet.

Hydatides istæ, quibus placentæ obsidebantur, ortum habere credo, quod succus nutritivus seu lymphæ regressum non habuerit, adeo ut se tandem in vesiculas aquosas, obingentem copiam elevaverit.

## XI. C A P U T.

DE MORBIS PRÆGNANTIIUM ET PUERPERARUM; UT DE MORBIS ACUTIS ET CHRONICIS PRÆGNANTIIUM; ABORTU; PARTU DIFFICILI; FOETUS MORTUI EXTRACTIONE; RETENTA SECUNDINA; FLUXU LOCHIORUM IMMODICO, EORUMQUE SUPPRESSIO-NE; DE TORMINIBUS POST PARTUM; FEBRI LACTEA; PUERPERARUM FEBRI ACUTA, LACTIS DEFECTU ET ABUNDANTIA; DE LACTIS DEPRAVATIONE, ETC.

MORBI ACUTI ET CHRONICI PRÆGNANTIIUM, maximæ ex <sup>Morbi acuti</sup> parte sunt, ut in viris & non prægnantibus solet. Ast *Prognosis* iis periculi & chre-<sup>losior</sup> losior; quia à morbo ipso vel à medicamentis facile abortus concitatur. Venæ <sup>nici præ-</sup> enim sectione foetus ab alimento (quod substantia quædam est chylosa sed te-<sup>nantium.</sup> nuis, à sanguinis massâ secreta) aliquando frustratur. Sic purgationes turbant quoque sanguinem & lympham, eumque veneno quasi contaminant: quâ de causâ etiam foetus purgatur, unde convulsiones Epilepticæ; ac non raro ipsa mors: diuretica etiam nocent, quia humorum superflua copia in ipsum uterum & per consequens intra secundinas effunditur, atque sic radices;  
*Aa 3* quibus



quibus placenta utero connectitur, eradicantur; atque sic placenta cum foetu cæterisque secundinis præcipitatur, vel in utero ipso corrumpitur: sic humiditas intra membranas conclusa superflua esse potest, quâ de causâ foetus facile suffocaretur. Primo & ultimo gestationis tempore morbi illi periculosiores, quam medio. Primo enim radicatio necdum est firma, & ultimo, quia radices ferè maturæ sunt, facile, uti fructus ab arbore, decidunt.

Quoad *Indicationes ac Curationes* hic nihil dicemus, quoniam antea satis superque ejus mentio facta est; solum tantum id dicam, quæ ad prægnantes pertinent. Omne periculum hic consistit tantum in diætâ, Phlebotomiâ, Purgatione ac Diuresi. Quoad *Dietam*, non admodum tenuis oportet esse, ne foetus ab alimento frustretur: ex cibis enim chylus, & ex chylo alimentum fœtui nutriendo aptum. Tenuior in principio esse potest & parcior, ast mensibus insequentibus lautior parum. Jure merito *Hippocrates* non admittit *Venæ sectionem*, præsertim si fœtus adultior sit factus, tunc enim & calore & majori alimentis copiâ opus est, & aliquando post sectam venam abortus est expectandus. A quarto mense ad septimum concedit *Hippocrates Purgationem*: sed Purgantia fortia non sunt præscribenda, ideoque blanda tantum usu veniant, quibus succi non admodum turbantur, ut sunt *Pruna, Manna, Tamarindum, Cremor tartari, Passulæ minores, Cassia fistula*, &c. conceditur Purgatio, quia tunc placentæ radices firmiter utero in hærent. Si alias alvus non respondeat ad Suppositoria & Enemata confugiendum potius. Medicamenta fortiter sudorem emittentia, Menstrua pellentia, diutetica, semper fugienda, nisi minimâ quantitate.

De  
Abortu

ABORTUS est foetus immaturi ante debitum tempus vel exclusio, vel vitæ ipsius in ipso utero exspiratio. *Signa Præcedentia* sunt frigus & horrores; gravitas in lumbis & coxis, adest capitis dolor, præsertim pone oculos; constrictio laterum & Hypochondriorum: appetitus dejectio, lassitudo corporis, mammarum diminutio; foetet nonnunquam os. Præsertim si foetus derepentè commovetur, unde sanguis & aqua utero effunditur; his accedunt parturiendi nixus ad foetum expellendum, quod certum signum est, si dolor adfit circa lumbos, sacrum os, renes & pubis ossa. Hisce accedunt *Casus, Tapsus* ab alto, *Ictus*, rerum gravium elevatio, aut gestatio, motus corporis vehemens: *Purgationes, Venæ sectiones, Diuretica, Menstrua pellentia*, &c. Si modum excedant, abortum concitant. Item uteri Hæmorrhagiæ, inflammationes, exulcerationes, &c. A Venæ sectionibus semper tamen non abortiunt; sæpissimè enim in nostris regionibus gravidis adhibetur, idque omni tempore, ideoque abortus non tam à Phlebotomiâ concitatur, quam è matris morbo, quem etiam foetus in utero experitur, qui impotens iussu ferre, moritur.

Abortus nunquam absque periculo est, imo periculosior sæpe maturo partu. Expectantur enim immensus sanguinis fluxus; Lipothymia; convulsiones; uteri inflammationes; febres periculosæ: retentio foetus & mortui & secundinarum; putredines, &c. Mulieres delicatulae magis patiuntur ob teneritudinem & vires imbecilles, & quæ succi sunt plenæ propter viarum angustiam.



tiam. Ferunt mensem setum, septimum & octavum maximè esse periculosum, quia tunc foetus se movet, & ob motum nimium facile placenta solvitur, imo & passionibus matris foetus magis subiectus est.

Media sunt adhibenda ne abortiat; deinde si foetus exitum minetur, ut debito modo evacuetur; denique symptomata sunt respicienda. Si adsint pravi, acres, aut falsi humores, sunt temperandi, & laxantibus expellendi; verum si res differri possit, donec dies puerperii sint elapsi, melius est. Inflammationes, Ulcerationes, &c. ut antea dictum, tractandæ sunt. Quietæ sint oportet, sine irâ, terrore, &c. porro si abortus sit expellendus, ea præscribenda, quæ postea in partu difficili dicentur. Præter omnia hic valet *Spiritus matricalis* ex *Olibani, Mastiches, Myrrhæ & succini* ana partibus æqualibus cum spiritu vini destillatus, *cujus dosis* est ab uncia semisse ad unciam integram cum vino. Interim quoad symptomata, doloris, lipothymia, syncope, cordis palpitationum &c. in præcedentibus satis dictum. Expulso foetu, femina se gerat ac, si esset puerpera: si Lochia solitò copiosius fluant, blandè sistenda sunt, ut postea dicetur. Et ad ulteriorem Lochiorum expulsionem, commodè *oculi cancri, oleum amygdalarum* &c. Sumi possunt. Interdum quoque roborantia, ut *Κυκλόν*, sive vinum calidum aquâ dilutum, cui adest cinamomum, nuxmoschata, Macis, saccharum & ovi vitellum unum aut alterum.

In PARTU DIFFICILI omnia prosperè non succedunt, sed partus retardatur cum magno dolore, aliisque symptomatis. *Causa* con- Partus  
difficilis. sistit in corporis debilitate ac Virium defectu. Viarum siccitas adest, vel angustia, aut nimia pinguedo: corporis item macies; ossis pubis aut sacri mala conformatio; calculi pressiones; fæces induratae, &c. Inflammationes, ulcerationes, tumores, excrecentiæ in vaginâ vel quando foetus nimis maturè prodit, aut imbecillis est; aut mortuus, aut prægrandis, obliquè venit, vel pedibus exitum parat: aut funiculus umbilicalis foetus collum circumliget, &c. Casus ille periculosus est, nam foetus & mater, aut ambo in discrimine mortis sunt. Post quartum diem sæpe foetus moritur. Morbi soporiferi ac convulsiones non raro in mortem prænunciant. Sternutatio, præsertim spontè concitata, bona est.

*Signa* difficilis futuri partus hæc sunt à *Cl. Mangeto* descripta; si humor aquosus & nutritius in membranis, chorio & amnio, ut & secundum aliquos allantoide conclusus, totus longè ante partum effluit, si copiosior hæmorrhagia multo tempore fætum præcedit, si languidi dolores ex intervallis longioribus recurrunt.

*Signa* foetus mortui sunt suppressus in totum ipsius motus; cadaverosæ atque foetidæ humiditates ex utero vel erumpentes, vel exudantes, foetus contenti ad latus in quod decumbit mater cita convolutio; matris frequentia animi deliquia & convulsiones; placenta ut & vasa umbilicalia ex utero rejecta, vel inde propendentia, asservato interim foetu; pulsatio in arteriis umbilicibus deficiens; lingua foetus immobilis & suctionis incapax; caput mollius & sine pulsatione circa fontanellam, adde matris mammas flaccidas, vultum colore plumbeum, aspectum languidum, anhelitum foetidum, ab ictu vel casu læsionem, &c. *Signa* malè siti foetus, manu obstetricis vel Chirurgi periti percipiuntur. *Causæ*



*Causæ* partum impediētes, si possibile sit, removendi, atque expellentia usurpandi: inter ea recensentur.

Radices *Angelicæ*, *Aristolochiæ fabacæ* & *rotundæ*, *Imperatoria*, *Valeriana*. Cortices *Cassia lignæ*, *Lauri*. Folia *Anethi*, *Artemisia*, *Calamintha*, *Chærefolii*, *Diptamni cretici*, *Lauri*, *Levistici*, *Matricaria*, *Nepetæ*, *Pulegii*, *Sabina*. Flores *Anethi*, *Croci*, *Lavendula*, *Matricaria*, *Camomilla*, *Origanum*. Baccæ *Juniperi*, *Lauri*. Semen *Apii*, *Gumini*, *Dauci*, *Levistici*, *Petroselini*, *Porri*, *Rutæ*, *Seselios*, *Sinapi*. *Myrrha*, *Galbanum*, *Assafoetida*. *Millepedes*, *Oculi cancri*, *Borax*. Oleum *Juniperi*, *Roris marini*, *Anisi*, *Arantiorum*, *Succini*, *Terebinthina* &c. ex hisce variæ præparationes comminisci possunt primo injiciendus Clyster, ut alvus referetur. Abdomini imponitur Fetus ex *Sabina*, *Anetho*, *Artemisia*, *Matricaria*, *Pulegio*, *Petroselino*, &c. inungatur umbilicus Oleo *succini*, aut *Zibetho*. Si viæ nimis fuerint siccæ, oleo amygdalarum sunt liniendæ, vel oleum siphone immittatur. Pro sterutatorio excitando valet, *Tabacum*, *Helleborus albus*, *Pyrethrum*, *Piper*, &c. Dato utendum sequentem pulverem.

*Tunde* Fol. *Diptamni cretici*,  
*Cassia lignæ*, ana scrupulum semis.  
*Croci*, grana septem,  
*Trochisci de Myrrha*,  
*Boracis*, ana scrupulum unum.  
*Olei Succini*, guttas quatuor.  
 Misce fiat pulvis.

Fœtus si jaciat transversim, vel pedibus primo prodeat, obstetrix fœtus in debitum situm collocet oportet. Et si à nemine fœtus restitui possit aut extrahi, ad Cæsaream sectionem perveniendum est; ex duabus rebus periculosis, minima est eligenda. Fœtus si fuerit mortuus frustulatim est extrahendus, de quibus in *Chirurgia nostra*. Parturientium nates si eleventur; faciliorem fœtui exitum præbet. Dantur quoque cum successu sequentia: ut

*Recipe* *Cinamomi*,  
*Trochisci de Myrrha*,  
*Croci*, ana grana decem:  
 Misce fiat pulvis.  
 Detur cum Vino. vel

*Tunde* *Aristolochiæ*,  
*Myrrhæ*,  
*Piperis*,  
*Croci*, ana drachmam semis.  
 Fiat pulvis.



Vel detur semisrupulus *Extracti croci*, cum duabus guttis *olei cinamomi*, cum vehiculo convenienti. Vel detur *oleum succini*, aut *borax* cum *sabina* & *croco*.

De FOETUS MORTUI EXTRACTIONE hic nonnihil dicendum venit. Cum viæ sunt nimium angustæ, foetus prægrandis, debilis, ægrotus; si pedibus primo prodeat, aut situm habeat obliquum, aut manum primo exerat, &c. evenit, partum non ritè processurum. Mortuo foetu *Signa* sunt, quando foetus motus, qui antea à matre aut obstetrice sentiebatur, cessat: si adsit in abdomine gravitas cum dolore: quando foetus ponderis gravioris instar dilabitur, si gravida de latere in latus sese volvat: Frigus & Horrores in abdomine: exitus humorum foetidorum ac putridorum ex utero: facies cum labiis pallet: os foetet. Partes extremæ frigidæ sunt & lividæ sæpe. Secundinis primo venientibus, certum foetus mortui indicium est. Mammæ foetu mortuo, etiam detumescunt. Quamvis foetus mortuus diu in utero remanere potest, non est tamen sine periculo: Exempla equidem reperiuntur apud varios authores, mulieres non tantum ultra viginti annos foetum putridum gessisse, sed interim servato intus foetu mortuo, alium vivum peperisse.

Primo foetum expellentia ad manum sunt habenda; & si expelli nequeat, instrumentis est extrahendus, aut manu dexterrimâ Chirurgi. Porro Medicamenta quæ in hoc casu præscribuntur, eadem sunt ac de Abortu diximus. Interdum sequentis pulveris drachmam dato: ut

*Recipe Croci, drachmam semis.*

*Myrrhæ,*

*Boracis, ana scrupulum semis.*

*Aristolochiæ rot.*

*Sabinæ,*

*Fol. Diptamni, ana drachmas duas.*

Misce fiat pulvis.

Foetus Abdomini applicentur ex *Aristolochia*, *Bryoniâ*, *Iride Florentinâ*, *Cucumere asinino*, &c. ex eadem materiâ etiam *Metrenchyta* fiant cum Felle bovino: vel *Pesarium* ex *Galbano*, *Helleboro albo*, *Colocynthide*, *Scammonio*, *Sale*, *Felle taurino*, *Euphorbio*, &c. ex iisdem per infundibulum Fumigationes instituuntur: imo Balnea ad eundem scopum parari solent. Vomitus expellendo foetui etiam multum contribuit, quia abdominis contenta non parum commoventur; ut & à sternutatoriis. Si itaque hisce nihil proficere possimus, ad Operationes Chirurgicas confugiendum est, de quibus in *Chirurgiâ nostrâ*.

Commodum erit hic loci etiam de SECUNDINIS RETENTIS agere, quæ vel integræ remanent, vel tantum earum quædam pars: unde magna symptomata, imo & mors causatur.



De secundinis retentis.

*Causæ* possunt esse excedens magnitudo, vel quando nimium firmiter uteri fundo adhæret. Ut & inflammationes, tumores, quibus uteri osculum facile clauditur: viæ, aquâ foras effusâ, interdum minus glabræ sunt. Imprudentia obstetricum facile aliquid retinetur, quando statim secundinas non examinant, adstantibusque mulierculis ostendunt. Accedit hisce frigus, aëris foetor, aut penetrans moschi odor, quo foeminæ perturbantur: virium debilitas, Timor, Terror, æmulatio: foetus gravitate funiculus umbilicalis aliquando rumpitur, atque sic secundinæ retinentur. Adverte quoque Tyronum schola, me inter meos liberos habuisse funiculum umbilicalem, qui adeo tener erat ac si gelatina fuisset concreta: erat etiam pellucidus. Atque ejusmodi casus boni ominis non sunt. Novi foeminam quæ ultra annum decumbebat cum febre lentâ, quæ aliquando exacerbabatur; nullus erat appetitus, Lipothymia, & continuæ palpitationes eo loci ubi matrix erat, quæ tamen vitam cum morte commutabat. Accedunt nonnunquam sudores, horrores, uteri convulsiones, ulcerationes, Epilepsia, continui dolores, putredines, foetores, &c.

Si funiculus umbilicalis in medio placentæ inseratur, difficile extrahitur, quia vis attrahens ab omni parte est æqualis, & tunc indice digito, ad separandum opus est. Ideoque ut placenta facilius dissolvatur, ei exactè in medio non adhæret, sed aliquantulum à centro recedit.

In hoc casu eadem remedia adhibentur, uti antea de expellendo foetu diximus. Commendo hic ante omnia quæ foetum & per consequens secundinas expellunt. Ut sunt ea de quibus nobis antea mentio fuit facta.

Quid in abortu faciendum.

Si Gravidâ post septimanas decem aut duodecim, magnum patitur ex utero fluxum; primâ instantia nihil tentandum, nam hoc tempore sæpe abortus prodit: & si cessat fluxus, signum est, embryon esse dissolutum, & à matrice separatum. Embryon tunc habet ovi gallinacei magnitudinem, quo excreto, fluxus cessat: at si Embrion non excernatur, & Hæmorrhagia persistat cum virium dispendio, enitendum ut digiti indicis insertionem extrahatur. Verum si ex digito foetorem persentiscas, putrefactionis signum est, tunc injectio ex præparanda est Aristolochiâ Fabaceâ, Lauri Baccis, Camomillæ Floribus, &c. quæ in uterum injicitur.

Si tertio, quarto aut quinto gestationis mense in fluxum sanguineum incidat, in lecto quieta decumbat; & si post assumpta sanguinem sistentia fluxus immodicus non cesset, grumique majores excernantur, veri simile est abortum futurum: qui tunc magnitudinem habet felis primo enixi. Et quamvis una cum foetu secundinæ, (quamvis foetu majores) non prodeant, nihil tamen timendum; non raro enim ad secundum, tertium aut quartum diem, imo longius, intus remanent, & tunc sæpe per se, Enematis injectione emittuntur. Dixi nil esse timendum, quia in utero non tam cito putrescunt, quam quidem extra; contigit quippe illas ad sextum diem intus sine corruptione remansisse. Atque illud fit in corporibus sanis, alioquin febres advenirent.

Si ab Hæmorrhagiâ nimia vita periclitetur, & per aliquot menses uterum

ut-



tulisse, cum pariendi conatuum præludio ; opera danda ut partus festinetur, quia & mulieri & foetui unicum est refugium. Unctis digitis & manu immixtis, si osculum sit tenue ac molle, operatio non est procrastinanda: verum si adhuc crassum sit & durum, expectandum, donec mollescat. Primo unus digitus est intro ducendus, deinde secundus & tertius, qui leni motu ab invicem diduci debent: ut interius uteris osculum sensim aperiat: & manus facile in uterum inferatur. Tum digitorum apicibus secundinarum membranæ sunt perforandæ. In membranis detegitur nudus foetus, qui modo commodissimo est extrahendus. Si foetus porro in alium habeat situm, atque sanguineus fluxus cesset: Caput exitum claudat, ita ut in verti nequeat, inquirendum num vivat nec ne: & si Mater simul cum foetu periclitantur, extrahendus est unco, idque tantum fiat, quando nos ad operationem cogimur accedere; & certissime de foetus morte constat, & matris discrimine; alias ad extrema non facile descendendum.

Signis periculi certis apparentibus, lævam manum in vaginam intrudet, caput nempe si in exitu hæreat, deinde manum insinuet inter caput & uteri collum; tunc uncum in dextra habebit, dum sinistra in vagina est, deinde uncum juxta manus sinistræ volam, (quam quoque acuta cuspis respiciet) usque ad digitorum extremitates caput prehendentes, ut uncus tuto in hanc aut illam partem inuncetur: & quoniam in hoc casu quidquid volumus, non possumus, velle debemus, quod possumus; sed si possibile sit, potius occiput erit unco attrahendum. Unco bene locato, dextrâ attrahatur ad se, & idem læva dirigatur: at si pars inuncata abrumpatur, quod interdum fit, in alia iterum uncus est intrudendus; atque sic per rectam lineam caput foras eliminandum deinde ambabus manibus reliquum corpus est extrahendum. Si fieri posset, melius foret foetum invertere, ut pedibus extrahatur.

Partes internæ, ab officulis pungentibus, unco, &c. si læsæ sint, foveandæ fomento, ex chærefolio, malva, floribus sambuci &c. at quando corruptio aut putredo accedat, læsæ partes aquâ falsâ vel marinâ sunt fricandæ & foveandæ, & si gangræna prohiberi nequeat, applicetur continuo fomentum, ex aristolochiâ fabaccâ, absinthio, scordio, baccis lauri, vino optimo &c.

Ad Puerperii symptomata pertinet quoque **FLUXUS LOCHIORUM** Fluxus lochiorum **IMMODICUS**. Si secundinæ vi nimia aut celerrimo motu ab utero trahantur, vel si ab obstetrice uterus lædatur, sequitur non raro fluxus sanguinis immodicus. immodicus. Ex viribus potissimum cognoscitur; ex vomitu, dolore hypochondriorum, tensione abdominis, pulsu debili; visus hebetudine; aurium tinnitu, convulsionibus & Lipothymiis. Intra septimum, octavum aut nonum diem Lochia cessare debent, vel nimis diu fluunt: accedunt hisce humores quidem aquosi & purulenti. Casus hic non sine periculo est: nam nisi maturè sistantur, in mortem non raro terminatur. Convulsionibus & lipothymiæ cum sudore frigido, signa sunt lethalia.

Neque derepentè Lochia sunt sistenda, & quia saburram intus remanere non



oportet, blandè primo incedendum, nam quidquid vi agitur, in malum vertitur. Vinum, quod vocatur *Tint*, Corinthiacum videtur (quia passulas minores capit) sumrum in hoc casu remedium est, roborans & sistens; deinceps ea præscribuntur, quæ de nimio mensium fluxu præscripsimus. Eodem tempore ab acidis nimis abstinendum. Si sanguis coagulatus remanserit, per expellentia expelli debet, aut per Metrenchyta: & si vires tunc ferre possunt, bis terve cubiculum factis alternationibus perambulent, vel saltem parumper erectæ stent, vel ex altâ sede sedeant, ut omnis faburra descendat; sed omni prudentiâ & circumspectione, præsertim Tyronibus Medicis hic opus est.

Fluxus  
lochiorum  
Pappressus.

Cum de *Immodico fluxu* dixerimus etiam de LOCHIORUM SUPPRESSIONE fermo est habendus: quando post partum faburra non expellitur, exinde statim sequuntur febres, putredines, foetor, inflammationes tumores &c.

*Causæ* sunt sanguinis crassities; subitanea osculi uteri contractio; frigus susceptum; frigidi pedes; frigidorum alimentorum usus; Tristitia: Timor; Terror, &c. Signa cognosci possunt ex Horrore, frigore, febriculis, lipothymiis, dolore abdominis, lumborum & inguinum; tensione abdominis, faciei rubore, ac oculorum perturbatione, spirandique incommoditate, &c. dimetienda. Omnia hæc non sine periculo sunt, quia & corruptiones & ipsa mors insequi potest.

Curatio etiam fit expellentibus & diureticis, uti dictum in menstruorum retentione. Alvus clysteribus laxanda; crura sunt fricanda. Pubi applicari possunt Medicamenta quædam hysterica ut & emolientia. Item Metrenchyta, suffitus, pessaria prodesse possunt: ulterius curatio medicamentis menstrua pellentibus, ut & optimâ diætâ est perficienda.

Tormina  
post  
partum.

Puerperis aliquando superveniunt TORMINA quæ iis familiaria existunt, raro Medicus accersitur: quia puerperæ potius obediunt nutricum & obstetricum consilio. nisi dolores urgeant.

Quomodo  
lochiorum  
in abdomine  
incidunt.

*Causa* esse potest à sanguine coagulato & retento, quo ob acrimoniam uterus roditur: vel quia uterus antea immensum usque expansus, nunc contrahitur; quâ de causâ intestina, Mesenterium, &c. iterum laxa pendent. Item colica passio, frigus contractum; flatu, &c. Itaque non sine periculo est, & non exiguam parit difficultatem. Ope cultri Anatomici innotuit, lochia per tubas Fallopianas in abdominis pelvim posse effundi, quando nimirum foetus, sive capite, sive natibus uteri osculum in exitu obturavit: nam collecti humores sanguineo serosi qua data via facile sibi exitum parant. Hisce in pelvi remorantibus, oritur acrimonia, immanis Hypogastrii dolor, foetor, febris, corporis emaciatio, mors.

Si quid in matrice contineatur, expellendum, eaque purganda. Medium corpus cingulo vinciendum, ne intestina, Mesenterium, &c. hinc & inde conjiciantur, meliusque ad invicem contineantur. Deinde ut omnia leniantur, oleum amygdalorum dulcium recens expressum detur cum vino rhenano. Calore clysmata non afficiunt. Fetus calefaciens, arena calida, Emplastra, linimenta externè applicari possunt. Cataplasma ex *Capis*, *Sinapi*, *Aristolochia*,



*colochia*, *Camomilla*, *Lauri baccis*, &c. penetrat non parum. Ut & facces post cerevisiam coctam relictæ. Vel sequens Unguentum.

*Recipe* Olei Rutæ,  
Anethi, *ana uncias duas*.  
Lauri, *unciam unam*.  
Sem. Sinapi tuss,  
Zingiberis, *ana unciam semis*.  
Misce.

Bibatur *semen dauci & sinapi cum Vino Rhenano* : vel vinum detur calidum cum vitellis ovi, cinamomo, macere, saccharo, &c. porro ea adhiberi possunt, quæ in colica passione præscripsimus.

Antequam mammæ debito modo lac fundunt, sæpe in FEBRICULAM incidunt, quæ LACTEA vocatur; ea ex malâ succorum dispositione, tertio aut quarto die post puerperium sese prodit.

*Signa* sunt febris, sitis, calor, jactatio corporis, dolor lumborum & circa scapulas, mammæ lacte implentur. Lochiis se ritè habentibus, tres aut quatuor dies perseverat; nam plerumque circa illud tempus cum sudore finitur. Si lac maturè non emulgetur, facile in grumos facessit, glandulas obstruit, oriuntur inflammationes, ulcerationes, cancer: aliquando in synochum, dictam vulgo putridam, mutatur. Mammarum glandulis lacte impletis atque expansis, sanguis inordinatè ibi movetur: hisce enim expansis glandulis vasa sanguifera necessariò comprimuntur, quâ de causâ sanguis liberum fluxum non habet; quo, ibi retardante, aliquomodo à priori statu desciscit; hic, quia sensim reliquo sanguini miscetur, ei malam dispositionem imprimit, unde febris cum affectis symptomatis. Verum illâ mutatione in consuetudinem redactâ, elapsis paucis diebus spontè febris cessat. Accedit quoque mutatio, quod ab utero & placentâ materia nutritia non amplius sequestratur, & in mammis deponitur: ast quia semper accessus iste febrilis in omnibus non observatur, ideoque prædispositio febrilis in sanguine fuit.

*Curatio* paucis absolvitur, magni enim non est momenti. *Dieta* sit tenuis, seque à cibis pinguibus & acribus, salis, acidis crudis &c. contineant: sumant quotidie lac, crocatum. Continuo mammæ sunt emulgendæ: & si lacte nimio turgeant emplastro miniato compesci aliquantulum potest: ast si non abundet, non opuserit.

FEBRIBUS puerperæ vexantur ACUTIS nonnunquam. Præter san- Lochio-  
guinis incalescentias, (de quibus antea, cum de febribus sermo erat, age- rum fluxus  
bam) accedunt hic LOCHIORUM FLUXUS SUPPRESSUS; sanguis suppressus.  
coagulatus in uteri cavitate putrescens, secundinarum retentio & corruptio; Puerpe-  
diæta malè instituta: aëris nimium frigus; nimius motus & loquela; alvus rarum  
astrieta, ira, Tristitia, &c. uteri ab obstetricibus, secundinisve retentis, in- febres  
ficiuntur partes proxime adjacentes, & hoc modo non raro inflammantur; his- acutæ.  
ce positis præterfluens sanguis eadem quoque labe accenditur. In diætâ pec-  
cant, si cerevisia sit acida, aut nimium vetus & bonæ notæ: si caro aut juscula



præpinguia sint : copia vini calidi, ovis & aromatibus saturati : acida &c. illa omnia nocent. Frigidus aër diaphoresin nimiam compescit, unde, quidquid effluxurum, intus remanet, sanguinemque contaminat, Sic motibus nimis incallescit sanguis, & febrem venturam invitat.

A communi febris acutæ *curatio* parum differt. Facile negligenda est venæsectio, nisi vires adsint & succi copiosi. Diæta sit tenuis. Præscribantur laxantia, ex *Manna*, *Cassia fistula*, *prunis*, *passulis corinthiacis* &c. Pro potu coquantur *radices scorzonera*, cum *cornu cervino* & *citri corticibus*. Jure merito *crocus* exhibendus; & vigiliis molestantibus addatur nonnihil *opii præparati*. Sequens mixtura etiam sit in usu; ex. gr.

*Recipe* Spir. Pulegii,  
 Aquæ Artemisiæ,  
 Melissæ,  
 Hystericæ, ana uncias duas.  
 Croci, drachmam unam.  
 Castorei, scrupulum unum.  
 Misce fiat Mixtura.

Aliquando detur cochlear unum aut alterum, si Lochia aut secundinæ ritè non expulsæ, tunc incedendum ut supra inuimus: valent hic Bezoardica sudorem blandè elicientia. Si adsint pleuritis, peripneumonia, potius sudoriferis incedendum, quam sanguinis effusione.

*Lactis defectus.* LACTIS aliquando DEFECTUS puerperis est familiaris, cum mammarum glandulæ nimis sunt duræ, earumque ut & papillarum canaliculi admodum angusti: quare lactis particulas recipere non possunt; vel quando nimium est crassum, lentum, viscidum, vel glandulæ ipsæ parvæ admodum, si chylus deficiat, aut fermentum ovariorum aut uteri vigorem non habeat. Ergo in curatione respicienda est diæta, in quem usum Medicamina quædam præscribi solent, ut quoad *Externa*, ex quibus fots, cataplasmata, Emplastrata confici possunt: ut

Radices *Althææ*, Folia *Anethi viridis*. Flores *Sambuci*, *Camomillæ*. *Lumbrici terrestres*. Farina *Lini*. Semen *Sinapi* & *Pastinacæ*. *Liliorum alborum* radices.

*Interna*, sunt Radices *Pastinacæ*, *Fœniculi*. Semen *Anisi*, *Fœniculi*, *Carei*. *Amygdalæ*, *nux Indica* cocos dicta, *Nuces Pini*, *Pistachia*, *Oriza*, *Hordeum*, *Uva Passæ*, *Chærefolium*; *Chocolata*, *Tbea*, *Coffea*, *Vinum dulce*, *Cerevisia recens dulcis*. *Lac*; *Ova sorbilia*; *Glandulæ animalium*, & omnia *Polygala* & *Polytropha*. Ex Hisce Variæ resultant præparationes & formulæ ut si detur quotidie sequens pulvis.

*Recipe* Sem. *Fœniculi*,  
*Anisi*, ana unciam semis.  
*Styracis Calamitæ*, drachmas duas.

Balsami



Balsami Peruviani, *guttas sex.*  
Misce fiat pulvis. Dosis ad drachmam.

Sic *Semen anisi* & *fœniculi* coquantur cum *lacte dulci*, quamvis à nonnullis *ebutyrum* præfertur, bonum quidem, modo recens, alias infanti nocuum. Aliæ sumunt nonnihil *spiritus vini anisati*. Externè mammæ blande fricari debent; vel sequens adhibeatur Cataplasma, ex *farina lini*, *seminis sinapi* & *pastinacæ*, & *olei liliorum alborum* ana unciis duabus, &c.

Non raro quoque LAC REDUNDAT, ideoque *causæ* contrariæ esse Lactis re- debent, ac statim de defectu dictum. Sic etiam erit *Curatio* priori contra- dundantia. *ut & Dieta*, quam longè tenuiorem esse oportet. Rasuram plumbi aut stanni mulierculæ, præscribunt aliquoties datam. Externè *Emplastrum de Cuminio* aut *de Minio* applicant. Etiam, ne concre scat Lac, debito tempore emulgendum, alias inflammationes, ulcerationes, canceri &c. non raro expectantur. *Unguentum de Althæa* cum *spermate ceti* hic convenit.

LAC aliquando DEPRAVATUR, cum peccat colore, sapore crassitie, &c. Lactis materia constare debet ex colore albo & subcæruleo, Lac deprava-  
tum. Ergo, color albus, cæruleus aut flavus nimium intensus, peccat. Sapor debet esse dulcis, non falsus, amarus, rancidus, acidus, aut alterius alieni saporis. Consistentia sit mediocris, non superans ordinariam crassitiam aut tenuitatem.

*Cæruleus* nimium si fuerit saturus, ex nigro & livido sanguine originem traxit, talis enim sanguis facile chylum ejusmodi colore inficit. Sic *nimum albus*, venit à nimia visciditate, cruditate non satis digesta. *Flaveditis* causa est, si in sanguine pituita flava abundat, quæ falsas particulas adjunctas habet, tuncque chylus tincturam flavam induit, quod præsertim in ictericis fit, si ab obstructo hepate, bilis non separetur, atque sic amaro Lac inficitur. *Salsedo* venit ob diætam falsam, quando, falsa non separantur à pancreate, defectu aliquando potus. Non separata bile amaror lacti imprimitur; vel à succo pancreatico & instinali non satis temperatur, & tunc bilis una cum chylo ascendit. *Ranciditas* à materia scorbuticâ sulphureosalinâ ortum habet: vel cum usæ sint cibis rancidis, anatis, anseribus &c. *acor*, à cibis aut potibus acidis est, nimia copiâ sumptis; vel quando lac in mammis nimis diu moratur, tunc enim acorem contrahit, & facile in caseum facefcit. *Nimia crassities* originem sumit quidem in succis per totum corpus refrigeratis; aut à nimia vestium aut stragulorum parcimoniâ, tunc enim chylo admiscetur lymphæ præter modum crassa; item potus penuria; aut cibus plus æquo glutinosus, ut sunt pedes plurimorum quadrupedum vel glandulæ nimis duræ sunt, ut satis chyli secerni nequeat: vel tenuis liquor citò nimis per renes præcipitatur. *Tenuitate* si peccat, à potus copiosâ ingurgitatione venit, præsertim tenui; vel ob tubulos mammarum plus satis laxos, tunc enim crassæ non tantum particulæ, sed & tunc facile admittuntur.

Quid-



Quidquid peccat est corrigendum, & victus ratio non est neglectui habenda. Si color sit flavus aut cæruleus, ea adhibenda, quibus ejusmodi sanguis corrigitur. Succum nigri temperantur *Tartaro vitriolato*, *spiritibus* & *Salibus volatilibus*, *Martialibus*, *petrosi* &c. Temperatur & separatur bilis *Martis Vitriolo*. Albus color, *pituitam incidentibus*, est corrigendus, quibus adsint aromata cum salibus volatilibus: iisdem quoque Amarities abigitur: *Hydragogis diureticis*, ut potu Theæ, Salsedo est eluenda. Crassities attenuatur potu, præsertim si adsint salia volatilia aromatica. Nimia tenuitas cibis polytrophis, & potus abstrinentiâ corrigitur.

## XII. CAPUT.

DE MORBIS CEREBRI, NEMPE DE SOMNOLENTIA CONTINUA, CEPHALALGIA, COMATE, CARO, LETHARGO, APOPLEXIA, COMATE VIGILI, PERVIGILIO, CATOCHO SEU CATALEPSI, INCUBO, NOCTAMBULONIBUS, VERTIGINE; PARALYSI, EPILEPSIA, MEMORIA LÆSA, MELANCHOLIA, MANIA, RABIE HYDROPHOBICA, CEREBRI INFLAMMATIONE &c.

**C**EPHALALGIA; seu CAPITIS DOLOR aut potius CEREBRI, est quædam dolorosa sensatio in Capitis partibus nervosis, membranosis: Inter illas recensentur *Pericranium*, *utraq; meninges*, *membrana*, *nervi*, &c. Extra cranium iterum est vel intra: *universalis* iterum est per totum caput, aut *particularis*, ut in *Hemicraniâ*, in quâ dimidium capitis tantum dolore afficitur, atque sic pro diverso particulari loco diversa quoque Antiquitas dedit nomina, ut *clavus*, *ovum* &c. quidam distinctionem faciunt, dicentes *Cephaleam* esse dolorem inveteratum & habitualement, integrum caput, ejusve maximam quasi partem discerpantem: sed *Cephalalgiam* capitis etiam quidem esse dolorem, sed recentionem. Porro ob partes cum aliis conjunctas, *per Sympathiam* dicitur, ut à morbis ventriculi, lienis, hepatis, Matricis &c. aut si causa in ipso cerebro fuerit, *per Idiopathiam* appellatur, dolor quoque est acutus, pungens, lancinans, cum caloris aut frigoris sensu, continuus, intermittens, recens, inveteratus, hæreditarius &c.

*Causæ Externæ* sunt frigus conceptum; victus ratio inordinata, animi pathemata effusa, crapula, vulnera, contusiones, inflammationes, abscessus, Tubera, Scirrhi, cerebri gravitas. Sed *internæ* consistunt in malâ sanguinis & reliquorum succorum dispositione, quâ obstructions, falsedines rodentes, aciditates, acrimoniæque facile per universum cerebrum, aut in aliquo particulari loco cuduntur: & Talis dolor in febribus quibusdam observatur, qui aliquando intolerabilis est. Sanguinis succorumque omnium crassities, de quacunque causâ orta, sæpe canales cerebri aut membra-



brantarum minimos subire non possunt, hinc sæpe mora, vasculorum dilatatio, membranæ expanduntur, ac fibræ nervosæ discerpuntur, unde dolores ac partium corrugationes. Si in ipsis arteriolarum extremitatibus sanguis subsistat, dolorem tunc comitatur pulsus: verum in ipsis partibus membranosis, nervosisve, statim acescunt, quia in quiete sunt, unde dolor cum frigore sentitur, præsertim si acidum adjunctam habet visciditatem: ast materiâ fluorem nactâ, omnes canaliculi, ob mobilitatem acidis corroduntur & inciduntur; ac tandem liquor effunditur & sic dolor producitur pungens & continuus: & prout per totum cerebrum vel per dimidium. aut minores partes dispergitur, varia concinnantur nomina, quæ nullius usus sunt. Aciditatibus hisce alibi extravasatis, circumiesse partes sale volatili plenas reperiunt, quibus cum effervescent, hinc inflammationes, exulcerationes, topi & calculi; qui generantur, ut si vitrioli spiritus cum liquore salis tartari jungatur, in fundo, effervescentiâ peractâ, materia calculosa & tephacea relinquitur. Ast si pituita admixta sit, in materiâ facile putrescente vermes nascuntur. Ast si canaliculi necdum sint rupti, sed solummodo obstructi, oritur tumor; si vero in caseum vertantur scirrhi oriuntur obstructions.

Si dolor sit externus, tunc pressionem non patitur, neque capilli sinunt se inverti; ast si internus, pressione linteamentorum, aut manus potius levatur. Equè dolores externi quam interni ad oculorum radices pertingunt, oculorum enim orbita à pericranio investitur, quod cum meninge externâ communionem habet. Si causa sit interna ab humoribus collectis, propensio ad somnum est; à meningum exulceratione, atrocissimus est dolor, præsertim si rosio adsit. A vermibus parit sæpe dolorem perforantem & pungitivum: sed hæc signa potius verisimilitudines sunt quam veritates.

Dolores capitis recenter oborti non admodum metuendi sunt, nisi illis sine febre accedat tenebrosa vertigo, tarditas vocis, manuum stupor: & tum vel Apoplexiam, vel Epilepsiam vel lethargum oportet expectare: idque vel ob spirituum tenacitatem & tardio rem motum, unde sopores; vel ob acres particulas spiritibus admixtas, unde motus convulsivi, & Epileptici. Invetarati quoque capitis dolores minus periculosi, quam aliarum partium, nempe cordis, hepatis, pulmonum &c. Si tamen pluribus annis, non semper eodem loco fixi perdurent, cæcitatem minantur: nam materia morbifica æquè nervos opticos; eorumque origines invadere potest, quam alias partes. Quibus vero, vel pus vel aqua, vel sanguis per nares, os, aut aures effluit, iis morbus non raro solvitur: nam materia morbifica tunc exantlatur. Quibus sanis dolores subito fiunt in capite, si ilico obmutescunt & stertunt; intra septem dies moriuntur, nisi febris supervenerit. Cujus causa est subita spirituum animalium eclipsis, à materiâ viscidâ, unde incipiens Apoplexia & universalis paralyfis, qua cordis motus cessat. Sed superveniente febre omnes succi commoventur, à levi nervorum cordis motu convulsivo, ut & cerebri, hoc enim modo succi in cerebro morantes loco discutiuntur. Obmutescencia, stertor &c. Signa sunt incipientis paralyfis, à crapullâ, insolatione, menstruis retentis, potu spirituosiore &c. minus periculi habent.

*Curatio* aliquando citius, aliquando tardius peragitur, sæpe enim radices



altas nimium egit. Si morbus sit hæreditarius, raro aut nunquam plenam curam admittit, quia canaliculi talem habent dispositionem, ut particulas heterogeneas admittant; verum causa maximâ ex parte in ipsis succis latet, nam infantes aliquando nati ex parentibus lue venereâ infectis: vel quia eandem, uti parentes, malam victus rationem sequuntur. Cephalalgia inveterata, præsertim cum scirrhus, plegmone, Erysipellate, abscessu, vermicibus &c. insequantur, periculum valedictionis est timendum.

Si ex crassis veniat succis attenuandum est; si ex viscidis incidendum; ex acidis temperandum, nam particularium partium morbi, semper dependent à correctione totius generalis massæ. Inter *cephalica* vulgo dicta, recensentur plerumque volatilia oleosa, ut

Radices *Chinæ*, *Cyper*i, *Galangæ*. Cortices *cinamomi*, *Guajaci*, *Macis*, Lignum *Aloes*, *Santalum citrinum*, *Sassaparas*, *Guajacum*. Folia & Herbæ *Betonicæ*, *Majoranæ*, *Origani*, *Rorismarini*, *Rutæ*, *Salviæ*, *Thymi*. Flores *Caryophylli*, *Croci*, *Lavendulæ*, *Liliorum convallium*, *Schœnanthi*. Semen *Anomi*, *Cardamomi minoris*, *Carei*, *Coriandri*, *Dauci*, *Granorum Paradisi*, *Sinapios*. Fructus *Caryophyllorum*. Balsamum *peruvianum*, *Caphora*. *Castoreum*. Spiritus salis armoniaci aromatici, Cornu cervi, &c. Sunt qui acido pleni sunt, & illi volatilia oleosa ferre non possunt: tunc potius descendendum ad temperantia terrea, cujus descriptionem in *Institutionibus meis* & alibi invenies: nam si semper in ejusmodi corporibus calefacientibus incedas, oleum & operam luderis, quia propter sanguinis, versus cerebrum, majorem protrusionem, dolor post haustum vini augetur, & tota facies calore & rubore suffunditur. Ast si pituita peccat, oleosis volatilibus incidendum, quia sanguinem habent minus meabilem.

In dolore intollerabili temporibus applicantur Emplastra ex *oxycroceo* & *opio*, vel ex *Mastiche*, aut *carannâ*; capiti etiam linteum admoveatur spiritui vini *caphorati* intinctum adhibeatur: naribus spiritus salis armoniaci, tunc subito aliquando evanescit. Vel naribus inspiro spiritum vini *caphoratum* aut spiritum *rorismarini*, aut tirundæ instar, *betonicæ folia viridia*, digitisque contrita immittantur; item *tabaci folia*. Hisce convelluntur partes narium membranosæ & nervosæ & per consequens etiam cerebri, atque hoc modo succi peccantes exprimuntur. Detur interim pulvis ex oculis cancri, *caphora* & *opio*. Sic etiam purgantia, non respondente alvo, præscribi possunt: quotidianus usus sit dosis pilularum ex Gummi Ammoniaco, cum *Aloë* & *Oculis cancri*, aut *Vitriolo Martis*. Dolor si quotidie perseveret, coquantur decocta ex *Ligno Sassaparas*, *Guajaci*, *Salviâ*, *Roremarino* &c. vel ex *China* & *Salsa parilla*. Similes potus in quotidiano habeantur usu.

Neque hic sudorifera sunt negligenda, præsertim si sudatio instituat per spiritum vini. Imo ipsum caput, de rasis capillis foveri potest herbis penetrantibus in vino, aliove quore liquore natâ, coctis. Capiti quoque cucupham imponunt, ex *Mastiche*, *Caryophyllis*, *Majoranâ*, *Floribus Lavendulæ*, &c. Aut *Masticatorium*, salivæ eliciendæ gratiâ, masticatur ex *Mastiche*, semine *Staphidis agriæ*, *Pyrethro*, &c. cum cerâ: salivando enim plurimi humores foetidi emulgentur. Cervici etiam *Vesicatoria* applicare solent; continent enim Cantharides.



tharides multum penetrantis salis, quo corrigitur. Quemadmodum *Sudoriferis* plurimum acidi exhalatur, sic *Antiscorbuticis* & *diureticis* idem non minus expellitur: pro formulis sequentia præscribito.

*Recipe* Magisterii chalybis, *drachmas duas*.  
 Ocul. cancri, *drachmastres*.  
 Caryophyllorum, *Numero decem*.  
 Elixiris proprietatis, *drachmam unam*.  
 Sacchari, albi, *uncias tres*.  
 Spir. Cochleariæ, *quantum sufficit*.  
 Misce fiant Tabellæ.  
 Dosis ad drachmas duas. vel

*Recipe* Caphoræ,  
 Oculorum Cancræ, *ana drachmam unam*.  
 Elor. Salis armoniaci, *grana sex*.  
 Cinnabaris nativæ, *grana duodecim*.  
 Misce fiant pulveres duo. vel,

*Cape* Aquæ Fœniculi,  
 Vitæ Matthioli, *ana uncias duas & semis*  
 Spir. Cornu cervi, *Guttas duas*.  
 Coralli, Testarum, *ana drachmas duas*.  
 Misce detur Cochleatim. vel.

*Pulveris* Millepedum, *scrupulos duos*.  
 Divide in partes duas.

Quidam in continuis usi fuerunt *actuali canterio* aut *trepáno*. Alii *salivationem* feliciter instituunt, præsertim si non nihil ex lue venerea laborant. Quidam absolvuntur usu *Theæ*, *coffæ*, &c. plurimi arteriis apponunt quædam balsamicæ: ut.

*Recipe* Terræ sigillatæ,  
 Mastichis,  
 Thuris, *ana unciam unam*.  
 Spir. Matricalis, *quantum sufficit*.  
 Misce fiat Emplastrum. Vel quod fortius.

*Accipe* Sanguis draconis,  
 Boli Armenæ, *ana unciam unam*.  
 Terræ sigillatæ, *unciam semis*.  
 Albuminis ovorum, *quantum sufficit*.  
 Misce. vel quod adhuc fortius.



*Recipe* Sinapi,  
 Saponis *ana drachmam unam.*  
 Spir. Salis Armoniaci, *guttas sex.*  
 Caphoræ, *scrupulum unum.*  
 Misce fiat Emplastrum.

Imponuntur nervis & arteriis, ubi dolor sentitur. Supplantalia etiam conficiuntur ex *fermento acido, sapone nigro, sinapi, &c.* quæ pedum plantis applicantur & aliquando cervici. Quorum ope sanguinis cursus celerior versus caput avertitur: hinc solamen. Si symptoma febrium sit, quod rarum non est, eodem modo ferè procedendum. Alii summo perè laudant phlebotomiam, quam in intolerabili dolore quidem non respuo, sed quia causam non tollit, ideo potius causæ sunt amovendæ, alias in sanguinolentis, planè recusanda non est.

Olim putabant Cephalalgiam aliquando ortum habuisse ex futuris Cranii nimium laxis, ideoque fasciis frontem, & occiput conabantur unire, quod novi in Amitâ meâ *Elisabetha Celosse* tempore juventutis factitatum, sed incassum. Sed quare infantes & recens nati non sunt ejusmodi capitibus doloribus obnoxii, in quibus futurarum hiatus & diductio manifestum est? & cur Trepano nonnulli sanantur.

Trepani usus etiam convenire potest, uti ex Epistola, & testimonio liquet, quæ recitatur, ubi de Vertigine ago.

*Juvenis studiosus per tredecim vel quatuordecim dies immani capitis dolore continuo afflictus, tandem post febrem auctam, vigilias, motus convulsivos & fabulationes deliras, obiit.*

2 Cepha-  
 lalgia de-  
 mortui ca-  
 pitis ana-  
 tome.

**C**Ranio aperto, vasa sanguifera, meninges perreptantia, mirum in modum, sanguine turgebant, adeo ut, sinibus dissectis, ferè ad uncias octo effluerat. Ipsæ meninges discolores ac inflammatae apparebant. Cerebrum ipsum intra gyros & anfractus aquâ limpidâ madidum: ventriculi eodem liquore turgebant. Cerebri substantia admodum mollis erat.

Succi nutritii meninges, & cerebrum irrorantes, à causâ qualibet præcedente, sive ab acido nimio, sive frigore externo, inspissati, canaliculos, eas partes perreptantes, liberè pertransire nequibant, unde obstructio: ex obstructione inflammatio; hinc sanguinis cursus aliquomodo impeditus, vascula sanguinea immensum distendebant.

Sed regerit fortè quispiam, quare sinus sese exantlari nequeant, cum à principio angusto incipiant; cruorque inde in multo ampliores ductus currat, contrario modo ac in arteriis?

Respondeo; istos sinus sanguinem recurrentem versus jugulares venas, cum cranii moenia relinquunt, ab humore lymphatico adeo exterius premi ac



ac angustari, ut liber descensus sanguini denegetur, plusque sanguinis per carotides advehatur quam remeare per jugulares possit.

Porro lymphidus iste liquor procul omni dubio ex ruptis lymphaticis effusus fuit, unde & cerebri moles minus firma & madida evasit. Ubi enim obstructions, ibi vascula lymphatica sæpissimè vel nimis distenduntur, vel rumpuntur. Liquor iste extravasatus & acidus factus corrodit membranas τῆς ἐγκεφάλου, unde *Dolor capitis* gravissimus.

Sanguis cæterique succi intra cerebrum retardantes, incaluere; hoc est, particulæ acidæ & alcalicæ quibus sanguis abundabat, à subtili materia invicem in actum suscitabantur; quod, sanguine celeriter currente, non ita fit, saltem non animadvertitur à nobis: calor iste à nobis vocatur *Febris*: quæ tandem, accrescente tumore phlegmonide, magis exacerbatnr, quia sanguini ex cerebro descendenti minor exitus concedebatur: exinde facile colligimus, quo sanguis magis retardetur, eo major particularum acidarum cum alcalicis lis.

*Vigiliæ* causabantur non tantum ex dolore intolerabili, sed fibrillæ ipsius cerebri ab humore isto lymphatico irritabantur, unde in ipsa cerebri substantia, minores quasi convulsioniones concitatæ; hinc nulla quies.

Dum de auctis hisce convulsionibus, sensibiles motus in genere nervoso oriebantur: ab eadem etiam causa fabulationes deliræ dependent. Nam propter convulsioniones cerebri, ideæ malè repræsentantur, pessimeque judicantur & proferuntur.

*Virgo cephalæa immuni afflicta, inter medios cruciatus multum humoris flavi & tenuis naribus effluebat: supremâ hyeme, excretionē denegatâ, capite pejus habuit, in motus convulsivos cum stupore incidit, quæ ante tertium diem Apoplectica vitam deposuit.*

**C**erebro post mortem inspecto, humor flavus totam τῆς ἐγκεφάλου regionem latice flavo inundaverat.

Virgines & mulierculæ si juventutis tempore multa acetaria & acida ingurgitaverint, sæpe cum adoleverint, in inmanes capitis dolores incidunt. Illa enim, ut crebro dixi, humores inspissant, adeo ut circulationi inepti sint: hinc obstructio, quæ in hac ægra cerebri regionem occupavit. Vascula lymphatica certè ruperunt; qui humor insudibulum pertransire nesciens, in cerebri cavitibus stagnavit, adeo ut per nares exitum quæsivit. Postea vero nimium Crassescere incipiens, per nares exitus denegatus fuit: hinc intra cerebri mœnia morari coactus, adeo corrosivus evasit, ut convulsioniones pareret: cerebri fibris, hisce convulsionibus, ruptis, major lymphæ quantitas exprimi debuit, quæ cerebrum ita premit & obruit, ut apoplectica interit. Apoplexia enim nihil aliud est, quam cerebri paralysis sive ab obstructione intus facta, sive à pressura rei alicujus externæ.



*Quinquagenaria per semiannum ferme immuni cephalalgia sub sutura sagittali continuo fere torquebatur: ea denique in lethargum cum partiali membrorum resolutione incidit: à curatione tamen per convenientia adhibita, multo pejus quam prius cephalalgia atroci experta est; post tres fere hebdomadas apoplectica obiit.*

Cephalalgia continua & inveterata in Lethargum transiens.

**C**Alvaria dissecta è latere sinus tertii, tumor scirrhusus tres digitos latus membranis accreverat, cujus interventu & crassa meninx aliquanto spatium tenui accreverat, & vasa sanguifera, quæ illic in sinum dehiscere debuerunt, constipabantur. Cerebrum tam extus quam intus lympham magnum transdidum.

Ex præcedenti inflammatione dolor primo & deinde scirrhus factus, qui compressione sua sinum tertium adeo angustum reddidit, ut sanguis ex cerebro in illum transire non potuerit: hinc cerebri paralyxis, quæ apoplexia dicitur.

*Quidam post diuturnam Hemicraniam, sub sutura squamosa, per tres hebdomadas cum assiduo & vehementer molestantem, apoplecticus moritur.*

à Meningum abscellu Capitis dolor.

**E**Levato cranio, inflammatio locum dolentem occupaverat, unde suppuratio, ex qua sanies in cerebrum decidens, substantiam ejus livore & putredine infecerat.

Humores alibi resistentes, corrumpuntur, acoremque cum fæore contrahunt. Sic in hoc ægro, meningibus ab istiusmodi humore vellicatis ac corruptis, pus effusum, cerebri canaliculos ita compressit ut in altera parte nulli succi cerebrales segregari non potuerunt; ex quorum defectu torpor, & deinde mors.

*Studiosus cum per quatuordecem dies de intolerabili cephalalgia, ipsum continuo vexante, molestatus fuisset, denique febre vehementiore, statim vigiliæ, convulsiones, & confabulationes deliræ insequabantur. Medicamentis nihil proficientibus, è vita excessit.*

Ab inflammatione meningum cephalalgia.

**E**Levato cranio, vascula meninges perlustrantia fuerunt cruore turgida, & distenta, imo è sinibus dissectis septuncis mensura sanguinis fere effluxit. Meninges non tantum discoloræ, sed inflammatae. Cerebrum, ejusque cavitates humore limido turgebant.

Si meninges ab acri humore vellicantur, dolor, & convulsio. Cerebri fibræ seu canaliculi etiam irritatis, vigiliæ & delirium. Eundem ferè casum, obser-



observatione tertia invenies, ubi lector quoque latiore explicationem invenit.

SOMNOLENTIA CONTINUA morbus est, in quo ægri in soporem continuò labuntur. COMA, est sopor inordinatus, in quo ægri excitati, ilico alto sopore iterum obruuntur.

De Somnolentia continua, comate, Lethargo, Caro & Apoplexia.

LETHARGUS, est etiam sopor modum superans, sed cum febris & delirio.

CARUS, major soporis gradus, in quo ægri vellicati, concussi, altâ voce allocuti, vix sensationis signa præbent, sine febre.

APOPLEXIA altissimus soporis inordinati gradus est, in quâ ægri præter modum agitati, concussi, acclamati &c. nullâ sensationis signa edunt, sæpe cum respirandi difficultate, ac alto stertore. Morbi illi omnes gradibus inter sese differunt, nam *Apoplexia* altissimus, ad cujus curationem, cæteri gradus sunt dirigendi.

De causis hic nihil dicam, cum satis superque in *Institutionibus* reperiuntur. *Continua Somnolentia* & *Coma* quidem in *Carum* mutantur, *Apoplexiam* & *Paralyfin*, quia gradus minor poterat fieri deterior: *Lethargus*, *Carus* & *Apoplexia* semper cum maximo periculo sunt, præcipuè si stertor adveniat. In omnibus Apoplecticis, quantum mihi observare licuit, Mortua pulsus in morbi principio plenus est & fortis: sed perseverante aliquot horas morbo, reperi impeditum, intermittentem & inæqualem. Pessimi omnis est, si præter motus voluntarii destructionem, etiam pulsus & respiratio in capulo. aut deficiunt aut laboriosè peraguntur, & tunc plerumque cum spumâ oris & ronchis contingit: porro si mortui videantur, non nisi post quintum diem sunt sepulturæ destinandi, quia exempla sunt reviviscentium: exemplum habeo in Avia meâ *Anna Heemskerk*, quæ cum olim pestis Leidæ regnabat, sese in capulo inverterat.

Materia per ductus nervosos in medullam spinalem descende, *Paralysis* producitur. Succis, in senibus, viscidioribus redditis, & deficientibus viribus, iis majus periculum imminet, quam junioribus. Si *Lethargus* à cerebri apostemate veniat (cujus pus à circulo sanguinis ad pulmones vegitur) & ægri Empyi fiant, hoc est pus exspuant, bonum est. Pus enim in cerebri ventriculis effusum per choanam ad glandulam pituitariam, quod tunc per vasa lymphatica in venas sanguineas effunditur, atque tunc cum reliquo sanguine ad pulmones pervenit, vesiculasque minimas obstruit, atque sic tandem vel in tracheales canales intrat; aut foras effunditur in thoracis cavitatem, & hoc modo *Empyema* producitur ab ulcere cerebri. Morbus raro ad septimum extenditur, sed moriuntur, nisi adveniat febris, tunc enim pituita ob calorem nimium attenuari potest. Si sudor frigidus superveniat, signum est non boni ominis.

Si febris adsit mali moris, *Lethargus* non per se, sed à malignitate, periculosus censendus. In debilibus & ætate provertis, satis cum periculo est: idem æstimandum ab animalium ictibus venenatis, aliisque venenis assumptis. Tremor Lethargo superveniens, quia Tremor, species est convulsio-

nis,



nis, quia febris per somnos malum portendit. Post assumpta narcotica; in ebrietate & post crapulam, ab ictu, casu, terrore &c. sæpe restituitur. Pericula non vacat. *Carus* si puerperium aut febrium malignam consequatur: aut morbis cephalicis, cerebrique vulneribus superveniant. Spasini quoque nihil boni portendunt. In *Comate Somnolento*, eventus est dubius. Continuo meditantus, tristibus, &c. manfa minatur.

Primo paroxysmus, quantum fieri potest, est propulsandus: eo deinde propulso, causa, ne redeat, est subjuganda. Primo æger lecto calido reponatur: deinde *Spiritus salis armoniaci cum calce viva destillatus*, naribus est admovendus, si sensationis signa edit; spes affulget; si nulla, actum est. Nihilominus tamen, quandiu quis in vivis est, omnis labor est adhibendus. Ejus quaque loco *Sternutatoria* fiant ex *Tabaco*, *Helleboro albo*, *Pyretro*, *Pipere*: vel ferâ porcinâ fiat in in naribus pruritus & titillatio; oculis admoveatur radix raphani rustici aut cepa dissecta. Huc etiam titillatio & frictio sub axillis usui esse possunt. Licebit *Vomitivum* dare, aut purforè, ut motu stomachi cerebrum per nervorum & membranarum communicationem, humores fixi fluorem acquirant. Et ut spirituum fluor magis procuretur, Medullæ spinalis locus fricetur. Quidam supra cranium cauterium amant, quod non est negandum, quia vis ignis non parum penetrat, & hoc modo canaliculi contrahuntur, qua materia obstruens protruditur. Enemata calidè injiciantur, atque bis terve repetantur, cujus calore non tantum fæces emolliuntur, sed calor totum systema nervosum & membranofum afficit. Mos est ut vena secetur, quod ita fit, quia mos est, sed tanti non est, nam deficiente sanguine, deficiunt quoque vires, quibus depromptis, obstructio remanet. Quidquid clamorosa turba in modum Archytæ crepitaculi ( *Ἀρχύτης πλαταγῆς*. ) ad raucedinem usque crepitare solet.

Testatur *Celsus*, quod sanguinis detractio in Apoplexia vel occidit vel liberat, aliud vero curationis genus vix unquam sanitatem restituit, sæpe mortem tantum differt, vitam interim infestat. Et, si post sanguinis missionem non redeat & motus & mens, nihil spei superesse; si redeat, sanitatem quoque respici.

Intus quædam spirituosæ & volatilia dari debent: ut

*Recipe Aquæ Antepilepticæ, uncias duas.*

*Melissæ, uncias tres.*

*Castorei, grana decem.*

*Spiritus Salis Armoniaci, guttas octo.*

*Oculorum Cancris, drachmam unam & semis.*

Misce.

Extra Paroxysmum sequentia quotidie sumantur. ut

*Recipe Spir. cornu cervi rectif. uncias duas.*

Tinct.



Tinct. Croci,  
Castorei *ana drachmam unam.*

Misce.

Detur gutatim bis vel ter de die in vehiculo conveniente. Vel.

Extra paroxysmum sequentia quotidie fumantur. ut

Rec. Rad. Angelicæ,  
Zedoariæ, *ana drachmas tres.*  
Fol. Rutæ,  
Salviæ, *ana manipulum semis.*  
Diptamni creti,  
Cort. Citri,  
Cardamoni minoris.  
Cinamomi,  
Caryophyllorum, *ana sesqui drachmam.*  
Vini albi, *libras quatuor.*

Fiat Vinum Medicatum.

Dosis sit ad uncias tres.

1676. Hic Amstelodami habitabat in plateâ *den Nieuwendyk Anna van Souburg*, illa erat deses, tarda, facie pallida, tristis, ad dormiendum prona &c. in comam incidit, idque non subito, sed à longo tempore: vomitorium præscripti, multa evomuit pituitosa: sed postea iterum in somnum continuum incidit. Præscripti Enema ex cerevisia dulci cum sale cornu cervi, & non sine effectû: multum deposuit, & somni perpetui oblita fuit: sed interim jussi quotidie cum vino sumeret sal cornu cervi, aut sal volatile oleosum, ut se magis ad laborem & exercitia conferret.

Mercator quidam *Hermanus van Hulst* casu cecidit cum capite in januam, sine læsione partium externarum: quæritur tamen de dolore, & de somnolentiâ continuâ, idque per aliquot dies, tandem cogebatur decumbere: excitabatur continua allocutione, odore spiritus urinæ; nuchæ applicatum vesicatorium, supplantalia applicata; purgavit *νάλω*. Haustum cardiacum cum sale cornu cervi sumpsit. Enemata ex decocto Hellebori albi, & aliquando tabaci cum spiritu cornu cervini sumpsit, & evasit, sanusque vixit, sed cum aliquali sensuum internarum læsione.

Nobilissimus *Geurt van Beuningen*, matutino tempore psittaco Amygdalum daturus subito cecidit in terram: frictiones admotæ, spiritus salis armoniaci nares litæ, venesectio administrata, clysteres injecti, omnia frustra, brevi post meridiem stertere incipiebat, & fati cessit somnolentia continua.

Quidam CONTINUA laborant SOMNOLENTIA senex obiit.

Somnolentia  
Continua.



*Senex obesus, collo brevi & toroso, diu invaletudinarius, vitamque sedentariam agens, cacochymiam valde scorbuticam contraxerat; respiratione difficili; & anhelosa, cum capitis gravitate, & torpore insolito affectus: post aliquot tempus matutino tempore derepente percussus, & mox ἀφρον & insensibilis factus, in humum concidit, & illico sublatus.*

**I**N cerebro, Vasa meninges irrigantia, sanguine mediocriter repleta, absque ulla phlogosi, aut extravasatione: omnes τῶν ἐγκεφάλου partes ab omni culpa immunes videbantur.

In thorace pulmones discolors & spuma per totum infarcti.

Credendum est sanguinem in hoc senes ita fuisse viscidum, ut obstructions paruerit, easque in cerebri glandulosa mole: hinc primo pauci succi sequestrati, unde non tantum capitis torpor productus, sed ex defectu, nervi respiratorii non irrigati sunt, adeo ut fungi officio suo pulmones nequiverent: non mirum, nostrum senem fuisse anhelosum, dyspnæaque laborantem.

Solvere Apoplexiam vehementem impossibile quidem, levem vero non facile; quia apoplexia nihil aliud est, quam cerebri paralyxis, hoc est glandularum cerebri, ejusque meatuum vel obstructio, ut hic, vel compressio, quemadmodum in præcedenti observatione videre est. Morbus hic senibus familiaris, fitque maxime à quadragesimo anno ad sexagesimum & ulterius: nam ob defectum salis volatilis, humores viscidi fiunt, à quibus tenuiores succi in cerebro amplius sequestrari non possunt, unde & cor & totum per consequens corpus collabascit & concidit.

Pervigilium.

Sequitur nunc PERVIGILIUM, quod est, quando quis noctu dieque somnum inire nequit, cum innumeris, & aliquando, phantasmatibus. *Causas* vide in *Institutionibus*. *Pervigilium* diu durare non potest, viribus enim consumptis, deficiunt corporis functiones, hinc convulsiones & mors: motus enim convulsi non tantum intra cerebri mœnia manent, sed per manipulos ipsum totum nervosum systema adeunt, omniaque membra subeunt. *Remedia* hic itaque sunt adhibenda, quæ acres particulas subjugant, eque corpore pellunt, ut sunt *Temperantia*, & *Opiata blanda*. Porro curantur ut in *Phrenitide* dicetur.

Catalepsis, seu catochus.

Quamvis CATALEPSIS siue CATOCHUS non pertineat proprie ad morbos soporiferos, nihilominus, quia cerebri muniis impeditis accensetur, illum hic enodabo. Est omnium functionum & motus arbitrarii, abolitio, in quo tamen respiratio manet superstes, & ægri eundem corporis, aliarumque actionum servat situm, ac cum primum eo morbo obruebantur. Sani in templo vel inter studendum, præsertim cum attenti sunt & meditabundi derepente hoc affectu opprimuntur: si protrudantur, gradum unum aut alterum progrediuntur; si elevetur brachium, illud in hoc statu retinent: si oculi sint aperti, illos ita servant, ac si viderent.

*Causa* difficulter explicari potest. Certum est, quia membra eundem statum servant ac in sano, affluxum esse è cerebro & medullâ spinali spirituum animarum.



animalium superflitem; dico affluxum, quia semper plurimi, per diaphoresin spiritus consumuntur; nam si contrarium sit verum, membra flacceferent. Viæ itaque spirituum animalium, quæ procedunt ad membra in priorem statum servandæ, satis videntur apertæ: ast illæ, per quas sensuum motus ad animæ sedem procedunt, inter eruditos adhuc lis est. Dicimus itaque ibi debere esse sedem animæ, ubi nervorum origo & fons est: nervi itaque procedunt à corpore oblongato, argo ibi habet imperium ut regat spiritus animales, & ut motus sensuum dijudicet. Itaque viæ sive striæ corporis striati quæ versùs sensorium commune tendunt videntur esse *ἐν εὐλαίψει*, quod nempe deficient spiritus, quæ à sensibus externis ad ipsum *αἰσθητήριον* tendunt, & animæ repræsentant, quæ externè aguntur. Sed illa sensuum abolitio semper planè non abolita, quia, postquam invasio cessaverit, interdum enarrant, quæ acciderant: ergo eclipsis illa totalis semper non est, sed aliquando partialis, ita ut, quidam motus intrare possunt. Persuaderem mihi quidem, quod viæ à sensuum organis ad animæ sedem tendentes eo tempore, quasi levi spasmo aut Convulsione laborare, quia nimium intentis & sanis solet accidere, atque sic viæ ob contractionem angustantur, quare pro variâ angustia, vel planè nihil gestarum rerum percipiunt, aut parum: vel ob magnam attentionem tonum relinquunt, instar brachii labore defessi, quod vix amplius movere, ut prius potest.

Quia illud symptoma sanis accidit, & brevi cessat nullo relincente corpori damno, & absque medicamentorum usu, Medicus non est vocandus: sed non esset malum, ut spiritus salis armoniaci naribus admoveatur, fortasse tunc statim cessabit.

Est & alia *catalepsios* Species in iis, qui frigore sunt congelati, equo insidentes, qui equos freno videntur temperare, & tamen mortui vehuntur imitantes vivum situm, imo & oculis quoque prospicere videntur. Idem, fulmine ictis.

Ad I N C U B U M nunc transeamus, qui est imaginationis inter dormiendum *Incubus* abusus, in quo putant corpus aliquod grave pectori incumbere aut insidere, cum respirandi difficultate, nisu ad loquendum, & sæpe cum pollutione nocturna. Postquam experrecti sunt evanescit imaginatio, vires restituuntur: remanetque aliquando cordis tremor cum celeri ac forti diaphragmatis concussionem. Putat vulgus hoc fieri à Diabolo, verum hoc non credo, diabolus enim non est corpus, quo possit aliquem dormientem gravare, & quia ejusmodi symptomata ratione satis explicari possunt, ad ejusmodi figmenta popularia confugiendum non est. Sunt tamen, qui certissimè sibi imaginantur, ipsum vidisse & manu tetigisse, quod falsum est, quia dormientium motus localis pro eo tempore cessat; verum hoc inde fieri videtur, quod, quamvis dormiant, imaginationes suas falsas (aliquomodo vigilantes, hoc est non altè dormientes) falsò sibi imprimant, putantes hujusmodi animal, diabolum, vel aliud nescio, quid, vidisse. Sæpe id mihi contigit. cum supinus dormiebam, me revera imaginasse satyrum, cercopithecum vel aliud quid mihi insidentem, neque suffocantem, impotens, altà voce clamare auxilium, verum expergefactus, fraudem imaginationis detegebam.



Cum hic de falsâ inter somniandum agitur imaginatione, detegam illud de *spectris* quibusdam *nocturnis*, cum quidam tam pertinaciter asseverant se ea ante vel circa lectum, in quo decumbebant, vidisse. Accidit mihi, in lecti-  
sternio decumbenti, quod mediâ; nisi fallor, nocte, tres personæ mihi ante  
lectum affidebant; nempe Capitanus mihi notus, & à latere videbatur mihi se-  
dere uxor mea una cum ejus matre; non eram perterritus (quoniam somnia-  
bam) allocutus sum, responderunt pauca (quæ oblitus) interim evanuerunt  
postea nihil mali cogitans, expergiscebar, recolligens spectra, quæ tam clarè  
videram, ac si vigilarem. Alio tempore contigit, quod uxor mea paulo ante  
è lecto surgebat; interim denuo in somnum lapsus, tale quoque phantasma  
mihi apparuit, idque claro die, videbatur mihi apparere soror mea Anna  
Maria, (quæ ante aliquot dies in Frisiam profecta erat) loquor inter somni-  
andum, & dico, soror mea profecta est, & nunc illam video, quomodo hoc  
est? uxor mea cum ipsius sorore erant in eodem cubiculo præsentēs, rident me,  
& dicunt, quomodo potes sororem tuam videre, cum illam ipse ad navim dux-  
isti. Illud audiens, expergiscebar, & evanuit illa vana, quæ mihi clara vide-  
batur, imago. Atque hoc modo plurimi decipiuntur si præjudicia sequantur.  
De his satis.

*Causa* consistit, nempe *Incubi*, in eo, quod affecti supini jaceant, & ce-  
rebellum tunc à cerebri mole prematur, ita ut spiritus per par vagum & inter-  
costale non nisi difficulter ad pulmones cæteraque viscera meare queant, unde  
circa pulmones cor, & totum pectus oritur difficultas, quia illorum motus,  
deficientibus spiritibus, impeditur. *Secundo*, si ventriculi in cerebro, multum  
aquæ in sese contineant, etiam cerebello molestiam pariunt, & simul quoque  
nervis respirationi inservientibus. In pectoris hydrope, pulmonis functio  
etiam quidem impeditur. Porro immoti manent, neque vocem edere pos-  
sunt, quia sufficienti copiâ spiritus petransire non possunt. Impeditis itaque  
hoc modo nervis, per eorum convulsivos motus, efficitur, quod quædam  
canaliculi in cerebro aperiantur, qui, pro diversâ anomaliâ, hanc aut illam  
animalis, &c. Chimæram sibi incumbentem fingunt. Musculi item pectoris  
spasmo etiam quidem affici possunt aut paralyseos specie. Vel ob crassitiem  
sanguinis pulmones petransire nequeunt, gravamina non tantum pulmoni,  
sed & ipsi cordi pariunt. Quia malum hoc plerumque sanis accidit, nihil pe-  
riculi est expectandum; sed si sæpissimè contingat, inque habitu sit radicum,  
& superveniat coma, carus, Apoplexia, Epilepsia, &c. Periculo non va-  
cat, quia causa causam alit, ut ignis ignem. Si post incubum nocturnum  
accidat diurna vertigo, malum: & metuendum in pejus ruat.

Quamvis cura vix unquam instituatur, nihilominus tamen de ea aliquid dice-  
mus; quibusdam enim est in habitu, quibusdam casu tantum contingit. In  
hoc casu maximè convenit *Potus Theæ* & usus *salium volatiliū oleosorum*, ut  
quidquid est viscidum volatilizetur, ac fluori restituatur. Alvus sit laxa, mo-  
dica sudatio præstat: decumbat patiens in hoc aut illud latus: neque post  
esum statim se ad dormiendum componat. Cæna parcior sit prandio. Inte-  
rim quoque vinum aliquod medicatum sumat: ut



*Misce.* Rad. Angelicæ,  
 Limat. Chalybis, *ana uncias duas.*  
 Fol. Betonicæ,  
 Salviæ, *ana manipulos duos.*  
 Diptamni, *unciam semis.*  
 Vini albi, *libras quatuor.*  
 Fiat Vinum Medicatum.

Mane & vespere cubitum iturus, cochlearia duo aut tria fumantur : vel ejus loco sequentes pulveres : ut

*Sume* Rad. Angelicæ,  
 Contrajervæ, *ana drachmas duas.*  
 Coralli rubri  
 Caphoræ,  
 Fol. Diptamni albi,  
 Majoranæ,  
 Rorismarini, *ana drachmam unam.*  
*Misce* fiat Pulvis.  
 Dosis est drachma unica, plus aut minus.

Huc quoque referuntur *spiritus cornu cervi, salis armoniaci, sal volatile oleosum &c.*

Erit nunc nobis de NOCTAMBULONIBUS sermo : est nempe sopor, Noctambulatio in quo homines inter dormiendum è lecto surgunt, januam aperiunt ac fenestras, uti matutino tempore solebant, è cunis tollunt infan-tem ; domuum tecta imo audaciter loca prærupta & inaccessibilia ascendunt, quod vigiles non auderent ; de quibus in *Institutionibus meis* rationem dedi.

Minæ, Verba minacia, virgarum Castigatio, aliæque sesquipedalia verba curam planissimè absolvunt, eodem modo ut pueri, singulis noctibus lectum commingentes, etiam minis curari solent, hoc enim modo metus iis injicitur, quo canaliculi, premente urinâ, cerebri aperiuntur, atque sic minarum memores fiunt. Præter minas, optimum est, si medium corpus, crus, brachium, &c. tænia vinciatur, quæ iterum cubili firmiter connectatur ; ut surgentes, se ligatos esse animadvertentes, evigilarent : atque hoc modo tandem nocturnas deambulationes desuescerent.

Nunc ad VERTIGINEM transeamus, quæ est falsa imaginatio, in quâ objecta omnia, & ipsum caput circumgyrari videntur ; ita ut si æger ab adstantibus non sustinetur, vel se ipsum conservet, in terram prosterneretur. Causæ hujus phænomeni in *Institutionibus* nostris sunt explicatæ. Ad Prognosin itaque est descendendum. Si alium morbum sibi habeat comitem, periculo vacat, & curatu facilis est. Si radices egerit, tunc quidem periculum non est timendum verum tardissimè curam admittit, & sæpe magistædet Medicum quam

Vertigo.



quam vertiginosum. Quæ in fronte est, neminem facile prosternit, & facilius curatur: verum in Cephalalgiam quidem mutatur: quæ hæmorrhagia quidem sedatur in occipite, periculosior est, & tandem quidem in Apoplexiam, Paralyfin, motus convulsivos, &c. mutatur.

In *Curatione* ea ferè methodo incedendum, uti in Apoplexiâ extra paroxysmum. Si vertigo veniat ab externis rebus, præter lumen, ut à cursione in circulum, navigatione, Ebrietate, conspectu ab alto. &c. illa per se desinit. Verum si à spiritibus debilibus originem habeat, atque luminis radii prædominentur, spirituosa, aut *salia volatilia oleosa* sunt exhibenda. Conveniunt hic omnia ea quæ *Cephalica* dicuntur, hoc est, quæ constant ex particulis salino-oleosis. Potetur quotidie salvia in modum theæ. Quidam caput cucuphâ tegunt, quod non est malum. Caput matutino tempore fricetur, & frigidâ lavetur præsertim si capilli derasi sint. Neque *Chalybeata*, uti & *spiritus salis armoniaci* à nostro scopo sunt eximenda. Pulveres sequentes etiam ului veniant: ut

*Sume* Castorei,  
Flor. salis armoniaci.  
Sal. vol. succini,  
Tartari Vitriolati, *ana drachmam unam.*  
Misce fiant Pulveres. duodecim.

Neque *Tinctura succini* spernenda. Usus quoque *pilularum ex Gummi Armoniaco, Chalybeatis; Aloë, &c.* non est exulandus. Emetica aliquando proficua sunt ne sit aër nimium calidus; cibi sint Eupepti, vinum sit bonæ notæ: cavendum à nimia salsedine, aciditate, & animi Pathematis.

*Trepanatio in vertigine & cephalalgia non raro profunt: quod sequenti observatione testari potest, non tantum Chirurghi, sed & ipsius patientis.*

## NOBILISS. DOCTISSIME AC EXPERIENTISSIME DOMINE DOCTOR.

Vertigo  
Trepano  
profligato.

„ Ante aliquot menses vestræ dominationi mentionem feci epistolarem de  
„ *Vertiginoso* quodam, per Trepanum, curato: nunc vero tempus mo-  
„ net ut paulo accuratius Historiam transmittam.  
„ Erat studiosus annorum quinquaginta quinque, juventutem Latio sermo-  
„ ne crudiens. Plurimos annos *Vertigine* non vulgari vexatus, opem ubi-  
„ que quæsit, sed omnia incassum tentatus: tandem ex me remedia petiit,  
„ ast nullo successui tandem fonticulos duos tresve ei adhibui, verum sine  
„ fructu. Postea per annos quidem tres alios consuluit, verum nihil opis  
„ patienti attulerunt.

„ Eous-



„Eouſque Morbus invaluerat, ut in ſede collocatus, ſe erigere nequibat, niſi manibus aliquod fixum præhendebat. Huic ſymptomati acceſſerunt & alia mala, ut *Cephalalgia* intollerabilis, *Suſurrus* & *Tinnitus* aurium continuus, cum *viſu debili* & *caliginoſo* nec non & *capite perpetuo gravitate* &c.

„Denique cum omnia in pejus ruebant, 1. Aprilis Anno 1694. Epiſtolâ querelis plenâ me de novo rogavit, ut quidquid in arte Medicâ erat, ſeruo adhiberem. Statim eum adibam, & trepanum ultimum ei ſolatium eſſe pronuntiabam, modo vellet ut inſtitueretur: tandem; re perpensâ, non abnuit. 4. Aprilis Trepanum inſtitui, nemine præſente niſi Scholarum tantum cum diſcipulo meo, ut omnia nimirum tacitè fierent. Omnibus porro, quæ ad hanc operationem pertinebant, ut potui corraſis: Trepanum, eo loci, ubi coronalis futura ſagittalem tangit, eſt adhibitum. „Eo itaque applicato officulum ab unâ parte prius quam ab aliâ ſeparabatur; & ſuperveniebat quidam ſtrepitus, cujus cauſam, primum ignorans, divinabam eſſe flatum, à ſuperficie duræ meningis erumpentem: deinde Patienti vehemens ſuperveniebat ſternutatio, quâ flatus ille multo magis emittebatur: & tamdiu perfeverabat, ut ſerè centum numeri poterant eſſe loqui; ceſſante hoc ſtrepitu, perterebrationem iterum continuavi, & tandem officulum exemi. Videbam tunc cranium ab una parte alterum tantum majorem habuiſſe craſſitiem quam ab alterâ, & duram meningem ea parte eſſe ſeparatam, quod ſtylo facile experiri poterat: Expulſo enim ventro meninx iterum priorem ſedem recipiebat. „Mirum dictu, Vulnere, ut decet: obligato, ſtatim absque manuum adminiculo, ſurgebat. Et poſtridie eum viſitans, poſt meridiem; ſolus per cubiculum ſpatiabatur; quod meo juſſu factum non erat; ſed è contra imperaveram octo, vel novem dierum quietem: ad diem porro ſeptimum & octavum uſque ſemper ſub emplastro & in circumſtantibus capillis plurimum loca madebant; ex vaporibus forte ſub cranio reſidentibus. „Æger quotidie in meliorem ſtatum perveniebat, ſumendo quoque cephalica, pectoralia; antiſcorbutica, laxantia, &c. poſt duodecimum diem iterum diſcipulos informabat; & die quadiageſimo ſecundo apertura erat clauſa, „Symptomataque planè ceſſabant: imo & facies Humida & Hydropica pallidum exuebat colorem, vigoremque rubicundum recipiebat: his accedebat viſus acies.

„Atque hæc ſunt principalia MAGNIFICE VIR, quæ vobis de hac curâ communicare habebam: una cum ipſius patientis atteſtatione. Veſter &c.

Dronthem

$\frac{14}{24}$  Febr.

1695.

Christianus Frauenberg,  
Chirurgus.



CONTESTATIO IPSIUS PATIENTIS  
SEQUITUR.

*Morbi, qui me diu detinuit, curatio, qua exponuntur, quæ potissimum me vexavere symptomata, priusquam experientissimi Chirurgi Chris. Fravenii cura me committerem, Trepano inusitato atque inaudito his locis Medicina genere curandum.*

1. **I**nfestam mihi per annos quindecim Cephalgiam & ingentes capitis dolores continuo aurium tinuitu comitatos, qui prius, quam curæ medentis me committerem, tantâ me adorti sunt vehementiâ, & fatigaverunt adeo, tussi præsertim superveniente, ut loco cedere non valerem, etiamsi cõ vita redimeretur, nisi manu me vicinus duceret, sedavit ea ex voto, Auxiliante Deo, quam mihi Medicinam fecit experientissimus Chirurgus *Christ. Fraven.*

2. Infestante me vehementissimâ tussi, atrâ velut nuba obscurabantur omnia, ut vel dimidiæ horæ spatio nihil quidquam oculis intueri, nec quò ingrediendum esset, prospicere permetteretur: infestum hoc morbi mei symptomata, opitulante Deo, Medicina relevavit.

3. Summa in ingrediendo difficultas, jam boum ritu varicante gressu, jam ad mores anserum trepidante, curæ hujus beneficio, Laus Deo sit, superata est.

4. Emendata etiam quodammodo hac Medicina sunt, Juvante Deo, pristina oculorum vitia: hebes enim erat visus, & ita fallax, ut ingredienti semper in acclive enitendum esse appareret, & equi cæci more totum incedendum.

5. Quæ multis ab hinc annis oppido molesta mihi *Vertigo* fuit, & in tantum vires sumpsit, ut vel parietibus fulto difficilis & arduus incessus esset, Medendi hac ratione, Benedicente Deo, ferè evicta est; ut longo morbo vitiata constitutiones meæ rationem, totam in melius mutatam esse appareat. Non satis ideo cumulatè Deo gratias egerim, quod, si non ex morbo penitus convaluerim, quotidie tamen me refici, recrearique sentiam: quod & ipsum me ad prædicandam miram illam, quam mihi Deus attulit opem, incitabit, ut & meo exemplo, condiscant alii collatam in gratiam concelebrare, cum in summo discrimine præsentissimum numinis auxilium semper experiamur omnes.

Rem ita esse, ut enarrata est, subscripta manu testor.

Nidrosix, 30.  
Maji, 1694.

Georgius Johannis  
Christopolin.



*Puerulus paulo supra tres annos natus, ophthalmiis gravioribus, & faciei exanthematis gravioribus obnoxius, ineunte autumno malè habent o cum febris lenta, & somnolentus evasit, ut dies & noctes fere assidu dormiret; experrectus tamen amicos novit, & interrogatus respondit. à remediis post sextum aut septimum diem febre immunis, satis evigilans, & alimenta poscens, plane convalescere videbatur: sed brevi post recidivam passus, & denuo soporosus, torpore statim graviore afficiebatur, adeo ut vix expergiscebatur; postridie plane stupidus, nullius ferè sensus indicium præbens; atque intra diem unam vel alteram totius dextrilateris paralysis insecuta. Medicamentorum administratione nihil adjuvante, post quartum aut quintum diem viribus fatiscen- tibus, obiit.*

**I**N rene dextro humor Ichorosus albicans. quasi sanies tenuis. Elevato cranio anterior cerebri regio, fere usque ad sinus quarti implanta- tionem, lymphæ, per membranas translucens, oblecta, intumescebat. Cerebrum madidum. Posterius vero vasa cruore rebuscebant.

Paralysis  
lethargo.

Ab obstructionibus cerebri, vasisque lymphaticis ruptis, tota cerebri inundatio: situnc viæ patentæ præclusæ fuerint. liquor in ventriculis moratur vicinaque partes premit, unde sopor, stupor cæteraque symptomata.

*Juvenis, sanguineus post lautiores canas & haustum vini immodera- tiores, stupiditate in manu dextra afficitur; imò ambulare nisus in fe- more & crure ejusdem lateris resolutionem sentit, paulo postea in men- tis Hebetudinem quandam & torporem sine Apoplexia tamen incidens, nam ad interrogata aptè, licet tarde, respondebat. Medicamentis frustra applicatis, etiam dexter oculus visum amittebat; usque tamen, etiamsi torpidus, & somnolentus mentis compos amicos dignoscebat. Functionibus indies decrepescen- tibus, circa diem septimum aut octavum, modo in delirium, modo in convulsiones subinde incidens, eandem vi- ribus exolutis, morbo succubuit.*

**E**LEVATA calvaria, anterior cerebri cavitas, sanguine partim ichoro- so, partim concreto & grumoso, cum laticis tenuis copia impleta fuit.

Paralytici  
anatomie.

Quemadmodum sæpe sanguinei in narium Hæmorrhagiam, præsertim si po- tibus inebriantibus gaudeant, incidunt, ita quoque meningum vascula non ra- ro rumpuntur, sanguinemque intra minervæ parietes effundunt. deinde membra- næ totumque cerebrum ab effusa materia ita comprimuntur, ut succi cere- brales



brales versus nervos descendere nequeant, hinc somnolentia & stupiditas; hinc aut utriusque lateris paralyfis. Humoribus indies acescentibus, vellicationesque parientibus, convulsionibus & deliria producuntur. Si totum cerebrum fuerit obrutum, in apoplexiam incidisset; ast quia duntaxat anterior cavitas, quædam mentis ratiocinantis indicia supererant, quæ alias plane obnubilantur.

*Adolescens ipso Paroxyismi tempore moritur.*

Epileptici  
Anatome.

**V**entriculi cerebri valde fuerunt compressi, adeo, ut nulla cavitas poterat conspici. In suprema cerebri parte nonnihil sanguinis erat concretum.

Ventriculi ita fuerunt extensi quia totum cerebrum convulsionibus fuit inflatum & turgidum. Hanc ob causam vasculum quoque sanguineum rupit, unde & sanguinis effusio.

*Anglus quidam in Galliam veniens, crapulæ indulgebat. Postea vertigine correptus, cibos revomit, ac de ventriculi dolore quæritur: levi quoque febricula laborabat, nonnunquam delirans: sudavit ex se copiose, ac inter sudandum interiit.*

Vertigino-  
si, sæpè  
vomentis,  
ac de do-  
lore ven-  
triculi  
quærentis,  
dissectio  
anatomica.

**M**ortuo, inventum omentum plane putridum, jecur scirrhum: Ventriculi interior facies circa pylorum quasi contusa: nigro humore semiplenus erat.

Ex nimia vini ingurgitatione, & cerebri & nervosi generis oritur imbecillitas: ex imbecillitate nervorum obstructions, & exinde vertigines, vomitus &c. Sanguis, cæterique in corpore succi ex nimia acidi vini copia inspissati sunt, unde jecur scirrhum: ubi abundat acidum, ibi deficit bilis, & vice versa: deficiente igitur bile, in hepate obstructions fieri necesse erat. Abundante acido, viscidisque humoribus, ventriculus infestatur succis anomalis, quorum levi convulsione vertigines & vomitus: imo ab acidi corrosione latera ventriculi mollia & quasi contusa erant; in superioribus ejusmodi ventriculum molle me descripsisse memini.

Ex imbecillitate & glandularum cutis obstructione, etiam tam copiose sudavit præsertim præsentente febrili calore. Qui enim sudor facile per cutis glandulas circulari non potuit, poros subire coactus fuit. Sudor multus, frigidus calidusve; frigidus majorem, calidus minorem morbum significat.

Paralyfis.

Nunc ad PARALYSIN descendamus, quæ est relaxatio five obstructio partium nervosarum, ita ut debito modo se expandi, atque à spiritibus inflari nequeant, cum privatione vel sensus, vel utriusque. Estque universalis vel particularis. *Universalis* dicitur, quando ambo sub capite latera resoluta sunt, vel unicum latus tantum. Sed *particularis* est, cum aliqua tan-

tum



tum pars resoluta sit, uti est brachium, crus, digitus, lingua, oculus, &c.

Quando motus cessant, *causæ* sunt obstructions aut compressiones nervorum circa eorum principium, medium aut finem. Universalis originem habet ab obstructione aut compressione corporis striati aut principii nervorum, atque hac de causâ spiritus sufficienti copiâ nervos irradiare nequeunt; vel quando obstructio aut angustatio, ab utroque latere medullæ spinalis, aut in uno tantum est: *Causa* quandoque in ipsis nervis est, quando obstruuntur, comprimuntur, dissecuntur, vel quando spiritus debiles sunt, aliasque particulas viscosas admixtas habent. *Causæ præcipuæ* sunt sanguis viscidus & tenax, ex quo succi ejusdem indolis secerni debent, atque hoc modo quibusdam nervorum poris obstructis, cessat motus. Sed quando motus, aliquo modo ab objectis externis ad cerebrum & ipsam animam penetrat, manet sensus tactus; si non, & motus cessat & sensus simul, abscissis præsertim nervis aut medullâ spinali planè læsâ, vel quando à fractis ossibus comprimuntur. Sensus aliquando tantum læditur, quando nervi optici, auditorii aut olfactorii à materiâ viscidâ obstruuntur, quâ de causâ motus objectorum externorum ad sensorium commune & ipsam animam non veniunt, verum excluduntur. Vel quando cutis & musculorum membranæ à particulis viscosis obsidentur, uti in Leprosi, & quibusdam maniacis, tunc enim sensus cessat, verum motus remanet, quia spiritus adhuc sufficienti copia fluunt. Paralyticis sæpe adest compunctio quædam ac titillatio dolorifica. Phænomen illud producitur, quando obstructis nervis tendinibusve, spiritus vi illos irradiant: quemadmodum post ingens frigus passum, quis digitos movere nequit; succus enim nervosus à motu cessans, accessit & acorem contrahit, qui, cum à tergo ab aliis premuntur, undique titillationem dolorificam producunt: quod etiam fit, si quis capite cubito diu incumbat, aut nervos cruris sedendo &c. premat, tunc illæ partes redduntur stupidæ & quasi sine sensu, postea vero libertati motus restitutæ, spiritus iterum à tergo illos premunt, qui tamen quieti fuerunt, & eandem ob causam, etiam parti titillationem inferunt dolorificam.

Omnis paralytis, sensibus integris, diuturnus est, nam materia impacta vix attenuatur. Abictu, casu, vulnere, Apoplexiâ, caro convulsione, passione colicâ, si citò non curantur, raro curantur, nam quo diutius materia impacta in nervorum poris retineatur, eo redditur crassior; vel canaliculi ipsi sunt disrupti, contusi, aut compressi. Medullâ spinali à principio ad finem obstructâ, aut magnoperè Vulneratâ, omnis sensus abolitur & motus, atque difficulter imo vix restituitur; retro enim pelli materia nequit, & vis medicamentosa aliquando maximâ ex parte est consumpta, antequam locum affectum attingunt. Medullâ quoque spinali in principio obstructâ, necessariò omnes subjectæ partes paralyti incurrunt, quia tota spirituum irradiatio ferè cessat. In senectute, in corporibus cacochymicis & scorbuticis, *Curatio* non bene procedit. Ab apoplexia raro curatur, & sæpe iterum in apoplexiam transit. Quamdiu in parte paralytica paralytis est, spes affulget. Si in partibus inferioribus, priusquam in superioribus curatur. Quo enim partes à cerebro, & corde



remotiores, eo succis & sanguine irrigantur frigidioribus. In senibus vix curabilis, idque ob caloris & virium defectum, pituitæque abundantiam: hinc Atrophia, pessimè audit. Si post paralyfin recens acceptam febris vehemens veniat, tremor artuum, aut diarrhæa, bonum. Generalis paralyfis, pejor speciali: In hisce enim non tantum sanguis sed & succi cerebrales ad motus quodammodo convulsivos irritantur, unde materia obstructa sæpe excutitur.

Si Paralyfis veniat ex obstructionibus, deobstruentia & attenuantia sunt exhibenda, *volatilia* nempe & *oleosas* tam externè quam internè: Verum ruptis fibrillis in æternum restitutio non est expectanda. Ast si adsint compressiones, removendæ sunt quantum fieri potest. Hisce accedat optima victus ratio. Æger, quam primum inciderit in paralyfin, lecto componendus est, & semper in sudore blando continendus, ut spiritus, quando in continuo motu sunt, priores vias iterum intrent. Interim pulverum hunc præscribito: ut

*Accipe* Oculor. cancri,  
Crocī,  
Castorei, *ana drachmam unam.*  
Fl. Salis Armoniaci, *drachmam semis.*  
Misce fiant Pulveres tres. vel

*Misce* Spirit Cochleariæ. *uncias duas.*  
Rorismarini, *unciam unam,*  
Salis Armoniaci, *drachmam semis.*  
Castorei, *drachmam unam.*  
Detur guttatim,

Porro dislocatio si adfuerit, restitui oportet; Inflammationes, contusiones aut vulnera, cataplasmatibus, fotibus, linimentis aut balsamis curentur. Externè si nihil sit læsum, imponatur tantum *Emplastrum de cumino, de baccis lauri, oxycrocei*, vel simile defensivum. vel

*Accipe* Piperis albi,  
Pyrethri, *ana drachmas duas.*  
Castorei,  
Euphorbii; *ana drachmam unam.*  
Olei Laterum, *unciam semis.*  
Laurini, *unciam unam.*  
Misce fiat Linimentum.

Huc quoque referuntur vulgaria Unguenta ut *Unguentum Martiatum*, *Nervinum*, *oleum Laurinum*, *Philosophorum*, *Terebinthina*; &c, linimenta, quo penetrantiora, eo meliora. *Spiritus Matricalis*, cum *spiritu salis armoniaci*, & *caphora*, admodum penetrant. Sudationes cum spiritu vini, ut in Lue

vene-



venerea , instituantur , si viresferant : neque spernenda sunt decocta ex *Gua-jaco* , *Sassafras* , *China* , *Sassa Parillâ* , &c. partes paralyticae , cum facibus post coctam cerevisiam relictis , fotæ ; aliquando restituuntur , præsertim si quotidie cum recentibus fiat , alias partes volatiles in aures abeunt. Altera *Intentio & Curatio* est , quando paralytis oritur post febrim , Apoplexiam , carum , aut aliorum morborum ad caput pertinentium , leniter , ad evacuan-dam pituitam , *purgandum* , *Vesicatoria* sunt applicanda ; *Sternutatoria* ad-hibenda ; linimentis aliisque rebus , quæ in morbis cephalicis adhiberi solent , erit liniendum quibus materia impacta fluidior redditur. Si itaque intra quin-decim & viginti dies non curetur , tunc medicamentis præcaventibus ac sanan-tibus aliquando curatur. *Intentio tertia* est , quando est *in fieri* aut *in facto* . Si fuerit *in fieri* , curandum ut optimâ victus ratione bonus chylus & sanguis , producendis optimis spiritibus , generentur. Deinde ut cerebrum roboretur , & curandum , ne quid heterogenei admittant , quod partim *Diæta* fit , partim *Medicamentis Internis* sive *Externis* . *interna sunt volatilia* . Verum *Ex-terna* , *frictiones* , *linimenta* , *Cucuphæ* , &c. *Sequentia* ferè in usum vocari possunt , quæ externè adhibere solent , ut

*Euphorbium* , *Myrrha* , *Pix* , *Terebinthina* , *salarmoniâcum* . *Oleum lau-rinum* , *Trifolii odorati* , *Castorei* , *Euphorbii* ; *Jasminum* , *Ceræ* , *spica* , *Laterum* , *Succini* , *Terebinthinae* , *Tartari* , *Petræ* , *Terræ* , &c. *Unguentum nervinum* , *Martiatum* . *Emplastrum Oxycrocei* , &c.

Cæterum *interna* sunt , uti in Apoplexia extra paroxysmum solent propina-ri ; constant enim ex particulis volatilibus & oleosis . Toto itaque anno , præ-fertim verno & autumnali volatilia sunt præscribenda : interdum levis Vomi-tio aut Purgatio non nocebit : Medicamenta quædam cephalica formulâ diversâ præscribantur , ex *Salviâ* , *Betonicâ* , *Gua-jaco* , *Sassafras* , *Floribus Stachadis* . Ast si paralytis fuerit *in facto* ; à purgantibus parum abstinendum , deinde num sanguis abunde particulis acidis aut viscidis , abundet medicamen-ta alias præposterè data , magis nocerent quam prodesse . Si ergo pituita abundet sequentia exhibito : ut

*Recipe* Fol. Cochleariæ ,  
Zingiberis Conditi , ana uncias tres.  
Galangæ ,  
Cinamomi ,  
Cort. Arantiorum ,  
Citriorum . ana drachmas duas .  
Ocul. Cancræ , unciam semis .  
Elixiris Proprietatis , quantum sufficit .  
Misce .

*Dosis* ad unciam semissem . vel .

*Sume* Ligni Sassafras , uncias unam .  
Rad. Galangæ ,  
Acori , ana unciam semis .



Fol. *Salviæ*,  
*Betonicæ*, *ana Manipulos duos.*  
*Rorifinarini*, *Manipulum unum.*  
 Sem. *Cardamomi*,  
*Coriandri*, *ana unciam semis.*  
*Caryophyllorum*, *uncias duas.*  
*Limat. Chalybis*, *uncias quatuor.*  
*Vini albi*, *libras octo.*

Misce fiat Vinum Medicatum.

Si acidis & incalescentibus sanguis abundet particulis, sequentia præscribito: ut

*Accipe Ocul. Caneri*, *drachmas duas.*  
*Vitrioli Martis*, *scrupulum semis.*  
 Misce fiant pulveres duo.

*Recipe Tinct. Tartari*,  
*Martis*, *ana drachmam unam.*  
 Misce: Vel,

*Same Nucis Moschatæ*, *unciam semis.*  
*Pyrethri*, *drachmam unam.*  
 Fol. *Majoranæ*,  
*Salviæ*,  
*Flor. Lavendulæ*,  
*Rorismarini*, *ana drachmam semis.*  
 Sem. *Nigellæ*,  
*Cinamomi*, *ana sesqui drachmam.*  
*Caryophyllorum*,  
*Galangæ*, *ana drachmam semis.*

Misce fiat pulvis.

*Dosis* drachma una. vel,

*Misce Rad. Chinæ*,  
*Bardanæ*, *ana sequiunciam.*  
*Santali citrini*, *unciam semis.*  
 Fol. *Chamædryos*,  
*Chamæpytios*,  
*Betonicæ*, *ana Manipulum unum.*  
*Hederæ terrestris*, *Manipulos duos.*  
 Sem. *Coriandri*, *drachmas duas.*  
*Vini albi*, *libras quatuor.*

Fiat Vinum Medicatum.

*Dosis* ad uncias duas. vel

*Recipe*



*Recipe* Millepedum, *drachmam unam.*

Oculi. Cancri, *unciam semis.*

Misce fiant pulveres quatuor.

Remedia Externa sunt *Fotus, Linimenta, Emplastra, Vesicatoria, Balnea, &c.* si illa nihil auxilii afferunt, descendendum ad *Sudorifera, salivam excitantia, Masticatoria, &c.* Sudorem moventia concinnantur ex *Ligno Guajaco, Sassafras, China, Salsaparilla &c.* Spiritu Salis *Armoniaci, Tartari, Bezoardico Minerali, &c.* Externa ad illinendum sequentia sunt: ut

*Recipe* Olei Succini, *drachmam unam.*

Alcohol vini, *uncias quatuor.*

Caphoræ, *drachmas duas.*

Misce. vel,

*Recipe* Tabaci optimi. *uncias quatuor.*

Piperis Brasiliensis, *uncias duas.*

Caphoræ,

Astæ foetidæ, *ana unciam semis.*

Spir. Vini optimi, *quantum sufficit.*

Misce fiat s. a. Tinctura: colaturæ adde.

Spir. Salis armoniaci, *drachmas duas.*

Singulis diebus, bis terve pars affecta fricetur hoc Medicamento, vel,

*Sume* Aquæ Antiparalyticæ, *uncias quatuor.*

Olei Succini.

Spir. Cochleariæ, *unciam semis.*

Armoniaci, *drachmas duas.*

Misce.

Hac Mixtura singulis diebus calidè fricetur. vel

*Recipe* Emplastri de baccis lauri, *uncias duas.*

Thuris, *unciam semis.*

Castorei,

Euphorbii, *ana drachmam unam.*

Sem. Sinapi, *drachmas duas.*

Olei de Lateribus, vel.

Terebinthinæ, *quantum sufficit.*

Misce fiat Emplastrum. vel,

*Recipe* Olei de Lateribus,



Nardini, *ana unciam unam.*  
 Terebinthinæ, *drachmam semis.*  
 Euphorbii, *unciam semis.* M.

*Recipe* Olei de Lateribus;

Nardini, *ana unciam unam.*  
 Terebinthinæ, *drachmam semis.*  
 Euphorbii, *unciam semis.*

Thuris, *drachmas tres.*

Castorei,

Croci, *ana drachmam unam.*

Ceræ, *quantum sufficit.*

Misce fiat Linimentum.

Ex quibusdam etiam fiat destillatio: ut

*Recipe* Thuris, *drachmas tres.*

Castorei,

Croci, *ana drachmam unam.*

Ceræ, *quantum sufficit.*

Misce fiat linimentum.

Ex quibusdam simplicibus, etiam instituatur destillatio. ut

*Destilla* Spir. Vini, *libras decem.*

Assæ fætidæ, *uncias sex.*

Galangæ,

Acori, *ana uncias quatuor.*

Caphoræ, *unciam semis.*

Piperis Brasiliensis, *uncias duas.*

Terebinthinæ Venetæ, *sesqui unciam.*

Misce fiat destillatio.

Hoc liquore partes sunt fovendæ

Potui ordinario admisceantur quædam guttæ. *Spiritus salis armoniaci.* Singulis diebus deglutiatur pilula ex *Assa Fætida*, *Gummi Ammoniaco*, *martialibus*, &c. Frictione quotidianâ partes non tantum incalescunt, verum succi contenti fluiori pristino restituuntur. Si paralyfis ortum capiat à frigore, ignis calore, sanatur. Sæpe ira restituuntur, uti exempla docent eorum, qui pro tempore muti erant facti.



HISTORIA PARALYTICI POST INHIBITAM SUDATIONEM,  
QUI TANDEM, SUDATIONE SPONTANEA SUPERVE-  
NIENTE, LIBERATUS EST.

**C**apitaneus quidam ætatis 44. annorum, supremâ æstate in castris furuncu-  
lis quibusdam vexatus, sudoriferum, iis pellendis, fumebat. Cum  
inter sudandum erat, surgere coactus, post octo dies de ingenti cephalalgia  
conquestus, qua, necessitate pressus Diesthemium se contulit. Dolor tam  
immaniter sæviebat, ut aliquando deliraret tamen sine febris. Sed usu medi-  
camentorum post duos menses maximâ ex parte restitutus videbatur; postea hic  
Bergopzomium venit, & postea curru Trajectum ad Mosam, tandem Ber-  
gas repetens, post octo aut decem dies 14. Decembris 1697. tempore noc-  
turno subitò paralyfi corripiebatur, nempe in lingua, brachio sinistro, quæ  
brevis tamen post cessabat. Post octo tamen aut decem dies iterum de in-  
genti capitis dolore querebatur ejusdem lateris, qui adeo increfcebat, ut  
delirans evaserit, concomitante linguæ paralyfi, ut & brachii ac ma-  
nus ut antea: post duos dies iterum ad se redibat, cum excretionem plu-  
rimæ pituitæ, & oris contractionem obliqua. Sed hæc symptomata post  
usum aliquot medicamentorum parumper relaxata sunt. Os pristinum si-  
tum habet, & motus & sensus brachio modicè restitutus; ast loquela val-  
de difficilis, non quidem semper, sed per intervalla; pituitæ tenacissimæ  
excretio continuatur. Memoria constans quidem nunc, sed cras aut pe-  
rius debiliior est, at omnia sine febris, Cibi appetitus ut in sanis-  
simis.

BREVIS ÆTIOLOGIA.

**T**empore medio Sudationis sistebatur, hic quidquid acre & in effluxionis  
itinere erat, intus retentum est, & cum lymphâ redeunte in sanguinem absor-  
tum, qui cerebrum petens; in eo acres reliquit spiritus: quibus subitò ali-  
quantisper condensatis, denuoque expansis membranas cerebri distenderunt,  
unde dolor primo, deinde, ob particulas acres & convellentes, meningum  
convulsio, enormis spirituum distributio, unde delirium: materia tandem  
condensata in nervos linguæ & brachii propulsa; eos obstruebat, unde pa-  
ralysis.

Præscripsi ei Diætam sudoriferam, ex decocto Guajaci & Sassafras, dein-  
de usum spiritus cornu cervi: adhibui frictiones &c. interim antequam  
Remedia mea adhibebantur, sudatio oborta spontanea, morbum solvit.  
Ideoque ejus mater mihi hæc rescripsit.

*Clariss. Dom. Doctor.*

**M**edicamenta vestra accepimus &c. Filius meus, Deo sit laus & honos,  
restitutus est, idque duobus diebus, antequam Medicamenta adferban-  
tur,  
*Tom. II. Ff*



tur, idque sudatione, sponte adveniente; die Mercurii post meridiem primo sudor apparuit, & Veneris die demum cessabat: idque tam vehementer, ut, præ anxietate, nihil de se sciret, ita ab omni parte prorumpebat. Sed matutino tempore horâ quartâ desiderabat matulam, & sextâ dicebat æger, Mater, Dei auxilio, sanatus sum &c.

Alius Vir Centurio, qui etiam sudoriferum sumpserat, inter sudandum, quia ad Regis Angliæ mandatum surgere coactus fuerat, surrexit, equum ascendit, idque aëre frigido, paralyticus factus, post octo dies obiit.

Cavendum itaque summopere, ne diaphoresis in medio sudationis fervore, sistatur: & ne quid eveniat mali, iterum sudor est revocandus, quod superior observatio satis superque docet.

Symptomata ab arsenico igni injecto.

Domina quædam 1696. igni injecit cucullum cum arsenico; ne periculum aliquod inde quasi contingeret: incidit primo in respirationem impeditam, deinde paralyfin totius corporis; tertio linguæ exulcerationes, & juncturarum quasi dislocationes. In alia matrona eadem symptomata ex eadem causâ observavi. In Nutrice quadam etiam & quotidianis sudationibus cum spiritu vini institutis.

Satis superque liquet Arsenicum esse indolis mercurialis, unde saliva acris facta linguam & partes vicinas rodebat, uti fit iis, qui salivationi excitandæ mercurii præparata assument. Deinde succum nervosum infectum esse, constat ex paralyfi insequente, & ossibus quasi dislocatis: materia enim qua Mercuriales particulæ involutæ erant, nervosum genus obstruebat, unde motus cessatio. Sanitati tamen tandem restituebantur, eo modo, ut de tertiâ agrâ docui; volui illa hic subungere quia, nisi memoria fallit ejusmodi observationes ab arsenico ortas, nusquam reperire licuit.

Paralyseos Hist.

Dominus quidam quinquagenarius, à tribus jam annis hemiplegiam sinistri lateris patitur, suspicio est, initio hunc affectum apoplecticum fuisse, à quocumque justis remediis liberaretur æger; continuo in paralyfin desiit; & Emplastrorum & ungueutorum topicorum applicatione levamen aliquod sensit, quoad motum pedis, quo tolerabiliter utebatur in deambulando; quoad motum brachii non item; more impatiens ad Thermas sulphureas ut mitteretur, impetravit à Medicis; post decimam balneationem, (incredibile enim quantum sudoris ab his thermis profudit:) Entibi novum malum, Epilepsiâ scilicet simul corripitur, eaque tam violentâ, ut post quemlibet menstruum paroxysmum totos duos aut tres, quasi truncus in lecto decumbere cogeretur, propter maximam spiritus, ut ajunt, jacturam: ab usu trimestri diario cinnabaris antimonii septies rectificatæ, permixtæ cum ana de lumbricis terrestribus in dosi ad drachmam. Ultra trimestre jam excurrit, ex quo paroxysmus epilepticus non rediit; manet tamen adhuc satis impeditus in motu pedis affecti, ut sine adminiculo bacilli & alterius cujusdam ægrè possit incedere; tibia parum aut nihil extenuata apparet: à tribus tamen hebdomadis, dolores in utroque pede, & in tibiâ affectâ præsertim tolerat, quæ etiam satis intumuit usque ad pedis digitos; Bulimum, justis remediis abactum, invenio in aliqualem cibi inappetentiam desiisse: jam ab ineunte paralyfi mor-



rosissimus evasit, ut vix adstantibus tolerabilis sit; turbidis plerumque cogitationibus obnoxius vivit, hæretque subinde in eâ cogitatione inpermutabilis, imminere sibi certo mortem ob hoc morbo, nec pacato nunquam animo fore, donec certior fiat se ab omni vitæ discrimine hac de causâ immunem esse; abigit suspicionem de Melancholiâ legitimâ, quod tenebras & solitudinem exosus, summoperè colloquiis & luce delectatur; cæterum eum capite non satis firmum esse hoc evincit, quod si inter deambulandum, fortè fortuna animal aut homo, quilibet se movens ante oculos intercursat vix non genua labascunt & in casum propendit.

Casus hic à Medico quodam *dela Guerna*, Ulyssipone missus: eique hunc in modum respondi. Non loquar hic de Apoplexiæ genesi, & quomodo in paralyfin abeat, quoniam hæc satis superque explicui. Porro materia in cerebro adhuc residua à balnei calore fuit agitata, & quoniam à longo tempore tandem acris facta fuit, motus convulsivos sive Epilepticos concitavit; spiritibus deinde consumptis & ægrè regenerandis, decumbebat Trunci instar immobilis. Et quoniam illi spiritus *ἀνομῶς* & sine ordine cerebrum, nervorumque genus perlustrabant, cogitationes etiam *ἀτάκτως* fieri debebant: & quia tenebras &c. fugit tristitiæ sive Melancholiæ species non est. Porro quia omnia ad nutum suum exequi non potuit, (erat enim Princeps admodum præceps) morosissimus factus.

Quoad interna, ipsi misi quædam salia volatilia oleosa, quia illa non item in Lusitaniâ præparantur; ex hisce quotidie inter prandendum & cœnandum jussi cum vino aliquot guttas sumere. Idem præcepi naribus aliquando admo- veret, ut levi motu, materia peccans tandem cerebro excuteretur.

Deinde matutino ac vespertino tempore volui spina dorsii spiritu quodam penetrante fricaretur, qui constabat ex *succino*, *sale armoniaco*, *sale tartari*, *Myrrha*, *mastiche*, & *olibano*, quæ cum spiritu vini destillabantur, sic eodem tibia, pedes &c. quotidie fricabantur, postquam vapore spiritus vini ad sudorem illarum partium erant excepti: atque hoc modo intra tres menses restitutus.

Ante aliquot annos veniebat ad me magni nominis Princeps ex Italiâ (nominarem, sed quia quoque gonorrhœâ laborabat, *συνὴν δὲ*) ejus brachium valde emaciebatur, frigidum erat & motui ferè ineptum. Fovebam ejus brachium quotidie stupâ, quæ ex funibus picatis colligitur, & spiritu vini calidissimi, inque spatio quatuor hebdomadarum restitutus, relicto largiori fostro, in patriam reversus.

Ante plures annos sanavit mulieris brachium Leopardiæ solo fotu siliquarum excoctarum (vulgo) *Draf*, vel *Borstel*) quæ calidè imponebantur, in iisque noctu dieque brachium destinebatur.

Ante annos quatuor, (inquit vir nobilissimus) cum uxor meâ adhuc in virgineo statu degebat, tempore mensium fluxus, corpus à terrore quodam alteratum fuit. Insequebatur dysuria, urinam vix excernere potuit, quodque excretum, erat ardens & acris. Interim in corpore gravitas, tumor & in flatu: atque hæc decem vel duodecim hebdomadas perseverabant, & omnia symptomata cessabant, inque sanum statum restituta.



Sed postquam per duos annos sana & integra vixerat, ingenti cephalalgia corripiebatur, sed à terrore quodam dolor capitis locum commutabat, & in pristinum malum degenerabat, quod nunc duobus integris annis persistebat, sed aliquando melius, aliquando pejus se habebat, cum continuâ quasi obstructione circa ventriculum: qui locus, si externè prematur, dolorem persentiscit, inter ventriculum & umbilicum, alias ut decet cibos & potus mediocriter appetens. Sed quando cibis ex ventriculo intestina ingreditur, angustus transitus est, ut cibis quasi stridore egrediatur. Interdum quædam pressio in infimo ventre est, non secus ac si uterus deorsum premeretur: nonnunquam fauces quasi strangulantur; adveniunt Catarrhi graves cerebro & dentibus, cum continuo auris dextræ fufurro.

Urina pallida est, cum levi sedimento, instar lintei rasi; sed hoc tempore plus, alio minus sedimenti adest: semper tamen aliquid emingitur, præsertim post Diureticorum usum, quæ in hac ægra sine dolore sensibili usurpâri possunt. hæc ille.

Ex terrore varia produci Symptomata novimus, præsertim mensium tempore: in hac ægrâ statim laborabant levitur uteri & præsertim vesicæ nervi, unde earum partium quasi paralytis seu potius stupor; hinc fibræ musculosæ ut & sphincteris vesicæ officio debito fungi nequibant: exinde liquet quare urina expelli non potuerit. Urina porro retenta acrimoniam, ut solet, cum ardore contrahebat. Porro ab urinâ retentâ fiebant & inflatio quasi & gravitas, idque propter urinæ molem ut solet iis accidere, qui in navibus &c, urinam retinent. Ista Paralyti sensim diminvente, malum sensim quoque abiit.

Sed postea denuo perterrefacta & cephalalgia correpta, malum istud altiores egit radices, quia non tantum vesica de novo dysuriâ fuit correpta, sed etiam intestina, idque eadem tensione & paralyti, nam hoc vel illud intestinum angustius fiebat; hinc ciborum solitus transitus fuit denegatus. Deinde ob tensiones & spasmos, species quasi Hystericæ passionis; paralyti quippe aliquando convulsiones adjunguntur.

Quod urina sit pallida &c. signum est cibos non bene digeri, hinc chylus crudus, & sedimentum album.

Paraly-  
sis scorbu-  
tica.

Quidam Baro agens annum 62. juventute tam mari quam terrâ per plurimos annos semper in itinere fuit, cum optima sanitatis dispositione.

Postea iterum Stadii otia renovavit. ante 22. annos valetudinarius factus, usus aquis Spadanis ut & Granensium, tum bibendo, tum balneando, sed sine solamine, ideoque Medicum Hollandicum consuluit, qui dicebat, Morbum esse scorbuticum. Ideoque antiscorbutica sumpsit, & intra duas septimanas restitutus fuit, deinde ad priora studia se contulit.

Nunc vero ante sex annos incidit in Paralytin dextri lateris, unde non nisi cum difficultate incedere valet: sed usu antiscorbuticorum, iterum ad priora negotia se contulit.

Sed undecim aut duodecim mensibus elapsis, in novam paralytios speciem incidit: verum in tempore usu remediorum, reconvaluit. Ast in memoriam læsam retinuit, quæ nunc ferè restituta. Ast, quod maximum, Cephalalgiam



grām quotidie patitur, cum omnibus signis scorbuticis. Cætera, quæ habet, scorbuti symptomata, sunt spasmus, visus obscuritas, sed aliquando melius se habet, non obstante senectute, sine perspicillo legit, non autem clarè ut quidem ante.

Annotandum, quod hora una post quam patiens è lecto surrexerit, dolor capitis gravior sit, qui post meridiem diminuitur, ita ut ad officia obeunda promptior sit. Hucusque ille casus.

Iter faciendo æger se bene habuit, quare, quia in continuo corporis exercitio erat. Ast cum se studiis addicebat, succi omnes, antea mobiles, nunc lentorem quendam contrahebant, unde nervorum, cerebri, unde veniunt, obstructions, hinc paralyfis, spasmi, oculorum obscuritates &c. succis aliquando in cerebro stagnantibus, oriebatur Cephalalgia, quia acorem & acrimoniam contrahebant.

Præscripsi Vinum medicatum ex Betonicâ, Majoranâ, Salviâ, Roremari-  
no, Thymo, Lavendulâ, &c. quibus convaluit, sed post duos annos Pader-  
bornæ ex Apoplexia obiit.

Ad capitis morbos etiam *EPILEPSIA* refertur, quæ est derepentinus *Epilepsia* totius corporis nervorum convulsivus motus, aliquot dies, menses aut annos intermittens, deinde rediens, quo functiones spirituum animalium, læduntur, atque ita æger inscius in terram vi quasi & insciens prostermitur: convulsio hæc non tantum est in nervis totius corporis, sed & in ipsis musculis. Nempe spiritus isti in fibras musculosas excurrunt, quibus fibræ sanguinem continentes ita instantur, ut ipsæ venæ, musculos percurrentes comprimantur, minorque sanguinis copia pertranseat, quam ab arteriis affluebat, qua de causa muscoli tumidiores fiunt & per consequens breviores. Hic itaque læduntur spiritus animales & consequenter cerebrum cum nervis appendentibus. Ea est *Hereditaria*, *Idiopathica*, quando per se subsistit: vel *Symphatica*, si ab alterius partis malo proveniat, uti à Liene, Hepate, Utero, Ventriculo, Intestinis, &c. hanc ob rem nervi eorumve plexus in principio, medio aut fine irritantur.

Differt quoque à symptomatum enormitate ab invicem: alia enim gravioribus symptomatibus & pluribus stipatur quam alia. Tempus quoque durationis vel breve est vel longum.

*Signa* præeuntia sunt capitis gravitas, oculorum coruscatio, vertigines, aurium tinnitus, præcedens spasmus in hoc aut illo membro, qui quasi vapor frigidus ascendit, oscitationes, sternutationes, odor rerum foetidarum, &c. Hæc in præsentia sequuntur in terram prostratio, dentium stridor, de se ipso æger nihil conscius est, ori & naso spuma ad est; caput huc illuc agitatuz, contrahuntur manus & pedes, oculi prominent & circumagitantur; adest clamor & velut ululatus inconditus; quidam manibus pectus pulsant; Respiratio penè suffocatoria est, excernuntur semen, stercora & urina invitè &c. De causis hic nihil dicam, quoniam hanc telam in *Institutionibus* satis superque absolvi.

*Hereditaria* cum ingenii obtusitate, & post pubertatem veniens, nunquam aut raro restituitur. Quando barbam alere incipiunt, aut menstrua fluunt,



per se aliquando sanatur. Nam post utriusque pubertatem feminalis materia sanguini & spiritibus vigorem addit ac statum perfectiorem; imo & acidum acre temperat. In principio sæpe curatur, sed si inveterata sit, rarissimè, quia canaliculi cerebri illam dispositionem pororum acquisiverunt, per quos Materia epileptica, facile transit: *principiis* itaque *obsta.* Febris (inquit *Hippocrates*) convulsioni superveniens, melius est quam convulsio febris. Vide observationes *T. Bartholini*, cent II. Hist. LXVIII. In paralyfin mutari potest, ut & in Melancholiam, Maniam: si casu ab hac aut illâ parte veniat, sæpe sanatur.

*Indicatio* duplex est: ut Paroxysmus abbrevietur quantum possibile sit: deinde cessante paroxysmo, ut causæ tollantur. Omnia itaque *acidum temperantia*, ut *oleosa volatilia* ut & *salia volatilia* conveniunt, quæ in *Cephalalgia* & *Apoplexiâ* descripsimus.

In Paroxysmo *frictiones*, præsertim, si fuerit longæ durationis, circa futuram coronalem, sunt adhibendæ, ut & *linimenta*, *vincula*, *Vellicationes*, *Membrorum extensiones*, *oris dilatationes*, &c. adinoveatur *Spiritus salis armoniaci* naribus, tunc aliquando statim paroxysmus cessat, & surgunt, & si hoc medicamine paroxysmus non profligetur, per se cessare debet, quia nihil potentius.

Extra paroxysmum aliquando *Purgationes*, uti & *Vomitiones* conveniunt, quas hic non describam, quia vulgo satis constant: addantur quædam *Antiepileptica*, ut, *Castoreum*, *Spiritus salis armoniaci*, *Oleum roris marini*, *Oleum succini*, *Sapo venetus*, *Oleum rutæ*, &c. Hisce peractis formulæ quædam præscribantur, quibus materia Epilepsiæ dometur: ut

*Recipe* Cinnabaris nativæ, *drachmam semis.*

Corallirubri,

Margaritarum,

Croci, *ana drachmam unam.*

Misce fiat Pulvis.

*Dosis* à granis sex ad viginti cum vehiculo convenienti: vel,

*Accipe* Spir. Liliorum convallium. *Uncias quatuor.*

Salis Armoniaci, *drachmas duas.*

Tincturæ Castorei, *drachmam unam.*

Misce, cochleatim. vel,

*Sume* Terebinthinæ Venetæ,

Saponis Veneti, *ana drachmam unam.*

Balsami Peruviani, *guttas sex.*

Vitelli ovorum, *quantum sufficit.*

Misce fiat Conditum.

*Dosis* drachma una. vel,

*Misce*



*Misce* Terebinthinæ Ven. coctæ,  
 Salis Succini Volatilis,  
 Oculor. Cancrī, *ana drachmas duas.*  
 Castorei, *scrupulum unum.*  
 Cinnabaris Antimonii, *scrupulum semis.*  
 Vitrioli Martis, *drachmam semis.*  
 Florum Salis Armoniaci,  
 Salis volatilis cornu cervi, *ana scrupulum unum.*  
 Fiat pulvis.

*Dosis*, à granis quadraginta ad sexaginta, bis singulis diebus exhibeatur.  
 vel,

*Sume* Rad. Angelicæ, *unciam semis.*  
 Fol. Rutæ,  
 Salviæ, *ana Manipulum unum.*  
 Flor. Lavendulæ, *pagillum unum.*  
 Limaturæ Chalybis, *uncias duas.*  
 Macis,  
 Caryophyllorum,  
 Cinamomi, *ana drachmam unam.*  
 Vini optimi, *libras quatuor.*  
 Misce fiat Vinum Medicatum.  
*Dosis* ad drachmas duas mane & vesperi.

Non est vitio vertendum, me non præscribere *Radices, Flores & Semina, Pæonia; Viscum Quercinum, Rasuram Cranii Humani, ejusque Muscum, Ungulam Alcis, Unicornuve Gronlandicum,* sane si quis rem bene perpendat, ejusmodi remedia non tanti æstimabit, ad ipsum enim sanguinem non penetrant.

Pueri sæpe falluntur *Sapone Veneto* crustulis incocto, aut dulci lacti admixto. Mixtura quoque sequens conveniet: ut

*Recipe* Spir. Rutæ,  
 Liliorum convallium, *ana unciam unam.*  
 Vini, *uncias sex,*  
 Cornu Rhinocerotis, *drachmam semis.*  
 Misce.

Quidam integrum caput radunt, eique imponunt *Emplastrum* ex *Castoreo, Tacamahaca, Caranna, Balsamo peruviano, &c.* aut sub capillitio *Cucupham* habent, ex *Lavendula, Castoreo, Ruta, Salvia, Betonica, Thure; Caryophyllis, Cinamomo, Oleo succini, &c.* Salivationem quidam præscribunt cum successu.

Vermes



Vermes si adsint, ut in puieris, *Anthelminthica sunt usurpanda.*

Sunt, qui non sine ratione, castrationem præscribunt: nam hoc modo totius sanguinis crasis immutatur, sed quoniam licitum non est, ad eam non est descendendum.

Si convulsio à quopiam viscere aliove loco instar frigidi vaporis videatur ascendere, ibidem loci *cauterium* est applicandum, aut moxa comburenda: Quidam capitis vulnere liberatus est, utique *Trepanum* etiam hic locum habere posset. Quidam cauterium applicant ubi sagittalis futura coronalem attingit. Essem in ea quoque opinione, quod omnes illi, quos *Dominus Christus* in Instrumento novi foederis sanaverit, nomen à Diabolo obsessorum aut Lunaticorum habentes, fuerint Epileptici, aut Maniaci, uti ex circumstantiis ibidem relatis, satis conicere est. Porro in tota Epilepticorum cura nihil melius expertus sum quam *spiritum cornu cervi* & *Lunæ tincturam*, ut & *saponem venetum*.

*Henr. ab Heers* refert de puellâ nubili, quæ ab ebriis duobus ad stuprum sollicitabatur, unde in epilepsiam ex subito terrore & animi consternatione incidit: observabat illam duos utriusque pedis pollices confricare, &c. loca statim ad os usque butyro antimonii devorabat, & paroxysmi, qui à cerebro fiebant, plane cessaverunt.

Anno 1675. mense Aprili, contigit in Frisiâ, in pago, nisi faslor, *Husum*, puellam epilepticam videre, quæ locum è regione lienis notabat digito, unde Epilepsia originem habebat: locum designatum exussi lanugine Moxa dicta, nempe tempore paroxysmi, & restituta evasit.

Idem Experimentum Embdæ feci, cum ibidem casu eram. Epilepticus de origine in sinistro pollice querebatur, in ipso paroxysmo pollicem ferro candente ussi, & ab eo tempore sanitati restitutus fuit.

De infantium Epileptis motiosis, INFANTES RECENS NATI, INSULTUS EPILEPTICOS ETIAM NON RARO PATIUNTUR, qui non sine vitæ discrimine sunt; vel adultiores facti, sæpe quasi delirant, vel stulti & stupidi fiunt: quia cerebri fibrillæ hisce motibus non tantum magnoperè convelluntur, sed aliquando rumpuntur, hinc ingenium labefactatur. Aliquando per totam vitam hanc labem, sub nomine *Epilepsiæ*, retinent. Causa eadem est ac de *Epilepsiâ* superius dictum. Videntur tribus gradibus ab invicem differre, itaque alius alio gravior. *Prior gradus* potissimum est in musculis faciei, capitis & oculorum, qui è nervis tertii, quarti, quinti, sexti & septimi paris ramulos nanciscuntur. In *secundo gradu* non tantum enarrati muscoli patiuntur, verum & musculi brachiorum, manuum, crurum, & pedum, idque à nervis qui è medullâ spinali ad has partes tendunt. In *Gradu tertio* etiam viscera imi ventris sursum trahuntur. Tres illi gradus, vel omnes simul se produnt, vel pro parte. Variæ quoque differentiæ sunt observandæ, quod symptomata, quam quoad causas. Symptomata etiam sunt diversa, pro diverso gestu, quem edunt; *primo* videntur ridere, qui risus postea in motus convulsivos mutatur. *Secundo*, nullam vocem aut ejulatum, &c. edunt; & alii è contra canienlarum in modum ferè latrant, pro diverso oris aut laryngis musculorum motu. *Causæ* esse possunt alimentum perversum, Terrores, Dentitiones, morbi &c. hisce



hisce & huiusmodi, membranæ, nervi &c. facile motuum anomalias incur-  
runt. Ipsæ sæpe matres causa motibus epilepticis infantium existunt: tempore  
enim gestationis habent, nescio quos; appetitus perversos; quibus alimen-  
tum foetus pervertitur, & acorem contrahit, itaque post partum ventricu-  
lus acido plenus est, & omne lac ingestum acefcit & in partes secedit:  
ut & matrum lac, quia acido turgent, in infantium ventriculis facile acefcit,  
hinc sanguis & succus nervosus pravus; sic facile ventriculus & intestina con-  
velluntur, contrahuntur, & per consequens systema nervosum.

Sic tempore dentitionis, idem malum dentibus accedit, quia membranas,  
sub quibus dentes primo latebant, perterebrare coguntur, hinc succi illas li-  
berè petransire nequeunt, sicque resiliunt versus cerebrum, acorem contra-  
hant, ac tandem motus convulsivos inferunt.

Si infantes imbecilles sint, eadem spirituum eclipsis oriri potest, hinc illud  
*Hippocratis*. sect. vi. Aphor. 39 *Convulsionem fieri ex repletionem, aut inanitione*.  
Nam si fibrillæ nervosæ, à materiâ Heterogeneâ influente ad titillatio-  
nem & compunctionem instigetur, rigidis istis particulis, ipsæ fibrillæ com-  
primuntur, ex quibus earum tunicæ erant conflatae, quâ earum systoles &  
diastoles vices augebantur, & per consequens earum motus: quoniam porro  
tanta spirituum copia tam citissimè affluere nequit, quam prius exprimebatur,  
Eclipsis quædam producitur, ut in *Institutionibus* de Epilepsiæ causis dictum.  
Et si contingat, ob morbos, ægrotudines aut alias nullos aut paucos generari  
spiritus, nihilominus tamen quidam furtim quasi transeunt: nam si planè  
nulli segregentur, potius soporosus oriretur affectus, quam convulsio. Con-  
tingit itaque, ut dictum, nonnunquam quidam generari, qui, particulis  
pungentibus turgentibus, fibras nervosas vellicant, atque motum involuntari-  
um concitant, quapropter, ob spirituum defectum, puerorum & infantium  
motus convulsivi producuntur.

Quamvis in adultis periculo vacat, contrarium tamen infantibus evenit,  
quia canaliculi cerebri tenelli facilius vehementi illo motu læduntur quam in a-  
dultis: & si planè læsi aut abrupti non sunt, tamen velut paralyti laborant,  
ita ut postea ingenio stupidi evadant, vel semi delirantes.

Si aliquando redeat, quod quidem fit, non raro ad pubertatem usque  
extenditur, & si tunc non cessat, ad finem usque vitæ continuatur: quia,  
si infantes aut pueri diu motibus convulsivis detenti fuerint, canaliculi ce-  
rebrales admodum ampliantur, & recipiendis particulis heterogeneis adap-  
tantur. Sed quare morbus iste aliquando circa pubertatis tempus cessat:  
quia spiritus animales tunc in majori vigore sunt, & particulæ sanguineæ vo-  
latiliores fiunt, & diaphoresis augetur: atque hæc fieri ex semine & men-  
struis apparet, quæ non essent, si motus succorum intestinalis non fuisset au-  
ctus: quid igitur potentius est domandis particulis heterogeneis, quam sal  
illud succorum volatile? & quid diaphoresi utilius hosti sub jugum mitten-  
do forasque expellendo? Verum si sub hoc tempus morbus non cessat, ma-  
net semper, quia vires & vigores ab hoc tempore iterum magis magisque  
diminuuntur.

Descendamus ad ipsam curationem. Si morbus veniat ab objecto quo-



piam externo, uti à terrore, pueri aut infantes nunquam sunt terrefaciendi. Si à pulte acescente, recens semper substituatur oportet. Si à lacte, quod fugunt, lactantes animi pathematis, acidis & frigidis se abstineant, ac volatilia quædam fumant. Si à causâ internâ, malum è sanguine, & succis est expellendum: sed in paroxysmo ea sunt adhibenda, quæ paroxysmum pellunt. Ad curationem potissimum pertinent, quæ acidum moderantur & viscidum è corpore pellunt, nobisque multum salis volatilis oleosi & aromatici elargiuntur: ut sunt

*Acorus, Angelica, Contrajerva, Betonica, Ruta, Rosmarinus, Thymus, Majorana, Salvia, Crocus, Lavendula, Lilium convallium, Sinapi, Coriandrum, Cardamomum minus, Careum, Caryophylli, Macis, Nux Moschata, Cinamomum, Ammoniacum, Assafoetida, Caphura, Castoreum, &c*

In Paroxysmo admoveatur nonnihil *Spiritus salis armoniaci* naribus, aut *capam* recens dissectam, tunc statim, si secundo omnia vento fluant, ad se redeunt: si non, omnia esse adversa signum est. Interim refocillentur sequentibus: ut

Recipe Spir. Liliorum Convallium,  
Aquæ Melissæ, *ana uncias duas.*  
Tinct. Croci, *unciam semis.*  
Spir. cornu cervi, *guttas sex.*  
Misce. vel,

Misce Spir. Rutæ,  
Vini Hispanici, *ana uncias duas.*  
Tinct. Castorei, *unciam semis.*  
Spir. Salis armoniaci, *guttas sex.*  
Detur usui.

Utræquæ istæ mixturæ per semi cochlearia dari possunt. vel,

Sume Tinct. Moschi, *drachmam semis.*  
Succini,  
Elix. citri, *ana uncias duas.*  
Spir. Eboris, *drachmas duas.*  
Misce.

Guttas aliquot subinde cerevisiæ admisce, aut alio cuivis vehiculo. Multi *Setacea* instituunt, ut & in brachiis *Fontanellas*, sed qui circulum novit sanguinis, omniaque bene perpendit, Medicinas hujusmodi inutiles ridebit. Hic quidem *Hysterica passio* esset pertractanda, quia ad motus nervorum convulsivos pertinet, verum quia in superioribus, cum de uteri morbis agebam, illam telam absolvi, materiam illam hic non attingam.

Ad cerebri morbos etiam MEMORIA LÆSA refertur; atque ea est, quando quis difficulter aliquid memoriæ mandare potest; vel rem mandatam, facile obliviscitur; vel quidquid mandavit, non nisi quam per partes enunciare novit. *Signa & differentiæ* sunt, quando in pueritiâ tardè discunt, &



& tardè loquuntur, quæ sunt prognostica sæpe imbecillis memoriæ; & si iudicium bonum non adsit *Imprudentia* dici meretur. Etiam per dispositionem hæreditariam fieri potest: aut per senectutem, aut cerebri in aut extra partum læsionem, verberibus, ictu, casu, &c. Ergo cerebrum læsum est ut & spiritus animales.

Quamvis causas in Institutionibus nostris satis superque explicaverim, nihilominus tamen, ea hic loci addam, quæ ibi non explicata & omissa sunt. Licet quis memoriam admodum fixam habeat, tamen ob plurimas occupationes, sæpe res perceptæ facile evanescent, quia motus rei perceptæ impressionem satis altam & notabilem non relinquit. Memoria enim videtur fieri, quando spiritus ab organis sensuum externis per commune αἰσθητικόν, corpora striata, corpus callosum in corticalem substantiam insiliunt; ibique impressionem indelebilem relinquunt. Verum si non sit cum attentione, facile & citò evanescit, & tunc *Oblivio* vocatur. Anima enim ad unicam rem tantum, simul attendere potest, itaque si diversi motus simul animam intrent, hoc aut illud, aut quidem omnia eodem momento obliviscuntur. Causa etiam latet in viis aut spiritibus. Viæ etiam esse possunt nimis angustæ recipiendis in sufficienti quantitate spiritibus, sive cerebrum sit, ob cranium nimis compressum, angustatum, sive ob ventriculos nimia succi visceri copia pressum. Compressio cranii fit in partu, aut accidentaliter casu, verberibus, ictu, &c. quapropter motus sufficiens ab animâ non recipitur; hinc nullum quoque iudicium. Spiritus ipsi peccant, quando sunt nimis debiles, aut vapposi: vel quando eorum, est defectus; vel cum è sanguine particulas heterogeneas & cerebri canaliculis non congenere sibi adsciverunt, quod facile à senectute, morbis soporosis, aliisque morbis oriri potest. Poro senectus, narium, mensium, Hæmorrhoidum &c. ut & jugis venarum sectio, venus, morbi chronici, nimius opii usus, vigiliæ, seriæ in rebus altis continuæ cogitationes (unde *Catalepsis*) &c. spirituum ductus, & consequenter memoriam hebetant, obtundunt.

Raro curam admittit, præsertim si dispositio sit hæreditaria, ex senectute, mala cerebri aut cranii conformatione, &c. sed si post morbum relicta sit, spes est.

Si veniat, ex sanguinis visciditatibus, blandis catharticis, multum pituitæ expurgatur. Deinde, quidquid pituitosum, salibus volatilibus oleosis, in motum ducatur oportet. Si veniat ex nimis occupationibus, optimum erit, eas aliquomodo declinare. Quæ accidentalis est, ex verberibus, ictu, lapsu, depressione cranii, &c. manu chirurgicâ restitui debet. Quæ ex loquendi timore oritur, vinis aromaticis audacitas nanciscitur. *Purgantibus* aromata adsint, ut *Castoreum*, *Caryophylli* &c. Capiti *cucupha* ex *Castoreo*, *Caryophyllis*, *Iride*, *Majoranâ*, *Rosemarino*, &c. imponatur. Conveniunt hic *Masticatoria*, *Sternutatoria*, *Errhina* &c. sequentia erunt quoque felicitis usus: ut

*Recipe* Thuris,

Piperis nigri, ana partes æquales.

G g 2

Fiat



Fiat Pulvis.

Detur tempore sex Hebdomadarum, singulis diebus, matutino tempore drachmam unam. vel quod sequitur:

Accipe Fol. Rorismarini,

Salviæ, *ana Manipulum unum.*

Zingiberis,

Thuris, *ana unciam semis.*

Caphoræ,

Sem. Sinapi, *ana drachmas sex.*Spir. vini optimi, *uncias quadraginta.*

Misce fiat Vinum Medicatum.

De quo matutino tempore quotidie sumatur integrum cochlear.

Si itaque nihil procedit (quod rarum non est) ad decocta cephalica vulgo-  
itur: sed eorum ingredientia potius sorberi possunt, uti nunc Thea solet, fiat  
igitur collectio ex *Sassaparas, Salviâ, Betonicâ, Lauro, Majoranâ, Pulegio,*  
*Floribus Lavendulæ, Croci, &c.* Quidam Emplastrum aromaticum supra  
caput gerunt, &c.

Phrenitis  
& para-  
phrenitis.

In superioribus cum de *Febribus* mihi enarratio erat, nonnihil quidem de  
PHRENITIDE & PARAPHRENITIDE scripsimus, uti & in *Institu-*  
*tionibus* nostris, verum totam curationem non dedimus. Nihil aliud est  
quam febrium tam continuarum, quam intermittentium Symptoma, sed in  
intermittentibus tantum *delirium* adest: & in continuis Mania quædam sæpe  
adesse consuevit. Est ergo delirium, cum febre continuâ, sæpe cum furore  
ac irâ effusâ. Hæc itaque dicitur *Vera* vel *notha*. *Vera* est cum vehementibus  
Symptomatis, sive vel cum malignitate &c. Quoad *signa* sunt Febris conti-  
nua, Vigiliæ, Deliria effræna, Spirandi difficultas: pulsus sæpe parvus est,  
vel durus, aut celer: lingua scabra, aliquando aliquid ante oculos videtur  
volare, sæpe cum quieti videntur, floccos quærunt &c. in *Paraphrenitide*  
seu *notha* major est spirandi difficultas.

Causæ sunt sanguis, qui propter crassitiem quandam succum cerebralem  
effero, quam decet, modo, transmittit, & ejus vice laticem subtiliorem ac  
acriorem percolat, qui, cum plus justo à subtili materiâ movetur, *ὀνομάλως*  
cerebrum ac nervosum systema irradiare potest: hinc cerebrales canaliculi di-  
versimodè aperiuntur, unde cogitationes innormes ac inconstantes forman-  
tur, quibus inordinate elocutis, delirium febricitanti adeste indicatur: &  
quia corpus magis mechanicè movetur quam mentis voluntate, hinc est  
quod prolata & acta post restitutionem obliti fuerint. Motis porro hac ma-  
teria musculis, robustiores sunt quam alias, nullum enim metus judicium  
habent. Porro quid *Febris* sit, ante diximus. Si materia illa crassa magis  
cerebellum invaserit, *Paraphrenitis* dicitur, tunc enim nervi versus organa  
respiratoria euntes obstruuntur, gravantur & conturbantur. Præter hæc san-  
guis potest esse adeo incrassatus, ut pulmones & cor pertransire non possit, nisi  
eum magnâ difficultate: musculi enim, respirationi inservientes, obstruun-  
tur.



tur, aut spasmo afficiuntur, hinc respiratio ferè cessat quomodo floccos quærunt, consule superiora.

Cadaveribus post mortem apertis in cerebri ventriculis non raro non parum humoris acris & rodentis solet inveniri. Putabant olim meninges inflammari; sed ubi inflammatio ibi tumor; si tumor adsit, is amplius requirit spatium; itaque hoc tumore cerebrum ejusque canaliculi obstruerentur, & omnis transitus spiritibus præcluderetur; hinc potius Lethargus quam Phrenitis nasceretur. Neque Paraphrenitis, ex diaphragmatis inflammatione est, sed à cerebello pèreso & per consequens ulcere obfesso.

*Signa prognostica* sunt: quod morbus hic dubius sit, & periculo plenus. Junioribus & succi plenis, minus erit vitæ discrimen, quam ex uccis & senioribus: si intermissiones habeat, præstat, quam contrarium: si post somnum furor non cesset, atque excrementa alvina sint albi coloris, malum: si floccos quærant de stragulis, sæpe lethale est. In Lethargum; Maniam, & Melancholiam, omnium rerum præcedentium totalem oblivionem &c. aliquando transeunt. Si Febricitantium urina crassa, tenuis redditur, sæpe prognostica sunt Phrenitidis. Sudor spontaneus ac lotium copiosius febrim solvit. Paraphrenitis, ob respirationem magis læsam, phrenitide periculosior est. Pallida urina, cum continuis narium Hæmorrhagiis, advenientibusque vomitu, ac convulsionibus, mortem indicant, futurum.

Primo insistendum ut motus spirituum inordinatus cessat: remedia eum in finem sunt Medicamina ex opio præparata: deinde *volatilia* quæ acidum sanguinis domant, ac eundem motui debito ac fluori restituant: atque inter hæc *sudorifera* primum locum tenent: interim symptomata sunt respicienda. Opiata itaque sunt Sudoriferis admiscenda, ex: gr: ex opio *Caphora*, & *Vino* si fiat *Haustus*. Vel ex *Vino*, *Spiritu Salis Armoniaci*, *Caphora* & *Opio*. Si ab hisce æger satis citò solamen non sentiat, *Opii* quantitas est augenda; sed prima instantia prudenter opiatum insistendum, ne in Lethargum incidant. Quidam *venam* frontis *incidunt*, sed hoc ridendum; fiat, si opus, in brachio: omnes enim venæ ad eundem fontem redeunt, ab eoque iterum procedunt. Si alvus non satis respondeat, *Enemate*, aut *Suppositorio* aperiatur. Supplantalia ex *Sapone*, *Sale*, *Ruta*, *Fermento Acido*, *Aceto*, &c. pedum plantis alligantur. Tempora illinantur *Caphora*, *Opio* & *Spiritu Vini*. Fronti linthea *Spiritu Vini Caphorato* madida applicentur. Quidam Capiti Columbam aut gallinam vivam recens dissectam applicant, quarum calore & spirituositate non raro optati successus expectantur. Cordis regioni etiam lintheamenta spiritu vini madida admoveantur. Pro potu detur decoctum ex *Scorzonera Radicibus*, *Cornu Cervino*, *Corticibus Citri Recentibus*, *Melissæ Foliis*, *Papaveris Semine*, *Sale Prunellæ*, &c. vel fiat decoctio ex *Corticibus Citri* cum aquâ, cujus colaturæ admisceas *Spiritu Cornu Cervi* cum nonnihil *Vini*. Similes enim potiones ex sale volatili oleoso constant, hinc est quod sanguis & spiritus reficiantur, ac fluidiores reddantur; quorum quoque usu diaphoresis promovetur. Pudendo, non respondente lotio, fomentum aplicetur ex *Chærefolio*, *Hederâ Terrestrî*, *Petroselino*, *Parietariâ* & lacte dulci.



Cessantibus hisce symptomatis vino quodam, cerebri imbecillitatem restaurante, utatur ex *Vino Rhenano Veteri*, *Caryophyllis*, *Macere*, *Gulanga*, *Chalybis Limatura* &c. *Thomas Willisius*, *Magnus illi Doctor & accuratus scriptor* phreneticam Ancillam in aquam conjicere jussit, & ita immo sanata fuit: hujus rei causa erat, quod sanguini in majoribus vasis fortior erat motus quam in minoribus: hinc in majoribus ob frigiditatem retardabatur; hinc sanguis in majoribus non fortiter comprimebat eum, qui in minoribus continebatur, atque sic motus æqualitas, & symptomatum enormitatis cessatio.

Melan-  
cholia, sive  
delirium  
in quo  
continuo  
idem re-  
petitur.

Perveniamus nunc ad morbum: qui ab Antiquis MELANCHOLIA dicitur; sed meo Judicio malè; hic non peccat *Atrabilis* seu *Μέλαινα χολή*, sed est morbus Judicii, sive unius rei continua & repetita cogitatio, cæterum alias sani sunt, & officio benefungentes. Definitur vulgo, quod sit *Delirium*, in quo ægri sine manifestâ re Tristes sunt & Timidi, cum imaginatione rerum horrendarum, & aliquando ridiculum, cum cogitationum multitudine, unam rem sæpe repetentes. Advenit itaque is morbus cum Tristitiâ, stultitiâ, aut enormi delirio: vel delirant de rebus divinis aut Diabolicis, putantes non posse esse beati, vel à Diabolo obsessi: vel delirant de rebus humanis & creatis, quando imaginantur quod sint Reges, aut mortui, non habere caput, aut nasum; vel nates habere vitreas, non audentes sedere: aut granum esse tritici, fugientes gallinas, ne ab iis devorentur, &c. de causis consule *Institutiones nostras*. Quidam continuo ita delirant, sed alii intermissiones habent: aliquando brevi curantur, alii tardè, alii vero nunquam. Si morbus iste subito adveniat facilius curatur, quam qui à longo tempore. In Maniam sæpe mutatur, aut in convulsiones, Paralyfin, Apoplexiam, vel in violentam mortem.

*Curatio* hic immediatè ipsum morbum respicit: deinde causæ præcedentes sunt examinandæ: atque hic porro vires sunt pæservandæ. Quoad correctionem humorum, volatilia oleosa & aromatica, ut & acidum temperantia sunt quidem in usum vocanda: sed arte & dolo potissimum curantur, quia non est morbus corporis, sed Judicii, sunt alias sani & ad omnia negotia satis expediti. Admonitiones itaque fiant callidæ & dolosæ: aut divertantur sodalitiis jucundis, aut studiis, aut iter cum aliis per mare aut terras faciant, ut rerum enormium obliviscantur. Ne sint soli, ut & priores phantasias repetant. Sic, si putant habere nullum, caput ei imponatur plumbeus pileus, aut colaphum malis injunge, tunc gravitatem pilei sentiet satis, & colaphi dolorem, ita facile se *ἐνέφθαλον* non esse concipiet. Si granum tritici imaginantur esse, subito & ex improviso aliquot gallinæ in cubiculum mittantur, in quo est, januaque claudatur: similesque technæ sunt admoliendæ, ut imaginatio falsa tantum divertatur. Sic illi, qui continuo & tam diligenter Ecclesiam publicam & Catechescos examina frequentant, etiam in ejusmodi deliria sæpe incidunt, putantes neminem esse sapientio rem aut doctiorem quam eorum sodalitium; & qui cum illis unanimes non sunt, ejusdem consortii, exulant, & pro insipientes habent: ac si non possemus esse Hilares, Deumque laudare &c. absque tristi, fucata, factitiâ illâ facie; non constat itaque nostra salus & summum bonum in verbis fictitiis, veste simplici atque in continuo suggesti præsen-



sentia; cum interim faciem repræsentant invidam ac viperinam, passionibus in æquales, &c. plenam.

Transeamus porro ad MANIAM sive FUREM. *Mania* itaque est delirium, cum effræni iracundiâ, absque febris aut Metu. Venit vel casu; perversâ Diætâ, Hæreditate. Aliquando cum maximâ Iracundiæ sive Furoris Effervescentiâ sive incandescentiâ. Sæpe per intervalla venit, præsertim verno aut autumnali tempore: aliquando perpetua est, aut brevis, aut longa, vel mediocriter longa. Phantasmata eorum turgent in inquietis ac effrænis cogitationibus, quas noctu dieque tacitè murmurando apud se, aut altâ voce & clamore sæpe repetunt. Eorum perceptio est deformata, falsa atque erronea. Deliriis ejusmodi maxima non raro adest audacitas, furor effusus, ac virium robur immanis imo incredibilis.

Mania.

*Causas* hujus morbitatis superque in *Institutionibus nostris* dedimus, itaque crambem bis coctam hic secundâ vice non apponam. Ad *prognosin* itaque eamus. Per se lethalis non est, verum curatu difficillima; invetrata, Hæreditaria, aut è morfu canis rabidi contracta non nisi rarissimè curationem admittit. Ab externis causis, si insequantur febris, scabies, pustularum efflorescentiæ, Hæmorrhoides, Varices, Hydrops, Hæmorrhagiæ, &c. facilius curatur quæ per intervalla venit, æquinoctiali tempore & diebus canicularibus maximè sævit. Quæ ridendo advenit & symptomatis blandis, facilius quam cum furore effuso curatur.

Cum Mania sit duplex, nempe *continua*, aut *intermittens*, etiam *Intentio* sit duplex oportet; una est ut Furor sedatur, & altera non tantum sedatur, sed extra paroxysmum allaborandum, ne redeat, extirpetur. *Intentio* ergo est *curativa*, *præservativa* & *vires roborantia*. Specifica, ut vulgo appellantur, sunt ut in Melancholiâ, Phrenitide &c. dictum. Primo itaque æger disciplinâ & minis est cohibendus, uti & vinculis, verberibus; atque si hisce furores non moderentur Morotrophio ejusmodi Homines includendi: ut tempore à Medicis & ministris, ad illam curationem constitutis, debito modo tractentur. Atque hoc modo metui sensim sensimque auscultantes fiunt, & fræna temperantibus subjiciuntur: hisce eo usque ductis etiam spiritus efferi refrænantur atque compescuntur. *Venæ sectione* largâ hic summoperè opus est, quia deprompto sanguine, spiritus æstuosi felicius temperari nequeunt: sic quoque vinum secundo aut tertio effervescens, citius quieti non reducitur, nisi prius in aliud dolium depromatur. Sic *Purgationibus* & *Vomitionibus* aliquando repetitis etiam spiritus indomiti facile ad quietem componuntur. Consistent itaque ex vehementioribus, quam solet: nam eâ de causâ à circumforaneis, minus prudentibus, facilius curantur quam à Medicis ad rem nimium attentibus.

Porro ad *Præservationem*, quædam frigida ac acidum temperantia exhiberi possunt, ut pulveres ex *sale prunellæ*, *corallis*, *Caphura*, &c. potus sit tenuissimus. Capiti etiam *lavamenta* admoveri possunt, ex *spiritu vini*, *sale prunellæ* & *caphorâ*. Aut ex *aqua rosacea* & *sale saturni*: aut tempora illinatur *unguento populeo*, *oleo papaveris* & *nymphæ*, cum *opio* & *Caphora*. Etiam exhibenda intus *opiata*: nam ubi motus nimius, ibi est compescendus, & è contra:



è contra : Compescatur itaque granis quatuor *opii*, cum *caphora*, *Lapide prunellæ* & *Vino*. Sunt qui capiti *Cauteria* applicant ut & *Vesicatoria* & *Trepana*, instituunt quoque *Arteriotomiam*, *Salivationem*, &c. sed unicuique sit liberum iudicium.

Cessante Paroxysmo (quod sæpe fit, si furor ex amore fit, aut coitu prohibito, Furore uterino, denegatis menstruis, &c.) omnia quæ acria sunt ut acida, salia, aromatica, & in diæta sunt arcenda: procurandum tamen ut spiritus de novo generentur; quotidie quoque Temperantia sunt exhibenda, ex *Oculis cancri*, *Vitriolo Martis*, *Caphora* (ut diaphoresis procuretur) &c. si Aquis frigidis subito immergantur, procut omni dubio exinde curatio posset expectari. Si intermittens sit, ante vernum, & autumnale tempus, ut & ante firium seu caniculam esset purgandum aut vomendum: imo conversatione sociorum ejusmodi personæ ab enormitatibus istis arceantur oportet. Fugiant ante omnia lites, iram &c. Sit corpus semper laxum. Bibat potius potum ex *salviâ*, *Theâ*, aut *Coffeâ*, quam cerevisias spirituosas, aut vina eorumque spiritus.

Stramon-  
iæ femi-  
num  
effecta.

Puellula octodecim mensium, & puellus triginta mensium (Amstelodami in Platea de Bloem-straat) casu quodam *semina* invenerunt *Stramonie*, quæ comederunt. Brevi post Furore insaniebant, omnia percutiendo, mordendo, unguibus in adstantes insiliendo, ut & pedibus in alios calcando, atque spumam ore agitando &c. Puellula paulo post ab horrendis convulsionibus obiit. Ast Puellus post 24 horas restitutus. Dabatur ad vomitum concitandum oleum olivarum cum saccharo: enema injectum & cardiaca data, ut & decoctum ex scorzonera & Rasura cornu cervi, cerevisiæ loco.

Nucum  
Vomica-  
rum  
effecta.

Quidam loco pulveris oculorum cancri, sumpsit, *nucis vomicas* pulverisatas, (vulgo *Uraan-oogen*: ) hinc præcordiorum Auxietates, & quasi venenum sumpserat; Ebrio similis & Maniaco. Statim butyrum & oleum cum cerevisia calida datum, unde vomuit. Enema injectum sudorifera, anodyna, & diuretica sumpsit, sudavit, & feliciter restitutus est.

Rabies  
Hydro-  
phobica.

Horum deliriorum ultimo hoc capite Tractetur RABIES HYDROPHOBICA seu HYDROPHOBIA, quæ maximâ ex parte motus convulsivus est, cum furore, aquæ & luminis metu, sæpe cum delirio, febri aliisque symptomatis, ortum habens ex morfu, spuma, &c. canis rabidi. *Signa* sunt Anxietas; Inquietudo; corporis jactatio; Ira; æstus & calor circa ventriculi & præcordiorum regionem; sopor est abruptus; vigiliæ continuæ; adest aquæ metus & lucis aut luminis fuga; convulsiones; spasmi Membrorum; Vox rauca, imaginatio falsa, iudicium pravum; Vertigo, respiratio difficilis cum æstu caloris; Oculi torvi, feroces; ac ardore flagrant; Febris; Acutus dolor in parte morsâ; fauces angustæ; lipothymia; dentium stridor; singultus; Mania; os siccum; sæpe faciei & aliquando totius corporis rubedo; sudores; alvus astricta; Mordendi cupido; canum instar latratus; urina sæpe nigra. Mirum & observatione dignum quod piscatores vel nautæ narrant, eos semper circa maris fluxum magis furere, atque mordendo lævire, at in maris refluxu omnia fieri mitiora; imo & vehementius furere, quo sint mari pro-



propinquiore. Et quod magis mirandum, quando ægro infcio, in cubili clam cantharus cervisiæ plenus, abscondatur, nihilominus tamen symptomata magis exacerbari.

Signa *canis rabidi* hæc sunt: Canis neque edere, neque bibere cupit. multum spumæ tam ex naribus quam ore prodit, unumquemque <sup>Signa</sup> *canis* sine differentia aggreditur, annitens eos commordere, tamen sine allatrato; <sup>rabidi.</sup> oculi apparent rubicundi & ignei: omnibus indifferens indiscriminatim est. Cauda ei dependet, atque lingua (quæ sæpe fusci aut flavi coloris est) longissimè ex ore pendet: interdum celerrimè incedens, in hoc vel illud subjectum, quasi incogitanter, illidit, deinde ἐξαφρῶς, alio tempore, sistit gradum, & alii canes eum fugiunt.

*Causa* itaque *externa* erat canis rabidi morsus; atque hoc modo ab ipsius salivâ, sive per vulnus morsum, sive per os, non nihil sanguini nostro communicatur: quare tunc tota sanguinis massa inficitur, non secus ac tantillo fermenti acido integra farinæ massa acida redditur. Separatis itaque ex tali sanguine in cerebro spiritibus, eorum ope tales quoque, uti in cane, canaliculi in cerebro aperiuntur: hinc symptomata, ut in cerebro aperiuntur: hinc symptomata, ut in rabido cane, ita in homine eadem sunt. Et si materia subtili vehementer moveatur, Maniæ, deliria, vigiliæ, iræ, uti in *Mania dictum*, generantur. Huic porro si accedant acres & pungentes particulae, Convulsiones, dentium stridores, dolores, lipothymiae, singultus, & mordendi appetitus oriuntur. Spiritibus hisce æstuantibus ad pulmones euntibus, calore non amœno suffunduntur pulmones, cor, ventriculus; respiratio læditur; & convulsionibus factis mirus efficitur clamor ac gestus, quibus spuma è pulmonibus quoque exprimitur: œsophagi musculis spasmis affectis, difficultatem humido deglutiendo pariunt; hinc iis injicitur metus potulenta deglutiendi, atque ea de causa aquam timent: non tam propter aquam, quam quia bibentibus nocet, post enim potum, statim in convulsiones & spasmos incidunt. De cæteris inspicere *Institutiones* nostras. Porro si Mania huic adjuncta adhuc in instanti sit, spei satis est, & nihil timendum, alias vix aut nunquam; si aquæ metum incipiant habere raro curam admittunt, & quo magis inveteratus eo pejus; semper, non sine contagionis transgressu periculosa est. Primo momento statim post morsum insequuntur hæc symptomata, sed aliquot sæpe annos latuisse testantur Authores, eodem modo ac lues venerea, & Tarantulæ morsus.

Primo vulnus est respiciendum, & si symptomata quædam oboriantur, ea medenda sunt. Hic conveniunt, quæ in Pestis curatione præscribuntur, nempe *Antidota* & *Sudorifera*. Si quis ergo spumam animalis rabidi attigerit, locum statim mixtura ex *spiritu vini*, *caphura*, & *spiritu salis armoniaci*, abluet, & sine mora *cucurbitulam cum scarificatione* imponet, ut hoc modo ex loco morso trahatur venenum: sed non sine ratione venæ sectio rejicitur, quia ex loco affecto in ipsam massam sanguineam trahitur. Loco cucurbitularum alii *Vesicatoria* imponunt; deinde sudoriferum potens propinant: sudatio bis terve est quoque repetenda: sumatur interdiu, ne diaphoresis impediatur sequens mixtura: ut



*Recipe Spir. Liliorum convallium, uncias duas.*

*Rutæ, unciam unam.*

*Cornu cervi, drachmam unam.*

*Vini Hispanici, uncias decem.*

Misce.

Si morsus suspicio sit, an vero ex rabido cane, an vero ab alio sit, hocce experimento constabit, fume micam panis triticeæ, eam immerge aceto, vulnereque impone, deinde post duas horas gallinæ comedendam projice, & si deinde non moriatur, evanescit omne periculum: sin alias, & vulnus sit parvum, dilatandum est, & lavandum cum *spiritu vini caphorato* & *spiritu salis armoniaci*. *Lapidis serpentini* applicatio hic etiam non parvi erit usus, dicunt enim eorum applicatione serpentium venena foras extrahi. Vel *Cataplasma* imponatur ex *Cepis*, *Allio*, *Ruta*, *Sale*, *Melle* aut *Sapone*. Imo & vulnere statim quidem *Cauterium* candens imponitur. Si metus incipiat aquæ advenire, solent ejusmodi homines aquis summergere; videntur enim tunc spiritus efferi domari, ut de *Phrenitide Willisii* exemplum dedimus, sanguinis enim & spirituum cursus hoc improvise in aquam jactu non parum alterantur. *Vomitiva* ut & *Sternutatoria* etiam aliquando conveniunt, ut & *usus cephalicorum* sequitur.

Meningum  
inflammatio.

Sed hoc observatum est, ut si homines aquam & omnia humida timere incipiant, submersionem nihil effecisse, quæ si prima instantia non fuisset instituta, illam incassum esse tentatam.

Nunc cerebri, seu potius Meningum inflammatio: Nam dubitatur, num ipsa cerebri substantia possit inflammari. *Inflammationem* hanc *Calor*, *Rubor*, *Dolor* & *Pulsus* immediatè insequuntur. *Dolor* vehementissimus est, quoniam inflammata meninges immensè dolent, cum certum sit nullam capitis partem esse sensibilem crassa meninge; hinc exquisitissimi dolores necesse est adsint, cum obstagnantem sanguinem sequatur membranæ *dilatatio*, quam necessario sequitur *dolor* acerbissimus, *lacerativus*. Hinc videmus veros *Phreneticos* (ut plurimum hodie confunditur *Phrenitis* cum *delirio in febre ardente*) *avellere capillos* præ nimio dolore & immenso quasi furore *caput* inaniter corcutere. Propter acerbissimum hunc dolorem malum est adeo acutum, ut tertiâ die sit lethale, cum propter sensibilissimum dolorem spiritus dissipentur, facileque partis inflammata sequitur *gangræna*, & inde *necrosis*.

Præterea ægri mox *delirant*, adeo ut neque calorem, neque dolorem sufficienter exprimere possint. propter intensam incalescentiam spirituum animalium, eorumque inordinatum & impetuosum motum: unde talibus insigniter delirantibus superveniunt interdum gravissima symptomata, in specie *convulsiones*, idque præcipue, quando malum in *gangranam* desinit.

Præterea *pulsatio in capite* est vehementissima, de qua in primo principio conqueruntur ægri. Quanta sit talis pulsatio & inde *dolor capitis pulsatorius*, potest



test collegi, si attentè adspiciamus collum, apparebit quod vehementissimè pulset *carotis*. Ex quo colligi potest, quantum impetum & qualem pulsationem sanguis in loco inflammationis sub cranio inferat. Moderno igitur abusu, *Phrenitis erit delirium maximum, ex cerebri & speciatim ejus membranarum inflammatione ortum, cum febre ardente & peracuta junctum*: & hoc est Veterum *Sphacelus*. Utut majori abusu ferè quandoque *delirium grave febris ardenti* aut malignæ superveniens, similiter phrenitis appellari soleat. Apparet ex his *Veterum Phrenitidem* rarum esse affectum, quem intra biduum aut triduum insequitur mors.

*Causæ internæ* sunt raræ, nisi forsan præcedens sanguinis excretio quædam suppressa, aut alias inflammationis metastasis, *veræ phrenitidi* occasione in suggerat. Atque hoc contingit puerperis, lochiis intempestivè suppressis; item ex retentione hæmorrhoidum. Item illud ex menstruorum suppressione non raro evenit.

Hic affectus ut plurimum lethalis esse solet, qui tertio die hominem jugulare potest. Dejectiones alvi albicantes & urinæ cruentæ, albæ & pallidæ pessimæ sunt, ut plurimum enim ægri intereunt. In *Inflammationibus cerebri*, quibus tremulæ aut obscuræ sunt desipientiæ tumultuosæ, id est, interdum phrenetici apparent quasi dormiant, utut nil minus faciant, quin variis hinc inde insomniis conturbentur, adeo ut ad quasita ineptè respondeant: Tales phrenetici, cum talibus variis insomniis & obscura desipientia, periculosiores sunt iis, qui fiunt cum vociferationibus, artuum contorsionibus &c.

In curatione eodem procedendum modo ac de phrenitide antea diximus.

### C A P U T XIII.

DE OCULORUM VITIIS, DE GUTTA SERENA, OPHTHALMIA, MYOPIA; PRESBUTIA, NYCTALOPIA, MICROPHTHAMIA. HYDROPHTHALMIA, CUM OBSERVATIONIBUS ET EXPERIMENTIS DE HUMORE OCULORUM AQUEO ETC.

**G**UTTA SERENA est morbus nervi optici cum cætitate, nullo vitio in oculo externo, apparente. *Causa* est obstructio, ulceratio, compressio, &c. nervi optici, quâ lucis radiis ad cerebri penetralia aditus denegatur. *Obstructio* illa, est istius nervi paralysis, quando in ejus poris quædam particulæ viscidæ hærent, tunc illum spiritus ex cerebro venientes, irradiare debito modo nequeunt: estque aliquando febris effectus. *Ulceratio* venit à vulnere aut inflammatione vel in ipso nervo, vel partibus adjacentibus; in nervo ipso, tunc per se patitur, alias si à vicinis partibus nervus prematur à tumore vel pure; vel ab effuso è vulnere sanguine



guine &c. Hæc *Gutta serena* tamen aliquando totalis non est, sed aliquid luminis intrat, & tunc non nisi obscure visio peragitur, quia quidam pori obstructi sunt, quidam non. Hæc species in perpetuam cæcitatem aliquando mutatur, si brevi non curetur, itaque cura quam citissime est instituenda.

Materia impacta, aut premense est removenda, Vesicatoriis, Errhinis, Masticatoriis, volatilibus ac penetrantibus. Pone aures *Vesicatoria* applicentur. *Errhina* dentur & *Sternutatoria*, ut, narium membranis irritatis, etiam per consequens obstruentes particulae irritentur, atque sic materia impacta exprimatur. Per se arte respondeat alvus: bibatur decoctum cephalicum ex radicibus *salsæ parilla*, *China*, *ligno guajaco*, *Herbis Majorana*, *Salvia*, *Rorismarini*, &c. neque potus Theæ est negligendus, quia eo caput & nervi reficiuntur. Caput quoque linteis cum spiritu vini *Caphorato* fricandum: usus quoque *tabaci* non minimi est valoris, vel ejus loco *Betonica*, *Majorana*, *Lavendula*, *Salvia*, vel etiam ejusmodi Herbæ, loco Theæ extrahi possunt & forberi. Deinde ferè procedendum, uti de morborum soporiferorum curatione diximus.

Myopia.

Alia adhuc oculorum vitium est, quæ dicitur MYOPIA, quæ est in rebus distantibus visus obscuritas, cum in propinquis sufficiens sit perspicacitas. *Causa* maximè consistit in oculi rotunditate, ideoque è longinquo majorem recipiunt radiorum solarium quantitatem. Retina quippe longius ab humore crystallino distat, qui quoque paulo convexior est, & sic radii ab objectis longinquis venientes, junguntur, antequam retinam attingunt, unde confusa visio. Qui diligenter student plerumque solent esse *Myopes*, ut & illi qui Ophthalmia diu laboraverunt, ut & sæmininus sexus, qui primo suendi artem discunt: illi omnes assuescunt oculos magis ad rotundam figuram dirigere: ideoque vitris concavis medentur, nisi tales à nativitate habuerint oculos, tunc enim visus solummodo corrigi solet. Irritum est tentamen, si Medicamentis visum hunc depravatum restituere studeant: nam medicamenta externa aut interna causam non tangunt. Ad Medendum itaque concavo utuntur vitro, quia objecta conspiciuntur minora, & per consequens radii ad pupillæ receptionem adaptantur: & nimia quantitas dispergitur & quoniam Myopiæ gradus differunt hinc est quod vitia concava majorem vel minorem habeant concavitatem. Cominus bene quidem vident, quia tunc minorem radiorum quantitatem recipiunt. Plurimi enim radii confundunt visum, pauciores moderantur eundem: quod solem aspicientes norunt.

Myopiæ contrarium est PRESBYTIA, sive *senilis visio*, in ea, quæ *Presbytia* eminus sunt melius conspiciuntur, quæ cominus vero, pejus, atque corrigitur vitris convexis, quibus objecta majora exhibentur: sic solent continuo eminus videre ad radios plures recipiendos, pupillam ita accommodaverunt, ut cominus videre vix possunt, nam pauci radii non sufficiunt ad objecti radios recipiendos.

Si contingat, objectum oculo tam propinquum esse, ut crystallinus humor satis rotundus fieri nequeat, ad objectum bene videndum, tunc utimur vitris convexis. Ast si objectum tam longe ab oculo distet, & crystallinus humor non satis deprimatur, ut imago clarè repræsentetur, tunc concavum vitrum



vitrum usurpamus. Qui solent omnia cominus videre, communiter ultimo malo vexantur; sed qui primo laborant symptomate à senectute habent, quia fibræ ligamentorum ciliarium, ut cæteræ corporis partes, ferè inflexibiles evadunt, atque nonnihil contrahuntur, unde humor crystallinus, ex parte magis deprimatur, atque tollitur sic motus, ut satis rotundus fiat.

Nunc sequitur NYCTALOPIA, quæ duplex est, in *prima*, objecta Nyctalopia nocturno tempore & diluculo melius conspiciuntur quam interdiu: *altera*, è contra, est, quæ objecta interdiu bene, aut noctu, aut in locis obscuris, minimè conspici possunt. Novi fabrum lignarium qui interdiu rectè videbat, sed appropinquante vespere, visus fiebat magis magisque obscurus, qui noctu nihil videbat, imo vix accensâ candelâ. In priori est pupillæ nimia dilatatio, quæ interdiu non satis coarctatur, ideoque objecta ob plures radios confunduntur, quod noctu ita contingebat, hinc est quod plurima animalia noctu vident, & radiis nimium influentibus, pupillam coarctant, quod in felibus manifestum. In altera omnia contraria sunt, nam in eâ est nimia pupillæ coarctatio, qua nocturno tempore satis radiorum, ad videndum, recipi nequeunt. Visus illæ species medicamentis aut conspiciillis sanari non possunt, sed fortè quidem corrigi.

Sequitur OPHTHALMIA, quæ est inflammatio in tunicis oculorum, Ophthalmia cum calore, rubore, dolore, pulsatione, lachymarum effusione &c. Atque non tantum tunicæ primo læduntur, sed ipsa vasa. Atque huic conjungitur LIPPITUDO, quæ est, cum in ophthalmia copiosissimus liquor lacrymalis, falsus & rodens, tam ex glandulis angularibus, quam etiam glandulis palpebrarum erumpit, ratione cujus in ophthalmia Symptomata Celsus appellavit *Ophthalmiam Græcorum*.

*Causa* itaque proximæ sunt obstructions arteriolarum, ideo tument, & quia sanguis ex iis depleri nequit, hinc rubent, &c. ergo adest inflammatio, de qua alibi speciatim in genere. *Causæ Externæ* sunt usus nimius rerum acrium, aromatum, vini &c. ut & ignis, fumus, sol, pulvis injectus, festuæ, frictiones, compressiones, vulnera, aliaque: de quibus in *Chirurgia*. Post Inflammationes non raro ulcerationes & deinde cæcitates. Diarrhæa superveniens, bonum: sed dolores diuturni, malum.

Primo quidquid impactum dissolvi debet, deinde dolor est mitigandus. Diætâ tenuis est primo observanda; contineat se in cubiculo obscuro, & oculus claudatur linteo nigro, cæruleo aut viridi, ejusmodi enim colores visui non adeo nocebunt ac albi, flavi, rubri, &c. caveant se à pinguibus, falsis, acidis, piperatis, omnibusque aromaticis, quia hisce sanguis nimium incallescit, atque nocumentum oculo inferrent. Neque potus spirituosus est gustandus. Pone aures *Vesicatoria* applicant, alii *cauteria* instituunt: interim quotidie laxanda est alvus. Pedum plantis applicentur *supplantalia* ex fermento acido, pulvere pyrio, sinapi, &c. *Masticatoria* etiam instituunt, ex cerâ, sale, semine staphidis agricæ, Pyrethro; &c. Topica deinde sunt adhibenda; applicentur itaque primo sequentia: ut

Hb 3.

Recipe



*Recipe* Mucilaginis Seminis Psyllii, in Aqua Rosarum extractæ, *uncias duas.*

Pulpæ Cydoniorum, *drachmas duas.*

Spir. Salis Armoniaci, *guttas quatuor.*

Misceantur, colentur & cum tenui linteo oculo applicetur. *vel,*

*Accipe* Vini Hoglandi albi, *uncias duas.*

Spir. Matricalis, *unciam semis.*

Salis Armoniaci, *guttas quatuor.*

Caphoræ, *grana sex.*

Misce. *Vel.*

*Dissolve* Mucilaginis Sem. Fænugræci, *uncias duas.*

Tutiæ præparatæ, *drachmam unam.*

Trochisci albi Rhafis, *scrupulos duos.*

Misce. *Vel,*

*Cape* Aloës Lucidæ, *grana sex.*

Croci, *grana quatuor.*

Cerussæ, *grana decem.*

Lactis Muliebris, *uncias duas.*

Misce fiat Collyrium.

Dolor si nimium urgeat, sequentia præscribito: *ut,*

*Recipe* Albuminis ovi, *unciam unam.*

Croci, *grana quatuor.*

Lactis Muliebris, *uncias duas.*

Misce. *Vel*

*Misce* Pulpæ pomorum dulcium assatorum, *unciam unam.*

Micæ panis albi, *unciam semis.*

Albuminis ovi, *unciam unam.*

Lactis Muliebris, *quantum sufficit.*

Fiat cataplasma.

Qui consueverunt habere oculos inflammatos, laxam habcant alvum necesse est: Potentque decoctum ex *Salsa Parilla & China*: & diæta, ut supradictum, est observanda.

Ne liber noster in experientia deficiat: libet Historias quasdam *Doct. & Prof. A. Nuk* huc adferre: quæ agunt de ductibus aquosis oculorum, male affectis.

Ductuum  
laforum  
Historia.  
Microph-  
thalmia,

Anno elapso ex pueri recens nati oculo utroque, tam supra quam infra oculi globum, materiæ albicantis portio ad dimidiatam drachmam continuo effluebat cum affectu *Microphthalmico*, sive oculo parvo conjuncto: duran-

te



te hoc fluxu, oculi sensim diminuebantur, & Atrophia sive Macie corripiebantur. A parentibus in consilium vocatus, malum hoc, quoniam in utero materno contraxerat infans, periculo non carere prædixi, factoque mali eventus prognostico, curam unâ cum Chirurgo suscepi; variæ injectiones & collyria adhibita, quibus continuo materia purulenta elueretur, ne sua acredine partes circumjacentes corroderet & consumeret, sed omnia incassum; quoniam Novi nostri Ductus materia acri jam diu in ipsis claustris uterinis fuere exesi, nulla arte reparabilis. Oculi enim (secundum nostrum prognosticum) novum humorem aqueum, obferatis ductibus nostris, pro suâ conservatione non recipientes, necessario minus extendi potuere; hinc vigor illorum sensim evanuit, & macie confecti, visioni haud parvum incommodum tulerunt.

Brevi post Nobilem quendam Anglum juvenem duo de viginti annorum, visitare contigit, affectu planè contrario *Hydrophthalmiâ* scilicet, laborantem; nam uti in citato casu, oculi fuere emaciati & valde imminuti, ita hic oculorum alter in stupendam excreverat molem. Nobilissimi hujus oculus, aliquot ante annos, gravi quodam ictu tactus, objecta sensim & sensim obscura magis videre cœpit, intolerabili insuper dolore tentatus; interim in suâ circumferentiâ quotidie extenditur oculus, ejusque moles in tantum aucta est, ut jam altero tanto major appareat, & magnâ sui parte extra orbitam suam promineat: post corneam pellucidam, humor parum albicans conspicitur, visus imminuti potissima causa. Aqueus humor non clarus, sed ex parte turbatus videtur, Iridis vix vestigium apparet, dolor ipsum sæpe subito invadit, ni ab acidis & salinis absteineat; reliqua sanus.

Per celebres aliquot Doctores Anglicanos ad ejus curam adhibuisse retulit, qui veram affectus causam nescientes; proficere nihil potuere; diversimodè enim judicatum fuit: alius Catharrhum, alius Suffusionem, alius iterum Cataractam esse credidit; hinc suffimentis, fomentationibus, venæsectionibus, purgantibus patientem nostrum multum fatigarunt; sed omnia successu admodum infelici. Tandem Celeberrimus quidam Medicus à nullo alio remedio, quam à perforatione (qua mediante aquei humoris portio superflua extrahi posset) successum felicem & curam sperandam declarat. Hoc, quum periculosum nimis & patienti & amicis visum fuerit, transfretarunt, & civitatis hujus Medicum unum aut alterum consulere; quo tempore etiam ego advocor, & primo statim intuitu affectum hunc *Exophthalmiam* esse una cum Incipiente *Cataractâ* vidi.

Mali hujus causa, quum non nisi ex vera Oculi Anatomia erui possit, haud difficile erit, cognitis nostris Ductibus, eam expiscari: Primo enim instanti, cum partiens noster hunc oculi ictum acciperet, his Ductibus, sed potissimum vasculis venosis, tanta illata fuit vis, ut facile, magnâ ex parte, aut læsæ aut obstructæ fuerint hæ venulæ; hinc humores, circuitum suum ibidem absolvere nescientes, necessariò humoris aquosi copiosior subsequuta est secretio: qui, quum non aliam sibi viam parare potuerit, quam per hos nostros Ductus, eos quotidie ampliavit; transitum simul præbendo partibus viscidioribus, crassioribus & aquâ minus flexibilibus: hinc oculi bulbus.



bus quotidie debuit extendi & in tantum augeri, ut amplius orbita suâ contineri non potuerit; sed antrorsum propulsus, hoc modo *Exophthalmiam* induxerit. Particulis humoris viscidioribus in oculi cavum delatis & variè motis, ejus latera ita fuere agglutinata, ut dictæ particulæ, facile corpus aliquod membranaceum repræsentarent, & hinc *Suffusio*, sive *Cataractæ Incipientis* exordium; quædam etiam ex hisce particulis viscidis tunice poris, intro foras spectantibus, adeo fuere infarctæ, ut insensibilis transpiratio fuerit sublata. Reliquorum symptomatum causam explicare non aggredior, quum illa per se satis manifesta sint.

De mali hujus eventu nihil boni prædicere potui, quoniam hic affectus inveteratus esset & jam aliquot annos durarat; quo temporis lapsu vasorum canaliculi, ita fuere dispositi, ut non alium, quam hunc vitiosum potuerint transmittere humorem. Tunciam insuper Corneam & Sclerotidem jam à longo tempore multum incrassatam & extensam, pristinam figuram recuperare posse, impossibile visum: Cataractam Incipientem tollere, tempus adhuc minus opportunum existimavi, & licet tolleretur, statim de novo regeneratum iri prædixi: ideoque corporis exercitia vehementiora vitanda esse, (ne copiosior foret humoris aquei secretio) sanguinis acrimoniam temperandam, à falsis & acidis ægrò abstinendum suasi. Acus beneficio partem aquei humoris extrahere velle, temerarium fore judicavi; quoniam paucas intra horas eadem quantitate facile regenerari posset, uti ex sequentibus colligi poterit.

Oculi humor aqueus aliquoties extractus.

Juveni Bredano, XXIV. circiter annorum, post *Ophthalmiam* pertinacior, gravissimosque oculi sinistri dolores, visus sensim diminuitur, pupilla obscurioris redditur coloris, ab humore aqueo turbidior, copiosius affluente, oculi bulbus ita extendi cœpit, ut paucos intra menses in prodigiosæ magnitudinis *Hydrophthalmiam* abiret; oculus extra orbitam suam propullulans, palpebraque eundem ob molis magnitudinem amplius tegere nesciens, bubulum magis, quam humanum oculum referret. Interca nos unà cum Chirurgo Civitatis Hagienſis dexterrimo convenit, nostrum expectans & consilium & auxilium. Omnibus ritè perpensis, in antecessum prognosticum institui; ipsum nunquam oculi affecti visum recuperaturum atamen nos certo experimento novisse, humorem aqueum extrahere, & ad pristinam naturalemque redigere magnitudinem, oculumque postea oculo artificiali muniendum esse.

Hac spe quidem allectus, sed simul dubius hæsit, quærendo; numquid, operatione minus bene succedente, oculus sanus male inde affici posset; respondi, me quidem ejus plane certum non esse, sed magnam affulgere boni eventus spem. Nostræ itaque curæ, quum sese commisisset; primo pilulas aliquot hydragogas ipsi dedimus devorandas, ut ita sanguineam massam feri portione liberarem: diductis itaque palpebris, luci obverso, in pupillæ medio (ubi vasa minima) Corneam pellucidam, acus nostræ beneficio, perforavimus; Oculique globus, ab humore aqueo rivulose profiliante, statim quinta circiter parte, in sua circumferentia minor reddebatur, molemque ejus diminuere adhuc potuissem, si leviori saltem

com



compressione humoris aquosi exitum promovissem : sed studio omisi , ne vim aliquam oculo jam læso inferrem , & quod simul etiam humoris aquei regenerationem exspectarem , hinc in diem sequentem alia exploranda deferre consultum.

Nec mea me fefellit opinio ; sequentidie oculus pristinam magnitudinem recuperarat ; ideoque ex vulnuscule pro secundâ vice jam pertuso , oculique globo presso , majorem extraximus aquæ portionem ; quo etiam apparuit , oculi bulbum manifestius diminutum , quam à primâ pertusione . Non tamen in eo statu mansit , sed tertio die , à novo humore influxo , iterum apparuit distentus , minus tamen à prima punctione : ideoque in sequentem diem quartum , tertiam pertusionem deferendam judicavimus ; quo tempore , uti die secundo , à præmenti interna aquâ , extensum vidimus : hinc pro tertiâ vice cornea pertusa , vulnusculeque majori læsa , copiosiore fudit aquæ copiam.

Interea temporis collyria vulgaria , levioribus astringentibus conflata ( compressoque iisdem imbuto externè admoto ) fuere adhibita ; in diætâ à liquidis , falsis , acidis & aromatibus , quantum possibile abstinuit . Quinto & sexto die spes aliqua curationis affulgere cepit ; notabiliter enim oculi globus non augebatur . Die septimo & octavo sensim iterum crevit , hinc decimo die , pertusa cornea , ( ab iminisso tubulo subtiliori ) tantam aquei & vitrei humoris quantitatem sugendo eduximus , ut à debitâ magnitudine parum saltem defferret . Quo in statu per integrum triduum mansit , oculo sano interim nihil mali sentiente . Decimo quarto tamen die , debitam magnitudinem quam iterum sensim superare inciperet ; pro ultimâ & quintâ vice ( eadem inethodo uti die decimo ) humores extraximus & quidem tali cum successu , ut ab illo tempore desideratam magnitudinem servaret oculus toties pertusus .

Ut autem tali in statu servarem , laminam plumbeam & concavam fabricari mihi curavi , eamque intra palpebras , ad superficiem oculi affecti adaptatam ( oculorum artificialium in modum ) per aliquot dies gestavit , eaque tantum profecimus , ut oculo ita compresso , fibrisque contractis nullo modo amplius extendi potuerit . Hisce ita assuefactus , postea oculum artificialem admovimus , quem adeo dextrè applicat & gestat , ut non facile quis advertat , ipsum oculo uti fictitio .

Similem ferè casum proponit *Cl. Valentini* Observ. LXX. in Ephem. German. Anni sexti . Ubi patientem introducit *Hydrophthalmia* laborantem , ad quam funditus curandam eradicatio oculi jam erat proposita . Tentatum tamen primò fuit , annon pertusione oculi aliquid effici posset , quod adeo feliciter cessit , ut evacuato humore malum prorsus fuerit victum .

Non minus notabilem Casum notare mihi licuit in Matrona quædam honestissima Hagienſi , cujus oculi bulbum , prægressâ gravi Ophthalmia , non adeo quidem extensum , sed tribus excreſcentiis , cornuum in modum , obſitum conspeximus . Variis incassum adhibitis , tandem consultum fuit , ejusdem acus beneficio , unum ex his protuberantiis ( quas suspicabamur humore



more aqueo repletas esse) pertundere. Quod tanto cum successu peractum, ut abundanter aqua promanaret, singulæque protuberantiæ minores redderentur. Collyrium interim leviter adstringens adhibitum ejus incrementum impedire non potuit; sequenti enim & tertio die iterum propullulare tubercula vidimus, ideoque idem, quod ante, perforandum judicavimus, hocque tam feliciter iterum præstitum, ut peractâ hâc operatione, naturalem jam magnitudinem & formam non superaret oculus affectus, diuque in tali statu manserit: postmodum tamen ex ipsius ore accepi, prominentiam dictam bis terve adhuc fuisse pertusam, copiosamque effluxisse aquam. Hoc autem incommodo se jam plane liberatam vivere affirmat.

Humor Aqueus ex oculis extractus. Cani unoculo, inflictò propè iridem vulnere, humorem aqueum rivulose promanantem extraxi, & corneæ jam flaccidæ de sequenti medicamento applicui, quod,

Recipe. *Album Ov. Conquassat.*

*Bol. Armen.*

*Aq. Plantag.*

Hujus mixturæ oculo læso per intervalla applicui tantillum, canisque interea loco obscuriori servatus, eâdem adhuc vesperâ oculi vigorem recuperavit, & tertio, post institutum experimentum die, æquè ut ante vidit *μονόφθαλμος*. Idem experimentum in quamplurimis aliis quadrupedibus postmodum institui, modo punctim oculi tunicam perforans & semper successu felici. Nec ita pridem illud ipsum publicè coram multis celebravi, cum eventu itidem desiderato, nihil aliud subinde applicando, quam sequentis mixturæ tantillum, quæ,

Resp. *Aq. Rosar.*

*Alb. Ov. Conquassat.*

*Bol. Armen.*

*Caphur.*

quibus paucorum dierum spatio restitutum visum conspexerunt plurimi. Nec necesse habui, medicamenta multo labore parata in usum adhibere; ratione enim & experientiâ jam didiceram, incassum ad medicamenta, olim pro secretis habita, confugere, qualia fuere Aqua elicitæ ex Foliis Chelidonie per M. B. cum admixta Caphura: Aqua item Vitrioli Martis mysteriosè præparata, aliaque olim *Cl. Tb. Bartholino* communicata à *Domino Burro*. huic usui inservire voluere Veteres, eò quod crediderint; *Hirundines, occæcatis pullis, visum restituere suâ Chelidoniâ potuisse*; sed quum nunquam ejus generis herba in nidis hirundinum reperta sit, hæc pro figmentis potius habenda censemus. Verum non aliud medicaminis genus necessarium magis esse putavi, quam quod mucagine quadam labia vulneris oblinire, & viam quodammodo præcludere valeat, ne aqua de novo progenita per vulnus claberetur:



beretur : dein , & quo inflammatio arceri & levi astrictione extrema vasorum apertorum claudi possint ; quibus indicationibus medicamentum nostrum absolutissime respondet. Methodum reliquorum oculi humorum restituendi consulto prætereo , cum de Humore Aqueo tantum hic loci agere decreverim.

Quis quæso jam humoris tam subito regenerati viam nobis monstraret , nisi Novos Ductus nostros in usum habeat ? Quibus manifestissime probatur , non medicamentorum vi hunc humorem regenerari , sed à novo humore secreto & per hos Ductus delato , oculi bulbum repleri , debitamque figuram & magnitudinem recuperare. Ne tamen quis putet hanc humoris aquei restitutionem in quadrupedibus tantum , aliisve brutis locum habere , expertus dico , etiam in Oculis Humanis læsis eandem valere , & successu non minus felici præstari posse. Quod jam observationibus & historiis quibusdam ostendere non gravabimur.

Quinquennis Puellæ sinistra palpebra superior , instrumento quodam pun- gente ita læsa fuit , ut ea non modo ad latitudinem sesquilineæ mathematicæ fissa fuerit , sed & pungens instrumentum per corneæ tunicam adactum , exituro humori aqueo viam paraverit , qui copiosè effluxit , genam patientis madefaciendo. Vocabatur Chirurgus , ut oculo , visu jam destituto , medicinam faceret , qui visus restitutionem impossibilem pronunciavit : interim iter ad nos , nostrum expetitur consilium ; curavi primo , emplastro glutinoso ut labia vulneratæ palpebræ adducerentur , oculo læso medicamento supra præscripti , ( & toties cum successu in vulneratis canum oculis adhibiti ) singulis bihoriis tantillum applicari jussi , loco obscuriori quietam se teneret , patiens , expresse mandavi : Alimenta liquida sumeret , ne duriorum masticatione ( qua oculi sæpe solito magis moventur ) vis aliqua inferatur , aut commotio ; His ita præscriptis , & diligenter observatis , paucorum dierum spatio restitutam vidimus patientem , remanentibus solum & in palpebra & in cornea exiguis cicatricibus , quæ tractu temporis in tantum disparuere , ut jam non nisi leve post se relinquant vestigium.

Antè aliquot menses cuidam Puellæ Hagiensi , duodecim annorum natæ , oculorum alter , in pupillæ limitibus , assulâ adeo graviter læditur , ut aqueus humor statim ex oculo emanaret , & tam copiosè , ut planè flaccidus appareret , cum dolore haud levi & inflammatione subsequente ; parentes multum attoniti , Chirurgi alicujus opem implorant hic , quia non diu ante ex ore nostro historiam prædictam hauserat , idem applicuit medicamentum , observatis iisdem , quæ & ibidem memoravimus : quibus triduum intra oculo vigor rediit , duarum septimanarum spatio vulnus plane consolidatum : & patiens sanitati restituta fuit , cum hoc solummodo , quod cicatrix , ad pupillæ medietatem sese nonnihil extendens , in causâ sit , ut , dum oculum deorsum movet ( assulâ enim inferior pars magis læsa fuit ) aliquod inter videndum sentiat impedimentum , objecta tam distinctè non dignoscendo ; à qua tamen eam sensim immunem fieri sperare licebit , ubi cicatrix ( quod vulgo fieri solet ) tractu temporis evanuerit.



Separata  
Humoris  
vitrei  
parte  
visus  
restitutio.

Generosissimi Officiarii oculi cornea pellucida margine acutioris vitri ita læditur, ut aquei non tantum portio, sed & vitrei humoris pars per corneam fissam exiret, propriâ tunicâ adhuc inclusa, in oculi superficie convexa hærente. Vocatus judicabam dictum humorem propullulantem auferendum esse; quodque acus nostræ beneficio feliciter adeo peractum, ut, post adhibita collyria astringentia & glutinosa, non nisi leve cicatricis remaneret vestigium, & qui antea objecta fere omnia ut fissa per medium divisa videre solebat, jam ferè ut olim eadem distinguit perfectè.

Alia  
Historia.

Haud absimilem affectum videre licuit in juvene septemdecim circiter annorum, cujus oculo læso applicitum fuit Collyrium, quod,

Resp. *Mucilag. Sem. Psyl. & Cydoneor. Aq. Rosar. Extract.*

*Croc.*

*Album. Ovi Conquasjat.*

*Sief. Alb. &*

*Spirit. Vin.*

*M.*

Quo solo, calidè adhibito, sensim melius habere cœpit, tandemque restitutus fuit patiens.

Ufus Catechu in  
Vulneribus Oculorum.

Sunt qui *Ufu Catechu* ejusmodi oculorum vulnera restitui posse affirmant, idque feliciori successu, quam quidem ullo alio medicamine, quodque confirmatur à *D. Hagendornio Miscell. Med. Physic. Ann. 9. & 10.* sequenti exemplo. Ancilla, inquit, casu quodam rupturam oculi experitur, quâ humor oculi aqueus tam copiose effluxit, ut oculi figura, quæ anteglobosa, jam collapsa appareat, cum hæmorrhagia, partium vicinarum tumore & intolerabili dolore: Accersitus Chirurgus *Collyrium* immittit ex *Aq. Ros. Album. Ovi & Bolo Armena*. Externe *Epithema* applicat ex *Tutia, Bolo Armena, Caphura, Croco*, cum *Aq. Fœnie. Euphr. Rosar. paratum*; Verum cum levamine ferè nullo: tandem supradictus *D. Hagend*: in Consilium vocatur, qui pulvisculum immisit concinnatum ex *Catechu, Myrrha & Sacch. Cand*: qui per vices in oculum immittitur: unde elapso paucarum horarum spatio, sanguinis humorisque aquei fluxus cessavit: Postmodum hic pulvis aquis quibusdam ophthalmicis junctus, calidè in oculum instillabatur, sicque oculus pristinam figuram recuperavit.

Oculi  
læsi restituti  
untur subinde sine  
applicatio-  
ne medicamen-  
torum.

Sed quid *Catechu*? quid *Chelidonium*, de quâ ante, aliaque medicamenta varia memorabimus? Expertus novi, loco saltem obscuriori servato animalis, (post corneæ læsionem, & humoris aquei expressionem) decem horarum spatio, oculo humorem redditum fuisse, & nuperrime adhuc in Theatro nostro Anatomico publicè idem demonstravimus in cane, cui ex vulnerato oculo tam copiose effluxit Humor Aquæus, ut flaccidus appareret oculus læsus; observatum tamen, elapso sex horarum spatio, oculi bulbum humore suo iterum repletum fuisse, idque sine ulla in medicamentorum applicatione. Non diu ante, ex eodem hoc cane, non solum Lienem, sed & Renem alterum per inflictum vulnus extraximus, ligatisque vasis sanguineis abs-



abscidimus, & ad cicatricem vulnera inflicta facile perduximus; post triplex tamen hoc institutum experimentum, hodie adhuc bene videt & valet canis.

Sed, ut redeamus ad Oculos læsos; ipsum *Galenum* non latuit, Oculos ita vulneratos restitui posse: *Caterum*, inquit alibi, *incredibile quidam, nec fieri vulgo solitum, in puero vidimus, qui stylo in pupillæ loco fuerat compunctus; nam quum statim effluxisset aquosus humor, tum pupilla ipsa minor est reddita, tum tota Cornea apparuit rugosior. Caterum sanatus postea recte vidit, collecto, scilicet, paulatim in eo, qui effluxerat, humore.* Et si fides habenda Historiæ *Byzantinæ* Scriptoribus, testantur hi; Imperatores Constantinopolitanos quosdam, quorum oculi pungente instrumento (qua de causa, supervacaneum hic dixisse) ita lædebantur, ut aqua efflueret: brevi tamen postea oculorum & vigorem & præter expectationem visum recuperasse.

Ita ex fide dignis accepi, nebulonis cujusdam, ob grave aliquod crimen, judicis mandato, oculum unum atque alterum fuisse pertusum. Quo facto, visu privatus carceri fuit inclusus; sed quod mirabantur omnes, paucos intra dies, sine ullo medicamentorum ope, lucem non tantum aspicere, sed distincte videre coepit.

Vulnus pupillæ sanatum vide apud *Tulpium* Lib. I. Cap. 30. Sagitta, inquit, decidens ex altiori loco, discidit cujusdam equitis filio tam latè pupillam: ut effunderetur non tantum aqua, oculo inclusa: sed concideret quoque membrana uvea, hebescente inde usque adeo visus acie, ut ne ad motum quidem candelæ conspiceret lumen: Inter medicamenta adhibita primastenuisse ait, Collyria cum anodyna, tum exsiccantia; quibus similiter usque adeo benedixit Deus, ut inducta vulneri cicatrice, brevi succreverit iterum aqua deperdita: & pulsa caligine redierit rursus, gratissimum visus officium: verum naturali imbecillius: ob cicatricem, uveæ, à vulnere, relictum.

Notabilis etiam prostat casus apud *D. Job. Mays Practicum Arnheimensem*, in *Praxi Chirurgica Rationali*, Dec. I. Observ. 7. Ubi Juvenem proponit, globulo sclopeti minore, iridem inter & pupillam ita læsum, ut magna sui copia humor non tantum effluerit aqueus sed materia insuper visa fibrosa candicansque, vulnus obturans, & præter inflammationem tumoremque, livore conspicuum oculum, acidum acrimoniamque temperantibus feliciter tamen restituit.

Hæc si minus verisimilia videantur testem adduco *Josephum Zambeccarium*, qui de Doctore quodam *Nerio* narrat sequentia: *Canis*, inquit, *binos oculos, scalpello Chirurgico, quo venas aperiunt, dextrè consodit, & ex iis totum humorem aquosum expressit, ita ut oculi, tanquam duo sacculi vacui, corrugati manserint: Cane deinde sub solius beneficæ naturæ tutela relicto, post sex horas, & breviori forsitan tempore, ipsius oculos repletos fuisse, & ad statum naturalem rediisse; cicatricis nota solum remanserant, & canis lætus & alacer erat, ac si nullo affectus fuisset incommodo, & quod pluris interest, cæcus non manebat, & acutè videbat.*

*Idem Experimentum in variis aliis canibus, super cuniculis, Indicis*



porcellis & agno rursus tentavimus, semper omnes intra paucas horas felicissime sanati sunt, & adeo incolumes evaserunt, ut ne unus quidem ex inflicto vulnere cæcus remanserit.

Hæc autem, quæ Nerius expertus est, verissima sunt, sed locum saltem habent in oculis, quibus pungente acu, aut alio quopiam instrumento, sed tenello, vulnera infliguntur exigua; si vero majusculum fuerit vulnus, intimiusque adactum instrumentum pungens aut secans, sanandi Methodum, quam supra proposuimus observare præstabit.

Humoris  
Aquei  
cognitio  
necessaria.

Sanguine bene disposito, Ductibusque nostris ritè constitutis, continuo hic Humor Aqueus, dum spiritus artus nostros regit, oculum versus amandatur, quo sine visionem peragi impossibile quidem. Cum itaque tanta ejus sit præstantia, in humoris hujus indolem ulterius inquirere lubet. Cogitarem alioquin huic Tractatui jam finem imponere; verum succurrebat, Humorem Aqueum, eo modo, quo proposui, à nemine adhuc, quod sciam, examinatum esse: ideoque hunc intactum transmittere non potui; utpote summæ & utilitatis & necessitatis; ut tanto melius, & feliciori cum successu, in affectibus quorundam oculorum, medicamenta possimus adhibere: præ cæteris autem illa medicamenta examini nostro subjiciemus, quæ vulgo Ophthalmica audiunt, ut (iisdem diversimode qualis particularum inter se sit consensus aut dissensus; quamvis præter hæc nonnulla alia in eundem Humorem sumus instillaturi; ut ex varia eorum miscella, vera inde resultet Humoris Aquei constitutio.

Exper. I.

Qualis sit  
Color,  
sapor &  
Odor  
Humoris  
Aquei.

Humorem Aqueum ex diversis animalium oculis extractum, clarum semper invenimus, aquâ tamen vulgari minus limpidum, consistentiâ sua ferè convenientem cum albumine ovorum exagitato; quamvis animalium adultorum humor consistentiæ semper erat crassioris & coloris magis opaci, juniorum vero animalium humor, fluidior conspiciebatur & coloris magis pellucidi. Saporem quod spectat, insipidum eum ferè deprehendimus, nisi quod aliquantulum de falsedine videbatur participare, quam tamen magis in adultorum, quam juniorum animalium humoribus gustavimus. Odorem si examines; humorem hunc recens extractum, in odorem percipies; si vero per aliquot dies in vitro servetur, eodem ferè modo nares offendit, atque albumina ovorum in vitro per octiduum servata, quæ foetore nares ferire solent.

Exper II.

Aquæ  
Ophthalmicæ  
examinantur.

Inter medicamenta Ophthalmica primæ considerationis erunt aquæ quædam stillatitiæ, ideoque *Humori Aqueo* affudi *Aquam Rosaceam*: verum hi liquores non miscebantur, nisi igni leniori admoti: quo tantillum de pelluciditate sua remittebant & colorem sublividum representabant: addito *Vitrioli Cyprei* pulvere, color paulo magis cæruleus evasit, cum mixti particularum secessione.

Vitriolum  
quid  
faciat.

Hisce cum superadderem *Vitrioli Albi* pulverem, cæruleo iterum pellucidior clariorque reddita fuit miscella, remanente tamen partium secessione. Eundem mitionis ordinem observavi, cum *Aquis Fœniculi* & *Euphrasie*; verum nihil peculiare, præterea, quæ dicta sunt de Aqua Rosarum, observare potui.

Per-



Perscrutaturus num cum *Aqua Plantaginis* eodem modo sese res haberet, quemadmodum compereram cum aquis Rosarum, Fœniculi & Euphragiæ; hanc observavi differentiam, quod *Aqua Plantaginis* cum *Humore Aqueo* minime se misceri pateretur; quamvis cum utroque adjecto Vitriolo eadem, quæ supra, observaverim.

Expr. III.

Certus esse volui, utrum hæ præcipitationes admistione solius *Aquæ Rosarum* cum *Vitriolo* uno & altero contingerent; Verum hæc nihil mutationis subiit, quam quod Vitriolum cum aqua bene fuerit mistum, sine ulla particularum secessione: idemque etiam observare licuit cum *Vitriolum* cum *Aqua Fœniculi* componerem.

Exper. IV.

Ut explorarem misturam *Aquæ Euphragiæ cum Saccharo Saturni & Humore aqueo*, observavi primo, Aquam cum dicto Saccharo bene misceri, sed lactei coloris evadere: verum addito *Humore Aqueo*, Humor in coagulum abiit, & liquidum, quod ante lacteum, iterum limpidum evasit; ut autem viderem, quid eveniret, si hisce *Oleum Tartari per deliquium* affunderetur, observavi ex ejus admistione, coagulum illud iterum ex parte dissolvi; liquorem vero (cui innatarat coagulum dictum) lac tenuius referre.

Exper. V.  
Saccharum  
Saturni.

Quod magnarum virium *Chelidonia*, in affectibus oculorum nonnullis habeatur, *Humorem Aqueum* ejus succo admiscere volui; sed leni ignis calore statim partium subsequuta fuit secessio: hisce addidi Vitrioli pulverem, verum nihil inde mutationis subiit mistum. *Chelidonia Succum* etiam seorsim examinavi, verum igni admotus eandem patiebatur secessionem. Solo autem *Succo Chelidonia* si inspergatur *Saturni Saccharum*, statim hæc exacte inter se miscentur: huic misto si addatur *Spiritus Vini*, eadem mixtura manet, exactissime unita.

Exper. VI.  
Succus  
Saturni.

Ut scirem, qualis inter Lac & Humorem Aqueum esset convenientia, primo *Lac Vaccinum* miscere cum *Humore Aqueo* institui. Quæ facillime inter se miscebantur, verum, ex admisto Vitriolo, statim coagulum album fuit secretum, sero suo (quod saporis expers erat) innatans. Simul etiam idem tentavi experimentum cum *Lacte Muliebri*, recenter mulcto; verum hanc observavi differentiam, quod admistione Vitrioli, particularum quidem subsequuta sit secessio, nulla tamen coagulationio.

Exper. VII.  
Lac Vaccinum &  
Muliebri  
examine  
subijctur.

Alicui pariter *Humori Aqueo* affudi *Vinum album Gallicum*, dulce; cujus affusione notavi, Humorem Aqueum non dissolvi, sed viscidum magis reddi, & parum saltem de naturali suo statu recedere. Idem contingit, si *Humori* dicto affundatur *Vini Spiritus*, ex quo mutatio ab omni parte similis deprehenditur. Eidem *Oculi Humori* si addatur *Spiritus Vini Capburatus*, non magis quam à vino aut spiritu vini alteratur.

Experin.  
VIII.  
Vinum  
Album  
Gallicum,

In aliquam *Humoris Aquei* portionem instillavi *Spiritum Salis Armoniaci*, quo dictus Humor statim fuit dissolutus, & cum Spiritu intime junctus: addito *Metallorum Croco*, mansit mixtura, sine ulla partium turba.

Exper. X.  
l'Eau de  
la Reine.

Ut viderem, quid eveniret ex admistione *Humoris Aquei* cum *aqua Regina Hungaria*, (l'Eau de la Reyne d'Hongrie) observavi, hæc bene inter se con-

Exper. IX.  
Spiritus  
Salis Ar-  
moniaci.  
con-



conjugi; Humor enim Aqueus statim fluidior fuit redditus, & intume Spiritui junctus: Hisce admiscui *Vitrioli* pulverem, quo non quidem in coagulum abiit humor; sed particularum aliqua subsequuta secessio, quæ particulæ fundum petiere, remanente tamen spiritus & humoris fluiditate.

Exper. XI *Humori Aqueo* affudi tantillum *Tinctura Croci*, aquæ statim exacte *Humori* jungebatur: hisce addidi pulverem *Aloës*, *Sacchari Albi*, *Hepatis Antimonii*; attamen mansit mixtura, sine particularum perturbatione: tandem superaddidi *Vitriolum Cypreum* & statim partium conspiciebatur secessio.

Exper. XII *Exploraturus* quid mutationis observarem inter *Tincturam Opii* & *Humorem Oculi Aqueum*; vidi hæc bene inter se misceri; additione *Spiritus Salis Armoniaci*, *Tinctura Croci* & *Sacchari Canti albi*; mixtura in eodem statu permansit, sine ulla particularum secessione aut præcipitatione: superaddita hisce *Tutia*, non tamen mutabatur mixtura, quamvis *Tutia* pulveris vasis fundum peteret.

Exper. XIII. *Ut* examinarem quæ *Oleum Caphura* & *Humor Aqueus* inter se convenirent, vidi *Oleum* illud *Humori* supernatare: additione *Spiritus Vini*, *Oculi Humor* quidem parum dissolvebatur, sed maxima pars sub forma filamentorum petiit fundum: globulis interim quibusdam oleosis per tenuiorem portionem fluctuantibus.

Exper. XIV Separatim examinavi *Oleum Caphura* *Saccharo Albo* exceptum, & cum *Spiritu Vini* mistum: quibus observavi *Oleum* quidem in exiguos admodum globulos divisum, non tamen in totum dissolutum fuisse: addito hisce *Humore Oculi Aqueo* humorem partim dissolutum, partim vero filamentorum quorundam adinstar ad fundum præcipitatum conspexi.

Exp. XV. *Exploraturus* qualisnam mutatio sequeretur ex miscella *Humoris Aquei* cum *Alœ* in tenuem pulverem redacta; notavi hæc principio quidem bene convenire, sed brevi post *Aloem* quodammodo in coagulum abire: at additione *Sacchari Canti Albi* intimius iterum conjugi: separatim vero si misceatur *Humor Aqueus* & *Saccharum Cantum Album*, nulla mixturæ perturbatio accedit.

Exp. XVI. Si vero mixturæ *Humoris Aquei* & *Sacchari Canti Albi*, addatur *Metallo-  
rum Croci*, particularum exiguarum inde subsequetur præcipitatio, sed additione *Vitrioli Cyprei* *Humor Aqueus* totus fere coagulatur, & caseosus quasi redditur; remanente, cui innatabat, feri aliqua portione; sed admodum tenui.

Exp. XVII *Ut* examinarem *Humorem Aqueum* mistum cum *Saccharo Saturni* (igni non admotum) notavi totum ferè in coagulum album abire, & tantillum saltem feri restare. Separatim vero si examinetur *Saccharum Saturni*, *Vino* junctum, bene hæc inter se misceri liquidè constabit. Similiter & *Saturni Saccharum* cum *Aqua Rosarum*, optime conjungitur.

Exp. XVIII. *Humor* hic *Aqueus* ex admisto *Saccharo Saturni* in coagulum mutatur. Ad-



Additio *Olei Tartari per Deliquium* lactescit & ferè totum dissolvitur. Se-  
paratim vero si examines *Oleum Tartari per Deliquium* cum *Humore Aqueo*  
mistum, videbis Humorem Aqueum tenacem reddi & incrassescere, albumi-  
nis ovi non agitati instar; si vero adatur *Vitri Antimonii* pulvis, Humor  
Aqueus iterum magis dissolvitur.

Quod *Oleo Tartari* contingit, idem etiam observabis ex admistione *Olei*  
*Sulphuris per Campanam* & *Humoris Aquei*; principio quidem conspicietur  
liquor lacteus, sed brevi in coagulum transit Humor Aqueus. Eademque  
ferè observantur, si Humori dicto instillentur guttulæ aliquot *Spiritus Ni-*  
*tri*; quo iterum primo lactescit Humor, sed statim in coagulum transit;  
remanente, in qua fluctuat, tenui aquâ: hisce si addatur *Olei Caphura* tan-  
tillum, coagulum ferè in totum dissolvitur.

Ut notarem, num *Cerussa* cum *Humore Oculi Aqueo* posset jungi; vidi,  
principio Humorem in coagulum abire; postmodum vero, ubi partes  
diutius paulo agitaram, eundem iterum tenuiorem reddi, & lactis formam  
induere.

*Vitrioli Cyprii* pulvis si inspergatur *Humori Aqueo*, Humor hic partim  
in coagulum abit: partim vero, si agitetur, in tenuem aquam transit. Ei-  
dem Humori si addatur pulvis *Vitrioli Albi*, mistura in totum mutatur &  
in coagulum album transit.

Ut certior fierem quâ *Humor* dictus & *Vitri Antimonii* pulvis sese junde-  
rent; notavi itidem, Humorem partim coagulari, coagulumque flavescen-  
tis coloris evadere; partim vero tenuioris aquæ formam repræsentare. Idem  
observatur, si *Humor Aqueus Metallorum Croco* admisceatur. Ubi coa-  
gulum itidem flavescit, sed aqua secreta ex flavo nigricantis coloris con-  
spicitur.

Hæc Experimenta quum non sufficerent, ulterius Humorem Aqueum  
examinandum esse necessarium duxi; Ideoque Humoris hujus drachmas  
quinque retortæ indidi & leni igne destillationem institui: vix igni incal-  
lescebat vitrum, quin Humor in coagulum album, sed tenuioris consisten-  
tiæ, abiret; & brevi post in plurimas bullulas (instar sinigmati hispanici  
aquâ agitati) mutabatur: dissipatis bullulis, iterum coagulum apparuit; sed  
crassius quam ante, & majoris consistentiæ. Aqua autem, quæ guttatim in  
vas recipiens stillabat, limpida erat & admodum pellucida: destillationem  
ad ficitatem continuavi, & aquam destillatam observavi pendere drachmas  
tres cum semisse, saporis & odoris expertem: Caput mortuum vero pen-  
debat grana viginti duo, quod colorem ex obscuro flavum repræsentabat,  
cujus partes omnes tenaciter in se cohærebant; exceptâ exigua earum por-  
tione, quæ friabilis, in pulverem facile redigi poterat. Odorem spirabat em-  
pyreumaticum, & falsedo ejus perfecte linguâ potuit dignosci. Hoc au-  
tem Caput Mortuum aquâ si facile dissolvi posset, necessario particulæ  
salinæ aquâ istâ absorberentur; quâ iterum evaporatâ, forte aliquot  
grana, substantiæ plane salinæ post evaporationem restarent; verum quum  
observarem, hoc Caput Mortuum, particulis suis tenacibus & viscidis tan-



quam vinculis firmissime teneri, vix operæ pretium judicavi, illud Experimentum instituire.

Hiscæ ita demonstratis, jam manifestum redditur; quibus particulis constet Humor Oculi Aqueus: *Primo* enim aquam in se continet admodum limpidam & pellucidam: *Secundo*, particulis scatet viscidis & tenacibus: *Tertio*, sal in se continet atque acidum: *Quarto*, particulas insuper habet terrestres: *Quinto*, non destituitur suo spiritu volatili. Hac itaque methodo via patebit, quâ varia medicamenta in Affectibus Oculorum, qui dependent à vitiosa Humoris Aquæi constitutione, sint præscribenda & applicanda; quâque, præter jam usu recepta, quisque ingeniosus facile alia adinvenire poterit, quæ Humorem Oculi bene constitutum præservare, & malè affectum corrigere valebunt.

De cæteris oculorum morbis in *Chirurgia* nostra agam.

#### CAPUT XIV.

DE QUIBUSDAM NARIUM, FAUCIUM, DENTIUM AC AURIUM MORBIS; UT DE CORYSA; CATHARRIS SICTIS; HÆMORRHAGIA; GINGIVIS SANGUINOLENTIS; DENTIBUS VACILLANTIBUS; ODONTALGIA; STERNUTATIONE; SURDITATE; TINNITU ET GRAVI AUDITU, ETC.

Coryza si-  
ve grave-  
do.

**C**ORYZA sive GRAVEDO est quædam lymphæ, à frigore contracto, incrassatio, quâ succi incrassati à narium glandulosis acinis, faucium, oris, laryngis, &c. cum falsedine & acrimoniâ segregantur ac instar pituitæ viscidæ emunguntur aut excreantur.

*Causæ externæ* sunt frigus contractum, præsertim quando quis erat calidus, atque se vestibis subito denudat; vel si contrahat frigidum ventum per fenestræ aut januæ rimam, aut alias: tunc succi nutritii aliquo modo incrassantur, hinc quidquid falsum à renibus deponi debebat, in illis succis manet, & à glandulis narium, faucium, &c. mucum secernentibus secernuntur; non quidem hac crassitie, quâ deponuntur, ibi sequestrantur, tunc enim omnia totius corporis vasa essent obstructa, verum tenuiori; sed quia in illis glandulis aliquandiu morantur, ideo ab aëre frigido inspirato ulterius condensantur, atque sic in formâ pituitæ evacuantur. Si è cerebri ventriculis liquor pituitosus per infundibulum, &c. non separatur, ibi subsistit & gravitatem cerebro parit: ita etiam naribus obstructis, idem malum oboritur. Propter poros in sanguine diversimodè dispositos febricula sæpe oritur & sanguinis incalescentia. Sic ob salivæ tenacitatem & falsedinem, à renibus non depositam, oritur sitis: & quoniam hoc casu chylicatio non procedit, urina, instar lactis ebutyrti, alba est vel clara.

Appe-



Appetitus edendi nonnihil etiam turbatur, quia succi ventriculares etiam pituitosi & falsi existunt.

Anno M<sup>c</sup>D Lxxii. Gubernator Hulsdenſis, & Centurio *Perceval* cum <sup>Cura ær</sup> copiis ſuis Trajecto ad Moſam præſidebat, inque urbis propugnaculo viſi-<sup>per fora-</sup> tans, à Gallis, tunc hoſtibus, globulo Sclopetario in frontis oſſe ſupra ſu-<sup>men in os</sup> percilium dextrum, iectus; vulnus penetrabat uſque in cavitatem, quæ ibi <sup>frontis</sup> inſiſtum invenitur: ab hoc vulnere liberatus: Sed poſtea quærebat ex me quare, cum <sup>ſpiratur.</sup> Chirùrguſ ipſum vulnus denudabat, aërem per nares attractum per frontis oſſis cavitatem emitteret. Hic nodus erat ferè Gordianus, quem Magnus Alexander non niſi gladio ſuperabat; ſed hic mihi erat ratione opus & Experientiâ: accepi igitur capita humana arefacta, quibus crania ferrâ erant ablata, in ſiniſtram cavitatem aërem inſlavi, ſed in certo loco videbatur exire: deinde aquam guttatim inſtillavi, quæ per naſis ſiniſtræ poſteriora exhibat. In dextrâ idem expertus, & aqua etiam ex dextranare verſus poſteriora quoque deſcendebat. Aquam quoque fudi in oſſis cribroſi pelvim, quæ etiam per nares, iisdem in locis emanabat. Quid ergo concludendum? Quantum mihi iudicare licet, dicerem in illis cavitatibus omne humidum colligi quod inter duas cranii tabulas confluit, & in nares duci. Hinc ſi à frigore ille liquor fuerit incrassatus, in gravedine caput ſupra naſum grave eſt, & materia præcrassitie emungi nequit: hinc ſternutatoria juvant pariter & Errhina: nec non ſi linteo calidiſſimo ad focum frons continuo per horæ quadrantem foveatur: idem à tabaci fumo fit, præſertim ſi tabacum integrum naſibus intrudatur; ſic coryza pellitur fumo maſſichis, Thuris, Caryophyllorum. Porro in illis cavitatibus viſcidus humor, ſubſtantiæ cerebri non abſimilis, quod ex vulneribus liquet, colligitur. Unde? niſi ex cranii interſtitiis. Et licet aër in vulneratis per cavitates illas exeat, non tamen ideo factæ videntur, quia in ſanis ſive aëre ſive humida materie repleta ſunt, ergo aërem ex naſibus non admittunt, qui per vulnus effletur: tunc enim nihil aërem aſcendentem impedit, nam viæ tunc patent. Ino, quid ſentiendum in Luc venerca, ubi ægri de doloribus ſupra ſupercilia quæruntur, tandem ſequitur narium obſtructio, fœror, oſſiculorum caſus &c. Quod & poſtea vel eodem tempore palato &c. evenit: hinc uvulæ & adjacentium quoque partium infectio, & ulceratio.

Quoad os cribroſum, licet plurimis vaſculis, ſanguineis ſit pertuſum & perforatum, cur etiam non quidam ramuli ex nervo, odoratorio dicto, idem cribrum, uſque in naſum pertunderent? ſternutando enim alleviatur cerebrum in coryza, & multum mucoſi humoris elutriatur: quid in capitis dolore, Epilepſia &c. non efficiat ſpiritus ſalis armoniaci; in convulſionibus Hyſtericis aſſæ foetidæ graveolentia &c. quæ totum cerebrum fulminis in modum perreptant. unde hoc? niſi quod os Ethmoides, præter vaſa ſanguinea, etiam aliis tubulis ſit perforatum. Sequens caſus mihi, in hunc modum, miſſus:



*Clarissime Domine,*

Saliva  
quasi pi-  
lofa.

**M**ense Januarii 1697. inter comedendum sentiebam vespertino tempore subito aliquid in faucibus, ac si esset pilus, & per aliquot dies post & ipse credebam; postea mihi videbantur & fauces & os plenum esse pilis & filis; & non mirum quoniam saliva & scretus, qui sæpe exoriebatur, tam tenax erat & viscidus ac si fuissent filamenta. Vox aliquantulum rauca, sine tamen difficultate inter bibendum & edendum, tunc enim nihil mihi incommodi parit: neque publicè concionari quidpiam impedimenti apportat. Præscripserunt mihi linctus, gargarismata, purgationes duodecies repetitas, sed omnia frustra, Æthiopem enim lavabant. Uvula interim præter morem solitum crassior evadebat ac rubicundior: os, lingua & mala sinistra aliquo modo inflammantur cum rubore: item externè collo è Laryngis regione accedebant pustulæ. Glandulæ pone linguam evadunt crassæ, breves & cuspidatæ. Nervi (*tendines* vult) cervicis, & qui laryngem prætereunt solitò paulò rigidiores. Alias videor sanus. Urina rubicunda, sæpe crassiuscula inter mingendum. Stomachus se bene habet. Matutino tempore lingua, absque amarore, non nihil obducta. Neque tussio, neque difficile respiro. Astringenti Gargarismate uvula imminuta & oris, &c. rubedo solitum colorem recepere. Excreatum non adeo tenax, & salivam ordinariam propemodum refert, sed interdum copiosius excernitur, cum pruritu ingenti: ante aliquot dies ex gravidine tussis, & malum auctum est; hinc partes illæ evaserunt dolorificæ &c.

J. ANTONIDES  
Pastor.

*Westerwylwert Groningorum.*  
8 Junii. 1697.

Humores scretum componentes, nimium incrassati fuerunt, atque filorum in modum per porulos uvulæ, tonsillarum, circumjacentiumque partium sensim sensimque protrusi fuerunt. Hinc si ab humoribus à tergo succedentibus protrudi nequibant, acres facti, & hisce partibus pruritus intolerabilem inducebant: hinc multi humores salivales subsistebant; ideoque lingua, uvula &c. non nihil inflammabantur; & quia sanguini liber non concedebatur præterfluxus, tardius etiam præterfluebat, & parum gradum sistebat, hinc rubedo. Porro filamenta illa ob aëris inspirationem frigidiora facta, quoque tenaciora evadebant, ideoque in ore & faucibus pili aut filamenta videbantur.

Itaque ut materia tenax incideretur, dedi pilulas ex Galbano, assa foetida, martis vitriolo, mercurio dulci & oculis cancri. Deinde radices pyrethri, (ut salivam emulgendò materiam tenacem educeret, mastigandas porrexì) & liberatus.

Quidam in hoc casu purgant, sed opus non est: sed potius instituatur *Sudatio*, quâ humores tenaces & in frigidati iterum in pristinum redigantur statum. Bibatur ad sudorem Potus Theæ, vel vinum aromatites calidum: sedeat.



fedeat ante focum calissimum, ut sudore diffuat. Accendat fistulam tabacariam, vel loco tabaci sumat succedaneum aliquod ex *Betonicâ, Majoranâ, Roremarino Thymo, Lavendulâ, &c.* Caput, nares, &c. infumentur *Mastiche, Thure, Benzoin, Caryophyllis, Semine Nigellæ, &c.* sed Caput linteo est velandum, ut naribus recipiat fumum. Fiat quoque sternutatio ex *Pyrethro, Helleboro albo, Pipere, Tabaco, &c.* quidam, sed sine fructu, vesicatoria pone aures applicant. Summoperè annitendum ut quis se in continuo calore contineat; inde enim omnis est expectanda spes.

Quid sit *Aphonia*, sive vox abolita, alibi in *Institutionibus* exposuimus. Si Apoplexiæ jungatur difficile curam admittit. Si sit cum singultu, omen pessimum est. Si ex terrore, aut alia ecstasi, curam quidem admittit, sed tardè. Novi matronam, quæ ex subito terrore muta erat facta, quæ post aliquot annos loquelam sensim iterum recuperavit. Primo addiscebat dicere *ja, ja*, deinde *neen*, & sic deinceps.

Si itaque veniat ex paralyfi musculorum laryngis, vel ex spasmo ab irritatione aliquâ, tum nervina, oleosa & volatilia sunt adhibenda; item sudorifera aromatica, masticatoria, decocta ligni *assafra*s & ligni sancti: exterius sunt spiritus volatiles oleosi & camphorati applicandi: colli frictiones cum linteis calidis profunt: cæterum respiciendæ sunt causæ.

Sunt quibus nares continuò tenuem & salsum stillant humorem, præsertim tempore hyemali & ventis frigidis expositi. *Causa* esse videtur, quod eo tempore oculi, eorumque nervi motrices, ab aëre acri & mordaci magis afficiuntur, quare liquor lachrymalis majori copiâ secernitur, & copiosius per ductus lachrymales ad nares ablegatus, etiam largius effunditur. Et hoc verum esse liquet, quod lachrymæ ipsæ, ob nimiam quantitatem, ab ipsis oculis decidant. *Curatio* hic nulla adhibetur, quia calore tantum abigitur.

Huc quoque pertinet *Raucedo*, quæ tunicæ intimæ laryngis est asperitas, unde vox rauca & sonora, ita ut videatur tacitè loqui: quia debitus sonus non effertur. *Causa* hoc in loco est, quando vento boreali, præsertim hiemali tempore, aër, salinis & acidis asperitatibus, imprægnatus, inspiratur; tunc enim intima laryngis tunica scabra fit, eodem ferè modo ac cutis eodem tempore scabra redditur.

*Raucedo* si per annos perseveraverit, raro curationem admittit. Si ob supurationem sive Tabem fiunt, fere sub mortem futuram veniunt.

Videndum num *causa* sit interna, num externa; an lymphæ sit benigna, an acris nimis; quod ex materia tussi aut secreta ejecta satis constat. Si sit recens ac ex benigniori lymphæ, opiatis & lenientibus nimia lymphæ irroratio sistitur; accedant quoque lymphæ acrimoniam temperantia. Si fuerit *inveterata*, pectoralia, & incidentia conveniunt: imo præter alvum purgantia, ex jalappâ, Mechoacannâ, Scammonio &c. conveniunt emetica. Si ex scorbuto, lue venereâ, tabe, vomica &c. ad causas respiciendum.

Remedia non sunt tanti, vulgus utitur *pasulis majoribus, ficibus, glycy-*  
Kk 3
*rhiza,*



*rhiza*, &c. sed illa tantum aërem adhuc inspirandum temperant, ne ingrediendus aër tunicam læsam ulterius lædat. Usui etiam utique esse posset *vinum pasfulatum cum Helenio, Zingibere, Angelica*, &c. acida sunt vitanda, quia aër inspirandus multo acrior fieret, ulteriusque læderet; bibatur lac calidum cum Croco, ut & ova forbilia, aliaque lenientia usui veniant.

Convenit Raparum decoctum cum pauco sacchari, flores sulphuris, balsamus sulphuris anisatus, sperma ceti, cerevisia Jopensis, Erysimi decoctum, mel scilliticum, &c.

Tussicula.

TUSSICULA sæpe adest, si aër inspiratus tunicam magis læserit, ita ut ex glandulosis asperæ arteriæ tunicæ acinis humor acris & salsus deorsum destillet: Hinc in ramulis Bronchiorum oritur quidam titillatio, & consequenter motus convulsivus, qui *Tussis* dicitur. Curatur quoque medicamentis, quibus Raucedo restituitur, & si parum vehemens sit, fume lac orizatum cum croco & semine papaveris. De cæteris vide caput de *Tussi*.

Hæmorrhagia narium.

Ad NARIUM HÆMORRHAGIAM descendamus: illa oritur à rebus externis aut internis: *causæ externæ* sunt Ictus, Lapsus, Sternutatoria nimis fortia, læsio per digitorum intrusionem, &c. *Internæ* sunt sanguis crassus facile per arteriolarum ramulos erumpens. Arteriæ enim in caput ascendentes, juxtaque nervos olfactorios euntes per cribrosum os succulos quosdam in nares, earumque tunicam glandulosam emittunt, qui sanguinem, &c. ibi deponunt. Existente nunc sanguine nimis crasso & acri, vascula hiantia nimium dilatantur, corroduntur, vel rumpuntur, hinc sanguis magnâ quantitate effunditur, præsertim post usum potuum nimis spirituosorum aut aromatum, ut & à motu nimio, tunc enim sanguinis motus acceleratur, & quia tam citissimè vascula minora, præsertim narium, non permeant, erumpit. Quod & fit si quis corpus suum flectat, ut aliquid de pavimento tollat, tunc nimium vasa sanguinea comprimuntur, ut non tantum liveat facies, sed per illa vascula exprimitur. *Narium stillicidium* in quibusdam morbis mali aliquando ominis esse solet, uti in morbillis, variolis, febribus malignis, peste &c. Ideoque si contingat quamprimum est sistendum. Mediocre licet in Cachecticis, cum pulsu debili & sudore frigido periculosius est, quam in sanguinolentis corporibus. Nimius sanguinis fluxus Hydropem parit & cachexiam. Si accedant arteriarum convulsivi motus, malum.

Omnis narium Hæmorrhagia est sistenda, nequid multum sanguinis perdat. Deinde sanguis crassitie, acrimoniæ, &c. peccans, est attenuandus, ut facillimè vascula minora pertranseat. Ad sistendum, externè valent omnia astringentia, quibus sanguis in vulnere ipso coagulatur. Sed intus porrigenda, quæ sanguinem fluori justo restituant. Externa sunt.

*Orbicularis, sive Bovist, Cortices Quercus & Granatorum, Galla, Sumach, Thus, Amylum, Mastix, Alumen, Bolus, Vitriolum caruleum, Spongia, Terra sigillata, Creta, Colcothar vitrioli* &c.

Vinculis constringantur brachia & crura. Capiti, temporibus &c, aquâ frigi-



frigida laventur; vel ex improviso eadem cervix irrigatur, nam per terrefactionem sæpe cessat. Quidam plantis pedem cauterium applicant: alii pulvere sympathetico Digoæano contenti sunt. Naribus inditur cum linteo carpto *Colcothar vitrioli*; aut intruditur *bolus*, *Mastix*, *olibanum* &c. cum *ovi albumine*. Hisce turundis facile sistetur sanguis. Erecto potius sedeant corpore, quam decumbant, alias facile sanguis in laryngem, ad suffocationem usque, itillaretur. Sequentia interim cochleatim sunt sumenda: ut

*Recipe* Aquæ Plantaginis, vel  
 Pluvialis coctæ, *uncias tres*.  
 Salis prunellæ, *drachmas tres*.  
 Laudani Opiati, *grana tria*.  
 Misce. vel,  
*Misce* Succi Urticæ,  
 Plantaginis, *ana uncias tres*.  
 Caphoræ, *drachmam unam*.  
 Misce. vel

*Sume* Aquæ plantaginis, *uncias duas*.  
 Salis prunellæ, *scrupulos duos*.  
 Laudani Opiati, *grana duo*.  
 Caphoræ, *grana decem*.  
 Misce.

Laudat Eruditissimus Dom. *F. Gruwart* M. D. & Consul apud Goefanus spectatissimus sequens unguentum, quod ope linteï carpti jubet naribus intrudi:

*Recipe* Boli Armenæ,  
 Trochisci de Terra sigillata,  
 Lapidis Hæmatites, *ana drachmam semis*.  
 Albuminis ovi, *quantum sufficit*.  
 Misce fiat instar unguenti,

Commendat idem laudatus vir sequentem mixturam, quam millies probatam, addit.

*Recipe* Florum cæruleorum cardui sylvestris, *unciam semis*.  
 Vitrioli albi, *grana decem vel duodecim*.

Fiat debita maceratio in aquæ communis unciis octo. Colatura facta & expressa reservetur usui: hic liquor linteo carpto naribus inditur.

Sequenti mixtura solebat Expertissimus lithotomus *Smaltius*, in omni Hæmorrhagiâ tam narium quam aliarum partium, uti: Ex. Gr.

*Recipe*



*Recipe* Olei Vitrioli,  
 Limaturæ chalybis, *ana libram semissem.*  
 Fuliginis cacabi ænei, *quantum sufficit.*  
 Aquæ communis, *libras duas.*  
 Effervescentiâ peractâ, adde  
 Aluminis crudi, *uncias duas.*  
 Liquor filtrêtur & usui reponatur.

Quidam venæ sectionem instituunt sed si febris adsit, si non, solamen inde minimè, nam per ipsam hæmorrhagiam vires satis detritæ sunt, non opus ergo est, ut per aliam viam adhuc ulterius exhauriantur: novi quosdam exinde in paralyfin incidisse, & Hydropem, cachexiam &c. contraxisse. Opus hic sunt, quibus acidum falsum temperantur: ut

*Recipe* Cornu cervi usti,  
 Coralli, *ana scrupulos duos.*  
 Caphoræ, *scrupulum unum.*  
 Opii grana duo.

Fiat pulvis pro duabus dosibus. vel,

*Accipe* Ocul. Cancræ, *drachmam unam.*  
 Croci, *scrupulum unum.*  
 Misce fiat pulvis.

Gingiva-  
 rum Hæ-  
 morrha-  
 giæ.

Masticatio  
 lesa.

Quandoquidem Hæmorrhagiæ vox sit generalis, sub eâ omnes sanguinis fluxus censentur: Atque hoc scribendo incidit in mentem HÆMORRHAGIA DENTIIUM ut dicitur, sed potius GINGIVARUM, cum dentes, tanta non habeant vasa sanguinea. Experientissimus *Fr. vander Schagen*, vocatus apud Matronam in viciniis habitantem annorum quinquaginta vel circiter, cui ex gingivâ interiore circa dentes incisorios maxillæ superioris aliquot sanguinis pondera intra triginta horas effluxerant, Eruditissimus vir plurima styptica quidem præscripserat, sed omnia sine fructu; ego adhuc juvenis dicebam matronæ, me fortasse fluxum inhibiturum, ut dictum, factum, contundebam vitriolum cæruleum, cum bolo vulgari & alumine, quem miscelam supra fungum orbicularem inspersi, quem jussi loco sanguinem fundenti admove-re, & per horam manibus ita tenere: & restituta mihi, cum donatiuncula quadam, gratias egit.

*Masticatio imminuitur* quando musculi temporales, ut & musculi genis & labiis communes, (qui maxillam inferiorem movent & ad superiorem adducunt) (spasmo siue convulsionibus, aut paralyfi laborant: vel si vulnerati sint. Spasmus, si adsit, vocatur *Spasmus cynicus*, de quo alibi: & tunc ægri imitantur canes ringentes: vel ridentibus similes sunt, & appellatur ideo *Risus Sardonicus*. Si utriusque genæ & labiorum musculi paralyfi laborent aut contrahantur, oris erit utriusque diductio. Ast si alterutra faciei pars convul-

sione



sione contrahatur, aut paralyfi afficiatur, tunc debita oris figura in alteram partem contorquetur, in convulsione quidem, pars sana ad agram convulsam; in Paralyfi, pars agra resoluta ad sanam, *Oris tortura* speciatim appellatur, in qua modo dicta oris ad alterum latus distortionem oculus alter ritè claudinequit, nec æger debite exsufflare, quando exspuere jussus, ex altero tantum oris latere id præstare potest. Vel, si æger ridebit, vel o pronunciare, videbis alteram faciei partem liberè movere non posse. Si porro faciei pars dura sit, cum sensibili plus minus dolore, & hæc aliam, rectè se habentem, ad se quis trahat, à convulsione illius lateris malum esse palam fit. Ast si pars affecta mollis, laxa & minus sensibilis, & ejus oculi inferior palpebra ferè decidit, ad sanam partem trahatur, à paralyfi malum esse ostenditur.

*Causæ spasmæ & paralyseos eædem sunt ac specialibus capitibus tractavimus.*

Oris Tortura tardissimè curatur, nam malum est difficile: in morbis acutis, periculosissimum. Huc pertinet Aphorismus Hippocratis 49, Sect. 4 *in febre non intermittente, si labrum vel oculus, vel nasus, vel supercilium pervertatur, vel non videat, vel non audiat, jam debili existente corpore, quidquid horum evenerit, mors proxima est.* Sed in Coacis prænotationibus ait, *tantum esse mortale.* Sit ut fit, est alea periculo plena, quia cerebro propinqua admodum est: & delirium adesse significat.

*Curatio* eodem modo est instituenda, ac suo loco de spasmæ & Paralyfi docui.

à Maxillarum *Luxatione*, etiam Masticatio vitiatur, in qua os nimis hiat, à quavis violenta externa facta: quod etiam fit ab *oscitatione vehementiori*, unde hiatus oris nimis inducitur; atque huic malo medetur alapa sub mento per percussione inflicta. Læditur quoque Masticatio à tumore faucium, inflammatione tonsillarum, &c. in quibus vox vix audiri potest. Sic parotides impediunt motum liberum, quando maxillæ cum suis processibus in cavitate sua moveri nequeunt. Cæterum in cavitatibus juncturarum tartarus quidam ut in scorbuticis quibusdam crescere potest, unde & maxillarum movendi imbecillitas.

Sic à convulsione musculorum reciproca, maxilla tremulè cogitur moveri, hinc *motus maxillæ depravatus*, & *dentium stridor*, qui in febrium accessibus communis est: ut & in alio extremo hyemis frigore, quando totum corpus, & præsertim præcordia frigore vexantur. Ut tremulus motus fiat alibi diximus. Porro adultis dentium stridor superveniens malum, aut Apoplexiæ, aut Epilepsiæ imminentis. In febribus dentibus stridere, malum, præsertim si deliranti id accadat.

In *curatione* externè penetrantia sunt applicanda, atque internè usurpanda, quæ in convulsionibus alibi præscripsimus. Alibi legi de Dentium nocturno stridore in matrona, sed nescio in quo Auctore: inter legendum in memoriam incidebat me habuisse fratrem *Nicolaum Blancardum* S. Th. Studiosum, nunc à *Arles*, qui mecum Medioburgi, & postea Fraequeræ semper condormiebat, is semper tempore nocturno dentibus stridebat. Quare



an ob molares dentes exactè sibi invicem respondentes; an ob motus convulsivos leves, nam in primis post nativitatem mensibus motibus epilepticis obnoxius fuerat?

Dentium  
vitia.

Læditur quoque Masticatio vel ob dentium defectum; vel quia vacillant; vel ob stuporem aut dolorem. *Defectus* aliquando fit ab externâ causâ, cum ictu aut casu evelluntur, aut excutiuntur: item à cibis & potibus dentibus inimicis, detritis gingivarum à pulveribus dentifriciis, tunc enim rectè cum gingivis cohærere nequeunt, unde tandem vacillare coguntur. Ab internis causis si fiat, ortum habet ex scorbuticâ salivæ constitutione, qua dentes & gingivæ eroduntur, unde dentium & ossis maxillæ caries, & oris cancer. Hisce accedit senium, & puerorum dentium commutatio.

Saccharatis porro, passulis, ficubus; caseo præsertim acri & vetustiore non parum corrumpuntur dentes, exedantur enim & carie absumuntur. Sic nimis frigida aut nimis calida: sic si nuces dentibus frangantur, sæpe ipsi dentes franguntur, & rimas agunt, unde iis sensim caries inducitur. Qui Cinnamonum quotidie masticant, iis dentes, ob oleum penetrans, corrumpuntur, & carie conficiuntur.

Tartaro quandoque dentium præsertim radices obsidentur, ab acido nempe corrosivo, quo dentes corroduntur: tunc enim acida spicula alcalinis dentium poris se insinuant; dentium particulas loco movent, & tartarum terreum constituunt. Si caries adsit, à puncto nigro se primo prodit, hinc sensim quædam cavitas aperitur, & tandem temporis successu cavitas fit major, ex qua foetor, putredo, vermiculi, &c. prodeunt. Novi infantem, cui ne flieret, dabantur ficus, ut eorum dulcedine se tandem ad soporem componeret; sed quia quotidie ficum dulcedine oblectabatur; tandem in cancrum & cariem maxillarum delapsus est. Dentes etiam vacillant, & excidunt post salivationem cum Mercurio.

Dentium Casus in Junioribus, à subnascentibus per se restituuntur. In senioribus nunquam renascuntur, & si videantur de novo renasci, illud evenit à radicibus dentium priorum, nam radices & ipsi dentes continuo crescunt, quod & mihi evenit; elapso enim, ante sex lustra, dente molari, ita ut nullum vestigium relictum videbatur, denuo excrevit; illud evenit mihi quoque in superioribus duobus incisioribus, qui enascuntur, quamvis ad gingivas usque casu fregere.

Ob alveo-  
los oblite-  
tatos,  
dentes  
excidunt.

Dentium alveoli quandoque oblitterantur, hinc munimentis ablatis, dentes vacillant, membranisque tantum cingentibus cohærent, qui tandem excidere coguntur, nam emoriuntur sensim. Alveoli abolentur, quando eorum parietes, ob dentium longitudinem sensim franguntur, & à debito alimento frustantur; itaque quod non nutritur, sensim perit & evanescit.

Arte dentes restitui aliquando possunt, ne defectus loquelæ officiat: optimi fiunt ex ebore, sed meliores & corruptelæ minus obnoxii ex dente equi marini. Sunt qui scribunt dentes evulsos & in alveolos iterum insertos, denuo cum gingivis coaluisse, ac si nunquam defuissent: sed hoc non credo: pars enim corporis semel separata, in æternum mortua est, & manet.

*Caries dentium* medetur vel saltem suspenditur, intrusione vitrioli cærulei:



lei: ast, si metus sit proximum etiam dentem carie infici, evulsio præstat, ut propinqui dentes integri servantur: dentes vacillantes facile & sine molestiâ evelluntur: alias si radices habeant fixas, cavitati succum Tithymalli, chelidoniæ majoris, aut lac ficulneum cum farinâ pistum, intrudunt, ut eo melius absque doloris sensu extrahatur. Porro loco vitrioli, Cauterio candente dentes cavi inuruntur, ut in aliis cariei offibus: & cavitatem replent cerâ viridî, melius plumbo. Alii spiritum vitrioli aut aquam fortem cum gossypio intrudunt: hoc quoque modo dentium foetor tollitur.

Si in dentium cavitatibus vermiculi crescant, os colluatur decocto absinthii, vel cavitati gossypium cum oleo vitrioli intrudatur: aut cauterio inuratur. Sunt qui per infundibulum fumum seminis Hyoscyami ore suscipiunt, sed hoc fallax est circumforaneorum remedium; semen enim illud prunæ injectum statim ex cortice suo exilit & infundibulo, intus madefacto, vermium in modum adhæret.

Tophi seu tartarum dentibus adhærens, instrumentis ferreis abradendum, ne dentibus ac gingivis officiat: ut & mucus dentes sensim erodens, quotidie aquâ frigidâ abluatur. Si exterior cortex sit nigricans, & color ad medullam non penetret, dentes quotidie fricandi pulvere crystallorum tartari, tartaro vitriolato, pulvere panis super ignem affati, pumice, alumine usto, &c. ne dentifriciis ingrediantur duriora ut corallia, testacea, porcellana, &c. quibus non tantum cortex continuò fricando aufertur, sed & ipsæ gingivæ abraduntur: unde vacillatio. Pulveribus hisce adde bacillos ex malvæ radicibus, quibus dentes purgantur.

*Vacillantes Dentes* sæpe restituuntur collutionibus astringentibus; præsertim si origo ex alveolis ulceratis vel corrosis sit inchoata, nempe aqua aluminosa, decoctio florum rosarum rubrarum, corticum granatorum, florum balaustium, Tinctura Catechu &c. tunc enim quidquid putridi detergetur, & reliquum sanatur. Hæc & similia etiam conveniunt in dentium vacillatione à Mercurii usu, præsertim si salvia decoctionibus adjiciatur.

Masticatio quoque impeditur à *stupore dentium* dolorifico, qui ab acidis quibusdam vomitu ejectis, vel ingestis originem habet, nempe à ribesiis, limoniis, citriis magnâ quantitate devoratis. *Causa* constitit in acidis spiculis, quæ ad dentis intima penetrant, atque hoc modo nervi & membranæ, quibus dentes intus investiuntur, convelluntur, unde doloris sensatio.

Idem in *dentium algore*, quando frigida ferre nequeunt, quæ etiam, ut dictum, ad partes, dolorem sentientes, perretrant.

Ambo illa mala curantur collutione spiritus vini, tunc enim acidum mitigatur, quod etiam alcalinis efficitur, quibus acidum domatur.

Porro de *ODONTALGIA*, nobis hic erit sermo. *Doloris*, ut vocatur, *Odontalgia* causa in eo est sita, nempe, quando dens debilis, corruptus aut cariosus est, tunc succi præterfluendi, ibi propter obstructionem quandam, præterfluere nequeunt; hinc tandem corrumpuntur, acescunt & acrimoniam rodentem contrahunt, atque sic nervi & membranæ, in intimâ dentium radi-



cantes, corroduuntur, unde dolor intolerabilis: raro enim afficimur dentium dolore, quin aliquid sit, quod peccat. *Causæ sæpe sunt externæ*, ex. gr. si quis solevit quædam durissima manducare, aut dentibus nuces confringere, aliquando dentes rimosi fiunt; atque tunc nascitur occasio, quâ cibi masticati inter rimas hæreant, ibique putrescant; ac corrumpantur. Acidum, falsum & saccharum dentibus valde inimicum.

In osse Maxillæ superioris cavitas infra oculi orbitam invenitur, ex qua dentis canini radix videtur originem habere; quæ si humido quodam impleatur, ibique stagnet, non raro isti denti Odontalgia causa existit. Cavitas enim illa, quamvis ornatus causa dicitur esse structa, alium tamen habet usum: nihil enim frustra homini datum. Verisimile est in illa à partibus vicinis humorem colligi, qui in narium cavitates vel per palatum in os mittitur.

Primo itaque dolor est compescendus, deinde causa est tollenda. Dolor statim sistitur grano uno aut altero *opii*. Denti applicetur *Oleum Caphoræ* sive *radicum arboris cinamomi*. *Tabaci fumus* non consuetos statim juvat. Si caries in dente adsit, inditur penicillo nonnihil *spiritus vitrioli*, vel cauterium actuale applicatur; vel cum lanâ oleum origani, Tabaci aut caryophyllorum excipitur, atque denti intrudunt: à sequenti mixtura statim aliquando levamen sentiunt: Ex. gr.

*Cape.* Aceti vini, *uncias sex*.  
 Caphoræ, *drachmam unam*.  
 Aluminis, *drachmas tres*.  
 Opii, *scrupulum semis*.  
 Salis Saturni, *grana sex*.  
 Sem. Staphidis agriæ,  
 Pyrethri, *una drachmam semis*.  
 Misce.

De hac mixtura nonnihil in ore teneatur, & multum salivæ foetida emulgebitur. Alii simplicem vini spiritum in usu habent; alii aquam frigidam. *Masticatoria* præparantur ex simplici *Tabaco*, vel ex *Pyrethro*. Aut componunt quippiam ex *Cera*, *Mastiche*, *Pyrethro*, *Pipere*, &c. quibus etiam saliva elutriatur. *Sternutatoria* ex *Elleboro Albo*, &c. magni quoque æstimantur. *Errhina* & *Nasalia* non sunt spernenda: intrudunt naribus quidam *Betam* aut *Betonicam viridem* paulo manibus confricatam, aut speciem quandam tabaci. Item crocus spiritu vini irrigatus; vel naribus attrahunt vini spiritum, aut spiritum rorismarini. Alii vesicatoria pone aures aut temporibus applicant. Nonnulli aquam frigidam, acetum, spiritum vini, &c. auribus instillant; aut iis pupulas intrudunt ex *cepæ caphorâ* & *semine camini*. Solamen quidem expectant cataplasmate ex fermento acido, raphano rusticano cum aceto &c. quod venæ medianæ in flexurâ cubiti applicant. Emplastra temporalia etiam fiunt, ex simplici *Mastiche* cum *Oleo Origani*.  
 Vel



Vel ex *Gummi Elemni, Thure, Opio, Pice, &c.* Extra paroxysmum, si dens sit excavatus, intrudatur aliquoties nonnihil vitrioli cærulei, quo cavetur ne dolor redeat, saltem intra annum, quod multoties expertus. Necesse quoque est ut os & dentes post prandium & cænam bene frigida colluantur, ne particulae cibi hærentes corrumpantur dentesque corrodant. Extra paroxysmum sunt quædam antiscorbutica in usum vocanda. Si caput & collum non bene fuerit rectum, tegantur; frigore enim nervi ad dentes euntes non raro afficiuntur. Plurimi curati fuerunt solo hoc remedio.

**STERNUTATIO** est convulsio membranarum nasi, cerebri, &c. ex Sternutatione quacunque narium orta, cui adest quidam sonitus. *Causæ* externa sunt sternutatoria, titillatio in naribus mediante plumâ aliisque de rebus. Ipse aliquando aër in causâ est, præsertim si ex calido lecto surrexeris & subito aëri frigido temet exposueris, tunc enim membranæ narium & oculorum ab irritantibus aëris nitrosis particulis titillantur, vellicantur & in motum convulsivum sollicitantur. *Interna causæ* sunt mucus acris irritantes particulas continens, quibus narium membranulæ ad pruritus convellentem sollicitantur. Sic mucus in naribus exiccatus; non raro quoque ejusmodi irritationes infert: etiam in quibusdam morbis à cerebri & nervosi generis convulsionibus oritur. Sæpe sine periculo est, quamvis *Agathonis* tempore morbum Epidemicum fuisse ferant, quo homines sternutando enecabantur, inde Proverbium illud originem sumpsisse videtur *Prosit tibi, vel sit saluti* &c. alii tamen putant proverbium hoc vetustius agnoscere tempus.

In principio Coryzæ valde nocet, quia mucus tunc nimium acris est. In febribus non parum fatigat, vires enim nimium consumuntur. Sternutatio modica ægris sæpe proficua. In passione Hysterica, partu, &c. boni ominis esse potest. In apoplexia, si arte non causatur, actum est de vitâ.

Intestinorum Herniis, exomphalo, &c. superveniens, malum. In affectibus oculorum nocent, ideoque Errhina potius adhibenda quæ minus nervos oculorum, ob consensum, infestant. Si arte in Epilepticis, Hystericis, apoplecticis &c. instituantur, & expectationi non respondeant, malum est signum. A nimia sternutatione sæpe Hæmorrhagia sequitur. In pleuritide aut peripneumoniâ valde malum; nisi materia in bronchiis hæreat.

Materia itaque peccans expellenda & domanda est. Si à causâ externâ, per se cessat: sed ab internâ nares intus oleo vel lacte fricandæ; vel aquæ puræ fiat attractio per nares. *Masticatoria* quoque usu veniant. Si tunc non cessat, ad *opium* confugiendum & sudorifera. Porro utenda quæ succum & sanguinem corrigunt.

**SURDITAS** est à nativitate, aut casu: qui surdi sunt nati, etiam lo-  
qui nequeunt, quia nunquam verba audiverunt. *Causa* est interna sive in compressione aut obstructione nervi auditorii, & tunc est istius nervi paralysis. Vel *Externa*, quando tympani membrana est incrassata, aut ceru-  
mina



mina collecta, sunt indurata; vel foris aliquid intrusum: aut excrescentiæ sunt in meatu auditorio, ut tumores, verrucæ, glandulæ, ulcerationes, &c. consequens sæpe est apoplexiæ, aut cari; huic quoque rei contribuere possunt cerebri contusiones, compressiones, vulnera, ulcera, pus, &c. sic Tympani membrana cartilaginosa evadit. Ut & istius membranæ perforatione tandem auditus cessat.

Auditus  
gravitas.  
tinnitus.

AUDITUS GRAVITAS à surditate tantum gradibus differt. TINNITUS & SUSURRUS sunt, quando de quacunque causâ membrana Tympani molestiâ afficitur.

Nam si membrana isthæc continuò in illud conprimatur, motum tremulum excitat, qui nervo auditorio, cerebro ac menti communicatur, *susurrus* & *bombilans* quasi *sonitus* exauditur. Sic meatu auditorio obstructo, vasa vicina comprimuntur, quorum motus pulsans ad nervum auditorium transfertur, unde etiam *susurrus*. Sic meatus auditorii diaphoresis impedita, quaquaversum repercutitur, unde etiam ejusmodi *susurrus*. Aër in meatu auditorio conclusus, à materiâ subtili in continuo motu est, hinc etiam in omne latus percussus, ejusmodi bombos excitat; atque hoc satis apparet, modo Buccinum admoveatur auribus. Si fuerit à natiuitate, aut membranæ tympani vulnere aut incrassatione, nunquam sanatur: alias sæpe restituuntur, præsertim, si *Tinnitus* adsit, aut obstructio in causâ sit.

Casus de  
susurro,  
cum Syn-  
cope.

Si veniat à morbis cephalicis, medicamentis quoque cephalicis restitui debet. Si post Apoplexiam remanserit, utimur vesicatoriis, capitis frictionibus, sternutatoriis, &c. spirituosâ quædam & penetrantia sunt auri instillanda ut *spiritus vini* cum *spiritu salis armoniaci*, idque quotidie repetatur: interim decoctum potet ex *Sulfâ*, *Chinâ*, *Sassafras*, *Betonica*, *Salvia*, *Majorana*, &c. à sex annorum tempore, patientem incommodavit aurium *susurrus* continuus præsertim in dextrâ, & pro vario tempore nunc magis nunc minus eum affligens. Præterito anno, mense septembris incidit in Syncopen, sæpe redeuntem, (præsertim si rebus seriis occupatus fuerit) ita ut nulli rei peragendæ capax sit. Exinde admodum inquietus est, & memoria ei aliquantulum deficit. Vinum polygophorum, neque aromata fert. Singulis diebus utitur Theæ sorbitiunculâ bis. Ex Tabaco, à Doctoribus præscripto, se malè habet. Fonticulifacti, nullum solamen attulerunt. Alvus tarde respondet. Ex Chalybeatis se bene habet. Mediocris complexionis est: agit annum quadragesimum quartum.

Patiens ille sanguinem habet crassum, viscidum, & particulis acidis abundantem. à Particulis viscidis obstruitur membrana tympani pro parte, & aër tympano conclusus agitur, unde *susurrus*: deinde, si spiritus illi viscidus versus præcordia fluere nequeant, animi defectus, præsertim si rebus seriis cogitandis occupatus est; tunc enim ab aliis partibus abstrahuntur, unde *lipothymia*, *syncope*: eadem de causa memoria labilis est, quia perceptiones altè imprimi nequeant. Propter acidum in corpore abundans Vinum, Tabacum &c. non fert, quia hisce in motum & agitationem ducitur. Porro ob tenacitatem bilis & succi intestinales deficiunt, hinc alvus astricta.

Hic



Hic pituita seu tenaces humores erant incidendi, & acidum domandum, præscripsi sequentes pilulas.

Recipe Gummi Ammoniaci *unc. sem.*

Assæ foetidæ *drach. unam.*

Vitrioli martis, *drach. duas.*

Ocul. cancri, *drach. tres.*

M. F. pilulæ ex scrup. quinque.

De hisce mane unam sumebat, & unam cubitum iturus.

Inter prandendum cum vino sumpsit aliquot guttas spiritus cornu cervi. Auribus tervē de die instillabatur spiritus matricalis. Et tandem restitutus.

In **A U R I U M** symptomatibus locum quoque habet **D O L O R**, sive **O T A L G I A**, qui oritur in conchâ ac toto meatu auditorio usque ad Tympani membranam: cui adjungitur Compunctio, Erosio, Tensio, Gravitas & Pulsatio. Atque hæc originem debent Inflammationi, corporeis extraneis meatum auditorium immixtis, Vermibus, & omnibus iis, quibus dolor in reliquis partibus producit. *Cerumina*, quia constant ex particulis salinis & oleosis, sæpe possunt esse nimium acria ac pungentia. Si glandulosi acini, quibus meatus investitur, à nimia frigore obstruuntur; hinc intumescunt, & cerumina detinentur, acriora ob moram fiunt, & membranas, nervosque non parum vellicant. Sic serositates acres, acidæ & falsæ quæ per glandulas auris evacuantur, non raro dolorem concitant. Vehementi huic ac violento dolori accedunt Febris acuta, insomnia, Deliria, Convulsiones & Lipothymia; imo non raro Symptomata sæpe Lethalia: nam meatui membrana est tenerrima, & admodum nervosa: habet enim nervos à nervo auditorio duro, & secundo pari vertebrali.

Post Inflammationes sæpe **U L C E R A** oboriuntur, ex quibus sæpe magna puris copia profluit, & admodum difficulter sanari queunt, præsertim si in meatu osseo formantur; nam ob continuum affluxum vix consolidantur. In meatu cartilagineo facilius curatur, quia meatus osseus versus membranam Tympani declivis est, & ubi in planum descendit, fossam efficit notabilem, è quâ pus cum summâ difficultate eximitur. Ast cartilagineus meatus concham versus declivis est, hinc puris evacuatio facilior.

Ex ulceribus in aure excitatis, aliquando **V E R M I C U L I** generantur, à quibus ingens dolor sæpe suscitatur: quorum causam alibi exposuimus.

Ex penè omnium infantium auribus quotidie plurimum **H U M O R I S P E L L U C I D I** & **F Æ T I D I** secernitur, idque bono cum emolumento ideoque cura habeatur, ne sistatur: imo sunt, quibus aures in adultâ ætate, non sine magno fætoe & adstantium fastidio, fluunt. Humor iste ob laxitatem glandulosorum acinorum, quibus meatus auditorius investitur, emanat. Quibus obstructis nervorum ramulos & membranulas, ob acrimoniam tempore contractam, irritant, unde motus aliquando Epileptici. Sunt, quibus post lapsum, casum, contusionem, &c. in cranium, aures aliquot pondera clari, lymphidi & insipidi humoris, fundunt: quod nullam



nullam aliam causam videtur agnoscere, quam quod lymphæ vel simili liquor, ob intumescuntiam vel obstructionem internam, liberè vias solitas pertransire nequeat, & coactus sit, per auris meatus glandulosos acinos se exoneret: & per hos nonnunquam pus & sanguinem eructari vero non est absimile.

*Dolor* si fuerit immanis, venæ sectione opus est: & in *Inflammationibus* incedendum, ut in aliis: in meatum stilletur *spiritus vini camphoratus*; vel per *Otenchytam* immittatur sequens decoctum:

*Recipe* Absinthii latifolii,

Scordii,

Centaurii minoris

Abrotani, ana manipulum semis.

Coquantur in vino ad uncias sex. Colaturæ adde

Camphoræ, drachmam unam.

Misco.

Ex maguate remanenti fiat cum micâ panis, cepis coctis, butyro recenti &c. Cataplasma; & calidè quam fieri potest applicetur, sæpiusque renove-  
tur. Etiam auri calidè applicatur dimidia panis triticeæ pars spiritu vini & spi-  
ritu salis armoniaci irrigata. Vel loco ejus arena calida, præsertim  
noctu.

In *Ulceratione* injectiones sunt adhibendæ, nempe paratur superior decoctio; cui adde *Rosas rubras*, *Aristolochiæ radicem*, cum *Myrrhâ* & *Aloë*: aut instilletur Tinctura ex *Aloë*, *Myrrhâ*, *Gallis* cum spiritu vini extracta.

In fluxu materiæ serosæ nihil est adhibendum: eo enim impedito sympto-  
mata sæpe gravia oriuntur.

Extranea aliquando à puerulis intruduntur, ut pisa, globuli, nuclei, &c. & si altè in meatum sint intrusa, clauditur meatus ille, qui valde est obliquus & versus membranam Tympani declivis: tunc à cerumine viscoso ibi detinentur, & non nisi difficillimè extrahuntur: præsertim ea, quæ ab humido intumescunt, ut fabæ, pisa &c.

Surditas  
ab exter-  
nis.

Si meatus, ob negligentiam non ritè purgetur, cerumina inspissantur, indureseunt & meatum obstruunt: imo ob particulas salinas sæpe petrificari possunt, & in gypseam materiam mutari, unde *Surditas*. Claudunt non raro membranulæ in meatu auditorio succrescentes: ut & excrescentiæ carnosæ & fungosæ ex ulceribus aut vulneribus: sic & auris obstruitur: si acini glandulosi, ut aliarum partium glandulæ, tumescunt. meatumque claudunt: hisce obstructionibus adjungitur sæpe membranæ tympani relaxatio.

Si Extranea meatum claudunt, videndum num emolliri possint, ut fabæ, pisa, nec ne, ut globuli vitrei, plumbei &c. & an meatum cartilagineum obstruant, an vero osseum. Intrusa si fuerint mollia, & in cartilagineo tantum meatu, ea sunt frangenda, cochleari aliove instrumento extrahenda. Videatur speculum auris, specillum, cochleæ & tenacula apud *Hildanum*  
obs.



*obs. 4. cent. 1.* si pone corpus obstruens adigi potest, & in parte molliori, uti cartilago, facile extrahitur, quod circa corpora dura quoque locum invenit. Ast in meatu osseo & illum exactè implens, perquam difficulter extrahitur. Ideoque hoc in casu suaderem incisio pone aurem fieret versus ejus partem superiorem: quod secure satis fit, nam vasa ibi non excurrunt ampla, neque tunica glandulosa est timenda. (Vide Anatomix nostræ Tabulam xxviii figura 5. atque sic quadantenus devitatur obliquitas meatus: & proterebello &c. adhibendo via sternitur.

Si nucleus fuerit intrusus, qui propter figuram ovalem utraque sui extremitate posset tenaculo Hildani apprehendi, tunc res est in vado. Ante instrumenti usum, meatus oleo quovis lubricari debet, ut contentum eo facilius extrahatur. Si leve quid aut parvum auri sit intrusum, tunc saltandum eo pede in cuius latere obstructio est. Alias forcipibus ac auriscalpiis tentandum, ut contentum extrahatur: sunt & qui canaliculis exugere tentantur.

Quando cerumen est induratum, rumpendum est, & à meatu separandum, imo & aquâ tepidâ, injectione sæpe repetitâ, emolliendum; aut spiritus vini instillandus: sed licet statim non emolliatur aut separetur, tamen ab injectionibus non desistendum, quia post diem sextum, octavum, &c. primo emolliiri aliquando incipit. Sed ubi ante membranam communiter cerumen colligitur, quæ præter sanitatem nata est, meatus primum per injectiones aquæ calidæ purgandus est, & deinde purganda est membrana: sed cavendum ne Tympani membrana lædatur.

Excrecentiæ fungosæ & scirrhosæ, quæ post abscessum oboriri possunt, si ligaturis auferri nequeant, caustica usu veniant, quæ facile applicantur, modo laminis cereis meatus muniatur. Si ob magnitudinem meatus excreseat, cultello vel forfice incisorio abscindenda, vel filis ligari debet; & eschara vitriolo est inducenda, quo & sanguinis fluxus sistitur: deinde quidquid in meatu contentum, causticis provide auferendum: imitti potest canalis coriaceus, & per hunc unguentum aliquod causticum, (ne meatus membrana lædatur) idque ope penicilli: loco coriacei canalis, haberi potest cupreus, argenteus, plumbeus, qui secundum meatum incurvari possunt. Eschara inducta oleo amygdalorum aut ovorum est fovenda, & separanda: deinde ut reliquum consumatur, *Unguentum Fuscum Felicis Wurtz* applicatur; & ultimo cicatrizantia sunt adhibenda. Imo ad excrecentiam consumendam tomentum linteum vitrioli solutione madidum in aurem intrudi potest, nam comprimit ulcus, & carnem excreescere prohibet.

Glandulosa tunica si fuerit obstructa & tumefacta, tunc fomenta adhibentur & spiritus penetrantes instillandi, ut glandulæ deobstruantur; & deinde gossypio moschato meatus est obturandus. Si adsit dolor aut suppuratio procedendum, ut solet.

Tympani membrana quoque relaxatur, nimis tenditur, induratur, & *Audiendi* dirumpitur; ob nimium humoris ex glandulosis acinis affluxum, facile *difficul-* *relaxatur*, unde quædam audiendi difficultas: huic rei non parum facit, *tas.* *aër* pluviosus & nebulosus: *Tensio nimia* priori est contraria: & illa species



cies spasmī aut convulsionis fit in magnis cephalalgis, febribusque acutis, inflammationibus meningis &c. In senibus & decrepitis non raro AUDIENDI est DIFFICULTAS; quia tympani membrana ut cæteræ partes, *indurescunt*, & cartilaginea redditur & callosa: atque tunc sæpe oritur Surditas incurabilis. Membrana hæc aliquando *dirumpitur* ab auriscalpio aut alio quovis instrumento. Vel impetu quodam, quando ore & naribus clausis, spiritus retentus cum violentiâ protruditur. Quodque etiam in sternutatione observatur, ubi sentimus aërem, per meatum subito redeuntem, membranam tympani extrorsum expellere & tensionem efficere non sine dolore: quod & in Anginâ aliisque respirandi difficultatibus facile fit, in quibus fundus palati & nasi intumescunt, vel per inflammationem vel alias: quando enim aër expulmonibus propulsus liberè non egrediatur, tanto impetu fertur in meatum ab aure ad palatum tendentem, ut membrana tympani facile rumpatur. Membrana hæc quandoque à stria avellitur, (vide in *Tabula XXI. fig. 16. Anatomie nostræ*) nam illa totum circulum non conficit, sed proprè ostium illius meatus definit, qui in sinuositates apophysidis mastoideis terminum consequitur, & quod illo loco membrana tympani adglutinata tantum sit margini meatus ossis auri, hinc facile intelligitur, eam nullo negotio posse avelli illo loco, atque hoc modo aëri in aurem exteriori aditum concedere. Præter hoc ob humorum, puris, &c. acrimoniam facile corroditur, perforatur; idque tam ab externâ parte, quam internâ: hoc modo fumum tabaci per aures norunt efflare; imo & ipsas candelas extinguere: sit ut sit, auditus non statim quidem debilitatur, sed tempore, & tandem evanescit. Refert *Willis* exemplum in cane institutum his verbis: „*quippe experimento olim in cane factò constabat, quod perforato utriusque auri tympano, auditio adhuc ad tempus perstaret, quæ tamen ad tres circiter menses penitus cessabat scilicet postquam sensorii ad externas injurias patescens crassis everteretur.* Si auris collapho impingatur, membrana quoque & dilatari & rumpi potest: illud à lapsu & casu evenisse novi: accedunt quoque bombardarum subita explosio, tonitrua, aliique soni modum excedentes.

In relaxatione instillandi sunt spiritus penetrantes, cum caphurâ, quibus siccatur membrana: sed præprimis est causa removenda, nempe ulcerationis, adfluxus humoris, &c. In Tensione auri foveatur dulci lacte, oleo jasmini, vel decoctis ex malvâ, althæâ, pane albo, croco &c. diruptiones & cæteræ indurationes prorsus curari nequeunt.

In ipso Tympano & Labyrintho, quia membranulâ tenui cinguntur, Inflammationes & ulcera non patiuntur, & deinde cariem, cui adjungitur fœtor teterrimus: hinc partium internarum totalis destructio, & surditas incurabilis. Quoad inflammationem, non raro tympanum, Vestibulum, canales circulares & cochleas fordibus valde spissis & incrassatis reperiuntur plenas; quod fortè ab abscessu membranarum, hæc ossa investientium, evenire potuit: hinc quoque surditas, nam materia peccans exitum non habet. In carie auri est implenda sequenti tinctura.



Resp. Alcohol vini, *uncias quatuor.*

Euphorbii,

Myrrhæ, *ana drachmas duas.*

Aloë, *drachmam unam.*

Misce fiat Tinctura.

Hæc penetrabit ad interiora ; sed aurium meatus linteo carpto aut gossypio, aliove tomento est implenda. Cætera remedia externa hic habere usum nequeunt.

*Morbi in nervo auditorio* sunt obstructions aut compressiones : Paralysis in eo æque ac in cæteris nervis particularibus oboritur, ut in linguæ <sup>Surditatis interna causa.</sup> paralyti & gutta serena sic à sanguine extravasato, & à tumoribus in cerebro cretis, steatomate, &c. facile SURDITAS oritur. Quia partes hæ, ut in oculo, conspici nequeunt, difficile est scire, num causa in aut circa nervum sit, num in auditus organo. Si in nervo fuerit sæpe præcedunt Apoplexia, Lethargus &c. & tunc medicamenta sunt adhibenda interna, quæ in paralyti præscribi solent. Si à tumore comprimente surditas proveniat, malum erit incurabile.

*Tinnitus*, est auditus depravatio, nam soni percipiuntur, qui non existunt, vel qui minimum non sunt extra aurem, ita ut occupata jam à sono falso, minus apta evadit impressioni sonorum externorum recipiendæ, nisi sint admodum violenti. *Tinnitus causa* est Inflammatio & Abscessus Tympani, Labyrinthi, & morbi meatus auditorii: necessario enim concutiunt laminam spiralem & canales semicirculares, sive per tensionem membranarum, sive per vapores ; qui transpirant & cum aëre tympani miscentur. Humores acres, vermes, corpora extranea, coarctatio meatus per tumorem glandularum, & generatim id omne, quod dolorem excitat in meatu auditorio, ut & cætera symptomata, de quibus dixi, membranam meatus & membranam tympani commovent, id quod satis est ad communicandum hunc motum organo immediato.

Interdum MURMURA audiuntur, cum aures obturantur ; & veniunt <sup>Murmura in aure.</sup> vel à manus frictione, vel etiam à compressione, quæ cutim & cartilagine tegit, quarum particulæ motæ concussionem illo loco efficere possunt. Virtus Elastica aëris clausi & vapores à corporibus emanantes aliquid etiam contribuere possunt, cum illi, qui à manu prodeunt, juncti cum aliis, qui prodeunt à cute meatus pariter conclusi ad latera hujus cavitatis alliduntur, & concussiones producant, quæ, quamvis valde exiguæ, sonum tamen verum efficiunt, qui sensibilis fit, propter propinquitatem & continuitatem partium, nec non per reflexiones, quæ fiunt in cavitate hac occlusa.

Cranii commotiones & morbi meatum coarctantes, tinnitus aliquam speciem efficere possunt; supposito, quod concussiones, quas cranium sustinet, communicentur organo immediato, per solam continuitatem totius ossis temporis; id quod intelligendum est de eo momento, quo commotio



fit; qui autem postea superveniunt inordinato spirituum motui tribuendi sunt. Ita quoque tumor membranæ internæ meatus, cum arctius coit, effectum eundem potest producere, quem manus aurem obturans.

Pulsatio  
in aure.

In Aure quoque frequens est *Pulsatio*, ut videamur audire similem sonum ci, cum aliquid percutitur, & hæc nonnunquam tam vehemens est, ut & alii eam audire possint. Illa pulsatio venit ab arteriâ dilatatâ, quæ cordis pulsui exactè respondet: symptoma illud analogiam habet cum iis qui festucas, muscas, &c. videntur videre. Duo porro tinnituum species habent; quorum una à morbis cerebri dependet, & altera à morbis auris. Tinnitus ille, qui auris morbos sequitur, est, uti dictum, vel verus vel falsus: & ex his quidam *Tinnitus* propriè dicuntur, quidam *Sibili*, quidam *fremitus*, alii *murmura*, &c. generatim dici potest, sonos obscuros & frementes à concussione debili & remissa, sonos autem sibilantes & tinnientes à concussione forti & intensâ provenire, quod confirmatur per causas horum symptomatum remotas; humorum stationes & suppurationes, in quibus membranæ relaxantur, ordinariè susurrum producant; inflammationes autem & auris dolores, à quibus partes hæc tenduntur communiter & excitantur, sibilos & tinnitus. Tenendum quoque est, sonos hos omnes eandem impressionem facere super laminam spiralem & canales semicirculares, quam faciunt soni graves & acuti.

Curatio dependet vel à morbis cerebri vel aurium.

Num is  
qui mutus  
& surdus  
natus sit,  
eo venire  
possit ut  
loquatur.

Quæritur, num illis qui surdi & simul muti à nativitate sint, locutio denegata sit. Et num arte fieri aut produci non possit? respondetur, quod nervi auditus alii sint, quam qui locutioni inserviunt; ergo quia ab invicem non dependent, auditorius potuit esse obstructus, salvis linguæ, &c. nervis. Experientia edoctus, quod non tantum possint loqui, sed & aptos evadere ad quævis legenda. Ars quæ adhibetur, est, quod iis varias linguæ flexiones, efflationes &c. demonstras, quas illi etiam sensim assuescent, & efflabunt, primo literas, deinde syllabas, quas interim in libris notabis & præmonstrabis, tunc simul tempore loquentur, legebunt, sed & ex flexuris aliorum oris, docebunt, quid alii sint indicaturi. Videatur Tractatus à Cl. Viro *Joh. Conrad. Ammann* M. d. Doct. Latinè & Belgicè de hac materiâ, & experimentis verissimis conscriptus.

## C A P U T X V.

### DE SCORBUTO, EJUSQUE SYMPOMATIBUS.

Scorbutus.

**SCORBUTUS** est quædam intemperies in locis ferè omnibus, mari proximis, Adveniens sæpe cum maculis lividis, præsertim circa brachia & crura; crura sunt debilia; fætet aër expiratus; vacillant dentes; gingivæ sunt cruentæ; sæpe convulsiones & spasmi oboriuntur; item dolores; Arthritis



thritis vaga; colica passio; Hydrops; Diarrhæa; corporis extenuatio; paralyseis; lumbago; cephalalgia; lumbrici; nausea; vomitus; cordis palpitatio, &c. hæc symptomata omnia nullam aliam agnoscunt causam, quam sanguinem incrassatum. *Differentia* duplex est; prima nempe consistit in sanguine viscido & frigido; altera vero, in sanguine acidis particulis referto, & consequenter calido: hinc *Scorbutus* dicitur *Frigidus* & *Calidus*. *Causa* aliquando videtur hæreditaria, sed hoc sæpe fit, quia parentes malam victus rationem consueverunt, quam infantes etiam imitantur: deinde fit ex perversâ diætâ, aut contagio. *Differentia* quoque variatur pro variis symptomatis. *Scorbutus* itaque tantum consistit in omnium succorum totius corporis variâ condensatione: cui aëris injuriæ non parum contribuere possunt; omnis enim aër plurimas acidas & ponticas exhalationes continens, accendendo sanguini in pulmonibus ineptus est, nam ab omni acido sanguis noster condensatur. Porro aër frigidus diaphoresin justam inhibet, atque tunc omne acidum intus retinetur; hinc illi, qui calidas regiones incolunt, sanguinem dulcem habent, & volatiliorem, è contra noster ut plurimum erit salsioris saporis. Huic incrassationi ansam quoque præbet nimia desidria, vita sedentaria, ideoque illi hoc morbo maximè obnoxii sunt; qui continuò sedent; jugi enim exercitio melius sanguis exagitur & commovetur, imo diaphoresis ad votum procedit, quod desidibus non ita fit. Sit ut fit, duplicem sanguinis incrassationem ponimus; una est cum multâ pituitâ & defectu particularum motricium & activarum; altera, cum multo acido ac particularum activarum abundantia. Ex hisce distinctionibus omnia scorbuti symptomata commodè deduci possunt. Multis modis illa sanguinis incrassatio fieri potest, hinc symptomata variè differunt: nam prout particulae incrassatae, hos aut illos canales pertransire nequeant, etiam in his aut illis succi tardius incedere coguntur, hinc obstructions & symptomata diversi gradus.

Si saliva acida abundet, eadem semper impleturos & consequenter **G I N-** Gingivæ  
**G I V A E** roduntur hinc **S A N G U I N O L E N T A E** fiunt, & **D E N T E S**, arro- cruentæ,  
fis gingivis, **V A C I L L A N T**: & quia etiam dentes roduntur, (constant dentes va-  
enim ex alcalicis particulis) carie consumuntur, atque sic tandem frustil- cillantes,  
latim decidunt. Cibi intra dentium cuniculos insinuantes, corrumpuntur, halitus fæ-  
& non tantum *Odontalgiam* pariunt, sed & fætorem maximum, unde **H A-** tens.  
**L I T U S F O E T E N S**.

Quando sanguis iste crassus hinc inde per cutim nimis tardè incedit, non Macula li-  
nunquam sparsim subsistit, hinc variis in locis oriuntur **M A C U L A E L I-** vidæ.  
**V I D A E** aut **N I G R A E**, quæ evanescentes, flavæ fiunt: si enim debito mo-  
do sanguis circulum absolveret, ejusmodi stigmata nullibi apparerent. Sed  
cur potius crura & brachia obsident, non vero alias partes? cæteræ quidem  
partes, verum rarius, hoc colore depinguntur, sed maximè extremitates,  
quia longius à corde sunt & consequenter sanguis, quo longinquius à cor-  
de, eo frigidior est, & majorem, ad subsistendum, gradum habet.

Si porro in his aut illis canaliculis succus nutritius hæreat, in iisque sub- Pustulae  
sistat, ulcuscula



sistat, statim acescunt, obstructions pariunt, unde PUSTULÆ & ULCUS-  
CULA: corroditur, atque sic pustulæ fiunt & ulcuscula.

Ad mo-  
tum tar-  
ditas.

Quoniam succi satis celeriter omnes canaliculos non per-  
radiat, omnium membrorum est *lassitudo* & ad motum tarditas ideo sese nonnihil ambulan-  
do aut alias exerceant, statim lassi evadunt: nam quo sanguis, qui in ma-  
joribus vasis est, citius à tergo in illum, qui in minoribus est, movetur, eo  
quoque obstructions majores evadunt. Adhæc omnes canaliculi à nimia pi-  
tuitâ sunt obstructi.

Appetitus  
Prostratus  
& magnus  
diarrhæa,  
& alvus  
stricta.

Si pituita in ventriculum & intestina stillet, CIBI APPETITUS PRO-  
STERNITUR, & alvus parum respondet; ast si nimium acidi admisceatur,  
appetitus magnus est & sæpe insatiabilis, & fluxus alvinus supra modum, unde  
DIARRHÆA aut DYSENTERIA, pro acidi ac irritantium particu-  
larum diversitate.

Cardialgia,  
Lipothy-  
mia.

Si acidum ventriculi membranas nimium rodât, quæritur de CARDIAL-  
GIA sive *stomachi dolore*, unde LIPOTHYMIA, SYNCOPÉ, &c.  
præsertim si CORDIS PALPITATIO adsit, & sanguis coagulatus in  
cordis ventriculis subsistat. Quomodo porro illa palpitiatio peragitur, vide  
quæ in superioribus diximus.

Dyspnœa.

RESPIRANDI DIFFICULTAS oritur, quando sanguis, ob pitui-  
tæ abundantiam, particulis activis deficientibus, in pulmonibus non accendi-  
tur, verum coactus ibidem subsistere; hinc quoque virium defectus, quod  
ex celeri ac parvo pulsu constat. Deinde si nervi, ad pulmones & musculos  
respiratorios euntes, aliquomodo obstructi sunt, tunc respiratio diversimodè  
impeditur. Ut plurimum pulsus hic est fortis, & paulo celerior, & aliquando  
intermittens.

Asthma  
scorbuti-  
cum.

ASTHMA SCORBUTICUM præter rationes in superioribus redditas,  
oritur quidem ex inflatione imi ventris viscerum, quâ de causâ diaphragma  
commodè deprimi nequit; porro nervorum pulmonalium convulsiones; ob-  
structions tam sanguinis quam succi nervosi, unde paralyseos species, hinc  
actio illarum partium vel nimis fortis est, vel nimis debilis. Quidam de pul-  
monibus non queruntur, sed tantum quod pectus & cor angustantur, quia  
membranæ, quibus Thoracis viscera cinguntur, pituitoso humore obsidentur;  
hinc sese contrahere nequeunt. Motus cordis debilis, ob nervos infarctos,  
huic etiam *φαινομένη* non parum contribuit.

Pulsus in-  
constans  
& inter-  
mittens.

PULSUS INCONSTANS & INTERMITTENS aliquando, ut &  
*sæpe redeuntia animi deliquia*, sæpe & à sanguine & à succo nervoso originem  
trahunt: sanguine enim nimis incrassato, diminutâ proportionem & non æ-  
qualiter idem immittitur, hinc illa inconstantiâ pulsus, & spirituum dejectio.  
sic nervis cardiacis ac arteriarum præsertim contractis, etiam pulsus inordina-  
ti sint oportet.

Cordis  
palpitatio,  
Tremor,  
spasmus,  
&c.

CORDIS TREMOR, PALPITATIO, SPASMUS, &c. nihil aliud  
sunt quam cordis convulsiones, quibus cor vehementer concutitur. *Palpi-  
tatio* etiam oritur, à vasis sanguineis impeditis, & à pulmonibus infarctis:  
quando cor, vise constringens, liberum transitum non invenit, basis ipsius  
una cum vasis sanguineis intumescit, & in costas adigitur. Oritur quoque à san-



sanguine coagulato, polypo, calculis, officulis, vermibus, &c. in cordis thalamis hærentibus.

**FEBRES ERRATICAE & INSTABILES**, ut & nunc frigoris, Febres nunc caloris invasiones, hinc inde per totum corpus, eodem nascuntur modo Erraticæ. ac de febre Lenta in superioribus dictum.

**SUDORES IMMODICI** veniunt, quando plus humidi à cutis glandulis secernitur, quam per vascula lymphica redire potest, quod oritur partim ab obstructionibus, partim ab humorum à tergo forti impulsu. Sudores immodici.

**URINA RUBRA** sæpe est, (præsertim in scorbuto ex acido & salso) si non adsit febris aut icterus, infallibile scorbuti signum est, præsertim cum sanguinis humidum una cum particulis oleosis & salinis circulator, tunc enim particulæ matrimonium ineunt & conjunguntur, inde color saturus. Interdum citrei est coloris, cum cremore supernatante, qui vitri lateribus sæpe adhæret. Si quis hodie urinam reddat citream, cras aliquando pallidam minget, quia diu cum sanguine non fuit circumducta. Rubedini non parum faciunt continuæ sanguinis incalæscentiæ. Urina rubra.

In scorbuto inveterato observantur, sanguinis fluxus *alvinus*, *narium* Sanguinis fluxus varii. *Hæmorrhagia*, *Hæmorrhoides*, *Renes sanguinem fundentes*, *Hæmoptyses*, &c. cum sanguis sit salus & crassus, arteriolarum minimarum ductus pertransire nequit, tunc à tergo continuo ita comprimitur, ut debeant rumpere, unde facile narium sanguis sequitur. Intestinis quoque ab acris, falsis, acidis, eros, vascula sanguinea facile sanguinem fundunt, qui cum excrementis dejicitur.

Succi nervosi paucitate ac visciditate functiones animales impeditè & tardè exequentur, hinc motus adeo debiles sunt, ut ægri omne otium ament, laborumque vitent. Sæpe falsa imaginatione sibi persuadent, quod neque stare, neque pedibus incedere possint, imò continuo in uno cubiculo sedeant vel decumbant. Imaginationes falsæ.

*Causa* videtur consistere in eo, quod spiritus animales effluxuri, statim accessu aëris frigidi, convulsivo quasi motu intro rapiantur. Deinde sanguis facile incalæscens, non difficile à frigore coagulatur, unde coryza, Inflammationes, &c. nocet quoque frigus, poris sudoriferis nimium apertis.

Acescente nonnihil succo nervoso, oriuntur *Melancholia*, *Inconstantia*, *compunctiones fibrillarum nervearum*, unde *leves Epilepsia*, ac *dolores vagi*; & si aliæ heterogeneæ particulæ accedant, periculosa symptomata oriuntur.

**PARALYSES & STUPORES** in scorbuto cessant, redeuntque; constantque ex tribus causis, quæ vel singulæ per se operantur, vel diversæ simul. Paralyses, stupores. Primo, quando spiritus vapposi sunt, & nullam vel perparcam volatilitatem habent, tunc membra, motibus exequendis, inepta sunt, inde crura & pedes debiles & sine viribus. Ab influxu enim celeri motus dependent. Secundo, spiritibus sufficienti copiâ quidem fluentibus, adsunt sæpe particulæ viscosæ, acidæ aut falsæ, tunc in membris non tantum debilis motus manet, sed stupor quidam, & titillantes compunctiones. Tertio, si cum succo nervoso irradiant, nonnullæ aliquando in plexibus nervosis hærent, obstructionesque pariunt, atque hoc modo spiritus debite non transeunt.



Dolores  
intestino-  
rum.

**DOLORIBUS** non raro alvus torquetur, colicis mentientibus, aliquot dies imo septimanas perseverantibus, usque ad lumbos & thoracem sese extendentibus, qui à paralyfi sæpe excipiuntur. Causa est quod succus nervosus viscidus in membranis & nervis mesenterii hærens, gradatim ace scat, & quoniam à subtili materiâ ab omni parte in vicinas membranas agitatur intolerabilis dolor causatur: ac quoniam mesenterii nervi cohærentiam habent cum nervis lumborum & Thoracis, ideo eousque dolor extenditur. Si deinde spiritus corrosivi ibi maneant, nervi & membranæ post erosionem paralyfi afficiuntur. Porro causæ esse possunt, in ipsis intestinis, ut superius de *Colica passione* dictum.

Lumbo-  
rum  
dolor.

**LUMBORUM DOLOR**, videtur originem trahere ex sanguine crasso, vel quando succus nervosus ex medulla spinali nervos crurales irradiare nequit, unde difficultas quædam. Vel in mulieribus, quando sanguis singulis mensibus, ob crassitiem in utero subsistit, ejusque membranas dilatat, unde dolor.

Pleuritis  
notha.  
Cephalal-  
gia.  
Dolores  
artuum

Ejusmodi materia in pleuræ membranâ aliisque visceribus thoracis hærens, sæpe pleuritidinothæ occasionem dat. Idem, si contingat cerebri meningibus, **CEPHALALGIA** producitur. Eodem quoque modo **DOLORS CRURUM & TIBIARUM** generantur, qui noctu maximè sæviunt, cum particulæ illæ à calore lecti agitantur, quod sæpe *Lue Venerea* laborantibus contingit.

Corporis  
tremulus  
motus.

Si acri huic succo nervoso adsint particulæ viscidæ, **MEMBRA PARALYTICA** fiunt; & si materia pungens sit, **VAGI** enascuntur dolores; aut **MOTUS EPILEPTICI**, aut **CORPORIS CONCUSSIONES TREMORES**. de *Vertigine*, *oculorum caligine* (*Epilepticorum prodromi*) alibi egimus.

Omnia hæc symptomata simul in uno non habentur subjecto, sed pro variâ sanguinis &c. Constitutione, nunc hæc, nunc illa prædominare solent. Sic Cæli & regionis diversitas his vel illis producentis multum contribuit. Testatur *Cl. Mangetus* in regione Genevensi verum & perfectum scorbutum non reperiri.

Morbi  
soporosi.

Si spiritus nimis crassi sint, quam ut per cerebri canaliculos meare possint, **MORBI** oriuntur **SOPOROSI**, de quibus antea.

Vigiliæ  
Pertinaces

Spiritibus vapposis, atque ace scentibus, continuæ punctiones resultant seu irritationes, nullos tamen dolores parientes, unde cerebri systema continuè turbatur, hinc **VIGILIÆ PERTINACES** enascuntur.

Tabes.

Chylo ace scente, atque sanguine incrassato, nutritio non bene procedit, unde **TABES & ATROPHIA**; denegato enim nutrimento, partes solidæ collique scunt, ita ut vix cutis ossibus hæreat.

Arthritis.  
fixa &  
Vaga.  
Tophi.

Humores ad articulos euntes, inque canaliculis subsistentes, ibi ace scere coguntur, atque sic articuli undique roduntur, unde ingens dolor, qui *Arthritis* vocatur. Ab arido hoc cum vicinarum partium sale volatili effervescente, **TOPHI** producuntur. Materiâ incrassatâ fluorem iterum nactâ, dolor brevi cessat, & quia subitò in alia parte oriri potest, **ARTHRITIS** dicitur **VAGA**.

RHE-



RHEUMATISMUS idem ferè est ac *Arthritis Vaga*, sed dolor hic citius evanescit, & facile ab uno loco in alium transit, cui aliquando febricula adest, cum partium tumore, & nonnulla inflammatione. Si quando quidam succi nutritii in membranis hæreant, acefcunt, easque rodunt, eodem modo ac de *Arthritide Vagâ* dictum.

Rheumatismus.

Quoad scorbuti *Prognosis*. Quamvis symptomata magni videantur esse momenti, & spes fere desperata sit, tamen, visceribus incorruptis, satis adhuc spei est; docent enim exempla, quod plurimi è mortuis ferè resuscitati sint, pristinamque sanitatem recuperaverint. Scorbutici tardè restituuntur; imo curatio plus quam annum sæpe requirit. Scorbutus ex acido ægrius curam admittit, uam qui ex pituitâ. Hæreditarius, diuturnis febribus, aliisve morbis, difficilius curatur, quam qui ex pravâ diætâ, aëre insalubri, potu vili, diuturna navigatione, vitâ desidii, &c. veniunt, si partes cerebri & nervosi generis in læsæ sint, facile curatur. Scorbutus excipitur quidem à Tabe, Phthisi, Hydrope, &c.

Constitutio sanguinis est inspicienda, si visceri humores peccant, tunc medicamenta sunt præscribenda, quibus pituita inciditur, attenuatur, & sanguis pristino motui restituitur. Si acidum in causâ sit, sunt in usum vocanda, quibus illud domatur: tandem in utraque constitutione symptomata sunt respicienda. In priori dispositione usui veniant omnia aromatica & oleosa volatilia: ut sunt

*Spica nardi Indica, Raphanus hortensis nostras & Hispanicus, ut & rusticanus. Radices Angelicæ, Zedoariæ, Galangæ, Acori, Helenii. Cortices Arantiorum, Citri, Cinamomi, Winterani, Macis, Guajaci. Lignum Sanctum, Sassafras, Aloes. Abrotanum, Absinthium, Carduus Benedictus, Cochlearia, Becabunga, Lupulus. Nasturtium Aquaticum & Hortense, Nicotiana, Ruta, Salvia, Scordium, Trifolium Aquaticum. Semen Carei, Cardamomi, Cubebe, Grana Paradysi, Sinapi. Fructus Juniperi, Lauri, Caryophylli, Nux Moschata, Piper. Gummi Ammoniacum, Myrrha, &c.*

Si acidum & falsum peccet, sanguisque facile incalescat: tunc temperatiora sunt præscribenda, ut omnia chalybeata, testacea, terrea, salia fixa & volatilia. Potus Theæ, &c. tunc enim à calorem inducentibus sese nonnihil est temperandum, ne obstructions majores fiant: hisce chylus ab acore præservatur.

Quidam sæpius repetitas venesectiones instituunt, sed cui usui non video: sanguis enim & succi hoc modo magis incrassantur, atque sic augetur malum; certum enim est, quamvis primo nihil levaminis videatur adferre, tantum pro tempore est, sed malum iterum redit: plurimæ enim curationes per sanguinis missionem fiunt, magis favente fortunâ, quam Medici prudentiâ. Si in ventriculo habeant multum pituitæ, aliave saburra acida, falsa, aut mixta, præscribenda sunt aliquando emetica, & lenia Cathartica, quibus farrago illa peccans, *ava vel nata* elutriari possit. Formulæ quædam antiscorbuticæ hæc sunt: ut



*Recipe* Cort. Winterani, *unciam unam*.

Ocul. cancri, *unciam semis*.

Tartari Vitriolati, *drachmas duas*.

Spir. cochleariæ,

Elix. proprietatis, sine acido, *ana quantum sufficit*.

Misce fiat Conditum.

*Dosis* est ad Unciam semissem singulis diebus jejuno stomacho. Vel

*Accipe* Coralli rubri *unciam semis*.

Flor. falis armoniaci,

Macis, *ana drachmam unam*.

Magisterii Martis, *grana decem*.

Misce fiat pulvis.

Singulis diebus bis sumatur hujus pulveris drachma una. Vel

*Recipe* Tinct. Croci, *drachmas duas*.

Spir. Cochleariæ, *uncias duas*.

Salis Armoniaci, *drachmam unam*.

Misce.

Guttatim propinetur singulis diebus in vino. Vel

*Sume* Cort Winterani, *uncias duas*.

Citri,

Arantiorum, *ana unciam semis*.

Rad. Helenii,

Angelicæ,

Ostrutii,

Aloes,

Myrrhæ, *ana unciam unam*.

Croci *drachmas duas*.

Spir. Cochleariæ, *uncias viginti*.

falis armoniaci *unciam semis*.

Fiat secundum artem Tinctura.

De eâ sumantur drachmæ duæ aut tres in vino. Huic etiam nonnihil limaturæ chalybis addi potest. Omnes spiritus volatiles & salia volatilia, non tantum temperant acidum, sed quia constant ex particulis volatilibus, etiam stimulum sanguini addunt ad movendum: ut

*Recipe* Fol. Cochleariæ,

Becabungæ,

Nasturtii aquatici, *ana manipulos duos*.

Rad. Polypodii, *unciam unam*.

Raphani rustici, *uncias duas*.



Cinamomi.  
 Caryophyllorum,  
 Cort Arantiorum, *ana drachmas duas.*  
 Vini Gallici, *uncias octoginta.*  
 Misce fiat Tinctura.

De quâ matutino tempore hauſtus ſumatur.  
 PRO ASTHMA TE & *reſpirandi difficultate*, uſui ſit *Elixir proprietatis*,  
*ſpiritus ſalis armoniaci, cornu cervi, fuliginis. Tinctura caſtorei, croci, Flo-*  
*res ſalis armoniaci, ſal cornu cervi, præparata ex opio &c. in paroxyſmo ſe-*  
*quens proderit.*

*Recipe* Laudani liquidi Tartariſati, *gattas decem.*  
 Spir. Salis Armoniaci, *guttas viginti.*  
 Cochleariæ, *drachmas duas.*  
 Vini Hiſpanici, *quantum ſufficit.*  
 Miſce.

In Stomacho pituitosâ ſaburrâ pleno, inſtituatur vomitus cum *ſale vitrio-*  
*li*, aut *oxyſaccharo vomitivo*. Vel leniter purgetur; aut guttatim quotidie  
 detur *vinum ſcilliticum*, ut viſciditas inſenſibiliter elutrietur. Si convulſio-  
 nes adſint cum dolore, neceſſe ſunt ſalia volatilia in uſum vocanda, ut  
 & oleoſa: Fiat vinum medicatum, ex. gr.

*Recipe* Rad. Helenii, *unciam unam.*  
 Galangæ,  
 Acori, *ana unciam ſemis.*  
 Cort. Arantiorum,  
 Citri, *ana drachmas tres.*  
 Fol. Abſinthii latifolii,  
 Centaurii minoris, *ana manipulum unum.*  
 Lumbricorum terreſtrium in aquâ lotorum,  
 Spir. Cochleariæ, *ana uncias duas.*  
 Vini albi, *uncias octoginta.*  
 Miſce fiat vinum Medicatum.

De eo aliquando unciaë tres ſumantur.

De COLICA SCORBUTICA inſmittitur Enema ex *decocto chæreſo-*  
*lii*, ſpiritu vini, opio, ſale armoniaco &c. dentur etiam pulveres ex oculis  
*cancri, ovorum putaminibus, conchis, &c.*

In alvinis fluxibus, exhibeatur *Crocus Martis*, detur aliquando drachma  
 ſemis cum grano opii præparati, Vel fiat Conditum ex *Croco Martis, oleo*  
*Macis deſtillato, oculis Cancri, & Tincturâ Catechu.* In DYSENTE-



RIA & TENESMO, utatur *aquâ chalybeatâ*; & singulis triduis aut quadriduis, exhibeantur tres aut quatuor ex sequentibus pilulis.

*Recipe* Rhabarbari, *unciam unam.*

Santali rubri,

Cinamomi,

Croci Martis, *ana drachmas duas.*

Laudani Opiati, *grana duo.*

Tinct. Catechu, *quantum sufficit.*

Misce fiant pilulæ ex scrupulo quinque.

Primo quidam *Rhabarbaro* purgant, sed necessitatem non video, quia totum in domando acido & succis attenuandis consistit: *Potus Theæ Sorbillum* ideoque hic convenit, ut & *Tinctura Foliorum Salviæ*: ut & *oleum Macis*.

Adversus VERTIGINEM & LIPOTHYMIAS, sanguinis & spiritus irregularitates corrigi debent: detur ergo sequens aromaticum: ut.

*Recipe* Aquæ Vitæ Matthioli,

Spir. Liliorum convallium,

Cochleariæ, *ana uncias duas.*

Olei Caryophyllorum, *guttas tres.*

Tinct. Croci, *drachmas duas.*

Misce.

Detur Cochleatim cum vini admixtione. In hac occasione omnia volatilia prodesse possunt.

Contra HÆMORRHAGIAM narium, utilia sunt ea, quæ alibi præscripsimus. GINGIVIS SANGUINOLENTIS, DENTIBUSQUE VACILLANTIBUS, os singulis diebus sequenti collutione colluatur: ut

*Accipe* Aquæ pluvialis coctæ, *uncias quatuor.*

Ung. Ægyptiaci, *drachmas tres.*

Aluminis, *drachmam unam.*

Spir. Cochleariæ, *unciam unam.*

Misce fiat collutio. vel,

*Sume* Cort. Granatorum,

Rad. Bistortæ,

Flor. Balauftiorum, *ana unciam semis.*

Fol. Salviæ, *Manipulum semis.*

Fiat decoctio ex Aqua ad uncias sex vel septem, colaturæ adde

Aluminis, *drachmas duas.*

Et fiat Collutio.



Pro doloribus crurum, aliorumque membrorum, acidum saturantia sunt danda, ut testacea, chalybeata, corallina, &c. quoad Arthritim vagam, Rheumatismum &c. vide remedia, quæ capite de *Podagra* explicata exhibentur. Plura de symptomatum enarratione & cura dixissem hic loci, sed quoniam ea omnia satis superque in supra enarratis habentur, ideoque hic brevis esse volui, ne cuiquam, ut dici solitum, sit, *δὲς κρᾶμβη θάνατος*, *Brassica bis mors* est.

Cibus & potus temperati sint oportet: ab omni acido & salso temperandum est, uti & à viscosis & saccharatis & frigore. Aër sit volatilis, calidus neque alienis particulis infectus. Exercitium sit modicum: ambulatio præstat, ideoque bajuli sæpe divites sanitate superant. Quare quidam se malè sentiunt, si iis labor non conceditur, quoniam subito à scorbuto opprimuntur. Fructus horarii, saccharata, viscida, dyspepta, carnes salitæ, infumatæ vitentur. Cibi rancidi, mucidi, non fermentati panes, &c. non comedendi. Potus sit bene fermentatus ( dico de cerevisia, vino, &c. ) Si quis pituitosus sit & frigore stupidus, Tabaci fumus illud corriget, quia diaphoresin conciliet.

Sequitur casus Alicujus Viri scorbuto laborantis.

VIR NOBILISSIME, AMPLISSIME ET EXPERIENTISSIME  
PHIL. ET MED. DOCTOR LONGE LATEQUE CELE-  
BERRIME, FAUTOR ET AMICE, QUALEM TE  
MIHI PROMITTO, ÆSTUMATISSIME,

**E**A est famæ tuæ non modo per Germaniam, sed & longè distita Regna septentrionalia celebritas, ut ex eo præprimis tempore, quo hinc inde, præsertim in Almâ Lipsiensi Academiâ, illâ bonarum mentium Medicina, præclara ingenii tui monumenta in vernaculam nostram haud incongruè translata, & bono publico, ut scilicet multorum commodis & ignorantiae inferviretur, affatim edita sunt, per ora virorum eruditissimorum ( nihil enim do-auribus tuis ) volitaverit, & adeo in extremum hunc orbis angulum, quem serius alias aliqua veritatis lux affulgere solet, raro exemplo sese dudum penetraverit.

Scorbuti  
casus.

Ex animo tibi vir summe, hoc nomine gratulor, quod discussis crassis illis inscitiae & errorum nebulis, Medicinam olim laceratam & mutilam facilitati suæ & veritati restitueris, quod immensi & desperati laboris opus multis est visum. Tuis oculis nunc clarius vident etiam illi, qui Lyncei quondam sibi videbantur, revera quavis talpa cæciores.

Nec immeritò acutissimus *C. Bontekoe* p. m. vulgus illud medicorum *Nominales* illud appellat Doctores, qui in arte Medica cæcutiunt; quorum imperitiæ & ego fui expositus. Hinc, licet Medicorum castra non sim secutus unquam, tanto tamen accensus sum ardore & desiderio scripta tua legendi & inde proficiendi, ut parum absit ( vera loquor ) quin hæc studia elegantiarum & multæ utilitatis plena, me omnino ad se pertrahant. Et pertraherent etiam, si res esset integra & officii mei ratio id permitteret.



Nunc cum frustra sit omnes spes, frustra vota ut Numen præteritos mihi annos referat; juvat tamen tuis interea commentariis delectari & quod palmarium est, ad restituendam infirmam valetudinem aut saltem aliquo modo emendatam conservandam, exinde proprio Marte crudiri. Quæ ratione mihi met sum Magister & Discipulus Æger & Medicus, & penè mihi ipsi meliora te præeunte edocta plus quam centesimo Doctore Nominali tribuerem, nisi me pulcherima spes foveret, te Vir summe, pro insigni tua ægris omnibus juvanda peritia & facilitate, neque consilia tua multo rerum usu confirmata, neque Medicamenta approbata & saluberrima, mihi quamvis absenti & ignoto denegatarum esse. Id quod uti summis expeto votis: ita eo quo par est studio & submissione maximis à te contendo precibus, ut & consilio & re adjuves, manum medicam adhibeas & perspecto morbo mihi Medicinam sive à te præparatam, sive præscriptam quocunque modo facias. Miraris autem fortassis & subrides quod neglectis Medicis domesticis, quorum hic quidem non exigua est copia, te mihi Æsculapium quæram, in morbo præsertim quo te ipso & experientia teste nullus saltem in his oris maritimis septentrionalibus, frequentior est aut universalior, sed desines tandem mirari, si multorum, ne dicam plurimorum profundam inscitiam, etiam in minimis & communibus; imo cimmerias tenebras & eclipses in ipsa hac nostra Cimmeriâ accuratius, uti soles, consideres. Et sane uti conscientiæ rectè vel malè facti res est ægro, convenientia & appropriata medicamenta, nec uti barbarè per jocum dicimus quid pro quo propinare; ita magna pars est felicitatis & salutis humanæ incidere in prudentem Medicum, qui vires ægri adhuc ex naufragio residuas, reficiat, non opprimat. Mihi sane integritate tua freto in te omnis nunc spes est.

Ut autem de valetudine mea rectius tibi constet, ipsius morbi natales à natalibus meis ordine enarrabo; cumque instante vere ob graviora negotia ad te excurrere non liceat (fiet autem id, uti confido, anno sequenti proximo, si Deus vitam & aliquam ex medicamentis tuis reconvalescendi spem, felicemque successus ostendat) graphicè memet interea depingam, ut absentem tum præsentem intueri tibi liceat, ne quidquam desit ex quo morbi Naturam, causam & originem conjicere possis.

Triginta nimirum, & quod excurrit, anni sunt, quando in Holsatia, Gluckstadii, loco admodum uliginoso & palustri; (ad Albim fluvium, propè mare Germanicum, quod ad occidentem spectat, sito) cujus natura cum Batavico vestro ex affe convenit, unde prima & infallibilis adnati fere *scorbuti* suspicio.

In Patria primum decennium exegi; hinc per duodecim annos sequentes partim in Gymnasio Lubecensi, partim in Academia patria, quæ Kilonii est, studiorum gratia commoratus sum, quippe ab incunte ætate litteris innutritus; post hæc per quadriennium in Saxoniam & Superiorem Germaniam, Lipsiæ, Dresdæ, Ratisponæ, Argentorati & Spiræ, aliisque ad Rheni tractum locis substiti; ubi contra morem regionis *Vino Rhenano*, moderatè admodum sum usus, ita ut alternis diebus mensuram non adeo capacem, aliquando autem liberalius solutò ebiberim, ratus me hoc pacto *Cibos* non

scm.



semper usque adeo naturæ meæ convenientes correcturum esse. Cæterum per omne illud tempus studiis diligenter invigilavi; & uti natura mea ad *Venerem* semper, licet contra vota, proclivior fuit, præsertim cum *Acrimonia Sanguinis*, uti conjicio, stimulum illum connatum & Veneris incentivum auxerit, dedi etiam huic aliquid imo plus justo incommodum inde nullum sensi, nisi quod ob *Vitam præprimis Seditariam* Dresdæ subsistens, catarrhis nimium vexarer, & nocturno sudore frequenter diffluerem, unde interdum lassus & ad negotia generenda sæpius parum aptus fui. Quem affectum ut toleret Medicus, Martialia & spiritus Antiphthificos & nescio quas mixturas, frustra tamen adhibebat. Remisit vero postea spontè suâ. Cum autem Jam in eo essem, ut media hyeme Spirâ patriam repeterem, malo meo fato factum est, ut nihil minus quam id ipsum timens, inopinanti mihi *Gonorrhæam* contraxerim ( ecquid enim dissimulare tibi teque Medico juvat, cum non confessum non remissum censeatur ) quam tamen Hamburgum redux factus, quia in itinere per tres septimanas constitutus Medicinam adhibere non potueram, sat cito si sat bene curavit nescio quis circumforaneus; id quod *ante triennium* & *quod superat* factum est. Jam tum in itinere etiam ante malum hoc contractum, insolitum & intensum senseram calorem, stomachi debilitatem, febriles horrores & incommoda plura, quæ ipso curationis tempore subito intra paucos dies adeo crescebat ut *febris* ardens fuerit insecuta, quæ per tres septimanas, non tamen ulterius, me adeo enervaverat, ut aliquo modo valens vix & ne vix quidem lecto involutus, Gluckstadium pervenirem. Diætâ enim & curâ domesticâ è culinâ patriâ opuserat, ut vires reficerentur.

Medicamenta durante morbo, erant levia humectantia, refrigerantia, emulsiones, quæ non adeo felici cum successu præbebantur. Adhibita autem sub initium morbi fuit Venesectio, quæ post mensem, suadente ita Medico, modice fuit iterata; quæ posterior non per omnia sese mihi probavit, Melius tandem successive habere cepi; attamen ex eo tempore incerta, dubia & non satis sibi constans valetudo fuit, semperque dubio Marte à bonitate naturæ & reliquis morbi pugnatum fuit. Neque vero nunc à vitâ sedentaria desistere dabatur, quippe cum mox negotiis & Consiliis Regiis adhibitus, uni ferme loco, reluctante licet Natura, tanquam claudus futor affixus fuerim. Hunc errorem & vitia inde oritura ut medendo anteverterent Medici, varia est adhibita Medicîna, quorum Methodum uti non obscure, Te monitore, intelligo admodum incertam, vanam & futilem fuisse, ita hic cum tædio recensere nihil attinet. Id saltem indicasse sufficiat omnium optimum me expertem esse illud decoctum, quod ex *Radibus chinæ; Ligno Sassafras, Santalo citrino* & *rubro; Herbis Hepatica Nobili, Matrisylva; Floribus Buglosæ; Radicibus Scorzonera, Dactylis recentibus enucleatis, Pasulis majoribus, cinamomo electo, &c.* Confectum & in juscule carnis vitulinæ coctum fuit; quo per aliquot menses loco cerevisiæ inter prandendum & cœnandum usus sum. Et quamvis de insigni ejus effectu non usque adeo gloriari possum, cum potius corpus exsiccare & alvum duriores reddere videretur; tamen velle nomine adhibere non dubitavi, quia extra,  
hunc



hunc effectum, cætera nihil molestiæ crearet, uti quidem in omnibus ferme aliis Medicamentis, quando per tempus aliquod eorum usque continuaveram, factum fuit.

Annus fam ferè totus est, ex quo à medicamentis abstinui, tædio scilicet imperitorum Medicorum affectus, ne partim vires opprimentur, partim in cibum & nutrimentum Medicina abiret. Interea temporis incidi præfato modo in Divini tui ingenii scripta, divinitus, ut planè mihi persuasum habeo; quæ omnia quotquot in vernaculâ nostra extant, inagno meo cum emolumento mihi comparavi, auro contra chara.

Cumque in illis præcipuè de scorbuto, ejusque origine, affectibus, symptomatibus & curâ sobriè admodum, non secundum vulgarem methodum te philosophari intelligerem, bone Deus, quanta mihi lux inde est orta! Et jam non amplius dubito, purum putum esse scorbutum, quo hætenus misere sum divexatus & quoad nutrimentum defraudatus; cum quo an ex reliquis Gonorrhææ aliquid cohæreat, an etiam Cachexia aliqua aut planè hectica, itemque malum Hypochondriacum, tanquam individui & inde resultantis huic sint conjuncta, tuum erit Vir celeberrime, judicare, meum certè est metuere.

Ut autem quod primo loco mihi enarrandum fuisset, nunc præpostero ordine subjiciam, paucis adhuc neutrum in quo sum statu accipe, ut & hinc de valetudine meâ eo facilius dijudicare possis. Ex omnibus & fere innumeris Scorbuti (de hoc enim jam non amplius dubito) Symptomatibus pauca levius, sed duo aut tria duntaxat enormius me aggravant. Postquam enim ex gravi illo morbo ante triennium qualitercumque eluctavi, nunquam per Dei gratiam lecto detentus fui, mediocriter tantum valui, laboribus tamen invigilare potui, nisi quod per vices lassior & quandoque ad negotia subcunda solitò fuerim segnior, ita ut ante septimam horam mane somno meo detrahere nihil potuerim, neque adhuc magno meo cum incommodo & remora in negotiis possim, quod certè vel solum sufficiat mihi instar magni cujusdam morbi esse, si vel maximè reliqua se bene haberent. Quod si contingat, ut nidum tepesfactum deferere cogar, per totum sane diem lassus, tardus, mihi & aliis molestus & ad negotia gerenda ineptissimus; aliquando etiam insuper subtristis, ut plurimum alacritate sucta destitutus, morosior, & cui conversatio aut verba proferre molestiæ sæpe est, cum alias bene constitutus affabilitatem & jocosam em. Ita animo sum affectus.

Jam de corpore videamus, verbo: Totius corporis extenuatio, & atrophia sic fatis apparet, qui præcipuus scorbuti est effectus; ob quem Medicam manum quam maximè exposco; cum tamen non ignorem, quod cum omnia symptomata unam agnoscant in me originem, sublata illa simul omnia tollantur: Licet nullus dubitem, quin naturali corporis habitui hic aliquid sittribuendum, quia & pater meus & frater ad trigessimum usque ætatis annum macilenti admodum fuerunt, successu autem temporis post trigessimum annum cum ipsa ætate acquisiverunt, & parens quidem etiamnum viribus integris, vegetus, carnosus, alacris, quamvis septuagenarius. Hinc mihi



mihi cutis atque ossa sum miserâ macritudine, facie Hippocratica, macilentum ore, genisque, naso acuto, caro flaccidior, cutis arida, totus exuccus & exsanguis; & sensim aliquid detrahi corpori meo animadverto, sine dubio job defectum boni nutrimenti & viarum ubique obstructions. Quæ me ratio movit, ut *in calibatu hætenus vixerim* & adhuc vivo, ne planè ad incitatus me ipsum redigerem.

Inter reliqua indicia, quæ tamen ex eodem principio dependent, sunt internus & exsiccans, uti videtur, calor, etiam in vola manuum, non tamen post cibum, uti alias solet in cognatis morbis, sed potius extraordinarius & non statis temporibus; modo diutius modo breviter, jam per horam unam vel alteram, per diem, jam per quadrantem, imo horæ momentum; nunc post tres vel quatuor dies, nunc post octiduum & longius, nunc planè non, nunc iterum frequentius, plane ad Naturam Phlogosis cujusdam. Aliquando phlogosis adest debilis, aliquando cordis palpitatio, profundus gemitus, pressiones leves circa Mesenterium & Diaphragma, *dolores leves in Hypochondriis* & circa renes; Lassitudo membrorum levis, præcipuè in flexuris, &c. involuntarius motus in musculis, quibus subcutanea caro sese hinc inde contraheret, aut sanguis guttatim sæpe vi penetraret. *Cacochymia* & *summa debilitas stomachi*, *defluxiones catarrhorum salis* ad fauces, aliquando ad pulmones; pustulæ scorbuticæ in facie, aliquando *levis Tremor manuum*; imbecillitas oculorum; Inquietudo & Jactatio nocturna, somnia quietem turbantia; convulsio levis, seu defectus sensationis in pedibus, quasi intermortuis, imprimis si vel non suffulti dependeant diutius, vel lumbi & suræ inter sedendum nimis premantur, aut manus sororio nexu noctu capiti imponantur, quem effatum an nomine spasmi particularis recte exprimem equidem ignoro; *Dentium dolor* & *Genarum tumor*; *Defluvium* rarum tamen & vix aliquot *pilorum* alternis diebus in superciliis & secretioribus naturæ locis, cum leviusculo pruritu: raræ pollutiones nocturnæ.

Cæterum, & frigus & calorem externum intensiorem, adde & motus vehementes ægerrimè fero, & quo me liberalius præter morem cibus replevi, eo plus sentio incommoditatis, partim quod stomachus aggravetur, partim quod sanguis sine dubio plus chyli & quidem non bene cocti, crudique acceperit, quam per vasa obstructa transmittere potest. Verum enim veterum Brocardicum invenio, quod quo *magis impura corpora nutrias, eo magis noceas*.

Alvus tamen nihilominus ordinariè (secus enim fit quoties medicamento utor) bene respondet; & urina sic satis propellitur, quæ ut plurimum colore citrino, rarius rubenti & saturato; rarissime turbida, licet nunquam non fabulo scorbutico (proprium enim nomen inter Medicos usitatum memoriæ non occurrit) referta, quod matulæ aut vitro, uti fieri solet, adhærescit.

Ab aromatibus, à salsis, muria conditis, acidis, fumo induratis, suilla, vervecina, anserina, & quæcunque catarrhos movere perhibentur, hætenus quoad fieri potuit, abstinui. Vini usum non planè intermisi, quem an approbes scire aveo. Ast sublimata vina, spiritus vitæ & destillata fortiora



potius stomacho gravia esse videntur & massæ sanguineæ molesta quam quod quicquam proderent. Uti & Tabaci usus tantopere alias scorbuticis commendatus justo mihi acrior & naturæ meæ (in hoc nimirum morbido statu) planè adversatur : qui fortassis in posterum proficius esse potest, si prius acrimonia & internus calor remiserint Medicamentorum ope.

Verbo : Diætam non quidem adeo strictam, utilem tamen pro viribus, quantum scio, , observavi, quæ uti conjicio, me hætenus servavit maximam partem, ne in pejus conditio mea mutaretur, ut adeo huic plus tribuam, quam omnibus adhibitis frustra eis Medicamentis.

Hæc sunt quæ in præsentia sese offerunt indicia; ob quorum multitudinem me pro derelicto habeas nolim, quia non eadem omnia sunt gravia aut æque prægnantia; commemorare autem ea ideo debui, quod sint ejusmodi, ut de morbi natura tibi constare eo facilius possit.

Nuper cum circa finem Novembris, anni superioris commentarium tuum de Scorbuto & Podagra legerem, in quibus Theæ, lactisque potum ad curandum scorbutum magnoperè commendas; ego sane quovis mane ad finem usque Januarii anni hujus Theæ potui ad modiolos ( *Kopjes* Belgæ vocant ) quinque, sex, vel septem adsuescere studui; sed cum sentirem, quod & alvum adstringeret plus justo & plurimum corpus exsiccaret, credidi è re mea futurum ( ut scil. corpus nutrire, si utrumque conjungerem, confundendo scilicet lac vaccinum coctum & aquam calidam Theâ imprægnatam. Et quamvis initio res succedere videretur, observavi tamen superiori hebdomade, quod non modo ex potu hoc lacti mixto stomachus vitium aliquod & debilitatem contraheret, sed & quod aliqualis exæstuatio & turbatio in massâ sanguineâ inde oriretur: inde cepi mecum judicare, obstare fortè materiam, uti loquuntur peccantem, nimirum acrimoniam salsam & acidi corrosivi salis copiam, indeque resultantem in omnibus corporis partibus & visceribus obstructionem, quo minus hæc, aliis instar Universalium salutaria, mihi soli nondum, nisi evacuato prius pestifero illo acido Tartaroque, aut saltem simul adhibitis aliis medicamentis, proderent.

Cumque doceas omnem curam primariò absolvi *alcalibus fixis & volatilibus* ( quorum nihil hætenus adhibui unquam ) itemque Aromaticis & Martialibus; & insuper duplex scorbuti genus, calidum & frigidum constituas, quod utrumque diversa sibi medicamenta exposcit; in dubiosum an non de utroque scorbuto de uno plus, de altero minus participem. *Frigidum* enim contraxisse me ex vita sedentaria nemo negabit. *Calidum* autem ut suspicer, si quæ causa subest vino rhenano & febris ardentis, qua ante triennium circiter laborabam, reliquiis ( quas ex interno subalterno calore judico ) ea erit adscribenda. Hic aqua hæsit mihi; nam neque certi quidquam definire licuit, neque te inconsulto præscripta in *Tractatu de Scorbuto* medicamenta mihi applicare, aut alios Medicos, qui licet *videant meliora, probentque, deteriora tamen sequuntur*, in consilium adhibere tutum satis visum est; præprimis §. 21. Cap. V. *Sal aliquod volatile Antiscorbuticum & sal volatile oleosum & alia per te composita Medicamenta tanquam universalia in quovis scorbuto de*



debitis encomiis efferas passim, quorum descriptionem nullibi inscriptis invenire potui : quæ quidem ratio me non minimum movit, ut tuam mihi opem & consilium expeterem.

Hæc autem hætenus, vir longè celeberrime, latius & tædiosius omnia quam fortè oporteret deduxi, stylo minus convenienti, trajecto & inordinato prout memoriæ sese quodlibet obtulit. Oedipo fortassis alicubi opus est. Sed pro divino tuo ingenio facile divinabis mentem meam, terminis non satis medicis, nec secundum artem appropriatis, prolata. Prolixitati autem omnino veniam dabis. Nosti enim ægrorum vel saltem non recte valentium ( imo eruditorum brevitati alias maximè studentium, in eo enim æque homines sumus, nec humani quidquam à nobis alienum putamus: ) mores, Tibi quotidie non sine tædio obvios, qui nisi quam longissimè omnia minutim, ab ipsis morbi incunabilis recenseant, quidquid ullo modo corradere possunt, nihil rectum putant; præsertim quos absentes Medicus non intueri, aut penes quos brevibus quæstiunculis morbi naturam expiscari haud potest; cum tamen alias vel leve indicium fecisse, experientissimo Medico sufficere possit : unum cognoris omnes noris.

Ut ergo lectis, perspectisque literis, & morbo primo, statim intuitu satis dijudicato, methodum & designationem aliquam Medicamentorum sumendorum; an scilicet purgantia præmittenda & quo ordine succedere debeant reliqua; quæ diæta simul circa cibos & potum, motum & quietem &c. observanda; qui cibi maximè nutrientes & humectantes, quibus quam maximè opus est; an vini, aut Theæ, aut ( si vinum intermittatur ) lactis usus simul cum Medicamentis concedendus, & quæ huc pertinent reliqua, *tribus verbis* pro more sic dictarum formularum ( vulgo *Recepten* ) una cum dosi schedulæ inscribas, idiomate Latino, & in primis *sal volatile Antiscorbuticum*, & si quæ alia specifica manu tua præparata, naturæ meæ quam maximè convenientia præ cæteris deprehendes; Ea ut ad me, quam primum per graviora negotia fieri potest, transmittere non graveris, ea qua par est observantia à Te quam enixissime peto. Instante enim vere, quod tempus morbis evacuandis commodissimum censetur, omnem lapidem, adjuvante Divino Numine, movebo, Te Ductore & Doctore, periculum facturum, quid valeant vires nondum per Dei gratiam planæ prostratæ, quid ferre recusent. Constitui enim mecum, hujus æstatis maximam partem curæ ex tuo præscripto impendere & simul negotiis, impetrata prius ad id venia, me subducere, ut debito corporis motui plusculum dare possim.

Meum erit, si prospere omnia & ex voto successerint, Deo æternas laudes, Tibi vero perennaturas grates cum fænore persolvere, ut & animo & re ipsa atque remuneratione, quam gratissimus reperiar. Servet te Divinum Numen multorum salutis & solatio, multorumque emolumento! Servet te Orbi literato & saniori Philosophiæ! Servet Te Nobilissime Medicina, ut & ipsa per te fervetur! Servet te mihi! ut per te, Divina annuente gratia, vivam & vivant innumeri quorum interest Te vivere! ita



nominis tui celebritas, nova indies & non intermoritura Capiat incrementa  
Sic divinæ Te commendans protectioni foveat.

Hamburgi,  
d. 3. Mart. Styl. Vet.  
Anno 1691.

Celeberrimi Nominis Tui  
Submissus Cultor  
N. N.

J. V. Doct. & Consiliarius Regius.

Eorum quæ nobilissimo huic viro rescripsi, hic non repetam, cum brevitati studeo & quæ ad scorbutum, ejusque symptomata &c. pertinent in superioribus satis superque explicata sunt. Indicabo tantum quæ ei utendum dedi. Præscripsi pilulas ex Gummi Ammoniaci, assa foetida, Vitriolo Martis, oculis cancri & Elixire proprietatis: Hisce enim sæpe in scorbuticis obstructionibus feliciter utor, valde incidunt & acidum temperant: Sumebat duas matutino tempore & totidem vespertino. Inter cænandum & prandendum ipsi dedi liquorem meum Martialem guttatim in vino sorbendum: post menses duos plane restitutus fuit.

Hic casus Aquis grano mihi missus in hunc modum:

*Expertissime Domine,*

Alia.

**F**Ama percrebuit ad nos usque de tanta dominationis vestræ Eruditione & Experientia in curandis morbis etiam inveteratis ac obstinatissimis, ut mediante qui me immeritum honore favoreque tuo prosequitur, an sim, confisus totaliter in bonitate ac clementiâ. D. V. hisce obsecrare, quatenus super meo morbo, hic, ut sequitur, descripto, mentem suam adaperire, consilium, remedia, vitæ regimen mihi præscribere non dedignetur, ut vel sanitas infirmata à viginti plusquam annis restitui vel saltem levare valeat. Vestro mediante patrocinio.

Sum Ætate provectus inter 42 & 43 annorum, & quidem à viginti annis correptus seu affectus dolore *sinistri lateris*, studens in Jure nimis Lovanii. Ab hinc gravitatem fere semper sensi ad illam partem inferius; deinde successit *dolor circa pectus cum frigore*, ad eandem lævam seu sinistram, ita ut hodie ad ignem calida linteamina continuo applicare debeam.

*Cerebrum* mihi est admodum *humidum & frigidum*, continuo spuens aquas seu *sputa acida, salsa &c.* quia stomachus nil coquit.

Quidam ajunt meum dolorem consistere in splene seu liene (uti Doctores, quos in Gallia consului.) Alii malum dicunt Hypochondriacum, eo quod sæpe etiam Melancholiâ divexer. Quidquid sit de nobis, in re saltem verum est & clarum, quod in totâ parte sinistrâ valde dolorosa & debilitatâ, *boatus, venti strepitus* continuo edantur de nocte, potissimum, uti etiam de die quandoque ventrem quasi inflatum infra commoneo, nec non creberrimè accidunt *eructationes*; mane jejuno adhuc stomacho, quæ cum eveniunt & exeunt, leniunt aliquo modo dolorem pro aliquot momentis,



tis, aquis Spadanis sæpe iteratis, nec non balneis dulcis aquæ, & semel Aquensibus usus absque magno solamine, calidas semper habeo manus & maximè post pastum, & de nocte vix audens me attingere, quin impedire mihi videar sanguinis circulationem; ita sc. sanguis crassus, densus, seu spissus mihi adest in corpore & in venis valde tumentibus & inflatis.

*Sanguine sum repletus nimium ac spermate & viscositate*, ita ut cum possem emittere solamen quoddam sentiam; hinc per nares sive *fonticulos* aut cauteria quæ habeo tria, unum ad brachium dextrum, necdum ab annis duobus positum, in ordine ad divertendum humorem noxium cadentem ad latus sinistrum. Secundum cauterium à quindecim annis mihi de consilio Medicorum positum supra genu tibiæ sinistrae ob dolorem lienis cum Melancholia mixtum, ex quo sæpius emitto centenas sanguinis guttas, & tunc affertur levamen aliquod dolori & humori Melancholico ad sinistrum latus residenti. Tertius fonticulus à tot annis pariter positus in collo ratione acidi & falsi humoris cadentis mihi ad pectus sive ad pulmonem & pro hoc ab aliquot diebus incæpi *fumare* salviam, Rosmarinum, Grana Juniperi & Folia Thee, ad ejiciendas aquas per os: quo & ad hoc mihi salubrem fore confido fumum istum, quid videtur.

Notandum quod in *æstate* magis adhuc languéo & crucior Melancholiâ, quam hyeme.

Quotidie per annum Medicus hic sumendas ordinavit *Chinæ radices*, in cerevisiâ, aqua & jusculis meis ad dulcificandum sanguinem acrem, vetuit pisces, sed sumendas quotidie carnes, pro viribus restaurandis præscripsit; & quia maxime abundo viscositatibus pituitosis & glutinosis, quia ex eunt per salivam, urinam, aliisque corporis meatus: & mihi loco aquarum spadanarum seu acidularum, mihi præscribunt quotannis remedium ex chalybe, dictum Magisterium Martis Minsichtii juxta præparationem Anglorum quod à quatuor mensibus sumpsi spatio trium mensium usque ad natalitia vel circiter idem resumpturus denuo infra unum alterumve mensem ulterius opus est.

Ut D. V. informetur funditus de meo morbo, opus est scire quod à duobus circiter annis mihi ex se ipso advenit *Species Herniæ ventosæ varicosæ*, fortè humorum, non scio: defectu apparatus circulationis sanguinis seu extravasati, nominant Gallicè *Cirsocèle*, & hæc cadit quidem in scrotum & partem virilem, uti etiam ad tibiam sinistram usque ad genu, ibi apparentibus tumoribus, nodositatibus, acuti dolores, uti, ictus gladii volitantes ad partes illas versus sinistrum latus, præsertim ad brachium sinistrum & quandoque etiam quamvis rarius ad dextrum brachium *Stupores* sentiam: & ante sumptionem Magisterii Martis habebam etiam de nocte suffocationes.

Quandoque *Hæmorrhoides* habui quæ fluxerunt, sed rarius, quod si magis fluerent, ut dicunt Medici, per hoc multum alleviarier, si sanguis spissus foret magis fluidus; mane præsertim jejuno adhuc stomacho, & quandoque per diem frequentes mihi fiunt eructationes, & ferè semper sentio puncturas, dolores graves vel acutos in dictâ parte sinistra ad pectus, uti & frigus ferè



continuo ad pectus & dictum latus & sinistrum brachium, præcipue si sentiam minimum ventum, frigus, humiditatem, ita uttam æstate quam hyeme ad ignem, vel linteamina calida illic apponere debeam, vel sicut olim deberem fugare forte cum aquis vel spiritibus fortibus destillatis illam partem delinire. Apposui sæpe varia Emplastra ad pectus, uti Sylvii, Filii Zachariæ, sed cum modico effectu. Deberem adhuc habere penetrativum magis aliquod Emplastrum, vel quia sunt aquæ, phlegmata, viscositates, quibus aurificium stomachi gravatur, ita ut mane vix possim ex ore ejicere, quod habeam cerebrum nimis humidum, Salviam, Rosmarium, Folia Theæ (ut dixi) in modum tabaci fumando de mane expertus sum, sed illa non multum me juvant.

à Juventute tenera semper habui *sanguinem acrem* seu *salsum* & calidum, ideo obnoxius semper fui pustulis in facie, quæ ad octo vel quindecim dies durabant, cum aqua exeunte, ac deinde siccabantur & à cute decidebant ex se. Verum notandum, quod natus sim patre plusquam sanguineo & matre quindena, sicque complexione dispari. Hodie ergo cessant istæ pustulæ, sed sanguis meus est tam acris, spissus & non fluens, quod causet mihi continuam claudicationem pedis seu tibiæ sinistræ & scroti affectus supradictâ Hernia, ubi sanguis extravasatur, uti semper habeo nodositates & sentio puncturas & dolores redundantes ad pectus lateris sinistri, uti & ad humerum & brachium ejusdem lateris; uti & circa collum habeo glandulas & potissimum magnam glandulam versus sinistrum latus, & magnas carnis pruriges circa collum & sæpe alibi.

Ardorem quoque urinæ habeo, sæpe parum mingendo, nec non viscositates inde egerendo. Obstructionibus & ventositatibus in corpore adeo repletus totus, ut sit quasi ventus tota mea vita. Aliqui dicunt, sed vix credo, dolores istos volitantes stuporesque, quos sentio in membris esse *guttas volitantes*; alii melius, ut opinor, *Affectiones Hypochondriacas*, quia repletus sanguine corrupto, pituita, phlegmate.

In meis purgationibus valde modicis, quas capio (quia stomachus parvus & debilis) pono Rhabarbarum & folia senæ cum scrupulo salis tartari in infusione in aqua cichorei vel agrimonix. Utrum non deberem addere aliquot scrupulos Mechoacannæ, propter tot aquas, quibus abundo. Accepi acidulas seu aquas spadanas; aperiunt quidem aliquo modo lienis obstructionem, sed nimium frigidas reperi: per decem annos, quibus eas sumpsi ratione stomachi & humoris frigidi cadentis ad pectus & brachium sinistrum, aliqui consulebant calidas aquenſes per octo dies, quæ purgant pituitam, sed non fui ausus ob stomachi periculum multum per pharmaca debilirari, & quia ex dictis aquis multi pereunt.

De nocte addam quod cum expergiscor post unius horæ somnum, cum debilitate & punctura circa cor & suffocatione sentio aquas salſas & sputa acida, quæ ad os & oculos decidunt: Et membrum virile experrectus sentio esse tensum involuntariè. Abundo spermate. Aliqui dicunt esse mihi corruptum sanguinem latentem inter pellem & carnem, qui mihi tot pruriges hodie, olim pustulas causabant in facie, hodie ad occiput & circa collum aliasque sæpe partes; nec non quia  
male



male assuetis raptim nimis comedere; idcirco tot eructationibus, obstructionibus & ventisum repletus; nil obstante quod non comedam legumina, salitas porcinas carnes nec acetum. Sed bene indies cichorei radices, quia semper constipatus, si nihil aliud quam carnibus & jusculis utar.

Capio spiritus volatiles cochleariæ, & nasturtii aquatici. Aliqui negant ideo meum sanguinem esse corruptum, sed me abundare, quia est sanguis meus satis ruber, dum exit per fonticulos, ut sæpe facit; nescio ergo unde sim tam miser ab humoribus & doloribus acutis in genu, brachium sinistrum, tibiam & virgam decidentibus: & me continuo ferè lancinantibus & divexitibus & quia sum etiam tam magnus sputator, posset saltem mihi præscribi aliquid familiare singulo mane sumendum ad expectorandas aquas illas viscosas, de mane mihi adhærentes in gutture & stomachi orificio, quibus abundo velut torrens aquarum multarum. Licet non comedam nisi carnes prius affatas, deinde minutim adhuc scissas & frixas cum racemis passularum corinthiacarum frequenter. Hæc ille.

Ad omnia specialiter huic Epistolæ non respondebo, sed breviter cum curatione dicenda mea constringam. Clarissimus vir à juventa acriter studiis insudans, vitam egit sedentariam, sine ullo corporis exercitio, hinc ob motus defectum chylus evasit acidus; succi alibiles facti viscidi, putrescunt, ni moveantur aquæ. Hinc sanguinis circulus irregularis, dolores, obstructions, flatus, & omnia illa Symptomata, quæ ab acidis, & viscidis succis expectari poterant. Ex regimine Doctorum liquet, quod præter Chalybeata, omnia adhibita succos sanguineos corrupisse magis, præsertim aquæ spadaneæ & aquensis usus. Quid efficiunt fonticuli alibi satis indicavi. Brevi Nasutulihi Doctores, magna loquentes, non intellexerunt sanguinis periodum.

Acidum hic erat domandum, viscidum incidendum & obstructions referendæ. Præscripsi ei *Æthiopem mineralem*, *Vitriolum Martis*, *Gummi Ammoniaci*, *Assæ Fœtidæ*, *Oculos Cancris*: ex hisce cum *Elixire Proprietatis* sine acido massa pilularum est pista, ex qua pilulæ pisi magnitudine sunt formatæ, singulis diebus tres devorabat, unam matutino tempore, alteram hora quarta pomeridiana, & tertiam cubitum iturus. Suasi deinde Corpus modicè quotidie ambulando exerceret: tunc enim promovetur Diaphoresis, ut succi acidi avolarent, & agitatione illa viscidi humores redduntur magis fluidi; & pilulis his obstructions viscerum deobstruuntur.

*Scorbuticus quidam violenta morte obiit.*

**I**N ejus Cadavere, cultro anatomico, exposito, erat omentum putridum. Renalis glandula sinistra admodum longa & capax. In cordis Anatome. vena pulmonali valvulæ erant cartilagineæ. Prope falcem in capite erat excrecentia cartilaginosa pisi majoris magnitudine: Ventriculi lymphamadidi.



## CAPUT XVI.

## DE RHACHITIDE.

Rhachitis.

INTER Scorbuti Morbos infimum non habet locum RHACHITIS MORBUS, ut vulgo appellatur, *Anglicus*, Est Scorbuti species, & quia infantes & pueros majori Symptomatum pompâ invadit, ideo quæ in puerorum morbos recenferi solet. Post mensem à nativitate sextum primo animadvertitur, atque accrescit ad annum ferè tertium; atque sic duos annos postquam sex menses nati fuerint hoc morbo vexantur: quia postea partes solidæ stabiliiores fiunt, imò cranii futuræ sunt invicem ferè concretæ: atque sic illa symptomata, quæ vulgo observantur, non ita animadvertuntur.

*Signa* five Symptomata sunt plurimarum partium mala conformatio. Caput enim multo majus est, quam sanis solet: & per consequens facies longè, quam alias, plenior apparet; adhæc acutioris & exactioris ingenii sunt & judicii, quam alii longè adultiores sæpe solent. Partes carnosæ sunt laxæ & flaccidæ: Cutis est laxa; crura curva & inflexa; circa articulationes nodi & articuli lati fiunt; etiam gibbi sunt, quia spina dorsi incurvatur. Pectus fit angustior, verum sternum acuminatur. Extremi costarum nodi fiunt nodosiores. Alvus tumida & inflata.

Cadaveribus inspectis, Hepar justo majus invenitur, & tantum jecur, sed omnia viscera solito majora sunt: Ventriculus quippe & intestina, quam vulgo solet, tument. Sic Mesenterii glandulæ ordinariam longitudinem maximè superant, & sine dubio obstructionibus obnoxia sunt. Pulmones obstructi sunt & tumidi, etiam glandulis conspicuis pleni, pureque referti: aliquando cohærent pleuræ: vasa sanguinea ampla sunt & tumida: cerebrum bene constitutum est, præter quod solito majus sit; porro ad motus & exercitia admodum tardi sunt, ideoque sedentariam vitam amant, & insidere circumgestantium lacertis. Corpus enim & Caput nimis gravia fiunt, hinc à cruribus imbecilibus sustentari nequeunt.

Partes illæ quarum nervi è cerebro originem trahunt, meliorem habent constitutionem, nam plus debite nutriuntur, quam quæ à spinali medullâ accipiunt, nam illæ ferè contabescunt, saltem multò magis læduntur. In partibus sanis, vel saltem quæ ita videntur, vasa sanguinea præter modum magna sunt: at in illis, quæ perparcè nimis nutriuntur, angusta admodum.

Nullus Authorum *Rhachitidem* tractantium in causis inquirendis mihi satis fecit. *Causa* itaque videtur consistere in quodam succo nervoso, qui pro variâ particularum constitutione facile & copiosè cerebri systema irradiat, non vero Medullæ spinalis; hinc mihi videtur esse quædam *Medullæ Spinalis Paralysis*, quæ non perfecta est, sed pro parte.

Sed quare materia tam facile tamque copiosè cerebrum pertransit, & cur etiam



etiam non obstruitur? quia cerebri glandulosi acini poros habent multo minores, nam spiritus è cerebro venientes sunt multo tenuiores, quam qui medullâ spinali egrediuntur: qui enim artuum motui inserviunt, tantâ tenuitate non indigent ac viscera interna: quidquid quoque crassum ad cerebri glandulas defertur, cum refluxo sanguine, aliisque succis facilius & citius revehitur, quam è medullâ spinali. Sanguis quoque purior & viâ breviori ad cerebrum è corde defertur, quam è cerebro in medullam spinalem ad sacrum os usque effertur. Non ignorandum quoque est, ex humoribus lentis, & viscidis symptomatum myriades provenire, quia solummodo à variâ succorum proportionem dependent: generalis enim incrassatio ab acido ortum habet & à viscido, & quod morbus hic magis ex viscido proveniat, quam ab acido ex symptomatis satis patet; ad me quod attinet, potui mihi in hisce causis satisfacere.

Partes nunc, quæ à succo cerebri irrigantur, melius videntur nutriri, quam cæteræ, quæ à nervis spinalis medullæ dependent. Certum est, quod omnes partes, quæ debito modo à succo nerveo expanduntur, etiam sanguinem, cæterosque succos, possint promptius transmittere: Pars enim rectè nutriri nequit, si à debitâ succi nutritii quantitate frustratur; non tantum ob illius influxum, sed quia parti calor denegatur; hinc neque nutritur, neque calore fovetur, sed flaccida & marcida redditur. Hinc influxu illo & expansione denegatis, vasa quoque minora sunt; è contra in hisce partibus, ubi nutritio ultra modum fit, vasa magis expansa & majora sunt. Sit ut sit, ex symptomatis satis apparet, nutritionem esse in ejusmodi corporibus inæqualem, & cerebri substantiam melius valere quam medullæ spinalis: & si eadem medulla non esset obstructa, certè æqualior perageretur nutritio. Verum, non obstructio cerebro, sequitur, partes à cerebro, dependentes, melius inflari ac nutriri: & quoniam illæ partes succum etiam cerebralem, qui alias spinali medullæ impenderetur, separant, ideo partibus à systemate cerebri dependentibus, etiam impenditur.

Hisce ita verificatis, mirum non est, Caput & faciem ultra modum extendi, atque viscera imi ventris tumescere eaque majora fieri, nam copiosè hocce succo irrigantur; cæteræ porro è contra partes, propter obstructions, eodem frustrantur. Et quamvis imi ventris viscera plurimos è medullâ spinali nervos accipiant, non minus tamen ab intercostalibus, cum cerebri nervis, communicationem habentibus, instruuntur: hinc est quod grandiora fiant.

Alii dicunt nutritionem tantum fieri inæqualem, & ego causam pono in expansione illarum partium inæquali, quid ergo dicendum? dico itaque nutritionem solummodo dependere à debitâ partium expansione: dissecto enim nervo, expansio cessat, pars marcescit & emaciatur, eodem modo ac arborum folia moriuntur, conscissa arbore; atque ea emaciatio & flacciditas duntaxat fit, quia succi nutritii affluxus cessat, cujusque ope alias folia expandebantur. Partibus itaque bene à succi nervosi affluxu expansis,



etiam illis regularis nutritio accedit: sin alias, succus nutritius tam largâ copiâ non afflueret.

Particulis hisce viscidis in pulmonibus hærentibus, facile obstructions pariunt, ex quibus glandulæ facile extenduntur, atque sic majorem molem acquirunt: & quia hac de causâ plurimæ particulæ succi nutritii à motu circulationis cessant, etiam facile in pus mutantur.

Incurvantur crura ut plurimum, idque antrorsum, præsertim tibiæ, & ossa cubiti, & ossium capita etiam sæpe extorsum extuberant. Sic costæ circa articulationes cum sternō nodos habent. Spina dorsi in gibbum curvatur, atque sic infantes nascuntur gibbosi.

Et licet Musculi debito alimento, ob diminutam expansionem orbentur, ossa tamen bene nutriri videntur, & à sanis crassitie & soliditate non differre. Qui ossium canaliculi tali à nervis expansione non indigent, quam partes carnosæ & minus solidæ, nam ossium canaliculi rigidi sunt, & minimè hoc modo expansibiles.

Sed quare ossa ita incurvantur, & cur non recta nascuntur ut in sanis? statim diximus ossa bene nutriri, ergo musculi, non nutriti, debitam longitudinem habere non poterant, atque sic ob parvitatem incurvabantur ossa, absque detrimento crassitie & ponderis. Illa incurvatio locum non tantum habet in ossibus longis, sed etiam in spinæ dorsi vertebriis, quæ partim extrorsum, partim introrsum incurvatur, sic gibbosi adolescunt infantes; atque illa incurvatio eodem modo sit ac statim de ossibus dictum. Sed qua de causâ ossa humeri & femoris non curvantur? quia ossa illa ab illorum musculis in æquilibrio continentur, itaque ab uno latere non magis gibbosa crescunt, quam ab altero: hinc est quare crassiora fiunt, & circa extremitates tuberosa; nam quod in longitudine non excrescit necessario in latitudine se expandi debebat.

Quod etiam Thorax angustatur, est quod musculi Hemiparalytici costas sufficienter expandere non possunt: huic etiam rei non parum abdominis musculi faciunt, Thorace hoc modo constituto, non mirum est pulmones pleuræ adnasci, & quod illi homines Asthmatici evadunt; nam eorum sanguis satis accendi nequit, quia pulmones pro parte à requisito aëre frustrantur, & plus expirant quam inspirant.

Quia nunc nervi, qui ex medullâ spinali proveniunt, musculos ritè non expandunt, est ex spirituum penuriâ, ex eo quia medullæ spinalis acinis glandulosis obstructis sufficienti quantitate non separantur; Exinde facile intelligitur, musculos etiam debitè non moveri: deinde non difficile intellectum est, quare infantes ad incedendum tardi sint: partes enim imbecillæ satis virium non habent, quibus corpus sustentetur.

Cerebrum porro, quo mediante, spiritus in copiâ separantur, causa est, quod viscera magis nutriantur non tantum, sed Judicio longè superent alios, quorum succus nerveus à cerebro & cerebello æqualiter dispergitur.

Et quamvis in opinione sim, adultos eodem morbo tentari verum sub alio nomine, tamen omnia symptomata non habent expectanda: nam quia



quia adultorum partes ad debitam soliditatem & expansionem pervenerunt, Amplius incurvari ac extendi non possunt. Ideoque est quod plurimi extenuantur, habentes faciem tamen satis floridam & vividam: & illos eodem modo esse obnoxios, mihi facile persuaderem.

Et quamvis infantes ab hoc morbo non statim enecentur, tamen non absimilis scorbuto est, qui aliquando tanta symptomatum pompâ stipatur, quibus facile, post longam extenuationem, è vitâ in mortem migratur. Infantes enim illi sæpe planissimè extabescunt, in Hydropem incidunt, &c. Hostes sane vix superabiles.

Animadvertitur hunc morbum periculum majus habere, si infantes ante vel paulo post nativitatem eodem obnoxii fuerint: spiritus enim, qui aliquatenus imbecilles hæc partes illustrant, nimis debiles evaserunt, ad partes infirmas debitè explicandas; hinc planè à succo alimentari nutrirî nequeunt, atque sic, post longam extenuationem, mori.

Causa itaque jam proposita, erat obstructio in glandulosis spinalis medullæ acinis: ideoque opera danda, ut obstructio dissolvatur: huic ergo rei maxime inserviunt *Salia volatilia & oleosa*, quia suâ volatilitate aperiunt: atque hæc sunt vel *Externa* vel *Interna*. Quia in visceribus multum pituitæ colligitur, purgare & vomere tutum est, ut saburra pituitosa elutrietur: ad vomendum grana pauca *Tartari emetici*, aut *vitrioli carulei* vel *albi* dentur: verum cautè incedendum, alias facile convulsiones sequuntur, quæ statim vix sedantur: ideoque si blandè purgantibus res peragi possit, ad Emetica confugiendum non est. Blanda purgantia præparantur ex *Mannâ*, aut *Prunis Catharticis*; vel præparatur ex *senæ foliis*, cum *tartaro rhenano* & *aquâ pluviali*.

Porro corrigendis spiritibus animalibus, dandum est *sal volatile oleosum*, quod constat ex *spiritu cornu cervi* & *aromatis Indicis*, sumi debet quotidie in omni occasione tam cum cibis quam potu. Etiam commendanda est *Tinctura ligni sassafras*, quæ singulis diebus sumitur. Deinde omnia *salia volatilia* hic utilitatem adferre possunt, ut sunt *spiritus & Flores Salis Armoniaci*, *Spiritus Cornu Cervi*, *Tinctura Succini*, *Croci*, *Castorei*, &c. *Ens Veneris R. Boilai*, constans ex *sale armoniaco* & *colcothare vitrioli*, quæ mixtura bis aut ter sublimatur; dosis datur à duobus granis ad sex. Simili modo juvât quoque *Elixir Proprietatis* sine acido, expellit enim omne viscidum, ut & vermes. Usus quoque *Chalybeatorum* domat omne acidum, deobstruit, & vim activam succis infert. In pulmonalibus morbis *Tinctura & flores Benzoin*, quia ex sale volatili oleoso constant, in usum vocentur. Prævalet tamen *Balsamum & Tinctura sulphuris*. Inter Euchresta, *Diaphoretica* adhibeantur; membra enim ad motum tarda hisce restituuntur, & diaphoresis augetur. Atque hæc fieri possunt ex alcalicis fixis, volatilibus & oleosis. Neque Diuretica sunt exulanda, quia non tantum motum sanguini restituunt, verum & pituitam expellunt.

Quoad externa *Balnea* institui possunt ex simplici aquâ calidâ; sed melius est, si herbæ quædam aromaticæ, flores, semina &c. incoquantur conveniunt quoque *fomenta* ex cerevisiariorum frumento excocto: hisce & simili-



bus materia impacta dissolvitur. Hæc omnia sæpius sunt repetenda, saltem tamdiu vires ferunt: vires enim sunt respiciendæ. Sic linimenta ex penetrantibus præparata, multum proffunt, & inter illa sunt *cerevisia Lupulata* (vulgo nobis *Jopen bier*, quasi *Hoppen-bier*) hac enim non tantum spina dorsi fricanda, sed & muscoli aliæque partes imbecilles. Porro linimenta fiunt ex oleo laurino, *Terræ, Laterum, Petræ, Succini, Terebinthinæ*, &c. hisce penetrantibus oleis, unguentisque solvuntur obstructions. Alia adhuc symptomata sunt fluoris alvi, sudoris inordinati, gingivarum doloris, quæ omnia curantur eo modo ut antea dictum. Neque hic fricationes sunt exulandæ, quia fricando, corpus quasi exercetur: tunc enim majori quantitate sanguis has partes influit. Incurvatæ tibię restituuntur fasciis ac ferulis, ut sensim in debitam longitudinem reducantur: ocreæ, ex corio non facile flexili factæ, hic quoque conducunt; sed aliquot menses gestari debent. Quoad gibbositates, illæ corriguntur Loricis ferreis, aut coriaceis, balænarum maxillis ab omni latere sutis, ut dorsi spina tempore in rectum situm dirigatur.

*Infans dentitionis tempore languebat. Adfuit à principio tussis molesta & spirandi difficultas, quæ indies increſcebant; caput solito majus erat: membra flaccida: carpi ac tarſi protuberabant; aderant nodi in costarum cartilaginibus; venter tumebat: pectus macrum fuit. Tandem emaciatus, obiit diem.*

Rhachitidis & respirandi difficultate laborantis, anatomica inspectio.

**A** Bdomine inspecto, cuncta sana, sed justo majora. Intestina aëre turgida. In thorace sternum reflexum, pulmones exucci & plumbei coloris. Mirum, membrana pulmones succingens aspera erat & protuberantibus, tuberculisque; verrucis non dissimilibus. Apertis pulmonibus, in plurimis locis tartarea seu gypsea substantia concreverat.

Infantem hunc ex diætæ vitio, sive cibi sive lactis, quo sugendo alebatur, *Rhachitide seu morbo Anglico*, laborasse certum est, cum omnia signa huic quadrant. Viscera in hisce symptomatibus, quæ nervos à cerebro accipiunt melius habere videntur, quam membra, quæ nervis ex spinali medulla gaudent. Causam genuinam in obstructione medullæ spinalis pono: quæ non quidem planè paralytica est, sed pro parte. Succienim nervosi talem particularum proportionem possunt habere, ut cerebri glandulas, ejusque nervorum origines facile permeent medullamque spinalem quasi obstruant. Hinc causa petenda, cur quædam partes nimium nutrantur, quædam autem flaccescant.

Incurvantur ossa, quia muscoli non crescunt, eodem ritu ac si funis arbori circa radicem & summitatem accommodetur, cum arbor primo esset recta, elapsis vero aliquot annis plane crescit curva: hoc modo etiam tota spina incurvatur, adeo ut *κρῶσαι* vel *λερῶσαι* laborent.

Ossium nodi protuberant, quia alimentum tenax ad nodos copia quidem affluit, sed propter lentorem altius in substantiam magis osseam non penetrat, ideoque intra ossium tubercula magis spongiosa subsistit, & protuberare facit.

Cum.



Cum spina ita contrahitur, thorax angustatur, hinc pulmones haud justè explicantur & ansem difficili respirationi præbent. Humores interim ibi stagnantes si particulis salinis scateant, crystallisantur, & calculosos pulmones efficiunt. Glandulæ enim minimæ, quæ pulmones perreptant, facile lentis & salinis humoribus obsidentur. Vidi sæpe calculos tracheæ adhærentes, qui unciam semissem & aliquando integram pendebant, ut dixisset totam tracheæ fistulam petrefactam fuisse, adeo calculosa erat. Ejusmodi petrefactio refert *Clariss. Theod. Kerkringius, obs. xxvii.*

Non mirum igitur in infantulo nostro pulmones ita inæquales fuisse tactu, cum calculi per ipsam membranam ferè protuberabant, hinc liquet cur respiratio difficilis fuerit. Aër enim ab hisce tuberculis excludebatur, quo melius succi petrefacturi crystallizando ansem habebant, quam cum moverentur: nullus liquor falsus crystallos mittet, quamdiu moveatur, sed duntaxat, cum quietus sit.

## XVII. C A P U T.

## DE ARTHRITIDE FIXA.

**A** R T H R I T I S, quæ fixam sedem retinet, est quædam obstructio circa <sup>Arthritis</sup> unum, duos, pluresve articulos, cum dolore, tumescentiâ, rubore, <sup>fixa.</sup> topis, aliisque symptomatis, certis aut incertis temporibus rediens. Hic afficiuntur membranæ, tendines, nervi, periosteum, aliæque partes ossium capitibus vicinæ, imo & ipsa ossa. Pro diversâ parte affectâ, varia etiam sortitur nomina; si manus nempe afficiuntur *Chiragra* vocatur; si pedes, *Podagra*; Genua, *Gonagra*; in ossibus ischiis, aut articulatione cum femore *Ischias* dicitur. Alii adhuc alias denominationes addunt, sed quia omnia illa nomina idem symptoma significant, non est ut super denominationibus disputemus. Fit casu vel ex hæreditario morbo, cum vel sine aliis morbis. Differt ab *Arthritide vagâ*, nam dolor hic est fixus eandem semper sedem occupans, in Vaga non item.

*Causa proxima* est succorum articulos percurrentium, quædam incrassatio, qua vascula permeare nequeunt, itaque quidquid per articulos ire nequit, cogitur subsistere, & paulatim acescere: succis hisce ergo acescentibus, partes membranosæ, tendinosæ, nervosæ &c. compunguntur & lancinantur, unde dolor intolerabilis. Deinde succis à tergo affluentibus, viamque patentem non invenientibus, obstructio augetur, & *intumescencia* oritur. Materia porro obstruens, ob alcali & acidum, aliquomodo incalescit, unde calor; & quoniam particulæ illæ non coalescunt, lactis in modum, in pus non convertuntur, sed paulatim ab affluentibus succis, materia obstruens dissolvitur & deobstruitur, atque sic sensim tumor evanescit. Verum si hæc non fiunt, effervescent materia acida cum partibus vicinis ex sale volatili constantibus, atque sic sensim Tophi generantur, qui maximâ ex parte ex ossium materiâ constant, eodem modo ut



Spiritus vitriol liquorem salis tartati concrefcere facit. Atque ea de causa *Luca Tartarea* à quibusdam appellatur.

*Externæ Causæ* non raro sunt frigoris injuriæ, & acidorum nimius usus, vini rhenani præsertim &c. hisce tenues succi condensantur; & quoniam membranæ & tendines eorum affluxu continuo irrigantur, etiam potissimum afficiuntur.

Periculo quidem vacat hic morbus, verum homines, quandiu in vivis sunt, iisdem doloribus sæpe torquentur. Tophi intra articulos nunquam curantur, aut rarissimè. Arthritis per hæreditatem contracta, incurabilis censei solet. Curata vel non raro comitem habet colicam passionem, aut Nephriticos dolores, Asthma, Paralyfin, spasmus, strumas, cancrum, &c. dicunt Arthriticos diu vivere, quia materia arthritica omne malum absorbet, unde alii morbi oriri solebant. Verè & autumnno ob aëris mutationes, ut plurimum, advenire solet hæc *Dea Podagra*. Durante Asthmate aut quartanâ febrî, cessat quidem dolor, sed postea etiamnum redit. Dolor iste nullibi vehementior, quam in cervice ac Lumbis, unde *Trachelagra* & *Lumbago*. Quia vertebræ continuo ferè moveri debent, cum alias articuli manuum pedumque possunt esse quieti. In principio quidem curatur, saltem curari potest, si altas non agerit radices: sed inveterata quam rarissimè curam admittit:

Trachela-  
gra, lum-  
bago.

*Principiis obsta, serò Medicina paratur:*

*Cum mala per longas invaluerè moras.*

*Hippocrates* loquitur Aph. 30. sec. 6. *puerum podagra non laborare ante Veneris usum.* Sed vidi puerum duorum annorum vel circum circa miserabiliter podagrâ & chiragrâ cum tophis, amissione & consumptione nonnullorum officulorum ex digitorum officulis, vexatum. Sed annotandum, matrem, cum ab eo gravida erat, multum frigoris circa manus & pedes sustinuisse.

Sanguis, succus nervosus, &c. iterum in pristinum statum reducendi sunt, ut nempe volatilizentur, nullibique subsistant. Deinde quidquid intra articulos impactum, dissolvendum, expellendum. Deinceps in paroxysmo dolores sunt mitigandi. Quidam primo paroxysmo instante, corpus purgant *Mercurio Dulci*, *Resina Jalappæ*, *Hermodactylis*; &c. hinc *Electarium Caryocostinum* ab authoribus præscribitur: purgans quidem non malum, si vires ferant, nam plurimum acidi & pituitosi ad intestinalem cloacam mittitur, atque sic sæpe à vehementi paroxysmo liberantur. Sed extra Paroxysmum, ea usui venire quotidie debent, quibus acidum domatur, & inter ea proximum locum habent ea, quæ ex metallis & animalibus præparantur. Est quædam præparatio ex *Jove*, *antimoniiregulo* & *nitro* quæ mira præstat: Hæc & similia extra paroxysmum sensim causam mortificant. *Salia volatilia oleosa* etiam sunt in usum vocanda: plurimos in *Germania* ut & in *Belgio* aliisque locis ab hoc morbo liberavi, sed *Diætâ* opus est exquisitâ. *Pilulæ ex Gummi Ammoniaco*, *Chalybeatis* &c. etiam multum præstabunt. Temperamentum est



est quoque considerandum, quemadmodum de scorbuto diximus, in uno sunt adhibenda oleosa volatilia, antiscorbutica, &c. ut diaphoresis corrigatur, atque pituitosum incidatur, inque motum intestinum & circularem ducatur. In alio denique sunt tantum adhibenda, quæ acidum & falsum domant: si temperamentum sit mixtum, mixta quoque danda veniunt.

*Externa* quoque sunt varia, vel ratione temperamenti, vel ratione præparationis. Quidam ferunt calida oleosa, alii non item. Præparationes sunt cataplasmata, fots, Emplastra, &c. Cataplasmata præparari possunt ex *Radicibus Althææ, Semine Lini, Hordeo, Farina Fabarum, Floribus Camomillæ, & Sambuci cum Lacte Dulci.* Aut lixivium sumunt ex *Sale Armoniaco, Sale Tartari & Aqua Pluviali*, quod linteis calidè parti læsæ circumvolvitur. vel

*Recipe Spir. Vini.*

*Aquæ Sambuci, ana uncias quatuor.*

*Croci, scrupulum semis,*

*Caphoræ,*

*Opii ana drachmam unam.*

Misce.

Æger sumat eodem modo, ut supra, vel

*Accipe Spir. Vini, uncias decem.*

*Salis armoniaci, drachmas duas.*

*Caphoræ, drachmas tres.*

Misce.

Lavamentum illud tempore datum, egregiè juvat.

Quidam partem affectam illinunt *Oleo Cerae, Oleo ex radicibus arboris cinamomii, Balsamo Sulphuris &c. P. Barbettus* fotum commendat ex *Vitriolo albo & viridi, Nitro, Alumine, Myrrha, Opio, Vino Gallico, Spiritu Vini rectificato, aceto sambuci, &c.* *Emplastrum Neurenburse* nonnulli laudant, ut & *Emplastrum de Sapone cum Minio, Gummi Armoniaco, Cerussa, Caphorâ, Croco, Opio &c.* aut cataplasma applicant ex stercore bovino, melle & vino. Valet hic præcipuè *Spiritus Rorismarini*, aut *Spi-* Moxa quid  
ritus Vini Caphoratus, & juvant absque emplastris, fotibus, cataplasmatibus, &c. urunt nonnulli locum affectum lanugine *Moxa* dicta, quæ est foliorum artemisiæ lanugo, scalpello à parte inferiori abrafa: sed novi in nostris regionibus illam ustionem sæpius fuisse institutam absque ullo fructu.

Expertiss. *Ferd. Gruwardus*, alibi citatus, cum omnia sint incassum tentata, sequenti modo locum inurit.



*Recipe* Mercurii præparati, *unciam unam.*

Arcenici,

Schoenanthi, *ana unciam semis.*

Euphorbii, *drachmas duas.*

Misceantur & coquantur in olla figulina oblongioris colli, bene obturata & tecta, cum spiritu vini optimi unciis viginti, per Balneum Mariæ, per horas tres quatuorve. Ab igne remota & clausa frigeant; deinde mappa vel pannus lineus parti affectæ (exceptis nervis, ligamentis & tendinibus) applicatus, præcedenti decocto cum linteo carpto tingitur; sic ignis è longinquo admovetur secundum ægri tolerantiam, donec vesiculæ excitantur; iis excitatis, evanescit dolor Ischiaticus, & vesiculæ digestivo communi separantur. Hæc ille.

Emplastrum quoque præparatur ex *saponis nigri* & *fellis bubuli* ana unciis quatuor. *Olei Olivarum*, unciis duobus, *aceti*, unciam unam. Coquantur in consistentiam Emplastri. Vel sovent partem musco sicco, quo naves ab aquâ defenduntur: quidam cum spiritu vini irrigant.

Pro tophis confringendis. *Emplastrum Mercuriale* præstat aut Cataplasma quidam applicant ex casco acri & putrido una cum lumbricis terrestribus.

Si dolor sit intolerabilis, locus affectus lingatur linguâ catuli: Anodyna cum croco intus dato: mihi est anodynum quoddam volatile, quod brevi tempore dolores compescit, tam intus datum quam exterius illinitum.

Alii sequens Extractum summoperè laudant. ut

*Recipe* Opii Thebaici, *libram unam.*

Succi Cydoniorum, *uncias octoginta.*

Caryophyllorum,

Nucis Moschatæ,

Cinamomi, *ana uncias duas.*

Post digestionem & filtrationem, evaporetur in mellis consistentiam; cui adde *Groci*, uncias duas. Misce. *Dosis* ad grana duo & tria. Extra paroxysmum quotidie decoctum sumatur ex *Salsâ Parillâ*, *Chinâ*, *Sassafras*, &c. & aliquando læsæ partes sunt spiritu vini calido fovendæ, ne materia obstruens concreascit. Salivationes nonnulli instituunt, sed res est non sine periculo.

Bremensem ante aliquot annos Podagricum, & simul Lue Venereâ contaminatum, à Lue per salivationem curavi, & quod mirum, nunquam postea podagricos dolores sensit. Vide quoque *Joan. Muys* obs. x. dec. vii.



## C A P U T XVIII.

## DE ARTHRITIDE VAGA.

**A**RTHRITIS VAGA dicitur, quia ab uno loco in alium videtur vo- Arthritis  
litare & vagari, ideoque fortè VARUS appellatur, quia loco variat. Vaga.  
Nihil itaque aliud est, quam obstructio quædam in partibus tendinosis &  
membranaceis, unde ingens dolor, qui ab uno articulo in alium videtur  
translocari. Aliquando circa articulos intumescuntiam parit, quæ tardè  
evanescit; & si aperiatur, materia quædam serosa & chylosa emanat, &  
levamen sequitur. At si non aperiuntur, aliquando magnæ & latæ oriun-  
tur maculæ, prima lividæ cum nigredine; quæ deinde in purpureum ver-  
tuntur colorem. Sed hoc semper non est, quia aliquando instar pulicum  
morsus apparent, primo rubræ, deinde purpureæ & denique nigræ: ex hisce  
aliquando oriuntur ulcerationes molestæ, quæ cancri instar continuò ac-  
crescunt, vel fistulas inducunt continuò effundentes.

*Altera Species* sine tumore est, verum non sine minori dolore ac prior;  
corpus macilentum est & extenuatum, cum tarditate ad motum, ut in  
scorbuto, *Tertia* non ab uno articulo in alium volitat, sed partem tan-  
tum unam occupat, sive manus sive pedes, digitos, cervicem &c. porro  
partes admodum calent cum dolore pungente; hæc semper non est, sed  
aliquando redit, at postea cum majori torturâ partem torquet. *Quarta*, py-  
roboroli instar ab uno membro in aliud moveri videtur: quia materia dolo-  
rem inferens aliquando soporem quasi inducit, sed uti canis dormiens, ex-  
perrectus iterum mordere incipit, ac ægros miserrimè torquet. Aliquan-  
do unicum patrem occupat, atque sic per omnes artus divagatur, præfer-  
tim tergum, lumbos, manus, pedes &c. sed priusquam progreditur,  
fixam sibi eligit sedem, & bombardam prius aliquot vices explodit, quam  
ulterius fulminat: nam ubi primo sedem fixit, ibi primo vehementer sævit  
ac furit, deinde tela ab uno membro in aliud sensim sensimque diva-  
gatur.

Præcedunt sæpe cephalalgia, capitis difficultas & vertigo, deinde dolor  
cervicis, spinæ dorsi & lumborum: deinde afficiuntur aliquando brachia,  
manus, crura, pedes: verum illi motus non fiunt subito, sed quidem  
omnes simul, & non raro per vices, vel in unicum locum continuò vo-  
litantes, vel in diversa, vel simul vel per vices: ita ut si cessat in loco  
illo sæpe in alio incipit: atque ita videtur ab uno membro in aliud migrare,  
quod tamen verum non est.

Aliud signum est, quando accipis vermem terrestrem vivum, & supra  
partem læsam suspendas, eodem modo sese contorquebit, ac si supra nitri  
spiritum, aut aquam fortem suspensus fuerat, quod indicat acidum ex loco  
læso evaporare, cujus particulis vermis torquetur, & in convulsivos mo-  
tus adigitur, atque sic moritur, modo momentum supra partem læsam ja-  
cuerit.



Si fuerit absque tumore, præter modum corpora sunt extenuata cum membrorum imbecillitate. Ast si tumor articulis adsit, ut plurimum maculæ oriuntur cum ulceribus difficile curabilibus. Dolor circa vesperam augetur, præsertim si noctu decumbamus, atque tunc sæpe intollerabilis existit, eodem ferè modo ac in Lue venerea. Etiam sunt cibi admodum appetentes, & tamen non fiunt pingues; adest aliquando febris erratica, ut in Arthritide fixâ quæ interdum non animadvertitur. Urina raro intensè rubicunda est: neque pulsus celer est, ut in plerisque morbis. Ut plurimum alvum adstrictam habent, nequientes per aliquot dies ventri satisfacere. Dolores comitem habent ardorem urentem & rodentem.

Signa continuò volitantis Arthritidis sunt, quod dolor non diu in principio eundem locum occupat, sed ab unâ parte videtur ad aliam vagari. Hicce accedit membri immobilitas, nisi ab alio membro illæso dislocetur. Quando continuò eundem locum occupat, tamen sæpe eundem citò relinquit, ac citò redit. Deinde morbus hic, (nisi inveteratus) tartaream non habet materiam, ut in Arthritide fixâ. Vagæ vulgo scorbuti signa adsunt, ut gingivæ sanguinolentæ, continua lassitudo, maculæ lividæ &c. Neque semper adest tumor aut color rubicundus, ut in fixâ Arthritide, sed interdum quidem, ut diximus, & interdum non.

Causam eandem agnoscit ac Arthritis fixa, & ab eâ solummodo gradibus differt: verum materia peccans paulo aliter se habet, nam in vagâ non æqualiter perfluit materia, ut in fixâ, in quâ per nervos sensim ad membra descendit; ast in vagâ per vices in membra ruit, quia particulæ quædam adsunt tenaces, quibus ille fluxus æqualis inhibetur: ideoque tantum per vices aliquid descendit: hinc paucum illud non diu in tali membro moratur, ast brevi evanescit: nam si materia obstruens in multâ copiâ esset, non tam citò ex parte obstructâ abiret; atque illud est, quare dolor sæpe tam subito oriatur, subitoque evanescit. Interim fit, materiam ex cerebro, medullâque spinali descendentem, etiam in aliam partem duci, ac quidem prior determinatio erat, illudque est, quod putant, ab hoc membro in aliud transferri, ideo *Vagam arthritim* appellarunt. Sed membranatim non vagatur, verum materia, quia aliquando impeditur, per vices tantum descendit. Materia enim illa ab uno membro in aliud remeare non potest, hoc est, è digito minimo in pollicem; & è manu in pedem, &c. hoc enim esset circulationi succi nervosi contradicere: sed fieri posset quod dolor primo sit in cubito, deinde ad carpum descendat, & digitos, quod circulationi contrarium non est: imo & podagrici illud sentiunt; ex cervice enim per humerum & brachia ad manus fluxionem sentire perhibent.

Alii circa articulos tumores sentiunt, alii vero non: causam aliam non agnoscit, quam quod in uno plures adsunt humores viscosi, quam in alio: hinc fit, quod ejusmodi humoribus in parte affectâ remanentibus, canaliculi obstructi expandantur atque intumescant: tumore porro aperto liquor emanat serosus aut lacteus. Ast si tantâ visciditatis copiâ non adsit, materia melius circulari potest, postquam suas partes egerit, ideo tumoris nullius vestigium remanet. Ast si tumores longæ durationis sint, maculæ produ-  
cuntur



cuntur diversæ speciei , quia succi ob tenacitatem debito modo in circulum duci nequeunt , verum hinc & inde moram trahit ; hinc primo macula rubra , deinde livida aut nigra , atque iisdem scorbutici non raro afficiuntur. Aliquando unicam sedem dolor obsidet , ut in luc Venerea non raro fit , quia rosione istius materiæ sæpe tota pars læditur , ac continuò aliquid vasibus emanat ; mirum itaque non est dolorem unicam tantum occupare partem , quia nempe ex eâ refluere nequit ; verum dolor veniens & recurrens , fit , ut antea dictum . Dolor aliquando fulminis inflar incurrit , nunc hanc nunc illam partem obsidens ; quia succus nervosus plurimas sibi adscivit particulas acidas cum multâ aquâ , quare tam citò non coagulantur , verum tardo transfluxu , mediante acido , pariunt in nervosis & membranosis partibus rosionem quandam , quas pertranseunt ; atque ita est dolor volans & cito currens , qui non est constans , sed quasi ab infernali fluvio affluens .

Inter causas externas meritò Aër censendus est , ut & Aqua , Potus , Cibus , Integumenta , Vita sedentaria , Exercitium perparcum , & quæcunque sunt huiusmodi . Si Aër , aqua , &c. nimium frigeant , Vagæ huic Arthritidi causa esse possunt ; Nam quemadmodum Arthritis fixa constat ex nimio acido , ita superfluum frigus vago huic morbo occasionem dat , quamvis acidum etiam à causis non est averruncandum : plurimas fæminas novi , quæ juventutis tempore , lavando , atque lintea contrectando multum frigoris ex aquâ rigidâ sustinere , & in adultâ ætate Arthritide vagâ continuò afflictæ fuerunt . Eadem res est cum illis qui sese tenui nimium veste cingunt , illi quippe infrigidantur , atque succi incrassantur , qui si adultâ ætate non satis sint tenues , tardius per nervos fluunt , ut dictum . In illis regionibus , in quibus solent nudo corpore incedere , ibi plaga illa maximè regnat . Imo apud ipsos Lapponenses , Finnonenses , illud malum maximè grassatur : verum apud illos non item , ut apud nos , quia illi sobriè magis vivunt , quam nos , & à teneris frigoris injurias affluunt , ideoque consuetudini aliquid concedendum . Præter aëris frigus , nimia corporis denudatio venit , præsertim tempore frigido , nam diaphoresis inhibetur ab aëre nimium frigido , quâ de causâ succi in externis cutis glandulis condensantur & minimè evaporantur : quod sentit tenerrimarum virginum sexus , sese , ut essent junceæ , perparcè amiciunt : sic etiam quæ & collo & mammis nudè incedunt , adultiori ætate pænas luunt . Tempus in quo morbus hic maximè vagatur , est vernum & autumnale , in quo sanguis & succi plurimam mutationem sustinet : rationem dedi cum de Arthritide fixâ mihi sermo erat : fixa enim & vaga , sunt quasi maritus & uxor , gradibus tantum differentes . Sed quare materia tophacea intra articulos non concrevit ? dico in Vagâ Arthritide tantam materiæ copiam simul non congregari ac fixâ , atque prius per vias debitas revehebatur , quam partem quandam corroserat : nam in fixâ partes corroduntur , præsertim tendines & nervi , & deinceps periosseum & ipsa ossa ; quibus ab acido corrosis , calx concrevit : deinde in fixa major acidî quantitas est , ( nam ipsius causa acidum est ) quamvis in vagâ acidum etiam suas partes agit .

Neque Vaga , ut & fixa periculum nullum habent ; neque diuturna , intermittentibus vicibus rediens . Si negligatur , aut debitis inediis non tractetur ,



non tantum aliquot menses durat, sed annos. In cervice & dorso periculofior quam in quâvis externo membro : quia facile exinde paralyfis oritur, deinde per intercostales nervos communionem cum visceribus habent. In ischiis non facile curatur ; quia media externa parum juvant : deinde facile femorum muscoli paralyfi afficiuntur, unde ambulatio & incessus mutilantur. Vere citius quam Autumno aut circa hyemen subjugatur ; quia veris calor potentior est, quam autumnii aut hyemis. In senectute & viribus deficientibus difficilius curantur, quam in ætatis vigore & ipso flore. Etiam fœminæ rarius viris curantur, debilitantur enim nimis à menstruo fluore.

Intentio curativa *primo* est, ne redeat paroxysmus, vel saltem ipsius torturablandior sit. *Deinde* si ægrum affligat, ut ipsius vires decurantur, & initior fiat. *Tertio*, Hostis planè profligetur, atque ipsius vires extirpentur. Diverti itaque hostis debet machinamentis optimis, ne ad suum propositum redeat, interim præterlabitur anni tempus : primo *Purgantia* prioris generis sunt tormenta bellica, sed hoc malum est, nam vires patientis exhauriuntur, & hostis fit fortior : ergo tantum lenia sint oportet & blanda, quibus multum pituitæ & acidi sensim egeritur : atque hoc faciendo ab alimento suo semine privatur. Nam si vires exhauriantur, ægri debilitantur, quibus debilitatis, malum diuturnioris est durationis. Et si multum in acidis corporibus purgetur, facile Hypercatharsis expectatur, atque sic in vitæ discrimen ducuntur ægri. Tutius sine purgantibus ac Phlebotomiis restitui solent, hisce enim arietibus corpora facile phthisim, Tabem, Hydropem, &c. incidunt Hydramque secant. Si quis interim velit blandè purgare, saturantia præcedant oportet : inter hæc blanda sunt *pruna*, quibus ob particulas leniter pungentes, intestina sine molestiâ irritantur. Vel præparetur aliquod *Elixir* leniter alvum movens : ex radicibus *Jalappæ*, *Cardamomo*, *Cinamomo*, *Caryophyllis*, *Vino Hispanico*, &c.

Remedium secundum est *Vena Sectio*, quâ doloris paroxysmus pro parte quidem avertitur, sed causa non tollitur. Neque, ut putantur, *Fontanelle* hic nihil boni conferunt, neque *Setacea*, quæ causam non expellunt.

Sed *Fricationes* linteis calidis mane ac vespere approbo, quia succi tardigradi hoc modo in fluorem & circulationem ducuntur, ut novi nempe & recentes priorum locum occupent. hoc itaque modo non tantum sanguinis periodus acceleratur, verum particulae magis ad invicem fricantur : hisce promotis plurimum acidi per diaphoresin expellitur, qua rectè procedente, corpus à tarditate & segnitie liberatur.

*Diuretica* hic etiam non sine fructu sumuntur, quia per urinæ promotionem, etiam non parum acidi elutriatur ; sic etiam visciditates attenuant & inciduntur. Per urinam nihil melius expellit, quam quidquid aquosum & humidum, ut potus Theæ & Caffæ nam aqua frigida, ob frigiditatem noceret, præsertim inassuetis verum calor attenuat. Attenuato itaque sanguine, aquosum facilius cum particulis falsis & acidis renum poros permeat : idem lac calidum ; aquam habens admixtam, præstat. Præterea quædam reperiuntur Alcalia, quibus sanguinis mixtura dissolvitur, ac superfluum aquosum præcipitatur : sed si aquosum deficiat, tum diureticum sæpe mutatur.



tatur in sudoriferum. Neque *sudorifera* sunt spernenda, quia diaphoresin necessariam promovent. Inter ea principem locum habent *China*, *Salsa Parilla*, *Guajacum*, *Sassaparas*, *Contrajerua*, &c. Porro *Antimonium Diaphoreticum Bezoardicum Minerale*, *Spiritus Cornu Cervi*, *Salis Armoniaci*, *Crocus*, *Cinnabarinus* &c. huc referuntur quoque *Antiscorbutica*, ut & *Temperantia*: ne chylus in primis viis accescat ac corrumpatur.

In *Dieta* se abstinendum ab omnibus frigidis, aer domi siccus sit & aromata olens. Cibi sint Eupepti, pariter & polytrophici, acidumque ac pituitam domantes; eorumque incrementum inhibentes. Modicè vinâ fumantur, ex uvis maturis pressa, & ab omni tartaro mundata. Sorbeatur quotidie Theræ potus aut Coffeæ. Cerevisiâ sit recens ex optimâ aquâ & binâ parata. Exercitia sint modica, ut & dormire & vigilare: viæ excretrices apertæ ferventur: Venusque lusus ne modum superet. Animi pathemata quoque vitanda.

In ipso quoque paroxysmo solamen est adhibendum: itaque dolor est profligandus & intumescencia quæ interdum comitatur. Neque purgantibus, neque venerarum tusionibus curatio est instituenda. Adhibeantur potius diuretica ac temperantia, salia volatilia, antiscorbutica, ut & diaphoretica, &c. sunt præscribenda. Valent hic *Cochlearia*, *Nasturtium Aquaticum*, *Becabunga*, *Trifolium Aquaticum*, *Raphanus Rusticanus* &c. Sic *Elixir Antiscorbuticum* parari potest ex *Aloë*, *Myrrha*, *Croco*, *Spiritu Cochlearie* & *Salis Armoniaci*, de quo decem aut viginti gustæ sumi possunt. *Abietum Summitates* hic quoque in usum vocantur. *Martialia* sunt quoque adhibenda ut & quædam *Antimonialia*. Neque interim *Anodyna* & *Narcotica* sunt obliviscenda, præsertim *Anodynum Nostrum Volatile* & *Pilule Angelicæ*. *Fumus Tabaci* nonnullis quoque medela fuit.

Inter externa locum habent *Lumbrici Terrestres*, si ex his aquâ lotis cum spiritu vini Tinctura trahitur, deinde spiritus destilletur, qui iterum novis lumbricis saturatur, iterumque destilletur, idque sæpius repetatur. Ei admisce deinde *Caphuram*, & parti læsæ applicetur: eo non tantum mitigabitur dolor, sed etiam eradicabitur causa vel ejus loco sume spiritum vini Caphuratum, cum spiritu salis armoniaci. Oleum etiam ex lumbricis fit, nempe lumbrici spiritu vini loti induntur vitro angusti colli, deinde in balsamicis digeruntur, & eo maxima pars in oleum faciescet, quo partes affectæ illinuntur. Etiam intus ad unciam semissem cum aromatis præparatum dari potest. Melius est si vivi lumbrici applicentur. Etiam cataplasinata præparari possunt ex stercore vaccino & vermibus. Novi quosdam curatos, solâ illinitione saponis nigri, & aliquot dierum impositione. Sequens item unguentum plurimos sanavit.

*Recipe Saponis Veneti, uncias duas.*

*Caphoræ, drachmam unam.*

*Spir. Vini, quantum sufficit.*

*Fiat arte legitimâ unguentum molle.*



Si opus sit, nonnihil Opii & Croci addi potest, & si adesset parum Florum salis armoniaci, eo melius. vel.

*Accipe* Terræ ex quibus tubuli tabacarii conficiuntur, *uncias quatuor.*  
 Caphoræ, *drachmas duas.*  
 Croci *drachmam semis.*  
 Spir. Vini, *quantum sufficit.*  
 Misce fiat cataplasma.

Illud parti affectæ applicatur, & eo usque supra illam maneat, donec planè sicum sic; tunc patiens statim levamen sentiet. vel.

*Cape* Panis Biscocti, *uncias quatuor.*  
 Maltichis.  
 Thuris *ana unciam unam.*  
 Caphoræ, *unciam semis.*  
 Spir. Vini, *quantum sufficit.*  
 Misce fiat Cataplasma.

Membra læsa ponantur aliquando in balneo aquæ calidæ, præsertim si Sapo immixtus sit, aut Herbæ aromaticæ incoctæ fuerint, ut sunt *Baccæ Juniperi, Lauri, Folia Thymi, Rorismarini, Salviæ, Chamædryos, Flores Camomillæ, Sapo Niger, Lumbrici Terrestris, &c.* Cataplasmata ex *Cochleariis, Becabungâ, Nasturtio Aquatico, &c.* brevi juvant. Si adveniant Paralyces, tunc ejusmodi medicamenta una cum scorbuticis sumenda: & externè linimenta fiant ex *Oleo Spice, Terræ, Laterum, Gummi Carannæ Euphorbii Destillati, Terebinthinæ, Spiritibus &c.*

In utraque arthritide curanda, multum operis impendi, tamen ejusmodi medicamina inveni, quæ certissimè illas radicitus extirpant: sed cura non succedit, si malum radices egerit. *Diaeta* multum huic curationi contribuit. Novi quosdam, qui Bacchum adorabant quotidie, atque à Dea Podagra vexati, nunquam illud malum habuisse, postquam in monasterio solitariè & abstemiè vivebant. Cibus & potus & omnes bene vivendi leges, si secundum normam dirigantur, nunquam hujus malæ dispositionis erunt causæ. Curatio ferè eodem fieri debet modo ut in luc venereâ, bibendo nempe decocta ex *salsâ parillâ, chinâ &c.* sine alio potu, idque ad menses aliquot, præsertim tempore verno & autumnali. Verum si adsint senectus, paralytis, topi, &c. raro curam admittunt, non desperandum tamen. Accedat hisce decoctis sudatio, quâ multum acidi evaporatur, & quidquid viscidum inciditur. Et si omnia non auscultent, *Salivatio* est instituenda, quæ certam curam promittit, si blandè & sensim instituatur. Alii ex cauteriis, moxâ, &c. ut in Chinâ, Japoniâ, Ægypto, Barbariâ, Indiâ, Laplandiâ &c. multum pollicentur, & remedium fuit tempore Hippocratis notum, tunc erant *fungi* seu *μύκητες* in usu.

Casus de  
 Arthritide  
 Vaga.



## CASUS EX GERMANICO SERMONE TRANSLATUS.

**A**Nte decem annos Arthridide vagâ scorbuticâ laboravi idque primum trigesimo meæ ætatis anno, circa pedes, sed post aliquot annos proferpsit, ita ut à sex annis omnes articulos invaserit à cervice absque ad extremos pedes: hocque morbo singulis trimestribus excrucior: maximâ ex parte circa partes inferiores. Dolores in uno membro continuantur ferè ad secundum aut tertium diem, postea intumescit: deinde dolores ulterius vagantur, donec per totum corpus huc, illuc passim volvere; ita ut malum quoque extra articulos spatiaretur, idque partim in præcordiis, partim in latere sinistro circa costas breves, partim in dorsi spinâ cum ingenti cruciatu, verbo ad omnem locum sese expandit. Dolores quando per aliquot dies perseveravere, internum accedit malum, animi defectui simile, sed profligatur sæpe haustu vini frigidioris cum aqua diluti: post hæc sæpe Hæmorrhagiam patior; tunc urina mihi rubicunda, quæ ischuriæ in modum emingitur non sine dolore, interim durante paroxysmo emaciatur caro. Tendines mihi indurantur, & quasi contracturâ laborantes, spasmus & paralyfi, Tophis tamen planè immunis sum, quod tamen podagricis fieri solet. Quando in cibis, potu, medicamentis aliquid, quod sanguinem incalescit, sumpserim, ilico quasi effervescentiam per totum corpus sentio paroxysmo imminente, alvus mihi adstricta, ita ut post sex aut octo dies sine dejectione decumbam. Extra hanc afflictionem, ventriculus me ad mensam sollicitat. Post tres aut quatuor horas est mihi languor quædam in corpore, seu gravitas, ita ut omnis appetitus prosternatur, fortè à corrupto chylo. Extra hunc paroxysmum matutino tempore ut & noctu urina mihi colore instar vini albi apparet, ast circa nonam antemeridianam, imo & post meridiem planè rubicunda est & ardens, quam mutationem quidam Medici signum scorbuti esse putant: aliquot horis post prandium, mihi ingens siti & lingua sicca: atque paulo ante oblitus scribere, quod post finitos dolores lingua, quatuor vel quinque noctibus ferè continuâ instar asseris exiccetur, & postea multum visceri humoris abraditur; Paroxysmus plerumque quidem est quatuor vel quinque hebdomarum, sed dolores duos vel tres dies tantum me excruciant; ast ante aliquot annos vehementiores quam nunc fuerunt, & forte ab acidularum cura mitigati sunt. Ad pellendum hunc morbum quibus vis remediis usus sum, præsertim sanguinem purificantibus; sed omnia incassum: exinde expertus quod omnia medicamenta calida ac fortia cujuscunque erant generis mihi valde nocua fuerunt, imo non parum in pejus malum ruebat: sed & ipse Thææ potus, ut & salia volatilia nocebant, quamvis calorem non excitabant, neque effervescentiam sanguinis. Post usum fontium Schwalbachensium & . . . . fontis colubri aliorumque balnearum, quando sanguinem non accendunt, mediocriter me sensi, imo & articulorum robur. Plenam tamen curam Medici non promittunt, quod & ipse ex variis symptomatibus conjicere possum, quamdiu intestina & præsertim sanguis

ita



ita sunt calefacta & pituitâ obseffa : quamvis alias natura sim frigidus. Ab anno ferè singulis mensibus & aliquando sæpius admisi scarificationes, sed sanguis extractus nullam habebat sanguinis formam, sed saniosus apparebat: spe adductus ut sanguinem corrigerem, & dolores mitigarem; nunc tamen mihi videtur, quod à scarificationibus dolores hujus mali aliud symptomata ad se traxerint, nam paralyfi quadam membra afficiuntur. Hoc modo coactus vestrum consilium rogare.

Porro in prodromo hujus morbi oblitus scribere quod immediate ante morbum; in somno gravia & horrida mihi, insomnia oboriantur, præsertim de piscibus & aquis: cerebrum quippe morbis producendis multum contribuere potest, idque magis, quia ante in aure sinistro susurrum animi adverterim.

**H**ic Habetis Casum Viri Nobilissimi Cancellarii Nassovici, cujus nomen tum hic, tum in aliis Casibus sæpe reticeo: quoniam nemo vix in publicis scriptis vult publicatum habere; quæ mihi privatim communicavit.

Quis non videt virum hunc non tantum esse scorbuticum, sed & Arthritide Vaga laborantem: Sanguinem pituitosis humoribus esse non tantum refertum, sed & acidis, liquet ex symptomatibus. Ex sanguinis effervescentiis, ut dicit, seu phlogogi quæ acidulis moderabatur, ut ægrotantibus nostris fit à julepis, acidis: hinc sitis, incalescentiæ, dolores Hæmorrhagia, insomnia: ast profligato acido, dolorum quies: & acido fluente ad stomachum, cessabant torturæ & appetitus iterum accrescebant. &c. Præscripsi ei pilulas ex gummi ammoniaco, assa fætida, vitrioli martis acidum temperantibus & similibus: à quibus se melius semper habuit, quamvis planè nunquam restitutus, quia ab acutis acidis particulis tendines maxime erant corrupti, ita ut fibræ motibus obeundis ineptæ evaserant, quæ neque herbis, neque verbis restitui poterant.

## CAPUT XIX.

### DE SPASMO, TETANO, OPISTHOTONO, EMPROSTHOTONO, LUMBAGINE ET MUSCULORUM TREMORE.

**Spasmus.** SPASMUS est tendinum quædam, cum interjecta quiete convulsio, quæ alternatim cessat redeatque: vel est in uno tendine vel cum aliis conjungitur. videtur constare ex convulsione & paralyfi, alias pars tantum contraheretur, ac statim relaxaretur. Verum in spasmis membro, celerrimo subtilis materiæ influxu, contracto (quæ materia subtilis antea aliquando à visciditatibus retinebatur) unus & plures non raro muscoli contra voluntatem nostram contrahuntur, atque sanguine implentur; verum illa contractio statim cessat, nisi antagonistiæ nullam habeant materiam activam, vel



vel obstructæ sint, paralytice laborent, atque hinc est, quod membrum illud in eo statu manere debeat. Spasmus itaque ille in uno aut pluribus membris esse potest, prout diversi muscoli in hoc statu sint. Huc referuntur *Spasmus Cynicus*, *Trismus*, &c.

Ab Hypercatharsi spasmus, malum imo Lethiferum; nam exinanitis spiritibus, & balsamicâ sanguinis parte, particulæ acriores irritant, & ad spasmus sollicitant. Idem dicendum ab Helleboro, venenis vel assump-  
tis, vel ab animalium moribus, ictibus, vulneribus, sanguinis nimia profusione, nimia seminis ejectione, &c. sic convulsio, necdum eruptis pustulis, in Variolis, mortem sæpe prænunciat: hinc abstinetur à Venæ sectionibus, & purgationibus, ne Diaphoresis & particularum acriorum effluxum, inhibeatur.

Quoad *Indicationem & Curationem*, vix aliquid certi, propter varias differentias, dici potest, hinc meritò *Herculeus Morbus* appellari meretur, difficile enim curatur. Inter remedia præcipua sunt sudorifera modica: præsertim ex decocto *Sassaphras*, *Guajaco*, *Radicibus Angelicæ*, *Herbarum Salviæ*, *Betonicæ*, *Rorismarini*, *Seminis Carui*, &c. omnes enim decoctiones ex *Salsâ Parillâ* &c. acidum & viscidum domant, atque fluiditatem sanguini inducunt & inter ea minorem non habent locum quæ constant ex spiritibus salinis volatilibus cum aromatis destillatis. Ut *sal volatile oleosum nostrum antiscorbuticum*, *Spiritus cornu cervi*, *salis armoniaci*, &c. sequens mixtum matutino etiam tempore usui veniat. ut

*Recipe* Fol. diptamni cretici,  
Oculor Cancr;  
Coralli Rubri,  
Salis Absinthii, ana drachmas duas.  
Croc,  
Castorei, ana drachmam semis.  
Flor. Salis Armoniaci, drachmam unam & semis.  
Olei Caryophyllorum, guttas viginti.  
Tinct. Gummi Ammoniaci, quantum sufficit.  
Misce fiat Conditum.

Porro Linimenta fiant ex oleo *lumbricorum*, *Lauri*, *Castorei*, *Vulpis*, *Ceræ*, *Terebinthinæ*, *Rorismarini*, *Spicæ*, *Succini*, *Unguento Martiato*, *Nervino* &c. Cavendum à frigore, acidis & falsis alimentis.

TETANUS est convulsio sive Tensio aliquod tempus permanens. Atque ea est in unâ tantum parte, aut per universum corpus; quæ iterum triplex est, *prima* qua corpus æqualiter rigidum evadit, ut in Tetano. *Alter* est convulsio cervicis & reliqui corporis versus anteriora, ita ut mentum pectori applicetur & femora ventri, cum rigore, aliquandiu hanc insolitam figuram retinens: eaque dicitur EMPROSTHOTONOS. *Tertia*, est TETANUS sive tensio aut convulsio cervicis & spinæ dorsi versus posteriora, contractis sursum pedibus, cum rigore aliquandiu perseverante; &



Lumbago vocatur OPISTHOTONOS. Huc quoque LUMBAGO ferè referri potest, quæ est dolor in musculis lumborum à lue scorbutica obsessis, ita ut æger sese recto situ tenere non possit.

Musculo-  
rum  
tremor.

*Causa* sæpe est paralytis quorundam musculorum; quibus relaxatis antagonistæ sese nimium movent; & pars illis intermedia, quæ in æquilibrio manere debebat, ad se trahunt. Vel quod fibræ motrices à tenacibus humoribus obstructæ, aptæ non sint, ut musculus inflent atque extendant; adeo ut materia inflans, cum nequeat eas permeare per alium ramum nervosum in antagonistam ruat, illamque plus solito moveat. Scorbuticis sæpe illud symptoma contingit: per se sæpe evanescit, sed aliquando redit.

*Sudorem leniter moventia* hic præstant: ut & *Scorbutica ex Chalybe, Tartaro vitriolato, acidum temperantia* & viscidum incidentia. Externè *Nervina* quædam præscribi possunt ex *unguento Martiato, de lateribus* &c. Porro hic omnia conveniunt quæ de spasmo diximus.

TREMOR MUSCULORUM in quo muscoli alternatis vicibus leniter sursum ac deorsum trahuntur. Est itaque species levis convulsionis. Locotantum differt: sæpe enim est in hoc vel illo membro, in musculis brachii, pedum, faciei, cordis &c. vel universim per totum corpus, & in omnibus musculis extenditur.

Hoc fit, quando spiritus animales particulas quasdam viscosas sibi admixtas habent, & nervos æqualiter irradiare nequeunt; vel quod ejusmodi materia in ipsis musculosis & tendinosis fibris sit sparsa, quas etiam spiritus debito modo permeare non valent, verum in illas moleculas continuo insistentes, reflectuntur, atque hinc Tremor. Eodem ferè modo, ac si ex cantharo angustii colli vinum velis effundere, continuo reflectitur liquor versus interiora, quia ob angustiam liberè exire nequit. Causæ externæ sunt nimius veneris usus, quotidiana crapula, senectus, Paralytis, frigus, argentum vivum &c. Morbus hic quamvis per se non periculosus, comitatur tamen ægrum ad vitam usque, & facile in paralytin aut apoplexiam vertitur.

Quidquid succorum in corpore est, attenuari debet ut bene fluat & moveatur. Medicamenta consent ex salibus fixis & volatilibus, quæ non tantum acidum temperant, verum quidquid incrassatum in fluorum ducant. Huic rei inserviunt decocta ex *Salsâ Parillâ & Chinâ*: accedunt quoque chalybeata: deinde spiritus salini volatiles ex cornu cervino, sale armoniaco cum vel sine aromatis. Deinde corallia, testæ, perlæ, oculi cancri, ovorum cortices &c. Fricationes multum possunt, præsertim si malum in externis hæreat musculis: fiant quoque illinitiones oleis & aquis penetrantibus. Reliqua curatio sit eodem modo ut in Paralyti.

Spasmo-  
correpti  
post  
mortem  
cadaveris  
inspectio.

*Ebrius per totam noctem humo decumbens, spasmo seu opisthotono correptus, adeo ut versus posteriora rigidus & incurvus permanserit. Nihil deglutire potuit; vox. tanquam ex cryptis subterraneis, horribilis; visus erat torvus. Post severissimos hujusmodi spasmos quarto die obiit.*



Viscera thoracis & abdominis satis integra & sana. Cerebri ventriculi viscido & fœtenti humore, coloris lutei, vitello ovi simili distenti erant. Vasa sanguinea meningem utramque perreptantia, sanguine turgebant.

Temulenti istius succi in sanguine existentes, à terræ frigore condensati sunt; procul dubio à vino non tantum, sed ab aere æstivo etiam incaluit. Novimus omnia corpora calore æstuantia, si repenti in frigidantur, morbis corripi: hic spectat *Aphor. 17. sect. v. Frigidum convulsiones, tetanos, nigres, & rigores febriles invehit.* Sic quoque *Celsus* ait: *Frigus modo nervorum distentionem, modo rigorem infert; illud Cracūds, hoc τῆτανος græcè nominatur* ita *Magnus Alexander* cum in algidissimum flumen exiliisset; in vitæ periculum tractus fuit.

Succi illi si à currendo subsistant, particulis suis Heterogeneis nervosum genus pungunt, unde Spasmi & convulsiones. Opisthotonos, est tetanus, sive tensio musculorum cervicis versus posteriora. Supinus decubuit, unde & musculi posteriores prius tetano affecti. Ex convulsionibus & spasmis œsophagi nihil deglutire quibat: ob eandem causam erat vox horribilis, oculi torvi &c.

Quod succi erant coagulati, liquet ex inspecto cerebro, quod humore fœtenti, & decolore madebat: ab eo enim & cerebri membranæ & nervorum origo non parum lædebantur.

F I N I S.





THE NEW YORK PUBLIC LIBRARY

ASTOR LENOX TILDEN FOUNDATION  
455 FIFTH AVENUE  
NEW YORK, N. Y. 10018  
CITY OF NEW YORK  
DEPARTMENT OF CULTURE  
LIBRARY OF THE CITY OF NEW YORK  
ASTOR LENOX TILDEN FOUNDATION  
455 FIFTH AVENUE  
NEW YORK, N. Y. 10018  
CITY OF NEW YORK  
DEPARTMENT OF CULTURE  
LIBRARY OF THE CITY OF NEW YORK

1912



STEPH. BLANCARDI  
INSTITUTIONES  
CHIRURGICÆ,

Verioribus fundamentis superædificatæ;

ET

OBSERVATIONIBUS

*Selectissimis Adornata.*



Qui ipse sibi sapiens prodesse non quit, ne-  
quidquam sapit.

M. T. Cicero, orat. III.

An tu existimas, cum esset Hippocrates ille  
Cous, fuisse tum alios Medicos, qui Morbis, alios  
qui vulneribus, alios, qui oculis Mederentur?

*Cicero in Epist. V. ad serv. Sulpitium* inquit:

Neque imitare malos Medicos, qui in alienis  
Morbis, profitentur tenere se Medicinæ scientiam,  
ipsi se curare non possunt.



# STEPH. BLANCARDI INSTITUTIONES CHIRURGICÆ,

Verioribus fundamentis superædificatæ.

PARS PRIMA.

*De Instrumentis Chirurgicis.*

## CAPUT I.

### DE CHIRURGICÆ DEFINITIONE EJUSQUE PARTIBUS.



**C**HIRURGIA est ars, quâ corporis humani mala conforma-Chirurgia  
tio manu aut instrumentis, & optimis remediis, quantum definitio.  
possibile est, restituitur.

**OBJECTUM** Chirurgiæ consistit in curatione morborum Objectum.  
externorum; qui sextuplices sunt. *Primo*, consistit in malâ  
partium *Figuratione*. *Secundo*, in *Abundantiâ* aut *defectu* par-Quotuplex  
tium. *Tertio*, in *Magnitudine* aut *Parvitate*. *Quarto*, in Cavitationum An-  
gustiâ aut dilatatione. *Quinto*, in prava superficiei constitutione. *Sexto*,  
in malâ partium locatione.

**CHIRURGICÆ PARTES** quintuplices sunt. *Primo*, **SYNTHESIS**, Partes.  
ut id, quod separatum est, jungatur. *Secundo*, ut quod præter sani-  
tatem & bonam conformationem conjunctum est, separetur, & dicitur.  
**DIÆRESIS**. *Tertio*, quod compressum aut contortum est, corrigatur  
& dicitur **DIORTHOSIS**. *Quarto*, ut superfluum auferatur, estque  
**EXÆRESIS**. *Quinto*, quod deficit, suppleatur: five **ANAPLE-**  
**ROSIS**.

*Synthesis* itaque est, quando partes contra debitum sanitatis ordinem se-Synthesis,  
paratæ, conjunguntur: ut in vulneribus, ulceribus, ossium fracturis: huc  
spectant



spectant deligationes: quæ requirunt fasciationes, fascias, Splenia, ferulas, laqueos, atque deligatæ partis debitam collocationem.

*Remedia Chirurgica*, ad partes separatas conjungendas, pertinent ad ossa vel ad carnem aliasque partes molles.

*Ossium Conjunctio* fit, quando fracta conjunguntur aut luxata reponuntur.

*Conjunctio ossium fractorum ac luxatorum* perficitur extensione, repositione, membri deligati confirmatione, ac debitâ collocatione.

*Conjunctio partium mollium* contra sanitatem separatarum, fit vel sine partium divisione, vel cum solutione continui.

Sine solutione fit in Herniis intestini aut uteri prolapsu.

Cum solutione, ut in vulneribus, ulceribus &c.

*Ars Chirurgica* separans, quæ cum vel contra bonam conformationem conjuncta sunt, duplex est, nempe *sectio* & *ustio*.

*Sectio.* *Diarexis* sive *sectio* spectat ad partes molles vel duras. In duris ut in ossibus peragitur, rasione, limatione, terebratione, ferratione, &c. Ad molles partes pertinent vasorum sanguiferorum ut & apostematum apertio; fonticulorum sectio; frænuli Dissolutio; Perforatio aurium, podicis, penis, vaginæ &c. coalitorum. Cucurbitularum applicatio, Varicum ac Aneurismatum exsectio; Paracentesis abdominis & Thoracis; Hysterotomia; Lithotomia; Hydrocephali apertio; Laryngotomia; Cataractarum depositio; Setacea, Vesicatoria, &c.

*Ustio.* Partibus mollibus æque ac duris communis est *ustio*: quæ fit cauteriis candentibus, aut corrosivis: atque hoc modo fonticuli, &c. fiunt: huc pertinent cucurbitulæ quoque cum flammâ, quando dicitur aliquid velle attrahere.

*Diorthro-  
sis.* *Diorthosis* Ossa compressa & curva emendat; depressum cranium aut sternum attrahit; huc quoque spectant narium ossa depressa & collisa; membra contorta ac contracta &c.

*Exarexis.* *Exarexis* est superflua auferre, ut quod sclopeto, lapsu, punctione, &c. corpori introductum est, ut globuli plumbei, cultri, festucae, &c. vel quando quid in faucibus, œsophago, laryngi, auribus, naribus, &c. intromissum sit. Vel quando secundum sanitatis *τάξιν* aliquid in corpore creverit, ut foetus in prægnantibus, urina, &c. vel contra communem ordinem, ut Verrucae, Clavi, Ganglia, Excrecentiæ, Tophi, &c. Extirpatio membri Cancro, Sphacelo, &c. obsessi, &c.

*Anaplerosis.* *Anaplerosis* deficientia supplet: atque huc pertinent membra curta & mutilata, ut nasi, oculorum, labiorum, &c. læsorum atque decurtorum, quod sæpe per cutim ac carnem excrecentem suppleri solet. Porro quando fasciatione ac frictione debitum alimentum in partes emaciatas introducit.



## CAPUT II.

## DE INSTRUMENTIS CHIRURGICIS.

**A**Nte quam ulterius rem Chirurgicam explicamus, necesse erit prius de **INSTRUMENTIS**, quibus Operationes peraguntur, mentionem facere: itaque primo de *Cultris* erit sermo. Cultri diversæ sunt speciei, ut *Spatha Celsi*, *Culter Rasorius*, *Syringotomi*, *ScalPELLI Falcati*, *ScalPELLI Ancipites*, *Lanceola*, *Scolopomachæria*, *Celi*, &c.

**SPATHA CELSI** est culter anceps, Rasorio cultro non dissimilis, *Spatha Celsi* cum dorso lato, sed in extremitate in unam cuspidem desinens. Hoc *Celsi* apertis cutis in modum crucis aut trianguli inciditur & dilatatur; eodem quoque Thoracis Paracenthesis in Empyemate instituitur.

**CULTER RECTUS** sive **RASORIUS**, ab una tantum parte incidit, *Culter Rasorius*. & usum solummodo habet, quando subjectarum partium non est habenda ratio, exempli gratia, quando cutis ad cranium usque est incidenda; in aperiendis gummatibus supra tibias aliaque loca, etiam usum habet quando utraque acies lædere potest, ut si foetus mortuus in utero dissecandus sit, aut excrescentiæ in uteri vaginâ extirpandæ veniunt.

**SCOLOPOMACHÆRIA** sive **GALLINAGINES** cuspidem habent *Scolopomachæria*. paulo incurvatam. Inserviunt thoracis vulneribus dilatandis; dein abscessibus aperiendis. *Aquapendens* commendat ea in abdominis Paracenthesi: in cuspidem globulus argenteus esse potest, ne Thoracis aut abdominis contenta viscera lædantur.

Ejus quoque sortis sunt *ScalPELLi*, quibus fistulæ inciduntur, verum non curvati, sed paulo breviores ac latiores.

Alii adhuc habentur *scalPELLi parvi*, ex parte cavâ scindentes, sed dorso *ScalPELLi* obtuso: hisce incisio fit, ideo **SCALPELLI INCISORII** vocantur: *incisorii*. iisque abscessus aperiuntur, atque parvæ incisiones fiunt. Usus quoque habent in deducendo, à cranio, pericranio, atque oculi pterygio.

Alii habentur **ANCIPITES**, in cuspidem myrti foliis similes, qui can-*Ancipites* crosis mammis abscindendis inserviunt.

Alii insuper curvi sunt **SYRINGOTOMI** dicti quibus fistulæ inciduntur, *Syringotomi* quorum interior facies acuta est, sed dorsum retusum. Quorum prima species *mi*. in fine incidit, necessaria in fistulis unum foramen habentibus, in fine perforandis, & postea interstitium inter utrumque foramen incidendum. In fine globulus est ex cerâ albâ, ut absque omni obstaculo ad fistularum fundum pervenire possint.

Altera speciei in fine ex alterâ extremitate obtusa est cum globulo chalybeo lævigato, hisce totus ductus fistularum penetrantium inciditur.

Ejusdem ferè figuræ sunt *Syringotomi*, quibus vulnera abdominis dilatantur, ut intestina prolapsa, & flatibus turgida in debitum locum reponantur. In extremitate majorem habent globulum quam priores, ne scilicet introducti viscera lædant.



**Lancetta.** LANCEOLA cultellus est in rectum exporrectus anceps & cuspidatus, hoc aperiuntur venæ & arteriæ; partibus gangræna obsessis scarificandis quoque inservit; hoc quoque aperiuntur concretiones podicis, urethræ, vaginæ, oris, palpebrarum, aurium, &c. fonticulis incidendis etiam utilis est. Nunc alia adhuc species cuditur, quæ lanceolæ gallicæ nuncupantur

**Scalpellus falcatus.** SCALPELLUS FALCATUS figuram habet falcis; usum habet in extirpando membro, quo caro ab omni parte inciditur. De cæteris scalpellis & cultris inspice *χειροπλόκω* sive *Armamentarium*, *Corn. van Solingen*, *Fabr. Hildanum*, aliosque Authores.

**Serra.** SERRA est instrumentum corruptis ossibus ferrandis inserviens, postquam molles partes fuerunt circumcisæ: ejusmodi ferris scriniarii quoque utuntur, ut & eboris tornatores: figuras vide apud *Hildanum*, *Paræum* &c.

**Serra Versatilis.** Describit *Sculletus* in *Armamentario* SERRAM VERSATILEM eum duobus tympanis dentatis: cujus usus est interciderere duorum vel trium foraminum, modiolis factorum, interstitia, sed usum nunc temporis in Belgio non habet.

**Recta.** Habentur insuper *serrula recta*, quibus interstitia foraminum modiolis in cranio factorum intercidunt, fissuras non penetrantes, ut & cariem &c. amovent, abradunt. Vide *Paræum*, *Sculletum*, &c.

**Falcata.** Apud *Galenum* aliosque Authores instrumenta varia habentur ad radendum & scalpendum, verum quia apud nos in usu non sunt, necesse non erit inutiles curiositates hic recensere.

Habentur quoque, quæ *falcis figuram* repræsentant, quas vide apud G. H. *Ryf* in suo tractatu Chirurgico.

**Modiolus Trepanum Mas.** MODIOLUS sive Trepanum duplex est, *Mas* & *Fœmina*. Constat MAS ex optimo chalybe, estque instrumentum teres, oblongum, intus cavum & in imâ parte ferræ instar dentatum, quod Belgis dicitur *de Kroon*. In medio habet stylum seu clavum paulo ipso modio altoiorem, ut in principio circumvolutiones cranio à pericranio &c. denudato, firmiter insistat, ne scilicet ad latera abscedat. Modio huic adaptatur in superiori parte instrumentum chalybeatum crucis ferè figuram habens, figurâ ut T. Romanum, sed alii utuntur instrumento etiam ferreo instar versatilis manubrii terebræ fabri lignarii, quod cruce melius est; operatio crucis enim tardius peragitur. *Modioli* illi sunt duplices, vel tantum instar vulgaris ferræ dentatæ; vel ex optimo chalybe limati & cælati, quorum dentes rigidiores & firmiores sunt, quare minus franguntur.

FOEMINA viro in omnibus partibus simillima, præter quod intus clavum non habeat, & usum habet, quando à mare vestigium circulare feratum sit, tunc enim fœmina eo tutius circumagitur: ideo mares conficiuntur ut clavus imponi & extrahi possit, atque sic mas fit fœmina & fœmina mas.

*Triformem* adhuc describit *Sculletus Terebram*. Verum quia apud nos usum non habet, eam non describemus; curiosi ipsum authorem potius inspiciant.



**STYLUS**, quo setacea fiunt cultellus est anceps, oblongus, cuspidatus & minimè latus: sed ejus loco lanceolâ nunc utuntur. Alii adhuc habentur styli longi, cuspidati & rotundi, quibus aurium lobulus perforatur, ad gedandos annulos. Styli.

**ACUS** etiam diversæ figuræ magnitudinis, & usus sunt, ut rotundæ, triangulares, planæ, falcatæ, &c. Hæ omnes sarcindæ cuti, ablationi pterygii, Cataractæ remotioni, atque mammarum extirpationi, &c. inferviunt, de quibus postea, suo loco latius. Acus.

**FORCIPES** sunt instrumenta ad aliquid comprehendendum, aut extrahendum. Inter illa habentur varia ut *forceps cum rostro psittacino*, *corvino*, *gruino*, *anatino*: *Pelicanus*: *Specula oris*, *matricis*: *Acantabolus*, *Volsella*, *dentifrangulus*, *forcipes curvæ ad evellendos polypos*, *forceps anserina*, *forceps incisoria*, &c. Forcipes

**FORCIPES CUM ROSTRO PSITTACINO** diversâ figurâ apud authores delineantur. *Sculpteti* usum habent in fracturis aut fissuris cranii quando offis festuca aut assula, aut frustulum, quod meninges irritat, compungit, aut deprimit, est removendum. Ast *Paræi* tantum evellendis dentibus accommodantur. Cum Rostro Psittacino.

**CORVINA FORCEPS**, etiam utilis est ad ossium aut dentium fragmenta extrahenda. Hisce olim venas solebant comprehendere in extirpationibus membrorum; sed species conficiuntur nunc cum cochleis, ad calculos extrahendos: Consule *Paræum*. Corvino.

**FORCIPES GRUINAE** longæ sunt, tenues, & dentatæ; hisce spinæ, festucæ, grandines, & globuli plumbei &c. extrahuntur. Eæque sunt curvæ aut rectæ. *Volsella* loco etiam inservire possunt. Quædam intus cavæ sunt instar rostri anatini. Gruino.

**ACANTABOLUS**, **VOLSELLA** ac **FORCIPES GRUINAE** omnes sunt dentatæ; hisce spinæ extrahuntur, globuli plumbei, festucæ &c. quarum quædam curvæ sunt, quædam vero rectæ. Acantabolus, Volsella.

Simplicioremodum exhibet Cl. Vir. C. *Stalpart van der Wiel* alicujus militis, qui ob ingentem famem una cum jusculo frustum osseum devoraverat, quod OEsophago inhærebat, illudque extraxit filo crasso, quo Hypocausta suspenduntur: ambas nempe ejus fili extremitates diducebat, medium bis terve circum volvebat, ita ut altera pars est rotunda; hanc partem OEsophago intrudebat, atque officulum feliciter ipse extraxit..

**ROSTRUM ANATINUM** forceps est cum duplici in fine Cochleari, quâ calculi & globuli comprehenduntur. Sunt etiam quædam curvæ & in fine latæ, & ab internâ parte inæquales, ut calculus certius per vulnus vesicæ ducatur. Etiam polypis evellendis inserviunt. Rostrum anatinum.

**FORCIPES AD SETACEA IN NUCHA PARANDA** aut foramina in auribus instituendæ, antè planæ sunt cum foramine annulari; hisce cutis nuchæ apprehenditur, ut per foramen illud stylus cum filis fericis aut fetis trahatur: verum hic loci usus hujus instrumenti evanuit, Forcipes ad setacea.



nuit , quia cutis satis facile , si necesse sit , attrahi potest , atque perforari.

PELICANI sunt etiam non unius figuræ , quibusdam enim festucas aliaque è vulneribus extrahunt : aliæ iterum dentatæ , evellendis dentibus molaribus , sunt : Vide *Paræum*.

Speculum  
Oris.

SPECULUM ORIS etiam forceps est , cujus altera pars instar spathæ est , & altera instar furcæ in fine duos globulos habentis , quarum quædam cum cochleâ sunt , quædam vero non : etiam reperiuntur quarum extremitates planæ sunt , sed tamen in acumen desinentes , ut eo facilius intra dentium interstitia insinuari possunt : aliquando etiam dentatæ sunt , ne facile extra interstitia labantur.

Matricis.

SPECULUM MATRICIS forcipum species est qua uteri vagina dilatatur , ut tumores , exulcerationes eo melius conspiciantur , vel fœtus mortuus extrahatur. Vide *Sculptetum*.

Forceps in-  
cisoria.

FORCIPES INCISORIAE unius etiam speciei non sunt ; habentur enim magnæ & parvæ , ad extirpandos digitos , manus , pedes , oris carunculas , &c. similes sunt fabrorum forcipibus , præter quod Chirurgicæ scindant , aciemque habeant.

Forcipes adhuc inveniuntur curvæ , intrinsecus concavæ , quibus polypi è naribus trahuntur.

Huc quoque pertinent quibus globuli sclopetorum eximuntur ; sunt figurâ longâ , in extremitate duo Cochlearia habentes , & dentes globulos comprehendentes.

Oculi Speculum.

Apud *Hildanum* , *Guillemeau* , aliosque OCULI reperitur SPECULUM , aut *palpebrarum dilatatorium* utile quando aliquid peregrinum est amolendum , Staphyloma sanandum , aut ungula removenda.

Insuper *specula aurium* habentur ad aurium meatum dilatandum , quando aliquid peregrinum inhæret.

Forfices.

ETIAM FORFICES varias sortiuntur species , sunt enim rectæ , curvæ , magnæ , parvæ , graciles , latæ , &c. Verum quia Chirurgi contenti sunt forcice longâ & cuspidatâ , de cæteris mentionem non facturus : eadem cutis & caro corrupta abscinditur. Huc quoque spectant forcipes incisoriæ.

Cœli.

COELI species etiam satis notæ sunt , inserviunt enim amputandis digitis , manibus , pedibus &c.

Cauteria.

CAUTERIA diversâ sunt magnitudine & figurâ , ut rotunda , plana , quadrata , dentata , magna , parva , concava , hyperbolica &c. quorum figuræ apud Authores conspiciuntur ; usum habent in fistulis & fontanellis inurendis ; ossium cariem impediunt , & sanguinem sistunt in extirpando membro.

Elevatoria.

VECTES sive ELEVATORIA diverse quoque speciei sunt & magnitudinis , quorum quædam dentata , alia plana , aut obtusa , cum vel sine lenticulâ in extremitate , hisce officulum trepano separatum , elevatur : alia sunt in modum forcipis alterâ extremitate curvâ & intus dentatâ , alterâ vero rectâ : hisce frustula ferrando seu trepano decisa eximuntur.

Huc



Huc quoque pertinet *TRIPLOIS*, ea utimur in cranio adeo depresso Triplois  
fo, ut à superioribus elevari non possit. Vide *Sculptetum*.

*RASPATORIA* instrumenta sunt diversæ speciei & figuræ, in extre-  
mitate scindentia, scalpentia, sæpe instar cœli sunt, alia curva, rotunda,  
semilunaria, prout ossa exigunt, quæ scalpuntur. Usus habent in ossium  
carie, quæ ad partem sanam deraduntur, vel quando frustula quædam de-  
cidere minantur.

Huc quoque spectant *COCHLEARIA* quibus globuli sclopetorum exi-  
muntur, illa sunt instar forcipis cum duobus cochlearibus in extremitate,  
quibus globulus aut calculi, si facile eximi possint, comprehenduntur. Cochlearia

Alia sunt oblonga, & intus concava, quorum quædam dentata sunt, alia  
vero non.

Alia insuper species est fistulæ adinstar & in extremitatibus in modum  
duorum cochlearium, in medio cochlea est seu terebra, qua globuli edu-  
cuntur. Fistulæ.

Non dissimili etiam sunt formæ *CANNULÆ* seu *FISTULÆ*, & dif-  
ferunt quoque substantiâ, nam conficiuntur ex Auro, Argento, chalybe aut  
Plumbo. Ex Auro, Argento aut chalybe conficiuntur pro Laryngotomiâ,  
quæ planæ sunt, & respirationi servandæ per rimulam Bronchi annulis seu  
laryngis inflatam intruduntur. Illæ, ne fistulam pulmonalem incidant, aut  
tussim pariant, in extremitate, quæ extra rimam manet, annulum, alam  
seu pileum habent: in altera extremitate vero plurima foraminula sunt, ut  
aëri concedatur ingressus & egressus satis patulus. Cannulæ  
seu fistulæ.

Quibus abdominis paracentesis instituitur, mediocrem habent longitudi-  
nem, in extremitate cuspidem rotundam vel cuspidis lanceolæ in modum  
acuminatam, in fine foramen per quod aqua è ventre in cannulam fluit. Vi-  
de *Barbetti* Chirurgiam uti & *Mangeti* notas. Cannula-  
nem pileata.

Ex cupro aut argento etiam conficiuntur *CATHETERES*, qui meatui uri-  
nario ad calculum explorandum, & urinam suppressam emittendam im-  
mittuntur. Quidam nunc ex corio parantur, argento aut cute anguillæ &  
dicuntur *flexiles*. Flexilem vide fig. 2. TAB. VIII. A. A. foramen B, à  
quo urina recipitur. Embolum C. C. quo extracto, urina depromitur. Catheteres.

*Cannulæ* plumbeæ inserviunt fistulis, vulneribus, ulceribus &c. arte vel  
alias factis, intrudendis, ut materia purulenta aut saniosa sensim edu-  
catur. Cannulæ  
plumbeæ.

Ad Extrahendum foetum mortuum describit *Sculptetus* *CATENAM* cum  
duobus *UNCIS*, in extremitatibus singulis: verum eam in Praxin ducere  
tutu in non est, ipse enim uterus facile læderetur; ast si foetus, &c. non nihil  
extra uterum pendeant, in usum vocari possent.

*Paræus* instrumentum habet furcam acutam & curvam referens, sed ob  
eandem rationem idem quoque periculosum judico: non absimilem furcam  
repræsentat *J. Guillemæan*, sed cuspidibus retusis: ea tutius uti possumus. *Paræus*  
quoque uncus habet retusos & minimè acutos, quibus operatio etiam  
sine læsione peragitur. Huc quoque pertinet *hamus*, sive stylus acutus & in-  
curvatus: aliud instrumentum habet *Mauricean* quod vocat *TIRE-TESTE*



*five Capitis extractor*, quod mirè laudat: sunt & alia, quibus tentant caput fœ-  
us demortui comprehendere, & vocatur GRYPHUS, qui tamen ab omnibus  
Gryphus. non probatur. non improbarem huic operi forcipes ex solido chalybe  
factas.

Glossoco- Sequitur GLOSSOCOMIUM, sive AMBE HIPPOCRATIS figu-  
mum sive ram habet instar gamma Γ Græcorum, pes ejus sive basis tripes est, cui  
AmbeHip- columna perpendiculariter insistit, quæ in superiori parte per clavum infixam  
pocratis. habet alam *Spatham* dictam, quæ versatilis est in columna. Inservit brachio  
luxato restituendo, sed nunc temporis ut olim in usu non est, quia modi  
faciliores sunt inventi.

Scalæ. Apud *Oribasium*, uliosque Authores variæ inveniuntur SCALÆ, quæ  
dam cum cochleis & trochleis, & aliæ cum aliis machinamentis: atque  
illis apud veteres restituebantur luxati humeri, genua, tali, &c.

Scamna. SCAMNA *Hippocratis*, *Nilei*, *Fabritii ab Aquapendentes* &c. una cum  
Cochleis & Trochleis, quæ etiam luxationibus restituendis inserviebant. De  
quibus *Oribasium* aliosque consule.

Arcula seu CANALES, ARCULÆ, & CAPSULÆ sunt in quibus brachium,  
capsulæ. femur aut crus luxatum vel fractum reponitur. Constant ex levi ligno, ex  
corio vel ex charta crassa & rigida &c. in hisce membra in continuâ quiete  
servantur.

Thoraces. THORACES sunt instrumenta ex levi ferro & Bombyce intus vestita, quæ  
usum habent apud eos, qui sunt gibbi aut corpus habent obliquè crescens:  
etiam fiunt vulgari mulierum more cum balænis crassis, inter quas interdum  
laminæ ferreæ intersuuntur.

Capsulæ ad CAPSULÆ COCHLEATÆ AD CONTRACTURAS, constant  
Contrac- ex capsulâ ferreâ, cochleâ, fibulis, corio, &c. ut brachia contracta aut  
turas. crura sensim sensimque restituantur: diversam quoque referunt figuram pro  
parte cui applicari solent.

Siphones. SIPHONES etiam varii sunt magnitudine, figurâ & materiâ differentes.  
Stannei habentur uncias viginti aut triginta continentes, qui enematum  
injectioni inserviunt, habentes cannulam tenuem siphoni applicandam, &  
podici accommodandam. Olim & adhuc in quibusdam locis cannulam  
hanc vesicæ porcinae applicant, & hac enema immittunt. Alii huic Si-  
phoni non rectam cannulam, ut solet accommodant, sed incurvatam, ut  
ipsi clysterem ano injiciant. Fieri etiam possunt ex anserinis aut olorinis in-  
testinis aut coriariis, quibus nosmetipsos accommodare facile possumus.  
Consule de hisce *R. de Graaf*. alii minores fiunt, ex stanno, cupro, aut  
ebore, quibus in urethram, vesicam, aures, matricem, sinus fistulosos, ul-  
cera &c. liquor conveniens immittitur.

Cucurbi- CUCURBITULÆ sive VENTOSÆ, vascula sunt ventricosa & ferè  
tulæ. pyriformia ex cupro, vitro aut cornu confecta, quæ etiam ex stanno, ligno,  
argilla &c. fieri possunt; eorumque defectu, capimus tantum poculum vi-  
treum, calicem, ollulam, &c. vitrea omnibus præstant, quia ob diapha-  
neitatem sanguinem effluentem dimetitur. Figura ferè pyriformis est, ve-  
rum depressior, & vel cum stupâ accensa partibus applicatur, vel suguntur,  
& tunc-



& tunc fiunt ex cornu, in extremitate foramen habente: tumque facies eadem ferè est ac cornuum quibus mulierculæ farcimina farcire solent. Magnitudine etiam differunt, pro rerum exigentiâ: præstant quæ sunt collo obtongo, quia, ut dicunt, melius trahunt. Ex cornubus hic loci usum non habent, sed in Ægypto, Teste *Prosp. Alpino*, aliisque locis in usu sunt; in loco acuminato foramen habent, per quod ab aliquo aer exfugitur, atque sic eliciunt sanguinem: inter hæc numerari possunt cucurbitæ illæ, quibus per cannulam vitream mulierculæ ex propriis mammillis lac sugunt; habentque formam alembici destillatorii: sed idem etiam faciunt fistulâ tabacariâ. Vel defectu ejusmodi cucurbitularum, vitra ventricosa oblongo collo calidè applicant, atque sic vitro frigefacto sequitur lac. Cucurbitulæ apponuntur cuti cum scarificatione vel sine, & tunc dicuntur *cacæ*, nam scarificando elicitur sanguis, sed cæcis olim putabant sanguinem peccantem posse revelli.

BRACHERIA, AMMATA siue CINGULA pro re natâ diversimodè *Bracheria.* fiunt. Consuuntur ex Linteo bombycino, corio, ferro aut cupro. In Herniis inguinalibus & omentalibus cinguli instar circum lumbos fibulis cinguntur, ut nempe locus herniâ affectus strictè comprimatur & claudatur. Figuram habent diversam, prout Hernia est in omento aut in hoc aut illo inguine. In Herniis quidam fasciis tantum utuntur; sed si fuerit magni momenti, tunc ad bracheria confugiunt. Alia adhuc sunt, quibus Hernia umbilicalis, ne extumescat, moderatur, ex duabus laminis & plectro intermedio, ne scilicet respiratio lædatur: atque ita sunt diversâ figurâ pro diversa herniæ specie.

FASCIÆ apud nos ex linteo veteri, molli, puro & sine futuris nodosis *Fasciæ.* fiunt. Forma, longitudo & latitudo diversa est. Differunt forma, quædam enim sunt convolutæ, longæ, & inæqualiter latæ; aliæ in tres aut quatuor partes scissæ: aliæ invicem sunt consutæ, ex diversis fasciis constantes. Porro longæ sunt aut breves; ita quoque latiores magis aut minus. Sic simplices sunt aut duplices: simplices sunt æquales aut inæquales; simplices æquales unicum tantum habent caput; aliæ plura habent. Inserviunt membris fractis, fauciatis, ulceratis aut luxatis firmandis, roborandis, calefaciendis & ab externis injuriis defendendis. Nomina sortiuntur varia, ut sunt *Fascia umbilicalis, ani, uteri, cancer, ad fonticulos, Sistrati vinculum, Arcia, Cataphracta, funda, Fascia sacculata*, &c.

LAQUEI ad deligationem quoque pertinent. *Laquens* tale est vincu- *Laqueti.* lum, quod manu aut pondere tractum, se contrahit: & pertinet ad partium fractarum aut luxatarum extensionem, & debitam repositionem: ut & ad vinculum pro vasis sanguiferis. Differunt variè, nominaque plerumque habent ab inventoribus, qui ob usum, similitudinem, figuram, modum aut effectum iis varias dederunt denominationes. De quibus inspicere *Oribasium*.

SPLANIA, PLUMACEOLI aut PLAGULÆ, ferè Synonima sunt. *Splenia,* *Plumace-* Fiunt ex linteo veteri, quod bis, ter, quater aut pluries duplicatur, vulne- *oli, plagu-* rique aut ulceri applicatur. Formâ quoque differunt, nempe latitudine, *læ,* longitudine, crassitie &c. partem affectam roborant, comprimunt, æqua- *lem*



lein reddunt, vel pus effluxens imbibunt. Interdum Splenia applicantur ficca, vel si res exigat in liquore appropriato prius madefacta.

*Ferulæ.*

Ad deligationem quoque spectant *FERULÆ*, præsertim in ossibus fractis aut luxatis: suntque asserculi ex ligno levi & tenui, ex quo capsulæ fiunt; vel ejus loco sumunt chartam crassam & rigidam, aut balænam, cortices arborum, corium, &c. nomen habet ab herba *Ferula* dicta, cujus cortex olim in Græciâ, aliisque locis in hunc usum asservabatur. Usus habet una cum fasciis partem fractam ita firmare, ut immota maneat, donec ossa iterum per callum coaluerint. Atque hoc breviter satis de instrumentis: Latius memet quidem extendissem, sed quoniam ab *Oribasio*, *Hildano*, *Aquapendente*, *Sculteto*, *Guillemeau*, &c. îatis superque delineata inveniuntur, ad hos Authores lectorem mitto.

*Torcular.*

In membris extirpandis nunc temporis inventum est instrumentum quod dicitur *Torcular*, Gallis *un Tournequet*; hoc utimur ut vasa sanguinea comprimantur, ne sanguis effluat: Deinde ut parti extirpandæ torpor seu insensibilitas inducatur. Vide fig. 3. Tab. VIII.

A. A. est chorda, quæ membro accommodari debet circa C. B. B. duo bacilli, quibus chorda constringitur.





# STEPH. BLANCARDI INSTITUTIONES CHIRURGICÆ,

Verioribus fundamentis superstructæ.

PARS SECUNDA.

*De Operationibus Chirurgicis.*

## I. CAPUT.

### DE VENÆ SECTIONE, SIVE PHLEBOTOMIA.

**V**ENÆ SECTIO sive PHLEBOTOMIA, quamvis aliquando in <sup>Venæsectio</sup> extenuatis, debilibus & gravidis periculosa sit, nihilominus tamen <sup>sive phle-</sup> apud veteres admodum familiaris fuit, multamque utilitatem habuit <sup>botomia.</sup> in curandis morbis. Numerari potest inter omnium prima medicamina, quæ ferè omnibus nationibus innotuere. Verum Chineses ac Japonenses, Laplandi, & sine dubio plures nationes, à sanguinis missione abstinent, imo abhorrent. Dicunt enim sanguinis incalescentiam nimiam, ipsiusve vires emissionem non magis temperari, quam calor ferventis aquæ moderatur, si ab ea pars detrahatur, & non potius calorem illum frigidis aut tepidis, temperetur ac infringatur. Deinde dicunt morbum sanguinis sectione potius diminui, quam curari, hoc est, diminuendo vires morbi, quod corpus ex abundantia immixta sanguini opprimat, ita ut sanguinis diminutione malum diminutum invalescere nequeat. De Hac materia videnda sunt scripta *Andree Cleyer & Gulielmi Ten Rhijne*, Doctores in India Orientali. Nunc temporis plurimi abusum videntes, à venæ sectione absque necessitate instituta, vel plus, quam decet, repetita, non sine ratione sese abstinent; imo & illi, qui olim continuo sanguinem inutiliter fundebant, nos non lento gradu sequuntur, quantum possunt missionem evitant. Nihilominus tamen, propter usum necessarium in quibusdam casibus, modum incidendi venam describam.

Non  
utuntur  
chineses  
&c.



Quid.

Nihil aliud est, quam venarum apertio, quâ sanguinis sufficiens quantitas, ad morborum levamen, detrahitur.

In quibus  
morbis  
necessaria.

*Venesectio* inter remedia maxima numeratur: est enim medicamentum, quod valde debilitat, & non temerè est adhibendum, nisi in denegatâ subitò sanguinis circulatione, intolerabili dolore, aut maniiis. Et quamvis narium Hæmorrhagiæ, aliæque sanguinis eruptiones nos videntur docere, necesse esse exitu, nihilominus tamen aliis remediis eas tutius sisti possunt, quibus vires conservantur.

Præten-  
sa  
necessitas.

Venæ sectionis utilitas est, ut ferunt, ut sanguis superfluous & abundans detrahatur, verum illud nunquam probatum: quod sanguinem abundare nobis videtur, exinde est, quod vasa sanguifera, ob sanguinem crassum & per vascula minima ire impotentem, enormiter tumeant, atque sic plethora apparere videtur: tument enim quia citius per vasa majora arteriarum incedere potest, quam per arteriolas minimas; hinc subsistentia circa cor; & quoniam plus sanguinis remanet in venis, quam à corde recipitur, est quod venæ plus debitò turgeant; hinc ob diutinam moram incalescit alcali cum acido, & molestus corpori infertur calor, quasi febrilis. Alii detrahunt ventilationis & refrigerationis gratia: verum qui scripta mea perlegit, satis intelliget, sanguinem non indigere refrigeratione.

In quibus  
casibus  
institui  
debet.

Ideoque solum tantum usum habet sanguinis missio in terrore &c. ne sanguinis cursus cesset, quod alias sæpe solitum, quia anomalia motuum vasis & succis accedit. Vel quando sanguis versus quasdam capitis partes sursum ac deorsum circumduci nequeat, necessario, ut pressio illa, contra obstructionem existens, evitetur, non nihil sanguinis est depromendum. Item, in dolore intolerabili, uti in pleuritide, &c. tum sanguis, ne comprimat partem nimis affectam, minuendus, nam minorem copiam, ut antea minus comprimet, atque sic dolor tollitur. Phlebotomiâ tamen nunquam sanatur morbus, sed symptomata diminuuntur, quæ aliquando gravissima esse possunt: hinc non temere est instituenda, uti plerisque mos est, sed tantum necessitate summopere exigente. Quoniam enim magni morbi, ut pestis & febres pestilenciales absque sanguinis depletione curantur, cur itaque parvi morbi absque eâ curari non possent, si excipias symptomata, quæ cursum sanguinis requirunt debiliorem.

Qui locus  
eligendus.

Parum porro refert ex quâ venâ aut latere sanguis depromitur: quippe quia omnes venæ ac arteriæ mutuam habent commercium, communionem & familiaritatem, tam æquè bene ex hac venâ quam per illam depletur. Quando consultum sit, ut cuiquam phlebotomia instituat, locus qui à symptomate affligitur, eligatur. Magnus fuit error eorum qui opinionem fovebant, quasdam venas in brachio communionem specialem habuisse cum visceribus internis, ut cum Hepate, Liene &c. ubi Anatomici vident, omnes brachii venas in superiori parte communem habere truncum: itaque sine ratione venæ istæ vocantur *Cephalica*, *Hepatica*, *Splenica*, *Matricalis*, &c. quia illæ majorem non habent cum istis partibus communicationem, quam aliæ.

In Eligendâ venâ, maxima & magis tumens, conveniet in eo loco in quo



quo sectio est instituenda: illæ enim minoribus facilius incidi possunt & tutius. Curandum ne adsit arteria, nervus aut tendo, quia ex imprudentiâ quorundam non tantum adversa & lethalia symptomata sunt visa, sed ipsa mors. *Cephalica*, ita dicta, quidem tutissima; deinde *Basilica*, aut *Mediana* periculosissima, quia ei aliquando arteria, nervus aut bicipitis musculi vel alterius tendo subjacet.

Quæ circa caput inciduntur venæ, sunt *Jugulares*, *Temporales*, *Frontis*, *sublinguales*. In brachio, ut dictum, *Cephalica*, *Basilica*, *Mediana*. In manu *Salvatella* & *Cephalica*. In Pede *Ischiatica*. Cæteræ venæ sectioni minus sunt aptæ, quia minus manifestæ & vix propter exilitatem, &c. apparent.

Incidendi modus hic esto. Æger (postquam nonnihil cibi aut potus, roborandi gratiâ, sumpserit) ponendus est in loco satis luminoso; vel si locus nimis sit obscurus, Candela est adhibenda. Tunc à Chirurgo locus, in quo incisio institui debet, fortiter manu est fricandus, ut nempe vena tumeat; deinde vinculum injicit supra venam incidendam, ut sanguinis versus superiora cursus sistatur, & vena magis tumescat, tunc sanguis in manu contentus sursum est fricando urgendus. Porro manu sinistra Patientis manum arripit, cum dextra est secanda, aut si sinistra, manu quidem sinistra estprehendenda: deinde pollicem paulo infra venam aperiendam ponit, ne vena locum mutet. Deinde ungue cutim, supra venam incidendam, jacentem notat, ut pro incisione indicium sit. Accipe tunc lanceolam intra pollicem & indicem digitum, & tantum ipsius cuspis denudetur, quantum circum circa intrudi debeat: porro manus cum reliquis tribus digitis innitatur parti, cui sectio instituitur: & ad majorem firmitudinem & securitatem ponendi sunt anteriores duo digiti, quibus lanceolam sumpisti, supra pollicem alteræ manus, ut tremor evitetur, & in hoc casu præstat junior aliquando Chirurgus seniore. Incisio tunc est in longitudinem facienda, hoc est secundum ductum venarum & fibrarum, ab inferiori parte versus superiorem: foramen sit modicum, neque nimis magnum, neque nimis parvum. Propter magnitudinem sæpe venæ rumpuntur, & sanguinem emittunt: & ob angustiam sanguis depleri sæpe nequit. Sanguis si non exsiliat, vinculum nonnihil est relaxandum, patiens manu interum baculum aut pedum volvat. Sanguine tunc modicâ quantitate detracto, in promptu sit spongia aquâ frigidâ irrigata, quâ vulnus mundatur; deinde vulneris labia ad invicem ducuntur, & splenium imponitur ex duplicato linteo, linteo carpto, pilei frusto, pulvere astringente, &c. cui vinculum crucis in modum adhibetur, ita ut crux supra vulnusculum accommodetur, atque tunc patiens tota die brachium quietum servet oportet.

Si pes est secandus, supra pedem vinculum injiciatur, postquam pes aliquando in aquâ calidâ steterit, ut venæ eo magis tumeant: calore enim sanguis magis tumeant: calore enim sanguis magis expanditur. Et tunc eodem ut antea modo proceditur; & quemadmodum præscribo de Saphænâ in pede, idem, dico, faciendum in manu de *Salvatella*: sed cavendum ne secentur tendines.



Ut & circa  
caput.

Si instituatur circa collum, linguam, frontem, tempora, &c. collum est vinculo constringendum, seu cavendum ne æger suffocetur.

*Jugulares* plerumque brutis aperiuntur, ideo absque periculo in hominibus institui potest. Magnæ enim sunt & sine arteriâ aut nervo adjacente.

Quantum  
sanguinis  
detrahen-  
dum.

*Sanguis nimia non est detrahendus quantitate*: urgente necessitate jubeo tantum sex uncias detrahi; satius est peccare in minori quam in largiori quantitate: imprudentes nonnunquam Chirurgi in hoc casu sunt; sæpe mihi contigit tantum jussisse sex uncias detrahi, cum quidem libras duas emulxissent: ideoque optimè Clar. *Barbette* commendavit, ut conficerentur vascula quædam stannea, in quibus stata mensura signis sit designata. In hisce Angli prudentiores sunt, qui ab ipsis Doctoribus tunduntur.

Instru-  
menta.

*Instrumenta* huic operi necessaria, hocce tempore *Lanceola* est, cultellulus anceps & cuspidatus. Olim scalpello venam solebant ferire, sed periculo iste modus non vacat. Nunc temporis in Gallia alia invenerunt Phlebotoma.

Quid si de-  
liquium  
oriatur.

Ne ægri post phlebotomiam institutam in deliquium incidant, non nihil aquæ frigidæ in ore tenendum. Alii cinamomi aquam sumunt, sed vinum, præsertim, rhenanum præstantius est aspergendæ faciei, quia magis refocillat. Neque minoris laudis meretur aquæ frigidæ aspersio.

Observa-  
tio.

Si dubitandum sit, num sectio foret repetenda; & ne apertura siccet, pauco olei vulnusculum inflectum, est illinendum, atque tunc, exigente necessitate, vena facile aperiri potest, ut sectionis periculum effugiamus.

Quamvis vena satis occlusa videatur, non raro tamen sanguis magno impetu profluit, & quidem nulla alia de causa, quam quod ligaturam & linteum comprimens imponent prius, & post brachium incurvarent, nam hoc pacto labia vulnusculi, quæ prius in extenso brachio erant conjuncta, iterum à se invicem dehiscunt, dum brachium inflectitur.

Sæpe lividitas aliqua post venæ sectionem, reliqua reperitur, cujus causa non raro est malus usus aceti, quo linteum comprimens, quod aperturæ venæ imponitur, imbuitur, quandoquidem satis manifestum est sanguinem ab acido coagulari, lividumque ac nigricantem colorem nancisci.

## II. C A P U T.

### DE A R T E R I O T O M I A.

Arteriotomia quid

**A**RTERIOTOMIA, est Arteriarum sectio, quæ quia à plurimis plurimum laudatur in morbis curandis, necessarium duxi, illam hic describere, quamvis à me aliisque orthodoxis Medicis nunquam præscribi solet.

Modus  
incidendi  
apud vete-  
res.

Olim solebant arteriam, si magna non erat, transversim abscindere. Ast si majores ac vehementer pulsabant, tutius erat illas supra locum incidendum vinculis firmiter constringere, atque sic intra illas ligaturas arteriam abscindebant: verum quia modus est summe crudelis, planè è foro Medico ejicitur.

Nunc temporis ea inciditur ut vena, idque tuto. Idem de Ægyptiis testatur



stat *Prosper Alpinus*, qui venas & arterias eodem modo securè aperiunt. Locus incidendi vulgaris supra temporalem muscū est. Cujus ope plurimi morbi cephalici, ut narrant, curantur; idem testatur *M. A. Severinus*, qui eam ferè in omni occasione vedetur instituisse.

*Horatius Augenius* multum periculi prævidere in hac operatione videtur; idque non sine ratione, malè enim si instituatur, impossibile est sectionem illam ad votum succedere. Ast si à Peritis Chirurgis dextrè aperiatur, benè se res habet, nam *Severinus*, *Paræus*, *Guiliemeau*, *P. Alpinus*, *Hercules Saxonia*, *Fienus*, *Tulpius*, *J. van Meekren* &c. de illâ operatione testes oculati sunt. vel ipsi arteriotomiam propriâ manu instituerunt. Si inferior tunica non penitus sit dissecta; aut fasciæ & splenia &c. nimis maturè solvantur, tunicæ necdum conglutinatæ sunt, hinc ob continuam pulsationem dilatantur, eodem ferè modo ac *Herniæ peritonæi*, hinc facile subsequuntur *Aneurismata*.

Cum itaque *Arteria Crotaphites* sit aperienda, æger luci claræ opponatur, *Modus* & locus qui ab arteriâ pulsatur atramento est notandus. Deinde vinculum noster collo injiciunt strictum; alii thoracem sub axillis vinculo constringunt, ut aperiendi nempe arteriæ intumescant: deinde caput immobile tenetur, & arteria atramento notata lancettâ cuspidatâ & quam acuta pertunditur. Verum vincula illa ad rem nihil facere possunt, quoniam potius venæ intumescerent quam arteriæ & revera iste modus contra leges periodi sanguinis instituitur. Satis est locum ab arteriâ pulsus observasse.

Cavendum ne sanguis nimium citius evacuetur. Sanguine ad lubitum detracto, vulnus spongiâ madidâ detergetur, deinde pollice & digitis vulneris labia ad invicem comprimuntur, & emplastro astringente ac siccante tegitur ex. gr.

*Rec. Thuris, Boli Armenæ*, ana drachmas duas. *Sanguinis Draconis, Mastichis*, ana drachmam unam & semis. *Albuminis Ovi*, quantum sufficit. Misce fiat Emplastrum.

Vel Emplastrum tantum applicatur ex simplici *Mastiche*, magnitudine *Deligatio* unius solidi, quod calidè vulnere est applicandum.

Deinde fascia octo aut novem ulnarum longitudine sumitur, & latitudine ferè quatuor digitorum transversorum, cum duobus capitibus; hujus medium primo applicatur, spleniis applicatis, & deinde nodo contorto vulnus firmatur, ita ut semper nodi vulneratam partem tangant: ita ne splenia possint de loco moveri. Vide deligandi modum ulterius apud *Jobum à Meekren*. Singulis ternis diebus fascia solvenda est, sed emplastrum non est removendum. Si fascias nolis; faciliorem docebo methodum: sume sudarium, quo caput tege, deinde duas anteriores accipe extremitates, quas ad cervicem duces ibique firmiter nodabis. Deinde posteriores duc antè versus collum ac ibi quoque idem fac: sic habebis vinculum satis strictum, inservit etiam in capitis vulneribus deligandis. Atque sic curatio intra octo vel novem dies planissimè absolvitur.



Aliis in locis arteriæ quoque tunduntur, ut in fronte, pone aures, in occipite, manibus pedibusque, &c.

## C A P U T III.

## DE CUCURBITULIS ET SCARIFICATIONE.

Cucurbitulæ.

**Q**uid CUCURBITULÆ sint, in præcedentibus, cum nobis de Instru-  
mentis erat dictio, egimus; itaque de earum applicatione ac usu tantum reliquum est agendum.

Applicantur cum vel sine igne; cum vel sine scarificatione.

Applicandi modus.

Cum scarificatione si apponantur, prius cutis, secundum oris cucurbitulæ capacitatem cultello mediante digiti ungue seu talitro solet scarificari. Deinde nonnihil stupæ Candelæ aut Sulphurato accenditur, accensam cucurbitæ inditur, locoque scarificato applicatur. Stupâ extinctâ, aër deinde intus conclusus & refrigeratus, minori exigit spatio, quam cum erat calidus & à calore expansus; porro vacuum dari in cucurbitulâ quoniam impossibile est, sanguis loco vacui à pressione externi aëris in cucurbitulam pellitur; atque hoc modo sanguis emulgetur. Loco accensæ stupæ, cucurbitulæ aquâ tantum calidâ immerguntur. Vide quid supra diximus.

Cucurbitulæ cæcæ.

Quæ absque ferro instituantur eodem modo fiunt, sed cutis non scarificatur, & vocatur *Cucurbitula Cæca*.

Quæ suguntur ex cornu aut ligno.

Quæ sine igne apponuntur, ex cornu sunt aut ligno, quibus in cuspidis foraminulum est: illa videri possunt apud *Prosp. Alpinum, Hildanum, Paræum*: de iisdem *Celsus, Oribasius, I. T. Minadous, Tulpius*, aliique mentionem faciunt. Illæ cuti applicatur, & aër per foraminulum illud sugendo extrahitur, deinde corio cuspidi appenso ope linguæ clauditur, posteaque digito occludunt.

Si Magnæ cucurbitulæ sunt applicandæ, tunc nummo aut laminâ plumbeâ locus scarificatus tegitur, ne ab accensâ stupâ cutis lædatur. Alii terbinthinâ cucurbitulæ fundum liniunt, ut stupâ suspendatur. Vel transversim bacillulum imponunt, qui candelæ frustulum flammantem sustinet.

Locus applicandi.

*Locus* scarificandi, cucurbitasque applicandi, est, ubi multum est carnis. Cavendum ne admoveantur locis ubi arteriæ magnæ sunt, nervi aut tendines, vidi enim ex læsis à scarificatione per talitrum foeminum mori. In macilentis tamaltè infligi non debet, hoc est cutis solummodo debet compungi, aut minimè subjectæ partes.

Usus.

Usus idem est ac in phlebotomiâ, verum earum applicatio majori cum cruciatus fit. Cæsis cucurbitulis utuntur *Hildanus* aliique, cum infantium cranium tenellum fuerit impressum, ut iterum loco pristino restituatur.

Ure.



Urethra cum fuerit à calculo minori obstructa (præsertim in pueris) cœcâ quoque cucurbitulâ extrahi sæpe potest: item ut urina in dysuria hoc modo emulgeatur: sic quæ per infortunium auri incidere eadem applicatione, ut ex altis ulceribus pus elutrietur. Porro in morsu canis rabidi, viperarum &c. apprimè conducunt. Item in colica passione, Arthritide, Odontalgia, Cephalalgia, membris extenuatis &c. auxilio esse queunt, si aliis remediis Medela adferri nequeat. Dixit *Hippocrates Mulieri si velis menstrua sistere, cucurbitulam quam maximam ad mammas appone.* Quia materia, quæ nimium extillat hoc modo divertitur, & motus sanguinis versus uterum diminuitur. Porro idem libro de Articulis XLIX. fatur hoc modo: *si magnæ cucurbitulæ affligantur, attractionis nimirum gratiâ verticulorum intro repentium, magno hoc mentis errore contingit.* Quia vertebræ vi majori restitui debent.

Utilitas quæ ex cucurbitulis scarificatis expectatur eadem est; quæ ex venarum sectione, eaque majoris non valoris, neque ita temerè institui debet, uti vulgo fit.

## CAPUT IV.

## DE APPLICATIONE HIRUDINUM.

**H**IRUDINES sive SANGUISUGAE species sunt vermium aquati-  
corum, interdum longitudine unius digiti, quæ, ut plurimum in aquis quid-  
turbidis & stagnantibus inveniuntur: in capitis extremo foraminulum ha-  
bent exiguum, ut mustelis aquaticis (*Lampreyen*) est, ex quo tria spicula  
ceu dentuli prodeunt, quibus cutim tam hominum quam brutorum ape-  
riunt, sanguinemque exugunt.

Duæ inveniuntur species, una *non Venenata*: altera *Venenata*, quæ in fœ-  
tentibus reperiuntur aquis, cum capitibus crassis viridibus & lucentibus,  
eodem modo ac vermes qui in tenebris lucent; porro cum lineis cæruleis  
ac nigris, quibus corporis accedit scabrities: istæ inflammationes inducunt, *Maligna*.  
exulcerationes malignas & remedia respuentes, insanabiles ut & febres, imo  
& ipsam mortem.

Ast species sincera & non venenata parva est, rotunda, mediocri capite, Non ma-  
colore fusco, ventre subrubro, subviridi, dorsum lineis fulget ex auro ligna.  
flavis. In aquis claris, puris & continuò fluentibus inveniuntur. Sed an-  
tequam in usum vocantur, æstimant nonnulli melius esse, si per mensem  
integrum in lagenâ aquâ purâ plenâ conserventur; affundendo & reno-  
vando sæpe aquam recentem. Verum enim vero melius ducerem illas, si  
ex aquâ melioris notæ captæ sint, applicare, quam diu conservatas. Sum  
in ea opinione has potius diutinâ conservatione deteriores fieri, itaque ma-  
lim recentes, modo non habeant ominosa illa signa: aqua enim in lage-  
nis stagnat, neque animalculis hisce debitus est motus, alimentum ac loci  
mutatio



mutatio, &c. Verum quoniam semper recentes habere nequeant, ex necessitate illas applicare cogimur, quæ in lagenis per integrum annum conservari possunt: modo aliquando nonnihil haniis in nutrimentum detur. mirum dictu, ante aliquot annos illas etiam habui, & vitrum, quo inerant glacie una cum hisce animalculis hieme stringebatur. Degelatâ postea glacie, ecce adhuc ut antea, in vivis erant, quod mihi mirum videbatur.

Ubi applicari debent.

Omnibus corporis partibus applicantur, præsertim ubi venæ sectio & cucurbitarum applicatio locum habere non possunt; uti circa palpebras, nasum, os, labia, gingivas, penem, digitos manuum, pedumque, hæmorrhoides, mulierum pudenda, &c.

Putant hirudinum usum inventum fuisse loco scarificationis: Verum potius crederem casu & fortuito fuisse: adhærent enim natantibus pueris, tibiis &c. quando sese in ejusmodi aquis exponunt, & hinc vero simile est earum usum primo in Medicam Artem translatum fuisse.

Applicandi modus.

Modus sanguinem sugendi, hic est. Ex aquis sumptæ parumper supra orbem aut tabulam jaceant ut aquam contentam deponant, & plus sanguinis exugant, deinde locus sugendus linteamento nonnihil fricatur, donec rubeat, vel si cutis fuerit unguentis aut ejusmodi pinguibus uncta, probè detergenda; Hirudines enim pingua non ferunt: deinde medium corpus linteamento prætenui comprehenditur, nudis enim manibus tactæ sugere renunt. Porro illarum caput ponitur supra locum suctioni destinatum. Ast si spontè ad suctionem non inclinentur, locus lacte irrigatur, aut sanguine columbæ, vel gallinæ; vel acu aut lanceola cutis compungitur.

Cum sanguine turgeant, & sufficiens copia non sit educta, forficulâ extremum corpus circa caudam aperitur, tunc sanguis effluit, & ulterius sugendo procedunt. Cum deciderint, recentes iterum applicantur.

Si sponte non decendant, abstrahendæ non sunt, ne illarum spicula in cute remaneant, unde ulcus ferum aliaque symptomata. Itaque sal pulverisatum capiti inspergendum aut cineres clavellati, cineres vulgares, sapo, aloë, &c. tunc statim decidunt.

Sanguis qui post suctionem adhuc extillat, non est sistendus; & alio loco sucto insuper cucurbitulam cæcam applicant, si locus sit commodus. Nam si venenositas quædam fuerit relicta, hoc modo allicitur. Postea pars sucta aqua salâ, Theriacali aut spiritu vini lavatur. Et si fluxus sanguinis nimius sit, tunc linteo usto, fungo orbiculari linteo cerpto, &c. est sistendus.

Facile infantibus, fœminis delicatulis, ubi nonnihil sanguinis est detrahendum, institui potest. Usus idem est ac de venæ sectione & cucurbitulis dictum.



## CAPUT V.

## DE LARYNGOTOMIA, SIVE BRONCHOTOMIA.

**S**æpe contingit in Anginosi affectibus ægros ferè suffocari, hinc omnibus <sup>Broncho-</sup> Sincaffum tentatis, ne planè suffocent ad LARYNGOTOMIAM seu tomia. BRONCHOTOMIAM descendendum.

*Tempus* quando institui oportet, est cum vires adhuc satis consent; æger <sup>Quando</sup> enim si prorsus viribus esset exhaustus, aut ob suffocationem moriatur, ten- <sup>instituen-</sup> tari non debet. <sup>da</sup>

*Ut* operatio itaque instituat, æger supinus decumbat oportet in dorsum, <sup>Modus.</sup> ita ut caput versus posteriora inclinetur, ut sedendo in sedili chirurgico commode institui possit: atque sic incisio bronchi feliciter fit. Deinde caput à famulo immobile tenetur: læva præhenditur larynx, & incisio latitudine pollicis supra annulum tertium aut quartum, ab inferiori parte recta sursum: incisa hoc modo cutis, digitis ad latera non nihil deducitur. Hisce peractis cultello eburneo musculi sternohyoidei ab invicem separantur, ut tubus respiratorius in conspectum veniat. Post hæc Lancettâ intra tertium & quartum annulum ligamentosa substantia prudenter transversim inciditur, sed cavendum ne annuli cartilaginei lædantur: educta lanceola, intruditur cannula pileata aut recta variis in locis perforata & plana in ipsum vulnus, quæ conficitur ex ebore, auro, argento, plumbo &c. quæ in vulnere tamdiu remanet, donec æger liberius per os & nares spiritum ducere possit. Exterius oram habeat latam & rotundam ne in fistulam respiratoriam incidat, pejusque malum inducat. Neque admodum altè immitti debet, ut tussis præcaveatur. Porro vulnus defensivo quodam ab omni parte cannulæ obligari oportet, & quotidie renovari, convenit quoque à duobus lateribus cannulam duo vincula habere.

Quidam nasuti & artis ignari hanc operationem instituere nolunt, quia <sup>Tuto in-</sup> Hippocrates dixit, cartilagine læsas non curari; verum quoniam varia <sup>stituitur.</sup> exempla contrarium docent, non est cur cæca Authoritate deviemus. Alii iterum operationem aggredi non audent, idque Hæmorrhagiæ metu, verum quia magna vasa sanguinea hic loci non reperiuntur, nihil timendum est. Neque hic cartilagine diffecantur, sed ligamentum intra annulos consitum, quæ plurimis quoque gaudent fibris carneis, quibus cartilagine systolen & diastolen sustinent.

Ante viginti annos, in tribus canibus, sed diverso tempore, <sup>Laryngo-</sup> tomiam instituimus, sed bono cum successu, nam vulnera post paucos dies <sup>tomix suc-</sup> coaluerunt, & sani evaserunt. <sup>cessus.</sup>



DE EMPYEMATE, PECTORIS HYDROPE ET THORACIS  
PARACENTHESI.

**U**Nde *Empyematis & Hydropis Thoracis* causæ habeant originem, satis superque in Praxi nostrâ docuimus; nempe à ruptione alicujus Apostemat-  
tis, sive pulmonum sive lateris: vel à ruptione lymphaticorum, aut san-  
guinis extravasatione.

**Empyema.** EMPYEMA itaque est puris collectio in thoracis cavitate, ex pleuritide, peripneumoniâ, vomica, &c. ortum trahens.

**Hydrops pectoris.** *Hydrops pectoris* est lymphæ extravasatæ collectio, ex ruptis lymphaticis; vel serosi humoris, post exulcerationem continuo extillantis. Vel loco feri aut lymphæ, sæpe sanguis ex vulneribus aut ruptis vasculis sanguineis ibi-  
dem coacervatur.

Quoad *differentiam*. Pus vel simplex collectum est; vel solus sanguis, humores serosos, &c. sibi admixtos habet. Materia pectori contenta vel bene olet vel malè: vel est in utraque pectoris parte, vel in unâ. Aliud recens est, aliud inveteratum.

*Signa* sunt vel de futuro vel de præsentî. Empyema futurum cognoscitur ex eo quando morbi præcedentes, ut Pleuritis, peripneumonia, vel aliæ pecto-  
ris exulcerationes secundum artem curari nequeunt, vel ex medentium neg-  
ligentiâ aut ign orantiâ neglecti sunt: Pleuritici enim intra quatuordecim  
dies nullum pus extuffientes, sæpe Empyi fiunt. Et si inflammationes tem-  
pore debito non cessent, & horrores, febres & gravitas sine magno dolore  
accedant, instantis, ut plurimum, empyematis signum est.

Collecto jam pure, adest respirandi difficultas; anhelitus foetens, in pec-  
tore gravitas, difficilis pariter ac sicca tussis, febris continua, post sump-  
tum cibum aut circa vesperam exacerbans, copiosus sudor, somnus perpar-  
cus, astitia, corporis emaciatio; adfunt interdum malæ rubentes, oculi con-  
cavi, ungues incurvati, pedes tumidi, pustulæ supra pectoris regionem, sa-  
liva purulenta.

Si pus in alterutro latere sit collectum, cognoscitur id, ex majori pon-  
dere, dolore aut colore in hoc aut illo latere, quod æger in hoc aut illud  
latus decumbendo optimè experietur. Vel pectori linteamentum madidum  
imponatur, & in ea parte ubi primo siccatur, ibi pus aggestum: item si hoc  
latus præ altero magis tumeat, certissimum signum est in eo pus recondi.

*Signa Hydropis pectoris*, eadem ferè ac empyematis sunt: quibus accedit,  
si æger ab uno latere in aliud inter decumbendum se vertat, aquam fluctuan-  
tem & sonitum audiat, quod ob puris sæpe crassitiem non tam facile exau-  
ditur. Hisce adjunguntur situs, emaciatio, facies pallida, Tussis sicca, dys-  
pnœa inter ascendendum, febricula, palpitatio quandoque cordis noctu post  
primum somnum inquietudo & jactatio, pulsus sæpe adest intermittens &  
perturbatus, nec non crebra animi deliquia. &c. cætera signa maximâ ex  
parte eadem sunt.

Pus



Pus si quando è pulmonibus sursum expuitur, non est signum mali omnis. Atque illa puris à pulmonibus assumptio hoc modo fieri arbitror. Nempe inflati pulmones thoracis cavitatem implent, si deinde quædam in pulmonis superficie aperturæ sint sive ab exulceratione vel alias, debent propter expansionem hiare, & tunc implentur pure, quod constricto pulmone tandem in bronchia ducitur, quod deinde exspuendo aut mingendo, sed tardè, extra corpus educitur. Sed credo hoc rarissimè fieri, & si exspuatur non ex cavitate thoracis, sed ex ipsis pulmonibus elevatur.

Si quando pus aut alius liquor contentus unicâ vice evacuetur, vacillant vires, & sæpe mors inducitur. Pus si fuerit planè album, impermixtum & sine foetore, sæpe evadunt ægri. Si post puris eruptionem cesset febris, bonum; verum ea exacerbante, moriuntur. Sputa viridia, cærulea aut spumosa, *ῥανὰ قيμωρ*. Item quoque, si accedat alvi fluxus. Quibus pectus ob nimiam puris abundantiam elevatur, subito suffocantur. Si Empyema intra quadraginta dies non expurgetur, in phthisin seu tabem incidunt, & mors tandem insequitur. Quando vires deteruntur, pulmones putrescunt, febris perseverat, anhelitus difficilis & brevis accedit, cum pulsu debili ac celeri, sudore frigido, deliquiis, &c. Pectoris paracentesis non est tentanda, quia mors in limine est: nam si talis desperatus æger inter operandum animam daret, videretur ac si à vulnere inflicto obiisset verum si omnia è contra fuerint, tutò thorax apertur. Aperto pectore, si pus album sine odore ingrato & consistentiâ debitâ, Symptomataque quotidie diminuentia, de restitutione dubitandum non est. Ast si fæteat, turbidum, sanguinolentum, &c. sit, spes non erit admodum secunda. Si ferrum puri immissum calorem induat, ac si in igne fuisset, pessimum. Item, si spatula argentea instar auri aut cupri flavi sit, malum: significat enim magnam puri adesse acrimoniam.

Quando nobis Empyematis certa patent signa, Diuretica & Bechica summopere profunt: & in Pectoris Hydrope Hydragoga; ast si illa incassum tentantur, ad Thoracis Paracenthesin deveniendum. Remedia interna.

*Diuretica, Bechica & Hydragoga* in Praxi meâ satis superque sunt descripta. Externè Emplastra & Cataplasmata Emollientia conveniunt, ut pus, quasi, maturetur, verum parvi valoris esse puto.

Porro hisce, ut ferè semper solet, frustra adhibitis; cogimur quam primum ad thoracis apertionem seu *ἄσκησιν* devenire. Atque hæc à quibusdam summoperè periculosa judicatur, verum præstantius est dubium adhibere remedium, quam concedere ægrum certè moriturum: &, si in pectore remaneat fistula, melius est minorem pati difficultatem, quam maximam.

Variant Authores de loco incidendo, & triplex constituitur, nempe in osse Locus incidendi. pectoris, costis, aut inter loca intercostalia. Foramine in pectoris osse perterebrato, per illud puri, lymphæ, aut sanguini debitus non conceditur exitus: Et per ipsas costas aperturâ ampla esse nequit: imo & pectoris os, & costæ ob spongiosam substantiam levinegotio in cariem inciderent. Ideoque præstantius intercapedines costarum incidere. Locum quidam eligunt inter quartam & quintam costam, secundum Hippocratem. Sed aliilocum intra



tertiam & quartam sibi optimum ducunt : Verum *Ægineta* vult inter quintam & sextam , alii septimam , verum hoc non sine periculo fit , quia tunc facile diaphragma lædi potest , quod in quibusdā altius , in aliis depreffius est : sic pectus quoque gibbosius est in alio , in alio iterum planius ; hinc subjecta humana quam maximè variant. Quando nimis altè sectio instituitur , sæpe pulmones &c. lædi possunt. Itaque locus inter costam quintam & sextam sectioni peraptissimus est , quatuor circum circa digitis à sterno , & sex aut septem à dorsi vertebris ; nam si velis spinæ esse propinquius , periculum est de majoribus vasis ac nervis lædendis.

Modus hanc operationem instituendi triplex est , nempe *ustione* , *corrosione* , aut *cultro*.

Modus per  
ustionem.

Quod *ustionem* attinet , sunt qui putant cauteria actualia non posse thoracem perforare , sed tantum superficie tenus inurere : ast *Hippocratis* verba hoc modo conscripta sunt , sect. vi. App. 27. *quicumque Empyi aut Hydrofici uruntur aut secantur , si pus aut aqua universum effluxerit , omnino moriuntur*. Ex hisce verbis non obscure liquet usque in thoracis cavitatem penetrasse cauteria.

Ignem aut candentem ferro hoc modo inurendum : primus modus fit per fungos sive *μύκητες* Hippocrati , qui leniter urunt , quibus locus aperiendus uritur : idem faciunt *Ægyptii* cum Gossipio & *Chinenses* cum lanugine *Artemisiæ* , quam *Moxam* nominant : eschara inusta cultello cuspidato & peracuto tunc facile aperitur.

Per rupto-  
ria.

Alter modus cauterisandi est , quando ferrum aliquod acutum vel cultellum cuspidatum & candefactum per cutim & musculos intercostales in thoracis cavitatem adigitur.

Secundus aperiendi modus fit per *Cantheria potentialia* , sive *Ruptoria* , vel cum calce viva & sapone , &c. quando applicantur , locus aperiendus emplastro optimè glutinante contegitur , cui in medio foramen rotundum est , futuræ aperturæ magnitudine respondens : in eo foramine Ruptorium salivā madidum applicatur , & emplastro quoque tegeritur , tunc post horam unam & alteram locus ille erit mortuus seu sphacelatus , qui tunc cultello acuto aperitur ; apertura debet esse ampla alias , nimis citò coalescit.

Per sectio-  
nem.

*Sectio* , ultimus operandi est modus , qui est facillimus , promptissimus , tutissimus. Loco dissecando atramento notato , lancetta sumitur linteo obvoluta , ea conditione ut tantum remaneat nudum , quantum satis judicatur , ne ex imprudentiā , internæ lædantur partes. Imo & inter pollicem & digitum indicem ita teneri potest , ut quidquid nudum esse debet , extra digitos remaneat. Quò materia contenta crassior : eo amplior oportet esse vulnus : ideoque in hydrope Thoracis angustior fieri potest.

Quantum  
puris de  
promen-  
dum.

Foramine modis prædictis factò intruditur cannula pileata ex ebore , argento , auro , stanno aut plumbo facta , quā variis intervallis pus depromi solet. Singulis diebus quatuor aut quinque unciae sunt solummodo emulgendæ , ne vires subito collabantur , atque ægri vitam finiant. Vires quoque sunt respiciendæ , ætas , anni tempus , sexus &c. Loco cannulæ melius esset siphonem applicare , cujus ope pus , facile attrahi possit , idque brevi temporis spatio.

Quæ



Quæritur, quare non liceat omne pus aut aquam unicâ vice depromere? Certè ego hoc nunquam potui percipere. Primo vires non atteruntur, neque in lypothymiam incidunt, neque aliud malum oboritur: uti in nimia sanguinis quidem effusione. Quantum oneris non enititur, quando foeminæ duos, tresve, imo plures fœtus, unico partu, pariunt? Refert Clar. J. Muis in Obs. viii. Dec. viii. alicujus foeminæ, cui ex tumore in nucha, unicâ vice octodecim libræ puris profluxerant, sine ullo animi deliquio. Itaque, si vires ferant, partitis vicibus materia non est depromenda, ne morbus retardetur.

Cur non  
liceat uni-  
ca vice de-  
promere.

Si contenta materia nimium fuerit crassa, & præ crassitie non possit educi, aqua calida per siphonem est immittenda, vel Tinctura Theæ diluta, vel sequens decoctum.

Recipe. *Radicum Plantaginis, Consolida Majoris* ana uncias duas. *Foliorum Saniculæ, Betonicæ, Virgæ Aureæ, Cardui benedicti*, ana Manipulum unum. *Florum rosarum rubrarum*, Manipulum unum & semis. *Hyperici*, Manipulum semis. *Coquantur ad uncias triginta ex vino rubro.* Colaturæ adde *Myrrhæ, Aloës*, ana drachmas duas. Misce fiat injectio.

Non tantum illa decoctio materiam attenuat, verum & partes circumjacentes à putredine conservat: hoc tamdiu continuandum, donec omne pus, sanguis aut aqua sit educitum: si contenta non fœteant, tunc injectiones summè necessariæ non sunt, nisi in fine educationis; ut ulcus detergatur, atque integrum restituatur, imo quidquid viscidum visceribus adhærens blandè abluatur. Interim patiens sequentem sumat potionem.

Rec. *Radicum Rubiæ Tinctorum, Chærefolii*, ana unciam unam. *Herbarum Tussilaginis, Saniculæ, Malvæ, Chærefolii* ana manipulum unum. *Cicerum Rubrorum, Passularum minorum*, ana uncias duas. *Coquantur ex aquâ ad uncias viginti.* Colaturæ adde *oculorum cancri*, drachmas duas. Misce.

Vel de sequentibus fumantur quotidie pilulis sex.

Recipe *Oculorum Cancris*, drachmas duas. *Spermatidis ceti*, drachmam unam. *Balsami Peruviani*, guttas sex. *Terebinthinæ Venetæ*, quantum sufficit. Misce fiant ex scrupulo quinque.

Idem in pulverem redigi potest, si terebinthina in duritiem coquatur, cui addi potest *croci* scrupulus. Dosis erit unius drachmæ.

In *Dieta* ad roborandum fumatur vinum Hispanicum, Hoglandicum album, mulsum deinde cerevisia Roterodamensis bene defæcata. Cibus sit *ἑυδαίμων*, ex Gallinis, Columbibus, Perdicibus, Cuniculis, Passulis Corinthiacis, Petroselino, Chærefolio, Fœniculo, Amygdalis decorticatis, Hordeo, Oriza, Dulci Lacte, Lacte cum Ovis, Ovis Sorbilibus, Biscocto; Pane Triticeo, Percis, Lucis, Porcellis, Carpionibus, Soleis &c. cavendum ab acidis & falsis. Motus corporis sit mediocris. Somnus & vigilia pro more solito. Calor amicus, frigus inimicum; laxa sit alvus, cum *Prunis, Mannâ, Cassiâ Fistulâ*, &c. aut si omnia spontè fluant, non



opus erit alvum sollicitare. Potus Theæ, Lactis dulcis, Chocolatæ, Coffeæ, similesque calidi potus, optimi.

Puris ex  
papilla per  
se exant-  
latis.

Nuper Chirurgus . . . . *Romæ*, ex Guinea seu Auriferâ regione veniens, in reditu versus Hollandiam incidit in tussim, fortè & in pleuritim: sed quod mirandum; Empyematicus factus, ei foramen in læva papillâ per se aperuit ex quo quotidie aliquot uncie fætidæ liquoris erupit: postea corruptis pulmonibus, obiit.

## C A P U T VII.

### DE ABDOMINIS PARACENTHESI.

Quando  
instituitur.

**H**ic omnia recitare quæ ad Hydropum genesin pertinent, minimè necessarium duco, quia in Praxi nostrâ illa materia satis superque pertractata fit: ideoque scopus noster solummodo est non nihil de PARACENTHESI scribere, quæ quamvis morbi causam non tollat, adeoque periculi plena, nihilominus tamen remedium anceps adhibere præstantius est, quam nullum; propterea ipsius operationem hic ponere pernecessariam æstimavi.

Paracen-  
thesis.

Raro illud remedium adhibetur, nisi alia medicamina incassum sint tentata: ex hoc sequitur ægros serò nimium ad illud confugere, viribus enim consumptis, visceribusque corruptis, consultum est potius nihil tentare, famæque consulere, quam ægri fata infausta accelerare. Hinc Paracenthesis non tentanda, nisi vigeant adhuc vires, visceraque illæsa sint. Si aqua fuerit intra abdominis musculos, & peritonæum, ut sæpe fit, restitutionis spes affulget, ast si ex vasculis lymphaticis, Hepatis nempe, lienis, aliarumque partium stillet, res est serè desperanda & eventus mali omnis.

Prognos-  
tica.

Præter vires imbecilles, ac viscera sana, aliquando partes acu perforatæ, ob caloris defectum, aut aquæ falsæ corrosione facile gangrænam incidunt. 2. Lymphâ depromptâ, vires decressere. 3. Liquorem Hydropicum non raro in vulnus tanta vi impelli, ut quamvis optimè sit obligatum, nihilominus invitis nobis effluat. 4. Et si cannula arctè sit inclusa, ut ab omni parte vulnus arctissimè sit clausa, tunc alimentum excluditur, & brevi gangræna sequitur. 5. Quando, secundum *Celsum*, feramentis candentibus pluribus in locis venter exulceratur, pauci quidem sanescunt, at plurimi non evadunt: extillante enim acri illo sero, ulcus insafabile sequitur, deinde gangræna & vitæ finis.

In quibus  
instituen-  
da.

Si itaque operationem accingere velis, expectandum non est, donec vires sint deperditæ, ac viscera corrupta. Instituenta est in corporibus non emaciatis, verum quidem quando Hydrops subitò advenerit, neque inveteratus sit vel quando alia medicamenta incassum sint adhibita: internis enim morbus si auscultet remediis, ad auxilium illud crudele descendendum



dam non est. Neque adfit quoque respirandi difficultas, neque febris: recens natis aut admodum Junioribus uti & senioribus non est consultum ejusmodi operationem adhibere: habeant potius ætatem intra viginti & quadraginta annos: neque iis vires deficiant.

*Locus* variis varius est. Umbilicus si extuberet, in umbilico compunctio est instituenda; imo & ipsa cutis parum est aliquando incidenda, præsertim si protuberantia, vesicæ in modum, est diaphana, tunc lancetta umbilicus est incidendus, & aquâ depromptâ, turundâ ex linteo carpto cum magno capite est obturandâ. Ast si umbilicus sit contractus Operatio est omittenda, neque facile institui valet & absque umbilicalium vasorum læsione vix cannula intruditur: imo & illorum læsio sæpe lethalis est. Porro non protuberante umbilico, in latere sinistro aut dextro, (idem enim est, nam Hepar, uti veteres valuerunt timendum non est, quia in Hepatis & peritonæi intercapedine satis larga existit copia aquæ) & totidem à lineâ albâ, nam ea & musculorum tendines sunt vitandi: Melius quoque est paulo altius versus umbilicum sectionem instituere, declinando tamen muscoli recti transversos tendines; sit plerumque ad latera muscoli recti, in musculo oblique ascendente. Veterum si quando more sectio instituitur, in dextro latere hoc modo fit, verum in sinistro secundum hanc lineam. In linea quoque alba sectio nonnunquam peracta; melius tamen est, si fieri possit, eam vitare, gravia enim symptomata exinde non raro sequuntur.

Scroto intumesciente, idque vesperi magis quam mane, tutius est idem aperire quam abdomen, præsertim mediante setacco, at laneo filo. Et *Aquapendens* ustione fieri setacea in cruribus, brachiis &c. commendat: non suaderem tamen quia ab aquâ salâ sæpe gangræna &c. inducitur.

*Locus* ubi sectio est instituenda, atramento primo notatur, deinde cutis aperitur, & cultellus adigitur, ita tamen ne viscera lædantur, quod <sup>Sectionis</sup> <sup>quomodo</sup> vix fieri potest, quoniam intra viscera & peritonæum aquæ sufficiens copia <sup>peragendas</sup> est; hisce peractis cannula intruditur ex auro, argento, ebore aliave materiâ confecta: deinde singulis, alternisve diebus; vires enim respiciendæ, libæ duæ aut tres ad summum depromuntur. Quantitas enim quo minor, eo vires minus consumuntur. Perparcè quoque depromi non oportet, sed primâ vice ad libras tres, postea sit quantitas paulo minor, protractâ enim curâ, æger sæpe deficit.

Cannula intrudenda ab omni parte polita esse oportet, in extremitate externa cum margine lato, seu pileo, ne in abdomen decidat. Habeat unius digiti longitudinem; in extremitate nonnihil sit curva ac rotunda; ne sit vulnus quoque majus quam ut cannulæ respondeat. Post hæc in vulnus adigitur & emplastrum summè glutinans superimponitur, cum linteamentis, &c. Ad deligationem requisitis; post aliquot horas, & tantum aquæ exhaustur, quantum supra diximus quod singulis diebus fit, donec æger ab aquis liberatus fuerit. Cannula tempore evacuationis semper in vulnere maneat, hinc quæ ex auro fiunt, omnium optimæ, quia hisce vulne-



ris latera minus afficiuntur. Abdomen & cannula spongiis, emplastris ac linteis complicatis claudantur ac deligentur.

Cannulæ  
hodiernæ.

Prædictus modus veteribus magis in usu fuit quam nobis: muscoli enim perforati nimium intumescunt, ac cannulam undique præter modum coarctant, & via pro sanguine & succo nutritio clauditur; hinc gangræna & sphacelus in propinquo sunt. Inustiones uti & caustica ab hodierno usu planè etiam exulavere; foramina enim hisce facta præter modum magna fiunt, & certissima mortificatio sequitur. Nunc autem temporis alia innotuit cannula foraminulis pervia, lanceolæ in extremitate figurâ. Insuper cannula pistillum ex ligno buxino aut metallo quopiam, in modum siphonis, continet. Optimo deinde loco electo, cannulæ cuspis abdomini intruditur, ei immissæ pistillum eximitur, & tantum depromitur aquæ, quantum judicatur oportere; deinde cannula pistilli intrusione illico, ne aqua amplius efluat, clauditur. Omni aquâ evacuata, cannula iterum extrahitur, & vulnus linteo carpto, ac glutinante emplastro clauditur.

Aquâ iterum accrescente, de novo, perforatio fit in vulnere priori. Verum si aqua nobis invitis extillet, cannula brevior intruditur, quæ subere clauditur, qua quotidie tantum depromitur, quantum volumus, & iterum clauditur.

Interdum viscidum quid intestinis adhæret, quo cannula obstruitur & exitus aquæ denegatur, tunc intruditur cannula longioris styli qua illud removetur & liber exitus conceditur.

Sunt qui dicunt hanc operationem multo minori acu posse fieri quâ continuo novum foramen perforant, verum aquâ nimium viscidâ existente, quod sæpe evenit evacuationem prohiberet. Alii per scarificationem illud tentare volunt quod non est suadendum, nisi in partibus inferioribus instituatur. Si aqua præter modum fuerit viscida, Paracenthesis vix locum habet.

Post aquæ evacuationem & ægri curationem, aliquot tempus brachium gestet oportet; nam peritonæum perforatum non facile concrescit, atque hoc modo Hernia evitatur. Instrumenta quibus paracenthesis instituitur videri possunt apud P. *Barbette*, J. *van Meek'ren*, *Mangetum*, *van Solingen* &c.

## C A P U T VIII.

### DE CATARACTA, ET SUFFUSIONE.

Quid suffusio & cataracta.

**C**ATARACTA incipiens dicitur SUFFUSIO sive humorum ocularium invicem conquassatio. Et perfecta seu completa CATARACTA propriè vocatur: quæ inter sese tantum ut magis & minus differunt, nempe maturitate, & tempore. *Suffusio* itaque nihil aliud est, quam obstructio  
alia



aliave læsio in crystallini humoris fibrillis incipiens, qua luminis radiis rectâ viâ ac plenissimè intrare nequeunt; & visus fit ac si culices plurimi ante oculum volabant, & interdum ac si visio aquæ interventu fieret. Ast *Cataracta* idem est affectus ac *suffusio*: differunt tantum tempore: nam quod in suffusione molle erat, illud in cataracta durum est instar membranæ.

*Suffusio*, *Hypochyma*, *Cataracta* &c. iidem sunt affectus, verum tamen aliquam habent differentiam: nam pro *suffusione* aut *Hypochyma* habetur primo incipiens. Ast post aliquod tempus, lumini præcluditur introitus, ac in oculo aliquid appareat instar aquæ ab Arabibus *Aqua* dicitur. Verum materiâ in membranam induratâ, vulgo *Cataracta* appellatur. Colore *Cataracta* differt: Album enim est, cinereum, vitreum, flavum, viride &c. pro humorum ocularium colore. Locus intra pupillam est & tunicam corneam, aliquando magis ad hunc vel ad illum locum inclinat; Pupilla quoque vel planè obvelatur vel pro parte. Narrat *Plempius* de *Cataractis* pone pupillam in humore crystallino.

Colorum  
differentia

De *causis*, Authorum nullus vix mihi satisfacere potest: verum quantum ex omnibus observationibus mihi colligere est, sequentes dabimus, nempe lachrymando, verberibus, contusione, casu, ictu, nimio calore ante focum, ira &c.

Multas quando quis effundit lachrymas, tunc sæpissimè oculi fricantur, præsertim si infantes sint; fricatione porro hac non raro membrana, crystallinum humorem continens, rumpitur, aut saltem læditur. Hac itaque ruptâ sensim sensimque nonnihil istius in aqueum humorem effunditur; hinc primo ante oculos culices quasi & festucas volare videntur: materia hac postea invicem concrecente, calore (sive in aqueo humore sit, vel exterius advenerit) sensim concrefcit, & membranæ instar cohæret: eodem ferè modo ac si ovi albumen aquæ tepidæ instilletur, quod pedetentim in aliquam duritiem coagulatur.

Idem pronuncio de causis ex casu, tusione, verberibus, ictu, &c. ortis. Verum multum circa ignes intensos versantibus, idem accidit sæpe. Nam ab ejusmodi calore humores in vapores convertuntur, ac majus requirunt, quam antea spatium, & sic necessariò humores erumpunt: vel, quod veri magis simile ab igne condensantur ac coagulantur: atque sic canaliculi membranæ Crystallinæ, ejusve humor obstruitur. Humor enim iste textura est innumerabilium tenuium ac pellucidorum filamentorum cavitates humorem continent diaphanum, cujus ope luminis radii transeunt. Verum hoc humore nimium inspissato aut turbido, canaliculi isti obstruuntur, & luminis radii excluduntur.

Ira ac febres ardentes etiam causæ esse possunt, fortasse, cum sanguis nimium fuerit incrassatus, unde oculorum membranæ facile obstruuntur, ex crasso enim sanguine humores quoque sequestrantur crassi.

Causam plurimi putant esse pituitam, de cerebro stillantem: verum quia ratio de hac re reddenda admodum obscura est, ideoque illam floccipendo; tales enim viæ non dantur. Non tamen inficias eo nervi optici ob-



structionem, verum illa suffusio non est neque cataracta, sed *Gutta* vocatur *Serena*. Pituita alias è sanguine proveniens, facile obstructionem parit, ideoque cum ex ebrietate sanguis nobis nimium fuerit incrassatus ac inspissatus, tam clarè videre non possumus, ac quidem post assumptam theam; hac de causâ in principio suffusionis non parum istius potum commendo.

In principio signa sunt, quasi ante oculos muscæ, culices, pili, reticula &c. volarent ac agitantur. Interdum res duplex conspicitur, diversis quoque coloribus, quia pupilla læsa aliter est disposita quam sana: in principio visus est obscurus, deinde planè aboletur: oculus lumen magnum aut intensum calorem non facile fert. Quando oculus fricatur, & pupilla aperitur, cataracta necdum est perfecta, verum si immobiliter maneat, de cataractæ maturitate non est dubitandum. Intra menses sex communiter completa est, quamvis *Fernelius*, *Riverius*, alique testantur illud unico die fieri posse: Verum si fuerit notha species, ad multos annos, antequam matura est, extenditur. Si perfectæ sint, unionem sæpe referunt.

**Prognosis.** Internis aliquando medicamentis suffusio incipiens fugatur, corpora si fuerint sana, & ætas non nimium proveccta: aliquos tamen novi, qui in ipsa senectute sanati fuerunt, quod & *vander Voort* notat. Qui necdum cæci sunt, atque mediocriter vident, illis spes est, nisi oculi sint debiles. Post acutam febrem, sive in phrenitide, pleuritide, aut peripneumoniâ vel cephalalgia, difficile curantur: uti & cataracta plumbea, nigra, aut flava. Quando planè indurata sit, non curatur, nisi acu: quamvis visus sæpe non restituitur, nihilominus tamen melius est morbum ancipitem tentare, quam ægrum in cæcitate relinquere. Oculo sano clauso, atque cæco fricato, si uvæ ipsius loco non recedit, ut plurimum nulla sanationis spes affulget. Quo pupillæ minus aperitur, eo majori spe æger privatur: quo cataracta proximior membranæ crystallinæ, eo peior, quia vix deponi potest absque hujus tunicæ læsione. Si planè nigra sit, sine luminis traiectione neque medicamentis cedit, neque chirurgicâ manu. Post annum tertium, quartum & plures, adeo indurata est, ut deponi nequeat. Cataractæ duræ, virides, nigrae, flavæ, ut mercurium æmulantes, plerumque non sanantur. In decrepitis curatio non est tentanda. Hæmorrhagia ab acu effluens, periculosa non est, quia per se iterum sistitur. Si pone crystallinam membranam fuerit, sanationem quoque non admittit, quia acus eo usque adigi nequit.

**Curatio.** *Curatio* duplex est, prima medicamentis instituitur internis & externis. Altera vero acu. In cataracta incipiente utuntur purgantibus, & cerebrum roborantibus, atque ea constare debent ex incidentibus, & attenuantibus particulis, hoc est, quæ continent volatile quoddam penetrans ac spirituosum sal: ut sunt.

Radices *fœniculi*, *apii*, *Valerianæ*, *chelidonie majoris*.

Herbæ, *Euphrasia*, *chelidonie majoris*, *fœniculi*, *Majorana*, *ruta*.

Semen, *fœniculi*, *Sileris montani*, *Carui*.

Spiritus, *Salis armoniaci*, *Matricalis*, *vini*.

Aqua, *Euphrasia*, *rosarum*, *fœniculi*.



*Caphora, aloes, alumen, Myrrha, Vitrum antimonii, Crocus orientalis, crocus metallorum, Saccharum saturum, Vitriolum, fumus succini, &c.*

Venæ sectiones nihil prodesse possunt in hoc casu, neque purgationes, nisi alia adfuerit causa, quæ lenem catharsin juberet. Emetica, fetacea, fonticuli, balnea nullius quoque sunt momenti. Salivatio periculosa quidem, sed in incipiente non penitus exulanda. Succini accensi, per infundibulum, fumus ab oculo exceptus, ob acrimoniam penetrantem aliquando institui potest. Potus coffeæ & Theæ præsertim spiritus exhilarant & cerebrum ab omni obnubilatione liberant, hinc non parum opis incipienti adfertur. Neque exigendum est decoctum ex *Guajaco, Sassafras, China, Salsa Parilla, Roremarino, Salvia, Betonica, Ruta, Majorana, Lavendula, Thymo, Euphrasia, &c.* Iis enim sanguis multum pituitæ deponit, & maximè inciditur, fluidior redditur, meliusque omnes canaliculos subit: quidquid quoque acidi, expellitur per urinam & diaphoresin, & reliquum obtunditur.

Instilletur oculo quotidie *Spiritus Matricalis*: aut fiat collyrium: ut

*Recipe Aquæ Chelidonie Majoris, uncias duas.*

*Spir. Salis Armoniaci, guttas decem.*

*Vitri Antimonii, grana quatuor.*

*Caphoræ, grana sex.*

Misce fiat Collyrium.

Alii utuntur felle piscis *Lampetræ* ( vulgo *Puit-aal* ) aut istius jecoris liquore. In *Hollandia*, non procul à *Delphis* piscis iste capitur in paludibus ex quibus cespites eruuntur. Hepar album est, quod pendendo solis radiis exponitur, ut ipsius pinguedo destillet; qua palpebræ solummodo illinuntur: hoc remedio testatur *P. Forestus* plurimos multum auxilii attulisse. *Fonseca* sequentem mixturam laudat:

*Recipe Aquæ Chelidonie majoris, uncias sex.*

*Croci Metallorum, drachmam unam.*

Fiat infusio per aliquot dies.

Deinde interdum guttæ quædam oculo instillantur. Sequens Collyrium *Zeckius* laudat, nempe,

*Accipe Flor. Leucoji, manipulum unum.*

*Sem. Raphani Hortensis, drachmam unam.*

*Gummi Ammoniaci, drachmam semis.*

*Aquæ Fœniculi, libram unam.*

Misce.



Leniter coquantur, colaturæ, adde

Succi Fœniculi depurati, *unciam unam.*

Bals. Peruviani, *drachmas duas.*

Misce fiat Collyrium.

*Gesnerus* ad *Fabricium* de cataractæ curatione scribit, per facem olei ac omphacii, ex quibus unguentum fiebat.

*Hallerius* describit aquam, quâ novem annorum cæcum sanavit: ut

*Infunde* Succi Apii,

Morsus Gallinæ,

Fœniculi,

Salviæ,

Verbenæ,

Pimpinellæ,

Chamædryosæ,

Rutæ,

Centinodii.

Caryophyllorum.

Farinæ voltailis, *ana unciam unam.*

Piperis Crassiusculè tusi,

Nucis Moschatæ,

Ligni Aloes, *ana drachmas tres.*

Urinæ Puerorum, *partem unam.*

Vini Malvatici, *partem sextam.*

Coquantur, exprimantur & conserventur. Hoc liquore vespertino tempore aliquot guttæ oculo infunduntur.

Remedia qualia sint, oportet, consistant ex particulis admodum penetrantibus, interque ea præcipua sunt *Caphura*, *Spiritus* & *Succus Chelidonie Majoris*, *Spiritus Salis armoniaci*, &c. Et si hisce curatio absolvi nequeat, alia non est speranda quam mediante acu: hisce & similibus incassum tentatis, & cataractâ ad maturitatem absolutam perductâ, ad Chirurgicam operationem descendendum.

Antequam operatio instituatur, solent corpus prius purgare sed hoc opus non est, si alvus respondeat. Et, si æger alium morbum interim incurrat, tamdiu expectandum, donec morbus sit expulsus & vires iterum consistent, alias oculo gravia imminerent symptomata.

Tempus deponendi cataractam optimum est ver, deinde circa autumnum; idem ferè est, modo aer sit temperatus. Eligitur tempus matutinum circa horam nonam, idque die seneno. Deinde æger in sedem Chirurgicâ (vulgo *een Leun-Stoel*) ponatur, in quam à parte posteriore inniti potest capite, idque lumine adverso. Deinde sanus oculus bombyce aliave materia molli deli-



deligatur, ne inter operandum sese moveret. Tunc Chirurgus, masti-  
cato prius nonnihil seminis fœniculi, (sed hoc opus non est) ante ægrum  
sese collocat, verum paulo altius: interim caput ægri ab adstantibus aut  
ministris immobile teneatur. Dum acus suas aliquoties per subcoactum  
vulgo filtrum; (*een vilt van een hoed*,) transmittit, ut parum incallescant,  
jubet ut patiens oculum cæcum versus nasi angulum moveat. Acus debent <sup>Acus figu-</sup>  
esse plane & longæ, alii sumunt rotundas: habeant quoque manubria, ad <sup>ra.</sup>  
commodiorem præhensionem. Constare debent ex optimo chalybe, nam  
argenteæ aut aureæ facile hebescent, & flectuntur.

Terebrando deinde cum agilitate adigatur acus per tunicam albugineam  
in angulo oculi externo, dimidium ferè straminis distantia à pupillâ, pro-  
pmodum usque ad medium cataractæ. Si cataracta in oculo fuerit dex-  
tro, lævâ manu operandum, sin in sinistro, manu dextrâ: separa deinceps  
cataractam à superiori parte versus inferiorem, sensim eam deprimendo,  
donec non amplius renitatur; exime porro acum (si fuerit rotunda) pru-  
denter vertendo, verum non totaliter, nam si cataracta iterum resileat, tunc  
eadem acu denuò versus oculi angulum minorem est trudenda; vel si pos-  
sit fieri, est comminuenda. Cavendum interim ne tunica aranea sive crys-  
tallina vel aliud quid, quantum fieri potest lædatur. Post hæc acum, eam  
leniter vertendo, exime.

Hiscæ peractis, oculus deligandus cum *aquâ rosaceâ*, *ovi albumine*, &  
*Caphorâ*, qua mixturâ cavetur, ne symptomata adveniant: deligatio alter-  
nis diebus fit, vel tertiâ quoque die: interim tamen integer oculus etiam  
claudendus, quia ambo immobiles manere debent. Deinde patiens in  
lectum collocatur: ne loquatur oportet, aut cibos manducet, quo enim  
quietior, eo melius: sit caput nonnihil elevatum. Postea oculus quamvis  
restitutus & ad videndum aptus, aliquot tamen septimanas clausum ha-  
beat, deinde sensim sensimque luci exponat, vitando tamen aërem luci-  
dum ac solares radios: tempore mensium trium aut quatuor à lectione  
se abstineat, aut aliis rebus subtilissimis conspiciendis.

Communi methodo descriptâ, etiam meam hic deponere cogor opinio- <sup>Authoris</sup>  
nem. Poterat in suprema corneæ parte exiguum fieri vulnusculum, & nova opi-  
mediantibus duabus acubus forficulæ in modum conjunctis, cataractam <sup>nio.</sup>  
extrahere: hoc quippe modo præcavetur, ne amplius resileat. Nullum  
quoque periculum est, si humor aqueus exstillet, is enim brevi restituitur,  
& vulnus in superiore oculi parte infligitur. Postea deligandus est oculus  
modo superiore. Ad me quod attinet, arbitror id fieri posse.



## DE UNGULA SIVE PTERYGIO.

Pterygium  
quid.

**U**NGULA [sive] PTERYGIUM nihil aliud est quam excrefcentia quædam tunicæ conjunctivæ, quâ pupilla in totum vel ex parte tegitur.

Illa est in angulo oculi minore, quod raro fit; aut in majori sive interno, & magis familiaris est; verum rarissimè à parte superiori aut inferiori producitur.

Causæ sæpe sunt externæ, ut à vulneribus, casu, contusione &c. vel sunt internæ, ab oculorum scabie aut inflammatione. Sit ut sit, proximam causam censeo vulnerationes, aut ob acrimoniam quandam corrosiones: tunica illa hoc modo aperta, cicatrice non obducitur, sed continuo ulterius atque ulterius excrefcit, productionesque suas extendere nititur, quando, ut debet non cicatrifatur: eodem modo ac caro excrefcit, & quomodo hoc fit, vide *Institutiones* meas.

Quæ sunt albæ, tenues & contractæ, facilius curantur, quam rubræ, crassæ, latæ. Incipiens minus curam respuit quam inveterata. Quidam operationem aggredi non audent, si tegant pupillam, quia propter cicatricem lumini introitus denegaretur.

Externis primo curatio tentanda; & si omnia incassum sunt adhibita, ad operationem est conscendendum. Externis itaque hoc modo procedendum: & sequens oculo instilletur:

*Misce* Succi chelidoniæ majoris, *unciam semis.*

Rutæ,

Fœniculi, *ana unciam unam.*

Aloes, *scrupulum semis.*

Vitrioli Cærulei, *grana quatuor.*

Fellis Lucii piscis, *drachmas duas.*

Sacchari candi albi, *drachmam semis.*

*Misce* fiat Collyrium. vel,

*Recipe* salis armoniaci,

Offis Sæpiæ, *ana drachmam unam.*

Sacchari candi, *drachmam semis.*

*Misce* fiat pulvis, quotidie oculo instandus. vel,

*Accipe* Salis Armoniaci, *drachmam unam.*

Succi Chelidoniæ majoris, *unciam unam.*

Maneant per noctem in pelvi cupreo, & stilletur quotidie in oculum: vel,

*Recipe*



Misce. utitur ut supra.

Ablatâ unguâ, oculus deligatur, ovi albumine, aquâ rosacea & caphorâ. Oculus sæpe aperiatur, iterumque claudatur, ne cum palpebris con-  
crescat; & illud evitetur, si intra palpebras & oculum nonnihil pergameni aut  
alutæ in aqua rosacea & sacchari saturni macerati ponunt. Postea ficcantia  
& cicatrisantia adhibent, ex *Trochiscis albi Rhasis*, *Aloë*, *Tutia*, *Thure*.  
&c.



## X. C A P U T

## DE PANNO SIVE PANNICULO, AUT ZEBEL.

Pannus  
quid.

**P**ANNUS, PANNICULUS sive ZEBEL, excrescentia quædam est, & vasorum sanguineorum intumescencia & prolongatio, eorum quæ oculi conjunctivam perreptant, cum rubedine & pruritu: atque hoc modo quasi pannum rubrum, maximè in angulo interiore constituunt.

*Causæ* resultant ex oculis lippientibus continuis fricationibus, inflammationibus, obstructionibus in vasculis sanguineis, præsertim arteriis, verberibus, illisionibus, &c. Hisce prædicta vascula prurigne afficiuntur, deinde continuo fricantur, frictione vascula dilatantur, sanguis consequenter majori copia adfertur, hisce vasculis hisce summè dilatatis, sanguineque turgidis, carnosum quasi pannum repræsentant, qui post longum tempus, per se non evanescit.

Pannus à  
variolis.

Post variolas aut oculi inflammationes, si quis subito se aëri frigido exponat, non raro in pannum incidit ocularem: sanguis enim in vasculis oculi intense calidus, statim à frigore coagulatur & concrevit, hinc in ipsis vasculis concluditur, & obstructiones fiunt. Sanguis itaque quoniam tam citò remeare non potest, quam à tergo advenire, vascula illa coguntur tumescere atque dilatari. Glandulæ quæ in canthis reperiuntur, si læsi fuerint, fungosa sæpè caro excrescit in Panni carnosum modum: & quomodo hoc fit in *Institutionibus nostris* dictum.

In principio facile curatur, sed postea non nisi manu Chirurgicâ. Curatio eodem modo fit, ac de *ungula* dictum, ideoque lectorem ad præcedens caput mittere cogor.

## XI. C A P U T.

DE OCULI CICATRICE ALBICANTE, SEU LEUCOMATE  
AUT ALBUGINE.Oculi cica-  
trix albi-  
cans.

**E**X variolis, aliisve pustulis non raro quidquid tunicæ corneæ diaphanum CICATRICE ALBICANTE obducitur, ita ut visus sæpè planè cesset, sine dolore aut alia incommoditate.

In principio aliquando medetur, alias vero si agerit radices, omne medicamen respuit. Suadet *M. Aurelius Severinus* rasionem mediante scalpello, eodem modo ac si macula è papyro expungitur. Habet tamen suas difficultates. Primo nescimus num macula penetret nec ne, & tunc operatio non est tentanda deinde radendo non raro cornea aperitur, unde aquei humoris effluxus. Porro medicamenta corrodentia si applicantur, cornea exeditur, perforatur, aqua effunditur, & cæcitas perpetua sequitur: vide *F. Hildanum Cent. I. obs. xxv.* Quid itaque faciendum: melius erit ea tantum applicare quæ de acredine aliquantulum participant, ut

Recipe



*Recipe* Aquæ Rosarum,  
 Fœniculi, *ana unciam unam*,  
 Tutia, *scrupulum semis*.  
 Vitrioli albi, *grana octo*.

Misce.

Paucis guttulis oculus quotidie irrorandus.

Pulvis etiam aliquoties in oculum inflandus, qui parari potest ex tutia, osse  
 sæpiæ, bolo armenâ, saccharo crystallino &c.

## XII. C A P U T.

### DE LABIIS LEPORINIS.

**L**ABIUM LEPORINUM, est labii fissura, more leporum, promi-  
 nentibus uno, duobus, tribusve maxillæ superioris dentibus, non sine  
 faciei defædatione. *Causa* aliquando à matris forti imaginatione dependet,  
 quando ejusmodi hominem vident; vel in ipso ovo primordia hujus confor-  
 mationis est quærenda, de quibus in *Institutionibus* nostris, in quibus causæ  
 satis superque sunt explicatæ. Sæpe ab externis rebus id fieri contingit: casu  
 nempe, gladio, cultro. &c.

Simplex ut plurimum est in labio superiori, raro duplex; rarissime inferius  
 labium fissum est: margines sunt cum vel sine callo, superius aliquando non  
 tantum fissum est, sed & palatum, adeo ut superior maxilla cum palato pla-  
 nè sit divisa.

Quo operatio junioribus citius instituatur, eo melius, & cicatrix erit  
 minoris momenti: sed secandi non sunt nimium juniores, tunc enim ejula-  
 tus unionem impediret: quibus superius maxilla fissæ est, difficillimè secan-  
 tur. Cacochymici, è morbo patientes, relinquendi, donec sanitati sint re-  
 stituti. Quando labia longè ab invicem dehiscant, melius est operationem  
 non tentare, non facile enim curantur, & peractâ curâ, labia nimium ten-  
 duntur, quibus ciborum assumptio ut & locutio non parum impeditur: & si  
 coadunari non possint, tunc deformitas major est quam antea. Ver, &  
 æstas temperata, huic operationi maximè idonea.

Ponendus est æger in loco lucido, & si fuerit infans in gremio quis ha-  
 beat: vinciuntur manus, & caput à ministro immobile tenetur. Optimum Æger  
quomodo  
ponendus.  
 est, si infans antea parum dormiverit, ut somnum operatione peractâ eo  
 dulciorem ac profundiorē capiat. Vino quoque roborandus est patiens,  
 ut lipothymix evitentur. Porro præsto sint pelvis aquâ tepidâ repletus, duæ  
 spongiæ, turundulæ, linteam carptum, plumaceolæ, fasciæ, quinque aut  
 sex acus trilateræ, culter incisoriæ, fila serica rubra, forfex acuta &c. atque  
 sic omnia sint parata oportet, nequid inter operandum desideretur.

Labium porro incisoriæ cultro à gingivâ separandum venit; post hæc for-



fice margines fissura inciduntur, ut cruda caro appareat: Forcipula quoque adfit, ut, si maxilla in duas partes esset divisa, ejus prominentia abscindatur. Labii fissurâ hac methodo cruentatâ, ilico ejus margines ad invicem junguntur, idque tribus acubus: prior applicetur tam propè naso quam fieri possit, ut disruptio præcaveatur, acu prius perforando labium maximè hians: altera adigitur per carnosiores separatorum labiorum partem, & minister qui prius inter secandum caput tenebat, manibus suis malas à posteriore parte antrorsum versus nasum cogere ad invicem debet, ut eo facilius futura absolvatur, ac futuræ minus abrumpantur, & æqualiter est infigenda quam fieri possit. Ad minimum straminis latitudine acus infixio à separato labio fit, ne facile fiat *pñξis* deinde per alterum labii latus ad eandem extrahatur latitudinem, deinde singulis filis cujusque acus primo semel aut bis circumgyrabis, ut prospicias num futuræ æqualitate respondeant, quod citissimè absolvi debeat spongiâ vino prius tepido madefacta: deinde futuræ decussatim filis constringantur, eodem modo ac sartores solent facere, quando acus manicæ infixas, ne perdant, filo sæpius circumducunt. Peractis futuris, prominentes acus extremitates incisorio forfice abscindendæ veniunt, ne emineant, ut applicanda melius apponantur, & ulcerationes evitentur. Post hæc, futuris applicatur aliquod balsamum, nempe *Copaibæ* vel aliud simile, tunc filorum circumductiones instar plumaceolæ erunt: insuper applicatur alia plumaceola eodem balsamo irrigata, deinde emplastrum bene glutinans, idque ab unâ parte malæ usque in oppositam, quo ambæ versus nasum trahuntur; deinde splenium parvum, circa nasum parumper excissum: tunc adsit vinculum, quod supra aures & cranium in cervice ligula firmetur. Labium à parte interna *succo symphyti majoris* irrorari sæpe debet. Porro infantes ab ejulatu, quantum fieri potest, detinendi sunt, dando cibum tenuem.

Quid post  
operatio-  
nem faci-  
endum.

Die post sectionem deligatio non solvitur, nisi quid mali interveniat. Secundo die deligatum solvitur, & male antrorsum trahuntur, constringuntur. Suturae mediæ filum, ad dimidium usque solvitur, & reliquæ etiam nonnihil; hinc ob firmiorem filorum circumvolutionem, nulla est expectanda ulceratio; itaque singulis diebus nonnihil est solvendum, & acuum extremitates prominentes continuo sunt abscindendæ.

Tertio die amovendâ erit futura media atque suprema & infima nonnihil dissolvenda, deinde deligatio fit ut antea: quarto die si nulla amplius separatio fit, ubi media fuit futura, etiam suprema acuse est extrahenda. Quinto die relinquatur adhuc infima, at parum dissolvatur, nisi infantes fileant, minimeque fleant, tunc etiam est extrahenda.

Si fissura sive labium leporinum magni non est momenti, tunc unica solummodo sufficit acus; & si labia non magnopere hiant, glutinante tantum emplastro opus absolvi potest.



## XIII. CAPUT.

## DE COLLO INCURVATO SECTIONE RESTITUENDO.

**A**ccidit nonnullis ex paralyfi, contractione aut alias muscolum mastoideum caput flectentem relaxari, exiccare, indurari, aut contrahi, ita ut <sup>Collum incurvatum.</sup> patientis caput in alterum latus tantoperè contrahatur, ut curvo cogatur incedere collo, huic malo inventum hocce sæculo est remedium.

Aliis emollientibus incassum adhibitis, uti & suffulcimentis chirurgicis, ad operationem mediante sectione deveniendum erit. Quidam utuntur causticis potentialibus, sed tunc sæpe convulsiones, spasmi &c. facile sequuntur; & ejusmodi cauteria sæpius ulterius, quam decet, serpunt, tutior itaque sectio est.

Instante operatione, patiens in loco lucido sedeat, qui à ministris vel vincendus, vel immobilis tenendus. Tunc cutis est incidenda, evitando vasa sanguinea majora, & musculi elongati seu Mastoidei tendo, ubi claviculæ implantatur, cultello falcato vel forfice incisorio unica incisione penitus abscinditur, deinde caput ad oppositum latus, non sine magno crepitu, erigitur. Operatione facta, vulneris labia hic non sunt adducenda ut in aliis vulneribus, sed quam maximè deducenda. Vulnere balsamis obligato, caput in hoc statu suffulcimentis servetur, donec vulnus fuerit sanatum.

## XIV. CAPUT.

## DE PARTIBUS NON PERFORATIS, UTI OCULORUM PALPEBRIS, AURIBUS, PUDENDIS, ANO, ETC. APERIENDIS.

**P**ALPEBRÆ à nativitate **CONCRETÆ**, hoc aperiuntur modo. Pri- <sup>Palpebræ clausæ.</sup> mo lanceola parum aperiuntur. Clausæ palpebræ, deinde forfice cujus altera extremitas obtusa est, scindendo aperiuntur; aut intra aperturam stylus immittatur subtilis, & juxta illum forficulâ aut lanceolâ sectio fit. Tunc linteam carptum aut sindon collyrio ex *Trochiscis albi Rhasis*, & *tutiâ* madefactum intra oculi bulbum & palpebras ponatur, donec labia palpebrarum sunt consolidata.

Post lippitudines aut ophthalmias palpebræ frequenter corneæ tunicæ accrescunt. Tunc palpebræ elevantur, & plano stylo separantur, post hæc syndon applicatur cum *ovi albo*, *Caphorâ* & *aquâ rosaceâ*, & intra corneam & palpebras applicatur collyrium ex *Trochiscis albi Rhasis*, cum *tutiâ* & *plantaginis aqua*, vel *rosacea*, post sanationem, palpebræ aliquando elevandæ, ne iterum symphysis fiat: aliquando palpebra glutinante emplastro elevari potest, deinde forficula tenuiori vel lanceola separatio instituitur. Quidam laminam



plumbeam intra oculi bulbum & palpebram ponunt, ut eo citius cicatrix inducatur, & nova adhæsiō præcaveatur, sed hoc nimis dolorosum est, & non sine inflammationis expectatione; melius est pergamenta in vino astringenti madefacta, & macerata, quæ singulis diebus renovari debet.

Meatus  
auditorii  
apertio.

Exterius aliquando **AURIUM MEATUS CONCRETUS** est, ita ut auditus lædatur tunc cultello aut stylo acuto est aperiendus: ast si concretio in medio istius esset meatus, exiguo cauterio aut stylo candenti opus est: post hæc calamus exiguus emplastro exterius obductus intruditur, ita ut, quidquid medicaminis est, exterius sit, lateraque meatus tangat, atque hoc modo proceditur, donec cicatrix sit obducta.

Glans in  
perforata.

Aliquando infantibus **GLANS NON EST PERFORATA**, quæ tamēn est aperienda. Tunc jaceat æger supinus, & sinistra manu penis non procul à glande præhenditur, deinde in dextra lalceolam angustam &c. cuspidatam, qua concreta glans aperitur; post hæc, perforatione factâ, stylus intruditur plumbeus cicatrifante medicamine extus oblitus, qui, exitum moliente lotio, extrahitur, iterumque immittitur, quod tres quatuorve dies continuatur; donec urethæ parietes cicatrice sunt obducti: verum hæc operatio voto non semper respondet.

Observatio

Ante 24 annos in Zuid-bevelandiâ (cum nepote meo Matthæo Verberg) vidi rustici puerum, cui penis glans erat imperforata, sed infra pone glandem urinæ excernendæ fuit foramen.

Tuden-  
dum mu-  
liebre.

Muliebri pudendum, etiam imperforatum conspicitur, quod cruciali incisione aperitur: & deinde ut antea sanatur.

Anus in-  
perforatus.

*Anus* etiam infantibus nonnunquam est *imperforatus*, idque triplici modo. 1. Per nimiam angustiam & conniventiam. 2. Per membranæ clausuram, quæ digitis aliquando confringi potest, ast præstantius & tutius est, si id cultello fiat: deinde cannula plumbea, unguento cicatrizante, oblita intruditur. 3. per Symphyfin, & illi *Atretæ* aut imperforati dicuntur.

## XV. C A P U T.

### DE LINGUÆ FRÆNULO SEU VINCULO DISSOLVENDO.

Frænulum  
linguæ.

**FRÆNULUM**, **VINCULUM** sive **ANCYLOGLOSSUM**, Synonyma sunt; nihil aliud est, quam quod lingua inferius nimis strictè frænulo suo sit connexa, hinc suctio læditur, & loquela impeditur. Aliquando prorsus à posteriore parte usque ad anteriorem cohæret, & tunc ultra dentes & labia lingua exeri non potest.

*Curatio* in eo consistit, ut vinculum illud nimis longum, forfice incisario incidatur, & si prima vice id non succedat, incisio repetenda. Sed inter incidendum cavenda sunt vasa sanguinea, nervi, & ductus salivales. Quædam nutrices solis unguibus frænulum solent confringere, sed hoc non est suadendum. Si Hæmorrhagia insequatur nimia nonnihil pulveris aluminis  
aut



aut vitrioli cærulæi admove : cavendum ne nervi aut vasa sublingualia lædantur.

## XVI. CAPUT.

## DE SETACEO INSTITUENDO.

**S**ETACEUM nihil aliud est, quam fonticulorum species acu facta aut stylo, per cujus foramen quotidie aliquot setæ, unde nomen, aut fila serica, trahuntur. Setaceum.

*Operatio* fit simplici acu, quæ ab ejus medio ad cuspidem usque plana sit, Operandi  
modus. (alii acu trilateri utuntur) untrunque anceps, dorso nonnihil incurvato : in altera extremitate foramen est, quod fila serica contorta, fetas, aut filum bombycinum mediocris crassitie excipit.

Trajecto per acum filo, inque cervice loco notato, jubet Operator ministrum, ut pollice, indice, medioque digito dextræ manus cervicis cutim secundum longitudinem ab inferiori parte sursum versus firmiter præhendat. Post hæc ipse Chirurgus pollice sinistro duobusque prioribus digitis partem inferiorem eodem modo sursum trahit. Deinde acum cum filis unguento basilico illitis dextrâ manu cutim attractam, inter pollicem ministri & ipsius perforabit : quod, si acus fuerit satis acuta, brevi absque dolore absolvitur. Acu per vulnus trajecto, fila in eo relinquuntur. Vulnus Emplastro diapalmæ aliove medicamine deligatur, linteumque quater vel quinquies duplicatum ei imponitur, & deligatio deinceps, ut decet, instituitur.

Olim Forcipem solebant in usu habere alatam, & utrinque perforatam, uti est videre apud *Hildanum*, *Sculdetum* aliosque veterum Chirurgiam excolentes. Hoc instrumento nuchæ cutim præhendebant, & per forcipis foramina acum candentem aut stylum ignitum trajiciebant, ast ille mos. Veterum  
mos. modus nimis fervidus ac crudelis, hoc tempore in usu apud nos non est : ægri enim faciliore viâ sunt semper tractandi. Aliis quoque in locis institui possunt, uti ad aures, brachia, crura &c.

Setacea à pluribus summoperè laudata, mihi non tanti esse videntur, setaceum enim simpliciter tantum ulcus est, morbi pravæ conformationis species. Ut igitur morbus alium expellet morbum? quidquid igitur ex hoc ulcere emanat, nihil aliud est quam pus, in ipsum ulcus continuo ex chylo stillans, ibique acescens & puris crassitiem acquirens. Ad me, non video ex ejusmodi ulceribus arte factis in Chirurgia tantam sequi utilitatem.

At si quid boni sequatur in guttâ serenâ, mutis, surdis, &c. tunc intelligendum nervum è spinâ rerurrentem, cum pari vago, eumque cum nervis tertii, quarti, quinti & sexti paris habere communionem, hinc ob continuam irritationem à filorum traiectione quotidianâ, motus & nervis & membranis inducitur, unde nervorum depletio sæpe subitò fit.



## XVII. CAPUT.

## DE FISTULIS, SEU FONTICULIS.

Fonticuli  
quid.

**F**ONTICULI sunt ulcera in sanis corporis nostri partibus arte excitata, quibus sibi olim imaginabantur, quosdam morbos posse sanari, aut præveniri, verum illud non est tanti.

Tres modi

Modus eos excitandi etiam varius est, quidam enim fiunt ustione; quidam corrosivis, aut incisione. Omnes illos describam modos, quia apud plerumque adhuc in usu manent; deinde quia nobis ejusmodi fonticulis, puri elutriando, opus sunt.

Per inustionem.

*Inustionis* modus nunc ferè exolevit; Medicina enim est crudelis, & præter hoc, inustio sæpe altius, quam decet, penetrat. Sumitur tantum ex ferro aliove metallo instrumentum, quod candefactum, imponitur eo loci, quo volumus; cauterio fortiter nimis non est premendum, & cutis crassa vel tenuis est respicienda. Facta inustione, eschara separatur, & locus piso aliove globulo, cum imposito quovis emplastro, apertus servatur.

Corrosionem.

Modus per *corrosionem*, *potentiale* dicitur *cauterium*, fit quando corroden-  
tia imponuntur loco, ubi fonticulus fieri constitutum est, loco, ubi fieri solet, electo, imponitur emplastrum optimè glutinans, cui in medio foramen est, super illud deinde corrosivum aliquod medicamentum applicatur, prius nonnihil salivâ madefactum, eique insuper emplastrum ponitur: vel super escharoticum illud nuclei putamen imponitur, ne scilicet corrosivum latius quam oportet, serpat. Post applicationis horam unam aut alteram, vel diutius, pro ruptorii viribus, emplastrum cum escharotico amovetur, & caro mortua cultello excinditur, foramen detergetur, & piso, aliave materia rotunda apertum servatur.

Ruptoria varia.

Escharoticorum quasdam descriptiones hic addam. *Ruptorium* ex saponariorum lixivio coctum, non est contemnendum. Item calx viva ex lapide calcinata, saponi vulgari nigro admixta quatuor horas loco fonticulum excitando imponitur, foramen absque ullo dolore excitat. Escharotica etiam optima fiunt ex fabarum siliquis crematis; aut ex cineribus quercus, fraxini, &c. quidam lixivium sumunt, cui nonnihil sublimati & vitrioli admiscunt, verum illud nimium parit dolorem. *Paræus* suum Ruptorium parat ex *fabaliis*, sive *fabarum siliquarum cum ejus stipitibus in cineres redactis*, *quercus cinerum* ana libris tribus, *aquæ fluvialis* libris viginti, *aluminis* uncis quatuor, *calcis vivæ ex lapide ustæ*, libris quatuor. Ex istis fit lixivium, cujus colatura filtratur, & ferè ad humiditatis consumptionem evaporatur, ex cujus remanentia globuli formantur, qui probe in lagenulis ne liquecant, sunt servandi.

Per incisionem.

Ultimus modus est per *incisionem*, quando nempe cutis digitis præhenditur ac forfice aut lanceolâ inciditur, in cujus vulnere pisum intruditur.

*Locus*



*Locus* fonticulis excitandis ubique non est: eligitur semper intra musculorum intercapedines; cavendum ne excitetur supra muscolum, tendinem, nervum, aut vasa sanguinea majora, quia exinde symptomata periculosa sunt expectanda, ut convulsiones, spasmi, hæmorrhagiæ, gangrænæ, imo & ipsa mors. Locus optimè investigatur membra flectendo & reflectendo. In brachio excitatur intra muscolum Deltoidem & Bicipitem. In femore intra vastum externum aut internum & rectum aut sartorium; & in tibia seu pedis parte superiori intra soleum & gastrocnemium ad digitorum trium quatuorve latitudinem infra genu circa solei marginem. Etiam supra caput excitantur, præsertim in Italia, ubi sagittalis futura coronalem tangit. Olim locus duobus filis inveniebatur, nempe unum à nasi apice supra caput extendebant, alterum vero à meatu unius auris ad meatum alterius, tunc, ubi ambo fila se invicem fecabant, ibi æstimabant esse locum fonticulo destinatum: verum experienciâ edoctus, hoc semper verum non est, quod facile in demortuis capitibus experiri licet. Verior investigandi locus est digitis palpando, nam locus ubi sagittalis nonnihil est elevatus, & ubi circa frontem definit, ibi locus est. Excitantur etiam in nucha, dorso, inter scapulas & inguina.

*Globuli* fonticulis intrudendi, ex diversa quoque conficiuntur materia, Globuli ex Pifa alba vulgo in usu sunt: alii conficiunt suos globulos ex Hederæ ar- quibus borefcentis ligno, & optimi sunt; conficiuntur quoque ex corio crasso, ar- conficiantur. gento, auro, ligno buxino, Hellebori albi radice, gentiana, gallis, rha- barbaro, hermodactylis, &c. vel ex simplici cerâ cum nonnihil æruginis fiunt.

Fonticuli semper emplastro clauduntur, uti cum emplastro diapalmæ, <sup>Emplastra fonticulis imponenda.</sup> diachyli cum gummi, Neurenburgensi, & sparadrapum sequens non erit infimæ notæ: ut

Recipe *emplastri diachyli cum gummi, ceræ citrinæ, resinæ, boli vulgaris*, ana partes æquales. Misce fiat sparadrapum.

*Utilitatis* eorum tanti non est, quamvis ab illis, qui veriora Medicinæ <sup>Fonticulo- rum utili- tas.</sup> fundamenta rectè non intelligunt, ad nauseam usque præscribuntur; verum à longâ experienciâ nihil certi ex illis haurire potui: Et si ægri post excita- tos fonticulos nonnihil levaminis senserint, illud potius bonæ diætæ aut medicamentis salubribus imputandum, quam fonticulis: imo qui aliquot annos duos habuerunt, nunquam sanitati restitui fuerunt, sed in eodem permanebant statu. Quomodo operantur apud nullos authorum rectè capere potui. Cuncti in ea sunt opinione, quod fiat per humorem quem evomunt; quod tamen subscribere nequeo, & quotidie parum admodum elutriatur in quibusdam, & casu tantum ibidem producitur; porro nihil aliud est quam succus chylosus à sanguine nutritionis gratiâ sequestratus, qui in fonticulo acorem contrahit, & in puris consistentiam condensatur. Si quid utilitatis adferre possint, erit quando intra cutim & musculos pus sit collectum, atque tunc per illos evacuetur: & elutriato pure, iterum sanentur.



Ustionis  
modus.

**F**amiliaris olim **Ustio** veteribus fuisse videtur, quorum posteritas apud Chineses, Iaponenses, Ægyptos, aliasque nationes adhuc viget. Quidquid enim medicamentis non restituitur, illud ustione curatur, vel incurabile manet.

Cauteria  
ex quibus  
compo-  
nuntur.

Ustio fit ferro aut chalybe, argento, auro, vel cupro, quæ omnia, pro rerum exigentiâ, variâ formâ sunt, ut alibi dictum. Altera ustionis species fit fungis, *Hippocrati mōnetes*. Tertia jam ante aliquot annos ex Chinâ & Iaponiâ nobis allata, & dicitur eorum linguâ *Moxa*, quæ nihîl aliud est quam lanugo foliorum artemisiæ, quæ ab inferiori parte, scalpello, postquam siccata fuerint, abraditur: item aqua fervens, plumbum, sulphur, butyrum, oleum, &c. Solebat quoque ligno fieri, ut pini, olivæ, buxi, ebeni, lauri, quercini, terebinthi, suberis, salicis, palmæ, cannæ indicæ &c. de quibus vide M. A. *Severinum* Ægyptii gossipium sumunt teste P. *Alpino*.

Ustionis Usus hic loci ferè evanuit, nisi in ossibus cariosis, odontagra, in quâ non tantum dentes cariosi uruntur, sed & auris antitragus. in extirpandis membris, mammis &c. sæpe solebat usu venire, uti & in fonticulis, fetaceis excitandis, & in dolore sciatico, &c. Sed nunc ad cauteria non nisi raro devenitur, nisi necessitate magnoperè urgente.

*Moxa*

Chinensium *Moxa* nunc aliquomodo in usum vocatur, ad curandam præsertim podagram, dentium ac sciaticum dolorem, panaritium &c. Ex moxâ conficitur tundula in formam alicujus metæ, cujus basis lata in cuspidem assurgit, quæ supra locum dolorificum ponitur, & bacillis tenuibus ex *cerâ*, *santalo*, *floribus meliloti*, *labdino* &c., confectis accenditur, quæ ustio ter vel quater pro exigentiâ repetitur: parti inustæ tunc nonnihil unguenti basilici imponitur, aut plantaginis folium, ad detergendum, & ut locus inustus aliquod temporis spatium apertus fervetur. Eodem modo veteres fungis lienosos, &c. inusserunt.

Inustiones cum butyro, oleo, cerâ &c. nunc in usu non sunt: ferventem aquam non improbo in panaritio, aut chiragrâ nam brevi à dolore ægri relaxantur, calor enim ad intimam penetrat partem, & quidquid coagulatum dissolvitur, & si materia admodum sit activa, admodum moderatur.



## CAPUT XIX.

DE ABSCESSUUM SEU APOSTEMATUM APER-  
TIONE.

**A**PERTIO ABSCESSUS aut APOSTEMATIS, fit, quando ali-  
bi pus maturum est collectum, ut idem, ne lædantur vicinæ partes, <sup>Aperitio aposte-  
matis.</sup> evacuetur; nam 1. nimis profundè sedem habet, & per consequens per se  
eliminari non potest. 2. quando pus versus interiora magis vergit, & tunc  
metus est illud in cavitates effundi. 3. Quando nimis acre est & viru-  
lentum partes vicinæ corrumpuntur, ut nervi, tendines, &c. 4. intra mus-  
culos & membranas si colligatur, magni sinus & cavernæ cuduntur. 5. Si  
circa ossa locetur, caries facile est expectanda. 6. Circa articulos si diu  
moretur, valde noxium est, nam ligamenta dissolvuntur, & membrorum  
eluxationes, elongationes, &c. fiunt.

Pure factò, atque tumore apertioni apto, sequenti modo cognoscitur. 1. Signa  
Quando febris & dolores deferbuerunt atque remittunt. 2. Quando tumoris quando  
rubedo, pallescere incipit. 3. Quando tensio magna & dura, mollescit. 4. <sup>aperiri  
debet.</sup> Quando tensio à lato ambitu, contrahitur, minoremque circumferentiam  
habere incipit, atque cuspide seu umbone prominet. 5. Certissimum indicium  
est, quando tumor digitis palpatur, loco mutatur, eodem modo ac illud in  
vesicâ aquâ ferè plenâ conspicitur, quando premitur digitis. 6. Si materia  
profundè jaceat, ut plurimum pendere deorsum incipit.

Apertura fit per se vel arte: quæ per se fit, adjuvari potest emplastris, ut  
dicitur, attractoriis, nempe unguento basilico, resina pini &c. & facilis est  
methodus pro iis qui sectionem & ustionem timent. Quod abscessus per se ape-  
riatur; est, vel quia pus cuti proximè adjacet, vel si intus, non procul à mem-  
branis; materia hac existente acri corroduntur vel membranæ vel cutis: vel  
ob protuberantiam puris copiosi, cutis aut membranæ quasi perforantur; vel  
quando ob ingentem pruriginem cutis fricando & scalpando admodum tenuis  
est reddita.

Verum si pus profundius est, quam ipsa cutis, necessario arte exitus puri <sup>Quibus  
parandus, quod triplici modo fit. Nempe ustione, corrosione & cultro. modis a-</sup>

De *ustione* nihil dicam, quia in nostris provinciis usus iste evanuit; reme-  
dium enim est nimis crudele; & quod faciliori via fieri debet, illud per diffi-  
ciliorem non est quærendum. <sup>Per ustio-  
nem.</sup>

Alter modus est per *corrosiva*: sed prudenter est procedendum; prospicien-  
dum enim, num vasa magna, tendines aut nervi adsint, qui lædi possent: Corrosio-  
deinde locus eligendus, quo pus commodius evacuari possit. Invento loco <sup>nem.</sup>  
nuclei putamen sumitur, ejus magnitudinis ac foramen quod volumus habere:  
illud supra ruptorium ponitur, tamdiu donec satis esse judicamus. Cavendum ne  
nimis diu superjaceat, corrosio quippe tunc profundius penetraret quam decet,  
præsertim in macilentis & delicatulis. Eschara tunc lanceolâ aperitur & puri  
exitus conceditur.



Perfectionem.

*Sectione* abscessus aperitur, quando lanceola, aliove cultro incisorio puri exitus conceditur, & illud maximè locum habet, quando pus non admodum profundè jaceat. Ratio primò habenda, ut fiat eo loci, ubi pus locatum est. 2. in loco inferiori. 3. Secundum ductum fibrarum muscularium, alias pars redderetur mutila. 4. Ne apertura sit nimis angusta aut ampla, sed ita ut pus commodè evacuari valeat: Si enim esset nimis angusta, pus intus maneret; & in ampla, cicatrix efficitur magna, omneque pus tunc unicâ vice depromitur, ubi, si in nimia fuerit copiâ, alternis vicibus sit exhauriendum. 5. Vasa majora, tendines & nervi non sunt, ut supra dictum, lædendi. 6. Si apertura in cute fiat, illa secundum partis aut membri longitudinem fieri debet. Quantum enim prospicio, non invenio fibrarum in cute regularem ordinem, itaque illarum series non ita est observanda, uti olim edoctum est. Hinc sectionem secundum membri longitudinem, optimam duco; alias enim inferius vulneris labium deorsum penderet, si transversim sectio fiebat & per consequens major remanet cicatrix.

Pure sufficienti copiâ deprompto plumbea cannula foramini intruditur; hisce accedunt quoque injectiones ad detergendum: evacuato omni pure, foramen clauditur, uti postea de ulceribus dicetur.

## XX. C A P U T.

### DE MEMBRORUM EXTIRPATIONE.

Extirpatio quid,

**E**XTIRPATIO nihil aliud est, quam corrupti aut demortui membri amputatio: si enim illud negligeretur, sphacelus versus cor magis magisque proferperet. Antequam ad extirpationem devenimus, prius medicamenta separationem demortui à sano procurantia, eaque quam fortissima, uti ex lixivio, fœcibus cerevisiæ, aut vini, hisce incassum adhibitis, ad ferram, cælum, & forcipes incisorias descendum.

Quando instituen-  
da.

Domato acido & pituitâ, æger cibo ac vino roborandus: sed ante omnia prospiciendum num cum ægri statu conveniat, eique in salutem possit cedere, nam si sphacelus altas nimium radices egisset, aut vires deficerent, extirpatio non est tentanda, nam prodesse non potest, cum hæmorrhagiæ metus, dolor, &c. in causa essent, ut patiens inter operandum vitam cum morte mutaret. Extirpatio fit etiam in membris non planè demortuis, uti in magnis contusionibus, morfu venenati animalis, telis venenatis (Indis *Kritsen*), aneurismate, aut si gangræna ad corporis usque truncum sese extendat.

Quæ partes sunt extir-  
panda.

Quod extirpatione auferri solet, sunt brachia & crura, eorumque partes. Brachia præcidi nequeunt nisi manus latitudine ab axillis, & crura paulo supra genu, aut, si fieri potest, potius infra, idque facilius inces-  
sus gratia; nam si altius supra genu extirpationem velis moliri, ob vasa sanguinea majora, hæmorrhagia oritur, quæ non facile sistitur. Inferiore  
cruris



cruris parte latitudine manus à genu ablatio instituatur, si possibile sit, nam si in ipso articulo fiat, incessus erit longè patienti difficilior, quam si genu pars adhuc sit superstes; & si supra genu amputatio instituatur, difficilior adhuc multo erit gressus.

Omnia antequam ad operationem deveniamus, sint parata oportet: ut ligacula ex setis, Torcular (gallis *Tournequet*) culter falcatus, cultellus anceps ad periossteum abscindendum, aut carnem intra ossa locatam: Serra optimæ notæ, acus cum filis cerâ litis, si opus, tenuis vesica, spongia, turundæ cannabinæ ovi albumine & pulvere styptico saturatæ; emplastrum defensivum; tres fasciæ; splenia, &c. hæc omnia ordine supra tabulam disponantur, ut statim in promptu sint.

Quod non tantum in hac operatione observandum, sed etiam in omnibus, uti cataractis deponendis, Lithotomiâ, Paracenthesi, Trepanatione &c.

## SANGUINEM SISTENTIA.

Inter *Ischemata* habentur sequentia, ut

*Recipe* Aloës,  
Mastichis,  
Myrrhæ,  
Mumiæ, *ana drachmas tres.*  
Calcis vivæ, *uncias tres.*  
Præcipitati rubri, *unciam unam.*  
Vitrioli cærulei, *unciam semis.*  
Misce fiat pulvis. vel.

*Accipe* Calcis vivæ, *uncias sex.*  
Suberis contusi,  
Lintei combusti, *ana uncias duas.*  
Boli vulgaris, *uncias tres.*  
Colcotharis vitrioli, *uncias quatuor.*  
Misce fiat pulvis. vel,

*Sume* Farinæ Lini, *uncias duas.*  
Boli Armenæ, *unciam unam.*  
Gypsi, *unciam semis.*  
Refinæ,  
Olibani, *ana uncias duas.*  
Sanguinis Draconis, *sesquidrachmam.*  
Misce fiat pulvis. vel



*Contunde Amyli tosti, uncias sex.*

Thuris, Gypsi,

Boli Armenæ;

Albuminis ovorum ficcatorum, *ana unciam semis.*

Reticuli vitulini, *uncias duas.*

Vitrioli Romani tosti, *uncias tres.*

Misce fiat pulvis.

Fiunt quoque ex *farinâ triticeâ* cum *ovi albo*, item papyrus oleo vitrioli madefacta, & ficcata. Stypticam quoque aquam parant ex *vitrioli ungarici* & *aluminis* ana libra semisse. *Phlegmatis vitrioli* libris quatuor. hæc mixtura coquitur, donec omnia sint liquefacta; filtrati deinde singulis libris admisce *olei vitrioli* unciam unam. Et ad usum ferva: atque illud *Joh. Corn. Weberi* stypticum, cujus libellus de hac re est inspiciendus.

Alii ex *limaturâ ferri* & *olei vitrioli* ana libra semis suum stypticum querunt, quæ mixtura in cucurbita duodecim dies in arenâ digerunt; addendo *aquæ pluvialis* uncias quadraginta; vel in quâ ferrum sæpius fuit extinctum: adjiciunt porro *aluminis crudi*, uncias duas. Hæc omnia tamdiu supra ignem ponantur donec limatura fuerit soluta.

Ipsa *calx viva* sola sufficit aliquando, & inter styptica non infimæ erit notæ. Quidam nihil aliud utuntur quam aquâ rosaceâ, coagulo ovino, & vitriolo albo.

*Vires stypticorum.* *Vires rerum stypticarum* constare videntur, ex materiâ multum aëris continente, plurimosque poros habente, in quos sanguinis humiditas magnâ copiâ intruditur: deinde quidquid intra vulnus & stypticum remanserit, exsiccatur, & crustam vulneri quasi inducit. Huc quoque quorundam stypticorum pertinet astrictio, unde & sanguis multò magis adhuc incrassatur seu coagulatur. Tertio habentur quæ per se viscidum & gummosum quid habent, quibus vulneris circumferentia clauditur.

*Operatio* Omnibus, quæ requirebantur, paratis, æger debito loco collocatur; deinde *quomodo* de brachium aut crus præhenditur, cutisque sana cum carne sursum trahitur, ut postea os remanens eâ commodius tegatur; tunc latitudine unius vel duarum manuum supra partem sphacelatam injicitur, constringendis vasis sanguineis, vinculum, nunc vero temporis utuntur Torculari, vulgo *Tournequet*, quod melius & tutius est. Crus interim aut manus à ministris tenetur: alii tamen, uti *Hildanus* tabulæ imponunt: vinculo aut torculari constricto, inciditur circumferentia trium, quatuorve digitorum latitudine supra partem emortuam in ipsâ carne & cute sanâ, usque ad ipsum os; & si duo sunt ossa, minori cultello, quidquid carnis intra ossa est, abscinditur; uti & periosteum, quod est abradendum, nequid difficultatis inter ferrandum contingat. Ossa si fuerint duo, ita ferrando procedendum, ut ambo ossa simul tangantur: prudentia etiam, tam inter ferrandum, quam partem tenendam est habenda, ne cum eminentiis spinosis abrum-  
patur



patur. Primo tardè ferrandum, donec sulcus adsit, ferraque huc illuc nequeat vergere.

Extirpato membro, si Hæmorrhagia parva sit, tantum pulvere styptico Quid post  
& spleniis utuntur cum vesicâ: vel, si nimia, tunc acu & filis cerâ obli- extirpationem faciendum.  
tis caro & cutis perfoditur, idque quatuor in locis, quâ occasione cum  
carne cutis ossa tegit: porro plumaceolæ ex lino carpto cum styptico quopiam applicatur. Verum supra ipsum os ficcæ imponuntur plumaceolæ planæ, ne os corrumpatur. Superimponitur deinde defensivum quoddam, cum vesica tenui, ad evitandum sanguinis effluxum, insuper adhuc quædam splenia; quæ sæpe spiritu vini irrorantur, verum cum ipsam vesicam non penetrant, frustra applicatur. Primo fascia ad manum sit uno capite, & supra membrum mutilatum sinistro pollice spithamæ latitudine tenetur, ducendo dextrâ manu fasciam deorsum super genu & transversim super vesicam, & ab eâ sursum infra genu & femur, eo usque sursum è directio extremitatis fasciæ, quod lævo pollice supra femur præhenderetur; tunc oblique truncus mutilus circumvolvitur versus inferiora, quo circumvoluto, circumductiones æquales sint oportet, fortiter aliquantulum constringendo, ut nempe hæmorrhagia præcaveatur. Tunc acicula supra genu confirmatur.

Fascia altera eodem modo ac prior ducitur, præter quod à laterali femoris partē adducitur, transversim super truncum incedens, facit cum priorē crucem: circumvolutiones hujus fasciæ contrario modo volvi debent ac prioris, quod semper est observandum.

Ægro deligato, lecto committitur; cum trunco supra pulvinar corio obductum, nonnihil elevato: deinde ne truncus lædatur, circuli quidam sunt supra partem læsam expandendi, ne à stragulis impedimentum habeat. Æstate post secundum diem fasciæ solvuntur, & hieme post tertium, tuncque pars detruncata tractatur ut alia vulnera.

Extirpatione facta quidam forficulis vasa sanguinea majora volunt apprehendere, ast æger prius sanguinem fundendo vitam amitteret, antequam vasa illa vinculo essent constricta. Alii cauteriis actualibus vasa illa claudunt, quod melius est: alii totum truncum inurunt, quod quidem crudele medicamentum, sed tamen foro medico non est eliminandum. Itaque eo modo, quem supra dedimus, commodius fit: quamvis futura per acus, quidem poterat negligi, musculis enim ut solet contractis, facile ruptura fit.

Quidam Capitanus sclopeto variis in locis ictus, inter alia quoque ipsius Historia rara.  
inferius crus, ita ut gangræna & sphacelo corriperetur: dies tempusque  
extirpationi destinabantur: Hæc ille audiens, fumebat vini adusti incredibilem quantitatem, atque ita plus quam ebrius decumbebat: Postridie Medici veniebant & Chirurgi; fiebat apparatus, excitabatur, adhuc semi-  
ebrius; deligatio solvebatur & ecce, quidquid demortuum, erat separatum, atque sic ipsius crus salvum mansit. Spiritus enim ille valde penetrans, minutissimos aperuit canaliculos usque ad ipsam carnem sphacelatam, at-



que hoc modo quod externis fieri nequibat, illud interna spiritus vini sumptione factum est.

Quando pes aut manus extirpatur, cælo peragitur. Verum digitus forcipe incisoria absolvitur. Mammæ cancro obsessæ quomodo extirpandæ, Capite de cancro docebo.

## C A P U T XXI.

### DE PARTU DIFFICILI, CUM EXTRACTIONE FOETUS AUT SECUNDINARUM.

Quid partus difficilis.

**Q**uomodo infantium generatio, eorumque *in lucem productio* fit, partim in *Anatomia* nostra diximus, partim in *Institutionibus*. Quando partus bene procedit, tunc omnia secundo fiunt flumine, sed non raro foetus aut mortuus est, aut malè situatus, aut viæ sunt nimis angustæ & sic deinceps.

**PARTUS DIFFICILIS** fit vel respectu matris vel infantis: de quo in nostra praxi aliquid diximus: itaque hic tantum dicemus, quam ob causam foetus enitendus prorsus inhibetur, & arte Chirurgica extrahi debet.

*Causæ* igitur sunt, quando partus difficilis nimis diu protrahitur; tunc foetus suffocatur & moritur. 2. Viâ nimium angustâ existente, foetus cerebrum inagnoperè sæpe premitur, ejus fibræ rumpuntur, contunduntur & ab apoplexiâ vitam cum morte mutat; vel si adhuc enitatur, tunc infantes stulti evadunt, vel ingenio viliores. Viis nimium angustis, tunc mater æquè in periculo est ac infans, quippe cum pariendi conatus sunt, & infans in uteri osculum processit, istius osculi fibræ ita extenduntur ac expanduntur, ut rumpantur, unde febris, convulsiones &c. 3. Quando amnii & chorii liquor effluxerit, viæque lubricæ non amplius sint: Evacuato enim hoc liquore, exiccantur viæ, per quas foetus difficiliter enititur, quam alias. 4. Cescante parturiendi nixu, quod signum est virium prostratarum, tam foetus quam matris: tunc enim foetus sæpe non movet se amplius, aut tantum parum, & per consequens minor pressio versus exteriora est. 5. Quando paritura, debilis virium expers est, & morbo affecta. 6. Quando quædam excrescentia, inflammatio aut ulceratio in matrice, aut vagina est, quare via clauditur, angustatur, & infans expelli nequit. 7. Quando duo infantes sunt. 8. Quando nimis magnus est aut super modum pinguis. 9. Si habeat Hydrocephalon. 10. Quando pede primo enituntur aut pedes transversim jacent. Aut manu unâ, duabusque simul, natibus, ventre, dorso, genu, cubito, cervice, &c. primum prodeunt, raro enituntur, nisi prudenter in locum aptissimum dirigantur. 11. Quando caput supra ossa pubis anteriora prolabitur. 12. Fœtus



tus si sit ægrotans & debilis. 13. Quando sit mortuus. 14. Quando mater moritur. 15. Si una cum foetu molâ adsit, &c.

Signa num foetus mortuus sit, hæc sunt. 1. Quando motus cessat, quem mater & obstetrix primo sentiebant, siue manu, aut quibusdam rotantibus, iis enim vires reficiuntur. 2. Grave in abdomine pondus, quod quando mater ab hoc latere in oppositum sese movet, etiam foetus lapidis in modum volvatur ab uno in aliud latus. 3. Frigus abdominis. 4. Oculi concidunt, ac vigorosi, ut antea, non sunt. 5. Facies & labia pallescunt. 6. Extremitates frigent, & livescunt. 7. Flaccescunt mammæ. 8. Foetu putrescente, fætor ex vaginæ persentitur. 9. Et consequenter febres. 10. Ex vaginâ & utero foetidi humores effluunt. 11. Abdomen sæpe inflatur. 12. Halitus maternus foetere incipit. 13. Matris διαχωρήματα liquida sunt & foetida. 14. Si secundinæ ante foetum veniunt, certum est mortis indicium: nam ex hisce foetus amplius nutriri nequit. Panis albi frustum supra umbilicum applicatum, & prius viño malvatico intinctum, foetum in motum concitat, si in vivis sit, cujus particulæ penetrantes, eum movere faciunt.

Quando mater & foetus vivunt, ambo periclitantur, vel mater sola aut foetus solus & si exclusio non maturè festinetur, vel ambo moriuntur, vel unus. Mortuo foetu, quam primum extractio est acceleranda, alias ingens foetor, febres, lipothymia, somnolentia continua, convulsiones &c. expectantur: quamvis apud *Schenkiū*, *Fabriciū*, *Roussettū*, *Blegny*, *Bartholinū*, &c. historiæ habentur foetuum mortuorum multos annos gestatorum.

*Curatio* duplex est. 1. Primo respectu foetus mortui. 2. Respectu vivi foetus extractione. De priori in hoc capite agemus, & de posteriori cum sectio Cæsarea erit pertractanda.

*Foetus mortuus* expellitur, remediis in nostrâ Praxi descriptis: & si hæc incassum propinata fuerint, Chirurgicâ manu aut instrumentis foetus est extrahendus: nisi mater præter modum esset debilis.

Si aqua (ut vocant) effluerit, partes internæ oleo sunt oblinendæ, quod commodè siphone eburneo fit, si oleo tepido repleatur; & extremitatem habeat crassam, rotundam & simul valde politam.

Si quædam in vaginâ excrescentiæ reperiantur, removendæ sunt, nisi ingens adsit dolor, tunc melius est crabrones non irritare, *μὴ κινεῖν κακὸν εἶναι τὰ ἐκ τῆς vaginæ κείμενα*. Alias similes *Caprὸς*, si nullus adsit dolor, cultro aufertur, quem secundum ductum digiti sinistri infra dextrum digitum ducitur, & excrescentia sic à parte inferiore, superiore, aut laterali aufertur, aut saltem solvitur, & digito porro deglubitur: & si quid relinquatur, illud postea corrodentibus consumitur. At si collum habeant, digitis præhenduntur, & laqueus bis trajectus circumducendus, ex filis firmissimis tortus, quem attrahimus, & super hunc adhuc alius bis trajectus. Porro extremitates sint longæ, ut foris dependeant; laquei illi ambo tunc circum digitos indices volvuntur, torquendo digitos cum filis, ita, ut utriusque dorsum ex opposito se invicem spec-



ſpectant, atque hoc modo laqueus conſtringitur, ut, denegato excreſcentiæ alimento, cogatur putrefieri. Ejusmodi operationes potius ab experientiâ cognoscuntur, quam deſcriptione.

Via anguſta eſt dilata-  
tanda.

Si infans ſolito major ſit, & via anguſta, vulva ſpeculo matricis eſt dilata-  
tanda: in præcedentibus enim puerperiis aliquando partes illæ ita laceratæ fuerunt, ut latera ſeu parietes ferè ad invicem concreverint, unde cicatrices inæquales, aut calloſitates, inducuntur, quæ cultello iterum ſunt ſolvendæ. Porro ſimplici digito interdum tantum efficitur, ac ipſo ſpeculo; digito enim poſſumus longè melius palpare & tangere, & deinceps cultello dextrè, quæ ſunt faciendæ abſolvere. Loco ſpeculi matricis melius ergo eſt digitis oleo illitis dilatationem inſtituere, nam inſtrumenta majorem pariunt difficultatem.

Puerperium cum  
relaxatio-  
ne vaginæ

Fœtus vitioſum cum habeat ſitum, manu oleo lita, loco eſt mutandus, ut caput verſus uteri oſculum vergat, ſicque prudenter extrahatur. Interdum, quando caput fœtus exprimetur, vagina cum rugis ſeu plicatutis elabitur: & illa plicatio ſit vel inter pariendum; aut, ſive ex difficili præcedentium puerperiorum partu; ſive ejus tunicæ intimæ diſſolutione, cauſa quædam præceſſit, qua à fœtu exprimi debeat, multisque quaſi rugis propendeat. Quando illud inter pariendum ſit, jaceat fœmina in dorſum ſupina, deinde digitis rugæ ad latera premuntur, ita tamen, ne capitis egreſſus impediatur. Nota, quod fœtus ab ipſa matre propelli debeat, nam ſi fœtus ſolito citius extrahatur, partes vaginæ & matricis facillime miſerè læderentur. Aſt ſi relaxatio non admodum fuerit magna, digitis aliquo modo corrigenda eſt. Fœtus cum egredi incipit, ſupina decumbat. Fœmina, atque fœtus cum ſecundinis extrahitur; eodem modo quoque lecto componatur, poſtquam uterus & vagina debito ordine reſtituti ſunt.

Fœtus ad-  
latera oſſis  
pubis;

Quando fœtus contra oſſis pubis latera adigitur, tunc fœmina ſupra ſtratum è pulvinariis in dorſum decumbat; deinde manu uterum immiſſâ, nititur ut fœtus nonnihil retro trudatur; interim aliâ manu abdomen exterius eſt adjuvandum. Fœtu hoc modo retrorſum truſo, facile capite ſuo verſus uteri oſculum ducitur: Aſt cum aliquando contingat, pedes facilius quam caput evolvi, partus fiat à pedibus, melius enim eſt nonnihil doloris perferre & infantem ſervare: poſt hæc, conatus parturiendi accelerantur.

Vultu,

Non raro contingit, fœtum vultu ſuo ad os pubis ſiſti, adeo ita ut omnes conatus incaſſum ſint. Tunc, ut aute dictum, fœminâ intergum reclinare debet, & duobus digitis, indice ſcilicet & medio, ad latera meatus urinarii ſub naſo, aut contra malam, quantum poſſibile, & iterum retro fœtus trudendus: huic operationi etiam altera manus exterius circa abdomen & veſicam auxilii eſſe poteſt,

Vel hume-  
ris,

Accidit quoque fœtum humeris contra pubis os fixum manere, tunc conandum ut fœtus occiput & maxilla apprehendatur, atque ſurſum trudatur, nonnihil ad hoc vel illud latus impellendo, ut ſic vertendo ſenſim extrahatur: Alias ſi ſub axillis digiti poſſint locari, cui rei digiti longi requiruntur; tunc fœtus cum dorſo ſurſum verti debet: & ſi unicum brachium extrahi poteſt, reliquum quidem deſcendet, niſi uteri oſculum claudere-  
tur. Si



Si matricis osculum se claudat, debitumque foetus situm non habeat, supinè collocanda est foemina, & foetus, vertendo, in debitum situm restituendus, tisque in os uteri.

Capite utero excluso, & funiculo umbilicali bis circum collum torto, in angustis consilium est. Sed *ἔκδυ Θεῶ* remedium est inventum; sumitur <sup>Funiculi circum caput con-</sup> lamina plana & rotunda è plumbo aut stanno confecta, & acus cum cuspidē <sup>torsio.</sup> obtuso, quæ intra foetus collum ponitur, nempe infra funiculi circumvolutiones; habeat crassum filum è serico per ipsius foramen trajectum; sintque ambæ extremitates ejusdem longitudinis, atque propendeant; acus trajicitur & extremitates, quæ trajectæ satis sunt, abscinduntur, propellendo unam hac & aliam illac, ad minimum trium digitorum latitudine ab invicem; singulæ tunc singulatim vinciantur duplici nodo trajecto, & simplici insuper, ne nodus, contrahendo solvatur: tunc ambæ extremitates utriusque lateris invicem conjunguntur, elevantur, & forfice aut cultello falcato, huic operationi accommodato, assumuntur ac præscinduntur. Atque ita manet funiculi pars, quod foetui adhæret, clausa, ne foetus ob Hæmorrhagiam in lipothymiam incidat aut moriatur; alit quæ à parte placentæ est, similiter vincita manet & propendens, ut eo facilius extrahatur: funiculo hoc modo in partes diviso, facile à collo dissolvi potest, & foetui exitum concedere; postea filum trahitur motu, ut solet, tremulo, & secundinæ etiam attrahuntur.

Si nimium aquæ intra secundinarum membranas continetur, multum quoque spatii foetus habet, & tunc funiculus venit ante foetum aliquando: hoc <sup>Funiculus si ante foetum veniat.</sup> etiam non raro fit, quando ventre primo venit, tunc enim funiculus in medio osculi matricis est, unde aliud adhuc symptoma producit, nempe quod foetus pressione, in omni situs specie, contra funiculum, eundem aliquando conterit, contundit, præsertim si in quibusdam infantibus admodum comprimuntur, atque sic sanguinis circuitus inhibetur, & quoniam foetus necdum respirat, debet suffocari ac mori. Si prorsus hic funiculus extra pudendum propendeat, refrigeratur, succi percolandi coagulantur, & foetus moritur.

Iterum, ut antea, foemina supina decumbat, deinde funiculus manu oleo lita intromittitur, idque tam citò quam sit possibile, alias facile frigus contraheret. Idque tam dextrè, quam fieri potest, conamur illum pone caput ducere, in quo casu evitandum est, ne circum collum, laquei instar, volvatur, ideoque eo loci inferendus, ubi exciderit: foetus porro est in debitum situm dirigendus. Et si iterum egrediatur, intercapedo illa serico pectinato repleatur, quod foetui inter egrediendum nihil impimenti erit, quia etiam protrudi debet.

Quando totæ secundinæ ante foetum expelluntur, facile foetus suffocatur, vel totæ & mater, ob nimium sanguinis fluxum, non raro moritur: itaque si secundinæ præcedant, iterum intrudi non debent, verum absque dissectione, extrahere. Deinde si optimum non habeat situm foetus, reponendus est ut decet, & partes quam fieri potest, est accelerandus.

Si unum brachium emittitur, primo oleum injicitur, omnes viæ ut sint lubricæ; emittitur.



bricæ; interim foemina supina decumbit, & brachium absque læsione introrsum truditur, & foetus in talem vertitur situm, quali commodius eniti possit, sive capite prius, sive pedibus: atque hoc facile fieri potest, si uterus sit amplâ capacitâ.

Vel  
ambo  
brachia.

Res multò peior est, si ambo brachia præcedunt: quando in exitu caput descendit, brachia pro minimâ parte prominent; ast si caput versus matris lumbos & versus posteriora supinum jaceat, tunc brachia longius propendere possunt; caput enim tunc non est in partu, & brachia facilius elabuntur: ast si facies super pubis os decumbat, breviora sunt, quam si versus posteriora jaceat.

Si caput ad hunc vel illum humerum inclinatur, illud brachium brevius, alterum vero longius. Uterus nimium si fuerit siccus, oleum ei immittitur, & brachia tam commodiori modo ac fieri potest, introrsum reponuntur, idque primo unum, deinde alterum absque ullâ læsione: Puerpera tunc prius expirat, & deinde, ut spatium esset in abdomine amplum, inspiratio fit tardior.

Unicus  
pes, vel  
ambo.

Eodem modo ac brachia præcedere possunt, ita quoque sibi foetus aliquando pedibus sibi exitum parat. Si unicus tantum pes producit, pro majori parte introrsum ducitur, & alterum conamur etiam in osculum trahere; tunc paritura vertitur nonnihil ad illum locum, ex quo pes ultimus delatus fuit, tunc enim spatium illud impletur. Post hæc pedes apprehenduntur circa malleolos, & sensim extrahuntur; continuo altius atque altius evocando, atque curando, quantum possibile, ut manus unâ exerantur, & facies coxygis os respiciat, ne ab aquâ aut sanguine suffocetur. Eodem modo se res habet, si ambo pedes exitum quærunt, eâ tantum differentiâ, quod alter quæri non debet: & si brachia sursum supra caput extendantur, quod facile fit; tunc digitis oleo litis, supra scapulas insinuandum, ut prudenter brachia deorsum dirigantur.

Genua.

Si genua prodeant, tunc nihil boni expectandum, nisi primo unicum deinde alterum genu ita flectendum, & sursum impellendum donec ambo pedes in osculum uteri dirigantur: ast si unicus tantum pes se prodeat, tunc alterum genu ita accommodandum, ut latus matricis tangat, & tunc natus pes sursum trudendus, & curandum, ut ambo pedes exerantur, sicque foetus expellendus, ut antea dictum.

Si pedibus ac manibus simul junctis prodire conetur, tunc foemina supina decumbat, idque capite declivi & natibus elevatis; ut foetus caput, & consequenter brachia, retrocedant, & hoc modo pedibus expellatur, licet præeuntibus.

Scapulae,  
tergum,  
pectus.

Quando scapulis, tergo, pectore, aut alterutrius latere ante exitum veniat; in hoc aut illo latere caput sit oportet, cum funiculo bis terve circa collum voluto, pedibusque exporrectis, aut flexis &c. Tunc foeminæ (capite, quantum fieri potest deorsum inclinato) femora concutiantur, ut foetus iterum sursum in debitum situm, propellatur manu oleo litâ vertendo prout erit possibile, sive tunc enitatur primo vel pedibus vel capite: ast si foemina post multum parturiendi laboris ac sanguinis fluxus defatigata sit,

ut-



uterus rursus contrahitur, & mater tunc & foetus in discrimine vitæ sunt.

Infans si cum femoribus aut natibus exitum conetur, foemina tunc supina *Femora*, in tergum jaceat, idque natibus elevatis, & quantum possibile, infans sursum *nates* truditur, genua flectuntur, ut ei cum pedibus exitus pareatur.

Matri quoque & foetui periculosum, si cum ventre prius exire velit, *Venter*, quia tunc difficile vertitur, ejusque vita non raro mutatur: isque casus sæpe fit, si funiculus umbilicalis præcedit. Paritura tunc supina ponatur, natibus maximè elevatis, infantem tum sursum prudenter truito, atque verte hinc & inde, & in talem situm restitue, quam fieri debet, ut commodissimè, enitatur.

Quando gemelli sunt aut tergemini; aut monstrosæ foetus figuræ pro- *Gemelli* deant; aut ad invicem connati sint, tunc res in angusto est, & omnia pe- *Monstra* riculi plena. Qui primus in partu est, primus, omni conamine est excipiendus, & alter si sit possibile, ad latus est protrudendus, ne impedimento alter alteri sit. Primo nato, statim & alter quoque prodibit. Si ambo communibus quasi integumentis, fruantur, in eademque aqua versentur, plerumque monstrositatis signum est, idque non sine ratione, quod hic ob rei longitudinem enarrari nequit; & quia eorum figura atque situs mirè variat, tunc in lucem extrahendi, eo modo, ut commodissimum judicatur.

Confuso ordine invicem si jaceant, mater supina in lectum componenda, *Confusus* & manu insertâ ab invicem separanda, & proximus ad partum ita locan- *ordo* dus, ut eniti queat. Interdum unus primum capite prodit, & alter pedibus; aut uterque pedibus, aut capitibus: qui tunc ori uteri proximus est, ita disponendus, ut primo in lucem veniat: & alter interim sursum trudendus vel ad latera. Et si deinde omnia fuerint irrita, ad instrumenta huic rei accommodata descendendum est. Supra dorsum mater tunc est lo- *foetus ex-* canda, natibus elevatis; à fæminis crura sursum elevantur, aut medium *trahendi* thoracis cum cruribus ad ipsum cubile aut sedem parituris præparatam sus- *modus* penduntur: ne in extrahendo corpus de loco moveatur. Tunc læva manus oleo inungitur & in matricem ducitur, eaque dilatatur, immittendo simul multum olei: elige tunc locum commodum & hamo aliove instrumento infigendo aptissimum, cavendo ne matrix lædatur; quare caput, oculi, occiput, os, palatum, tergum, claviculæ, mentum &c. huic rei peragendæ, propria sunt: postea circa vertebrae, pubis ossa, abdomen &c. deinde dextra manu prudenter hamus est inferendus; sed vola alteri manui est opponenda: tunc firmiter prædictis partibus est infigendus, atque foetus ad se leniter trahendus, donec tandem foetus integer cum secundinis extractus sit.

At hisce non succedentibus, non inconveniens esset instrumentum, quo foetus caput comminuatur, quod commodè forcipibus cochleatis fieri posset: item forcipibus incisoriis crura, pedes, brachia, manus si abscindantur: hamo, aliove instrumento incisorio abdomen aperiatur; postea omnia minori cum dolore & majori facilitate extrahi possunt. Si venter primo



prodeat aut aliæ partes, ibi operatio primo est instituenda; idem enim tunc temporis est, quo situ jaceat, cum extrahendus sit. Quando primo venit capite in osculum uteri, aut alium situm habet, lentè extrahendum, quia funiculis circum collum sæpe circumvolvitur, quo fracto, secundinæ sæpe non sequuntur: atque præcipitanti extractioni non raro fluxus sanguinis nimius supervenit. Porro si in partu caput sit, omnia manibus nunquam succedunt, modo Chirurgum habeas peritum. Quædam instrumenta quippe tuta non sunt, atque alia ex usu. Hamorum loco nunc utuntur laqueis, qui circum collum volvuntur, atque sic vivi sæpe foetus extrahuntur. Extracto cum secundinis foetu, fiet in matricem injectio; & supernè quædam, si opus sit, lochia pellentia dantur: deinde, ut vires recuperentur Mater defessa in lectum componenda.

De Instrumentis pro extrahendo foetu mortuo, describit *F. Mauriceau* Aph. 246. Ad foetum mortuum extrahendum, instrumenta uti non debemus, quia operatio manibus satis exequitur. Et Aph. 247. Hami, quibus in extrahendo foetu mortuo utuntur nullam asperitatem, nullamque inæqualitatem per totam longitudinem habeant, ne partes Mulierum internæ lædantur. Et Aph. 248. Antequam foetum ex materno ventre instrumentorum ope tentes extrahere, bene prospiciendum, antequam te accingas, ne vivum ut mortuum tractes.

## XXII C A P U T.

## DE SECTIONE CÆSAREA, SIVE HYSTERTOMOTOCIA.

*Scotio Cz. farea.* SI foetus vivus Medicamentis exhibitis expelli, aut Chirurgis obstetricandi peritis nequeat expelli, ad CÆSAREAM SECTIONEM, sive HYSTERTOMOTOCIAM descenditur, quæ nomen à Cæsare Africano, ut conjicitur, sortitur, qui dicitur primus fuisse ex matris utero secus. Est igitur nihil aliud, quam foetus, per sectionem abdominis & uterini in lucem editio.

Atque hæc est duplex, vel fit in matre adhuc vivente, vel jam jam denata.

*Causa* quare operatio tam periculi plena instituatur, est, quando foetus nimium sit pinguis, aut præmagnus. *Deinde*, quando duo sunt foetus & unus denatus ne viventi incommodum cieat ad exeundum. *Tertio*, cum foetus sit monstrosus, sive duo sibi invicem cohæcant: aut cum duobus capitibus, quatuor brachiis ac totidem cruribus. Memini me vidisse gemellos à lateribus connatos, quibus adhuc alius sive tertius infans vivus aderat; cum videbam hunc, erat unius anni, quem mater in gremio fovebat. *Quarto*, quando foetus est induratus ac in lapidem versus, quorum Exempla apud *Bartholinum*, aliosque prostant. *Quinto*, vel quando per Apostema excluduntur, de quibus



bus *Rouffetus*, *Sexto*, quando viæ vaginæ ac pudendi nimium angustæ sunt, five quod prægnantes ætate satis adultæ non sint, aut nimis pingues, aut satis annosæ. *Septimo*, cum in utero aut vagina quædam intumescencia est aut induratio. *Octavo*, aut si inter gerendum, post abscessum uteri osculum aut vagina coaluerint. *Nono*, quando foetus comitatur mola.

Quidam Cæsaream sectionem periculosam esse, autumant, nec immerito: *Cæsarea numperi- culosa.* *F. Mauriceau* in Aphorismis suis de puerperis &c. Aph. 244 pronunciat operationem Cæsaream certissimè mortem gravidis adferre: ideoque operationem dissuadet, matre vivâ. Verum laudo illud *Celsi*, antea citati, *melius esse aggredi rem ancipitem, quam matrem & foetum aut alterutrum negligentia mori.* Sed adducitur uterum tunc temporis magna habere vasa, quibus dissectis permagnam sequi Hæmorrhagiam: Verum respondeo, experientiâ teste, matricis vulnus se statim contrahi ac claudi, atque non maiorem sanguinis copiam, quam in solito partu effundi. Neque ex abdominis vulnere multum sanguinis deperditur, ibi enim vascula tantum minora percurrunt. Alii perpetuam metuunt, post sectionem, Herniam: quod tamen melius, quam absque sectione è vita discedere: Et *Ramex* si insectatur intestinalis, commodè bracheriis occuratur. *H. Roombuise* narrat doctorem quendam *Sonnium* sectionem illam secties in uxore suâ instituisse, superstitè matre & filiis. Sit tamen ut sit, operatio illa ita temerè non est instituenda, quoniam foetus ut plurimum ipsâ manu per pudenda extrahuntur. Et licet paucis succescit, plurimis vero non, & raro tentatur, nisi viribus detritis, & moriente ferè Matre.

Verum antequam operatio suscipitur, alvus est injectione solvenda, etiam roboranda venit foemina optimo cibo & vino optimo. Etiam mictio antecedit oportet.

Locus eligendus inter umbilicum & os pubis, duobus tribusve digitis infra umbilicum & totidem ad latera, ino & eadem tenenda est mensura à partibus inferioribus, ut musculorum tendines evitentur; fac porro secundum longitudinem sectionem, in musculo abdominis recto; primo cutim usque ad pinguedinem persecans, eâ magnitudine ac ad extractionem foetus requiritur; deinde prudenter cum musculis peritonæum disscinditur, quibus apertis, illico se uterus prodit, qui cautè in medio aperitur, & circumspicte, ne foetus aliæque partes lædantur. Ad latera incisio non est instituenda, ne tubæ aliæque vasa tam sanguinea quam lymphica, quæ in lateribus insignia sunt, abscindantur.

Utero aperto foetus & secundinæ se sistunt, qui dextrè sunt educendi: ast si deliquium pateretur infans, secundinæ sunt vino aspergendæ; deinde placenta abdomini ita calidè applicatur, ut vires reficiantur. Extractus foetus statim obstetrici traditur, ut solito more eum tractet.

Tunc vulnus sequenti lavamento lavatur.

*Recipe* Rad. Symphyti majoris, *uncias tres.*  
Aristolochiæ rotundæ, *sesquiunciam.*

*Aaa 3*

*Fol.*



Fol. Hyperici,  
 Salvix,  
 Flor. Rosarum rubrarum,  
 Camomillæ Romanæ, *ana manipulum unum.*  
 Sem. Levistici,  
 Dauci, *ana drachmas duas.*

Coquantur ex vino ad uncias viginti, colaturæ adde

Sacchari Saturni, *scrupulum unum.*  
 Misce & detur usui.

Post ablutionem, futura eodem modo fit, ac in futuris circa labia leporina, ut in inferori vulneris locoturunda possit intrudi, tamdiu donec omnia symptomata cessent: porro vulnus curatur, ut alia abdominis vulnera. Præscripto lavamento, etiam in uterum injectio fieri posset; vel ejus loco Tinctura Theæ, cum croco ad diminuendum dolorem, & inflammationem præcavendam, deinde ut foetens sanguis, cæterique squallidi humores elutrientur, unde alias pluriina essent symptomata expectanda.

Mater si jam-jam esset denata, sectio in abdomine & utero institui debet, ubi commodissimum sit & facillimum, nullum enim tunc periculum expectandum; ast si aliquot momenta fuerit denata, raro infans in vivis manet, quamquam exempla quædam prostant, infantes suis viribus ex hoc carcere per se eluctatos fuisse.

*Dietam* quod attinet, debet esse ex lacte dulci, ovis sorbilibus, porcellis, percis, gallinis coctis, aut carne agninâ, eorumque succis: à nimia pinguedine, & cibis calorem sanguini excitantibus temperandum. Non quod sint insalubres alias, verum quia sanguinis pressio nimis vehementer, & fortiter in partem læsam impellitur, unde gravissima symptomata forent expectanda. Cerevisia tenuioris sit notæ. Alvus astricta prunis, mannâ, cassiâ fistulâ, tartari cremore &c. est corrigenda, vel enematis injectione. Ira vitanda, sed hilares sint potius & pacato animo: intus quædam, ad expellendum sumenda sunt, ut potus Theæ, Coffeæ, oculi cancri, anisi semen &c. Potus quoque vulnerarius usu veniat, ut

*Coque* Fol. Theæ, *drachmas tres.*  
 Hyperici,  
 Veronicæ, *ana manipulum.*  
 Rad. Rubiæ Tinctorum,  
 Consolidæ Majoris, *ana unciam unam.*  
 Flor. Centaurii minoris, *manipulum semis.*

Fiat decoctio ad uncias viginti, colaturæ adde

Ocul.



Ocul. Cancrī, drachmas tres.  
Misc fiat potio.

Qui potiones abhorrent, earum loco sumant solummodo Tincturam Coffeæ aut Theæ, lac crocatum &c. quæ ejusmodi gaudent viribus ac præscripta potio. Liquorem salis tartari cerevisiæ etiam admisceat, quo sanguis corrigitur, ne febres invadant, quod in hac operatione facile contingit.

## XXIII. CAPUT.

DE LITHOTOMIA, SIVE CALCULI SECTI-  
TIONE.

**Q**uid *Calculus* sit, omnes norunt, sed quomodo producitur, disceptat. *Calculus* tur. Nihil aliud est, quam crystallizatio partium salinarum & terref-*quid*-trium, quotidie magis magisque accrescentium, tandem corpus lapidi aut calculo simile constituentium. De hisce videantur *Institutiones*.

Quidam colorem habent rubicundum, album, gryseum. Quidam duri, alii facile friabiles sunt. Figuræ sunt angulares, superficie inæquales, rotundi, magni, parvi, mediocres: in membrana contenti vel non. *Locus* ubi primo nascitur, mihi renes videntur: nam in vesicâ diversorum humorum non est concursus: nisi ponas ab altero rene plus acidi, quam ab altero separari posse, à quo fortè plus salis deponeretur, hinc ex utriusque concursu concretionem fieri posse non est impossibile. Sed tamen illa opinio adstipulari non potest, quoniam sanguis ad utrumque renem pulsus, ejusdem existit mixturæ, & per consequens non tam partium heterogeneiarum, ut inde effervescentiæ concitari possent, sed fortè prius in ipsis renibus, ex acini glandulosi obstructione, exiguus calculus ibi concretus per ureteres (ut nephriticis fit) in vesicam descendit, qui ob diutinam meram, continuò ab appulsione salinarum partium accrescit, atque tandem magnitudine augetur.

Ut tamen non nihil de arenularum genesi dicamus, & postea de renum, Arenarum sciendum, sanguinem ex arteriis in renes ferri, qui si fuerit nimis cras-*Genesis*-sus, nimis salsus & acidus, hoc est muriaticus, acini renum glandulosi obstruuntur: interim quidquid tenue & liquidum sensim ad vesicam pellitur, sed crassum, in acinis istis manet; cujus particule ob fluidi defectum invicem appropinquant & quia illarum superficies polita est, facile, ut duo marmora, sibi adhærent, atque per consequens crystallizantur, quarum particule primo arenulas repræsentant, verum quia aliæ atque aliæ continuò accedunt, augentur & majores fiunt. Porro quia partes, in quibus crescunt, dilatantur, ideo tandem rumpuntur, & corrumpuntur, atque



que in ureteres pelluntur, quæ aliquando non sine cruore eminguntur. Materia est instar lapidis aut calculi, quia inter crystalli poros aliæ quædam particulæ terrestres remanent, iisque inhærent, hinc coloris obscuritas.

Ob parcam potus assumptionem, salsedines etiam non eluuntur. Nam quando multum salis in paucò liquore solvitur, paucum tantum solvetur, & reliquum in crystallos abibit, quod chymicis ignotum non est, qui lixivæ evaporant donec pellicula supernatat, deinde reponunt alibi, & in crystallos abit.

Licet pluries ex renibus in vesicam ejusmodi arenulæ deponuntur, inficias tamen non est eundem, etiam intra membranas vesicæ lapides reperiri, quæ in glandulis vesicæ eodem ut in renibus more concrefcunt. Hinc rupta membrana subito erumpunt, atque sic derepentè quidam calculosi fiunt, qui antea nunquam de calculo conquesti fuerunt.

Passio nephritica, & urinæ sabulosæ præfagia sæpe sunt crescentis calculi. 2. Urina cruenta, vel quæ filamenta tenacia continet. 3. Sæpe alba, viscida, diaphana aut cruda, & turbulenta, aut si post aliquot horas matræii fundo adhæret. 4. In vesicæ cervice dolor, qui in fine mictionis exacerbatur. 5. Prurigo circa præputium & partes genitales, quæ ab ægro continuo icalpuntur. 6. Grave pondus in perinæo & supra vesicæ collum, præsertim si calculus fuerit magnus. 7. In calculis magnis mingitur cum dolore ac si quis esset in partu: aliquando cum dolorosâ stranguiriâ. 8. Supra vesicæ collum, si calculus jaceat, urina est suppressa. 9. Virga continuè erigitur. 10. Continua ad mingendum & dejiciendum propensio, idque propter muscutorum ani & cervicis vesicæ communionem. 11. Ægri sunt inquieti, non potentes in uno loco manere. 12. A medicamentis diureticis ingravescit dolor. 13. Inter ambulandum dolorosi sunt, & videntur sese quasi corrugare. 14. Ob calculi gravitatem, umbilicus dolet, cum ejus ligamentum, vesicæ fundo adhæret. 15. Sartorum more libenter sedent, nam calculus tunc loco mutatur, & mictio faciliior est. 16. Interdum sentiunt calculum ab uno in alterum locum moveri. 17. Certus & optimus modus est, cathetere immisso, explorare, uti & digitis in anum aut mulierum vaginam simul immisissis, unde non tantum calculi præsentia, sed & magnitudo comperitur, verum non est absque dolore: ideoque hoc non tentatur, nisi instante operatione. Inveniuntur nunc temporis Lithotomi experti, qui absque cathetere aut dolore excitando, calculum norunt investigare, idque in omnibus cujuscunque ætatis aut sexus. 18. Quando dolor inter currendum sursum ac deorsum eundem, aut equitando & curru augetur etiam certum est calculi indicium.

Calculi minores, per urethram non raro expelluntur, idque facilius in fœminis quam viris; fœminino sexui enim brevior & amplior via est. Verum quo acutiores ac majores, eo expulsio dolorosior ac periculosior. 2. Tophacei faciliè friantur, ast duri difficillimè aut nunquam. 3. Mollioris conditionis cathetere aliquando comminuuntur. 4. Obstructâ urethrâ; non parum doloris



doloris patitur. 5. Hæreditarius putatur nunquam sanari posse, calculo enim exempto, alter denuo generatur. 6. Inter membranas vesicæ cretus, melius est & prudentius non eximere, alias enim certa est expectanda mors. 7. Calculi quidem franguntur, si plures sint quam unus, ob continuam attritionem in vesicâ, aut raro aut potius nunquam medicamentis acerbis. 8. Intra membranas conclusi, non eminguntur. 9. Calculum ex vesicâ dilatando ducere, in fœminis non semper convenit. 10. Lithotomiæ periculi plena, præsertim in cacochymicis. 11. Vulnere ab imperitis tractato, sæpe æger non evadit. 12. Post institutam sectionem, aliquando urinam continere nequeunt.

Primo sunt remedia investiganda, quibus calculus frangitur. Lithontrip-tica dicta, & si iis nihil proficitur; (credo enim ejusmodi calculum confringentia non dari, quidquid circumforaneorum turba clamat) ad Chirurgicam operationem est deveniendum; & extracto calculo, procurandum ne plures generentur.

Atque illa saxifraga sunt vel interna vel externa. Interna habentur in nostrâ *Praxi capite de Nephritide*, quibus sequentia addi possunt. Ut aqua ex cæpis & allio pro potu quotidiano. Vel eorum cum cibis usus, quod per aliquot tempus est continuandum. Item silices in vino rhenano extincti. Usus calculorum ex hominibus fectorum aut mictu excretorum. Vel

*Recipe Millepedum, drachmam unam vel scrupulos quatuor.*

*Sem. Cumini Asinini, scrupulos duos.*

*Aquæ Vitæ, unciam semis.*

*Juris Cicerum Rubrorum, uncias decem.*

Misce.

Assumatur quinque horas ante prandium: estque remedium inter optima censendum. Vel,

*Accipe Salis Tartari, unciam unam.*

*Decocti Petroselini,*

*Vini Hoglandici albi, ana uncias decem,*

*Tinct. Arantiorum, drachmas duas.*

*Filtratum detur cochleatim. Vel,*

*Sume Stercoris columbini, uncias sex.*

*Spir. Vini, quantum sufficit.*

*Extrahe Tincturam, & filtratum detur usui.*

*Sumatur subinde cochlear unum aut alterum. Vel*

*Recipe Allii, uncias octo.*

*Cæparum, uncias quatuor.*

*Cumini asinini,*

*Tom. II.*

*Bbb*

*mil-*



Millepedum,

Salis armoniaci, *ana uncias duas.*

Fol. Absinthii latifolii, *manipulos duos.*

Vini Malvatici, *libras octo.*

Spir. Cornu cervi rectificati *unciam semis.*

Misce fiat Tinctura, quæ etiam destillari potest, ut palato gratior evadat.

Remedia externa sunt injectiones ex gramine cum radicibus; Tinctura foliorum Theæ &c. Theæ aut Coffeæ sorbitiones internè propriè quidem attenuent sanguinem, & per consequens major quantitas urinæ separatur quam antea, quare multum quoque sabuli expellitur, verum calculus ipse neutiquam frangetur, quidquid alii crepant. Hisce nihil proficientibus, ad Chirurgicas operationes descendendum, quæ consistunt in *dilatatione* aut *sectione*.

Si calculi non sunt admodum magni, tunc urethra in utroque sexu inflanda est, & connitendum ut calculus urethram intret, deinde exugitur, aut cucurbitulis cæcis ex cornibus extrahitur; & si hæc non procedant virga ab inferiore parte est aperienda, ut hoc modo per sectionem foras ducatur, deinde vulnus sanatur balsamo copaybæ aut peruviano, aut sulphuris.

Catheter  
flexilis.

*Helmontius* levaminis gratia catheterem præscribit flexilem ex corio, aut ex tænia. Alii præparantur ex anguillæ cute; sed Leidæ apud Dom. *Mutsenbroek* ex filis argenteis concinnè fabricatis, qui hodie usu veniunt, vidi, sed tantum in depromenda urina. Facile flectuntur, idque sine dolore, etsi quadragesies unico die, in vesicam protrudantur, quamvis primis quidem vicibus nonnihil doloris, circa sphincterem insuetum pariat, atque sic extracto conductore ex balænæ gingiva, aut filo argenteo educitur urina, & si visum est, per eundem liquor injicitur quoties visum. Atque sic lithotomia diu suspendi potest. In fœminis sunt breviores quam in viris.

Modus  
cathetrif-  
mum in-  
stituendi.

Modus cathetrifmum instituendi hæc esto: sinistrâ manu virga præhenditur, & urethra nonnihil comprimitur, deinde catheter oleo litus immititur, sed oportet ejus convexitas abdomen respiciat; atque sic leniter intruditur, donec sub osse pubis venerit, ubi invertitur, eo modo ut ipsius extremitas collum vesicæ tangens, vesicam intret, deinde stylo cum epistomio retracto, urina copiosè depromitur. Hæc omnia sunt prudenter instituenda, ne hæmorrhagia & dolores concitentur.

Est & alius modus: pene versus abdomen sublevato, catheteris utraque extremitas abdomen respiciat, sicque recto ductu leniter propellendo vesicæ immittatur, atque ita catheteris inversio, uti antea dictum, non requiritur. Atque sic patiens ipse facile catheterem immittere potest. Catheteres in ea parte ubi flexura est foraminulis quibusdam pervii sint oportet. Introducto instrumento, stylus extrahitur, & urina copiosè promanat.



LABORANS STRANGURIA ET CALCULO CUM SPECILLI  
SÆPE FALLACIA.

**Q**uidam stranguria laborans cum subsidentia materiæ tartareæ, diureticis refrigerantibus & lacte caprillo quasi sanatus, cathetere immisso nullum præsentis calculi signum præbuit, & postea & curru & equo sine magnâ molestiâ iter habuit, dum vero tandem tabefactus obiret, vesica aperta calculum magnitudinis ovi gallinacæ, nec mucositate nec membrana aliqua involutum, in sui cavitate commonstravit.

INFIDA CALCULI SÆPE PER SPECILLUM EXPLORATIO  
CUM RENUM CALCULO.

**M**atrona, quæ cum diu calculorum doloribus, non tantum afflicta, sed quasi contrita fuisset, de Medicorum sententiâ (renuentibus licet aliis) calculo vesicæ laborare creditum est, atque ea propter exploratio à peritissimo Lithotomo instituta, qui primâ vice calculum sibi occurrere, sed muco seu membrana vestitum affirmavit, ita ut opinatus fuerit calculum vesicæ parietibus impactum, & immobilem, membrana ejusdem interiori contegi; post tamen aliquas injectiones detergentes exploratio instrumento rursus adhibita; idem ille jam in calculum nudum, in quem etiam cum sensibili atque evidentissimo illideret, se incidere pronunciavit: sic itaque omnia ad extractionem in tempestate commodâ, methodo ordinariâ peragendam parantur; interea tamen moritur ægra, præ morbo inducias agere nescio, & cruciatus novos, quasi totidem malignos, atque nimis funestos fœtus in dies pariente.

Cadaver aperitur, cumque ad vias urinarias perventum esset, ren dexter calculo minoris castaneæ magnitudine, multoque pure, scilicet ad uncias circiter octo, obsessum reperitur, vesica vero urinaria omnino vacua, & per fibras suas, præ irritatione & acrimonia fera, ita contracta, ut in cavitatem suam vix fabam majorem admitteret.

*Generosissimi cujusdam è Vesica calculus extrahitur duarum unciarum pondere. Sed vix justo, convenientique modo reponitur ager, & ecce, dolores pungentes circa regionem vesicæ suboriuntur, eo usque ut nox prima post sectionem laboriosa satis esset. Tandem una cum urina sanguinis grumi, in Vesica concreti per vulnus rejiciuntur, quibus rejectis, nox quieta magis subsequitur: postea ingravescentibus magis symptomatis, viribus attritis, succubuit.*

Post Litho-  
tomiam  
Cadaveris  
inspectio,  
in quo e-  
tiam Vesi-  
cula fellis

**V**esica fellea copiosa bile referta calculos continebat numero triginta, calculis 12-  
quorum unus instar castaneæ nucis, coloris subflavi: alter instar nu-  
borabat.



cis avellanæ. Vesica juxta crassior erat, & una cum intestino recto sphacelo correpta.

Obiit ab inflammatione & harum partium sphacelo. Liquet eum plurimis particulis acidis abundasse, nam hanc ob causam bilis fuit putrefacta, quod alias factum non fuisset, si bilis copia sua acidum superasset: ex vulnere igitur illato, acres illi humores membranosis partibus convulsiones intulerunt, unde dolores isti pungentes oborti sunt. Vasis quoque magnis dissectis, causam quoque sphacelo inducendo præbent: omnes enim totius nostræ machinæ partes, continuo sanguinis & succorum affluxu & refluxu gaudent: à quibus si destituantur, pereunt.

*Quidam omnia calculi signa videbantur adesse, nec tamen instrumento exploratorio explorari potuit.*

Calculosi  
& Herniosi  
Anatome.

**I**N Cadavere calculus una cum vesica unam scroti partem impleverat, alteram vero partem intestina occupaverant.

Quamvis olim interdicebant ne alicui infra annos novem, & supra annos sexaginta sectioni admitteretur, nihilominus tamen in eorum sententiam descendere nequeo, ne ægri desperati fiant, sive in quâ ætate hæc fiat.

Neque anni tempora tam accuratè observanda; sufficit, aer sit temperatus, potius calidus quam frigidus. Porro æger alias sanus sit, absque febribus, lipothymiis, suffocatione uterinâ, cacochymiâ, tabe, &c. Ante sectionem sanguis temperantibus est corrigendus, & cibis Eupeptis roborandus: venæ sectio non est opus, quia satis sanguinis ex vulnere inflictio emanat. Quidam locum incidendum cataplasmatibus aut fotibus emolliunt.

Diversæ sectionum species sunt; diversas itaque proferam, ut videatur modus quo olim & quo nunc sectio instituebatur.

Quomodo  
Ægyptii  
calculum  
extrahunt.

Ægyptii sequenti modo extrahunt. Cannulam sumunt ligneam octo digitos longam, & unius pollicis crassitie, hanc ad urethræ introitum ponunt, deinde illam quam fortissimè inflant, & ne iterum exeat, alterâ manû virgam comprimendo claudunt. Hoc factò foramen istius cannulæ digito occluditur, ut virga intumescat & dilatetur. Deinde Minister digitos oleo oblitos anum intrudit, & calculum in urethram premit, atque ita foras protruditur. Sed si calculi fuerint magni, operationem non successisse puto.

Franci modus.

Quidam Chirurgus *Francus* dictus, ex vesicæ fundo calculum secabat; sed est alea periculi plena. Verum is modus primo in canibus institui poterat, ut experiamur, num is modus sit probatus. Et licet vulnere vesicæ esse Lethalia, secundum Hippocratis effatum, pace tamen magni Medici, novimus aliquando fuisse sanata.

Tertius  
modus.

*Henricus Roonhuijsen* olim Chirurgis peritissimus Amstelredamensis, sequen-



quentem methodum nobis enarrat, hoc modo : adhuc tam per epistolas , quam patientes intelligimus inventionem novam & mirandam circa lithotomiam , quæ fit Burdigalæ in Gallia , à lithotomo quodam nomine *Raoux Chastres* , nunc vero Nemausi commoratur : Ejus operatio fit tam in junioribus quam adultis, idque longè alio modo, quam huc usque solevit. Nam postquam patiens ab eo , idque ipsius Methodo ; cathetere est exploratus , absque ullius præsentia, femi horam circiter cum patiente per cubiculum ambulat, deinde illum in gremium ipsius ministri collocat ; qui illum ita absque vinculis tenet ; nullisque aliis utitur instrumentis, quam solummodo cultellulo falcato ; at nullis fasciis aut vinculis ; nullam quoque vim premendo abdomini infert, insiliendo, aut elevando &c. Ad calculum in digitum dirigendum. Minor etiam fit labore atque periculo, abque anni temporis observatione, aut patientis temperamenti, aut ætatis. Deinde duos in anum ducit digitos , quod facile fit , deinde digitis ad inguina calculum eo usque premit , quam fieri potest, & paulo altius ; tunc cultellulo prædicto obliquè, ad ordinariam quidem magnitudinem , at nonnihil altius aperturam facit, incipiens à latere inguinis & ossis ischii, atque sic pergens ad perinæum ; quæ apertura fit ( in eo loco secundum fibrarum ductum ) uti videre est, modo ad rem accuratè attenditur ; parva enim , secundum fibrarum ductum apertio, plus enim magis indulget, & ob rupturam melius dilatari, si vulnus nimium sit parvum. Vulnus enim quod requiritur in calculi educatione, melius est paulo parvum, quam magnum ; cujus ope calculum digitis facile exprimit, absque auxilio alterius instrumenti. Porro post vulnus mundatum, vesicæ cervicem interum in locum suum premit , ex quo ante erat expressa ; atque hoc modo præcavetur, ne per fistulam remanentem aut per urethram urinæ stillicidium remaneat. Porro vulnus ordinariis fasciis obligatum, ad minimum intra septem aut octo dies sanatus est. Aliam insuper legi epistolam, quæ de nova Lithotomiæ Methodo tractabat, in qua testabatur, Chirurgum illum eo tempore plus quam quinquaginta homines secuisse, annorum 20. 30. 40. 50 & 60. idque præcedenti modo : sine ullius fistulæ remanentia ; imo pauci aut nulli febris tentabantur , multo minus quispiam stillicidium patiebatur. Hucusque *Roon-huisen*.

Duo vulgo modi in usu sunt, primus dicitur *Apparatus minor*, qui in minoribus natu & aliquando in adultis instituitur. Alter vero *Apparatus* vocatur *Major*, qui solum adultis adhibetur. Alii duo modi.

*Apparatus minor*, fit secundum *Celsum* sequenti modo : ad sit cultellus accommodatus, forceps, lapidillus. Sinistræ manus index & medius oleo uncti, in anum dimittuntur : nisi ob ætatem introitus esset nimis angustus, tunc indice tantum est laborandum ; verum quia hæc in adultis ita fieri nequit, Catheteres argentei sunt inventi, cultri incisarii, forcipes, cochleata instrumenta &c. Et tunc operatio illa vocatur *Apparatus Major* : Hæ duæ species Belgis adhuc receptæ. Apparatus minor, & major.

Ut igitur minor ætatis à calculo secetur, hoc modo operatio procedat oportet : ante omnia parata sint instrumenta, fasciæ, sanguinem sistentia in &c. Eligendus tunc est vir robustus, sedeatque facie adversâ luce in altâ pueria.



sedili, eo in loco ubi æger est secandus: sub pedibus ponatur hypocauftum, scabellum, suppetaneum &c. Genua invicem tangant, vel quod melius, vinculo ligantur, deinde pulvinar firmum in gremium ponitur, & supra illud lumbare, seu perizoma ad deligationem. Ægri alias quoque tabulæ imponuntur, & ab aliquot adstantibus firmiter tenentur, & infra ipsum torale terquaterve duplicatum, ut sanguis effluens absorbeatur.

Puero ab impediendis vestimentis liberato, operator sub axillis præhendet, & elevando pedibus ter quaterve in pulvinar durum illidet; hoc modo calculus facile in vesicæ collum subsidet: deinde nudis natibus pulvinari imponit, quod vir ille in gremio habet, ita ut lumbare tergum tangat; tunc robustus ille anibobus lacertis cruciatim puerum comprehendat. Porro manus pueri inferius ab utroque latere ad pedes ligantur, ita ut singula manus pedem habeat, tunc genua à duobus robustis ministris ab invicem teneantur.

Puero tunc maximâ ex parte natibus retrorsum nitente, atque podice à pulvinari atque lumbari libero, cui incumbebat, pulvinar Lithotomus ante puerum projicit, cui unico genu ingeniculatur: deinde quæ ad manuale suum pertinent juxta latus suum supra scammum aut sedem collocata sunt: tunc duos digitos à pollice priores oleo unctos manus sinistrae in podicem immittit, ut antea dictum, & calculum ad vesicæ collum ducit, si non succedat, abdomen premit, ut ad collum ducatur.

Tunc sumit Lithotomus cultellum suum incisorium, & alius minister virgam sursum elevat, tunc aptum eligit locum infra os coxendicis, sesquidigitum aut duos, eo loci ubi lapis digitis sentitur, & digitum unum ad perinæi latera; quod non fit unicâ sectione, verum quoniam cultellus anceps est, leniter sursum ac deorsum secando, vulnustantæ amplitudinis fit, ac magnitudo calculi judicatur, potius ad æqualem proportionem, quam si amplitudine excedat. Interim calculus immobiliter digitis teneatur, ne de loco mutetur.

Viâ patefactâ digitum dextræ manus indicem in vulnus trudit, & calculi magnitudinem demetitur: quod etiam instrumento fieri potest. Tunc lapidillum sumit inque aperturam mittit, & pone calculum idem ducit, ut lapidem in forcipis capacitatem arripiat, forasque ita vehat, continuo digito calculum tenendo, ne exiliat. Educto lapide, tentandum num plures sint calculi, & enitendum ut sensim extrahantur.

Extracto lapide, deligatio hoc modo procedit: vulnere ab aëris injuriis tecto, lumbare sumit, cui puer incumbit, illumque supra umbilicum & ventrem ducit, firmiter ad invicem trahendo, abdomenque calefacto spiritu vini fricando, & defensivo emplastro applicando, cum linteo quater duplicato; tunc infra aperturam mollem turundam ponit, optimo defensivo unctum; huic alia plana imponitur, albumine ovi & alumine humefacta. Atque hæc fit ex lino grosso aut stupâ, & ambæ insuper alio linteo duplicato supra vulnus comprimuntur ac duabus longis fasciis linteis vinciantur, quæ superius lumbari affiguntur, & inter femora & nates unicâ contorsione, quæ accuratè stupæ apici correspondet, conjunguntur, deinde aciculâ  
supra



supra duplicatum linteum affigitur, & fasciæ, singulæ in uno latere, iterum supra anteriorem abdominis partem lumbari duabus magnis aciculis affiguntur, cavendo ne deligatum à vulnere defleat. Vulnere tali modo obligato, æger lecto calefacto committatur, seseque quietem servet oportet, nam deligatum solveretur; hinc pedes & genua plerumque convinciuntur, nam si crura eleventur, tunc vulnus hiaret. Et si iterum sanguinem fundat tunc farinâ triticâ aut hordeaceâ sistitur. Item fungo orbiculari sive *bovis*, vel alio pulvere sanguinem sistente.

Puerorum Lithotomiâ descriptâ, etiam demonstrandum venit, quomodo <sup>Lithotomia in adultis.</sup> in adultis peragitur. Explorato bene calculo, ægri tunc in cubiculo, ubi commorantur, aliquantulum ambulant & saltant, ut calculus facilius descendat. Interim supra tabulam longam ponitur sedes, quæ ita firmari debet, ne loco moveatur, dorso & mattâ Tabulæ innitens, cui aliquot pulvinaria iusternuntur; eodem ferè modo ac parituris struitur. Tunc patiens tabulæ imponitur cum pulvinari sub natibus, & dorso in dorsum sedis incumbit: eo tempore manus ei & pedes constringuntur, ut antea dictum. Deinde à duobus robustis viris ab utroque latere firmiter tenetur. A tergo adhuc alius est, qui patientis thoracem tenet. Abrasis à pudendo pilis, Lithotomus genu unicum supra pulvinar ponit, cum tergo lumini adverso.

Porro Catheterem per urethram in vesicam immittit, & calculum usque ad vesicæ collum ducit; illum tunc retrahit, & ducit in ejus locum conductorem suum usque ad vesicæ extremum, illum cum sulco extrorsum conversum minister quartus tenet, semper nonnihil premendo: post hæc ancipitem sumit cultellum, secando dextrâ aut lævâ manu accuratè supra conductoris sulcum; quod bene observandum; manu jam, quæ non occupata est, cutim dilatat & musculos quantum fieri potest, ut oculis vulnus pateat, secando, ut supra dictum, sursum & deorsum.

Hisce peractis conductorem educit, & ut vulnus apertum maneat duo bacilli ex argento inducit usque ad vulneris fundum, sed foris singulis est annulus digitorum admittens, atque sic deinceps reliqua operatio peragitur. Hac in re sese accommodat secundum conjecturam magnitudinis calculi. Si suspicetur esse parvum, lapidillo rem tentare nititur; si hoc non succedat, utitur cochleâ in extremitate rotundâ & acutâ, quæ ut simplex ferrum rotundum immittitur, cujus manubrio ad invicem presso, rostra anteriora hujus instrumenti se aperiunt, quæ immissa erant, atque hoc modo vulneris labia dilatantur eo usque ac pro calculi exitu, necesse judicatur. Vulnere per cochleam aperto, dextrâ forcipem sumit, in rostro rotundo, modum ac si duo essent cochlearia, rostrum anserinum referentem: hac conatur calculum apprehendere, servando semper vulnus cochleâ apertum, cavendo tamen ne fiat dilaceratio, tunc enim melius esset secare: forcipe vesica non est lædenda, neque præhendenda, unde varia symptomata.

Magnitudine si excédât calculus, laborandum ut in frusta confringatur, & frustillatim extrahatur. Et si præ magnitudine extrahi nequeat: per urethram cannula argentea in vesicam est ducenda, ut urina emulgeatur; aut



in perinæo apertura fit usque ad vesicæ collum; ut lotium per cannulam immissam reddatur.

Lithotomia in foeminino sexu.

Quoniam in foeminino sexu Lithotomia paulo differt, breviter, quomodo peragitur delineabimus. Eodem modo foeminæ ac viri vinciuntur, & urethra iis speculo matricis sensim dilatatur, per cujus aperturam calculus extrahitur. Aut unctis digitis, vaginæ immixtis, lapis versus urethram premitur, ut à lapidillo præhenditur. Sed aliquando lapis adeo magnus est, ut per dilatatam urethram nequeat educi, tunc digiti vaginæ immittuntur, ut calculus usque ad vesicæ collum adducatur, supra quem per vaginam, & vesicæ collum, secatur, cultello vaginam dilatando, deinde in circumferentia colli vesicæ aut urethræ, interim serum effunditur. Vaginâ ac urethrâ primo oleo per siphonem lubricatâ, conductor urethræ intruditur, cavitatem versus vaginam convertendo, deinde oblongo cultello secatur, secundum longitudinem lævæ manus, quæ in vaginâ est. Tunc foramen inciditur ac pro calculi magnitudine requiritur, cultello rectâ persecando.

Vulnera emollientibus & detergentibus sunt procuranda, uti cum *Tincturâ Theæ*, Decoctionibus ex Malvâ, Parietariâ, Violæ & Althææ Foliiis, Alchimillâ, Saniculâ, Agrimoniâ, Veronica, Rosarum Rubrarum Floribus &c. Vulnus interim tractandum, ut postea de vulneribus dicetur. Operatio illa melius videndo addiscitur, quam legendo ideo raro aggredditur, nisi ab iis, qui sæpe adfuerunt.

## C A P U T XXIV.

### DE URINÆ INCONTINENTIA, POST CALCULI SECTIONEM.

Urinæ stillicidium.

**P**ost sectum calculum aliquando URINA CONTINERI NEQUIT, sive ob vulneris labia callosa, aut ob dissectas vesicæ sphincteris fibras motrices, aut ob earundem, ex nimia dilatatione in foeminis, paralyfin &c.

Labia vulneris callosa, cruribus elevatis, sunt scarificanda, ut cruda & sanguinolenta appareant, deinde digestivum applicatur, & vulnus, ut alia vulnera consolidatur. Illud stillicidium sæpe post urinam acrem remanet, quare & labia corroduntur & callosa redduntur, tunc abstinendum ab omnibus cibis & potibus acrioribus. Deinde adhibendum bracherium cum pulvillo comprimente, postquam scarificatio &c. præcesserit, atque sic urinæ exitus præpeditur.

Si id ex paralyfi aut relaxatione fibrarum colli vesicæ fiat: tunc urethra etiam bracherio occludi debet, quod ita factum est, ut urina in vesica remaneat, donec necessitate urgente; ea evacuetur, illudque cochleatis instrumentis fieri solet.

Hoc



Hoc tantum in viris locum habere potest, non autem in fœminis, quia earum urethra comprimi nequeat: ideoque instrumentum vesicæ in modum, quod subligaculo annectitur, pudendoque admovetur parari potest, quod exstillantem excipit urinam.

## XXV. CAPUT.

## DE HERNIA INTESTINALI, OMENTALI, UMBILICALI, INGUINALI &amp;c.

**H**ERNIA INTESTINALIS, RAMEX, ENTEROCELE, BUBONOCELE, HERNIA INGUINALIS &c. nomina sunt unius significationis, nihil aliud est quam extuberantia sive relaxatio peritonæi, qua intestina è debitâ sede extrorsum protruduntur, quæ viris, infantibus atque fœminis familiaris est.

Ob varias species variæ habentur differentiæ, superior est in umbilico, *Hernia In-* per quem non tantum intestina, sed & omentum foras trudentur: inferius *guinalis &* est *inguinalis* sive supra pudendum, aut *scrotalis* in scroto. In fœminis raro *scrotalis.* infra os pubis, sed ferè semper supra idem: etiam est vel cum peritonæi diruptione, vel solummodo cum dilatatione. Communis locus, sunt inguina, at quoque in aliis locis raro supra umbilicum: nisi post inflictum vulnus; nam sanato vulnere, facile ab intestinorum pressione peritonæum dilatatur, quia dissectum peritonæum difficile coalescit; & ejusmodi casus infra umbilicum esse possunt.

Solebant olim affirmare in hominibus esse peritonæi processus, qui suis *Num dan-* aperturis seu vaginis in scrotum descendebant, verum illi potius in brutis, *tur proces-* quam hominibus conspiciuntur: nuperrimè tamen contigit in viro, iudicis *sus perito-* jussu suspenso, in altero latere me vidisse processum, qui usque in scrotum *næi in ho-* descendebat, at in altero latere nullus, & exinde conjicerem illum in ju- *minibus.* ventute Herniâ laborasse, in quâ intestina in scrotum erant prolapsa, quæ bracheriis repaguli instar fuerat compressa. Porro Herniæ locus etiam esse potest juxta, infra, & supra umbilicum: item à parte posteriori; vel quando non in scrotum, sed extra hoc in partem musculosam femoris resedit. Item, dum peritonæum prope spinam dorsi ruptum dat Herniam.

*Cause* possunt esse ea omnia, quæ peritonæum dilatant: ut sunt infan- *Hernia* tium ejulatus nimius; vehemens vomitus; hoc enim modo diaphragma vi *quid.* magnâ deorsum premitur, & consequenter omnia viscera abdomini contenta: quæ iterum peritonæi membranam comprimunt, dilatant, cujus nimia dilatatio *Hernia* vocatur. Porro excrementa indurata, quæ ut expellantur, alvus eodem modo nimium comprimitur. Fortis tubæ &c. inflatio; tussis continua; saltatio; casus, verbera, ponderis gravis elevatio; per intervalla longa gressus; quando infantes, ventre gerentium br-



chiis, præsertim ventriculo pleno incumbant; jugis ambulatio & erecta statio nimis longa, præsertim post prandium largum aut cœnam; equitatio. Hæc omnia ventrem expandunt, & per consequens eo loci facile dilatatur, ubi per quam debilis est. Ileum intestinum sese aliquando in dilatatum peritonæum insinuat. A tendinibus musculorum obliquè ascendentium dilatatis, Ileum in eorum dilatatâ cavitate non raro sensim admittitur; deinde constrictio sæpe tam arcta evadit, ut ferè impossibile sit, præter quod externis nequeat restitui: atque tunc mors appropinquat. Prudentes quidam Chirurghi, crus aut pes decumbentis patientis elevant, & hoc modo constrictio illa relaxari videtur.

Quæstio esse potest, num in inguine habeatur Hernia an Bubo. Doctiss. & Expert. Dom. C. Stalpart van der Wiele in suis observationibus, sequentem proponit διαφοράν. Sequuntur viri Excellentissimi verba:

Ut strangulatam Herniam, quæ necdum in scrotum est delapsa à bubone pestilentiali internoscamus (quoniam in utrisque ἐπὶ τὸ πολὺ, adesse solet Febris, Præcordiorum anxietas, vomitus & inguinum tumor) sciendum, Pestilentialem bubonem ex communi observatione, esse rubri coloris, neque se tam subitò manifestans, ac intestinalis Hernia, quamvis fateri cogor, à tali Herniâ, tempore, inflammationem posse produci: & Herniæ tumor propriè non est in inguine, sed paullo supra.

Quoad Bubonem Venereum, ab Hernia Venerea ex hisce discernitur, quod nempe Hernia ab ἀρχῇ mollem repræsentet tumorem, ubi tamen venereus bubo in principio durus sit ab omni parte (à tendinibus nempe) strangulatum, idem, si patiens in dorsum supinus decumbat, iterum introrsum delabetur, & surgens, iterum prolabitur, quod in Venereo non contingit bubone.

Hæc Clar. ille Medicorum Coryphæus. Varii casus docent bubonocelem à solo terrore fuisse inductam.

Hernia  
Intestina-  
lis.

Testiculus si fuerit à nativitate intus conclusus, isque elabatur, aliquando intestina insequuntur, unde *Hernia intestinalis*.

Umbilicalis,  
omentalis.

*Hernia umbilicalis* aut *Omentalis* sæpe ab iisdem causis dependet, quando post nativitatem umbilicus non bene fuerit clausus; vocatur & *Exomphalos* & *Epiplotele*, verum in hac Herniæ specie raro omentum est accusandum, sed potius intestina subjecta atque prementia, sed per consequens quidem omentum prolabitur, quod anteriorem partem obtinet: illud non raro foetum gerentibus evenit, ut & post partum difficilem, tunc enim intestina sursum trudentur, atque umbilicum prominere faciunt.

*Signa* sunt rotundæ protuberantiæ, quæ premendo non statim resiliunt, ast moto peritonæo, priorem iterum capit sedem: Dolor est tolerabilis, nisi ab excrementis aut flatibus. Si flatus in causâ sunt, totum peritonæum est inflatum & expansum: ast ab excrementis induratis, alvus est summè adstricta: rupto peritonæo, subitò magnus tumor oritur. Raro tamen contingit, verum ut plurimum tantum dilatio est. Intestinis in scrotum lapsis, reducendo dolor fit cum sonitu: peritonæo magnoperè rupto, dolor



ingens est, aut non item in principio. Hernia omentalis palpando mollis est lanæ instar, aut difficulter reducitur.

Disrupto peritonæo, curatio difficilis est & longa. Quo tardius ad curam pervenitur, eo pejus. Infantibus ac junioribus facilius quam adultis præsertim senioribus restituitur: quo Hernia minor, eo melius, præsertim rupto peritonæo. Si abundant flatus, non sine dolore est; & si paroxysmus procrastinetur, sequitur inflammatio, gangræna, stercoreum vomitus, imo & ipsa mors.

In Herniis timor est morbi iliaci, quoniam causa irritationis adesse potest, & si nimis à vicinarum partium pressione angustentur, excrementa, ob perversum motum vermicularem sursum trudentur. Secundo, intestinis ita compressis, inflammatio, ulcus, gangræna &c. insequi possunt, ita ut sæpe stercorea sibi exitum per umbilicum quærere coguntur.

Primo curandum intestina elapsa intrudantur, deinde fasciæ, bracheria &c. sunt admovenda, ne iterum excidant.

Hernia si fuerit parva, decumbat patiens in tabulam, lectum, aut aliqujus gremium, capite reclinato, natibusque elevatis; deinde crura ab invicem deducat; tunc intestina vel omentum leniter sunt introducenda; in-  
introducitis Emplastrum huic incommodo conveniens imponitur. Ut *Emplastrum ad rupturas Fernelii, Stichticum crollii* &c. vel

*Recipe* Picis navalis, *uncias octo.*

Aloes,

Olibani,

Mastichis, *ana unciam semis.*

Colcotharis Vitrioli, Boli Armenæ *ana drachmas tres.*

Misce fiat pulvis.

Excipitur pulvis mucagine radicum symphyti majoris, aut ovi albumine, & loco Hernioso applicatur. vel

*Recipe* Corticum querci, *uncias duas.*

Boli Armenæ,

Sarcocollæ, *ana unciam unam.*

Calcis lotæ, *unciam unam & semis.*

Thuris,

Vitrioli Martis, *ana unciam unam.*

Terebinthinæ, *quantum sufficit.*

Misce fiat Emplastrum.

Hisce & similibus impositis, locus læsus fasciis est constringendus, aut bracherium est gerendum, eâ intentione, ne quid iterum excidat. Illud per annum integrum quidem est gestandum, aut diutius, pro herniæ magnitudine: alternis aut ternis septimanis est renovandum: ideoque cu-



randum , ut ad minimum duo præsto sint , præsertim infantibus , qui illud lotio &c. commaculant.

Observa-  
tio.

Ante aliquot annos Juris quidam studiosus me compellabat ; ei testiculi semper intus latuerant , tandem unus extrorsum prorumperebat , unde vasculorum , nervorum , &c. ad testiculum euntium dolor continuus , suasi Bracharium gestaret , testiculumque iterum introrsum truderet , quod fecit , & dolor evanuit. καὶ ταῦτα μὲν δὴ ταῦτα , atque hæc ita se habebant.

Intrusio fieri si nequeat , alia duo media sunt reliqua. Prima est , ut pars quædam à peritonæo abscindatur : & altera ut testiculus cultro amoveatur , quæ operatio non est instituenda , si priori modo fieri possit. Ideoque circumforanei vulgares non sunt temerè credendi , qui audacter castrationem aggrediuntur , hæc enim à Doctioribus sunt prius examinanda. Quidam *urunt* , alii *Puncto aureo* utuntur , aut *corrosiva* imponunt.

Per ustio-  
nem.

Quoad *ustionem* , ea non est suadenda , propter operationis incertitudinem. Quosdam itaque modos secandi hic describemus.

Per sectio-  
nem.

Mensæ imponatur æger , eo modo ac de calculi sectione dictum , tunc in superiori scroti parte incisio fit , absque tamen intestinorum læsione. Post hæc cannula sumitur argentea , crassitie calami anserini , ab unâ parte cava . & ab alterâ vero rotunda : ea deinde vulnere intruditur , ducendo eam secundum peritonæi dilatationem , ad aperturam postea faciendam , idque secundum cannulæ dictæ cavum , ne cultello rasorio intestina incidantur. Vulnere satis magno existente , leniter intestina sunt intrudenda , & vulnus est statim futurâ , consuendum , atque dilatatum peritonæum , quantum fieri potest , attrahendum , ut hoc modo stringatur , ne intestina postea iterum excidant : si contingat intestina , sive à facibus induratis aut alias nequeant restitui : necesse est ut peritonæum dilatatum ad intestina usque sectione aperiat : dicta cannula in processum immissa , sursum est elevanda , ac sectio ab inferiori parte versus abdomen est instituenda , ea magnitudine , quæ intestina commodè possint reduci. His peractis , vulnus debito modo est consuendum , elevando processum , ut via eo reddatur angustior , deinde vulnus secundum artem est tractandum.

Per punctum au-  
reum.

Per *Aureum punctum* , ut vocatur , hoc modo fieri solet : operatio illa instituitur quando prior sectio incassum est tentata. Quando peritonæi dilatatio admodum fuerit magna , æger , ut antea dictum , collocatur , deinde cutis inciditur & intestinum prolapsum ad interiora pellitur , idque manu oleo recenti unctâ , deinde vasa testicularia utri & peritonæum dilatatum à vicinis cohærentiis instrumento eburneo aut unguibus sunt dissolvenda : deinde acus , filum aureum trajectum continens , per ipsius processus latus propè inguina , declinando vasa testicularia transfigenda atque filum eo usque constringendum , ne per clausam viam , intestina elabi queant. Laxa tamen fiat constrictio , ne sanguinis circulus per vasa testicularia inhibeatur. Deinde filii extremitates ita forcipe sunt intorquendæ , ne ab illis partes vicinæ lædantur. Post hæc ne intestina iterum excidant , atque processus magis angustetur , supra aureum filum aliud sericum ceratum , aut tænia linthea , cujus extremitates ex vulnere propendent , circumducitur. Deinde vul-



vulnus digestivo, aliisque requisitis sanatur & faciliis retinetur : sed illud tantum in adultis fit, non vero in junioribus, quia illi facilius subligaculis restituantur.

Loco fili aurei alii plumbeum sumunt, quod semel circum peritonæi processum circumducitur : atque is in tantum angustatur ac fieri debet, neque nimis laxè neque nimis stricte : illud tamdiu in vulnere manet, donec Hernia esse desit ; quod deinde solvitur, atque vulnus ad cicatricem perducitur.

Per filum  
plum-  
beum.

Modus *per corrosiva* hoc modo fit : Ponitur æger, ut ante supinus atque intestina intus pelluntur, deinde testiculus tam altè sursum versus os pubis trahitur ac fieri potest, qui locus à vasis testicularibus non nihil est separatus, tunc testiculus manu præhenditur, atramento deinde supra testiculum locus signatur; postea dimisso iterum testiculo, signaturæ imponitur corrosivum, quo usque ad os penetratur : ablata escharâ, processus iste peritonæi in tantum est auferendus, ac fieri potest : & apertura iterum secundum artem clauditur.

Per corro-  
siva.

Si testiculus sit auferendus, secundum scroti longitudinem sectio fit, deinde ex vulnere inflicto testiculus cum peritonæi processu trahitur, separando eum à testiculo : tunc vasa testicularia filo constringuntur, idque in tam altiori part equam fieri possit ; forcipe tunc testiculus abscinditur, atque filum aliquoties circumductum extra vulnus propendet, donec per se decidat : post hæc locus cicatrice obducitur.

Testiculi  
ablatio.

Intestina in scrotum prolapsa, statim sunt intus ducenda, alias enim gangræna, sphacelus, imo ipsa tandem mors ante fores sunt.

Modi reducendi sunt *manu* aut *sectione*. Manu, primo clyster est immittendus, post cujus operationem, si per se intestinum non restituitur, leni manu est introducendum. Ast contorto intestino, omnia remedia sunt repugnantia; itaque cogimur ad ultimam *ἐγχείρησιν*, nempe sectionem, devenire. Tunc supinus æger decumbat, faciendo sectionem latitudine ferè duorum digitorum supra locum clausum & angustatum, quia supra locum affectum commodè nequeat, absque intestini læsione, fieri. Vulnere ad peritonæum inflicto, æger in alterum latus est volvendus, ut in intestina ab eo loco, ubi apertio fit, removeantur. Tunc peritonæum diffecatur, & digitus oleolitus vulnere immittitur, reducendo intestinum leniter in locum debitum : ast si cogimur magnum incidere vulnus, illud tunc fieri debet ad locum usque angustatum, infra digitum tenendo aut specillum idoneum, ad tutanda intestina. Si flatus abundant, quibus operatio impediri possit, acui intestinorum membrana est compungenda absque discrimine solutionis continui. Restitutis intestinis, vulnus est consuendum, eodem modo ac in abdominis futuris fit.

Modus re-  
ducendi.

Umbilicus si promineat, atque per illum locum intestina exitum minentur, convenienti modo sunt reducenda, atque locus splenis, laminis, emplastris, fasciis, &c. est comprimendus. Cingulum quoque Herniæ umbilicali accommodatur, quod fibulam habet, & supra umbilicum duas laminas, cum duobus inter illas plectris, ut possint inspirando & expirando pro abdo-



minis modulo sese accommodare, alias abdomen ob multam compressionem, angustatur, & respiratio impeditur.

Umbilici  
protube-  
rantia  
calculosa.

MDCXCI. Laborabat Amita mea *Joanna Eversdyk*, *Nicolai Eversdicii* Consulis Goefani uxor umbilici tumore & simul dolore: vocavit ad se Obstetricem, quæ, umbilico examinato, ei cataplasma emolliens applicabat: disrupto tumore, excrevit calculum unum & alterum, perforamen ex ulcere obortum: atque sic singulis diebus calculi prodire diversæ magnitudinis, idque per totam æstatem duravit: magnitudo erat varia, nonnulli pisum minimum, alii majus, alii avellanam nucem æquabant; intus erat materia tophacea, levis, & grisei coloris: exterius investiebantur corticulatenui, glabra, & subfusci coloris: angulos habebant obtusos, non acutos, quamvis non sine dolore egerebantur, atque factum, propter ulcus angustum: alias sana & satis vegeta. Cessante ulcere centum & triginta excrebit.

Quare in-  
fantibus  
umbilicus  
protube-  
rat.

Non raro infantibus, post funiculi umbilicalis delapsum, umbilicus protuberat quod aliam non agnoscit causam, quam continuus ejulatus, quo viscera deorsum & extrorsum pellunt, & per consequens in peritonæum & musculos idem investientes, atque sic umbilicus immodicè extuberat, atque eo magis, quia locus iste adhuc tener est, nam diu non fuit consolidatus.

*Curatio* itaque in eo consistit, curetur ut infantes ab ejulatu arceantur, quantum fieri potest. Deinde splenium ex linteo tenui & molli applicatur cum fascia umbilicali. Et si hoc non succedit, applicatur emplastrum ex corio cum Emplastro oxycroceo, aut navali pice, habent ut plurimum palmæ manus magnitudinem, & calidè umbilico imponuntur: Ejusdem ferè formæ superimponere papyrum crassam & firmam (vulgo *bort-papier*) deinde splenium cum fascia. Atque hoc modo aliquot septimanas umbilicus maneat deligatus.

Vesicæ pro-  
lapsus.

Præter intestinorum & omenti prolapsum, habetur & alia, sed rara, quando nempe vesica in scrotum prolabitur, quod factum fuisse mihi ante aliquot annos narravit *Andreas Boekelman*, Chirurgus, dum viveret, dexterrimus. Vide quoque observationes Ruischianas, Anatomico-Chirurgicas.

*Cantor quidam quadragenarius, Sæpius cantando in Herniam intestinalem incidit, non absque dolore, præsertim inter cantandum. Chirurgus allatus, se à cantilenis abstinere jussit, & bracherium inguinibus accommodare, quod sex annis gessit; interea temporis se curatum confessus. Post illud tempus, sex mensibus elapsis, à pleuritide tollitur.*

Hernia a-  
natome.

**A** Perto cadavere, invenit idem Chirurgus, multum adipis in loco, ubi peritonæum fuerat dilatatum, per quod intestina deorsum premebantur, ad mag-



ad magnitudinem pilæ. Adeps istius dilatationis erat accretus, ut nisi laceratione circumjacentium partium divelli quiverit.

Omnia ea quæ peritonæum nimis intumescere cogunt, ad Herniam procurandam ansam præbent. Hernia nihil aliud sonat quam dilatatio peritonæi, idque quovis in loco. Bracherio postea ita constrictum est, ut dilatatum concreverit: vascula tamen adiposa ob summam dilatationem tantum adipis quantitatem in se collegerunt, ut locum antea dilatatum repleverint.

*Cuidam omnia calculi signa videbantur adesse, nec tamen instrumento exploratorio explorari potuit.*

Alia.

**I**N Cadavere calculus una cum vesica unam scroti partem impleverat, alteram vero partem intestina occupaverant.

*Cacochymicus quidam duodecim annorum, quaritur de dolore & tumore duro circa umbilicum: tandem rupto tumore ultra mensem stercora per illud foramen ejecit; alvus interim erat clausa.*

**D**iffecto abdomine, excrementa per ventris cavitatem ejecta erant. In <sup>Stercora</sup> latere sinistro colon ulcere, eoque calloso laborabat, & instar ventriculi <sup>per abdo-</sup> distentum. Circa finem mesocoli tumor grandis & prædurus fuit, qui rec- <sup>ejecta.</sup> tum intestinum ita comprimebat, ut ne *ye* quidem excerni potuerit. Fæces intestinis adhuc contentæ lapideam ferè duritiem acquisiverant. Mesenterium, intestina & pancreas scirrhusa inventa sunt. Ulcus in ventriculi fundo fuit. Pylori carnosæ valvula scirrhusa & justo major. Vena portæ & cava scirrhusitatibus & steatomatibus scatebant. Iecur exuccum & scirrhusum. Occupabant quoque scirri & steatomata undique ipsum diaphragma. Iisdem & pulmones, cordisque vasa, trachea & œsophagus corripiebantur. Liquorem flavum continebat sacculus cordis, idque magna copia. In cordis mucrone tumor albus ad nucis moschatae minoris magnitudinem. Causa istius ejectionis per umbilicum patet ex cadaveris descriptione: nam tumor iste rectum ita compressit, ut per anum nihil quicquam excerni potuerit; adeo ut ob excrementorum acrimoniam Colon erosum fuerit & exulceratum, atque sic facile excrementa in abdominis cavitatem effusa fuisse credibile est: hæc postea abdomen ita distenderunt, ut rupto abdomine, facile eruperint.

Porro, ut sæpius dictum, ex humoribus obstruentibus, seu acidis & viscidis scirrhusitates & steatomata inglandulis aliisque partibus crevere: omnia quippe viscera ejusmodi tumoribus scatebant.

*Infans, prole mascula, fausta que Junone lucinâ, recens natus, tumore umbilici, nucis ferè juglandis magnitudinem adæquante, corripitur:*  
sed



*Sed post triginta horas , antequam , cum esset ruri , Medici & Chirurgi convenerant , ad pugni magnitudinem extumuerat. Adhibita candelâ , intestina versicolora , rupto peritonæo in eum prolapsa conspiciebantur. A dextra parte desuper , carnea quædam moles , intestina sphacelata foras deprimens , deprehensa est. Tumore , ut intestina reponerentur , inciso , renitente carnea mole , statim expiravit.*

Herniæ  
umbilicalis  
anatomie.

**V**Itæ summa brevis spem nos vetat inchoare longam. Aperto abdomine , omentum desiderabatur. Lien exiguus admodum. Intestina tenuia sphacelo correpta , per dilatatum peritonæum circa umbilici regionem , prolapsa erant. Hepar in duos lobos altè divisum erat. Quorum alter debito loco , dextro nempe collocabatur , alter vero extra peritonæum prolapsus , eidem tam firmiter accreverat , ut cultello neutiquam separari potuerit. Cætera sine culpa.

Jecur in embryone fortasse non divisum , sed integrum , ut solet , primo fuit ; sed postea , matre vel perterrita , vel alias lapsa aut cascâ , jecur , cæteraque abdominis viscera ita concussa fuere , ut jecur à ligamentis suis ruperit ; hinc molis alicujus versus umbilici regionem descensus : adeo ut ob gravitatem , non tantum intestina comprimebantur , sed & peritonæum ita dilatatum fuit , ut forinsecus facile contenta conspici poterant. Ob nimiam jecoris pressuram , vascula sanguinea , aliave intestinorum membranas irrigantia , sanguinem purpureum , cæterosque succos admittere aut relegare non potuerunt , hinc circulatione impeditâ , intestina sphacelo correpta fuerunt , & omentum procul omni dubio , jam jam corruptum.

Omphalocelen in recens natis.

Anno 1682 mense Martio infans Monstrosus Heukelomi natus est. Ex umbilico protuberabat funiculus quarta & octava ulnæ parte longitudine , & minimi digiti crassitie ; cui appendebatur globulus tenui membrana investitus , ea magnitudine , uti in metularum ludis ( *kegel-spiel* ) solemus uti : atque per hanc membranam tenuem intestinorum motus conspici poterat. Præter hæc , loco cranii , meninx crassa aderat , per quam cerebri motus conspiciebatur. Palpebræ conniventes nullam pupillæ aut alterius rei præsentiam ostentabant. Nasus superius erat tenuis , inferius vero latissimus & planus. Os referebat lineolam , sed fugere volebat ; ex singulis hujus lineolæ angulis duo prominebant cornua cartilaginea incurva sesquiulnæ sectiuncula longitudine. Manus bene formatæ quidem , sed præter pollicem sex digitos in super habebant. Scrotum quidem cum testiculis habebat , verum nullum penem , neque ulla apertura. Post partum viginti & octo horas , sine alimentum assumptione , vixit.

Leidæ 1676 similen omphalocelen accidisse memini , sed foramen , quo evolverant intestina , adeo coarctum erat , ut commodè restitui haud poterant. Mater hujus aliquot tempus ante partum in platea selem curru prostratam viderat jacentem , cujus intestina ventris crepitu erant expressa : hac

visa



vifâ fuit perterrita, & hanc vifionem sæpius in mentem revocabat : atque fic tandem foetum, intestina evoluta habentem, peperit.

## XXVI. CAPUT.

## DE HYDROCELE SIVE HERNIA AQUOSA.

**D**isrupto alterutro Uretere effluit urina, unde scrotum potest tandem distendi, quod tamen raro fit. Ast sæpe testiculorum vasa lymphatica rumpuntur, uti & abdominis, (cujus exemplum in Asciticis) hinc lymphæ effluit, scrotum intumescit, extenditur, & externè splendet : diciturque **HERNIA AQUOSA** seu **HYDROCELE**. Hydrocele

Vel totum scrotum aquâ tumet, vel dimidia pars. Aut est intratestes & albugineam membranam, aut intra scrotum & testiculos : constat etiam vel ex lymphâ vel ex mero sero. Vel subitò veniunt, vel sensim. Tumor est hic æqualis, nodosus & asper. Aqua aliquando in vesicula continetur instar hydatidis, & tunc tertium mentitur testiculum.

Tumor est indolens, nisi humor ob nimiam copiam urgeat aut nimium ob acrimoniam contractam rodât : Ponderosus est, diaphanus, (præsertim si opposita parte candela sit collocata) est splendens. Humor fursum ac deorsum comprimendo duci potest.

*Externæ causæ* sunt contusiones, verbera, collisiones, saltationes, equitationes, & omnia illa, quibus violentâ vi vasa lymphatica dirumpi possunt. Item dilaceratio vesicæ ac ureterum; ulcerationes in abdomine vel in scroto : unde serosi humores emanant, qui tandem ob gravitatem in scrotum delabuntur; illud tamen raro contingit, nisi ulceratio intra peritonæi duplicaturam fieret, aut alias relaxaretur.

In principio facilius curatur, quam post diutinam moram; tunc enim humores fiunt acres, & testes corrumpuntur, unde gangræna, & sphacelus, quem insequitur extirpatio. Quo humor testiculis propinquior, eo pejus, quum intra membranas exteriores collectus.

Primo quædam Hydragoga sunt in usum vocanda atque salia volatilia & aromatica. Externè applicantur aromatica, dissipantia & dissolventia, & si hisce nihil procuratur, ad Chirurgicam operationem deveniendum. Emplastra applicantur & cataplasmata, ut aqua dissoluta, alibi ablegetur : ex. gr.

*Recipe Emplastri de ranis cum Mercurio, de cumino, de Meliloto ana partem unam. Santalini partes duas. Misce fiat Emplastrum.* vel.

*Recipe Unguenti Comitæ, desiccativi rubri, ana uncias duas. Misce.*

Huic admisceri potest *oleum caphoræ*, quæ ex radicibus cinamomi destillatur, vel *caphoram* ipsam.

Cataplasmata & Fodus fiunt ex aromatibus & dissolventibus, ut sunt.

*Tem 11.*

*D d d*

*Radice*



*Radices Aristolochiae, Bryoniae, Iridis Florentinae, cucumeris asinini. Spica indica.*

*Folia anethi, Chærefolii, Nasturtii hortensis, salviae, Chelidonii Majoris, Calamentæ, apii, centaurii minoris.*

*Flores Sambuci, lavendulae, camomillæ vulgaris & romanæ. Sulphur vivum. Bacca Lauri.*

*Gummi Ammoniacum, olibanum, Bdellium, Myrrha, Mastix.*

*Semen cumini, caphora, stercus columbinum, caprinum, ovinum, vaccinium &c.*

Hisce nihil proficientibus, ad scroti paracenthesin veniendum.

Transversim acu triangulari filo serico instructâ scrotum transfoditur. Alii fetaceum instituunt, sed non est opus, prudenter hic operandum ne testiculus vulneretur: transmissio acu, filum in vulnere maneat, quod ter quaterve singulis diebus horsum vorsum est trahendum, atque sic tandem omnis humor emanabit: ast si interim symptomata gravia doloris aut intumescentiæ eveniant, filum est extrahendum, atque ad symptomata maximè attendendum.

Alii vulnus ad digiti dimidium lancettâ aut cultro rasorio infligunt, donec humor exeat. Ast nunc utuntur acu cavâ versatili, apud *Jobum van Meekren* descriptâ. Etiam, per cauteria & corrosiva apertura fit. Extracto tandem humido vulnus curatur methodo consueta. Cavendum ne omnis humor, si abundet, simul exeat, præsertim si Ascitis pro causâ habetur. Quando ex ruptis lymphaticis, iterum lymphâ in scroto colligitur, operatio iterum est instituenda, idque toties ac collectio fit; & si æger non ferat, extirpatio erit necessaria.

## XXVII. C A P U T.

### DE HERNIA VENTOSA seu PNEUMATOCELE.

Hernia  
ventosa.

**H**ERNIA VENTOSA sive PNEUMATOCELE est quando scrotum flatibus seu aëre est expansum. Tumor non est ponderosus sed levis, rotundus, rubicundus aut splendens.

Aër est  
causa Ven-  
tositatis,

*Causæ* non sunt simplex ventus, ut vulgo dicitur, verum uti in aliis humor, caro, intestina &c distensionis Causæ existunt, ita hic aër omnem implet intercapedinem, itaque hic tumor est *aereus*. Nomen est inauditum ideoque *παγάδοζον ἄκρομα*: ast re cominus intuitâ non magis est vento scrotum distensum quam vesica aëre impleta & extensa: ideoque alia causa est excogitanda, qua scrotum ita distendi possit, quod facile in Tympanitide à convulsionibus & membranarum expansionibus, fieri potest.

Internè & externè flatus seu aërem discutientia sunt utenda, præsertim, quæ dicuntur antepileptica & convulsionibus abigentia. Quoad interna inspiciatur *praxis* nostra capite de Tympanitide. Atque illa constant ex aromaticis & salibus volatilibus, ut obstructions & succorum incrassationes dissolvantur.



vantur ac superentur. Externè applicari possunt *Emplastrum Vigonis cum Mercurio*, *Diapalmæ* cum alcohol vini dissolutæ. Si externa quid emolumenti apportant, fieri id debet à particulis subtilibus & penetrantibus, quibus pori aperiuntur, succi in fluorem ducuntur, quâ viâ tandem expansio evanescit, quæ sequuntur, applicari possunt. ut,

*Recipe Sem. Dauci,*

*Carei,*

*Bacc. Lauri, ana uncias duas.*

*Coquantur ex spiritu vini ad uncias viginti & fiat Fodus. vel.*

*Accipe Stercoris ovini, uncias sex.*

*Sulphuris vivi, uncias duas.*

*Aloes,*

*Myrrhæ, ana unciam semis.*

*Boli Armenæ, uncias duas.*

*Mellis, quantum sufficit.*

*Misce fiat Cataplasma.*

Si non cedat compunctione opus est. Interim optima diæta non erit respuenda, idque cibus flatus dissipantibus, vitando acida, falsa, viscida, cruda.

## XXVIII. C A P U T.

### DE HERNIA CARNOSA SEU SARCOCELE.

**S**ARCOCELE five HERNIA CARNOSA nihil aliud est, quam ex-  
crescentia quædam spongiosa, aut scirrhus testiculorum, testiculis vel Sarcocele.  
immediatè adhærens, vel tunicis.

Testiculi sunt inæquales, nodosi, duri & sensim magnitudine accrescentes.

Sunt vel duri & scirrhusi sine dolore, & ad sanitatem non perducuntur nisi extirpatione: alii non adeo duri, cum dolore pungente, qui aliquando exulcerantur & curantur.

*Causam* fuisse aliquando testiculorum inflammationem, qui à pharmacis astringentibus indurati fuerunt: atque hoc modo succi continuò afluentes ibi subsistere coguntur, vascula immensum usque distenduntur, atque speciem carnositatis exhibere videntur: quod in Herniâ venereâ certum est. Succis enim ab astringentibus (olim fieri solebat) cōagulatis, testiculorum canaliculos obstruunt, & quoniam ab arteriis continuò recens succus adducitur, plus succi in canaliculis hisce remanet, quam ad venas &c. pertransit, hinc extenduntur & testiculi summoperè augentur.



A vulnere, contusione &c. aliquando testium vascula rumpuntur, unde excreſcentiæ, eodem modo ac in quibusdā ulceribus fiunt, cujus generis in *Institutionibus* explicavimus: excreſcentiā illa in dies augeſcente, *Sarcosis* dicitur.

Si tumor diſſipari negueat, aut ad ulcerationem perducitur, atque ægro incommodum parit, ad extirpationem eſt inclinandum.

## XXIX. C A P U T.

## DE HERNIA VARICOSA SEU CIRSOCELE.

Hernia va-  
ricosa.

**H**ERNIA VARICOSA ſive CIRSOCELE nihil aliud eſt quam venarum teſticularium dilatationes & aliquando earum ruptiones; quibus totus teſticulus flexuoſis & inæqualibus dilatationibus circumvolvitur, unde aliquando tertium mentiuntur teſticulum.

*Cauſa* ſi fuerit interna, tunc venæ teſticulares à viſceribus aut ab excreſcentiā quavis comprimuntur, aut in iſſis venis polypi ſunt, atque hoc modo præpeditur ſanguinis curſus, quo inhibito venæ tument, eodem modo ac ſi vinculum injicitur brachio, ſtatim etiam venæ varicum in modum tumbunt: quia arteriæ plus ſanguinis adferunt, quam à coarctatis venis abſorberi poteſt, hinc conſequenter venarum parietes extenduntur, dilatantur, & in tumorem varicoſum elevantur. Externæ cauſæ ſunt verbera, caſus, colliſio, equitatio, &c.

In Principio aliquando diſſolventibus diſſipatur: aſt ſi malum invaluit, ſero Medicina paratur, niſi extirpatio adhibeatur: Emplaſtrum ſequeus commodè applicari poteſt, ut

*Liqueſac* Picis navalis, *uncias tres.*

Colophoniæ,

Boli Armenæ, *ana unciam unam & ſemis.*

Lithargyrii,

Gummi Ammoniacy,

Thuris,

Sarcocollæ,

Aloës, *ana unciam ſemis.*

Myrrhæ, *unciana unam.*

Cort. Granatorum, *drachmas tres.*

Glutinis in aqua diſſoluti, *quantum ſufficit.*

Misce fiat Emplaſtrum.

Omnia ſi fuerint incaſſum adhibita, ad caſtrationem deveniendum.



## XXX. CAPUT.

## DE HERNIA HUMORALI.

**H**ERNIA HUMORALIS, est quando semen ob nimiam, crassitiem per vasa excretoria excerni nequit, ideoque subsistit & vascula magno-  
perè dilatantur.

De ejus curatione hic non agam, quia postea, cum de *Lue venereâ* sum acturus, de *Herniâ Venereâ* tracto, cujus curatio eadem est.

## CAPUT XXXI.

## DE ANI PROCIDENTIA.

**A**NI PROCIDENTIA oritur ex continuâ fæcum alvinarum excre-  
tione, ut in dysenteria, tenesmo &c. nam ob dejiciendi conatus, <sup>Ani proci-</sup>  
etiam intestinum rectum elabitur. Item excrementa indurata fecum quoque <sup>dentia.</sup>  
aliquando intestinum rapiunt: uti & Hæmorrhoides, quibus rectum intes-  
tinum & anus tumescunt & angustantur, hinc ob viam coarctatam excre-  
menta nequeunt descendere absque recti parietum læsione; accedit & ani  
paralysis; mingendi in calculo nisus, &c. foetum gestantes eodem malo  
non raro obnoxie queunt. Oritur quoque ab acrimoniâ enematum, supposi-  
toriorum &c. Si quando excrementa alvina exeant, rectum intestinum  
nonnihil foras truditur, sed peractâ excretionem iterum sursum trahitur. Quan-  
do igitur ista protrusio excedit, aut retractio deficit, oritur intestini recti  
prolapsus, sive *ani procidentia*. Itaque duplicem agnoscit causam, *nimiam*,  
*frequentissimam* aut *violentam* ani extrusionem; vel *musculorum ani plus mi-*  
*nus resolutionem* & *deficientem retractionem*, quæ nunc seorsim, nunc con-  
junctim accidunt. v. gr. à *calculi vesicæ*, & irritari continuò per consen-  
sum intestinum rectum, ac ad continuam protrusionem stimulari potest.  
Quin etiam tali occasione à crebriori excretionis conatu in tantum extendi  
ac relaxari possunt musculorum levatoriorum fibræ, ut pertinax hinc se-  
quatur protrusio, qualis procidentia in *calculi vesicæ* diutius affligente, or-  
dinaria esse solet. Hisce accedit musculorum ani paralysis, sive à nervis  
offis sacri obturatis, sive alias.

Propendens intestinum statim est reducendum, ne frigus contrahat, &  
gangrænâ afficiatur, & oleo sequenti est inungendum: ut

*Recipe Olei Olivarum, unciam duas.*

*Pulv. Gallarum.*

*Cort. Granatorum, ana drachmas duas.*

*Misce,*

*D d d 3*

*Intesti-*



Intestinum illitum digitis unctis, aut linteo vel candelâ restituitur. Tunc fatus applicatur ex astringentibus & roborantibus, ut flaccidum intestinum corrugetur ac induretur: conveniunt præsertim sequentia, si inflammatio adfit, & intestinum nequeat introduci; ut

*Recipe* Fol. *Salviæ*,  
*Absinthii latifolii*,  
 Flor. *Camomillæ Vulgaris*,  
                   *Romanæ*,  
*Hyperici*,  
*Meliloti*, *ana manipulum unum.*

Coquantur ex *Vino rubro* & *Aquæ Chalybeatæ* ad uncias viginti; colaturæ adde

*Salis Saturni*, *drachmam unam.*  
 Misce fiat fatus. vel

*Recipe* *Lentis palustris* (vulgo *kroost*) *manipulos quatuor.*  
*Gallarum*, *uncias duas.*  
 Coquantur ex lacte &  
 Fiat Cataplasma.

Refrigerato intestino, lintea dulci lacte calido madida applicantur, aut ejus loco cerevisiam bonæ notæ, non vero acidam, Post illam introduci-  
 tur intestinum ut supra dictum. *P. Barbette* aliud remedium adfert, quod  
 ridiculum videtur: primo livit oleo rosarum & myrtillorum intestinum,  
 deinde nates patientis extensa manu quinquies aut septies aut pluries ver-  
 berat, quo musculus ani levatores intestinum rectum statim in priorem se-  
 dem attollunt. Introductum intestinum aliquoties melle rosaceo inungen-  
 dum, quod penicillo fieri potest. Deinde fasciis & spleniis aut spongiâ  
 vino rubrorebutis est ad interiora retinendum. Si necesse sit alvum depo-  
 nere, leniter id fiat absque ullâ dejectiendi vi, aut podex digitis nonnihil re-  
 tinendus. Alvus semper lenientibus respondeat oportet, quod cibus liquidis  
 facile fieri potest.

## XXXII. CAPUT.

### DE UTERI VAGINÆ PROCIDENTIA.

Vaginæ  
 prociden-  
 tia.

**Q**UOD UTERI VAGINÆ PROCIDENTIA vocatur plerumque  
 nihil aliud est quam vaginæ interioris tunicæ decorticatio ac per con-  
 sequens



sequens prolapsus, secundum testimonia *P. Barbette*, à *Meek'ren*, *Roonhuise*, *D. vander Bekke* &c. Nam uterus ipse non facile excidit, idque propter ligamenta, quibus posterius firmiter alligatur; facta potissimum ut uterus gravidus suspendatur: quemadmodum & cætera viscera à posteripri parte peritonæo adhærent: itaque in prægnantibus quidem extenditur, accrescente foetu, ast difficile prolabitur. Verum in magnis parturiendi conatibus, & quando secundinæ vi à fundo avelluntur, fieri hoc nonnunquam potest. *R. de Graaf* testatur in virginibus vidisse: & quædam historiæ in observationibus *F. Ruisch* reperiuntur.

Possunt esse *causa* vehementes parturiendi conatus: caput infantis prægrande ita ut vaginam pertransire nequeat; tunc enim ejus rugæ ita præmuntur & stringuntur, donec ad invicem deglubuntur, atque ab exteriori tunica decorticantur; quod si illud contingat in corporibus valetudinariis, humores pravæ indolis inter utramque tunicam ex vasis lymphaticis, &c. colliguntur, unde gangrænæ. Obstetricum negligentia & imprudentiâ huic malo causa esse potest, ubi loco infantis, ipsas rugas ad se trahunt. Sanguinis effluxus continuus, uti & fluor albus nimius etiam non sunt excusandi.

Quæ illud symptoma patiuntur sæpe externas habent causas, ut sunt labor gravis, ponderis gravis elevatio, clamor vehemens, tussis intolerabilis, linteorum extensiones & concussiones, ligamentorum uteri ruptiones atque relaxationes. Tenesmus, casus, impulsiones, verbera in abdomen, saltationes, respirationis longa continentia, equitatio &c.

Casus vaginæ aut uteri si diu propendeat, facile frigus contrahit, quo levi momento sphacelo corripitur, unde incurabilia mala producuntur.

Dorso supina decumbat, genubus elevatis, atque ab invicem deductis: deinde cereus sumitur aut candela ex adipe, oleo uncta & sale saturni aspersa, hac leniter uterus aut vagina in locum debitum sunt trudendi; simulque candela est intus relinquenda, sed in extremitate filum alligari debet, quod foris propendet, ut possit extrahi: post repositionem, fascia opus est cum spleniis aut spongiis, & emplastro convenienti: ut.

*Accipe Picis Navalis, uncias quatuor.*

*Resinæ; uncias duas.*

*Baccarum Lauri, uncias semis.*

*Colcothar Vitrioli, unciam unam.*

*Gallarum, unciam unam & semis.*

*Olei Myrtillorum, quantum sufficit.*

*Misce fiat Emplastrum.*

Quieta sit oportet: abstineat à clamore, tussi, jugi ambulatione, ad dejectiendum coactione &c. si inflammatio adsit aut frigus contractum, ea sunt admovenda, quæ in ani procidentiâ sunt præscripta. Si prolapsus sit  
mag-



magnus, septem aut octo dies in lecto continuò quæta decumbat: & si alvus fuerit adstricta, enema est injiciendum.

Fabricari posset instrumentum ex ebore, intus cavum, exterius figura ovali, cum apertura in superiori parte, ad lotium reddendum: in una extremitate sit margo in formam pilei, ne planè intrudatur, & ut cingulum ei affigatur, quod cruribus & corporis medio est alligatum, ne instrumentum eburneum excidat: hoc modo urina commodè reddi potest, & vagina aut uterus in loco debito tenetur. Emplastro præscripto externa hujus instrumenti facies est oblinenda, ut vaginæ parietes nonnihil constriquantur: Instrumentum illud absque omni molestia hoc in casu non tantum usu venire potest, sed etiam in intestini recti prolapsu, ast tunc non opus esset ut sit cavum. Satis est si mediante fibulâ posset solvi cingulum, atque instrumentum extrahi & intrudi.

## XXXII. CAPUT.

## DE CRANII TREPANATIONE.

Trapani  
applicatio.

**T**REPANI APPLICATIO nihil aliud est quam modus cranium perterebrandi, sive in cranii vulneribus, fissuris contusionibus aut aliis.

*Locus* ubi Trepanum applicatur est, ut æger commodè collocetur, & Chirurgus in opere peragendo abque impedimentis trepanum possit adhibere. Secundo, locus commodus est eligendus, in quo incisio est facienda. Optimè æger in crati (*een baker-mat*) aut cubili portatili (*een slaap-bank*) collocetur, ea à pavimento altitudine, ut Chirurgus stando operationem instituere possit. Incisio eo loci fieri debet, ubi fracturæ suspicio est, aut saltem juxta illum locum: præsertim sunt futuræ evitandæ, quia dura meninx per illarum commissuras se se altè insinuavit, & non tantum maximè læderetur, sed & convulsiones exinde essent expectandæ. Raro etiam cranii lateribus trepanum adhibetur, neque etiam occipiti, quia cerebrum facile per illud foramen elaberetur, apertâ præsertim crassâ meninge.

In modo quo *Incisio* fit, animadvertendum, num in cute capitis vulnus sit, nec ne; si adsit, ibi locus est pro trepano applicando. Vulnus si satis longum, benè; si non, elongandum est cultello, & ad angulos rectos transversim alia sectio fiat, atque hoc modo fit sectio crucialis. Cutis sana cultro rasorio est incidenda, non à vulnere ad partem illæsam (unde rupturæ & dolor) ast ab integrâ cute versus vulnus, tam longè à vulnere cultrum ponendo, ac magnitudo vulneris desiderat; atque ab unâ parte radio facto, etiam alter radius in oppositâ parte est incidendus. Deindè hoc modo vulnus oblongum nunc recens inflictum ad angulos rectos transversim crucialiter quoque est persecandum, & tunc habebis quatuor radios æquali



æquali longitudine à centro distantes: in hac sectione etiam à parte sanâ culter dirigitur, secando prius partem cutis inferiorem, alias sanguis superne defluens esset impedimento. Operationi requiritur valida & audax manus, quâ culter per pericranium imprimitur, ast si inter secandum advertes cranium esse fractum, tunc tantâ violentiâ secari non oportet.

Deinde vulneris labia instrumento separatorio à cranio sunt decorticanda, quod alii faciunt unguibus, sed mallem cultro eburneo. Hæmorrhagia ob vasa dissecta, si nimis larga sit, in promptu habeatur pulvis quidam *ἰχθυή* sive sanguinem sistens, cum iacu & filis, ad vasa vincienda, & cogente inecessitate aliquando ferro candenti opus erit. Quidam inurendo cranium denudant, ast quoniam sua habet incommoda, laudabile non est.

Ut vulnus impleatur, opus sunt Turundulæ oblongæ (Chirurgis *Kapitel-stokjes*) ex linteo carpto; deinde sinistræ manus Pollice ac Indice digito labia sursum eleventur, & dextrâ sumuntur turundulæ, quæ singulatim altera post alteram infra labia ponuntur, implendo vulnus, donec labia modicè firmiter sint erecta; cranium in medio nudum rotundulis, ne pure, unguento aut emplastro superimposito commaculetur; *Pinguia enim ossibus inimica.*

Turundæ planæ unguento litæ, margini vulneris inflictæ apponuntur, non frigide sed tepidè, quod etiam in cæteris apponendis est observandum.

Emplastrum commode sit ex Emplastro de Betonica, cujus margines interfecantur, ut eo melius vulnere accommodetur, quod ei calidè imponitur: super hoc aliud insuper defensivum adaptator; deinde plumaceolæ ex linteo quatuor ad minimum duplicato: loca vulnere vicina, spiritu vini sunt munienda,

Ut porro Vulnus obligetur, quidam utuntur capitis linteo leurica (vulgo *Hoofd-doek*) quod fœminæ noctu caput velant quæ debitè stringitur, & insuper pileolus nocturanus laneus (*een Wolle Slaap-muts*) ponitur. Alii imponunt fasciam, quæ dicitur *Cancer* (Chirurgis *Kreeft-band*) ejus delineatio habetur apud *Scultetum* in Armamentario Tab. xxx. Fig. 1x. Sed alii sudarium tantum capiti imponunt, cujus duæ extremitates anteriores in cervice ligantur, & posteriores in collo.

Deinde, ut æger non nihil quiescat, in lecto est componendus, atque hæmorrhagia, alias expectanda, cessat. Et melius esset si æger cum vulnere in pulvinar decumbat, ut succi extravasati versus vulnus currant.

Dum æger dormitum se composuit, sese ad trepanum adhibendum est præparandum. Adesse itaque debet *Trepanum* sive *Modiolus* terebrationi summopere aptus, (quod primo in craniis demortuis experiti licet) deinde *Elevatorium*, ut & *Levigatorium*, *Decussorium* cum *Penicillo setaceo* ut scobs à trepano verratur: Deinde *pelvis* cum lacte, (sed mallem aquam, lac enim facile acefcit, quod ossa corrodit) ut trepanum, ferendo calidum, refrigeretur, quamvis illam refrigerationem admodum ne-



cessariam non judico: trepanum enim non adeo incalescit ut opus sit refrigerio porro copia lintei carpti, ut ægri aures inter terebrandum obturentur, quamvis illud etiam opus non est; frustrulum rotundum ex sindone holoserica, quod imponitur crassæ meningi, officulo exempto, spiritu vini & rosaceo melle madida, quatuor segmenta lintea emplastro glutinante obducta, ut labia vulneris retrorsum teneantur, ne trepanum attingant. Antequam ad operationem devenitur, cibo & potu æger primo roborandus, ne inter operandum deficiat, atque hæc sunt ea quæ ante sunt paranda, alias inter operandum omnia tam celerrimè non procederent.

Postridie deligatum solvitur, & quidquid supra cranium impedimento est, removendum. Dictis Emplastris glutinantibus vulneris labia elevantur, iisque teguntur, deinde aures obturantur; præstat solummodo caput à Ministro immobile teneatur, nam occlusis auribus major strepitus ac sonitus persentitur. Denudato cranio, si apertura per fracturam, festucis ossibus eximendis aut sanguini educendo, ampla satis non sit, tunc locus eligitur trepano ponendo, commodus, futuras, si fieri potest, declinando, quia crassæ meningis fibræ sese per illas insinuant, quamvis alii dicunt, eas absque detrimento tuto perterebrasse: temporalis quoque musculus etiam, ob convulsiones in opposito musculo expectandas, evitandus. Trepanum quoque non est ponendum supra os aliquod abruptum; trepani enim compressione facile in meningem duram adigeretur: neque in altiori loco supra fracturam, quia tunc neque sanguis extravasatus neque pus queunt emanare: neque directè supra nasi regionem, aut supercilia quia ab cavitate ibi existentem trepano aditus ad superiorem meningem denegatur; neque in occipite; nisi urgente necessitate, atque tunc foramen debet esse parvum, facile enim per illud cerebrum exprimeretur. Itaque ad latera futurarum licitum est apponere trepanum, in loco inferiori fraturæ.

Si quædam festucæ ab invicem scessere, sunt removendæ, qua non exigua crassæ meningis pars denudatur, & tunc modiolus minor utilior. Ast mediocris puris aut sanguinis evacuationi extimus, & impresso cranio elevando accommodatur. Ast si notæ indicant meningem cerebrumque ipsum esse læsum, majori licitum est uti modio, ut eo melius remedia adhiberi possint: item si cranium in minuta frustula sit comminutum, ea que suo modiolii circumferentiâ comprehendi queat: ast si majori absolvi nequeat, duo minora sunt applicanda, eos supra utriusque fracturæ latus ponendo: tunc enim interjectum os forcipe incisoria excinditur, aut tenui ferrâ removetur. Atque hoc modo omnes festucæ ossæ, quæ separata sunt neque amplius cohærent, removentur.

Ut igitur instituatur Trepanatio, primo utimur Modio, qui dicitur *Mas*, hoc est, qui in centro ipsius circumferentiæ dentem, stylum acutum seu clavum habet; officalvariæ firmiter insistat; eo tam altè sulcus circumvolvendo fit, ut postea Fœmina, nullum habens dentem seu adamantem, securè opus ad finem perducatur. Inter serrandum seu trepanandum, modiolus aliquoties setis à scobe purgandus, & ut vulgus vult lacte aut aquâ refri-

Ubi Trepanatio est instituenda.

Qui modiolus eligendus.



refrigerandus; sulcus porro etiam penicillo à scobe mundandus, ut certi simus adquam profunditatem modiolus pervenerit, & num ab omni peripheriâ eandem habeat profunditatem.

Sanguine apparente, signum est superiorem diploën esse perforatam (quod tamen certum non est indicium) & quod trepano seu modio paulò lenius sit insistendum, ne meninx crassa, cranio firmiter adhærens, lædatnr. Si Trepanatio inæqualiter sit, (quod ex profunditate & vacillationis hujus aut illius lateris cognoscitur) locus magis firmus fortius est imprimendus.

Æger, dum trepanum applicatur, collocandus in cubiculo calido, præsertim in quo fornax (vulgo *kagebel*) est; vel ubi saltem magnus sit structus ignis. Circa caput sint ferramenta candentia & ignitabula, ne partes τὸ ἐγχε-φάλα à frigore lædantur; & quando trepanum extrahitur, linteis calidis caput tegendum.

Offis istius discus nunc ab omni cohæsiōe solutus, instrumentis elevatoriis est extrahendus; inæqualitates prominentes lateribus adhuc adhærentes Lenticulari instrumento abraduntur & lævigantur, ne cerebri meningēs offendantur; verum hæc leni manu peragenda, alias nocemus ægris magis quam præsumus. Si officula non cohæreant, aut pungant statim sunt eximenda.

Educto ita officulo sindon accipitur rubra in spiritu vini ac rosaceo melle tincta, & cerebri membranæ crassæ imponitur, cui affigitur filum, ut eo commodius extrahi possit. Porro apertura linteo carpto impletur: at si apertura admodum fuerit ampla, laminæ argenteæ aut aureæ imponuntur, ne cerebrum exprimatur.

Carie si cranium sit exesum, corruptum est separandum, & secundum artem tractandum. Porro singulis aut alternis diebus vulnus deligandum) continuus enim attactus, contrectatio, sanguinis expressio plus nocent quam curant. Ad curandum non adhibentur plumaceolæ oblongæ, splenia, at vulnus Balsamo peruviano, copaibæ, Gummi elemni, balsamo Hispanico, Aquapendentis &c. curatur.

Nequis fallatur in trepano celebrando, quando post casum in caput contusio oritur & deinde intumescencia cum vomitu: nam tunc videtur adesse cranii impressio, quæ fissuram præsupponit: sed hoc non semper evenit, licet sic videatur. Si enim inter locum contusum & locum sanum digitis explores, impressio adesse videtur, quæ tamen revera aliquando non est; ideoque post habito Modio, fomentum cephalicum potius est applicandum.

Observatio

Trepanatio, quamvis temerè non sit instituenda, Exemplum tamen habetur in obs. Expertissimi ac Doct. C. *Stalpart van der Wiel*, nobilis Cujusdam viri, qui trepanationem vigesies septies passus fuit.



## DE VULNERUM SUTURA.

Suturæ  
Vulnerum.

**V**ULNERUM SUTURAE fiunt, quando eorum labia ab invicem nimishiant aut secedunt : præsertim adhibendæ sunt in vulneribus, ubi futuræ necessariæ sunt, & thoracem aut abdomen penetrant : verum in parvis vulneribus necesse non sunt : vulnera profunda, sinuosa ac tortuosè incedentia easdem quoque non exigunt.

Varii  
modi.

Consuendi modi varii, quos enumerabo, habentur. *Primus* est quando acus cum filo à parte exteriori versus interiorem per vulneris labium in extremitate transfoditur, & deinde per oppositum labium à facie interiori versus anteriorem, semper ab uno latere incipiendo, eodem modo ac pelliones pelles consuunt. Modus iste adhibetur ventriculi aut intestinorum vulneribus,

Gastro-  
rhaphia.

*Alter* modus in vulneribus abdominis penetrantibus instituitur, & *Gastro-rhaphia* appellatur. Adigitur acus primo per cutim & musculos unius labii ab exteriori parte versus interiorem, intacto tamen istius labii peritonæo subjecto, deinde per peritonæum, musculos & cutis alterius labii ab interioribus ad exteriora acus transfigitur; post hæc idem labium iterum ab exteriori parte versus interiorem per cutim ac musculos intacto peritonæo transfoditur, & ad oppositum labium progreditur pungendo per ipsum peritonæum, musculos & cutim ab interioribus ad exteriora, atque supra isthæc continuatur, donec totum vulnus sit confutum.

*Tertius* modus, idem est ac secundus, præter quod cura non habeatur peritonæi aut aliarum diversitatum partium, quæ, vel perforantur aut prætereuntur. Et si metus sit, filo vulneris labia diffecari, exigui quidam calami labii extremitatibus accommodantur. Supra quod filum ducitur.

*Quartus* modus nimium est severus & crudelis, isque fit duabus acubus ac totidem filis, eodem modo ac sutores calceorum soleas consuunt, ita quoque labia vulneris connectuntur per unum idemque foramen utramque acum trahendo, semper non nihil ulterius procedendo : hunc modum docet nos *Albucasis*.

*Quintus* est, quando per ambo vulneris labia foditur, atque acus in eo remanet, contrahendo labia filo, quod circum acuum extremitates circumvolvitur, uti factores faciunt, quando manicæ acum infigunt, tunc enim filum eo modo circumvolvunt : is modus convenit in labiis leporinis, de quibus dictum supra.

*Sextus* est *Celsi* modus, quid dicitur *Acia* seu *Fibula*, verum quibus id instrumenti factum sit, valde obscurum est : quibus curiositas est ulterius hanc Methodum perscrutari, adeat *Job. Rhodium*, qui integrum de *Acia* scripsit librum.

*Septimus*



*Septimus* modus maximè videtur esse in usu. Transfigitur acu cum filo per vulneris unum labium, cutis partemprehendendo; at si vulnus sit profundum, etiam carnis pars assumitur; eodem quoque modo oppositum labium transfadigitur, atque tunc ambæ filii extremitates nodo duplici supra vulnus convinciuntur: Modus iste in medietate vulneris incipitur, atque deinde ab utraque parte totidem transfossiones fiunt, ac necesse judicantur: inter utramque semper remaneat spatium digiti minimi latitudine atque in fine majoris nonnihil spatii, ut necessitate exigente, turunda intrudi possit, ad saniem, &c. elutriandam. Huic rei variæ formæ acus accommodantur, uti & fila, cum Canone vulgo dicto, seu *Cannula Sutoria*.

Modus *octavus* dicitur *sutura sicca*, quæ hoc modo peragitur: sumuntur lintei firmissimi, (quæ neque sint nimis tenuia, neque nimis crassa aut densa duo frustra, juxta margines seu oras abscissa, ut evitetur nempe limbus confusus; ab alterâ parte stamina nonnihil extrahuntur. Illa porro unguento valde glutinante illinuntur, exceptis oris ne sc. extendantur. Deinde tamdiu servantur, donec exiccata sint: Exiccata per extremas transfoditur acus cum filo, quibus alii oculos ex filis addunt, aut parvos ferreos, per quos acus & fila transfadigunt, atque sic lintea hæc una cum vulneris labiis ad invicem trahuntur, eodem modo ac in præcedenti suturâ.

Sutura  
sicca.

Glutinans Emplastrum quo lintea hæc obduci possint, sequenti fieri potest modo:

Recipe Gummi Elemni,  
Bituminis Judaici,  
Resinæ pini, *ana drachmam unam.*  
Colophonix,  
Boli Armenæ, *ana drachmas duas.*  
Terebinthinæ, *drachmas tres.*

Misce fiat Emplastrum.

Emplaf-  
trum glu-  
tinans.

## XXXV CAPUT.

### DE PHIMOSI.

**P**HIMOSIS est coalitio sive contractio frænuli ipsius præputii, ita ut glans tumescens denudari à præputio nequeat.

*Causa* sæpe est mala ab initio conformatio; vel tumores, inflammationes &c. glandem distendentes; magna à Venere abstinencia, præsertim si præputium habeant oblongum, & valde corrugatum, atque illud tandem ita connascitur, ut glans detegi non valeat.



Externis medicamentis hic solum est incedendum, internis enim hic nihil proficitur. Primo nihil aut cataplasmata emollientia & incidentia sunt applicanda, ut visciditates infra præputium hærentes incidantur; hisce nihil proficientibus ad Chirurgicam operationem est deveniendum, præsertim, si malum ab utero originem habuerit. Forfice igitur ad latera præputii lectilinea fiat incisio; vel prius inter præputium & glandem scalpellus adigitur, & quidquid intra scalpellum est & glandis radicem inciditur. Atque si una incisio non sufficiat, altera in opposito latere fiat: adsit interim stypticum aliquod medicamentum, ut sanguis, si necesse sit, sistatur. Porro ipse hujus præputii motus alternus sæpe fibras contractas relaxat.

Post factam incisionem, ipsum præputium vel sua spontè retrocedit, vel ope digitorum, quod aliquoties singulis diebus sursum atque deorsum est reducendum.

Frænulum si nimis fuerit contractum & solito brevius, tunc frænulum proximè præputio est incidendum, tunc enim sanguinis effluxus non est adeo metuendus, ac si propius glandi fieret.

Alia superest Phimosis species, quæ ab inflammatione, excrescentiis Veneris, exulcerationibus, verrucis, scirrho, callositate, medicamentis irritantibus malè applicatis &c. producuntur: tunc medicamentis, pro rerum statu, incedendum, nempe fotibus emollientibus, corrosivis, balneis, &c. respicienda præsertim est penis situatio, qui supra abdomen fascia est collocandus.

## C A P U T X X X V I.

### DE PARAPHIMOSI.

Paraphimosis.

**P**Himosi contrarius est affectus PARAPHIMOSIS, quando nempe præputium est retractum & contractum, ita ut glans nuda appareat & strangulari videatur.

*Causa* est penis inflatio, distensio, aut prava à nativitate conformatio: ut & inflammatio, tumor infra præputium aquâ rubicundâ aut flatu; impletum; concubitus insolitus, præputium longum & angustum &c.

Si à nativitate fuerit frustra remedia adhibentur, & qui tunc tribus quatuorve incisionibus præputium restituere conantur oleum & operam perdunt, nunquam enim teget glandem.

Si casu accidit fovendus est penis primo, antequam ad operationem Chirurgicam deveniamus: ast si ejusmodi restitui non potest, tunc nitimur præputium absque glandis compressione restituere, neque pollex contra ipsius extremitatem est applicandus, ut fieri solet: premendo quippe glans latior fit & magis intumescit; hinc ob latitudinem præputii reductio su-  
pra



pra glandem impeditur. Porro iisdem ferè remediis utimur ac de Phimosis dictum.

## CAPUT XXXVII.

## DE STRABISMO.

**S**TRABISMUS infantinm exinde producitur, quod quidam musculi oculi <sup>Strabismus.</sup> los moventes, vel nimia longitudine vel brevitate excedant. Si quando unus aut duo horum musculorum longitudine peccant, oculus à centro visionis nimium procul movetur: ast si unus aut plures musculi brevitate excedant, oculus centro suo propius accedere nequit, & illud nobis strabismus seu oculi contorsionem exhibet: nam omnes musculi eà debent esse longitudine, ut si oculus rectà conspiciat, pupilla in centro sit locata.

Sed præter hoc videtur pupilla circum se habere aliquid; quod eam continuo claudit, & dicitur processus ciliaris; si itaque ejus dilatatio ac angustatio etiam regulam excedat, visionem ita impedit ac si quis strabismo laboraret.

In ipso primam causam esse quærendam puto, ex quo primo embryon ortum habet. Etiam hoc fit, quando matres in iutero ferentes strabismo affectum continuo aspiciunt, & assidue de eo cogitant, tunc fibrillæ embryonis circa oculum ita trahuntur, ut post nativitatem etiam strabismo laborent: de ejusmodi materia in *Institutionibus* nostris satis superque docuimus.

Alii putant ipsos infantes ad strabismi causam contribuere, præsertim cum in cunis jacent, & per rimam integumenti ad candelam &c. vident, tuncque musculos elongari: aut si nutrix strabismo laboret, & visum illum infantes imitentur: verum nunquam animadverti, quod si infans cum strabismo non sit natus, postea, nisi à convulsionibus epilepticis, strabismus incurrere.

Remedia ex Chirurgia petenda, alia enim incassum essent adhibita; persona sive larva igitur fit, ita ut supra nasum accommodari possit, atque os pro ingerendis cibis liberum sit: eo fieri possunt modo ferè ac in tabernis gallicis vulgo divenduntur, quæ intus cerâ albâ obduci possunt eadem enim opera faciei cutis & alba reddetur & mollis. Ex loci ubi foramina pro oculis sunt: caliculus sit ex cornu aliave materiâ, ut corium &c. confectus. Etiam ex ligno confici torno possunt, in quorum medio foraminulum est, quod tantum recipit luminis ac pro visu comodo affigitur capiti, idque per aliquot menses; alias enim lumen absque hoc sæpius viderent, parum proficeretur; ideoque continuo gestandum, ut  
visus



visus assuescat medium tenere: & licet strabismus planè non abigatur, certum tamen est multum hoc modo procedere. Verum id fieri debet in admodum junioribus, alias frustra adhibebis, adultiori enim ætate fibræ rigidiores factæ, nequeunt à pristina consuetudine desuescere. Absque totali larvâ etiam fieri potest, modo tantum caliculi oculis applicentur.



STEPH.



# STEPH. BLANCARDI P R A X I S CHIRURGICÆ,

Verioribus fundamentis superstructæ,

P A R S T E R T I A.

*De Inflammationibus, tumoribus, maculis ac cutis  
excrefcentiis.*

## I. C A P U T.

### DE TUMORIBUS ET INFLAMMATIONIBUS IN GENERE.

**T**UMORES sunt affectus, in quibus nostri corporis partes in evidenti Tumores  
magnitudine ac crassitie à debito statu recedunt, unde & motus to- quid.  
taliter aut pro parte abolentur.

A diversâ succorum indole eorum veniunt differentiæ: crassitie nempe quando peccant, tunc enim, quia canaliculos suos debite nequeunt permeare, coguntur subsistere: atque succi illi inspissati ex communi sanguinis massâ proveniunt, uti sunt præsertim succi nervosi, nutritii, chylosi &c. five simplices, aut cum aliis mixti. A loco etiam varia sibi adsciscunt nomina, nam *Bubo*, *Panus*, *Parotis* &c. unus idemque affectus plerumque est, loco solummodo differunt; atque idem dico de *Testudine*, *Natta*, *Meliceride*, *Steatmate*, *Atheromate* &c. qui eandem agnoscunt materiam, ast loco & vetustate differunt. Quidam tumores duriorum partium sunt, ut *Hernia Intestinalis*, *Ossium Luxatio*, *Calculi*, *Tophi*, *Excrefcentiæ*, *Polyphi*, *Ganglia* &c. Porro quoad colorem sibi dissimiles sunt, uti & duritie, mollitie, dolore, extuberantiâ, extensione, multitudine, materiâ, causâ,



causâ, magnitudine, parvitate, figurâ, loco, ætate, cum aut sine inflammatione &c. Quidam triplicem ponunt differentiam, nempe succorum, partium solidarum, & expansionum flatusarum. Optimum est duplicem tumorum tantum agnoscere differentiam, nempe vel succorum alibi morantium, aut partium solidarum: Omnes enim nostri corporis partes ex succis tantum constant & solidis partibus. Singuli tumores sua quoque habent nomina, quibus Veteres olim superbiebant; ast si res bene inspiciatur plurima sunt inutilia, & è foro Medico eliminanda: sed differentiarum gratia, nonnulla, eaque magis nota reservabimus, de quibus in sequentibus.

*Causæ*, sunt omnes anomalie, quibus aliquid efficitur, quâ partes intumescere possint, veluti omnes succi inspissati, partes duræ, inflationes & expansiones, exsudationes, extravasationes, erosiones, luxationes, procidentie intestinorum, ani, uteri, &c. adde causas externas ex ictu, morfu, casu, ambustione, à frigore partium congelatione, erosionem &c. Hæc & similia ad Inflammationes, seu Phlegmones, Erysipelas, Atheromata, Cancrum, Scabiem, Arthritim, Polypum, Excrecentias, Ganglia, Extuberantias &c. viam præparant.

Ratione erudimur atque experientia, tumorum genesis non amplius esse istos quatuor humores imaginarios, qui quasi quatuor elementis, eorumque qualitatibus respondebant: sed quando nos humores, atque diversas vasorum species, aliasque partium texturas curiosi examinamus, multò plures invenimus succos ac causas tumoribus excitandis aptas. Certi sumus, quod sanguis, uti in corpore nostro circumducitur, unicus sit humor, ex farragine omnium ciborum conflatus: & si sanguis in ejusmodi humores putatitios degeneret, illud præter œconomiae ordinem fit: si enim in sanguine inveniantur, pro sanguine haberi nequeunt, sed materia erat alibi è sanguinis massa eliminanda & secernenda. Et si nonnulli hos velint sanguinem nuncupare, non esset quoque *ἀπεσθδιόνυσον* tartarum, fæcem &c. etiam vinum & cerevisiam nominare, quod tamen unicuique notum, tantum esse eorum excrementa. Rejectis igitur istis putatitiis humoribus, dicimus tumores produci ex sanguine, lymphâ, sero, chylo, succonervoso, &c. quorum varia differentia variæ incrassationes, obstructions ac tumores oriuntur.

Hic in genere, idque breviter nobis de tumoribus sermo fuit, ut sensim eos propius intelligamus, sciendum, totum non constare nisi ex suis partibus: quomodo enim nobis in principio de variis rebus esset intellectus debitus, nisi generalia præcedant, & deinde specialia; estque & recta Logica Methodus, quamvis alii hanc inutilem censent.



## II. CAPUT.

## DE PHLEGMONE, SIVE INFLAMMATIONE.

**P**HLEGMONE sive INFLAMMATIO gradibus tantum differt ab *Erysipellate*, *Panaritio*, *Furunculo*, &c. nihilominus tamen, idque ordinis gratia, quæ de Phlegmone solent dici, hic enarrabo.

*Phlegmone* est tumor contra optimam corporis conformationem, cum rubedine calore intenso, dolore, tensione, splendore, duritie, renitentia, elevatione, pulsatione, & aliquando non sine febriculâ.

Differt materia, magnitudine, dolore, & loco; in oculis dicitur *Ophthalmia*, in faucibus aut laryngis capite *Angina*, in latere, aut secundum meam opinionem in pulmonibus *Pleuritis* aut *Peripneumonia*; si se latè extendat *Erysipelas*; ad extrema digitorum *Panaritium* sive *Paronychia*; si inflammatio sit paulo durior ac minor *Furunculus*; si cum corrosive *Anthrax* seu *Carbo*. Sub lingua *Ranula* sive *Batrachus*; in inguine *Bubo*; sub Axillis *Parus*, pone aures *Parotis*; si parvi perque totum corpus sparsi *Pustulae* & *Exanthema*; in oculi angulo *Ægilops*. Ad palpebræ tarsum *Crithe* seu *Hordeolum*. Itaque omnes illæ denominationes ad unam eandemque inflammationem pertinent, loco tantum, aut nomine ab invicem differentes.

Læsæ partes sunt, meâ opinione, membranæ & canaliculi fibrosi, atque earum partes circumjacentes.

Causa non est adeo manifesta & plurimos adhuc torquet: vulgaris est opinio, causam esse sanguinem, cumque subtilissimum, sed illa sententia puerilis est & risibilis: unicum adducam solummodo exemplum, & ex eo satis patebit, sanguinem non esse causam: semper enim videmus, quod ubi sanguis est extravasatus, ibidem lividam oriri maculam, a raro inflammationem; iste porro sanguis coagulatur atque exiccatur: & si multum sanguinis extra vatum ruperit, putrescit, & partes circumjacentes non raro afficiuntur. Addunt insuper alii Plethoram inflammationis esse causam, sed hoc magis ridiculum, rogo itaque quomodo in macilentis & extenuatis, ubi nihil minus, quam Plethora est, producat; & si à plethora, cur non per universum corpus? Neque plethoram existere ostensum est unquam, nam quod pro plethora sumitur, ut plurimum sanguinis est incrassatio, quare per vascula minima non potest meare, hinc in majoribus ferè subsistit, eorumque latera extendit, dilatat, & difficultatem parit. Sanguis è vasis eductus, quocunque modo tractatur, in pus nunquam mutatur. Cum itaque sanguis non sit inflammationis causa, aliæ rationes sunt investigandæ, ut ex nocte obscurâ vera lux elucescat.

Quando succi nostri frigore quodam aliave quavis causâ inspissantur, certum est, eos difficilius circulum peragere, quam in statu sanitatis, cum debitam adhuc servabant fluiditatem, ideoque ob eorum crassitiem hinc, & inde



in canaliculis quædam possint oriri obstructions : succus hic subsistens , quoniam in eodem non semper remanere potest flatu , sensim incalescit & quasi fervet , hoc est , quidquid alcalicum atque acidum à motu subtilis materiæ celerrimo continuo ad se invicem illiditur : ubi igitur motus particularum celerrimus , ibi & calor & ignis excitatur ; qui intensior vel remissior pro majori aut minori globulorum æthereorum pressione ; uti ex tractatu nostro de fermentatione , & Institutionibus liquet .

Succis istis tardigradis ac stagnantibus inesse alcali & Acidum ex eo patet , quod nemo inficias ibit in sanguine contineri sal quoddam volatile alcalicum , quia destillationibus abundè illud elicitur . Sed unde acidum ? illud generatur ex Chylo stagnante , qui lactis instar facile acorem contrahit : congressus itaque istius acidum cum alcali colorem huic tumori inducit .

In quibus vasis obstructio oritur . Antequam iter nostrum ulterius festinatur , inquirendum quibus in vasis obstructio illam inflammationem nobis sistat , videtur nobis extremos arteriolarum furculos hic esse obstructos , hoc est , non eos qui sanguinem è corde adducunt , nam istius inflammationis materia non est sanguis , sed potius succus nutritius sive lacteus , qui per ultimas arteriolarum extremitates vehitur , postquam sanguis in venularum extremitates est ductus , qui per angustissimos illos canaliculos nequibat pertransire , nam arteria fert sanguinem eo usque quam potest ; quidquid porro in sanguine maximè est tenuissimum ulterius procedit , & sanguinis reliquum à venis receptum reduci-  
tur .

Cur non in venis . Sed cur potius obstructio oritur in arteriolis , non vero in venulis ? respondetur , quia arteria à majori capacitate sensim sensimquè magis ac magis angustatur , & quando humor incrassatus à majori amplitudine ad angustiores devenit , ibi facillimè stagnare , obstructionemque ideo parere . Contrarium habetur in venis , quæ ab angustis canaliculis continuo ampliores & capaciores redduntur ; & quidquid per angustias potuit procedere , etiam per ampliores vias facilius regreditur ; itaque consequenter obstructio non in venis contingit , sed in arteriolarum extremitatibus .

Intumescencia . Cum ergo obstructions in arteriolarum extremitatibus posuimus , haud difficile est intelligere , unde *intumescencia* fit . Nam si verum sit , uti ostensum est , succum nutritium in arteriolis elongatis stagnare , atque affluente & premente succo magnoperè extendi ; & quoniam id in pluribus quam uno canaliculo fit , vel uno obstructo atque dilatato ; etiam proximè adjacentes consequenter angustantur : hinc propter hanc obstructionem ac meatuum angustiam coguntur maximè prementes & affluentes succi retardare ac moram trahere , quapropter per plurimi canaliculi expanduntur , qui simul *intumescencia* inducunt ; & quoniam omnes sunt tensi , oritur quoque *Tensio* , *Splendor* & *Diuresis* .

Pulsatio . Huic tumori jungitur , ut plurimum *Pulsatio* , cujus origo & causa facile concipitur : nempe , quando canaliculi ita à succis distenduntur ; necessariò arterias debent premere & angustare quæ has partes percurrunt , quorum compressionem singuli pulsus magis sentiuntur , quam cum liberè & impeditè perage-



gebantur : non secus ac pulsus in carpo non sentitur , nisi manu arteria ad manum progrediens prematur : ast admotâ manu statim se pro-  
dit.

Sanguis porro arteriolas quia liberè pertransire nequit, ibi etiam , quam Rubedo. par est, diutius moratur, hinc tumor rubescit : ast si locus rubicundus aliquantulum digito prematur, albescit, quia sanguis exprimitur, ast ilico iterum rubescit, quia statim alius insequitur.

Atque hæc sunt circa phlegmonen phænomena maximè communia : cui Febricula. non raro *febricula* adjungitur, quæ ob succorum restagnantiam in hac inflammatione, continuamque incalescentiam, ac particularum heterogenearum in sanguinem decedentiam, facile generatur. De quibus in *Institutionibus* & *Praxi nostra*.

Interdum, si materia inspissata & coagulata medicamentis penetrantibus ac dissolventibus possit fluiditati restitui, absque suppuratione inflammatio a-  
bigitur. Ast si succi nutritii in caseosas desciverint particulas atque nimis crassas, tunc caseus iste liquidus nobis puris materiam repræsentat. Pus quando enim non est sanguis, ut solebat haberi, sed chylus acescens & lactis instar non coagulatus. Per se foras non raro erumpit, quando ob succorum à tergo vehementem pressionem, de qua statim egi, fibræ solvuntur, rumpuntur : secundo, acidum & alcali fermentationem inivere, quâ de causâ canaliculi ad rupturam usque extendebantur. Tertio, alcali & acidi motus tam celerrimè in canaliculorum parietes illidebantur, ut scindendo, pungendo facile perforantur, erodantur.

Rumpentibus à tensione canaliculis, dolor nobis oritur, qui hanc inflammationem plerumque comitatur. Dolor.

Æstate ejusmodi inflammationes citius in pus vertuntur quam hyemè, quia sanguis tempore æstatis citius circumducitur quam hyemali, & per consequens pressio à tergo major est, & eam ob rem canaliculi citius rumpuntur, franguntur : huic etiam magna accedit incalescentia, quæ æstate major quam hyemè. Æstate citius in pus quam hyemè mutantur.

Sed cur post factum pus dolor mitigatur? quia fermentationes & tensiones tunc cessant, & materiæ acredo maximâ ex parte est deperdita; nam si duo liquores pungentes & acres diversæ indolis mutuò effervescent, post mutuos conflictus acridinem perdunt, & temperatiorem sibi adsciscunt qualitatem. Neque sanguinis circulus tunc inhibetur, quâ antea ingens dolor producebatur. Facto pure, dolor mitigatur.

Supra caput raro suppurantur, quia ibi fibræ musculorum sunt admodum exiguæ saltem per paucæ; hinc calor ob sanguinis penuriam ibi exiguus & valde imbecillis, & per consequens suppuratio ibi vel tardius fit, vel non apparet. Copia enim undique tarde accurrentis & incalescentis sanguinis non parum suppurationem ac puris eruptionem adjuvat : omni enim calore alcali & acidi mutuus motus citius absolvitur, quam si calor esset remissior. Cur supra caput suppuratio raro fit.

Hæ inflammationes cum sibi incalescentias comites habeant, quatuor quoque percurrunt tempora, nempe *Principium*, *Augmentum*, *Statum* ac *Declinationem*. In *Principio* tumor, dolor & tensio tolerabilis est & non mag-



ni momenti : accrescentibus porro symptomatibus & tumore , *Augmentum* esto : in *Statu* symptomata in maximè ferocissimo vigore sunt : at in *Declinatione* , omnia defervent , atque dolor , tensio aliaque symptomata vel evanescent , aut materia nunc magis nunc minus incallescit , citius aut tardius finiunt.

Sunt qui Phlegmonen dividunt in notham , ut est *Phlegmone Erysipelatodes* , *OEdematodes* , &c. Sed illæ distinctiones tantum oriuntur à materiâ obstruente , prout fuerit tenuis , tenax aut acris , & canaliculi diversi ordinis sint obstructi ; simul enim cum Erysipelate vasa cutis lymphatica latè possunt obstrui , atque sic latè porrigit suos lacertos : & si lymphæ fuerit viscida , ubique subsistens , tumor est mollior & magis ad oedema vergens . Itaque in hisce differentiis explicandis nulla erit difficultas.

Finiant  
quadru-  
pliciter.

Quadrupliciter finiunt , nempe *Resolutione* seu obstructionis *Dissolutione* & *Attenuatione* ; *Suppuratione* ; *Putrefactione* ; *Scirrhus* aut *gangræna* vel *sphacelo* . Cur evanescant , aut in pus mutantur supra dixi . At putrefactio sæpe originem trahit , quando materia obstruens profundiorē locum occupavit , tumoris apertio neglecta , sanguinis è corrosis vasis admixtio , &c. Induratio ac mortificatio veniunt vel à nimio frigore externo , aut medicamentis astringentibus malè applicatis : atque si insuper , particulæ corroderentes accedant , quibus vasa sanguinem ducentia corroduntur , vel si nimium premantur , ita ut sanguinis cursus inhibeatur , sequitur gangræna & sphacelus . Si mutetur in cancrum , gangrænam aut sphacelum , malum . Inflammationes in interioribus partibus magis periculosæ quam ad exteriores . Circa oculos , faciem , cor , pulmones , hepar , ventriculum , intestina , vesicam , penem , uterum , cerebrum , articulos periculo non vacant . Æstate atque in juvenibus calidis succis præditis citius quam senibus calidis succis præditis citius quam senibus aut hyemali tempore sanantur , & circulum absolvunt . In succi plenis tardius quoque finiunt quam macilentis : nam in succulentis , quorum tegumenta multa teneriora :

Quid venæ  
sectio  
facit.

Indicatio triplex esse potest : primo per interna & externa . *Interna* sunt , ut per acidum obtundentia superflue nostrorum succorum fermentationes moderentur , ne ad inflammationem augendam causæ existant . Accedant hisce diuretica ac attenuantia , ut materia coagulata ac incallescens dissolvatur , pristinæque fluiditati restituatur . *Externa* sunt *Phlebotomia* , ne sanguis ob celerrimum cursum partem læsam nimium premat , offendatque , quâ omnis transitus lymphæ & sanguinis in venas , præcluditur , unde suppuratio vel augetur vel gangræna insequitur . Verum Venarum illa apertio , non nisi in summâ necessitate fieri debet , cum dolor est intolerabilis , aut tæces angustantur ; tunc enim phlebotomia non instituitur tam ad inflammationem tollendam quam ad symptomata diminuenda . *Secundo* , Remedia sunt adhibenda quibus materia attenuatur ac dissolvatur ; at si hisce non succedat , moliendum ut brevi ad suppurationem , deterfionem ac curationem perducatur . *Tertio* , *Victus ratio* accurata est observanda .

*Purgandum* primo leniter , ut humores quidam acres per alvum è sanguine deponantur , qui etiam inflammationibus focum struebant , succosque coagulabant . Purgantibus enim intestinorum membranis irritatis plus succi à glan-



glandulosis acinis sequestratur quam alias, quibus etiam multum acidi secer-  
nitur, quod ex foetore liquet.

Omnia interna non inutilia sunt, modo consent ex sale fixo aut volatili, uti etiam ea quæ superfluum urinam cum sale muriatico pellunt, nec non quæ omnes visciditates, ut materiam alibi hærentem & stagnantem, dissolvant atque priori fluiditati restituant. Neque *Diaphoretica* à scopo nostro sunt eliminanda, nam sudatio modica eventui optato tandem respondet. Ex eodem etiam constant materiâ, ideoque urinam pellentia sunt summè necessaria, quibus omnis inveterata falsedo expellitur, & recens succus, isque fluidus sanguini communicatur: inter ea sunt potus Coffeæ aut Theæ, qui plurimum urinæ præcipitant & multum sudoris expellunt, imo aliquando alvum movent; hac de causâ sæpe pleuritides, peripneumoniæ, absque phlebotomiâ sanantur. *F. de le Boë, Sylvius* sequentem commendat mixturam: ut

*Recipe* Aquæ Petroselinî,  
Hyssopi,  
Fœniculi, *ana unciam unam.*  
Theriacalis simplicis, *unciam semis.*  
Spir. Salis Armoniaci, *drachmam semis.*  
Laudani opiatî, *grana quatuor.*  
Syrupi papaveris Erratici, *unciam semis.*  
Misce.

Sequens etiam non minoris erit utilitatis, ut:

*Recipe* Aquæ Fœniculi,  
Hyssopi, *ana uncias duas.*  
Vitæ, *unciam semis.*  
Aceti stillati, *drachmas duas.*  
Oculi Cancrî,  
Antimonii diaphoretici, *ana drachmam unam.*  
Spermatis ceti, *scrupulum unum.*  
Laudani Opiati, *grana duo.*  
Syrupi quinque radicum, *drachmas duodecim.*  
Misce.

De hac mixtura æger cochlear unum aut alterum sumat interdum. In priori mixtione spiritus salis armoniaci in tam minima aquæ quantitate nimius est, nam ægri eâ cochleatim uti nequeunt, nisi fuerit admodum debilis.

In alterâ mixturâ acetum destillatum non tantum sanguini venenum est, sed & cum antimonio diaphoretico colluctatur, unde vomitum dabit; vis porro oculorum cancrî obtunditur: huic etiam syrupus ingreditur, ut & priori, quo nihil nisi pituita generatur, qua operatio debita præpeditur.

Spiritus salis armoniaci, urinæ, cornu cervi, fuliginis &c. in debitâ quan-  
titate



titate guttatim cum cerevisiâ summè lupulatâ, (vulgo *Jopen-bier*, sed potius *Hoppen-bier*) Vino Hispanico &c. sumi sæpe potest. Ex. gr.

*Recipe* Spir. Cornu cervi rectificati, drachmas duas.  
 Vini Hispanici (vulgo *fecq*) *uncias sex*.  
 Laudani nostri volatilis, *drachmam unam*.  
*Misce.*

Sumatur cochleatim; in diversis occasionibus hanc mixturam bono cum fructu propinavi. Spiritus enim cornu cervi bene rectificatus & ab omni fœtido oleo depuratus in sanguinem cæterosque succos penetrat; ejusdem quoque sunt pulveres ex eeti spermate croco &c. quia etiam sale volatili oleoso constant: ut

*Recipe* Spermat. ceti *unciam unam*.  
 Croci, *unciam semis*.  
*Misce* fiant pulveres duodecim.

Sumatur mane & vesperi cum Vino Hispanico unus, deinde superbibantur aliquot scatulæ lactis dulcis ferventis, aut Coffeæ, aut Theæ.

Porro omnia conveniunt quibus fermenta acria, & acida domantur, ut, *Mandibulæ Lucii*, *Unicornu piscis Narhval*, *Sulphura Metallica & Mineralia Fixa*; *Antimonium Crudum & Diaphoreticum*; *Oculi Cancræ*; *Laudanum Opiatum*, omnes plantæ antiscorbuticæ, ut *Barbarea*, *Cochlearia*, *Piperitis*, *Nasturtium Aquaticum & Hortense*, *Raphanus Silvestris & Hortensis*, *Erysimum*, *Sinapi*, *Cichoreum*, *Taraxicum*, &c. Quoniam plerumque illæ inflammationes ex internis oriuntur causis, non tantum insistendum externis mediis, sed & internis.

Repellentia sunt insilia.

*Externa Medicamenta* constant ex iis quæ vulgo dicuntur *Repellentia*, *Resolventia* & *suppurantia*. Quoad *Repellentia*, non possum intelligere quomodo repellant, eo quod sanguinis circulatio illud contradicit, & valvulæ circa cor &c. inhibent. Quidquid regulari modo per vasa ruit, continuo procedit sive in vasis in fibrosis canaliculis; & quoniam humorum circulus ob valvulas inhiberi nequit, hinc est quod repulsio locum non habeat. Repellentibus porro dictis sæpe plus damni quam emolumenti ægris affertur; non enim constant ex volatibus & attenuantibus particulis, sed ex astringentibus, quibus succi stagnantes adhuc magis increassantur & minus mobiles fiunt: Repellentia enim illa putatitia ex austeris constantur particulis, quibus lac, & per consequens sanguis coagulatur & inspissatur, adeo ut non tantum tumor (præsertim si magnus fuerit) ad dissolvendum aut maturandum retardetur, sed tunc persæpe in scirrhum gangrænam imo & sphacelum immutatur aut cancrum, atque sic ægrî non tantum sanitate orbantur, sed insuper manticulantur. Sed quid faciendum quando inflammatio tam vehementer ardet flammæ eructare quasi minatur? tunc loco repellentium, usu veniant Resolventia, quæ extenuibus particulis constant,



sant, quibus materia infarcta & coagulata resolvitur & in fluorem ducitur, & si quædam desiderantur, sequentia possunt esse utilia, ut:

Radices Bardanæ, cardui silvestris, Cucumeris asinini, graminis, asparagi, iridis, Raphani.

Folia alfinæ, lentis palustris, fuci palustris, absinthii, phellandrii, sili aquatici, Scordii, cochleariæ, graminis, bellidis, taraxici, cichorei, chærefolii, fœniculi, petroselini, bécabungæ, cardui silvestris.

Flores camillæ, Meliloti, Croci, Sambuci.

Caphora, creta, cineres, sulphur, sal armoniacum, bolus, cerussa, spermaceti.

Spiritus vini & frumenti, Unguentum album camphuratum, stercora animalium, fermentum farinaceum, cerevisiæ fæx ut & vini.

Ex hisce & similibus variæ fiunt formulæ ad materiam discutiendam, resolvendam, attenuandam aut saltem penetrandam, ut,

*Recipe* Sulphuris triti,  
Boli Armenæ,  
Terræ Vitrioli, ana unciam unam.  
Caphoræ, drachmam unam.  
Spir. vini, quantum sufficit,  
Misce fiat Unguentum.

Unguentum illud multum valet in inflammationibus profligandis; caphora enim ac vini spiritu cutis pori aperiuntur: quorum ope multum acidi ac particularum incalescentium usque in bolum aliaque alcalia insinuantur; atque sic occasio datur quâ inflammatio à particulis incalescentibus atque fermentescentibus liberatur. Et præter hoc ipsa caphora spiritu vini dissoluta optimum producant sal volatile oleosum, quo succi condensati valde attenuari possunt. vel

*Recipe* Spir. Vini, uncias quatuor.  
Camphoræ, drachmas duas.  
Cerussæ, unciam unam.  
Croci, grana decem.  
Misce pro Fotu. vel,  
*Recipe* Stercoris Canini albi, uncias duas.  
Salis armoniaci, drachmas duas.  
Caphoræ, drachmam unam.  
Fœcis cerevisiæ recentis quantum sufficit.

Misce pro Fotu. vel,  
*Contunde* Fol. Taraxici,  
Cochleariæ,  
Cardui Sylvestris, ana Manipulum semis.  
Alfinæ, Manipulos duos.  
Lentis Palustris, manipulum unum.  
Sulphuris, uncias duas



Omnia contundantur, misceantur & parti affectæ calidè imponantur.

Constant illa, ut statim dixi, ex particulis volatilibus, fixis & olcosis.

Vel sumitur arena calida cum sale marino, & parti affectæ imponitur, estque in pleuritide ac anginâ egregium topicum. Calor enim solus multum boni succis ad attenuandum affert. Laudo quoque emplastrum de spermate ceti, quod componitur ex *unciis quatuor* ceræ albæ; *unciis duabus* spermatis ceti, & *uncia una* Gummi galbani in spiritu vini soluti. Huic proximè accedit Emplastrum de spermate ranarum, aut diapalmæ cum terrâ vitrioli, item Emplastrum de minio, &c.

Etiam Cataplasmata in usum vocantur. Ex. gr.

*Recipe* Rad. Cucumeris Asinini,

Bacc. Lauri, *ana uncias tres.*

Fol. Absinthii Latifolii,

Tabaci,

Eupatorii,

Phellandrii,

Cherefolii,

Petroselini, *ana manipulum unum.*

Flor. Sambuci,

Camomillæ Romanæ, *ana manipulum semis.*

Sem. Cumini, *uncias duas.*

Caphoræ, *drachmas duas.*

Coquantur ex spiritu vini in formam Cataplasmatidis.

Cur non-  
nullipin-  
guia non  
ferant.

Quidam homines pingua non ferunt aut oleosa, quia ob cutim à calore relaxatam facile sese per poros insinuant, quibus calori major alimenti copia suppeditatur: item cutim obstruunt, & hoc modo debita particularum diaphoresis inhibetur: ast si cutis fuerit durioris texturæ, oleosa melius ferunt, & in iis adhibere possumus. *Unguentum martiatum, Althææ compositum, butyrum majale, oleum Laurinum, Anethinum, Rutaceum, terræ, de lateribus, terebinthinæ, petræ, succini, &c.*

Si materia porro obstruens in tantâ fuerit copiâ ut attenuari ac dissolvi nequeat, ad invicem mediante motu succorum & vasorum comprimitur, quâ tumor diminuitur ac cum cuspide elevatâ prominet.

Quæ sup-  
puratio-  
nem pro-  
suarant,

Ut suppuratio porro magis promoveatur, adhibentur, quæ *emollientia* aut *suppurantia* dicuntur, atque illa ab antecedentibus gradibus tantum differunt, imo omnia prioribus peragi queunt. Illa etiam subtilis materiæ continuo moru inflammationum incalescentiam valde diminuunt, & pus citius apparet: huic rei inserviunt sequentia:

Radices *Althææ, bryoniæ; allii, cepæ, cucumeris asinini, flicis, liliorum alborum.*

Folia



Folia *althææ*, *Brassicæ*, *betæ*, *chærefolii*, *Mercurialis*, *Malvæ*, *Parietariæ*, *violariæ*, *verbasci*, *brancæ urcinæ*. *Atriplicis*, *spinachiae*.

Fructus *ficuum*, *malorum dulcium*, *dactylorum*, *passularum majorum*.

Farina *fabarum*, *lini*, *fœnugraci*, *althææ*, *hordei*.

Axungia *porci*, *hominis*, *vituli*, *anseris*, *gallinæ*. *Medulla ossium*, *butyrum*, *olea emollientia*.

Gummi *ammoniacum*, *Opopanax*, *galbanum*, *sagapenum*, *bdellium*, *styrax*, *terebinthina*, *resina pini*, *cera*, *mel*, *animalium finus*; *myrrha*, *aloë*.

Flores *meliloti*, *Camomilla*, *malva*, *sambuci*, *verbasci*, *croci*.

Emplastrum *diachylon simplex* & cum gummi, de *meliloto*, de *mucilagine*, de *cumino*, de *baccis lauri*.

Unguentum *agrippæ*, *althææ*, *basilicum*; *pectorale*, &c.

Ex Hisce variæ formulæ præscribi possunt. ut:

*Recipe* *Ceparum* sub cineribus coctarum, *unciam unam & semis*.

*Fol. Betæ*, *Manipulos duos*.

*Fermenti farinacei acris*, *unciam semis*.

*Ficuum pinguium*, *Numero duas*.

*Flor. Meliloti*,

*Camomillæ vulgaris*, *ana Manipulum unum*.

Coquantur ex *cerevisia* crassa in *cataplasmatibus* formam; adde

*Farinæ Lini*,

*Unguenti Basilici*, *ana uncias duas*.

Misce fiat *Cataplasma*.

Et si potentiorum virium requiratur *cataplasma*, admisce nonnihil *Saponis nigri*. vel

*Recipe* *Emplastri de Meliloto*, *partes duas*.

*Diachyli cum Gummi*, *partem unam*.

Misce fiat *Emplastrum*.

Hisce addi possunt multò efficaciora remedia, ut *Nicotiana*, *Sinapi*, *Piper Indicum* & *Brasilense*, *Cinamomum*, *Caryophylli*, *Spiritus Matricariæ*, *Spiritus de Cornu Cervino* &c.

Optimè additur *Cataplasmatibus* nonnihil *calcis cum sale armoniaco*, aut ejus loco *calcis cum cineribus clavellatis* aut *sale tartari* &c. Et erit *medicamentum penetrans*. Ex. gr.

*Recipe* *Flor. Meliloti*,

*Camomillæ*,

*Tabaci*, *ana Manipulum unum*.

Coquantur ex *cerevisia* (vulgo *Jopen-bier*) in *cataplasmatibus* formam.

Contusis adde



Croci,  
 Caphoræ, *ana drachmam unam.*  
 Spermatisceti,  
 Salistartari, *ana drachmas duas.*  
 Armoniaci, *unciam semis.*  
 Misce fiat Cataplasma.

Facto pure, imminuuntur symptomata, ut est dolor, febris &c. extuberantia fit minor, sed mollities & albedo augentur. Modum abscessum seu apostema aperiendi, in superioribus descripsi. Factâ apertione, pus, ut decet, evacuari debet, & apertura detergeri, cui conducunt ea, quæ ex alcali fixo & volatili oleoso constant, & etiam ex iis nonnihil parietes spurcos abrodunt: per priora procuratur ne succi chylosi exstillantes acorem contrahant ac acidi reddantur, quorum immutatione perversa ulcera diu aperta manent: atque per alia fibræ ab omni parte ruptæ ad sanam usque carnis partem absumuntur, & illud vocatur detergere seu mundificare. Et illa conficiuntur exsequentibus:

*Radices gentiana, succus chelidonie majoris, rorismarini, alchimille, Myrrha, sagapenum, balsamum sulphuris, nitrum, vitrum antimonii, mercurius precipitatus, unguentum basilicum, de apio, Egyptiacum, Apostolorum. Emplastrum diachyli simplicis, mel rosarum, resina pini, gummi elemni, &c. ex quibus in Tyronum gratiam sequentia fieri possunt: ut*

*Recipe Axungie Porci,*  
*Ovis,*  
*Terebinthinæ, ana uncias duas.*  
*Gummi Elemni,*  
*Sagapeni, ana unciam semis.*  
 Misce fiat unguentum. vel

*Accipe Butyri recentis non saliti, uncias tres.*  
*Terebinthinæ,*  
*Ceræ Flavæ,*  
*Olei communis, ana uncias duas.*  
*Gummi Elemni, unciam unam.*  
*Æruginis,*  
*Myrrhæ,*  
*Unguenti Basilici, ana unciam semis.*  
 Misce fiat Unguentum. vel

*Recipe Gummi Ammoniaci, unciam unam & semis.*  
*Resinæ pini, unciam unam.*  
*Lithargyrii, unciam semis.*  
*Olei Veteris, quantum satis est.*  
 Misce fiat Unguentum. vel,

*Accipe*



*Accipe* Mellis chelidoniæ Majoris, *uncias tres.*  
 Farinæ hordei, *unciam unam.*  
 Succi Apii, *unciam semis.*  
 Croci, *scrupulum unum.*  
 Misce.

### UNGUENTUM SUPPURATIVUM.

*Recipe* Terebinthinæ, *uncias duas.*  
 Unguenti basilici, *uncias quatuor.*  
 Olei Hyperici, *unciam unam.*  
 Vitrioli, *scrupulum unum.*  
 Præcipitati rubri,  
 Mastichis,  
 Olibani *ana drachmas duas.*  
 Misce fiat Unguentum.

Hiscè unguentis fiunt turundæ pingues, quæ aperturæ intruduntur, aut in-Chelido-  
 ditur pilula oblonga ex melle chelidoniæ in consistentiam spissam cocto, quæ niæ  
 ulcus citò mundatur & sanatur. Chelidoniæ majoris vires ferè apud nullos *Virtus.*  
 authores descriptæ, constant ex sale volatili oleoso efficacissimo, quod ulce-  
 ra & vulnera mundificat & sanat, quia inhibet, ne succi in aperturam emanan-  
 tes, acorem contrahant, atque hanc ob rem celerrimè sanantur. Vulnera  
 enim recens secta, brevissimo temporis spatio consolidantur, modo ejus suc-  
 cus instilletur: quam ob rem etiam oculis medela est, ut & ictero variisque  
 in corpore obstructionibus, totam enim sanguinis massam penetrat, & dissol-  
 vit omne viscidum & pituitosum. Brevi vires hujus herbæ necdum satis notæ,  
 & parcius nimium in usum medicum vocatur.

Mundato ulcere, & carne rubente, sarcotica sunt adhibenda: ut  
*Thus, Sarcocolla, Radices consolidæ majoris. Herba Millefolii, Achimilla,*  
*Saniculæ, Pyrolæ, Hyperici, Virgæ aureæ, Veronicæ, Solidaginis saraceni-*  
*cæ. Balsamum sulphuris. Emplastrum diasulphuris, Balsamum copaibæ, per-*  
*vianum, Terebinthina, Resinapini, oleum hyperici &c.*

Inter hæc & priora quandam differentiam volunt, sed re bene perspecta,  
 earundem sunt virium & operationis: hæc enim solummodo aciditates tempe-  
 rant non tantum, sed earum genesin inhibent: neque ita rodentia sunt &,  
 temperato acido, ipsa caro per se crescit: & quomodo illud fiat in *Institutioni-*  
*bus nostris* lege. Porro sequens balsamum apprime utile.

### BALSAMUM ITALICUM VULNERARIUM.

*Recipe* Olei Hyperici, *uncias quatuor decim.*  
 Terebinthinæ Venetæ, *uncias quatuor decim.*  
 Cerae flavæ, *uncias duas & semis.*

G g g 3

Olei



Oleipetræ, *unciam semis.*

Spicæ,

Styracis liquidæ, *ana drachmastres.*

Colophonix, *unciam unam.*

Santali rubti, *unciam unam & semis.*

Misce fiat Balsamum.

Vires hujus balsami potissimum consistunt in Terebinthinâ, oleo petræ spicæ & liquidâ styrace, quæ omnia sale volatili oleoso turgent, acidum summo perè moderantia.

### EMPLASTRUM DIASULPHURIS AD ULCERA CITO CONSOLIDANDA.

*Recipe* Balsami sulphuris, *uncias tres.* ( sed si æris usti *unciam semis*, cum totidem cinnabaris ei velis infundere, ad inveterata ulcera melius ) myrrhæ,

Croci metallorum optimè loti *ana uncias tres.*

Sacchari Saturni, *unciam semis.*

Coquantur lento igne in consistentiam Emplastri.

Ulcere satis carne impleto cuticula est inducenda, idque etiam fit summè acidum temperantibus, de quibus in Institutionibus nostris : atque interea sunt *Lithargyrium, cerussa, plumbum ustum, tutia, lapis calaminaris, pompholix, ovorum testæ ustæ, unguentum album camphuratum, desiccativum rubrum, de minio, de lithargyrio. Emplastrum Gryseum, Diapompholigos, Opodeldoch Felicis Wurts.*

*Victus Ratio* optima interim non est negligenda : abstineatur à cibis acrioribus & sanguinem accendentibus, quia istis sanguis celerius debitò incedit, atque inflammationi molestiam adferret non exiguam, unde dolor & tensio non parum augentur. Ideoque consultum est cibis quidem uti attenuantibus, sed qui tamen circulationem sanguinis non nihil moderantur atque refrænant. Potus Theæ salubris admodum, hoc enim & pituita & acidum expellitur. Cerevisia ac vinum oligophorum : fuge iram ac vita laborem nimium, & ab omnibus quæ sanguini anomalias adferunt. Si præ dolore à somno avocamur, Emulsio sumatur ex semine papaverino ; aut laudani opii granulum unum aut alterum.



## CAPUT III.

## DE ANGINA, TONSILLIS INFLAMMATIS, UVULÆ PROLAPSU, INFLAMMATIONE ET EXULCERATIONE.

Quoniam faucium plerique affectus ad Chirurgiam pertinent, nonnullos hic in scenam producam : & quamvis alibi de ANGINA egi, nihilominus tamen nexus gratia, ejus Historiam iterum repetam. Is affectus maximè Pharyngem & Laryngem, sive potius ejus musculos & nonnunquam glandulas adjacentes solet afficere : porro musculi interni & externi tam laryngis quam pharyngis simul magis vel minus hoc tumore intumescunt : ex hisce faciunt insuper quatuor differentias, sed eæ magis speculativè quam practicè proponuntur, de quibus antea satis superque.

Angina.

Præter symptomata, quæ in capite de inflammatione seu Phlegmone diximus, anginæ alia insuper adjunguntur, nempe difficilis colli motus, qui cum dolore peragitur : respiratio difficilis, deglutitum tam liquidorum quam solidorum difficultas : & dolor non parum in faucibus ardens : atque hæc observantur in *incipiente*. Ast in *completa* respiratio ferè est abolita, & quasi suffocativa : Deglutitio ita impeditur, ut potulenta iterum per nares regurgitare cogantur : idque propter faucium angustiam. Adest dolor ultra modum insignis, vehementer urgens & rodens, præter modum pulsans & pungens. Rubet lingua ac tumet ; loquela perdifficilis est, nam præter angustias, etiam ejus motus non parum difficilis est : muco etiam valde tenaci obducitur : facies nonnunquam tumet ac livet. Pulsus in carpis est tensione interpolatus & convulso non absimilis, ut & magnus & undosus, sed quibus suffocatio imminet, iis rarus est & parvus : Verum in ipsâ suffocatione creber fit & inæqualis. Vehemens adest febris, sed in spuria anginâ minus difficilis. Ex respiratione & deglutitione magis vel minus læsâ, judicatur de parte affecta.

In Spuria TONSILLÆ inflammantur & tument, quando earum liquor. Tonsilla mucosus nimium crassus & acris est factus, ita ut scerni nequeat, tunc vel una rum inflammatio vel ambæ simul à retro adfluentibus succis magis extumescere coguntur, unde tumor, rubedo &c. ut in vulgari inflammatione fieri solet : hinc est, quod foramina ex quibus in statu sano liquor salivaris paulo glutinosior exstillat, tunc etiam magis tument. Materia hac tenaci effluente faucibus & linguæ pelliculæ in modum adhæret. Atque illarum partium inflammatio nunc est *absoluta* vel *Spuria*.

*Absoluta Angina* aut *Tonsillarum*, venit vel ex succo nutritio, seu chyloso ut cæteræ inflammationes, quæ etiam pro variâ acrimoniâ diversimodè apparent, quod symptoma longæ non est durationis. In *Spuria* vero obstructio tantum ortum habet ex succo eliminando præter morem incrassato atque acri, unde partes excoriantur & ad inflammationes stimulantur : illudque Symptoma etiam pro diversâ acrimoniâ magis aut minus afficit : ejusmodi quoque

Angina



*Angina Spuria* non raro cum tonsillarum inflammatione apparet ; cui nulla febris vel saltem vix sensibilis adjungitur , prout inflammatio fuerit parva vel magna. De Anginâ cum febribus superius in praxi mentio fuit facta , quæ etiam non raro *Epidemica & Maligna* apparuit.

*Causæ internæ* ut succus nutritivus vel lymphæ stagnans , acris , rodens , præter modum glutinosa &c. atque hujusmodi succis muscoli , glandulæ &c. uti in Phlegmones genesi diximus. Sic Hæmorrhoides aut Menses suppressi : Dysenteria perversè curata , &c. Docent anginosos affectus fuisse inductos.

Ad *Causas externas* pertinent ea quæ faucibus inhærent , aut afficere alias possunt , ut nimium piperata , usus spiritus salis armoniaci præposterus ; potus nimium gelidus , præsertim in corporibus calore fervidis ; idem facit aër borealis & frigore injurius ; nimia vestimentorum , vel stragulorum detractio. Spiritus nitri , salis , vitrioli , aquæ fortis &c. epotatio &c. à frigidis enim succi glandulas faucium percurrentes condensantur , quibus incrassatis , succorum periodus valde & sæpe subito sistitur , vel saltem retardatur : & ab acribus liquoribus fauces roduntur. Hisce accedunt aciculæ , spinæ , officula , aliaque pungentia , quæ si faucibus inhæreant & facile evelli nequeant , inflammationes inducunt. Inter assumpta quoque pertinent Mercurialia præsertim inter salivandum : Nam Mercurius spiculis acribus & valde rodendibus saturatur , qui cum salivâ ad oris partes & fauces , ad eliminandum ducitur , unde glandulæ circa fauces & os corroduntur & inflammantur. Huc quoque pertinent convulsiones ex Emprosthotono ; vertebrarum luxatio ut & colli & cervicis , &c. quidem anginam sæpe lethalem inferunt , sed causa non ex inflammatione ortum trahit.

De *Prognosi , curatione &c.* hic nihil , quia in praxi occurrunt , dicam.

UVULA INFLAMMATA , eandem quoque agnoscit causam , quæ medetur gargarismate ex rapis , ficibus , salviâ , floribus sambuci &c. addendo non nihil mellis albi. Porro cum sit glandula posterius à palato in faucium isthmo propendens laxa quadam membrana tegitur , qua , tanquam in sacculo laxè concluditur : ex illâ glandulâ exeunt per dictum sacculum membranaceum varii tubuli , succum aliquantulum mucosum evomentes , ad palatum , vicinasque partes non tantum lubricandum , sed etiam ad aërem inspirandum , temperandum. Si contingat porro succum illum sequestrandum à frigido potu , frigido aëre &c. nimium condensari , per tubulos dictos nequit foras trudi , sed ibi manet , & quoniam alius à tergo continuo accumulatur , cogitur uvula intumescere & præ gravitate propendere , quæ iterum constringitur , si Medicamenta quædam acris spatulâ affricentur : atque illa contractio est species convulsiones : præparantur ergo pulveres ex pipere , Zingibere alumine usto , sale Armoniaco &c. ab inflammatione quidem Uvula exulceratur , tunc gargarisinata sunt præscribenda ex Malvâ , floribus rosarum , salviâ , alumine , vino rubro astringenti &c.

Puer tredecim annorum habebat magnæ molis linguam , ita ut extra dentes incisores & os promineret , unde inter loquendum balbutiebat , & cibos incidere ac manducare nequibat ; Mane lingua erit major quam vesperti , color ejus erat lividus. Quod

Uvulæ inflammatio.

Uvulæ relaxatio.



Quod ita intumuerit, est à glandulosis acinis fibrosæ linguae carni interspersis, quibus obstructis & intumefactis, etiam tota lingua intumescit, lividus color oritur, quia plus sanguinis adveniat, quam reduci possit, hinc stagnatio, eodem modo ac patibuli candidatis contingit, quando strangulantur; vel digitus filo firmiter circumvolvatur.

Porro circa vesperam magis detumescit, ex eo, quia nocturno tempore parum salivæ ex dictis acinis secernitur, & lingua minus movetur, quod nobis vigilantibus aliter accidere solet. Illum balbutire mirum non est, quia pronuntianda à linguae mole quasi suffocantur. Et quia lingua extra os exerebatur, cibos incidere & manducare nequibat.

Quidam linguae incisionem & diminutionem proponebant; sed Hæmorrhagiam timebant; postea ad me ventum, omnibusque seriò perspectis, incisionem distuli; præscripsi Masticatorium ex *Rad. pyrethri*, pipere, Mastiche, semine staphidis agriæ, &c. Hoc enim multum salivæ ex lingua eliciebatur; interim pilulas ex gummi ammoniaco, chalybe &c. devorandas dedi; & tandem sal volatile nostrum cum vino inter prandendum & cænandum sumpsit. atque is paucis diebus restitutus fuit, & Coloniam Agrippinam iterum rediit.

Similis casus mihi accidit ante multos annos in viro triginta annorum, quem ego & mecum Cl. Dom *Emanuel van Yperen*, eodem modo tractavimus.

## CAPUT IV.

## DE ERYSIPELATE.

**E**RYSIPELAS significat nihil aliud quam Tumorem rubrum: *Ignis* quoque *Sacer* dicitur, Belgis *Roos* seu *Rosa*, quia istius tumoris mutatio cum rosis convenire videtur, nam in principio quando se explicat subrubra apparet, postea magis pallefcit, deinde gilva est, & ultimò flavescit & albescit: idem etiam Erysipelati contingit. Vulgus omnes affectus ferè Rosam vocitant, quibus tantum adest incalescentia (vulgo *broeying*) sed improprie.

Igitur nihil aliud est *Erysipelas* quam inflammatio in minori gradu quam Phlegmone, omnibus nostri corporis partibus mollibus adveniens, sed præsertim cuti, cum tumore in latitudinem sparso non admodum elevato, absque notabili pulsatione, cum rubore, calore, dolore pungente &c.

Tumor hic non tantum in altum elevatur ac in Phlegmone. 2. Calor est remissior. 3. Dolor est instar acuum ac acicularum puncturæ, sed tolerabilior, quam in phlegmone. 4. Color est coccineus ieu cramoësinus, ast in Phlegmone intensior aut obscurè rubicundus. 5. Tumore digitis presso, color rubicundus redit. 6. Intumescencia mollis est. 7. Tensio modica. 8. Locum non raro mutat, 9. Non raro cum corporis in frigidatione se sistit. 10. Sæpe



10. Sæpe adest febris, præsertim si Erysipelas magni sit momenti. 11. Iterdum in vesiculas seu bullulas elevatur, tuncque nostratibus *Bel-roos* appellatur, sive *Erysipelas Vesicarium*.

*Causæ* à Phlegmone quoque ut magis & minus differunt, ast Erysipelas plerumque, est in cute mollioris ac laxioris texturæ, cujus succi lymphatici ac nutritii ab externo frigore facile coagulantur. Et illa coagulatio eodem modo fieri potest ac in carniū coctarum jure, quod etiam à frigore in gluten quasi condensatur. Nam hic simplex non est aqua aut ferum, sed tamen chylo, ex quo Phlegmone producitur, tenuior: & quod hic tanta caseosarum particularum copia non adfit, exinde liquet, quoniam rarissimè suppurantur: ideoque quando lymphæ illa sive succus nutritius in cute coagulatur, sive à frigore aut alias, facile calore attenuantur & priorem fluiditatem recuperat, ceu videmus carniū juri, igni admoto, evenire; quod non contingeret, quando materia coagulata multum casei contineret, uti in Phlegmone dictum.

In quibus  
canaliculis  
Erysipela-  
tis causa  
sit.

Nunc inquirendum restat, quibus in canaliculis obstructio illa sit: & respondetur, canaliculos illos capillares multò esse angustiores quam in Phlegmone, & consequenter tenuiorem succum continere; & proinde videtur lymphaticus succus in lymphaticis cutis canaliculis contentus, esse; qui etiam à tergo ab affluente lymphâ premuntur, hinc cutis intumescit, ut antea de Phlegmone dictum. Eodem quoque modo tumor hic rubescit, ob intumescentiam enim vasa sanguinea comprimuntur, quâ sanguis justo modo pertransire nequit: sed tamen non tam intensè rubet, quia hic longè minora atque exigua tantum vascula sanguinea premuntur; eadem de causâ pulsatio enim in majoribus arteriarum ramis manifestior est, quam in capillaribus furculis, uti nostrâ opinione hic loci fit.

Calor.

Calor istius inflammationis etiam consistit in particulis incalescentibus, ut in Phlegmone diximus: nam particulæ acidæ & alcalicæ etiam à subtilis materiæ influxu facilè inter se moveri possunt, idque eodem modo ac in aliis inflammationibus.

Dolor  
pungens

Quoniam lymphæ ista non adeo est coagulata & inspissata, quin adhuc aliqualem fluiditatis statum servaverit, hinc ob motum tardiores & ferè denegatæ particulæ magis magisque aciores fiunt, quæ si minimos canaliculos permeant, atque nervosas partes prætereunt, pungunt & lancinant, doloremque, quasi ab aculis pungentibus, inferunt; atque hoc in innumeris canaliculis non potest non fieri, qui tumori circumjacent.

Erysipelas  
vesicularis

Liquor iste sæpe acris & corrosivus evadit, & canaliculi, qui hunc continent, non raro corroduntur; vel succi à tergo promanantes, obstructos ita dilatant, ut rumpantur, atque tunc liquor contentus intra cutim & cuticulam destillat, congregatur, quare cuticula in bullas aquosas elevatur, nobis de *belroos* seu *Erysipelas vesicularis*.

Cur loco  
mutatur.

Evanescit aliquando Erysipelas, & postea in alio loco se manifestat, quia Inflammatio illa primo medicamenti fuit soluta, & sanguinem ingressa; & quoniam iste sanguis ab isto statu necdum est liberatus, facile continget, eandem se in alio loco spectandam exhibere. Etiam materia in



jusculis vasculis soluta in multo minora protruditur, atque sic etiam locum mutat. Item priori dissipata, & alter tumor oboriri potest, non quidem à priori dissoluto, sed de novo ex iisdem succis facile concrefcentibus.

Atque hic plura quidem phænomena erant explicanda, sed qui præcedens caput perlegit, facile cætera explicabit.

*Differentia* nullam aliam agnoscit originem, quam quod materia obstruens sit magis aut minus falsa, acida, viscida, pinguis &c. Hinc inutilia finxerunt olim nomina ut sunt *Erysipelas Phlegmonodes*, *Oedematodes*, & *Scirrholdes*, de quibus superiori capite. Porro à particulis pinguibus, oleosis aut sulphureis inflammatio & calor intensior est; ab aciditate effervescentia est major; à pituita minor; acres & falsæ particulæ dolorem inferunt &c.

Circa caput, cor, aliaque viscera non sine periculo est. 2. Si citò evanescat, vel ut vulgo introrsum trahatur, non bonum. 3. Circa vulnera aut ulcera nihil boni afferunt. 4. Non est longæ durationis; finitur quando succi obstruentes attenuantur, suppurantur, indurantur aut in gangrænam vertuntur. 5. Mulieres & viri lymphæ acri pleni hunc affectum sæpe incurrunt. 6. Erysipelas vesicularis plerumque faciem, rarissimè alias partes occupat.

Materia obstruens est dissolvenda & attenuanda, & si hoc fieri nequeat, suppuranda, deinde ulcus consolidandum. Hic ergo conveniunt interna & externa.

Necessitate exigente leviter purgandum, tunc enim plurimi acres humores elutriantur. Sed melius est sudationes instituere ex *Antimonio Diaphoretico*, *Croco*, *Rob Sambuci*, *Diascordio*, *Sale Absinthii*, *Cardui Benedicti*, *Bezoar Minerali*, &c. hisce sanguis attenuatur & fluori restituitur, & quidquid inspissatum loco movetur: omne enim Erysipelas ferè semper à frigore ortum trahit: si ergo tarde incedentes & currentes particulæ denuo fluidæ reddantur, tunc curatio est finita.

Sumitur quoque decoctio ex sambuci floribus, lacte cum aut sine croco vel rob sambuci, & quidquid magmatis reliquum parti læsæ applicatur. Imponuntur quoque lintea aquâ in quâ sapo tuit dissolutus, madida, aut urina, vel sanguis leporinus &c. linteam ad suis cutim fricatum etiam quidam applicare solent. Vel siccam cretam, aut farinam triticeam aut hordeaceam, omniaque ea quibus acidum domatur. Alii ovorum albumen sumunt cum alumine. vel

Fiat fots. vel

Misce Aquæ Spermatis Ranarum, *uncias quatuor.*

Spir. Salis Armoniaci, *unciam semis.*

Caphoræ, *drachmam semis.*

Misce. vel,

Sume Trochisci Albi Rhazis, *drachmas duas.*

Caphoræ, *drachmam unam.*

Sulphuris Vivi, *unciam semis.*

H b b 2

Spir.



Spir. Vini, *uncias quatuor*

Aquæ Sambuci, *uncias duas.*

Misce fiat fots.

Viscidæ si adsint particulæ, sequens valebit.

*Recipe* Spir. Matricalis, *uncias duas.*

Armoniæ, *drachmas duas.*

Misce.

Linteis calidè imponantur. Aqua ex baccis sambuci destillata tam internè, quam externè multum juvat. Quidam spiritus vini & aquæ sambuci ana partes æquales sumunt, & linteis imponunt; alii parant decoctæ ex corticibus mediis sambuci, aut virginis lacte utuntur. Sit ut sit, quidquid applicatur acidum debet temperare, qua incalescentia tollitur: aut activis suis particulis succi moram trahentes etiam in actum duci debent.

In Erysipelate vesiculari, vesiculæ seu bullulæ sunt aperiendæ, ut liquor exeat, deinde locus unguento ex cerussâ & spiritu vini est illinendus.

Si vulneris aut ulceris circumferentiæ accedat, locus unguento albo camphorato est inungendus, quo omnis inflammatio evanescit.

Astringentia & pingua non sunt adhibenda, plus enim nocent quam profunt.

Si suppuretur, tractandum ut in phlegmone dictum, quod evenisse meminimus, quando primâ instantiâ fuit neglecta.

## C A P U T. V.

### D E O E D E M A T E.

OEdma.

O E D E M A est tumor præter sanitatem & contra bonam partium conformationem, albus, mollis & indolens, gradibusque à Phlegmone differens.

Pro variâ particularum admixtione, magis aut minus inflammatur, intumescit aut latè se extendit. Nam pro majori aut minori fluiditate aut coagulatione, acidum & alcali magis aut minus inter se movetur, & per consequens incalescentia intensior aut remissior. OEdema Hippocrati pro omni Tumore sumitur, ast Galeno pro tumore tantum pituitoso.

Causa est sanguis summè pituitosus, hoc est liquor in quo parum sanguinis est, & multum chyli viscidum: si porro accidat ab ejusmodi chylo, hos vel illos canaliculos obstrui OEdema vocatur seu tumor pituitosus: estque pallidioris quoque coloris, quia vasa sanguinea ab omni parte non adeo pre-



premuntur; ideo quoque nullam arteriarum experimur pulsationem. Quando digitis premitur, cavitas aliquantulum permanet; quia premendo pituita ab eo loco premitur, & quia tam cito cavitationem rursus implere nequit, non nihil temporis requiritur, ut iterum repleatur ut ante. Et quoniam tenaces illæ particulæ difficulter inter se moventur, ideo isti tumores lentissimè vel dissipantur vel suppurantur.

Affectus hic multum non habet periculi; finitur attenuatione, ulceratione, aut mutatur in scirrhum difficile curabilem. Æstate citius solvuntur quam hyeme: sic etiam evanescit citius in calidis quam frigidis & viscidis corporibus.

Interna dantur quæ in Phlegmone & erysipelate dicta sunt; externè dissolventia conveniunt, & si necessitas exigat suppurantia & sanantia.

Primo dissolventia & attenuantia sunt usurpanda, quæ in duobus præcedentibus capitibus sunt descripta: ast si suppuratio inflat, emollientia sunt applicanda.

## VI. CAPUT.

## DE MELICERIDE, ATHEROMATE, STEATOMATE, BOCIO, NATTA, TALPA, TESTUDINE, &amp;c.

**T**umores illi propriâ tunicâ clauduntur, quorum materia est instar mellis, pultis aut adipis, interdum ut ova piscium: sine dolore aut immutato colore: cum duritie, & tactu difficile cedentes.

Meliceris,  
Athero-  
ma, Stea-  
toma.

Maximè ab invicem ætate differunt; in principio sunt instar mellis, deinde crassior fit materia & pulsem refert; sed ultimò caseo vel adipi non est ab- similis. Quidam sunt parvi, alii magni. In capite TESTUDO nomen est, quia testudinis ferè formam habet; circa collum BOCIUM appellatur: Si referat talpam, vocatur TALPA, vel TALPARIA. Nomina ad rem nihil faciunt; omnes enim isti tumores ex eadem constant materia. Accedunt hiscè EPINYCTIDES quæ maximè faciem defœdant, aliquando quoque partes genitales, sed alias partes raro; sunt parva tubercula, primo rubri, deinde suppurantur; qui si exprimantur caseosum quid evomunt, sæpe instar vermiculi albi, hinc belgis een Worm; hujus indolis quoque sunt labiorum nodi, vulgo Lip-knoopen.

Testudo,  
Bocium,  
Talpa.  
Epinycti-  
des.

Causa horum necdum adeo manifesta; Veteres illam à pituitâ derivant; verum salvâ eorundem sententiâ oriuntur à particularum chylosarum ab invicem secessione; & hoc non sine ratione fieri æstimo; materia enim tumoribus hiscè contenta, nihil aliud est, quam quid caseosum & novimus, nullam in corpore nostro esse materiam, ex quâ caseus fieri potest, quàm ex chylo aut lacte; ergo TUMORES illi potius CASERII sunt nominandi. Quoniam igitur illa materia ex caseo constat, etiam illi tumores in vasculis chylosis seu lactiferis, quæ per totum corpus sine numero inveniuntur, fieri debent. Variis itaque occasionibus contingit, quibus particulæ

Casearii  
tumores.

lactææ



lacteæ in quopiam vasculo subsistere possent, sive ab aliquo acido aut alias, unde obstructio, nam quidquid caseosum est, vasculum tunc obstruit. Cum porro à tergo continuus est ejusmodi lactis aut chyli affluxus, tumor iste sensim augetur, atque vasculum illud obstructum magis ac magis dilatatur: atque sic sensim in magnam molem excrescit. Dilatatam porro vasculum est ipsa membrana, cui materia includitur, & ex quâ inter curandum eximitur. Si porro in illis vasculis plurimæ valvulæ reperiuntur, non malè assimilatur piscium ovis.

Sed præter vascula illa chylosa, ipsæ glandulæ cutaneæ atque etiam quæ profundius locantur ejusmodi sæpe materia sensim infarciuntur, idque à pluribus occasionibus, quarum textura sæpe cellulosa est, quibus à caseosa materia impletis quasi piscis ova repræsentantur: & quia glandulæ istæ propriâ circumvolvuntur membrana, hinc etiam ejusmodi tumores eadem investiuntur.

Tumores  
Pilosi.

Ad hoc tumores etiam pertinent in quibus pili continentur, quos ipsis oculis vidi: Testantur & illud etiam *Guarinonius*, *Horstius*, *Ruischius* aliique: vidi & illos, capitis capillos referentes, sed absque radicibus. Ex qua porro constant materia, & quomodo generantur, necdum planè explicatum & hæreo num curiosis satis facturus sim. Filamenta illa sive pili videntur esse canaliculi; qui ob materiam glutinosam sunt obstructi, & consequens usum verum deperdiderunt, tandem coaluerunt: nam liquor glutinosus in auram sublatis particulis aquosis, magis ac magis increascescit, & tandem indurescit. Itaque fieri potuit gluten hoc tandem induruisse, & nobis formam pilorum dedisse. Neque glutinosus iste liquor simplex erat gluten, sed quia multum acidi ac salis admixtum erat, ita concretum in duritiem capillis non ab similem: ab hisce parum etiam differunt tumores, qui carbonēs aut cespites continere videntur, qui tantum ex putrefacto sanguine sæpe oriuntur, & tandem in non dissimilem materiem indurantur.

Quia sensim & tardissimè accrescunt diu absque noxa manent, sed tandem cum materia instar casei veterrimi acris fiat, & vascula succum emanantes rumpantur, vel exulcerentur, in scirrhum aut cancerum mutantur. Si una cum integrâ membranâ non extrahantur non raro ulcus remanet vel eadem quoque materia impletur.

Si externis medicamentis non cedit, nempe Emollientibus & suppurantibus, nam materia attenuari nequit, cutis in modum crucis, si opus sit, est aperienda, & materia extrahenda. Alias sequens emplastrum super imponatur, ut emolliatur, vel suppuretur, ut:

*Recipe Gummi Ammoniaci, uncias duas.*

*Sulphuris, unciam semis.*

*Caphoræ, drachmas duas.*

*Euphorbii, drachmam unam.*

*Olei Petræ, quantum sufficit.*

*Misce fiat Emplastrum. vel.*



*Sume* Picis navalis, *uncias duas.*  
 Pyrethri.  
 Galbani, *ana unciam semis.*  
 Terebinthinæ,  
 Cerae, *ana unciam unam.*  
 Misce.

Si in ulcus mutetur, medicamentis rodentibus, præcipitato præcipue rubro, à membranâ materiam continente est absumenda: deinde cavitas relicta mundanda ac carne implenda est: si hisce non audiat ad sectionem crucialem est deveniendum. Sectio itaque fit usque ad materiam peccantem, cutis elevatur, & spatulâ tenui materia à vicinis partibus separatur; & si interim vasa quædam majora appareant, ea sunt liganda, inurenda aut styptico pulvere claudenda. Materiâ exemptâ, cavitas *unguento Ægyptiaco & Chelidoniae majoris melle* est mundanda; vel si quid reliquum manserit, absumendum *aquâ sublimatâ, aquâ Mercuriali Fallopii, præcipitato rubro, alumine ustis, &c.* post mundificationem incedendum, uti cum aliis ulceribus incarnandis solet fieri.

*Goudanus civis super umbilicum pulsu vehementi, ac si esset ab arteriâ quadam aut corde, laborat; imo tam fortiter pulsabat, ut manus applicata elevaretur: pulsus quoque cum carpo harmoniam habebat; systole quippe & diastole conveniebant. Ignotus erat morbus; nemo Medicorum causam divinabat.*

**D**Issecto cadavere, vena cava descendens materia adiposa & medullæ Cadaveris instar repleta erat; arteria aërta duplo quam solet amplior. anatomæ Cordu-  
 plo majus & flaccidius. Sanguis tam in arteriis quam corde niger. pulsione Jus-  
 to majus hepar fuit: imo vesicula fellis magnitudinem ordinariam non circa um-  
 tantum bis superabat sed bilem continebat ex obscure viridem, viscidam bilicum  
 ac planè pultaceam. laboran-  
tis.

Non dubito quin steatoma quoddam ductui istius venæ obsefferit, quod arteriam magnam ita compresserit, ut sanguis descendens liberè ad partes inferiores meare non potuerit. Atque hæc *causa* istius *palpitationis* erat: novimus omnes arterias, si comprimantur exterius vel interius extendantur, sensibiliorem pulsum excitare, quam alias cum liberæ sint, & sanguis liberimè pertranseat. Idem exemplum in cordis palpitationibus habemus, ubi si polypus aut vasorum concretio, aut aliud quodvis impedimentum adfuerit, statim solito magis palpitat.

Intellectu jam difficile non erit, quomodo arteria supra compressionem ita fuerit dilatata: sanguis enim ibidem à compressione subsistens, & à corde acceleratus, rectâ viâ incedere impotens, latera adeo dilatavit, ut arteriæ fistula duplo aut triplo major evaserit. Ob eandem rationem etiam cor fuit dilata-  
tum



tum & justo majus ac flaccidius; quia sanguis in arteria subsistens, cordis cavitates quoque ita replevit, ut latera justo magis dilatarentur, fibræque invicem rumperentur, ideoque fuit tam flaccidum & spongiosum.

Porro cum lien, hepar, ventriculus & intestina arterias supra obstructionem accipiebant, majori sanguinis copiâ gaudebant, ideoque hepar communem mensuram fermè duplo excedebat: & quia bilis deficiebat, cui sanguinis fluiditas pro parte debetur, visciditatibus Vesicula fellis repleta fuit: quæ ob lentissimum motum & particularum firmam connexionem, ita coadunatae sint, ut tandem materiam pultaceam syrupi spissioris instar repræsentaverint. Color obscurè viridis ab acido ortum habuit. Omne enim fel, si acidis admisceatur, statim tincturam viridem obtinebit.

Sed quare inferiores partes gangrænâ aut sphacelo tactæ non fuerunt, quispiam rogabit? respondeo hoc non opus fuisse; cum sanguis, licet haud magnâ copiâ, exiguâ tamen illas partes irrigabat, qui redux aliquomodo venam obstructam pertransibat. Imo vascula lymphatica nihil commune cum istis obstructionibus habebant, cum ex cruribus ad glandulas inguinales, & deinceps ab illis ad chyli cisternam vehantur. Ast si obstructionibus obnoxia fuissent, ilico Hydropicorum more intumuissent, & paulo post gangrænâ & Sphacelum incurrissent.

Sanguis in Arteriis & Venis niger erat, non mirum, quia omnis sanguis, à motu celerissimo impeditus, aliquatenus coagulatur, & quo sanguis magis fuerit coagulatus, eo nigrioris coloris apparet.

Quoad *Steatomata*, illud eodem modo ac Melicerides & Atheromata gignuntur, atque hæc in qualibet molli ferè corporis parte produci possunt. Idem tumor est, vocabulis & materiæ consistentia ab invicem duntaxat diversus. Steatomata igitur à parvulo incipiunt, & diu paulatimque increscunt, quæ tunica suâ includuntur; Quædam ex his dura ac renitentia, quædam mollia magisque cedentia ac ferè sine dolore sunt: hinc quid intus habeant, facile conjectura prælagiri potest, si in partibus externis creverint, ast in cadavere nostro intus latuit malum, adeo ut medicâ manu tangi haud licuerit. Omnes hujusmodi tumores ex toto nunquam cognoscuntur, nisi cum aperti sint. Maximè tamen in his quæ renitentur, aut Lapillis quædam similia, aut concreti confertique pili reperiuntur. In his vero, quæ cedunt, aut melli simile aliquid, aut tenui pulticulæ, aut quasi rasæ cartilagini, aut carni hebeti & cruentæ, quibus alii aliique esse consueverunt. Atheromati subest quasi tenuis pulticula: Meliceridi liquidior humor; ideoque pressu circumfluit: Steatomati, ut in hoc cadavere, pingue quiddam, idque latissime latere consuevit.

Quoad causam, puto hanc oriri ex materiâ chylosâ ab acido concretâ, quæ cunctus lymphaticos vel chyliferos (qui per totum corpus inveniuntur) primo obstruit, & deinde à continuo hujus liquoris affluxu sensim sensimque auget. Concretum istud lact tandem extendendo vascula hæc adeo dilatat, ut membrana concludi videatur: nam membrana ista nihil aliud erit, quam ipsum vas dilatatam. Si huic adsint vascula & cellulæ adiposæ, adeo etiam ibi retinetur, & aliquando in ingentem molem accrescit: & hæc fuit causa, cur  
arter



arteria descendens ita premeretur, ut manu super umbilicum aut circiter ad-  
mota, pulsus vehementissimo motu sentiri non tantum, sed & elevari & sub-  
sideri oculis videri potuerit.

Hunc pulsum fuisse cum corde, cæterisque in carpis arteriis æqualem, mi-  
rum nemini videri debet, quia circa pulsationem nihil alieni, quam tempo-  
re sanitatis solet, accidit, nisi quod pulsus fuerit motu vehementior, qui  
apud nos *Palpitatio* vocatur.

## CAPUT VII.

## DE CARBUNCULO SEU ANTHRACE.

**A**NTHRAX, CARBUNCULUS, CARBO, PRUNA, IGNIS *Anthrax.*  
PERSICUS, &c. sunt synonyma & ejusdem significationis: ob into-  
lerabilem enim calorem ita nominantur: Belgis sæpe *Negen-oog*, si-  
ve *novem oculi*, quia circum se plerumque octo, novem aut decem  
pustulas habet.

Estque tumor igneus, rodens cum pustulis circum se acerrimis, & arden-  
tissimis, cum dolore intolerabili, diversis in locis indiscriminatim adveniens  
& absque suppuratione in ambitum, carnem exurendo, proserpens, ejus-  
que inusta tandem frustra excutit, ulcusque cavum, tanquam escharotico inus-  
tum, post se relinquit.

Quidam carbunculi soli sunt, & propriè *Anthraces* seu *Carbones* dicuntur;  
alii cum variis pustulis igneis circum se stipantur. Quidam absque peste sunt.  
alii cum eâ.

*Causa*, meâ opinione, ferè eadem est ac de Phlegmone dictum, præter  
quod in Anthrace materia admodum acris & fumine corrosiva adjungatur,  
qua circumjacentes partes corroduntur & sphacelo corripuntur. Cætera por-  
ro phænomena, quoad calorem, dolorem &c. nonnisi gradibus intensiori-  
bus à Phlegmonis tumore differunt.

Sed materia multo acrior est, nam aër tempore pestis particulis acerrimis,  
corrosivis & summè acidis plenus est, quas continuo inspiramus, unde san-  
guis non tantum incrassatur, sed & ipsi succi nutrientes & nervosi tam corrosivi  
evadunt, ut, si alibi subsistant, statim rodant, atque carnem circum se inu-  
rant, sphaceloque corripere curent. Quando enim tales succi corrosivi in inus-  
culos arteriolarum ramulos percurrere nequeunt, ulterius procedendi gradum  
sistere coguntur, & ab influxu subtilis materiæ longè aliter quam antea move-  
ntur, atque sic particulæ acidæ & acerrimæ in fibrillas nervosas & membra-  
naceas adiguntur, illasque scindunt, rodunt & inurunt, atque hoc modo  
facile mortificatio ejus partis percipitur; & quoniam infra cutim variis cir-  
cum Anthracis punctum locis sese prodit, etiam variæ visuntur pustulæ; sed  
infra cutim omnes in unam Anthracem sese concidunt.

*Signa* sunt primo pustulæ, albæ, flavæ, lividæ aut nigræ; Quamvis om-  
nes postea nigredine inficiuntur. Non diu tales pustulæ manent, sed in cir-



cumferentiâ statim in durum tumorem mutantur, in cuius centro ulcus venit; quod si non contra eatur, partes vicinæ mirè corroduntur, & postea fœdam cicatricem relinquunt. Crustâ inducuntur, atque eâ ablata, caro spongiosa offenditur; adest porro calor, dolor, vigilia, febris &c.

Si principalibus accedat partibus, non sine periculo est: Anthraces magnæ & plures non sine discrimine sunt: crusta nigra, maligna; si cito evanescant, (vel ut vulgus loquitur introvocentur *birnen-staat*) *Заражение*.

Corrosivis progressus primo est prohibendus, deinde cavitas est mundanda atque consolidanda: si pestis adsit aut febris maligna sudandum & acidum obtundentia sunt usurpanda.

Ne itaque latius serpat, lacertosque in ambitum ac profunditatem ulterius moveat, nihil melius, quam *Butyro Antimonii* ambitus ungatur: aut *Emplastrum* cum *Magnete Arcenicali* imponatur: *Butyrum* hoc non tantum progressum inhibet, sed & corruptum separat: optima interim sudorifera continuò sunt assumenda quæ ex volatilibus constant, omnia enim alcalia acidum domant,

Ad separandam escharam, sequens emplastrum conducit.

*Cape* Fermenti acidi,  
Æruginis,  
Unguenti basilici, *ana unciam unam*.  
Mellis citrini,  
Butyri recentis, *ana uncias duas*.  
Saponis nigri, *uncias quatuor*.  
Terebinthinæ,  
Resinæ pinî, *ana uncias duas*.  
Crocî, *unciam semis*.  
Misce fiat Emplastrum. aut.

*Sume* Calcis vivæ,  
Cantharidum,  
Æruginis,  
Vitrioli Romani usti, *ana unciam unam*.  
Mellis,  
Saponis nigri, *ana quantum sufficit*.  
Misce fiat Emplastrum.

Si crusta separari nequeat, ad carnem usque sanam est exsecanda, & cavitas *lixivio* aut *muriâ*; aut *Unguento ægyptiaco* & *spiritu vini* est eluenda. Convenit quoque *Unguentum fuscum Felicis Wurtz*, ut & *Basilicum* & *Apostolorum*, *balsamum sulphuris* &c.



## CAPUT VIII.

## DE FURUNCULO SIVE DOTHIEN.

**FURUNCULUS**, Arabibus **DOTHIEN**, tumor est columbini ovi magnitudine, acuminatus, durus, dolorosus, calidus & colore sanguineus, in medio pustulam habens; finiuntur ut plurimum cum suppuratione, cujus materia glutinosa est, frustulatim & instar coaguli excidens. Furunculus quid.

Oriuntur in omnibus partibus mollibus; sæpe profundi, aliquando non. A peste etiam oriuntur, aliisque malignis ulceribus.

*Causa*, meâ opinione est chylus tardigradus & viscidus, crassas atque heterogeneas plurimas particulas continens; quod exinde apparere videtur, quia materia post suppurationem decedens glutinosa sit & tenax atque in frusta conglobata, coagulata; quæ conglobatio nihil aliud est quam caseus sive chylus in partes coagulatus: deinde quod tumores illi tardè ad suppurationem ducantur: nam si materia ex activioribus, tenuioribus ac volatilibus consistaret particulis, suppuratio citius ad maturitatem duceretur: atque tumor iste à Phlegmone tantum gradibus differt.

*Signa* ex definitione constant. Nullum habet periculum; facile sanantur, sed raro nisi suppuratione;

Ad sanguinem à particulis acrioribus liberandum, leniter purgandum; sed acidum temperantia summoperè profunt. Sequentia ad maturandum imponantur, ut *Emplastrum de Meliloto, de Mucilaginis, Diachylon cum gummi, Basilicon.* vel

*Accipe* Picis navalis,

Gummi ammoniaci,

Emplastri diachyli cum gummi, *ana partes æquales.*

Misce fiat Emplastrum.

Dolor si fuerit intolerabilis: cataplasma sequens applica, ut:

*Recipe* Ceparum sub cineribus coctarum,

Ficum pinguium, *ana uncias duas.*

Fuliginis è camino, *unciam semis.*

Vitellorum ovorum, *Numero quatuor.*

Cerevisiæ veteris, *quantum sufficit.*

Misce fiat Cataplasma.

Facto pure, mundandum, detergendum, & sanandum, ut pluries dictum.

Ut nos à furunculis præservemus, quotidie cum lacte sumitur nonnihil sulphuris, aut ei incoquitur uncia dimidia Albi græci, seu *stercoris canini albi.*



Mediocris sit *Victus ratio* : cibus & potus sit temperatus non acris aut succos accendens; corpus sit modicè quietum; caveatur ab irâ &c. cavendum ab acidis & falsis; cerevisiæ quotidie liquor salis tartari admisceatur.

## C A P U T. XII.

## DE PANARITIO SIVE PARONYCHIA.

Paronychia.

**P**ARONYCHIA sive PANARITIUM est inflammatio in digitorum extremitate, circa ungues, parva, ignea, & cum magno dolore.

Est infra, ad latera vel pone unguem, imo nonnunquam in medio digiti articulo : in principio differt à perfecta.

*Causa* videtur consistere in corrosivo quodam acido acri, rodente in tenuissimis arteriolarum extremitatibus, ibidemque subsistente, quod sensim sensimque acrius fit, hinc non tantum membranæ, sive periosteum corroduntur, sed & ipsum os; & quoniam tendines non raro quoque afficiuntur ut & nervi, hinc sæpè totum brachium intumescit, dolore afficitur, inflammatur. Cum itaque plurimæ fibræ corroduntur, facile Gangræna imo Sphacelus inducitur: porro si vascula quædam lymphatica rodendo aperiantur, lymphæ emanat, & vesicula nascitur, aquosa.

Quoad *causam remotam*, videmus ancillas nostras, rusticos, rusticasque magis hoc tumore affici, quam alii homines delicatuli: fortè quia rustici &c. continuo ab aquâ gelida, & aëre frigido manus habent præfrigidas: quas si nimis cito calefaciant, liquores contenti non æqualiter solvuntur, sed quidam circulo obediunt & sed alii ibi subsistunt, hinc illæ lachrymæ. Ideo melius est, manus lentè calefieri.

*Signa* sunt dolores intolerabiles circa ungues aut digitorum extremitates, ita ut æger noctu dieque somnum capere nequeat. Interdum vesicula flava, livida aut nigra apparet. Dolore sæpè totum brachium incenditur, imo usque ad axillas proserpit, quod ob tendinum ac membranarum tensionem evenit, circa cubitum terminantes, & ab hisce per alios ad axillas: præsertim hoc accidit propter periosteï communionem: accedunt Febricula, Lipothymia, Torpor, Fastidium, &c.

Quo humor fuerit acrior, eo symptomata majora; & quo diutius tumor iste procrastinetur, eo pejus, tunc non tantum istius articuli amputatio, sed & totius digiti, manus & brachii est expectanda, imo & ipsa mors; sed in principio facilius sanatur. Si tendines quidam fuerint læsi, membrum manet non raro mutilum.

Quamprimum Paronychia circa digitos animadvertitur, secundum longitudinem sectio fieri solet ad ipsum os usque, ubi nonnihil sanguinis reperitur, qui ibi colligitur ab acido liquore, partibus enim sanguine turgidis erosus, necessariò nonnihil sanguinis extravasari debet. Factâ sectione, vulnus sequenti lavamento lavandum:



*Recipe* Spiritus vini optimi, *uncias duas.*  
 Theriacæ veteris, *drachmas duas,*  
 Mellis chelidonæ, *unciam unam.*  
 Misce.

Hac mixturâ digitus lavandus, & turundæ applicantur, eodem liquore saturatæ, interim tota manus cataplasmate, aut emplastro quodam defensivo defenditur.

Ut quidam sectionem evitent, talpæ sanguinem imponunt, quod tamen parum æstimo. Alii digitum oleo sulphuris per campanam inungunt: aut in oleum fervidum digitum intrudunt, aut in aquam ferventem: vel auri felis per horam unam aut alteram imponunt, quod narrat *Riverius* alibi. Quidam vermes viventes applicant, quibus fervens calor evanescit: item ranæ, musculi &c. *Fungi arborei*, aut *Chinensium Moxa* usta, ilico sanat. Vel ex *assa fatida*, *allio*, & *ovi albumine* fit unguentum, quod mire sanat.

In principio absque sectione fieri potest, si articuli cutis callosa auferatur: & jubeatur, æger digitum denudatum aliquandiu fugat, & deinde Cataplasma emolliens imponatur; & sequenti die puri evacuando incisio levis fiat: quo evacuato, digitus ut in aliis ulceribus tractandus.

Si inflammatio altius radices egerit, curatio non est nimium acceleranda, sed sæpissimè pilula oblonga ex *chelidonia majoris melle* in duritiem cocta intrudatur, ad expectandum, num os decorticetur, nam squammulæ aliquando decidunt: tunc enim os plerumque corruptum est, vel si pars fuerit corrupta, excindenda est.

Ut porro sanetur, sequenti utere mixturâ.

*Recipe* Unguenti Apostolorum,  
*Basilici, ana unciam unam & semis.*  
 Mellis,  
 Terebinthinæ,  
 Myrrhæ,  
 Aloës,  
 Thuris, *ana drachmam semis.*  
 Misce.

## C A P U T X.

### DE ÆGYLOPE, ANCHYLOPE, AUT ABSCESSU OCULARI.

**Æ**GYLOPS est inflammatio glandulæ lachrymalis in interno oculi angulo. *Ægylops.*

ANCHYLOPS & ÆGYLOPS à nonnullis pro eodem accipitur affectu.



Anchy-  
lops &  
Ægylops  
quid.

Sed *Anchylops* est inflammatio inter canthum majorem oculi & nasum, necdum aperturam habens. Ast *Ægylops* est inflammatio parva inter nasum & oculi angulum, quæ si tempore non aperiat, subjectum os sæpe corrumpitur; *Ægylops* est quoque fistula ex eadem inflammatione orta.

*Causa* eadem est ac in præcedentibus inflammationibus diximus; nempe ex lymphâ acri & falso, quæ pro variâ tumorum constitutione variis stipatur particulis. Sæpe ibidem oriuntur Melicerides aut Atheromata, quæ ex materiâ caseosâ fit, quâ glandulæ infarciuntur, & tunc propriè *Anchylops* dicitur.

In Fistulam sæpe lachrymalem degenerat, alias nulla difficultas est expectanda.

In principio apertura est facienda, cum paxillo ruptorii, eschara cum deciderit sumuntur duæ *precipitati rubri* partes, & unam *aluminis usti*, & *unguento aureo* admiscentur: mixtum illud singulis diebus applicatur, donec de novo eschara excitetur; hac iterum separata, nudum apparet os: si illud fuerit illæsum, carne implenda cavitas, & deligatio bis quotidie fiat; ast si carne sit infertum, os cauterio candido inurendum. Sed si materia Meliceridis aut Steatomatis in modum membranula concluditur, tunc curatio instituenda ut in superioribus dictum. De *Fistula lachrymali* postea dicemus.

Quamvis hic non ago de corneæ Hypopyo, casum tamen adjungam. Casus Epistolaris contractus, Groningâ missus.

Utriusque  
corneæ  
ulcus, cum  
sinistræ  
Phlyctæna.

*Filius meus agens annum, decimum nonum à teneris sæpissimè in Ophthalmiam incidit, nunc vero utriusque corneæ tunicae ulcus adest, cum vesicula seu pustula in sinistra, idque sine dolore, adest visus hebetudo sen- ἀμβλυσις.*

Hæc fiebant omnia ἀναλγως sine dolore, quia, ex præcedentibus inflammationibus quædam corneæ tunicae fibrillæ fuerunt ruptæ, contortæ vel dilatatae, hinc succi perfluentis mora & in pus mutatio seu coagulatio. Phlyctæna excitata est, ob fibrillas corneæ magis exteriores, cujus membranula exterior ob teneritudinem (ut cuticula à cute) & humoris collectionem facile extuberet, vesiculamque constituat. Oculi nigrum seu corneæ pellucidum non planè occupatum esse, liquet, quod radii solares adhuc aliquo modo intrent, objectaque, licet debiliter repræsentent.

Curatio hic non erat procrastinanda, sed quam primum acceleranda. Exhibitis quotidie acidum temperantibus, ut & laxantibus, jussi ut cornea, acutissimo & ancipiti cultello, incideretur, pusque educeretur, deinde phlyctæna acu aperiretur, hisce cum successu peractis, oculi cum albumine ovi, alumine & camphora deligati quotidie fuerunt, atque sic, remanente visu, restitutus.



## CAPUT XI.

## DE RANULA SIVE BATRACHO.

**R**ANULA sive BATRACHOS tumor est infra linguam, interdum Ranula.  
cum inflammatione aut cum materiâ calculosâ, viscida materia, aut  
melli similis.

Tumor sic est maturandus, & si hoc non succedat, aperiendus: si adsit  
mellis aut casei materia, cum membranulâ continente est eximenda; si  
pus, evacuandum; si calculus, forcipula eximendus, & cavitas *melle ro-*  
*saceo* & *unguento ægyptiaco* est detergenda: tunc per se carne implebitur, non  
raro hic tumor redit, & tunc lapis infernalis, (qui summè causticus) est  
admovendus, vel cauterium actuale, quod omnium optimum, & tu-  
tissimum.

## CAPUT XII.

## DE CRITHE SIVE HORDEOLO AUT GRANDINE.

**H**ORDEOLUM denominationem habet ob hordei similitudinem, nam Hordeo-  
tuberculum istud parvum est, & oblongum, fixum & immobile, ad lum.  
tarsum plerumque palpebræ.

Tumores isti per se in pus mutantur, quandoquidem quidam illud re-  
nuunt. *Causæ* sunt aliquando, quod palpebrarum pili decidant, & *Mada-* Madarosis.  
*rosis* appellatur: aut introrsum curvantur, & tunc oculus semper pungitur  
& lachrymas fundit, aut ex ulcusculis pediculi producuntur, & tunc  
**PHTHIRIASIS** appellatur, imo & vermiculi. Phthiria-  
sis.

Oculo sequens imponatur cataplasma, ut:

*Recipe* Panis albi, *unciam unam.*

Vitellorum ovi, *numero duo.*

Croci, *scrupulum semis.*

Lactis vaccini, *quantum sufficit.*

Misce fiat cataplasma.

Ast si per se suppuretur, ut sæpe fit, melius est nihil applicare; & tunc  
ejus cuspis acu aperitur, ut pus exeat, deinde à cane vel alio quovis lin-  
gitur, atque sic sanatur.

Si ob acrem falsedinem tarsi cartilago corrosa sit, scalpello corruptum  
abradendum, imponendo ovi albumen cum nonnihil mellis rosacei.



## DE PALPEBRARUM INFLAMMATIONE.

**P**ALPEBRARUM INFLAMMATIO est intumescencia cum rubore, calore & palpebrarum clausura.

Inflammatio est profligenda, imponendo sequens cataplasma.

*Recipe* Panis albi, *unciam unam & semis.*

Vitelli ovorum, *numero tria.*

Cherrefolii, *manipulum unum.*

Croci, *scrupulum semis.*

Lactis vaccini. *quantum sufficit.*

Misce fiat cataplasma.

Illud intra duo linteamenta tenuia oculo imponitur. Si suppuratio imminet, acu aperitur, ut puri exitus paretur, & ulcusculum mundificetur; à canicula lingi potest, quod diachylo cum gummi consolidatur.

## XIV. C A P U T.

## DE BUBONE, PHYMATE, PHYGETHLO, PANO, ET PAROTIDIBUS.

Bubo.

Panus.

Parotis,

**B**UBO, PHYMA & PHYGETHLO, significant tumorem in inguinibus glandulosum, qui absque malignitate venit, vel cum peste, aut ab exercitio Venereo præpostero. PANUS est *Bubo axillaris*. Sic PAROTIS est in glandulis pone aures, estque *Bubo auricularis*: omnia illa nomina sunt synonymina & ejusdem significationis, sed loco solummodo differunt.

*Bubo*, sive quâ de causâ oriatur, aut quo loco sese prodeat, glandularis est tumor, non in conglomeratis sed conglobatis glandulis in inguinibus, sub axillis aut pone aures.

Sed rogatur cur conglobatæ glandulæ magis afficiuntur quam conglomeratæ? respondetur, si ambæ illarum species conferantur, invenies conglobatas esse mollioris ac tenerioris texturæ. Earum enim substantia est fibrosa & muscosa è contra conglomeratæ constant ex vasculis tenellis, & per consequens duriores ac firniores, plures habentes fibras, quibus materiam sequestratam foras vehunt. Sed præter hoc nonnulli succi aptiores sunt ad coagulandum & glandulas obstruendum, ex quibus incalescentiæ, durities, & quia materia est chylosa, facile suppuratur, hinc à Phlegmone parum tantum differunt. Tardè ad suppurationem ducuntur, quia eorum acido adhuc nonnihil viscidum accedit.

Phymata.

In Peste tardissimè suppurantur, fortè ob nimiam visciditatem; si sint absque



que malignitate, facile pus evomunt, & PHYMATA dicuntur; sed si Erysipelatodes fuerit, PHYGETHION appellatur. Si tumor citò evanescat, malum, nam si non expellatur materia maligna in sanguine manet, atque una cum lymphâ cæterisque succis in totum corpus pellitur. Cum peste periculo non vacat: Quia lymphâ continuo emanat, & non raro Fistula remanet.

Si non adsit pestis, pro re natâ purgatio blanda est instituenda. Si tumor nullam habeat malignitatem, imponantur Emollientia, quæ simul Anodyna sunt, ut

*Recipe* Emplastri de mucagine, *uncias duas.*

Vitelli ovorum, *numero quatuor.*

Butyri recentis, *unciam unam.*

Misce. vel.

*Recipe* Foliorum althææ, *manipulum unum.*

Florum meliloti, *manipulum unum & semis.*

Farinæ lini, *uncias quatuor.*

Butyri recentis, *unciam unam.*

Lactis Vaccini, *quantum sufficit.*

Misce fiat cataplasma.

Sed antequam aperitur, columba, gallina aut rana per medium est dissecanda & buboni applicanda, quibus calor inflammans, omnisque malignitas extrahitur: aut sequens emplastrum imponitur, ut:

*Recipe* Emplastri de Mucagine,

Diachyli cum gummi, *ana uncias quatuor.*

Resinæ pini, *uncias sex.*

Unguenti Basilici, *uncias quatuor.*

Seminis sinapi, *uncias duas.*

Misce fiat Emplastrum.

At si malignitas quædam adsit, tam diu expectandum, & sequentia multò fortiora applicantur, quibus vesica excitatur, ut:

*Recipe* Fermenti acidi, *unciam unam.*

Cantharidum, *drachmas duas.*

Saponis vulgaris, *unciam duas.*

Aceti vini, *quantum sufficit.*

Misce fiat Vesicatorium.

Post septem aut octo horas vesica aperitur, & Emplastrum Magneticum imponitur; vel etiam ruptoria in usum vocantur: Escharâ separatâ, cavi-



tas diu aperta fervatur, & *Unguento* quodam *suppurativo*, ut *Basilico*, *Aureo*, *Apostolorum* &c. mundificatur, vel

*Recipe* Balsami Sulphuris, *uncias duas*.

Fuliginis Camini, *unciam unam & semis*.

Terebinthinæ Venetæ, *uncias duas*.

Gummi Ammoniaci, *unciam unam*.

Misce.

Vel, si Bubones fuerint pervicaces, scarificatione aperiuntur, & cucurbitulæ imponuntur. Bubonis quoque circumferentia, ne malum latius proserpat butyro Antimonii inungitur. Quoad Bubonem Venereum, deco agemus; cum de Lue Venereâ sim acturus.

## XV. CAPUT.

### DE HERPETE MILIARI ET EXEDENTE.

*Herpes.* **H**ERPES duplex dicitur, nempe MILIARIS seu κερχείας ἑρπης, nobis *Hair-worm*; vel exedens seu ἐξιόνων ἑρπης sive rodens, Belgis *Dauw-worm* & *Wolf*. Hisce adjungitur tertia species, *Herpes siccus*, sive *Drooge Hair-worm*, dicta; atque is cutim solummodo siccis fursuribus tegit: proximè accedunt Scabiei & Achoribus aut Tineæ capitis: Indis *Courap* est.

*Courap*,  
*Indorum.*

*Signa*, ut plurimum, sunt pustulæ magnitudine milii in quovis cutis loco apparentes, quibus accedit calor, pruritus & deinde unguibus scalprura, ulscula humida, quæ postea crusta obducantur.

*Herpes exedens*, est scabies quædam cutis, primo cum pustulis miliari-  
bus adveniens, cutimque indiscriminatim occupans; accedit & calor incallescens, unde continuus pruritus; postque pustulas si scalpseris, cuticula exuuntur, ex quibus humor emanat, qui tandem in crustam exsiccatur.

*Causa* quædam est obstructio in cutis glandulis, quibus hinc & inde  
Unde pu-  
stula mili-  
ares  
intumescantibus ac inflammantibus miliari figurâ in cute erumpunt pustulæ. Obstructio illa iterum dependet ab acido quodam viscido, à scabie gradibus solummodo differente; nam humorum incrassatio hic est, ut in priori ad proportionem variorum canaliculorum accommodata. Quando itaque viscidum illud ab humoribus à tergo adventantibus ulterius propellitur, succi illi moram ibi trahere coguntur, atque glandulosi illi acini tunc elevantur ac intumescunt, & milii seminis magnitudinem nobis exhibent.

*Pruritus.*

Et quoniam obstruens ille humor non perpetuò in eodem statu manet, & semper ab influxu subtilis materiæ movetur, oritur *Pruritus*, & quia is non facile fertur, hinc ad scalpendum, tanquam ad medelam confugitur, atque



atque sic diu scalpendo tandem cuticula abraditur & vascula aperta continuo humidum quid, roris instar, exstillant, ideo nobis *Dauw-worm* seu *Herpes Roscidus*: porro quoniam humor iste emanans, ob acrimoniam suam cutis etiam vicinas partes afficit, dicitur *Herpes exedens*, quia vermis in modum rodit & ulterius serpit, atque sic pustulæ, quæ primo erant solitariae, nunc in unum conveniunt, quibus cutis non parum defœdatur, præsertim, si ob colorem, quidquid aquosum in auras evaporaverit, & crassioribus particulis *crusta* enascatur.

Si Humores illi non fiant acriores, affectus iste in eodem statu manet; ast si acrimonia augeatur, non tantum corrodendo malum proserpit, sed & subjectæ partes eroduntur, ita profunda ulcera relinquuntur, & nobis *Etende Dauw-worm* vocatur.

*Causa* illius acidi & viscidæ, ex quibus dico Herpetem oriri, infantes vel ex se habent, vel ex matribus ipsis. Matres inter gestandum summo opere delectantur non raro acidis, aceto, limoniis, citriis, aurantiis &c. quod & inter lactandum quoque faciunt, tunc infantium corpora ab ejusmodi succis & viscidis infarciuntur, & hinc, præsertim diaphoresi debitâ denegatâ, illæ lachrymæ. Et matres putant insuper se bene facere si inter gestandum vena, ad evitandum quasi ejusmodi malum, aperiatur: ast melius vident, qui oculos habent.

Ipsi quoque pueri paulo adultiores facti in causâ sunt, quando fructibus horariis aliisque acidis immaturis & venenosis impensius sunt dediti, tunc incurrunt Herpetis species, quibus cutis glandulæ earumque vascula lymphatica obstruuntur.

Tardè sanatur, ast corpora manent, ut vulgo fertur, sana, quia multum humoris acris, alias in sanguine remanentis, quotidie emanat. Melius externis quam internis remediis curatur, quia malum tantum residet in cutis obstructione. Particulæ emanantes intro non sunt vocandæ, nam tunc magni sæpe oriuntur morbi, quia materia peccans tunc in sanguine manet.

Quoad interna, eligerem attenuantia, diuretica & sudorifera: & inter ea præsertim convenit sulphur tustum quotidie assumptum, sive cum lacte aut aliis cibis: neque balnea sulphurea sunt spernenda. Conveniunt quoque decocta ex *radicibus chinæ*, *salsæ parillæ*, *ligno sassafras* & *ligno guajaco* &c. Externè convenit litus ex salivâ jejunâ, lictus caninus. Item *Aqua Mercurialis Fallopii* & *Oleum Fuliginis*. Internè & externè *liquor salis tartari* convenit. Lixivium ex cineribus foliorum tabaci valet ad lavandum, ut & pulvis pyrius &c. sequentes formulæ huic malo medela esse possunt, ut.

*Recipe* Unguenti Rosacei, *uncias duas.*

Præcipitati rubri, *scrupulos duos.*

Misce. vel



*Recipe* Aceti vini, *uncias duas & semis.*  
Minii, *uncias duas.*

Infunde per aliquot dies, deinde cola, adde tunc aquæ communis *uncias duas*, salis communis, *drachmas tres.* Misce fiat instar unguenti.  
vel

*Recipe* Unguenti Rosarum, *unciam unam.*  
Coloris Parisiensis (vulgo *kogel-lak*)  
Mercurii præcipitati albi, *ana drachmam semis.*  
Salis Saturni, *scrupulos duos.*  
Antimonii Diaphoretici, *drachmam unam.*  
Misce fiat Unguentum. vel

*Recipe* Sulphuris triti, *unciam unam & semis.*  
Nitri,  
Salis Saturni, *ana drachmas duas.*  
Lapidis Scissilis (vulgo *Blauwe Leijen*) *drachmas tres.*  
Olei raparum veteris, *quantum sufficit.*  
Misce fiat Linimentum. vel

*Recipe* Sevi ovilli, *uncias duas.*  
Fellis bovini, *uncias tres.*  
Coquantur ad consumptionem humiditatis.  
Misce fiat unguentum. vel

*Recipe* Cretæ albæ, *unciam semis.*  
Butyri Veteris, *unciam unam.*  
Misce. vel

*Sume* Aquæ chalybeatæ fabrorum, *uncias quatuor.*  
Cerussæ,  
Lithargyri auri, *ana unciam semis.*  
Misce fiat fomentum.

Quidam ex farinâ secalicâ & butyro cataplasma imponunt; aut ex stercore anserino, aut ex secalicâ farinâ, aceto, vitriolo, bolo rubro pultem componunt, quam viginti quatuor horas imponunt, deinde sequentem applicant ex eadem farina, apio, Myrrha & lacte ebutyrato recenti.  
vel.

*Recipe* Fuliginis Camini, *uncias tres.*  
Aluminis,  
Vitrioli albi, *ana unciam unam.*  
Butyri,  
Sulphuris,



Axungię porci, *ana uncias quatuor.*  
Baccę Lauri,  
Aristolochię fabacę, *ana unciam unam.*  
Spiritus vini, *uncias duas.*

Misce fiat unguentum. vel

*Recipe* Fuliginis Camini,  
Terebinthinę,  
Thuris, *ana drachmas tres.*  
Scorię Veneris, *drachmam unam.*  
Lithargyrii, *unciam unam.*  
Aluminis, *drachmas duas.*

Misce. vel

*Sume* Unguenti Rosacei, *uncias tres.*  
Enulati cū Mercurio: *unciam semis.*  
Pręcipitati albi, *drachmas tres.*

Misce. vel

*Accipe* Cretę albę, *unciam semis.*  
Lactis vaccini, *uncias duas.*

Misce. vel

*Cape* Ferruginis, *unciam unam.*  
Sulphuris, *drachmas duas.*  
Succi Brassicarum Rubrarum, *quantum sufficit.*

Massę exiccataę adde aceti vini, *quantum sufficit* &  
Fiat unguentum. vel

*Recipe* Opii, *drachmam semis.*  
Calcis vulgaris, *scrupulos duos.*  
Succi Pomorum amoris, *quantum sufficit.*

Misce. vel

*Accipe* Tutię preparatę,  
Cerussę, *ana unciam semis.*  
Succi limonum, *quantum sufficit.*  
Misce fiat unguentum.

Totum in hoc consistit, ut glandulę cutis deobstruantur, & succi emanantes ne aceſcant aut acrimoniam contrahant, pręserventur.



## DE PRURITU , SCABIE , SIVE PSORA.

Scabies

QUAMVIS SCABIES , nobis *krawagie* vel *schurft* tam junioribus quam adultis familiaris sit , tamen juniores maximè eâ laborant : ut plurimum occupat digitorum tam manus quam pedum articulos , primo in formâ pustularum rubrarum , quæ continuo scalpendo atque fricando , à cuticula denudantur , unde ulcuscula parva humorem emanantia , quæ tandem crustâ incrustantur , foedumque aspectum relinquunt . Maximè & præsertim vesperi , pruriunt .

*Pruritus* , *Prurigo* & *scalpurigo* sunt synonyma , uti & *scabies* & *psora* .

Gradibus differunt , nam scabies est *Humida* vel *Sicca* . Sicca constat tantum ex pustulis per cutim sparsis absque pruritu aut ulcusculis : ast altera venit cum furfurea inæqualitate , aut cum apertionibus . Interdum pustulæ magnæ sunt , aliquando parvæ ; sparsæ , aut in unum concurrentes .

Primo manibus adveniunt , deinde pedibus , sed postea cæteris membris , atque cutim exasperant , denudantque . Primo apparent parvæ , duræ , prurientes ac rubentes , quæ tunc fuffuribus obducuntur , sed tandem cum ulcusculis parvis erumpunt . Qui hoc malo afficiuntur à scalpendo se continere nequeunt , præsertim circa vesperam , nam aër frigidior harum particularum effluxum inhibet ; quibus in cute remanentibus , pruritus major fit .

Harum pustularum *causa* nihil aliud videtur , quam obstructio ex incrassatis & tenacibus in cute humoribus , quæ nullam aliam agnoscit originem , quam acidum subtile , ita proportionatum , ut canaliculos cutis circa manuum ac pedum articulationes , humores tardè percurrere faciat ; nam quemadmodum totius nostri corporis canaliculi innumeris modis variantur , ita etiam multifariam obstruuntur , prout , dico , acidum diversimodam incrassandis succis , habeat proportionem : *Scabies* itaque , ut me breviter exponam , ut cæteri morbi , obstructio est . Sunt , & non sine ratione , qui causam in vermiculis ponunt , qui mercurio enectantur . Sed quare Extremitates hoc malo afficiuntur , rogabitur ? Quia in extremitatibus sanguinis circulus multò tardior est , quod lenti humores ex succis ibi facilius , quam alibi , subsistunt : Manus enim & pedes magis frigori exponuntur , quam carnosiores partes .

Autumno potissimum advenit postquam juvenus sese æstate fructibus horariis largiter fuerit satiata , præsertim si crudis & necdum maturis vescantur ; unde succi nostri , adhuc visciditatibus pleni , necessariò incrassari coguntur ; & quoniam æstate succi in optimo adhuc servabantur motu & cursu ac decedente , aëreque frigidior appropinquante , succi illi non tam valide moventur ac agitantur , ideo , in modum carnis juris inspissantur , quod tamdiu fluidum manet , quam calidum est ; ast postquam refriguit , statim coagulatur : ita quoque res in nostro corpore habet , nam appropinquante Autumno fri-



frigore, etiam in cute succi evaporandi atque ulterius circulandi increascentur.

**PRURITUS** progignitur, quamprimum illi succi incalescunt, quâ de causa acidum & alcali inter se magnoperè moventur, ita tamen ut partes solidæ illæfæ maneant & plane non dissecantur, rodantur, sed titillationem tantum adferant, hoc est, particulæ illæ blandè in nervosarum fibrarum latera impelluntur, unde non quidem dolor, sed blandiorem & gratiorem inducit, qui *Pruritus* dicitur.

Sed cur *pruritus maxime vespere molestat*, in lecto, vel quando incalescant? hoc fit, quia à calore in canaliculis obstructis major incalescentia, quam antea oritur, cum corpus erat frigidioris constitutionis. Hoc si verum, certum est uti statim innuimus, alcali & acidum, cum consent ex particulis rigidis in fibras nervosas & membranosas plus adigi quam prius. Atque incalescentia illa oritur, quam primum se lecto componunt, stragulisque operiunt: nam particulæ, quæ ex nostra cute decedunt, liberum aërem intrare nequeunt, ideoque intra stragula & nostrum corpus manent, atque calorem intensiorem producant.

Difficile sæpe curatur, præsertim inveterata. Humida citius quoque sanatur, quam sicca, quia materiæ pruritem producenti major conceditur exitus. Facile per contagium in alios transit.

*Curatio* itaque in hoc solum consistit. ut superfluum acidum ac viscidum ex succis removeatur, & tunc inserviunt salia volatilia oleosa aliæque salia volatilia, ut & alcalia fixa: decocta ex guajaco, falsâ parillâ, chinâ. Porus Theæ aut coffeæ, alcalia sudorem moventia, & sic porro: ut

*Recipe* Radicum Lapathi acuti.

Rhabarbari monachorum, ana uncias duas.

Oxalidis, uncias duas.

Enulæ campanæ, unciam unam & semis.

Foliorum Fumarie, manipulos quatuor.

Cardui enediæ

Centaurii minoris; ana manipulum unum.

Sulphuristriti, uncias duas.

Coquantur ad uncias quadraginta, colaturæ infunde

Foliorum Ienæ, uncias duas.

Baccarum lauri, unciam unam & semis.

Fiat Apozema.

Hoc medicamento purgante, non parum aciditatis corpore educitur. Sulphur tritum quotidie sumptum magnarum est virium.

Externa etiam sunt alcalia, præsertim, quæ motum aliquem adferunt, & inter ea *Mercurialia* principem locum tenent, nam ea talem habent figuram, quâ facile cutis poros permeare possint, atque sese acido saturare: atque hæc sunt ex Mercurio præcipitato albo pinguedini admixto: interea quasdam formulas recenseam, quas novi esse optimas, ut:

*Re-*



*Recipe* Aceti Vini, *uncias viginti.*  
Olei raparum, *uncias decem.*

Coquantur ad acetii consumptionem, adde

Florum Sulphuris, *uncias quatuor.*  
Pulveris Piperis, *uncias duas.*

Misce. vel

*Sume* Foliorum Tabaci, *libram unam.*  
Vini Gallici, *uncias quadraginta.*  
Fiat Tinctura.

Quidam sumunt pulverem pyrium ex sulphure nitro & carbonibus constantem, qui pinguedini aut spiritui vini admiscetur, & exinde fit litus parti læsæ inungendæ utilis, vel:

*Recipe* Sulphuris Triti, *uncias duas.*  
Nitri, *unciam unam.*  
Aceti, *uncias sex.*  
Misce. vel

*Accipe* Sulphuris *uncias duas.*  
Hellebori albi, *unciam unam.*  
Mercurii sublimati, *scrupulum semis.*  
Butyri veteris, *uncias quatuor.*  
Misce. vel

*Recipe* Nucum Juglandium rancidarum,  
Sulphuris, *ana unciam unam.*  
Succi apii, *quantum sufficit.*  
Fiat unguentum. vel

*Recipe* Hellebori utriusque, *drachmam unam.*  
Lithargyrii auri *drachmas duas.*  
Olei nucum, *uncias duas.*  
Farinæ Lupinorum, *drachmas sex.*  
Misce fiat linimentum. vel

*Recipe* Unguenti Enulati cum Mercurio, *uncias duas.*  
Sulphuris triti, *unciam semis.*  
Nitri, *drachmas duas.*  
Olei nucum, *quantum sufficit.*  
Misce. vel

*Recipe*



*Recipe* Florum sulphuris, *drachmas tres.*  
 Butyri non saliti, *uncias tres.*  
 Zingiberis, *drachmam unam.*  
 Mercurii præcipitati albi, *drachmam semis.*  
 Misce. vel

*Recipe* Unguenti Rosacei, *uncias duas.*  
 Sulphuris Triti, *drachmas duas.*  
 Olei Tartari per deliquium, *quantum sufficit.*  
 Ligni Rhodii, *guttas viginti.*  
 Misce fiat Unguentum. vel

*Sume* Unguenti Albi Caphorati, *uncias duas.*  
 Sulphuris Triti, *drachmas duas.*  
 Saponis Veneti, *drachmam unam & semis.*  
 Lithargyrii, *drachmas duas.*  
 Nitri, *drachmam unam.*  
 Mercurii, *drachmas duas.*  
 Calcis Vivæ, *drachmas tres.*  
 Misce. vel

*Accipe* Axungię porcine, *uncias quatuor.*  
 Olei Laurini,  
 Hellebori, *anâ unciam unam.*  
 Mercurii Crudi, *unciam semis.*  
 Misce.

Porro scabies muriâ, lixivio aut urinâ est lavanda. Hinc quoque pertinent *Aqua Mercurialis Fallopii*, ac *Balnea sulphurea*. Sumatur quotidie bis sulphur tritum cum vel sine lacte ex unguentis mercurialibus etiam cingula gestentur. Indusium coquitur in aqua, cui sulphur est incoctum, & supra ignem siccatur cui fuit sulphur injectum, quod ita calidè indui debet. Cum Mercurialia adhibentur, de iis abstinendum si quid difficultatis aut foetoris, antea non apparentis, in ore persentitur, alias enim salivationem incurrerent.

Erat Nicopii fabri quindecim annorum Juvenis *scabiē ferâ* à capite ad calcem laborans, cum crustis aspectu horrendis, non fere sine intolerabilifera curapritu, & continuâ flavi, acris, & non parum foetentis humoris emanatione. Hæc plaga à teneris unguiculis ( cum erat sexdecim hebdomadarum ) se primâ vice manifestavit: eo propter à variis Chirurgis sanatus nonnunquam, sed ut plurimum cum morbi alicujus sequelâ. Postea Chirurgus non in fine praxeos vocatus, eum primo ab usu fructuum horariorum, lardi &c. prohibuit: deinde jussit ei dare dosin Theriacæ ut sudaret,



daret, unde & spes curationis apprimè accidebat, vespèrâ insequentî repetebat additione scrupuli semis Mercurii dulcis, idque sex insequentibus vespèris repetitum : deinde post bidui intermissionem laxans cum totidem Mercurii dulcis granis assumpsit. Potui quotidiano interim liquorem salis fixi admiscuit : deinde usus fuit remedio externò quod describit *Bartholinus Cent. 6. Hist. 73.* constans ex cineribus detritorum calcëorum & oleo rosaceo, & patiens planè convaluit.

## XVI. CAPUT.

## DE IMPETIGINE SIVE LEPRO GRÆCORUM.

Impetigo. **I**MPE TIGO, Græcis LE PRA, Arabibus ALBARAS NIGRA, quibusdam LICHEN aut VITILIGO. *Lepræ* nomen venit à squamis à cute decedentibus, ac si diceres *Scabies squamosa*, λεπίδες enim squamas significat. Huc accedunt alia nomina, ut *Leuca*, *Albus*, *Morphea* &c, verum quoniam omnes ejusdem affectus esse videntur, & pro variâ regione & victus ratione variare, atque veteres in hisce nominibus multum errasse, rectè ex eorum mente describi nequit, ideoque magis consultum duxi, eam solummodo, leprosam scabiem, quæ in nostris regionibus aliquando grassatur, delineare.

Lepra itaque est species scabiei, qua cutis summe exasperata, ac squamis crustisque defœdatur.

Apparent primo pustulæ rubræ, solitariae, vel plures in unum currentes, in variis corporis partibus venientes, præsertim circa brachia & crura : accrescente hac scabie, plures adjunguntur pustulæ, quæ uvarum in modum invicem accumulatur, & quotidie à suo principio ulterius in latitudinem & circumferentiam proserpunt, quarum superficies aspera est & inæqualis, imo aliquantulum alba cum squamulis, quibus scalpendo abrasis atque humore emanante, crusta teguntur. Scabies illæ sensim sese latius expandunt, primo instar oboli sunt, deinde solidi aut Taleri argentei circumferentiam &c. occupant, ac postea in unum coalescunt.

Alia species malignior, alia benignior : quædam proximè scabiei accedunt, quædam ab eâ longè discrepant ; interdum integrum membrum occupant, interdum quasdam areas. Sunt quæ hyeme adveniunt, & vere appropinquante abeunt ; è contra aliæ æstate prorumpunt, & adventante hyeme abeunt. In Scabie omnes sunt, aut in leprâ densè in unum & conglobatim coeunt, & quasi per racemos magnis intervallis sejunctos erumpunt. Scabies per contagium facillimè propagatur, aut lepra non item ; nam à viro in uxorem & vice versa si noctu assiduè decumbant contagium non proserpit. *Lepræ ἐξάνθησις* multo scabie immanior atque horrenda, nempe crustacea & squamosa, ubique continua & per universum corpus dispersa.

*Causa* videtur consistere in glandulis cutaneis, quarum succi materiam ex acido fassam, instar tartari vini continere videntur ; quæ cum circulationi inepta



inepta evasit, ibi hæret, unde primo quædam excitantur pustulæ; quando porro ibi major copia colligitur, vascula, sacculi ac glandulosi acini proximè adjacentes eadem infarciuntur, atque hoc modo pustularum conglomeratio apparet, quibus scalpendo, fricando, &c. denudatis, humor exstillat, qui in squamulas & crustas exiccatur.

Huic producendæ multum diætæ perversa contribuit (& ut quidam opinantur) continuus suillæ carnis esus, item scorbutus & procul omni dubio, venerea lues. Porro ab omnibus falsamentis, salgamentisve, ut carne, piscibus, cæterisque falsuris ac randicis, pinguibus, &c. etiam non raro originem sumit.

Affectus non est Lethifer: ast si inveteratus sit, altasque egerit radices, curatu difficilis, imo desperatus aliquando. In principio facilius curatur quam inveteratus: parva remedia parum efficiunt, præsertim si totum corpus sit lepra obductum. Si omne remedium respiciat, melius est nihil agere, quam æthiopem frustra lavare.

Internis materia accrescens est detrahenda, alias externa incassum adhibentur. Deletâ itaque ex succis materiâ, malum externum per se evanescet: *causæ*, ex quibus sit producta, respiciendæ sunt, sive ex nimia falsedine, scorbuto, aut lue venereâ veniat.

Primo optima est observanda *diætæ*, seseque ab acidis & præsertim falsis cavendum, & ante omnia à carnibus porcinis grandinosis, aliisque carnibus ægrotis; cerevisia sit bene fermentata non acida: Potus Theæ & Coffeæ, quia diureticus est, cutimque ob calorem aperiens summè prodest. Sequens quoque bibatur decoctio, quâ sudor continuo provocatur non tantum, sed & alvum reddit laxam. ut

*Recipe* Radicum oxalidis.

Polypodii

Lapathi acuti, *ana uncias duas.*

Ligni Guajaci, *uncias quatuor.*

Corticum ejusdem, *unciam unam & semis.*

Spicæ celticæ, *drachmas duas.*

Foliorum fennæ,

Sulphuris, *ana uncias duas.*

Mechoacannæ, *unciam unam.*

Coquantur ex aquâ ad uncias quadraginta, colatura detur usui.

*Dosis* ad uncias duas vel tres.

Decocta ex chinâ & falsâ parillâ etiam sunt usurpanda. Sulphuris quotidianus usus magnarum esse virium in hoc affectu novi. Si illa remedia non curant ad salivationem est deveniendum, eo modo ut in Lue venerea fieri solet, atque tunc certa affulget spes, nisi altius radices emiseric.

Si ex scorbuto aut Lue Venereâ veniat, curatio ad eorum normam est instituenda. Balnea sulphurea, ferrea, nitrosa, &c. conveniunt; imo & e-



jusmodi aquarum potus sæpe juvat : vel eorum loco remedia ex nitro parantur, ut

*Recipe* Nitri purificati, *unciam unam.*

Florum salis armoniaci, *drachmam unam.*

Misce fiat pulvis.

*Dosis* drachmæ unius, ter intra viginti quatuor horas fumenda.

In cerevisiâ *Antimonium crudum* & pulverisatum cum *stanni scobe* infundatur. Salia omnia volatilia, præsertim ex viperis summoperè conducunt : ut & spolia seu exuvie quas viperæ singulis annis deponunt. Sed omnia volatilia ope ignis producta, nihil auxilii adferunt, ideoque illa, quæ simpliciter ex animalibus veniunt, optima. Sublimatum sale tartari præcipitatum hic quoque magnarum virium esse dico.

Præter interna etiam externa non sunt negligenda, quamvis eorum usu solo nihil efficitur : sequentia possunt adhiberi :

*Recipe* Picis liquidæ, *libras duas.*

Fiat massa cum cineribus albis crassiuscula, coque ex sufficiente quantitate aquæ, cui adde

*Foliorum* Marrubii albi,

Hederæ terrestris,

Fumariæ,

*Radicum* Lapathi acuti,

Enulæ campanæ, *ana manipulos quatuor.*

M. Fiat Balneum.

Qui odorem picis liquidæ ferre nequeunt, illam omittant : aut si balnea ex mineralibus haberi queunt, ut supra dictum, melius est. Quando affectus iste primo incipit, optimum est linimentum ex salivâ jejunâ, aut linctus caninus : ut & liquor, qui ex accensis lignis exstillat. vel

*Recipe* Liquoris salis tartari,

Olei nucum, aut

Amygdalarum amararum, *ana partes æquales.*

Misce fiat linimentum. vel

*Recipe* Unguenti rosacei, *libram unam.*

Picis liquidæ, *uncias duas & semis.*

Misce.

Aut carnem fume vervecinam frustulis radicum lapathi transfixam; torreatur veru, atque ab omni parte pice liquidâ ungatur, & quidquid inter-  
torren-



torrendum destillat collige, & affectum eo inunge. Alii totum corpus sanguine leporino inungunt. vel

*Recipe* Olei Juniperini,  
Nucum,  
Liquoris salis tartari, *ana uncias duas.*  
Vitrioli cærulei,  
Salis communis,  
Sulphuris triti; *ana uncias tres.*  
Lithargyrii auri, *uncias quatuor.*  
Ceræ, *quantum sufficit.*  
Misce fiat Unguentum. vel

*Recipe* Unguenti rosacei,  
Liquoris salis tartari, *ana uncias duas.*  
Balsami peruviani,  
Florum sulphuris, *ana drachmas duas.*  
Olei ligni Rhodii, *drachmam unam.*  
Misce fiat unguentum.  
Potentiora fiunt ex Mercurio : ut

*Recipe* Unguenti rosacei, *uncias tres.*  
Præcipitati albi, *drachmas tres.*  
Misce.

Mercurialia sunt prudenter tractanda, nam si ex sanguine deveniant ad fauces & glandulas salivares, sæpe suffocationis periculum immineret.

## C A P U T XVIII.

## DE ACHORE, FAVO, PORRIGINE &amp; TINEA.

**A**CHOR, FAVUS, PORRIGO & TINEA, non discrepant ab Herpete, de quâ antea dictum, in eo tantum differunt, quod tantum caput Achores occupant, sed Herpes omnibus partibus est communis.

*Achor* est Arabibus *Saphati*. Item infantibus *crusta lactea* & *Lactuminea* Favus, seu capitis incipiens. *Favus* sive *Cerea* eadem est scabies, in eo tantum differens, quod *Achor* perforaminula quædam humorem instar roris exudet : *Porrigo* aut *Favus* est, quando aperturæ ampliores evaserunt, & tunc nomen *Porriginis* & *Tineæ* sortitur : Belgis *quaad-zeer* : in modum *Tineæ* animalculi capilli depascuntur.

Itaque, ut dictum, gradibus solummodo inter se differunt.

*Tinea* itaque est conglomerata quædam in capitis cute scabies, cum cinereis crustis & squamulis aliquando ad flavedinem vergentibus, non sine magno fœtore, & horribili aspectu.



Achor.

Favi.

Porri-go.

Tinea.

In hujus affectus origine caput incipit prurire, & exanthematis obduci, atque quoniam se à scalptu continere nequeunt, cuticula tandem abraditur, & humor roris in modum emanat: vocabaturque græcis *Achor*: Cum porro ab acri hoc humore ulcusculorum ora sensim magis ac magis depascebantur, foraminula ampliora & visibilia evadebant atque apum favos referebant. Ast quando apertura illæ, ut de Herpete dictum, albescent, *Tinea* aut *Porri-go* appellabatur: atque hic evadit Herpes capillos planè corrumpens atque depascens.

Quando itaque continuâ scalpturâ atque depastione ulcuscula illa coeunt, atque conjunguntur, ab effusis succis exsiccatis, crusta nascitur, hinc & inde cum squamis, si pruritus atque humorum sudatio modici sint: ast contra ubi scalptum cum crustis cineritiis aut flavis non parum foetentibus, & aspectui fastidiosissimis.

Asperui.

Tres gradus hujus affectus plerumque fiunt: nam in priori, sive facillimo inter scalpendum, furfures aut squammulæ de capite decidunt, quia tunc tanta humidi copia pro excitandâ crustâ non effluit.

Alter gradus est, qui crustam habet, sed eâ ablatâ granula quædam sive parvæ extuberantiæ, milii instar visuntur, quæ communiter rubescunt atque interdum nonnihil sanguinis eructant. Hæ nihil aliud sunt quam glandulosi cutis acini, nudi, atque ob intumescentiam granulorum in modum apparentes, ex quarum tenellis vasculis ruptis nonnihil sanguinis effunditur; atque illud phænomenon, maximam cum Herpete miliari similitudinem habet.

Sed in ultimo gradu materia effluens & obstruens adeo est corrosiva, ut subjectæ etiam partes erodantur, quemadmodum etiam de Herpete Exedente dictum; nam glandulæ, ex quibus capilli crescunt, planè scirrhosæ evadunt atque hinc capilli à nutrimento orbati, corrumpuntur, deciduntque, & rarum non est, si post curationem, nunquam amplius pili iis in locis succrescant: atque ob scirrhositatem hanc cutis sæpe apparet livida & plumbea cum exundantibus humoribus foetidis.

*Causa* itaque eadem ferè est ac de Herpete dictum, nempe obstructio in glandulis cutaneis ex viscidis & falsis humoribus, qui ob tenacitatem à circulari fluxu inhibentur.

Remedia ferè eadem esse debent, ac in Herpetis curatione præscriptimus, nempe alcalica: sed hic capilli sunt detondendi. In achore & Favo sequentia conveniunt: ut

*Recipe* Butyri veteris, *uncias duas.*

Cretæ albæ, *unciam semis.*

Misce. vel

*Recipe* Olei nucum, *uncias duas.*

Sulphuris,

Cinnabaris, *ana unciam semis.*

Misce. vel

*Recipe*



*Recipe* Olei Hyperici,  
 De lateribus, *ana uncias tres.*  
 Nucum rancidarum, *numero octo.*  
 Seminis Nicotianæ,  
 Myrrhæ,  
 Sulphuris,  
 Fuliginis camini, *ana uncias semis.*  
 Argenti vivi, *drachmas duas.*  
 Lithargyrii auri, *unciam unam.*  
 Æruginis, *drachmas tres.*  
 Misce.

Si à nativitate scabies sit inducta, aut per hæreditatem, difficile curatur.  
*Tinea* si non admodum fuerit pertinax, sequentibus utere.

*Recipe* Capitum liliorum alborum,  
 Radicum althææ, *ana uncias duas.*  
 Spiritus vini,  
 Lixivii, *ana quantum sufficit.*

Coquantur ad uncias viginti, & colatura detur usui, pro fotu.  
 Hoc foveri debet caput, & tunc tonditur vel abraditur omnis capillus :  
 deinde sequenti mixturâ caput inunge.

*Recipe* Olei ex semine staphidis agricæ, *uncias duas.*  
 Fuliginis, *drachmas duas.*  
 Saponis vulgaris, *unciam semis.*  
 Misce. vel

*Recipe* Seminis urticæ,  
 Allii, *ana uncias duas.*  
 Spiritus vini, *quantum sufficit.*  
 Coquantur ad uncias duodecim, colaturæ adde.  
 Fellis bubuli, *uncias duas.*  
 Misce pro fotu.

Hiscæ *Tinea* sæpe profligatur : quidam singulis diebus oleum recens olivarum cum linteis puris imponunt. vel

*Recipe* Foliorum Nicotianæ, *manipulos duos.*  
 Fuliginis, *uncias duas.*  
 Coquantur ex aqua ad uncias viginti, colatura fiat Fotus. vel

*Recipe* Hellebori Albi,

Tabaci,



Tabaci,  
 Auripigmenti,  
 Lithargyrii auri,  
 Calcis vivæ,  
 Aluminis,  
 Gallarum,  
 Fuliginis camini, *ana unciam semis.*  
 Æruginis, *drachmas duas.*  
 Olei tabaci,  
 Cerae, *ana quantum sufficit.*  
 Misce fiat unguentum. vel

*Recipe* Lixivii fortis, *libram unam.*  
 Foliorum absinthii, *manipulos duos.*  
 Sulphuris, *uncias duas.*  
 Fuliginis, *uncias tres.*  
 Vini albi, *libras duas.*  
 Misce fiat fomentum. vel

*Recipe* Cerussæ, *uncias sex.*  
 Auripigmenti, *unciam semis.*  
 Terræ cimoliæ (*volders aarde*) *unciam unam.*

Coquantur ex aquâ postea cum quicquid grave subsederit, clarum effunde,  
 & materia crassa radiis solaribus ad exsiccandum expone, deinde de novo  
 aquam affunde, idque tertio repete: ex materiâ residuâ, tunc Trochiscos  
 finge, quibus adde

Mastiches,  
 Olei tabaci, *ana unciam unam.*  
 Succi tabaci, *uncias tres.*  
 Cerae,  
 Terebinthinæ, *ana drachmas duas.*  
 Misce fiat unguentum.

Hoc unguento quotidie inungatur caput, cum antea lixivio ex tabaci cin-  
 ribus laveris. Huc pertinet etiam *liquor salis tartari.*

In crustosâ *Ficosa* dicta, etiam sovetur, ut crusta separetur; vel huic etiam  
 rei medela esse potest sequens.

*Recipe* Casei veteris  
 Axungię porcine, *ana partes aequales.*

Frigantur in sartagine, atque interdum pars læsa eo inungatur & si *curatio*  
 necdum absolvatur, capilli sunt evellendi, quod emplastris picatis fieri solet.  
 vel *Recipe*



*Recipe* Picis nigræ, *uncias sex.*  
 Resinæ pini, *uncias duas.*  
 Æruginis,  
 Vitrioli cærulei, *ana drachmam unam.*  
 Sulphuris triti, *unciam semis.*

Coquantur ex aceto in formam emplastri. Illo lintea sunt inungenda, postea illud contra pilorum ductum attrahendum, ut hoc modo sensim pili eradicentur. Alii, quod etiam laudabile, lini farinam cum aceto coquunt in pul-tem spissam, atque eodem imponitur capiti modo idque tam sæpe repetendum ac necessarium judicabitur.

Sed altera Tinxæ species, corrosiva dicta, post ablationem est mundificationibus mundanda, quod sequentibus fieri potest.

*Recipe* Unguenti enulati cum Mercurio duplo  
 Ægyptiaci, *ana uncias tres.*  
 Vitrioli albi pulverisati, *drachmam unam.*  
 Misce fiat unguentum.

Succus ex ovillis scybalis, remedium est præstantissimum.

## CAPUT XIX.

## DE GUTTA ROSACEA.

**G**UTTA ROSACEA five *Facies rubra.* Arabibus *Albedsamen*, *Algua.* Gutta  
*sen* & *Albuttizaga*, Belgis *Karbunkel-neus*, *Kalkoense-neus*, *Rood-bakkes.* rosacea.  
 Estque Faciei rubedo, maximè nasi, interdum cum inæqualitate nodosa, ac si novi nasi expullulent, non raro cum pustulis, vesiculis aut ulcusculis.

Minorem agnoscit causam quam Herpes, nam videtur esse Herpes quæ non aperitur aut humiditatem exsudat.

*Causa* externa sæpe est ex vino acido largiter ingesto, hinc etiam dicuntur *Wyn-puisten.* Etiam ex aliis acidis nascitur, ut à lacte ebutyraro. aceto aut cerevisiâ acidâ: Sic enim glandulæ cutaneæ faciei ac nasi obstruuntur & intumescunt, unde pustulæ. Menstruis etiam non bene fluentibus, rubedine etiam facies obducitur. Sed quare facies magis rubet, quam aliæ partes? quia ibi cutis tenera est, & sanguine calidiori recens è corde veniente irrigatur, qui, quia aëri frigidiori exponitur, facile succi ibi restagnant: manus enim & pedes qui etiam frigoris injurias patiuntur, cutim habent crassiore, ac sanguinem frigidior.

Fœminarum sexus non raro rubedine faciei defædatur; novi plurimas, quæ nunquam vinum gustant, & inter illas unam, quæ nunquam vinum potuit nec olfacere, imo quam maximè averfatur. Unde hæc? quia juvenili ætate se-  
 fe aliquando menstruis fluentibus, frigoris injuriis exponebat: hinc obstruc-



tio, faciei incalescentiæ, vasculorum sanguineorum intumescencia & per consequens rubedines, vasculas semel dilatata vix coarctantur, ut dixi.

Est quidem affectus absque omni periculo sed difficile curatur, præsertim si ulcuscula adsint: nam vascula sanguinea semel extensa, & dilatata, difficile iterum coarctantur.

Primò & ante omnia optima diæta est observanda, cavendo ab irâ, cibo & potu sanguinem accendente. Loco vini adusti sorbeatur potus Theæ aut coffeæ: multa sudatio præstat: & lenis purgatio interdum bona. Externa sint sequentia, quibus facies lavari vel inungi debet:

*Recipe Boli albæ, unciam unam.*

*Cerussæ, unciam semis.*

*Sulphuristriti, drachmas duas.*

*Sublimati, scrupulum semis.*

*Spiritus vini, quantum sufficit.*

*Misce fiat unguentum. vel*

*Recipe Lithargyrii auri, uncias duas.*

*Aceti, uncias quinque.*

*Simul coquantur, adde*

*Salis,*

*Aluminis, ana drachmam semis.*

*Thuris, drachmas duas*

*Aquæ rosarum, uncias sex.*

*Colatura detur usui vel*

*Recipe aquæ calcis, quantum vis.*

*Detur ad usum. vel*

*Recipe Spiritus salis armoniaci, quantum vis.*

*Detur usui. vel*

*Recipe Albuminis ovorum, uncias duas.*

*Aluminis, drachmas duas.*

*Misce.*

*Lavatio quotidiana cum spiritu vini, multum prodest.*

*Casus Nobilis Coloniensis.*

Cl. Domine,

Casus de  
faciei ru-  
bedine

**A** Bomni terrarum parte audeo V. D. Multos feliciter curasse &c. Nunquam internis ferè per vitam laboravi morbis, sed externum aliquod me vexat



vexat symptoma : per quatuor annos facies mea admodum defœdata fuit pustulis rubris, ardentibus. Non à vino &c. mihi hoc malum accidit, sed è contra Bacchum abhorreo, & Theæ coffeæque potum amo; imo ab acidis & falsis abstineo. Corpore sum macilentus admodum, & ætas mihi annorum viginti tres.

Hiscæ carbunculis tota mea familia subiecta est, hinc nemo ab illâ fœditate excusatur. Multa quidem sed incassum adhibui : ut Lac virginis, vinum adustum cum camphorâ, aqua fœniculi cum tartari liquore, aqua falsa &c. sed ne minimum quidem solaminis sensi. Ideoque ad te confugio &c. &c.

*Colonia Agrippinæ*

S. R. F.

1690. 20. Aprilis.

**C**onsistit sæpe illa fœditas in glandulis cutaneis præter modum magnis, qua vascula arteriolarum ita premuntur, ut sanguis majori copiâ affluat, quam refluat, hinc cutis à sanguine distenditur, & rubicundo colore inficitur. Porro si sanguis ob moram incalescat, oritur ardor; imo, quia lymphæ quoque subsistit, sæpe in pus vertitur, hinc pustulæ minimæ.

Præscripsi spiritum matricalem, ut eo faciem lavaret tempore vespertino, ut nempe calor ille ardens fugam peteret. Sed tempore matutino, imo sæpe de die lavaret lavamento acidum temperante; nimirum ex aqua plantaginis cerussa, minio, Lithargyrio, sulphure, præcipitato albo. Deinde sumeret sulphuris florum singulis diebus drachmam unam, cum sex granis æthiopis mineralis. Hiscæ sese semper melius habuit, licet malum hæreditarium radicatus evelli nequeat.

## C A P U T XX.

### DE HÆMORRHOIDIBUS.

**H**ÆMORRHOIDES sanguinis fluxum significat; sed strictè sumitur pro Hæmorrhoidibus, nobis *Ambeyen*, *Spenen*, & *Takken*. Sunt tumores circa <sup>rhoides</sup> rugas ani aut vaginæ uteri, varicibus similes cum duritie, colore immutato & dolore aliquando vehementi præsertim si alvus sit deponenda.

*Hæmorrhoides internæ* sunt vel *externæ*, *cacæ*, quæ nullam materiem effundunt, vel *apertæ* : quædam sunt instar vesicæ ulcæ ideoque *Vesicales* dictæ, aliæ morum referunt vel verrucam, unde *Morales* & *Verrucales* appellantur. Multæ sunt, vel paucæ, inveteratæ aut juniores : interdum redeuntes, &c. est itaque intestini recti effluxus sanguinis sive sint internæ sive externæ, agnoscunt arteriam & venam comitem. Internarum *arteria* venit à mesentericâ inferiori, & *venâ* à venæ portæ ramo splenico. Arteria externarum originem sumit ab arteriæ iliacæ internæ trunco Hypogastrico; at vena ex ramo hy-



pogastrico, ex quo etiam vena pudenda : & quoniam ex hypogastricis etiam ad uteri collum eunt, fit nonnunquam, ut menstruus fluxus, per hæmorrhoidum fluxus compensetur. Si porro sint cæcæ & clausæ aliquando valde dolent, quia tument & non aperiuntur. Sunt viri qui singulis mensibus menstruorum in modum sanguinem fundunt, & dicuntur *Periodicæ*. Sed alii certo tempore non redeunt, & *Erraticæ* appellantur. Materia effluens ordinario quidem est sanguis ruber, vel obscurioris coloris; sed interdum colore est albidus, aquosus, mucosus, ichorosus &c. Cæcæ sunt incipiens an inflammatio, quam plerumque comitatur tumor, dolor, fluxus. Et remeare sanguis ob vasa compressa nequit, hinc dolor adeo quandoque intolerabilis evadit, ut præ dolore in excernendis alvinis fæcibus ægri deliquium, & convulsiones patiantur. Ambulantibus, præsertim inter sedendum magnam pariunt molestiam; non tantum minores, sed maximè majores, quas meminimus ad nucis juglandis magnitudinem vidisse.

*Causæ* eadem sunt ac in Varicibus dictum. Externæ sunt magni conatus inter deponendum à fæcibus induratis; tunc enim podicis & intestini recti vasa sanguinea nimium premuntur, atque cum sanguine intumescunt, unde non raro hæmorrhagiæ immanes excitantur. Et qui huic affectui obnoxii sunt, sæpe singulis mensibus sanguineo fluxu afficiuntur; minima enim pressione, sanguis in vasis stagnat, quare aliquando rumpuntur præsertim si fæces alvinæ sint induratae. Afficiuntur illi imprimis, qui sanguinem crassum habent, & multo acido, laborant; quæ menstruorum defectu laborant, aut quibus stricta est alvus.

*Causæ externæ* esse possunt cathartica, equitatio, piperatorum & acidorum usus: partus laboriosior conatus, quæ de causa sanguis circulum absolvere nequit, hinc vasa sanguinea varicum in modum distenduntur: hinc ultimis gestationis mensibus sæpe hisce vexantur, præsertim si sæpius parturiverint. Aloës assumptio rejicitur, quare non video, cum sit benignum purgans: & ex Aloë malum vel fieri vel exasperari non video; & si hoc catharticum malum sit, de cæteris quoque idem erit expectandum.

Quia podicem obstruunt, fæces descendere nequeunt. Quando parum sanguinis fundunt, sanitati nonnullis conducit, ast multum, inutile, nam patientes à viribus orbantur, & Hydropem, tabem, cachexiam &c. incurrunt. Si nimis maturè obstruuntur, in alios sæpe morbos transeunt. Etiam in fistulas quidem & ulcera maligna mutantur. Si sistantur, metus est omnia illa symptomata evenire, quæ in mensium obstructione accidere solet.

*Diata* ante omnia mediocris est servanda, atque potus sit ex theâ aut coffeâ. Laxa servanda alvus. Sanguinem si non nimium fundant, non est astrictio maturanda: alii necdum fluentibus, sequentia applicentur.

*Recipe* Albuminis ovorum, *uncias duas.*

Olei rosacei, *unciam unam.*

Unguenti populei, *unciam unam & semis.*

Misce. vel



*Sume* Ceparum sub cineribus coctarum, *uncias duas.*

Vitellorum ovorum, *numero quatuor.*

Axungiae anatis, *unciam unam & semis.*

Misce. vel

*Recipe* Olei rosarum, *uncias duas.*

Croci, *scrupulum unum.*

Cerussæ, *unciam unam.*

Lithargyrii, *unciam semis.*

Ceræ, *quantum sufficit.*

Misce fiat Unguentum. vel

*Recipe* Albuminis ovi, *uncias duas.*

Aluminis, *drachmas duas.*

Misce.

Axungia Anguillæ, Hæmorrhoidibus emolliendis multum confert. Cum hæc & similia remedia applicantur, sequens decoctio bibatur.

*Recipe* Ligni Guajaci, *uncias quatuor.*

Radicum Salsæ Parillæ, *uncias duas.*

Sulphuris, *unciam unam & semis.*

Coquantur ex aquâ ad uncias quadraginta, colaturæ adde spiritus salis armoniaci, *drachmam unam.*

Misce fiat decoctio.

Ad dolorem mitigandum, ficus applicantur, qui in spiritu vini fuerunt usti. Aut recens fume butyrum, ei admisce pulverem ex lapide scissili, (*dak-leijen*) aut ex muscutorum ustorum conchis, & fiat litus. Etiam cum oleo aut quintâ essentiâ rorismarini sæpe lavantur: Si intolerabilis sit dolor, frequenti utere.

*Recipe* Unguenti populei, *unciam unam.*

Opii, *drachmam.*

Misce.

*Recipe* Thuris,

Myrrhæ,

Croci, *ana drachmam unam.*

Opii, *drachmam unam & semis.*

Olei Rosarum, *uncias duas.*

Vitelli ovi, *numero duo.*

Mucilaginis seminis cydoniorum, *unciam semis.*

Misce.



Nonnulli cardui sylvestris gallas sive nuces (*distel nootjes*) adversus Hæmorrhoides in oculis gestant: sed debent tantum esse unius anni, alias vermiculus contentus in muscam est versus, in quo vis dicitur constare: vulgo fumuntur septem. Alii radices chelidonæ minoris, aut scrophulariæ aut nucem moschatam oblongam, marem dictam in faccis servant.

Internæ sæpe multum molestiæ pariunt, & Medicamenta vix admittunt. Tunc ego soleo præscribere quædam suppositoria, quæ post alvi exonerationem ano intruduntur. Ex. gr.

*Recipe* Ung. Rosacei,

Populei, *ana unciam unciam unam.*

Opii, *drachmam unam.*

Balsami Peruviani, *drachmam semis.*

Ceræ albæ, *quantum sufficit.*

Liquefiant, & ex massa condensata fiant suppositoria.

A purgantibus acerbis abstinendum, & tamen est alvus aperta & lubrica servanda, quod cichorei radicibus, passulis corinthiacis, ficibus, prunis, tartari crystallis &c. obtinetur. Si exulceratæ sint, *melle rosaceo* inungant aut aliis remediis, quibus ulcera mundantur. In fluxu diuturno, omnes, exceptâ unâ, constringuntur. Si hæc omnia non curant ad cauteria deveniendum actualia; vel si promineant filis constringuntur, ut emoriantur, sunt qui illas mediante cannula ferrea exsiccant, cui candens ferrum intradunt. Verbi divini pastorem, qui diu erat hæmorrhoidibus vexatus, solâ ligaturâ curavi, & postea ab hoc malo liberatus, aliquot annos sanus vixit. Quidam hirudinibus sanguinem extrahunt, & deinde astringentia applicant.

Quod laudandum est, nam in maximis doloribus apertura opus est. Suasi aliquando pluribus, & liberati sunt, sine recidivis.

1684. Veniebat ad me Gelrus Nobilis Juvenis 25 quinque, is miserrimos dolores ab Hæmorrhoidibus internis patiebatur, suasi Hirudines applicaret, & non tantum liberatus, sed postea nunquam amplius habuit. 1698. vocatus hic apud puerperam, quæ Hæmorrhoides habebat instar nucis juglandis minoris, vel nucis moschatæ majoris, eaque ab hirudinum sucu liberata est.

## LESNA POLONORUM SEQUENS CONSULTATIO MISSA.

*Nobilissime Domine,*

**C**Irca Novembrim 1689. incepti de inani fœcum alvinarum depositione & conatu conqueri, quæ quotidie augebatur, ita ut nihil vel parum, nisi viscosam & pituitosam materiam, poteram excernere; imo singulis mo-



momentis ad egerendum sollicitabar, eo tempore, sed frustra, injectionibus anodynis usus, ut & unguentis ad Hæmorrhoides. 1690, mense Aprilis memet Cracoviam contuli: ibi digito malum inquirebant, dicentes altitudine unciarum duarum invenisse carnositatem, præscribentes Enemata anodyna, quibus bis singulis diebus usus fui: & cum dolor erat vehemens, constabant ex oleis & mediis Anodynis.

Casus de  
Hæmor-  
rhoidibus.

Cataplasmata etiam attrahentia applicabant, ut malum foras attrahatur. Tunc anus multis, duris nodositatibus obsidebatur, ita ut intra & extra podicem excrementa non sine magno dolore potuerim egerere. Quædam nodi etiam exulcerabantur, quibus multum puris evacuatum; sed cæteræ in eodem statu manserunt. Cum hoc modo incassum tribus integris mensibus Medicorum operâ usus fueram, iterum Lesnam redii, quamvis me in eodem statu esse animadverti; continuabam tamen eorum præscripta per longum bene tempus, sed inani spe lætabar. Invalescente morbo, plurimum sanguinis coagulati deposui; nunc ingens acrium humorum copia affluit, quos involuntarie excerno, ita ut spatio 24 horarum mihi octo vel decem mantilibus opus sint. Tertioque die sumo syrupum laxantem, quo lubricam alvum servo, nam aliquando intra duos dies vix, nisi cum magnâ difficultate, alvo potui satisfacere.

Nodi illi duri, antea in plures divisi, nunc unus major, & multo durior evasit quam antea, & externè penè totum anum obducit. Plurima cataplasmata ac cerata apposui, verum quia tam ingens acrium humorum fluxus ex ano mihi profluunt, effectum debitum sortiri nequeunt.

Longo etiam tempore decoctum radicum falsæ parillæ chinæ, ast paucum solamine.

Postea cum aliis duobus Medicis coryphæis mense Januarii 1691. consului, qui examinatis omnibus respondebant. malum tantum palliativè posse curari, donec æstas veniat, & suadebant salivationem, illamque omnium remediorum esse primam & unicam; ast sine certitudine.

Ante hoc malum sæpe arthritide magnoperè vexatus fui, sed durante hoc malo, parum. Alias sanus, & cibi mediocriter appetens. Ætas mihi est 48 annorum, aliquantulum sanguineus & biliosus, sed vires quodammodo, quam ante, debiliores: ideoque timeo me salivationem non posse sustinere: alterum natium & ani latus integrum adhuc est, sine durie. Quæso vestram consultationem in scriptis habere, una cum formulis, (vulgo *Recepten*) & de Salivatione vestram mentem, &c.

### *Responsio:*

Ex omnibus circumstantiis non aliter divinare queo, quin exulceratis, sed primo induratis, hæmorrhoidibus tam internis quam externis nobilissimum virum laborare materiamque Arthritim fixam inducentem per has quoque excerni.

Quoad interna, suavi lubricam servaret alvum: deinde quotidie bis sumeret pulveres ex Æthiope minerali & oculis cancri, quibus omnis acrimonia.



nia summoperè temperatur, absque ullâ salivatione. Externè adhiberet Cauterium actuale iussi, remotis enim externis Hæmorrhoidibus, faciliior esset ad internas aditus, ablatâ crustâ, & sanatâ, internè suppositorium intrudere iussi ex melle & vitriolo albo compositum. Et ante tertium mensem restitutus fuit.

## C A P U T XXI.

DE PERNIONIBUS, SIVE INTUMESCENTIIS  
HYEMALIBUS.

Pernio.

**P**ERNIO sive CHIMETLON, nobis *schyt-hiel*, *kak-hiel*, *winter-hiel*, quia tumor est maximè calcibus hyemali tempore adveniens sed tamen manibus, digitis, carpis, genis &c. familiaris est. Tempore hyemali prodeunt, quando à nimio frigore succi venientes in cutim tardè incedunt, & quasi coagulantur, hinc affluxus major fit quam transfluxus; atque sic nascitur tumor. Qui si incalescat, pruritus in parte læsa excitat intolerabilem, quia materia peccans tunc magis à subtili materiâ movetur, quam antea, & omne quidquid rigidi continent, in partes nervosas & membranosas illiditur, & titillantem pruriginem producit, hinc partis incalescentia.

Si porro motus istius succi planè gradum sistat, gangræna oritur & sphacellus; quod primo in Epidermide conspicitur, quæ facile tunc à cute separatur; & si frigoris injuriæ adhuc magis accedant, etiam cutis moritur, & exulceratur.

Inter fibras demortuas & congelatas, continuò humor emanat, quia in debita vascula, nunc abrupta transire nequit, & quia sensim aquosis & tenuioribus particulis orbatur, ex crassioribus crusta nascitur.

Interna hic non conveniunt: quidam cucurbitulis aut venesectione utuntur, ut malum evitent, sed nihil juvat: si Calx necdum est aperta, frustum fungi orbicularis alligetur, quo frigoris accessus arceatur. Porro in juventute experienciâ edoctus, malum illud fugatur, si læsa pars proximè igni aliquoties exponatur, ita tamen ne aduratur, sed ut calor sit tolerabilis: & illud remedium plurimis cum optimo eventu suasi: vel pedes imponantur decocto calido raparum aut ex floribus camomillæ, & absinthio parato cum sale antequam tamen foco admoveantur, prius spiritu terebinthinæ inungantur. Sequens Emplastrum, optimum est.

*Recipe Terebinthinæ, uncias duas.*

*Boli armenæ, unciam semis.*

*Coquantur in Emplastri consistentiam.*

Quod supra alutam extenditur. Resina pini eam valet, uti & Rapæ tostæ & calidè applicatæ, ut & cæpæ tostæ.

Si



Si exulceratæ sunt, tunc semper calor est adhibendus, & procedendum, uti cum ulceribus fieri solet.

## CAPUT XXII.

## DE MAMMIS INDURATIS, INFLAMMATIS AC EXULCERATIS VULGO DROP.

Quando Lactis materia aut colostrum in mammis coagulatur & in caseum <sup>Mammæ</sup> faceffit, atque glandulæ indurantur & deinde mammæ expanduntur, <sup>induratz.</sup> vulgo dicitur *drop in de borsten*. Hoc contingit quando lac non exfugitur atque in glandulis mammariis remanet, quod tunc sensim acefcit; deinde particulæ in caseum concretæ in glandulosis vasculis, ac vesiculis remanent, & duritiem nodosam adferunt: materia porro acrior facta inflammationes producit, ulcerationes & interdum ipsum cancerum: in principio æque ac in fine plerum- <sup>Inflammatæ,</sup> que dolor adest in febricula. <sup>Uiceratæ.</sup>

Lactis coagulationi non parum sæpe contribuunt frigus externum, usus a- <sup>Cancrosæ</sup> cidi nimius: impositiones rerum acidarum, astringentium, &c.

Omne acidum & frigidum est declinandum; & è contra, in usum ducenda, quæ constant ex salibus volatilibus, quibus acida domantur: Evitando omnem tristitiam atque horrorem & pavorem, (ex simplici enim horrore cancer cognatam meam corripuit, cui mamma meo consilio, est ablata) præsertim febriles invasiones sunt contra eundæ, non tantum volatilibus, sed etiam iis quæ aromaticas ac spirituosas habent particulas, ut est *spiritus vini*, *aqua vitæ* *Mathioli*, *Theriacalis simplex*, *oleum Caryophyllorum*, atque hæc sunt inter ea quibus frigoris insultus repelluntur præsertim si in spiritu vini aromata quædam sint infusa.

Ante omnia curandum, ut mammæ exugantur, ut sensim particulæ caseosæ una cum recens affluente lacte exugantur, quod à catulis fieri potest. Præter hoc mammæ linteis calidis blandè sunt fricandæ, ut caseosi grumi dissolvantur. Si papillæ nimis sint breves, cacæ cucurbitulæ sunt apponendæ, ut extrahantur papillæ. Item habentur vitra, figura galeæ destillatoriæ, quibus ipsæ matres ad sugendum utuntur, aut cornua imponuntur, aut papillæ ovillæ.

Internè sumunt Iovis scobem aut saturni, aut lucii piscis mandibulæ rasuram, quibus putant lac coagulatum dissolvi: interdum intra dies duos trefve malum restituitur ope *Unguenti Althææ compositi*, cum *ceti spermate*.

Externè fiunt Fodus, Litus, Cataplasmata, Unguenta, atque Emplastra ex mediis sale volatili turgentibus, ast etiam ex spirituosiss & aromaticis; ut sunt *Mentha*, *Majorana*, *Ruta*, *Absinthium*, *Phellandrium*, *Chærefolium*, *Fœniculum*, *Nicotiana*, *Petroselinum*, *Vinum*, *Spiritus Matricalis*, *gummi Ammoniacum*, *Sagapenum*, *Galbanum*, *Edellium*, *Myrrha*, *Sperma ceti* &c. Sequentia possunt applicari:



*Recipe* Spiritus Vini, *uncias decem.*

Salis Armoniaci, *unciam unam.*

Spermatis ceti, *drachmas duas.*

Misce fiat fofus. vel

*Recipe* Foliorum Rutæ,

Absinthii,

Majoranæ, *ana manipulum unum.*

Florum camomillæ, *manipulum unum & semis.*

Coquantur ex vino in formam cataplasmati, adde

Farinæ Lupinorum, *uncias duas.*

Misce fiat cataplasma. vel

*Recipe* Gummi Ammoniaci in spiritu vini diffoluti, *quantum fufficit.*

Fiat fupra alutam Emplaſtrum.

Convenit quoque Emplaſtrum de ſpermate ranarum.

Hiſce nihil ſolaminis adferentibus, mammæ inflammari incipiunt, augetur & febris, mammæ diſtenduntur: tunc Emollientia applicantur, ut:

*Recipe* Florum Camomillæ,

Foliorum althææ, *ana manipulum unum.*

Ficuum Pinguium, *numero octo.*

Raparum, *numero duo.*

Coquantur ex cereviſia veteri & bonæ notæ, cui inſperge

Myrrhæ, *uncias duas.*

Croci, *drachmam unam.*

Misce fiat Cataplasma. vel

*Recipe* Ceparum ſub cineribus coctarum, *numero ſex.*

Capitum Liliorum alborum, *uncias duas,*

Foliorum Betæ,

Malvæ, *ana manipulum unum.*

Florum Camomillæ, *manipulum ſemis.*

Coquantur ex lacte dulci, adde

Farinæ Lini,

Fænugræci, *ana unciam unam.*

Unguenti Althææ compoſiti, *uncias duas.*

Misce fiat Cataplasma. vel



*Recipe* Florum sambuci,  
 Meliloti, *ana manipulum unum.*  
 Micæ Panis albi, *uncias tres.*  
 Croci *drachmam unam.*  
 Caphoræ, *drachmas duas.*

Coquantur ex cerevisia optima, adde

Farinæ Fænugræci,  
 Althææ, *ana unciam unam.*  
 Misce fiat Cataplasma.

Cessantibus doloribus, tumore emollito, calore & febris defervescentibus, signum est, pus esse factum. Tunc quidam mammas ferro aperiunt, sed ut Hæmorrhagia declinetur, melius est imponere unguentum basilicum, ficus assatos vel simile quid; aut si materia nimis profundè lateat, corrosivum est imponendum, ut puri exitus concedatur, deinde ulcus mundatur, cui inservit Balsamum sulphuris, quod linteo carpto applicatur, & imponendum est Emplastrum Diapalmæ, Diapompholigos, de cerussâ, &c.

## CAPUT XXIII.

## DE SCIRRHO.

**SCIRRHUS**, nostris *Knoets geswel*, est tumor induratus absque dolore Scirrhus. aut sensu, cum renitentiâ.

Estque duplex, vel per se, aut cum cancro.

Adest magna renitentia absque dolore aut coloris mutatione, nisi in cancerum degeneret, tunc esset colore lividus & plumbeus. Tumor in principio plerumque est parvus, at postea quotidie accrescens.

*Causa*, meâ opinione, duplex est, prima ab aliâ inflammatione originem habet; atque altera per se. Quoad primam, illa oritur quando supra phlegmonem aut Erysipelas, vel cujuscunque fuerit nominis frigida, aut astringentia imponuntur, quorum particulis materia peccans magis coagulatur, in læsâ parte altè infigitur, præsertim in glandulis: hisce nimium infarctis, facile *scirrhus* inducitur. Altera occasio ex corporibus nimio acido succo abundantibus, originem habere videtur (& illi quondam *Melancholici* dicebantur, hinc olim somniabant causam venire à succo melancholico) cujus particulæ si chylo accedant, particulæ caseosæ secedunt quæ si in quapiam parte, quam pertransire nequeunt, hæreant fixamque sedem obtineant (quibus multum salis fixi adjungitur) efficiunt, ut tumor durus tophaceam induat faciem, quod sæpe glandulis mesentericis evenit, præsertim pueris bimulis, trimulis, quadrimis, quinquennibus, sexennibus



nibus, & paulo ultra illam ætatem. Illorum enim chylus à lymphâ acidâ, è jecore aliisve partibus veniens, facile in caseum vertitur, nam ambo ad easdem glandulas fluunt. Atque de hoc affectu in *Praxi nostrâ* egimus. Scirrhus si adveniat sal ex acido falsum, acre & rodens, dolor augeatur & in cancrum degenerat.

Si indolens sit cum pilis in superficie crescentibus, incurabilis æstimatur. *Curatio* difficilis est in communi scirrhus, sed difficilior ac molestior si plumbeus color accedat, atque cancer immineat. Raro suppurantur.

Præter optimam victus rationem, quæ in attenuantibus ac præcipitantibus consistit, optima sudorifera, ex sale volatili ac spirituofo constantia, in usum sunt ducenda. Externa etiam sint volatilia, evaporationem excitantia & Emollientia; interna in *Praxi nostrâ* invenies, ubi de Melancholia seu lienosis & obstructionibus agitur. Omnia ex chalybe præparata hic summoperè conveniunt, humoribus enim acidis inducunt quandam fermentationem, quibus in meliorem tenuitatis statum reductis, cæteræ infarctæ, ob particularum chalybearum rigiditatem, è loco moventur. Sequenti solummodo pulvere plurimos restitui:

*Recipe* Oculorum Cancris, *unciam unam.*

Tartari Vitriolati, *semunciam.*

Magisterii Chalybis, *drachmam unam & semis.*

Misce fiant pulveres numero quatuordecim.

Quotidiana potus theæ sorbitio convenit, eo enim omnis materia peccans eluitur. Externa Remedia sequentia sunt, ex quibus variæ formulæ parari possunt. ut

*Spiritus* Vini, Matricalis, Salis Armoniaci.

*Aqua* Vitæ, Calcis.

*Stercus* Ovinum, Caprinum, Vaccinum, Humanum.

Caphora, Sulphur, Ammoniacum, sagapenum, Galbanum, Oppopanax, Myrrha, Bdellium, Styrax liquida.

*Oleum* Terræ, Juniperinum, Laterum, Caphoræ, Laurinum, Vulpinum, Absinthii, &c.

*Axungia* Humana, Porcina, Anatis, Anseris, Gallinæ, Vulpis.

*Emplastrum* Diachylum cum Gummi, de Meliloto, de Ranis cum Mercurio, Oxycroceum, de Mucilagine &c.

*Unguentum* Althææ, Agrippæ.

Crocus, Malva, Absinthium, Camomilla, Melilotus, Bryonia, Scrophularia, Cucumer Asininus, Beta, Atriplex, Cicuta, Phellandrium, Lilia alba, Mercurialis, Tabacum, &c.

*Recipe* Seminis Sinapi, *drachmas tres.*

Sulphuris triti, *unciam semis.*

Caphoræ *drachmas duas.*

Misce. vel.

*Recipe*



*Recipe* Stercoris ovini, *uncias tres.*

Ceparum Coctarum, *uncias duas.*

Seminis Sinapi, *unciam semis.*

Spiritus Vini, *quantum sufficit.*

Misce fiat Cataplasma.

*Spiritus Matricalis* hic summoperè convenit. Fæces post coctam cerevisiam relictæ, aut caput mortuum post extractum spiritum frumenti mirè præstat ad fovendum. Convenit quoque forus ex urinâ; aut litus ex salivâ; applicatio cum spiritu vini & spiritu cornu cervi, admodum valet.

## CAPUT XXIV.

### DE SCROFULIS SEU STRUMIS.

**Q**uia dicuntur scrofæ seu fues sæpe SCROFULIS affici, atque homines etiam easdem quoque pati, dicitur SCROFULA, græcis *χολειδῆς*; etiam appellatur STRUMA: Belgis *Krop-sweeren*, *Klieren*, & *Koningsseer*, quia Galliæ Reges (Teste *Andr. Laurentio*, Regis *Henrici IV* Medico) illud malum sanabant. Scrofulæ.

*Scrophulæ* itaque nihil aliud sunt, quam scirrhi in glandulis colli aliisve in locis induratis, tunica propriâ contenti, doloris ut plurimum expertes, & sine decoloratione.

Interdum ferè omnes glandulæ sunt affectæ, præsertim colli, cervicis, axillares, inguinales, mammariæ, ut & pulmonum, Thyri & Mesenterii. Aliquando mobiles sunt; sæpe solitariæ; aut plures in uno loco. Sub mento *Bronchocele* appellantur & *Hernia Gutturælis*. Atque hæc altius radices egerunt, quam vulgares glandularum tumores, & uvarum in modum racematim sibi invicem adhærent.

Causas esse easdem puto, ac in scirrho; nempe glandulas, five ab aliquo viscido & acido aut alias, caseosis particulis infarciri; quæ, ob continuum affluxum, sensim accrescunt atque in majorem molem elewantur. Materia hæc salivalium ductuum ope proximas quoque glandulas intrat, quæ ductibus uvarum in modum adhærent. Si porro hisce particulis viscosæ atque salinæ particulæ accedant, interdum materia gypsea nascitur. Earum ortus subitus non est, sed sensim crescunt. Pueri ac virgines, quibus menstrua instant, hoc malo maximè afficiuntur.

Quando materia illa in vesiculis ac sacculis glandulosis infarcitur, piscium quidem ova referunt, uti narrat *Talpiz* in Orphanotrophio Amstelredamensi vidisse: Consuluit aliquoties mecum Vir quidam nobilis *Gorcomi* nomine *Theodorus Vink*, is habebat oesophagum summè coarctatum, liquida difficulter assumebat, intruso instrumento tumor durus & renitens sentiebatur. In fine ipsius vitæ, quoniam amplius deglutire nequivit præ fame obiit.



Aperto cadavere struma in œsophago excreverat instar piscis ovorum. Idem affectus omnibus corporis partibus advenire potest; vidi Brachia strumosa, ut & pedes; manus; genua &c. strumosis nodis & inæqualitatibus præter modum obfessa.

Difficillimè curantur, præsertim adveniente dolore ac cancro; vel si plures adsint, atque magni tendines ac nervi percurrant. Si, menstruis advenientibus, non evanescant, raro sanantur.

Si strumosis tuberculis pulmones obsideantur, oritur tussis sicca, deinde purulenta, tandem aliquando sanguinolenta, phtihsis, febris, mors. Dixi superius, ut plurimum esse doloris expertes; sed materia impacta, si acris fiat, tunc dolores producit, (ob membranas & nervos intercurrentes) & ex hisce doloribus nihil boni ominandum.

Fiant sæpe *sudationes* ex decoctis falsæ parillæ & chinæ: externa & interna remedia debent esse, quibus acidum obtunditur, moderatur. Sublimatum præcipitatum dulcæ alibi descriptum, non infimarum virium existimo. vel

*Recipe* Succi radicum iridis

Euphorbii, *ana quantum sufficit.*

Evaporando fiant cicerum magnitudine pilulæ Numero triginta.

Per mensem integrum matutino tempore quotidie sumatur una. *Robbertus Boyle* narrat quendam fuisse sanatum usu *Paronychie Il Dodonæi*, quæ à *Lobelio* vocatur *Paronychia folio rutaceo* à *Bauhino* *Sedum Tridactylides* aut *Alfine petraea*. Hanc herbam in cerevisia suspendebat, & ei pro quotidiano potu erat. Internè & externè conveniunt *Spiritus salis armoniaci*. Potus sit sorbillum ex Theâ aut Coffeâ, ut & aqua chalybeata, aliaque ex chalybe parata.

Externè aquis tenuibus sunt attenuandæ & expellendæ; interque ejusmodi est *spiritus matricalis*. Confriktus cum salivâ jejunâ convenit, ut & oleobusonum. Fetus cum aquâ calcis optimus. vel

*Recipe* Olei Laurini,

Aquæ vitæ,

Cerussæ, *ana unciam unam.*

Salis armoniaci, *unciam semis.*

Caphoræ, *drachmas duas.*

Misce fiat unguentum. vel

*Recipe* Gummi Ammoniaci dissoluti, *uncias duas.*

Bdellii,

Olei terræ, *unciam semis.*

Medullæ Ossium, *ana uncias tres.*

Croci,

Spermatis ceti, *ana drachmas duas.*

Misce. vel,

*Recipe*



*Recipe* Unguenti Martiati, *uncias duas.*

Sinapi, *unciam semis.*

Euphorbii, *drachmas duas.*

Sulphuris Vivi, *unciam unam.*

Olei Bufonum, *unciam unam & semis.*

Misce vel

Applicatur *Emplastrum de spermate ceti, Vigonis cum Mercurio, de Ranis cum Mercurio.* Alii scrofulas curant cochleis, quæ in vitibus inveniuntur, contusis, & cum petroselino in formam emplastri redactis

Si dissolvi nequeant, tentandum num emolliri & in pus verti possint; & si curatio sit acceleranda, eximenda est eodem modo ac de Steatomate, Meliceride, &c. dictum est: si exulceratæ sint, agendum ut in ulceribus solet. Menstrua non apparentia sunt excitanda, quia huic affectui sæpe causa exiit.

## XXV. CAPUT.

### DE CANCRO.

**C**ANCER, Belgis *Kreeft-geswel*, est glandularum induratio in modum Canceri scirrhi, sed postea in maiorem molem aucta, corrodingo proserpit, cum dolore, calore, lividitate plumbeâ cum nodosis tuberculis, & interdum circum se venis livescentibus.

Venas livescentes addunt, quasi signum Canceri pathognomonicum, sed teste *Gabr. Fallopio*, hoc non fit, nam loquitur his verbis: *quod licet venæ hæ ab omnibus pro signo ponantur, non sunt tamen signum certum, quin excentum canceris quatuor non habent illas, & si reperiantur hæ, maxime patent, quando potissimum sunt in mamillis hi tumores.* Huc usque *Fallopius*: *mammæ enim sanissimæ & turgidæ semper venas habent tumentes, quæ is mammis flaccidis, quamvis sanis, vix conspici solent.*

Non exulceratus cancer, Græcis *καρκίνωμα* & *καρκίνος*; ast exulceratus *φλεγέδαινα*, nobis *de Wolf*. Quidam unum habent tuberculum nodosum, sed alii plures. Suntque mobiles aut fixi. Et quemadmodum *Grangræna* & *Sphacelus* carnosas partes invadit, ita *Caries* ossa, & Cancer glandulas.

*Signa* satis ex definitione apparent. In principio sæpe pisi magnitudinem æquant, sed sensim circumferentiam maiorem acquirunt: & tunc dolores comitantur pungentes.

*Causæ proximæ* sunt tantum glandularum indurationes, five veniant in modum scrofularum aut scirrhorum, aut ab externis veniant, contusione, lapsu, &c. imo ex terrore venire novi, ex consanguineis enim mammam cancro ob hanc causam corruptam abscindere iussi. Item quando induratis  
his



his glandulis acres & acidi succi adveniunt , tunc tumor roditur & non sine dolore proserpit ; atque eos esse in causâ ex doloribus apparet pungentibus , qui ab aliis humoribus non producantur , & præter hoc , animadvertimus , quod omnia medicamina cancrum oppugnantia ex particulis acidum domantibus constent. Ex hac aciditate fit , sanguinem semper prætercurrentem infici ac nigrescere , atque sic non tantum sanguis in ipso tumore , sed & ipsæ venæ eundem revehentes atro implentur critiore , atque tunc ferè cancri animalis in modum , pedes repræsentant. Corrosio porro , ab acris his succis , membranis nervosisque partibus , intolerabilem pariunt dolorem. Si acrimoniæ isti plurimæ particulæ chyli adveniant , interdum suppuratio expectatur , & sæpe per se cessat. Quoniam in mammis non raro ex lacte in caseum degenerante , alterationes in pejus fiunt , etiam in iis frequentius , quam in aliis partibus cancer generatur.

Quo cancer majoreo pejor ; rarissimè medicamentis , sed frequentissimè ferro sanatur ; qui fixè costis adhærent , aut alibi occultantur , non curandi nam adhibitâ curâ , citius moriuntur. In genere sunt cancri curabiles , sed difficile curantur. Si occupat partem facile extirpatione removendam , omni ferè periculo vacat , quando in tempore instituitur.

Optimâ servatâ diætâ , internè quam externè ea sunt adhibenda quibus omnis acrimonia obtunditur , ut :

*Plumbum ustum & crudum , Minium , Chalybs , sal saturni , Pompholix , Amalgama Mercurii , Thus , Balsamum sulphuris , Nicotiana , Sperma ranarum & ceti , oculi cancri , Sulphur , Bolus , Caphora , Arugo , Æs Ustum , Arsenicum , Auripigmentum , Sublimatum , calx , Butyrum Antimonii , Spiritus Matricalis , Quinta essentia arsenici , Lithargyrium , cerussa , creta , sal armoniacum , olea destillata , Opium ; Emplastrum de tabaco , diasulphuris , Diapompholigos , de ranis cum Mercurio. Fel Animalium , Stercus Humanum , Pilula Tartari Quercetani , Oleum Saturni , sal Jovis , Sublimatum præcipitatum , Crystalli Jovis , Mercurius solaris , Mercurius sublimatus rubeus , Oleum Mercurii dulce & Diaphoreticum , sal fuliginis , Oleum Antimonii Saccharinum , Unicornu solare , &c.*

Quia potus Thæ totum sanguinem eluit , hic summo perè præstat. Sublatâ causâ interna statim affectus externus tolletur. Hic conducunt aquæ chalybeatæ , nam acidum temperant. Mercurialia intus prudenter sumpta , sæpe curant. In principio tutius cultro auferuntur , quam plurimis topicis , sero enim postea sæpe adhibetur remedium : quoad externa , sequuntur quædam formulæ : ut

*Recipe Cerussæ , drachmam unam & semis.*

*Plumbi usti , drachmas tres.*

*Antimonii Crudi , drachmas duas.*

*Pompholigos ,*

*Caphoræ ,*

*Salis Saturni , ana drachmam unam.*



Salis Saturni, *drachmam unam.*

Olei Nicotianæ, *unciam unam.*

Succi Nicotianæ, *quantum sufficit.*

Misce fiat linimentum in mortario plumbeo.

*Recipe* Mellis despumati, *uncias sex.*

Lithargyrii, *semunciam.*

Auripigmenti, *drachmas duas.*

Vitrioli Albi, *drachmas tres.*

Misce fiat Unguentum. vel

*Recipe* Arsenici, *uncias duas.*

Radicum ari, *unciam unam.*

Fuliginis, *unciam unam & semis.*

Misce fiat pulvis inspergendus. vel

*Recipe* Lithargyrii Auri, *uncias duas.*

Minii, *unciam unam.*

Mumiæ, *drachmas sex.*

Salis Saturni, *unciam semissem.*

Caphoræ, *drachmas duas.*

Olei Rosacei, *quantum sufficit.*

Misce fiat Unguentum. vel

*Sume* Arsenici CrySTALLINI,

Auripigmenti, *ana drachmam semis.*

Aristolochiæ rotundæ,

Viridis Æris, *ana drachmas tres.*

Minii, *unciam semis.*

Caphoræ,

Opii, *ana scrupulos duos.*

Axungiæ Porcinæ, *uncias duas.*

Misce fiat Unguentum. vel

*Recipe* Aquæ Calcis *uncias decem.*

Salis Armoniaci, *uncias duas.*

Caphoræ,

Salis Saturni, *ana drachmas duas.*

Misce fiat fots.

*Spiritu matricali*, ut & oleis destillatis sæpe inhibetur; ne ulterius serpat. Idem facit *butyrum antimonii*. Hisce & similibus sæpe aliquot annos cancer palliatiâ curâ quietus manet, imo & prorsus non raro extirpatur ideo maximâ ex parte constant ex acidum temperantibus, quibus corrosio suspenditur, alias enim chylus continuo effluens acorem contrahit, qui tandem acrimo-



niam induit & rodens fit : deinde medicamenta ita sunt composita, ut secando & incidendo cancroſæ glandulæ diſſolvi poſſint, atque ſic ſanum ab infecto ſeparatur.

Si corroſivi humores magis ac magis verſus interiora proſerpant atque rodant, (nam Medicamenta ſæpetam profundè penetrare nequeunt) certiffimè ad extirpationem eſt conſentiendum. Quoniam de extirpatione nobis alibi fuit ſermo, noſ hic tantum de mammarum extirpatione agemus.

Mamma-  
rum extir-  
patio.

Ponatur ægra luci oppoſita, & locum incidendum atramento nota; apprehende tunc mammam manu ſiniſtrâ & ad te firmiter attrahe deinde cultello inciſorio cutim cum pinguedine perſeca, idque ſecundum lineæ ductum, ſed non profundius; ſume tunc duas acus oblongas & curvatas (alii tamen eas non adhibent, & minorem dolorem, adferunt) cum fortibus filiſ, illæ pone mammam cruciatim intruduntur, intra mammam nempe & muſculum pectoralem : deinde fila trajecta etiam cruciatim neſtuntur. Intra fila illa digiti mittuntur, & mamma ad ſe trahitur, illam ita tenendo : tunc cultello eburneo quidquid glanduloſum ſeparatur, & vaſa ſanguinem fundere minantia, filiſ conſtringuntur, porro cultro ſalcato integra mamma auferitur : tunc applicant cauterium, vel ejus loco pulverem ſtypticum applicant, de quo alibi dictum. Si tota mamma non fuerit cancro obſeſſa, excindendum tantum, quidquid inconveniẽs erat, deinde ut in aliis vulneribus procedendum.

Temerè  
mamma-  
rum can-  
cer non  
eſt auſe-  
rendus.

Veſtalis quædam virgo, mihi, Doctõribuſque *Mabui & van Tongeren* 1682 ſiſtebatur; conſulebat noſ de mammâ, in ingentem molem auctâ & cancro ſcirrhoſo obſeſſâ, auferendâ, contrèctavimus mammam digitis, atque invenimus cancrum axillam occupaffe, ideoque ablationem diſſuaſimus. Poſt aliquot hebdomadas, in manus incidit alicujus circumforanei, qui aureos montes pollicebat, ut illud hominum facere ſolet; quid factum, ablata mammâ, ob venam axillarem & arteriam diſſectam in lethale ſomnum incidit. Exinde ſatis liquet, cancrum non temere, & non niſi cum bono Judicio eſſe tollendum.

De *Noma* & *Lupo* poſtea agemus, cum de ulceribus nobis erit ſermo.

## C A P U T XXVI.

### DE PENIS EXTIRPATIONE.

Penis ex-  
tirpatio.

**O** Bingentem contuſionem, cancrum, ſphacelum &c. aliquando penem amputare convenit.

Primo Catheter per Urethram veſicæ immittatur; deinde ſupra gangrænâ aut ſphacelum penis chordis luſoriis, aut filiſ ſericis fortiffime circumligetur. Factâ ligaturâ catheter vel cannula immiſſa ita accommodetur, ne excidat. Poſtero die, ſi opus ſit, aliam de novo adhibe ligaturam, ut penis eo citius emoriatur.

Porro, quia fœtor nares ferit, & urina deſtillans ſit excipienda, penis veſica ſpiritu vini madefacta eſt involvendus. Quarto, quinto, aut ſexto die penis



penis emortuus cultello est abscindendus: Post hæc cannula per duos aut tres dies in urethra manet, & ligatura per se decedit.

Aperturâ consolidatâ, per instrumentum stanneum, aut eburneum, quod ventri infimo accommodatur, lotium est reddendum.

## C A P U T XXVII.

DE UTERI AMPUTATIONE; UT ET DE  
VAGINÆ EXCRESCENTIARUM EXTIR-  
PATIONE.

U Terum posse exscindere alii ajunt, alii negant: idem tamen posse in- An uterus  
stitui variis exemplis ratur fecit *Cl. Fr. Ruisch* in suis observationibus amputari  
Anatomico-Chirurgicis. Aufertur itaque quando propendet, nimiaque mo- possit  
le molestat; fuitque scirrhusus, cancrus &c.

Propendenti itaque utero ligatura satis fortis injicitur. Deinde acu tricipiti filo duplicato munitâ, infra ligaturam transfoditur; attrahendo filis uterum, deinde fit, uti in mammis ejus cultro falcato ablatio, Ablata matrice, aper-  
tura pulvere astringenti aliisque est deliganda.

Sed, urethra evitetur, memor sit Operator.

Excrescientiæ aut polypi ex vulva propendentes, sequenti modo auferuntur. Vulvæ ex-  
Instrumenta necessaria sint primo in promptu; ut cultellus falcatus acutus, creſcentia-  
fascia, medicamentum stypticum, ligamenta circa extremitates divisa, ex rum &c  
linteo molli & veteri parata, similia iis, quibus Lithotomus uti so- ablatio.  
let.

Ægrotanti mensæ incumbenti ligamentum hoc primo omnium applicetur, factò circa ventris anteriora nodo, hinc fascia injiciatur collo corporis prolapsi & fiat constrictio arctissima, loco vaginæ proximo; hoc factò, sinistrâ manu, quo fieri poterit robore, corpus prolapsum extrahatur, dextra cultro dicto armata loco inter collum constrictum & partem reliquam prolapsam intermedio, auferatur.

Extirpatione hoc modo peractâ, loco vulnerato, ad quem facile manum Chirurgi ducet fascia eidem adhuc nexa, pulvis stypticus cum albumine ovorum applicetur, splenisque debitis impositis, deligatio conveniens instituat, ad quam ligamenti primo loco ventri ægrotantis applicati extremitates conveniunt.

## C A P U T XXVIII.

## DE GANGRÆNA ET SPHACELO.

G ANG R Æ N A, Nobis *Heet-vuur*, est alicujus partis incipiens mortifi- Gangræna.  
catio, cum paucò sensu, & obscuro colore rubicundo.



**Sphacelus.** SPHACELUS, *Syderatio*, *Mortificatio*, seu *Necrosis*, synonyma sunt, Belgis *Koud-vuur*, Est mortificatio absoluta partium, absque ullo sensu, cum foetore, colore plumbeo, & postea nigro.

à Frigore. *Causæ* hujus mortificationis variæ esse queunt. 1. à *Frigoris* congelatione. 2. *Medicamenta*, dicta *Repellentia*. 3. *Ustio*. 4. *Corrodentia*. 5. *Alimenti defectus*. 6. *Morsus venenatorum animalium*. 7. *Tumores Pestilenciales*. 8. *Scorbutus Malignus & inveteratus*. 9. *Contusio*. 10. *Vasorum dissectio* &c.

Quid *Frigus* efficit, omnibus notum : si partem aliquam invadat, quidam succi coagulantur, præsertim lymphæ : sed ulterius progrediendo sanguinem ipsum aggreditur, quo sensim corrumpente, tota pars corrumpitur, putrescit, & fætores exhalat : atque ejusmodi exempla sæpe sentiunt ad Grönländiam navigantes, qui cum frigoris hostilitatem ferre nequeunt, Mercurii adeunt, sed Vulcani redeunt.

Quando succi à frigore stagnant in eo statu semper remanere nequeunt, ast particulæ acidæ & alcalicæ assiduo à subtili materiâ motæ, continuo leniter rumpunt, frangunt, discerpunt, & primo externè quidem rubedinem inferunt, quia adhuc per paucissimi succi transeunt, & tunc *Gangræna* apparet, & certè est vitæ istius partis incipiens suffocatio, succis enim stagnantibus debitum perdunt calorem, & sensim inducitur mors. Porro si humorum circulus magis ac magis stagnat, pars quoque magis ac magis lividior ac nigrior fit, & tunc *Sphacelus* appellatur.

Ab astringentibus. Si tumoribus admodum inflammatis & calentibus, *Astringentia* imponas (ut calor quasi extinguatur, temperetur) tunc propter astringentem succi in parte inflammata contenti, coagulantur & in partes secedunt, quorum particulæ concretæ in canaliculis fibrosis remanentes, novum affluxum inhibent, sive sanguinis, lymphæ aut succi nervosi, quibus partes vivunt & vegetantur : viis itaque ejusmodi clausis, pars ita emoritur, nisi in tempore adhuc penetrantia adhibeatur ; ut est *alcohol vini*, *Spiritus matricalis*, aliaque olea tenuia.

Per ustionem, & corrodentia. Emori partes *ustione* omnibus patet, nam nervi, vasa sanguinea & lymphatica, ut & cæteræ partes ab igne corrumpuntur, consumuntur ; hinc succorum affluxus denegatur, & pars vitam amittit. Idem faciunt *Corrodentia*, ex arsenico, sublimato corrosivo, ruptoriis, aqua fortis &c.

A pressione & obstructione. Quando in articulorum luxatione vasa premuntur, aut à polypo aut alias obstruuntur, succi etiam, ut decet, fluere nequeunt, hinc illorum stagnatio, & per consequens corruptio, ni moveantur.

A morfu, peste, scorbuto. *Morsus* viperarum, aliorumque animalium venenatorum, quando veneno succi corroduntur & coagulantur pars illa etiam facile emoritur. Idem fit tempore pestis, & à scorbuto maligno.

Contusione, abscissione. Ex *contusione* & *vasorum abscissione*, facile est judicatu, exinde posse mortificationem induci.

*Gangræna* itaque & *Sphacelus* in eo tantum consistunt, quod canaliculi & meatus sunt obstructi, infarcti, abscissi, aut angustati, qua pars nullum



lum accipit alimentum aut perpaucum, & quemadmodum hoc fit in partibus carnosiss, ita cancer in glandulosis, & caries in ossibus.

Contingit interdum, mortificationem illam citissimè proserpere, ut non tantum brevi temporis spatio totum membrum emoriatur, sed & totum corpus: *Causa* exinde est deducenda, nempe, exempli gratia, si digitus meus sit sphacelo correptus, non potest arteria, à brachiali ramo veniens, <sup>Quare</sup> sphacelus <sup>cito ascen-</sup> sanguinem suum contentum ulterius propellere; itaque sanguis, quem arteria supra sphacelum continet, stagnare cogitur, hinc coagulatur, & quoniam coagulatio ista continuò augetur, etiam sphacelus ulterius, idque subito proserpit, ascendit.

Pure albo apparente, indicat gangrænâ separare à sano, atque partes subjectæ novi succi affluxum perferre, quia chylus intra partem sanam & demortuam fuit effusus, qui *Pus* vocatur. Si gangræna subito non <sup>Pus quid.</sup> resistatur, statim in sphacelum vertitur, quia succi sensim magis coagulantur. In Junioribus & succis calidioribus melius est, quam senioribus ac frigidioribus, quia propter calorem succi in parte affectâ diutius fluiditatem servant; è contra in frigidioribus, per se sanguis coagulatur. Gangræna magna, majus habet periculum quam parva. Intus in corpore; in oculis, ore, naso &c. Curatio est difficillima. Hydropi superveniens circa crura aut internas partes, incurabilis est. Facillimè proserpunt, quia sanguine cæterisque succis stagnantibus, sensim magis magisque, in partibus cordi proximis, gradum circulationis sistunt.

Gangræna quam primum est sistenda, deinde demortuum à sano separandum, & ultimò consolidandum &c. aut si omnia in contrarium ruant, pars demortua est extirpatione auferenda. Internè sudorifera sunt danda, ut & sanguinem roborantia & diuretica: sudoriferis adjungi possunt quædam mercurialia, ut *sublimatum præcipitatum dulce*. Sanguis roboratur vulgaribus roborantibus & acidum temperantibus cum oculis cancri, ceti spermate &c.

Porro pars gangrænâ affecta, est usque ad carnem sanam scarificanda ut, medicamenta eo citius & commodius penetrent, separationemque promptius procurent. Pars scarificata sequenti lavamento lavetur:

*Recipe* Spiritus Vini, *uncias quatuor.*

Myrrhæ,

Aloes, *ana drachmas duas.*

Vitrioli Cærulei,

Salis Saturni, *ana drachmam unam.*

Succi Chelidonii majoris, *uncias duas.*

Misce. vel

*Recipe* Spiritus Vini, *uncias duas.*

Unguenti Ægyptiaci, *unciam semis.*

Spiritus vitrioli, *guttas sex.*

Misce.



Variae formulæ ex sequentibus parari possunt. ut sunt

*Radices* Angelicæ, Aristolochiæ, Bistortæ, Valerianæ, Angelicæ.

*Corticis* Quercus, Granatorum, Castanearum.

*Herbæ* Absinthii, Cardui Benedicti, Lauri, Nasturtii, Nicotianæ, Cicutæ, Alliariæ, Phellandrii, Quercus, Rutæ, Salviæ, Scordii.

*Flores* Balauftiorum, Camomillæ, Croci, Meliloti, Sambuci, Hyperici.

*Semen* Dauci, Nasturtii, Cumini, Coriandri, Lupini, Sinapi, Phellandrii.

*Fructus* Colocynthidos, Juniperi, Lauri, Cupressi, Juglandes.

Vinum, Aloes, Caphura, Myrrha, Lixivium, Urina, Sal Armoniacum, Nitrum, Alumen, Vitriolum, Ærugo, Calx Viva, Aqua Calcis, Acetum Miniatum & Caphuratum, Sulphur, Spiritus Vini, Armoniaci, Matricalis. Olea destillata Aromatica, Theriaca, unguentum fuscum Felicis Wurtz, Ægyptiacum, fimus columbinus, Caballinus, Sal Saturni &c.

ut Gangræna contra eatur, præstantissimus est *Spiritus Matricalis*, porro ad separandum sequentibus utere:

*Sume* Lixivii Fortissimi,

Spiritus Vini optimi, *ana libras tres.*

Scordii,

Absinthii,

Rutæ,

Phellandrii, *ana manipulum semis.*

Aristolochiæ rotundæ, *unciam unam.*

Salis Armoniaci, *uncias quatuor.*

Coquantur ad tertiæ partis consumptionem, adde

Myrrhæ,

Aloes, *ana unciam semis.*

Aquæ vitæ, *uncias duas.*

Misce fiat Lavamentum.

Ad citissimè separandum quidam fortissimum sumunt lixivium, aut cerevisiæ fæcem recentem. Sequens etiam cum emolumento summo vidi in usum duci ad gangrænam sistendam.

*Recipe* Baccarum Lauri,

Juniperi, *ana unciam unam & semis.*

Nucum Galli, *uncias duas & semis.*

Aluminis crudi, *uncias duas.*

Cerussæ, *unciam unam & semis.*

Viridis Æris, *semunciam.*

Salis Communis, *manipulum unam & semis.*

Armoniaci, *unciam unam & semis.*



Lithargyrii Auri, *uncias tres.*

Tartari, *uncias quatuor.*

Foliorum Querci,

Rutæ,

Sabinæ,

Abfinthii,

Scordii,

Salviæ,

Florum Camomillæ,

Meliloti,

Sambuci,

Rosarum Rubrarum, *ana manipulum unum & semis.*

Aceti Vini,

Lixivii, *ana uncias octo.*

Vini Gallici,

Aquæ Communis, *ana quantum sufficit.*

Exponatur mixtum aliquot dies radiis solaribus, cola, & ad usum serva. Magnarum quidem est virium, sed multa continet superflua. vel

*Accipe* Corticum Viridium nucum juglandium, *uncias sex.*

Herbarum Scordii,

Abfinthii, *ana manipulos duos.*

Rutæ, *manipulum unum.*

Salis Armoniaci, *uncias quatuor.*

Fimi Columbini, *uncias sex.*

Cerevisiæ Bonæ Notæ, *quantum sufficit.*

Misce fiat Cataplasma. vel

*Recipe* Seminis sinapi,

Radicum Raphani Silvestris Recens Raspati, *ana uncias quatuor.*

Caphoræ, *unciam unam.*

Saponis Nigri, *uncias duas.*

Olei Lini,

Juglandium, *ana quantum sufficit.*

Misce fiat Cataplasma. vel

*Sume* Calcis Vivæ,

Cretæ, *ana partes æquales.*

Aquæ *quantum sufficit.*

Fiat coquendo lixivium, adde

Caphoræ, *quantum sufficit.*

Lini farina in cerevisiâ cocta, optimè separat. Ut & fæx vini cum cerevisiâ, fermento acido, &c.

Facta



Facta separatione, ad *Suppurantia* & *digestiva* deveniendum, ut sunt *Un-  
guentum Apostolorum*, *Basilicum*, *Aureum*, *de Apio*, &c. separatione induc-  
ta, escharaque ablata, Sarcotica adhibentur & consolidantia. Musculis  
marinis recentibus gangrænæ impositis, instantem mortificationem abigere,  
vidi.

Sipes aliave corporis pars frigore constricta fuit, tunc nive primo frica-  
tur, aut gelidæ aquæ imponitur, ut ob prohibitam diaphoresin calor sen-  
sim intus recolligatur; deinde in lectum necdum calefactum ponatur; sed  
intus haustum pectoralem spiritus vini sumatur: hoc modo incedunt illi, qui  
boreales regiones inhabitant. Idem mulierculæ nostræ hiemali tempore fa-  
ciunt, quæ rapas congelatas, mala, radicum genera non igne dissolvunt,  
sed aquæ frigidæ injiciunt, atque sic dissolvuntur, cum alias ab igne fierent  
flaccida, spongiosa atque fungosa.

Quando Gangræna in sphacelum degenerat cum foetore, nigredine ac as-  
censione, membrum est detruncandum, eo, ut in superioribus diximus,  
modo. Et, si fuerit in loco, ubi extirpatio locum habere non potest, tunc  
quod emortuum, est excindendum: atque hic sæpe conveniunt cauteria,  
ut progressus seu, ut dicunt, *Ambulatio* præcaveatur.

Silumbi, os sacrum aut coccygis à longo ægrotantium decubitu, primo  
cutis detritione afficiantur, & deinde gangrænâ, partes affectæ spiritu vini con-  
tinuò sunt fovendæ: deinde nates, &c. locandæ supra pulvinar, cui in me-  
dio foramen est, eodem modo, ut in fellis infantium cacatoriis locari  
solent.

## CAPUT XXIX.

## DE ANEURISMA TE.

Aneuris-  
ma.

**A**NEURISMA duplex est, vel est arteriæ tunicarum dilatatio, cum pul-  
su continuo, tactui facile cedens, ast statim rediens. In principio tu-  
mor parvus est, qui sensim sensimque augetur, & sacciformen tandem induit  
figuram: cutis non est decolor &c. arteriæ sanguis inter musculos & arteriam  
einanat, unde tumor, ut plurimum satis durus, cum pulsu vel obscuro,  
vel planè non raro deficiente. Cutis interdum livida, & intumescencia est  
magis plana, & tactui ægrè cedens.

Dixi in definitione, quod adsit continuus pulsus; sed hoc signum non est  
pathognomonicum: nam in magno Aneurismate aliquando coagulatus san-  
guis pulsationem impedit.

*Causæ* possunt esse tunicarum musculosarum paralyfes; ulcerationes; cor-  
rosiones, vulnera casu vel à Phlebotomiâ perversâ, arteriotomiâ, verbera,  
casus, illisiones &c. veniunt internè ut, circa cor in arteriâ ascendente vel  
descendente, ubi in maximam aliquando molem extolluntur, ita quidem,  
ut costæ cedere & frangi sæpe coguntur. Externè veniunt præsertim in bra-  
chiis, cruribus, temporibus &c.

Quand



Quando tunica musculosa paralyfin aut ulcerationem patitur, sæpe evenit, ob sanguinem continuè affluentem & in locum affectum impellentem, quod tunica illa sæpè immaniter dilatetur, tumorque sensim insigniter elevatus constituatur: aliquando rumpitur tunica, nisi à tegumentis aut ossibus impediatur. Arteriæ apertura sive ex inflicto vulnere, erosione vel alias non bene consolidatâ, sanguis facile inter musculos & arteriam effunditur: in hoc Aneurismate sæpe sanguis coagulatus invenitur, hinc via obstruiter, pars corrumpitur, livescit, & præpedito sanguinis impetu atque succi cerebrealis influxu, etiam cessat pulsatio.

Difficile curantur, aut parvum magno felicius curatur; Sunt longæ durationis, & diutissimè absque eruptione præservari possunt.

Emplastrum quoddam supra imponitur, quæ ex siccantibus & astringentibus paratur.

*Recipe Thuris, semunciam.*

*Aloes drachmas duas.*

*Albuminis ovi, quantum sufficit.*

*Misce fiat Emplastrum. vel*

*Recipe Scoriæ ferri, drachmas quinque.*

*Mumiæ,*

*Tragacanthi,*

*Gummi Arabici, ana drachmas tres.*

*Thuris,*

*Acaciæ, ana unciam unam.*

*Glutinis vulgaris, uncias tres.*

*Gypsi, uncias duas.*

*Resinæ, libram unam & semis.*

*Succi consolidæ majoris,*

*Ceræ Miniatæ, ana quantum sufficit.*

*Misce fiat ceratum.*

Huc conveniunt *Emplastrum de alutâ, ad rupturas, desiccativum rubrum*, &c. imponitur tunc lamina plumbea, quæ fasciâ est firmanda: atque hæc fascia diutissimè est gestanda; & si malum nulli rei sit obediens, tunc arteria infra & supra aneurisma tribus quatuorve filis convincitur, atque aneurismatis intermedium ab inferiori parte versus superiorem cultro incisorio aperitur; sanguisque coagulatus exprimitur, & locus linteo carpto & balsamo Copaivæ impletur, & vulnus fortiter ligatur, neque ligaturæ solvuntur, antequam locus carne sit impletus. Vulnere sanato, semper fascia est gestanda, & non nisi post annum est solvenda, idque non subitò, sed primo paulo lenius vinciendum, deinde laxius, & tandem planè aufertur: quamvis suaderem ut per totum vitæ curriculum generetur, si locus sit in brachio præsertim aut crure. Post ligaturam & excisionem



sæpe pars extabescit, sanguinis enim fluxu denegato, fibræ musculares ulterius expandi nequeunt. Interna circa cor &c. nunquam curatur, quia pars manibus tractari nequit.

## CAPUT XXX.

## DE VARICIBUS.

Varices.

**V**ARICES sunt venarum nimiae dilatationes.

*Causæ* eædem sunt ac de Aneurismate dictæ: alibi in superioribus Herniæ varicosæ seu Cirsoceles causam explicuimus. Idem accidit in attollendo gravissimo pondere, cum venæ ita premuntur, ut sanguis ad cor venire nequeat, atque tunc maximè ad rupturam usque ferè extenduntur & dilatantur. At si sanguis per arterias celerius currat, quam à venis possit absorberi, distenduntur atque dilatantur. Idem foetum gestantibus accidit, nam foetus moles venas iliacas ita pondere suo premit, ut versus, cor ferè aditus præcluditur: atque vasis lymphicis, etiam varices patientibus, lymphæ erumpit, hinc ulcerationes, Belgis *Kraam-beenen* aliquando nominantur.

*Curatio* eodem modo procedit: ut de Aneurismate dictum. Fasciis, tanquam curâ palliativâ, diutissimè supprimuntur.

## CAPUT XXXI.

## DE GANGLIO.

Ganglion.

**G**ANGLION, *Nodus*, & quibusdam *Lupia*, est quædam in tendinosi partibus intumescens durities, sensim absque dolore aut discoloratione adveniens, sed premendo dolor deprehenditur stupidus.

*Causæ* sunt puncturæ, illisio, verbera, contorsiones tendinum &c. quibus fibrillæ tendinosæ contorquentur, aut vulnerantur; quæ sensim ad latera excresecunt & in tumorem elevantur. Succus etiam tendinosus quidem emanat atque coagulatur. Certum est enim nullum esse tendinem aut fibram, quin succum proprium contineat, qui, læso tendine effunditur, & sensim augetur, unde tendinis moles elevatur, atque hoc verum esse, patet ex cadaveribus & curationibus.

Remedia quæ applicari solent, sunt viscidum solventia: aliquando sola frictione mediante salivâ abeunt; spiritus penetrantes, ut est matricalis & falsi armoniaci. Neque sequens Emplastrum est negligendum, ut

*Recipe* Emplastri oxycrocei, *unciam unam.*

Gummi Ammoniaci,

Bdellii, *ana drachmas duas.*

Florum



Florum salis armoniaci, *drachmam unam.*

Olei terebinthinæ, *unciam semis.*

Ceræ, *quantum sufficit.*

Misce fiat Cera tum.

*Emplastrum de ravis cum Mercurio* hic etiam in usum venit, & laminæ plumbeæ impositio.

Sed loco hujus curationis alius modus est inventus, quo statim sanantur. Nempe ganglion intra sinistræ manus pollicem & indicem Chirurgi præhenditur, & alterius manus pugno ganglion vi ferit, tunc statim tumor planus fit: loco manus, ferula, qua in scholis puerorum manus percutiuntur, summi potest ex ligno ponderoso, aut quæ in medio plumbum infusum habet. Ictu facto, per aliquod tempus adhuc lamina cum Emplastro defensivo Vigonis imponitur.

Tertia curatio fit sectione; tendo enim secundum fibrarum ductum aperitur & materia contenta extrahitur: deinde, ne resiliat, lamina supergestanda.

## CAPUT XXXII.

### DE ARTICULORUM CONTRACTURA.

**A**NCHYLE seu ANCYLE, est articulorum contractio, ita ut membrum rigidum & immobile maneat. Illud symptoma maximè contingit <sup>Contractura</sup> brachio & cruri.

*Causæ* sunt ossis luxatio, ossium fractura, venæ sectio male instituta, vel quando membrum per aliquot septimanas fasciis incurvatum relinquitur luxatis membris non restitutis, tendines sæpe ita contrahuntur, ut breviores evadant, & postea vix restitui queant: sic si ossa fracta contortè vel alias malè collocentur, etiam muscoli & tendines breviores fiunt. In venesectione nonnunquam tendo vulneratur, unde spasmus tendinis læsi, qui si statim non solvatur, etiam muscoli contracti breviores manent. Sic spasmi, qui nocturno tempore vel alias, præsertim cruribus, adveniunt, contracturam non raro inducunt: novi virum, qui infans & in cunis decumbens, spasmo tentatus, contractus crure mansit. Sic si membrum fasciis per aliquod tempus firmiter deligatum, musculos non tantum breviores reddit, sed ossa ita coalescunt, ut membrum amplius moveri nequeat. Nam pori fibrillarum, qui antea in tendine rotundi exstebant, ut in Figura 5. Tab. v. A. B. C. N. A. D. mutantur in ovales ut in B. E. sit ut major pororum diameter respiciat latitudinem fibrillarum.

Interim humores ex poris arteriarum egressi, qui prius ob motum sæpius institutum liberè circulationem suam perficiunt, jam ob quietem aliquatenus subsistunt in tendine, imo brevi temporis intervallo particulæ quædam satis crassæ eorum humorum sese insinuarunt profundè in poros illos ovales



fibrillarum, easque in oblongâ illâ figurâ conservabant atque confirmabant, imo progressu temporis citatæ particulæ tam pertinaciter inhæserunt poris mox nominatis, ut vix aut ne vix quidem illas expellere liceret, atque hinc tendo fit brevior, non aliter ac videmus funem, pannosque novos aqua conspersos fieri breviores.

Hinc tendo quandoque apparet durus & rigidus, unde brachium aut crus extendi nequit, nam muscoli extendentes munus suum obire non possunt, quin prius contrahantur, nequeunt autem contrahi, quin tendo cum musculo suo à contractione incipiat cessare, hoc vero impossibile erat ob poros fibrillarum, ex quibus tendo conflatus erat, à particulis dictis obsessos. Idem quoque accidit cartilaginibus, intra juncturas locatis, quæ tandem ossæ redduntur.

Si tendines sint contracti, materia obstruens est expellenda, qua expulsa tendo sæpe pristinam longitudinem acquireret: Si non, interdum aliquot pondera manu sunt gestanda; at, si crus contractum fuerit, ascendat aliquot scalæ gradus, & pedi etiam accomodentur aliquot pondera, ut de pede dependeat.

Interim balnea vel fots sunt adhibendi ex herbis penetrantibus & volatilibus, ex Absinthio, Malva, Althæa, Scordio, &c. deinde oleo mucagine membra fricanda, & Emplastrum de ranis cum Mercurio applicandum.

Ab irâ contracturæ sanatio.

Refert *Valerius* de consobrino suo, qui contractus, ita corpus universum agitavit, ut distentis nervis, poplitibusque laxatis & emollitis, sine ullo doloris sensu mox incederet & erigeretur, quod per sexennium ipsi denegatum fuerat.

*Ira* causa fuit majoris spirituum animalium perlustrationis, qua particulæ obstruentes poris expulsi fuerunt, atque sic, reseratis poris, motus fuit restitutus; quod etiam in paralyfi, loquelâ amissa &c. factum memini.

## C A P U T XXXII.

### D E E X O S T O S I.

Erostoſis.

**C**Ontingit mihi aliquando videre **E X O S T O S E S** sive *Ossium Excrescentias* non tantum in adultis, sed etiam in pueris. Est nihil aliud quam callosa ossis substantia, quando à levi ossæarum fibrarum læsione vel rupturâ, succus osseus sensim extravasatur, tandemque in ossæam substantiam induratur; eodem modo uti fit callus post fracta ossa restituta & in pristinam sanitatem indurata.

Observavi callositates in femoris ossæ, uti & tibiæ; & latent sub periosteo, neque mobiles esse possunt, quia sunt ossa ossibus excreta & adnata. Dixi rupturam esse fibrarum ossæarum: itaque (si liceat per similitudinem loqui) fiunt eodem modo, ut si cortex arboris vulneratus sit, succus alias nutriendus, profluit, & fibræ cortices elongantur tamdiu, donec ab externo aëre induratae sint, atque sic verruca quasi nodus durus repræsentatur. Aliquando sunt.



sunt acutæ & tenues, unde sæpe dolores immanes; nam periosteum & membranæ musculos cingentes in incessu ob prominentias atteruntur & punguntur.

Ita externis applicatis, & multò minus internis obediunt. Consuluit mecum super hac re Chirurgus de Generali quodam his verbis: Generalis nostri pedes præsertim dexter vespertino tempore aliquantulum tument, nam ante 22 vel 23 annos supra tibiā magnam contusionem passus est, sed eminet in eodem loco quædam callositas, quæ vix tamen videri externè potest: sed Nobilissimus vir tamen ita curiosus est, quia multum solaminis, sed incassum, quæsiuit; ipse omnia penetrantia, Mercurialia, &c. adhibui. Sed ego absolutè respondi, istius ablationem fieri non posse, nisi pars externa corrosivo ad os usque aperiatur, deinde abradatur, sed operæ non est pretium, quia nec lædit, nec nocet. Iussit tamen me, ut ex vobis exquirerem, num remedium quoddam notum sit, callositates consumens.

Atque hoc dedi responsi, nempe externis nunquam posse sanari, sed si quovis quoque modo apertura fiat, os esse radendum, vel scalpendum, imo cælo & malleo ligneo callum esse auferendum; sed quoniam nihil incommodi pariat, non sine doloribus periosteï præsertim, ab operatione potius desistendum.

## C A P U T XXXIV.

## DE NARIUM POLYPO.

**P**OLYPI varias occupant corporis partes, ut uterum, vaginam, aures, Polypus vasa sanguinea, &c. imo Higmorei antrum polypos aluisse, nostra detexit ætas. sed præsertim nares; Estque ex naribus quædam excrescentia, interdum cum variis ramis extra nares & non raro per foramina narium posterius in faucibus propendentes, pisces polypo similes: eorum substantia est sæpe mollis, & laxâ texturâ, ac vario colore, nunc albo nunc rubro, aut cinereo, imo plumbeo & nigro: interdum sunt cartilaginei: hinc respiratio per nares læditur atque simul verborum perfecta prolatio.

— *Causæ* sunt læsiones præcedantæ, ulcerationes, coryza, Hæmorrhagia, & digitis altius nares fodicare, quarum caro mollis spongiosa & plurimis vasculis sanguineis irrigata luxuriosè ac racematim sensim per anteriora aut posteriora excrescit. Quomodo ejusmodi caro seu sarcosis excrescit, in *Institutionibus nostris* docuimus.

Porro illorum substantia videtur carnosæ, quando fibræ carnosæ & vasculosæ excrescunt: aut cartilaginosa apparent, quando cartilago etiam est læsa: Et si tantam augeantur molem, ut vasa sanguinea premantur, sanguinis circuitus interrumpitur, hinc color mutatur, sensim rubescunt magis & livescunt; hinc facile iudicandum, quomodo cancrofi fiunt & proserpentes.



Albifacilius curantur, quam rubri aut lividi, cancrofi, rariffime aut difficillime auferuntur.

Sorbeant per aliquot aliquot menses decoctum ex ligno guajaci &c. *H. F. Aquapendente* Polypum extrahit forcipe comprehensum, & extra forcipem collocatum. Alii cauterium candens intrudunt, aut ligaturam adhibent; alii corrodentibus polypum quotidie inungunt. Quod fequentibus fieri potest:

*Recipe* Olei Vitrioli, *guttas viginti.*

Unguenti ægyptiaci, *unciam unam.*

Misce. vel

*Recipe* Sublimati, *drachmam unam & semis.*

Olei Vitrioli, *guttas decem.*

Aquæ chalybeatæ, *uncias quinque.*

Misce.

Hifce & similibus Polypus fingulis diebus penicillo tangatur, & fic fenfim emorietur. Alii linteum carptum naribus intrudunt hoc modo præparatum:

*Recipe* Linteï carpti veteris, *uncias duas.*

Medullæ panis albi, *uncias tres.*

Sublimati tritûrati, *uncias quinque.*

Aquæ rofarum,

Plantaginis, *ana libram unam.*

Coquantur in vafe ftanneo ad confumptionem secundæ partis: deinde fila fortiter exprimantur, & fuprafurnum ficcentur. Antequam intrudatur, faliva aliove liquore madefiat. Alii vitrioli mortuum caput fumunt, quod Unguento ægyptiaco admifcent atque eo polypum fæpe mediante penicillo inungunt: aut cum linteo carpto intrudunt: Si inflammatio fuperveniât, unguentum album camphoratum inungunt: alii cum melle rofaceo & Spiritu vini curationem felicem habuerunt. Libet modum polypos eximendi adjungere, Domini *Chriftiani Frauwen* apud Dronthemenses in Norvegia Chirurgi Expertiffimi, quem mihi cum cafibus aliquot per Epiftolam communicare voluit.

*Nobiliffimo, Doctiff. ac Famigeratiff. Dom.*

*Steph. Blancardo,*

*S.*

Polypum  
auferendi  
Metho-  
dus.

**C**ertè perquam diu eft, mi Chariffime Præceptor, me de veftrâ valetudine, audiviffè: &c. Ante quinque Hebdomadas vir quidam hic obiit, quia ei Modiolum non licuit applicare. Tempore feptem menfium, quatuor patientes habui, ex quorum nafis polypos ferro excindere mihi fuit potestas:



testas : singuli in dextrâ nare alebant polypum. Primum gerebat puella magnitudine majoris nucis moschatæ ; unicâ radice septo adhærebat , latitudine inius digiti sub oculis : ablato polypo , ingens sequebatur hæmorrhagia , ita ut difficulter sistebatur : intra quatuordecim dies restituta est.

Secundo laborabat rustici filius , dependebat ex naso , ita ut ejus longitudo cum labio superiori æqualis erat : unicam habebat radicem , qui breviauferebatur : hæmorrhagia vix fisti potuit : semper renascebatur , nihilominus tamen intra quinque hebdomadas liberatus fuit.

Ecclesiæ Pastor Tertium habebat , sed etiam posteriores partes ad palatum usque occupabat : ei variæ erant radices in loco intra oculos medio fixæ ; sic etiam intus palato adhærebat ; ita ut ex duabus aut tribus partibus constabat. Corpus illud sex drachmarum : in ipso polypi corpore non tantum materia meliceridi similis erat , sed etiam officulum pyriforme ferè , cujus latior pars in polypi corpore erat , sed angustior septo arctissimè infidebat : superius insuper duæ erant radices ; Processus quoque aderant cartilagineosi : tempore quinque aut sex hebdomadarum restitutus est. Officuli figuram vide F. TAB. VIII. Fig. 6.

Longè pejorem trium præcedentium virgunculæ ademi polypum , cujus interventu nasi os elevari incipiebat , atque ita palatum premebat , ut vix cibum deglutire potuerit : tactu planè cartilagineum erat : putabam in hisce eximendis me valde peritum ; statim opus aggressus reperiẽbam stylo meo tenui & plano eum ad dimidium usque undique adhærere , ita ut vix aut ne vix illum inferere potuerim. Hærebam num desistendum mihi , num aliâ Methodo incedendum : cogitabam sectionem optimum esse remedium : & cum virguncula erat bono animo , cum ei figuras quasdam terribiles ex *Beverovicio* aliisque demonstrabam. Pergebam , & inveni posterius ossæ pelle investitum , & unicâ vice eum solvere esse impossibile , multo minus nare extrahere : ideoque frustulatim forcipe eduxi : duodecim quidem incisiones cultello meo quidem feci , antequam educere potui. Nota : totum corpus constabat ex mixturâ fungosâ , ex ossæ nempe & carne. Atque hæc etiam intra quinque hebdomadas restituta , evasit. In postremis duobus ægris Hæmorrhagia non ita incommodavit , ac in duobus prioribus. Animadverti quoque , in hoc casu , medicamina satis acris adhiberi posse , modo prudenter adhibeantur.

Ne vobis sim nimia lectione molestus , his desistam , vale.

*Vester*

Humillimus

CHRIST. FRAUWEN CHIR.

*Dronthemi*

$\frac{2}{3}$  Julii. 1697.

P. S Sequuntur meæ inventionis instrumenta ; quæ huic operationi aptissima expertus , primo intuitu simplicia quidem , ast eo modo , quo ego usus sum , optima fuerunt.

Figura



Figura 4. Tab. VIII A. specillum, quod in extremitate B planè tenue est & planum; cujus ope locus, ubi polypus radices egerit, inquiritur: & altitudine cognita circa C. sumitur cultellus D. fig. 5. cujus cuspidis cerâ illita, ut liberè spatiari libeat, & sciatur, quousque sit adigendus, antequam locum noscas, ubi sectio institui debeat. Porro specilli altitudo circa E emplastri alicujus circumvolutione notari potest. Et, si necesse sit plures incisiones adhibere, iterum specillo locus est investigandus. Fig. 6. officulum est polypi, de quo statim mentionem feci.

## C A P U T XXXVI.

## D E V E R R U C I S.

Verrucæ. **V**ERRUCÆ, parvæ sunt, nodosæ ex cute protuberantes, cum duritie ac inæqualitate, sed sine dolore.

Pro variâ formâ varia sortiuntur nomina. Quædam sunt quasi *sedentes* & *Murmecia* dicuntur; hæ sunt latæ, altas radices habentes, cum aliquo dolore: aliæ vero *Pensiles* appellantur, seu *Acrochordones*: hæc superficiem quidem habent latam & inæqualem, ast in basi angustiores. Thymo similes *Thymia* vocantur: porro tantum magnitudine differunt.

*Causa* meâ opinione est, eas venire ex papillis cutis nervosis, quando læsæ ab aliquâ causâ externâ, fuerunt, aut obstructione.

Læsi fieri potest, quando pueri aut adultiores sæpe ex improvise ab urtica urente, manus, ut dicunt, urunt, & hoc modo papillas nervosas lædi puto atque tunc ex illis intra cuticulam & papillas humorem exudari, præsertim si pars læsa multum scalpatur: humore illo deinde ibi exsiccante & incrassante, & relictis ex papillâ viis, facile aluntur atque in molem elevantur, instar tendinis resecti & exiccati: eodem ferè modo ac arborum fungi crescunt, & augentur.

*Secundo*, cur ex obstructionibus etiam non nascerentur: si enim humidum in illis contentum exsiccatur, atque, eodem, ut statim dixi, modo verrucæ incrementum sumunt.

In curandis verrucis, instituendum ut radicitus emoriantur, perinde quoque quomodo fit. Succus lacteus flavus ex chelidonia majori spontè emanans & quotidie illitus certissimè curat, nam per se decidunt. Idem contingit à lacte dentis leonis & solsequiæ. Succus iste seu lac admodum acris est, nam solsequiæ lac vesicas pone aures excitat. Alii utuntur Ruptoriis, ex alcali constantibus, ut de spiritu vitrioli, sulphuris aut nitri, aquâ forti, sed quia sæpe nimis profundè corrodunt, foedamque cicatricem relinquunt, ab iis potius est abstinendum; Muria ex aceto & sale culinari, ut & aqua calcis non ita vehementer corrodunt.

Alii insuper perhibentur modi, quibus verrucæ remonentur: ut sunt affricatio lardi furto ablati, pisi, frustuli mali, umbilici floris calendulæ, manus alicujus demortui &c. quæ post affricationem terræ, aquis aut latrinis, deman-



dantur, atque tunc statim decidere verrucas, quando affrictæ rei materia putredine est corrupta. Si hoc verum, non aliam possum adferre rationem, quam Curationem constare in firmissimâ credulitate hujus frictionis, cujus motu succus cerebrialis tanta, ad verrucam seu partem frictu motam, copia fluit, ut facile ejus radices averruncentur atque evellantur: eodem ferè modo ac quibusdam plantis firmioris & siccioris texturæ evenit. Si nimia aqua irrigantur, emoriuntur, atque flaccescunt, & hac firmâ imaginatione multæ febres pereunt: quod sæpissimè expertum.

Ut brevi temporis spatio decidant, vivam ei superimponere calcem, donec debitè sit tecta, atque insuper linteum ustum (vulgo *tondel*) quod accendit, & in verrucam sal illud calcis descendet, quæ statim emoritur, & delabitur. Quidam candenti acu eam aliquoties perforant.

Si pensiles sint, tunc filo cupreo, aut serico circumligantur, & sensim moriuntur, deciduntque.

## CAPUT XXXVII.

## DE PEDUM CLAVO, ET CALLO.

**C**LAVUS græcis *Helos*, nobis *Exter-oog* est calli species pedibus eorum. Pedum que digitis adnascens, altas, imo altissimas radices agens, & clavi in-clavus. star intrusa, cum dolore sæpe magno inter ambulandum, habens externè figuram capitis clavi, aut picæ oculi rotundam.

*Causa* mihi eadem videntur ac verrucarum, nam clavus mihi apparet tanquam verruca, cujus papillæ, continuo calceorum affrictu introrsum sunt pressæ, & ejusdem alexæ *Calli* in manibus, & *Clavi circa aures*,

Puto eos posse fugare medicamentis in verrucarum capite propositis: Etiam *Calli quid.* sequentia adhibentur: imponuntur nimirum quotidie Folia Hederæ arborecentis viridia; Gummi Ammoniacum, Galbanum, Resina Pini, Emplastrum Gratæ Dei viridis, succus Tithymalli, diachylum cum gummi, de ranis cum Mercurio. Optimum quoque sæpe est Pediluvium salsum, & eorum excissio aliquoties repetita. Sapo niger singulis noctibus impositus, sæpe & infallibiliter juvat. Alii calcem vivam cum melle imponunt. Alii sanguine menstruo eos expellere conantur, sed illud remedium inter fabulas anniculares est numerandum. Affrictus cum Vitriolo cæruleo quotidianus, juvat, modo prius saliva sit madefactum.

## CAPUT XXXVIII.

## DE ECCHYMOSI SIVE SUGILLATIONE.

**E**CCHYMOSIS sive *Sugillatio* nihil aliud est quam livor plumbeus, cuti *Ecchymo-* ab extraversato sanguine, ibique coagulato, adveniens. *sis.*

Quamprimum sugillatio apparet, statim sequentia sunt applicanda, quibus



bus sanguis, antequam concrefcit in fluore fervatur : ut *Spiritus vini*, *Spiritus Matricalis* & *Spiritus falis armoniaci*; *figillum salamonis*, *aqua calcis*, *sanguis columbarum*, *urina*, *succus absinthii*, *aqua raphani*, *caseus recens*, *spermaceti*, &c. vel

*Recipe Aquæ calcis, uncias duas.*

*Spiritus falis armoniaci, drachmas duas.*

Misce. vel

*Recipe Albuminis ovi, Numero unum.*

*Aluminis, drachmam dimidiam.*

Misce.

Omnia in hoc tantum confiftunt, ut sanguis in fluiditate contineatur, quod attenuantibus & volatilibus facile fit : Alit iugillatione factâ attenuandum & diffolvendum, fed longius tempus requirit, alias per fe, fed fenfim evanefcit.

## C A P U T XXXIX.

### DE EPHELIDIBUS, LENTIGINIBUS, MACULIS HEPATICIS.

Ephelides.

**E** P H E L I D E S, feu *Maculæ solares*, Belgis *sproeten* & *sonne-vlekken*, funt parvæ maculæ colore fufco præfertim in facie cute, ut & in aliis corporis partibus foli expofitis : iis præfertim adveniunt, qui capillos rubros aut flavos feu aureos habent

Lentigin-  
es.

**L** E N T I G I N E S, *Lentes*, Græcis *φακoi*, Belgis *Wik-wyfe vlekken*, funt etiam fufci coloris maculæ in facie aliisque partibus, Lentis magnitudi-  
ne.

Maculæ  
hepaticæ.

**M** A C U L Æ H E P A T I C Æ, nobis *lever-vlekken*, funt coloris fufci, lividi aut nigri, magnitudine manus, in variis locis præfertim dorfo ac pectori advenientes.

*Caufa* eft, quod maculæ solares æftate appareant, hyeme iterum difpareant, eft, à calore folari in fuperficie cutis infra cuticulam teneram non nihil humoris condenfante ibique remante & ftagnante : imo tota facies unicâ quafi macula fufcâ defœdatur : fi vero continuò Umbrofo tegmine fruuntur, vel appropinquante autumnò, solares radii non tam vehementer urant, tunc particulæ illæ fenfim avolant, & abraduntur, nam externus calor non urit, & internus augetur, atque fic optimâ diaphorefi cuticula magis madefit, & maculæ difpelluntur evanefcunt, & cutis apparet alba.

Altera macularum fpecies caftaneæ habet colorem, lentis magnitudine, & sæpe major multo : à nativitate non raro vifuntur : nihil aliud eft, quam quod quædam humores in cute, fed profundius fiti, funt concreti, per quod

vaf-



vasculorum sanguineorum plexus currit, unde & aluntur, nam ejusmodi maculæ una cum cute crescunt: si à nativitate parvæ sunt, tunc earum ambitus in majorem excrescit magnitudinem.

Tertiæ species etiam maculæ sunt, quibus cum nascimur; nam matres à re quapiam terrefactæ, manum hic aut illic supra corpus suum applicant, aut illud fricant, &c. itaque motus ubi factus est primo, ibi infans quoque maculam habebit rubram: nam ob motum illum, quem mater sustinere, absque læsione, potuit, non patitur infans tener, cujus vascula tam sanguinea quam alia magis, ob majorem influxum dilatantur, aperiuntur, & motu ipsius influxus continuo in teneri corpore perseverante, talis macula per Epidermidis Diaphaneitatem apparet: atque sic sæpe dimidia facies rubrâ maculâ obducitur, *Hepatica*, ob colorem hepaticum, dicta.

Ephelides abstinentia à sole curantur, & si hoc usu veniat, caput probe tegendum, & umbra est eligenda: lotio cum amygdalis contusis non parum juvat, si liquor salis tartari adsit mixtus. vel

*Recipe* Liquoris salis tartari, *uncias duas.*

Olei Amygdalarum recens expressi, *unciam unam.*

Misce. vel

*Recipe* Aquæ è cochleis, *uncias duas.*

Camphoræ, *drachmam unam.*

Misce.

Convenit hic quoque *Lac virginis.* vel

*Recipe* Caphoræ, *drachmas duas.*

Succi limonum, *unciam unam.*

Vini albi, *libram unam.*

Misce.

Lacte porcino primo facies exuviam quidem deponet, sed postea albescet. vel

*Recipe* Sulimati pulverisati, *drachmam unam.*

Aquæ rosarum, *libras duas.*

Maneant simul viginti quatuor horas in vase stanneo, donec liquor planè sit niger factus, deinde filtratum erit fervandum. Hisce & similibus facies est lavanda, sed si sublimatum ingrediatur, sæpius lavandum non est, nam facile pruritus excitaretur.

Reliquæ duæ species non tam facile superantur; sed tamen liquore salis tartari lavari possunt: ut

*Recipe* Liquoris salis tartari,

Tincturæ benzoin, *ana partes æquales.*

Misce.

Q q q 2

Ez



Ea mixtura singulis diebus potest lotio institui.

A decorticatione nucum juglandium, digiti & labia sæpe fœda nigredine obducuntur : sed ea tollitur succo ribesiorum, & si lintamenta ribesiorum succo sint commaculata, accenso sulphure, tolluntur, si lintea prius sint aqua irrigata.

## C A P U T XL.

## DE EPULIDE ET PARULIDE.

Lues Ve-  
nerea, seu  
morbus  
Gallicus.

**E** P U L I S, est quædam ex gingivis circa dentes molares fungosa excrescentia, quæ immensum usque sæpe augetur; interdum cartilaginosa est, & non raro in cancerum degenerat, quod deinde ex symptomatis caloris, doloris &c manifestum.

*Causæ* sunt læsiones plerumque externæ, quando fibræ quædam à re durâ franguntur & laxantur, tunc illæ ob succos adventitios immensum usque excrescunt, & tandem fungum constituunt, facile minimo attactu sanguinem fundentem. Qui, si ex osse excrescat, sæpe cartilagineus imo & osseus evadit.

A longo tempore aliquando corrumpitur, & non sine fœtore putrescit. Quia fungi hujusmodi non sine acinis glandulosis sunt, eos non raro cancer invadit, qui glandularum propriè morbus est. Hæc excrescentia ita sæpe augetur ut totum os obturet, & vix cibi vel potus admitti possint, unde coguntur ablationem admittere : si per se exulcerentur vocantur *Parulides*.

Epulis.

Si fuerit in principio utimur astringentibus : fiat collutio ex *Alumine*; vel ex corticibus granatorum; Radicibus Bistortæ, Tormentillæ, Gallis &c. Si magna fuerit Epulis, filo æneo quotidie est collum seu basis constringenda, ut alimentum detrahatur, moriaturque, deinde collutionibus astringentibus quotidie est colluendum : si iterum propullulet, tumor iterum non tantum est auferendus, sed cauterium candens est applicandum. Si suppuretur, collutionibus astringentibus, spiritu cochleariæ, melle rosaceo, unguento ægyptiaco &c. procedendum ut decet. Si putrescat, laudat *R. D. Muscitans* asperisionem pulveris sabinæ & aluminis usti.

## C A P U T XLI.

## DE LUE VENEREA SIVE MORBO GALLICO.

Parulis.

**A** Gallis hic morbus nominatur vulgo *MORBUS HISPANICUS*, nobis *Spaanse pokken*, quia cum pustulis & ulceribus stipatur Alii *MORBUM GALLICUM*, ut & *NEAPOLITANUM* nuncupant & *ITALICUM*, primo enim in regno Neapolitano Luem illam observatam dicunt. Medicis vocatur *LUE VENEREA*, quia ex impuro coitu producta est :  
ap-



appellatur quibusdam PUDENDAGRA, & SYPHILIS, nostris *Verkens-lust*. Ex οὗς Porcus & φιλέω amo: velut alii ex ὄν cum & φίλος amor: sed quia ejus symptomata plurima cum Vulgari scorbuto conveniunt, quid prohibet nos eam appellare SCORBUTUM VENEREUM: tunc Galli, Hispani, Neapolitani ab horribili illa denominatione crunt immunes.

Luemillam traditur anno 1494 primum ex Americâ in Europam esse translata atque sic per totum terrarum orbem sparsam fuisse. Nam qui C. Columbus, novi orbis inventori, comites erant, ibi cum inquinatis & infectis rem habuerant, atque Europæis &c. communicarunt: qui Morbus Neapoli, cum à Carolo ejus nominis Octavo obsessa erat, primo detectus fuit. Adductis enim ab Hispanis elegantiformâ in castra mulieribus cum iis coiverunt: Milites postea in Germaniam petentes, Indigenæ etiam hac lue afficiebantur, atque tunc dicebatur *Lues* seu *Morbus Gallicus*.

Certum est morbos ex coitu venientes etiam veteribus innotuisse; animadvertere tamen non possumus eosdem ita ac nobis notos fuisse: nam qui ante annum 1493. & 1494 scripta sua luci exposuerunt, nunquam de iis hoc modo scripserunt. Itaque lues illa nobis tantum ducentos per annos innotuit. Ex ipsiis sacris & profanis satis liquet, non esse Luem recentem ac novum inorbum. Vide *Hippocratem* libro vi de Morbis popularibus in principio. Ut & libro de internis affectionibus, Cap. L. sic libro de ulceribus Cap. ix. & libro de naturâ muliebri. Cap. LXXVII. Coac. prænot Cap. II. Vide quoque *Plinium* libr. XXI. Cap. xviii. & libr. XXII. Cap. viii. Porro quid non indidat, Jobus & Davidis Psalmus trigesimus octavus?

Est contagium malignum in sanguine & succi nervosi, ortum trahens ex coitu impuro aut per contagium ab alio casu contractum, unde symptomata per plurima oriuntur, ut pustulæ, ulcera, gonorrhœa, cancri, phymosis, bubones, testiculi venerei, ingentes dolores, tophi, pilorum casus, vultustumidus, &c.

*Primo* itaque ex impuro coitu oritur, five fiat ex duobus alienis, five à meretrice aut scortatore: venenum enim illud penetrat, & pudendis adhæret, quibus non absterfis, magis magisque sanguinem, cæterosque succos corrumpit: succis hisce per totum corpus currentibus, venenum illud ubique spargitur: deinde se habet instar fermenti, quo sanguis à debitâ dispositione avertitur, atque in pejus ruit: eodem modo ac serpentum ac canum rabidorum venenum, si eorum minimum quid morsibus inhæreat, fulminis in modum proserpit, & certissimè mira & periculosissima oriuntur symptomata, unde facile intelligitur, quo modo venenum illud, à coitu venenoso, dispergitur: atque hic est modus vulgatissimus, ut quis hoc veneno contaminetur.

*Secundo*, Maritus aut uxor, si cum aliis, five ante five post conjugium, coiverint, venenum illud alter vel altera alteri communicare potest, idque eodem modo ac supra dictum: hinc jurgia, hinc divortia, & malorum myriades. Sive enim sit maritus, five uxor, inscientes quod malum alunt,



negligunt primo, consulitur aliquando Medicus, vena secatur, purgatur, sudor exprimitur &c. Patiens communi Methodo, quasi tractatur, verum omnia frustra; malum magis invalescit, viresque recuperat, æger desperatus, qui interdum à doloribus miserè torquetur, & tandem animam dare cogitur. Postea rumor est, neminem cognovisse morbum, quod mirum non est, quis enim hoc divinaret, cum morbi causa occultatur; & odiosum est Medico veritatem dicere: & ipsi confiteri metuunt, si rei sunt conscii: imo & maritus uxori, & viceversâ celant commissa, & multo magis Medico. Et si Medicis sit suspicio, idque ab ægris animadvertitur, sæpe varia signa tacent: atque hoc modo curatio est frustranea.

Si quando ex ejusmodi matrimonio liberi proveniant, etiam sæpe omni vitâ miserabiles sunt, cum doloribus, oris cancro & similibus. Sed dicunt ex pravo semine nullum posse produci foetum: ast experientia quotidie contrarium docet, imo & marito sæpe quidem bonum est semen, contaminatâ uxore, cujus ovula foecundari possunt, quæ à veneno non statim enecantur, ast ab aurâ virilis seminis afflata, maturantur, ex suis putaminibus erumpunt, atque per tubas uterinas in uterum protruduntur, & post aliquot menses corpusculum humanum in lucem ducitur: ast quia succis, hisce corruptis à matre alitur, infans in ipso partu aut brevi post moritur, aut diu miser vivit. Furens enim illud venenum sensim magis ac magis sævit, quare & foetus succi etiam magis ac magis inficiuntur, corrumpuntur, donec tempore miserè ad vitæ finem preveniunt. Deplorandi infantes, ex ejusmodi parentibus nati.

Exemplum  
suctricis.

*Medioburgi* in natalitiâ meâ urbe 1654 in Zelandia invaluit iste morbus, à suctrice quadam (quæ induratas mammas suctu emendabat, aut brevi post partum, colostrum exugebat.) Primo habebatur pro symptomate scorbutico, arthritide vaga, &c. quia utriusque morbi signa aliquando parum discrepant; sed postea cum malum hoc accuratius inquirebatur, & ratio de personis hoc morbo obnoxii habebatur, quæ præcipuè erant puerperæ: illæ papillis inflammatis atque malignis Ulceribus, curationem respuentibus, multum à vulgari papillarum affectu differentibus, laborabant.

Papillis itaque ab his curatis, ab aliis non curatis, imminente vesperâ, præsertim noctu ingentibus doloribus in capite, brachiis ac tibiis torquebantur, cum scædis in facie pustulis, naso corrupto &c. tubera adveniebant capiti, aliisque membris, quæ corrosio sequebatur.

Similiter infantes, plena sanitate nati, idem malum incurrebant, pustulis & crustis in facie afficiebantur; alii gingivas habebant putridas, foetentes; aliis in faucibus malum hærebat, multi tandem tabe consumebantur.

Porro quæ serviunt puerperæ aut infantes fovant, suctrices, ancillæ, quæ puerperio erant destinatæ, pro maximâ parte de faucium difficultate, molestiâ inter deglutendum, uvulæ & tonsillarum ulcere, aliisque symptomatis: querebantur atque hoc modo malum illud inter sexum foemininum atque infantes magis sæviebat, quam inter viros.

Fœminæ illæ sese in miserabili statu videntes, atque ejusmodi alienis symptomatis



tomatis tortæ, in mentem recolligentes, eas ante aliquod tempus à foeminâ quadam esse suctas ( quod brevi post puerperium solet fieri, aut quando lac in mammis coagulatum est, &c.) quæ de doloribus vagis, cephalalgia, membrorum torpore, &c. erat conquesta; hinc suspicio, num malum illud à foeminâ esset translatum, eo magis, quia tam pauperes quam divites; puras quam impuras; ægras quam sanas sugendo administrabat. Nam hoc modo facile idque tacite, hujus morbi semina poterant spargi, aliasque facile contaminare.

Suspicio illa multas exterruit, & rumor ad ipsum Magistratum perveniebat, qui jubebat, ut foemina illa interrogaretur, & coram Collegio Medico atque obstetricibus exactè examinaretur, ut hujus plagæ causam scirent: atque infons hujus morbi est declarata, quod mirum non erat, quia interim curata fuit.

Sic ex salivâ venenatâ & aliæ contaminabantur: Suctricis enim salivâ papillæ madefiebant, quæ inde malum contrahebant, eodem modo ac virilis glans à foeminâ impurâ ulcerationibus afficitur; nam saliva ibi exsiccata, erat penetrans, & succos per papillas fluentes corrumpibat, atque illi iterum alios præterfluentes, unde tandem tota sanguinis massa luc hac inquinabatur. Infans papillas emulgens, facile eodem malo polluebatur, partim à papillis veneno plenis, partim à lacte ex venenato sanguine veniente, quod in ipso matris ore saliva erat imbutum. Ancillæ & eæ quæ puerperæ atque infanti prærant, eodem contagio laborabant, quia pulsem, quam infanti præbent, primo linguæ admovent, ut calorem temperent, aut frigus, atque sic ab infantis salivâ, ut & aliæ inquinabantur.

Salivæ effi-  
cacia in  
Luc.

Hinc puerperis cautio est habenda suctricum, & earum quæ infantem lactant aut fovent; impura enim quævis, totam incendere potest familiam, quod Amstelodami sæpe contigisse memini.

Si in orbem vinum sæpe potatur, aut cerevisia, infecti salivâ aliquando vitro aut cantharo adhæret, quæ si à præsentibus deglutiatur, eodem modo inficitur; ideoque Gallis hoc prætextu mos increbuit, ut quisque suum habeat poculum.

Idem contrahitur ab osculo, quo saliva aliquando delicatulis circa labia communicatur, quæ si ibi exsiccetur, causa fuit, quâ plurimæ matronæ miserè torquebantur.

Si in diversorio aut alio quovis loco quis cum impuro decumbat; impurus aliquando in sudores erumpit, aut saltem maximas emittit *διήροιας* seu diaphoreses, ex quibus purus eas particulas inspirando facile contaminatur.

Obstetricem agere etiam periculo non vacat, quia aliquando ab impuris mulierculis, meretricibus, &c. vocantur: sed quia tantum manibus, crassiore cutim habentibus contrectantur, ideo minus hoc malo obnoxia; fieri tamen non negamus, posse in obstetricem transferri.

Qui uxorem ducunt aut maritum, sint prudentes oportet, nam ut juvenis est, ab aliis sodalitiis instigantur, ut eas, quæ corpore quæstum faciunt, adeant, coeant: hinc gonorrhæa, quæ malè sanata, tempore luem incur-

runt,



runt, quod malum primo non animadvertentes, negligunt, matrimonium ineunt, atque tandem, lue invalescente, ambo inficiuntur.

Sic ex potu, etiam cibus, qui cochleatim sorbillantur, ut Jusculenta, lac &c. contrahitur; cochlear continuo ori inferitur, atque iterum cibo, sic vicibus sæpe repetitis, tandem totus cibus inficitur.

Pistores etiam in famulis conducendis prudentes sint oportet; pedes enim & crura aliquando foedis hisce ulceribus incrustantur, quibus panis massa depfitur. Idem dictum esto iis omnibus qui cibaria divendunt. Lique itaque satis totum malum produci à semine infecto, salivâ, sudore, &c. atque hæc satis de contagii propagatione proposita sunt: nunc inquirendum restat, in quibus propriè illud venenum consistit, & unde ejusmodi symptomata producuntur.

Si perpendamus hominem in statu sanitatis, ejusque succos, & ex quibus constant particulis, tunc comperimus, succos illos esse admodum fluidos, qui si chymica *ἐγχειρήσεις* dissolvantur, multum salis elargiuntur; ergo malum illud non consistit in sale volatili.

Neque in hac lue sanguinem adeo esse fluidum deprehendo, ac in sanis corporibus: si enim esset fluidus, impossibile foret, ex eo morbum posse produci.

Neque esse potest sal fixum, quod ex remediis quæ propinantur satis constet, nam illa sale fixo aut volatili abundant: & alterutri si causa adscriberetur, Mercurius esset inefficax, qui tantum acidis succos debellat, uti latius postea.

Itaque concludendum, malum hoc in aciditate acri consistere. Ast in acido consistere satis non est dictum, quoniam omnes ferè morbi ex succis orti, in acido consistunt, & per consequens eadem etiam symptomata producerentur; verum est, sed quia particulæ acidæ in figurâ, magnitudine ac motu multum inter sese differunt, (ut aceti, aquæ fortis, succus ribium, limonum, Omphacii, &c.) ita quoque illud acidum figurâ, magnitudine ac motu ab aliis acidis plurimum differt: atque venenosum illud acidum non videtur statim omnes totius corporis succos in principio in totum contaminare, sed pro diversâ succorum indole hic aut ille succus tantum hoc veneno alteratur, præsertim illud membrum, quod primo fuit hoc veneno tactum: ut ex coitu manifestum, ubi pudenda primo afficiuntur: vel uti dictum de Selandicâ suætrice, ubi primo papillæ lædebantur. Saliva enim, semen virile, atque liquor, qui ex mulierum pudendis, instar fluoris albi, promanat, miram habent vim fermentativam, quia ex particulis constant activis; quæ si fermento hoc pessimo imbuantur, magis magisque in furorem adiguntur: si itaque partem quamlibet sanam attingant, penetrant, atque sub jugum mittit; & quemadmodum paucum fermenti ingens farinæ massa fermentatur, ita quoque tantillo hujus fermenti, tota sanguinis massa polluitur. Sic, teste experientiâ, tantillulum spumæ canis rabidi hominem ita afficit, ac ipse canis est, imo ad insaniam usque; quid igitur aliud est, quam fermentum quoddam valde activum, quo succi nostri corporis mirè corrumpuntur, atque sanguinem in sibi similem convertit. Hinc sanguis & succus nervosus  
codem



codem modo moventur, ac in eo, à quo contagium veniebat, atque in eâ parte primum apparet, quæ primo veneno læsa fuit: itaque hoc modo contagium illud ab uno in alium propagatur: nam quando sanguis alicujus sani illam crassitie proportionem accepit, uti erat in non sano, debent in sano eadem canaliculorum species obstrui ac in infecto erant obstructæ, unde contagium illud originem sumpsit: acidum igitur illud talem habet figuram, magnitudinem ac motum, ut tantam copiam alcalici salis volatilibus, quod in sanguine est, facili negotio coagulet, ac aptitudinem nanciscatur, ad partes obstruendas, quæ in illa lue læduntur.

Prout venenum illud diu suas tragœdias in corpore luserit, symptomata sunt graviora aut leviora. Primo enim producit gonorrhœa, ulcera ac canceri circa punenda, bubones &c. Postea invalescente, malo, incurrunt capitis, omniumque membrorum dolores sæpe intolerabiles, tophos, pustulas malignas, tubera &c. tandem ossa Carie eroduntur, imo & caro sæpe planissimè absumitur, palatum excidit, nasi interiora putredine pereunt: itaque malum illud per gradus demeti debet; nam qui primo Gonorrhœâ laborat, facilius sanatur, ac is, cui nasus & palatum consumuntur, aut venenis tubera alunt. Quo enim diutius morbus iste procrastinatur, eo magis succi inficiuntur, ideoque quo recentior, eo curatu facilior.

Partes læsæ sunt penis, prostata, testiculi. In fæminis vagina, uterus, atque partes pudendi externæ. In utroque sexu glandulæ inguinales, membranæ, cutis, & cum malum altius radices egerit, totum corpus læditur: ast præcipua læsio in sanguine ac succis est, qui secundum coagulationis proportionem illos etiam canaliculos obstruunt, quos pervadere non potuerunt.

Verum ut à generalibus ad specialiora transeamus, necesse est, ut singula symptomata accuratè examinemus cui curationem adjungemus.

## CAPUT XLII.

## DE GONORRHOEA VIRULENTA ET SIMPLICI.

**G**ONORRHOEA VIRULENTA sive feminis *corrupti effluxus involuntarius*, est quando post coitum contagiosum semen præter voluntatem una cum pure excernitur; non sine fœtore ac dolore: cum colore sæpe albo, cinereo, flavo, aut viridi: ut plurimum cum prostatarum aut vaginæ uteri inflammatione, non raro cum penis tensione. Gonor-  
rhœa Viru-  
lenta, &c.

Ast in *simplici Gonorrhœâ* quod excernitur, album est, aut aquosum, inodorum, sine impuro coitu non habens, sed sæpe à nimio coitu cum sanis hominibus; vel quod semen nimium petulanter excernitur: vel à debilitate partium semen continentium.

Tam virulenta quam simplex, vocantur gonorrhœæ, quia in utroque affectu materia seminis instar continuò effluit, absque ullo venereo pruritu,



aut coeundi appetentia; accedit interdum urina, ut dicitur, ardens, non quia ob acrimoniam per urethram interiori cuticula orbatam, excerni debet, unde intolerabiles sæpe dolores. Satis tamen corrodens & inflammans interdum esse potest; quia in hoc ut & in aliis casibus ipsum vesicæ col- lum corrosum atque exulceratum novi: neque mirum, quoniam partes ge- nitales non tantum hoc contagio læduntur, sed & tota sanguinis massa, ex qua urina depromitur: dubium enim non est, quin urina graveolens, ut plurimum, multum aciditatis admixtum habeat: ex ejusmodi quippe evapo- ratâ urinâ spiritus salis acidus per retortam elicitur.

Quando igitur purus cum impurâ coiverit, debet membrum illud, quo impuræ pudendum tetigit, necessario primum contaminari: humor enim, qui invaginâ & deinceps in utero erat, constat ex plurimis particulis pe- netrantibus acido-salsis, quod satis ex foetore constat, particulae enim ho- mogeneæ & unius figuræ magnitudinis ac motus nequaquam foetorem con- ciliabunt, nisi ab aliis alterius motus in actum incitentur; est itaque aci- dum volatile & fermentativum, quod continuò in alcali volatile agit, & quia sese invicem corrumpunt, oritur corruptio, acrimonia, foetor, &c. in sanis enim corporibus materia illa constare debet ex tenuissimo sale vo- latili, atque odor odori eboris recens rasi respondere, cujus particulae te- nues avolantes nares nostras blandè feriunt, atque tunc materia matriçi ac vaginæ contenta, perfecta est & planè inculpabilis. Nolo tamen tam stric- tè determinare materiam illam in foeminis semper ita esse benignam, sunt enim, quæ pro sanis habentur, cujus ita penetrans est & acris, ut inde vi- rilis glans eâ imbuta, inflammetur ac dolore afficiatur, verum absque ulte- riori malo, paulo post evanescunt, præsertim si glans aliquoties aquâ ca- lidâ lavetur. Dolor etiam iste maximè oritur iis, qui rarissimè coive- runt, ac quibus præputium longum est, & angustum, quod facile retror- sum reduci nequeat: itaque maritis tamen, si hæc accidant, nulla suspi- cio de recens nupta est habenda.

Ne nimium longius aberremus, dico materiam illam ex particulis aci- do-salsis constare: hoc est alcali, constans ex oblongis & rigidis coelis, in quorum poris plurimæ enses acidæ infiguntur, ac à plurimis ramosis seu oleosis particulis vinctæ. quibus quod antea in fluore erat, nunc his- ce intricatis & multuo junctis crassius evadit: interim salsæ volatiles parti- culæ atque acidæ tenues à subtili materiâ moventur, (unde ignis species producitur) illæ secant, findunt, rimas inducunt, &c. eodem modo ac si innumeri cultri ac enses inter sese celerrimo motu agerentur: materia itaque illa acris & mordens urethram transiens, ibi nonnihil moratur; at- que eam ut dictum corrodit: unde cancri ac ulcera circa pudenda.

Si glans materia illa fermentativa illinatur, ut in coitu fit, per tenuissi- mam glandis pelliculam penetrat, hoc est, liquor iste fermentativus, ex alcalicis & acidis particulis constans, tam vehementer à subtili materiâ mo- vetur, ut utraque particularum species, ac antea dictum, pelliculam hanc tenuem ita secant, rodant, porosque aperiant, ut facile intromittantur, at- que sic succis præterfluentibus misceantur.



Viæ per quas humor iste, seu potius venenum in prostates ducitur, non adeo manifestæ, ideoque res hic accuratè rimari oportet. Per arterias adduci nequit, quia Vasa hæc sanguinem quidem adducunt, sed nunquam versus superiora reducant; neque venæ esse possunt, quoniam illæ ex omnibus partibus sanguinem superfluum ex tenuioribus vasculis ad majora & ampliora revehant: neque nervi, neque vascula lymphatica sunt. Quales itaque vias demonstrabo? dico me peculiare ignorare vias, sed hoc addam, si venenum illud eo modo, ut antea dictum, carnem penetrat, corrodit, secat, findit, &c. illud sanguini, aliisque succis, qui per penem & glandem currunt, communicari, unde à circuitu retardantur, atque eam intumescere faciunt: porro quoniam materiâ illâ sensim ulterius succi corrumpuntur, etiam vicinæ partes lædi debent, quæ ipsæ sunt prostates, deinde testiculi aliæque partes de quibus in sequentibus.

Sed cur prostates & non potius aliæ partes inficiuntur? quia nimirum simile gaudet simili; nam particulæ venenatæ convenientiam habent cum prostatarum succo; hinc is primo afficitur, & si citò non evacuetur, tandem à sanguine & succis prætereuntibus in totam sanguinis massam ducitur, hinc lachrymarum mensuræ.

Materia in prostaticis contenta & corrupta, in eodem non semper manet statu, verum à subtili materiâ continuò in motum ducitur; succi enim illi, qui antea in motu continuò existebant, cursum retardant, corrumpuntur, incalescunt: particulæ hæ interim crassiores factæ ex vasibus amplioribus per minima meare nequeunt, ut antea fiebat, qui tunc ibi manere non potuit, corrumpetur enim ob moram, itaque necessarium erat, ut per alia vasa, sive lymphatica sive sanguinea, iterum in sanguinem reduceretur: & quoniam hoc ita in sanitatis statu contingebat, in statu opposito idem fieri nequibat: nam propter venenum illud acidum succus iste nimium incrassatus ab amplioribus vasculis ad angustiora pervenire non valet, quid tunc fit? succus iste ibi moram trahens, incalescit, putrescit, & foetorem contrahit; cujus via cum complanata atque pervia non sit, cogitur à succis à tergo affluentibus premendo in urethram ferri; quod necdum satis, sed totus meatus urinarius corrodendo planè à pelliculâ investiente excoriatur, itaque non est mirum, dolorem inter mingendum ingravescere, atque urinam ardentem videri: item, quod caruncula sive caput gallinaceum in urethrà, ubi vesiculæ seminales exitum inveniunt, absumatur, aut ibi spongiosam excrescere sarcofin.

Prædictam causam ita debere propagari, abundè ex penis tensione liquet: nam si humores in ipsâ virgâ propter incrassationem non retineantur, & consequenter tardius incedebant, nequaquam tensionem pateretur; nam quia sanguis propter crassitiem tam citò per minuscula vascula currere nequibat in membro virili plus sanguinis manere, quam à venis absorbetur. Omnibus denique cellulis corporum nervosorum impletis, totus tenis intenditur.

A primâ coitus instantiâ Gonorrhœa non apparet, sed ut plurimum tertio, quarto, aut quinto die: atque hoc fit quia corruptio illa statim ad summam



maturitatem non pervenit, quamvis ab initio tensio quædam animadvertitur : succi enim contenti, debent, cursu prius retardato, in pene sensim stagnare, & malum proserpere, ad quod efficiendum pauci dies requiruntur.

Materia unicâ vice non effluit, ast sensim exprimitur, quia magna pressio aut expulsio in prostaticis non est, & quod exstillatur, inde est, quod sanguis & succi qui ex canaliculis hisce glandulosis separantur segniter duntaxat exprimantur, quæ pressio antea tantum aut maximâ ex parte erat, ut quibusdam vasculis excretoriis iterum in sanguinem allegarentur : quod quia propter obstructions fieri non potuit, ex canaliculis glandulosis in urethram excernebantur, aut ex lacunis in vaginam.

Præter prostaticarum succum, etiam, cum plaga invaluerit, ex vesiculis feminalibus, semen emittitur : itaque ex hisce duobus humoribus Gonorrhœa cuditur : nam quando semiminalis materia ob nimiam crassitiem per vias ordinarias sanguinem denuò intrare nequit, per vias magis patentiores, ubi caput gallinacum est, excernitur.

Penis tensio huic excretioni non minimam præbere occasionem videtur, idque eodem ferè modo ac in coitu, in quo partes illæ magis expanduntur, atque ad excernendum ulterius incitantur.

Succus gonorrhœæ excretus, sæpe sibi admixtum habet quid purulenti, quia ab hoc contagio, quod continuò rodit & ulcus facit, prostaticæ ac urethra corroduuntur, hinc succus quidam lacteus seu nutritius nobis in formam puris emanat.

Color istius humoris est albus, cinereus, flavus aut subviridis, prout corruptio remissior aut intensior est ; pro ejus enim ratione figura particularum non parum mutatur, atque lumen variè reflectitur, unde is aut ille color nobis producitur.

Hoc humore in maximo gradu corrupto, malum altiores agit radices, atque hoc modo non tantum Urethra exulceratur, ast etiam vesicæ collum, ac perinæum perforat, atque patientes tunc ad summum pervenerunt gradum.

Mulierum sexus etiam Gonorrhœam aliquando incurrit, & quemadmodum in viris ut plurimum prostaticæ afficiuntur, ita quoque ex glandulosâ vaginæ substantiâ foras ille materia propellitur, quæ à fluore albo interdum vix discernitur in fluore enim albo non adest materia purulenta. neque ulcerationes : pus quoque multò crassius est, album magis & minori quantitate ; ast si materia sit aquosior aut sanguine tincta, & interdum cum partium fibrillis ac grandi dolore : tunc coitum difficile ferunt, nisi velint magnum dolorem pati. Ast quæ albo laborant fluore, in coitu dolorem non sentiunt. In Gonorrhœa materia paucior est, quam in invalidis, ac nimio fluxu albo, cum majori crassitie, ac albo splendore, fluit longiori internissione, raro cum foetore ; ast si sit gonorrhœa virulenta, ortum ex impuro coitu habens, etiam cum dolore sciindente & pungente mingitur, pudendo accrescunt ulcuscula ; atque ex malignitate cognoscitur. Puellæ septem vel octo annorum, interdum à gonorrhœa venerea infectæ sunt, quæ simpliciter pro fluore albo habetur.



Partes læsæ sunt vaginæ corpus glandulosum, virorum prostates mentientes, cujus structura in *Anatomia nostrâ* conspici potest.

Hujus porro materiæ expulsio, eodem modo fit ac in viris, nempe propulsione atque aliorum canaliculorum obstructione, quos alias maximâ ex parte perfluebat.

Materia porro illa neque in viris, neque in foeminis semen est, & immeritò nomen Gonorrhœæ seu seminis fluxus gerit: tanta enim copia semen excerni nequit, nam plurimi multos annos Gonorrhœâ laborarunt: *Thomas enim Bartholinus* hoc modo loquitur cent. 11. Hist. xxxvi. „Gonorrhœæ „virulentæ protrahuntur interdum ad duodecem annos, quale exemplum „Patavii vidimus, in viro Bergomense, cætera sano, sed vix ossibus hæ- „rente. Unde in Gonorrhœâ hujusmodi non excerni semen, sed pus ulceris „ex prostaticis, vero videtur proximum. Certè in omnibus gonorrhœâ labo- „rantibus in nosodochio dissectis ulcera reperimus, seu callum ulceris præ- „teriti signum. Impossibile alioqui foret tanto tempore effluvium seminis „vitâ superstitè perstitisse. *Severinus* Neapoli in dissectis invenit inflamma- „tionem & abscessum in Prostatis.

Idem testatur Dom. *Valentinus Andr. Moellenbroecus* in *Ephemerid. Germ.* Ubi dicit materiam illam nonnunquam ad aliquot pondera excerni, quam nemo judicabit esse semen. Imo, pergit; ad annos plures permanet, nam quempiam novit qui ante viginti quinque annos, per sexennium Gonorrhœâ laboraverat; alium insuper Paduæ cognoverat, qui per annos triginta hunc fluxum habuerat. Ideoque, secundum ipsius sententiam, malum in prostaticis hæreret. *Wirsungius* tria operuit cadavera, post Gonorrhœam curatam denata, in quorum prostaticis callositas erat, signum præteritæ Gonorrhœæ & ulceris.

Observationes igitur nos docent planissimè, quod antea affirmavimus, nempe in Gonorrhœâ affici prostates, atque ex iis succum glandularem effluere: & rarissimè in ejusmodi casibus semen excerni.

Qui morbum novit, scire oportet ejus finem, aut quomodo terminatur: itaque à longâ negligentia inducitur aliquando Gonorrhœa perpetua; quo enim diutius acres illi humores corrodunt, eo ulceratio fit major, atque ita prostaticarum aperturæ ita relaxantur, ut vix possint claudiatque sanari. Hæc itaque est ratio quare non sanantur.

Ulcera interdum, si curentur, necdum satis est, sed & alia plaga expectatur, nempe in urethra quædam carnosæ excrecentia, quâ urinæ exitus denegatur, & ut amoveatur non tantum dolorosum est, sed & difficile.

A diuturnâ ulceratione etiam vesicæ collum exeditur ut & perinæum, unde intolerabilis dolor.

Gonorrhœæ suppressio onmiscita, mala, tunc enim ulcus citius curatur, quam oportebat, quo curato, humor, unde plaga illa ortum habebat, necdum est eductus, unde vel de novo Gonorrhœa producit, aut in lueem facilius corporis veneream mutatur. Sanato enim ulcere, humor iste non ita potest effluere; quid tunc? debet per vias ordinarias in sanguinem revehi: san-



guine deinde fenfim que corrumpente, puſtulæ rubræ, magnæ & exulceratæ, periosteï dolores circa ossa, &c. oriuntur, quæ nomine *Luis Venereæ* (Belgis *de spaanse pokken*, aut *de françoisen*) veniunt.

Seminis interim materia sive ex sanguine ejus matre, aut alias, cum sit infecta, partibus suis in testiculis defungitur, eos magnoquæ dilatat, adeo ut immensum usque intumescant, quod postea latius explicabitur.

Quando sese citissimè curationi subjiciunt, abstémii sunt à Vino atque Venere, optimamque servant diætam, facilius sanantur, quam contra: causa enim hisce fota atque incrementum fumente, curatio suspenditur ac remoratur, quod certum.

Tandem nos ad curationem accingamus, nam quia quosdam post perpetrata mala pæuitet, remedia iis adhibere haud illicitum est. Itaque primo corpus ab hoc veneno liberandum, alias enim curatio nunquam sequeretur, & morbus iterum de novo recrudesceret, ut domus incendio flagrans, si planissimè non extinguatur, semper de novo efflagratto esset expectanda, quæ quam prius aliquando crudelius furit.

Bene purgato itaque corpore, ulceratio est curanda, & Gonorrhœa per se cessabit, *sublatâ enim causâ tollitur effectus*. Nonnulli statim venam incidunt, sed cui emolumento, *ἐπέχω*. Omnem enim morbum à succis incrassatis dependere, alibi docui, si is itaque etiam decrassationem pro causâ agnoscit, ergo venæ sectio hic quoque eliminanda; sanguinis enim deperditione, reliquum non redditur fluidius, sed omnia contraria sunt eventura.

Quoad purgandi utilitatem, eâ plurimum acidi elutriatur, quod erat morbi causa, & satis ex foetore nares graviter feriente, liquet. Foetor enim tam vehemens non esset, si alcali cum acido mutuos non haberent confictus. Sed nonnulli nimium purgant, quod, meo judicio, non necessarium duco, quia vires nimium deperduntur: nam cum sit sudandum, deficient. Purgantibus itaque admiscentur Mercurialia ex Mercurio dulci, Præcipitato albo, &c. Ast non semper, præsertim si lues non est metuenda, aut malum altas non egerit radices.

Purgantia fiant ex *Cassîâ*, *Extracto rheï* & *Terebinthinâ*.

Aut ex *Diagridio*, *Cremore Tartari* & *Antimonio Diaphoretico*.

Hisce pro Medici prudentiâ Mercurialia admiscuntur. Ejusmodi enim & educitur venenum & mortificatur. Advertendum ne pulveribus temerè addantur Mercurialia, quia facile gingivas læderent.

Accedunt deinde diuretica, quibus interim sanguis tenuior redditur, atque obstructions in prostaticis existentes deobstruuntur; quibus apertis, quidquid impurum eliminatur: præter hoc adduntur quoque ea, quibus temperatur, domatur. Inter diuretica referuntur. Sequentia, ut:

*Radices alcannæ*, *Folia theæ*, *Sabinæ*, *Fructus alkekengi*, *Balsamum peruvianum*, *Copayvæ*, *Myrrha*, *terebinthina veneta*, *Contharides*, *Millepedes*, *Sapo venetus*, *Sperma ceti*, *sal succini*, *oleum terebinthinæ*, *sabinæ* &c.

Hæc omnia constant ex sale volatili oleoso, quibus facile succi fluiditati priori restituantur; & eadem operâ multum mingitur, præsertim si theæ sorbitiuncula pro vehiculo est, & ad sudorem usque propinetur; sudando



do enim multum acidi è corpore expellitur: acidum temperantia & simul oleosa, hæc sunt: ut

*Radices Chinæ, Salsæ Parillæ, Lignum Guajacum, Sassaparillæ, Potus Thèæ, Pyrolæ, Sabina, Crocus, Balsamum peruvianum, Copaibæ, Caphoræ, Gummi Elemni, Mastix, Terebinthinæ, Oculi Cancr., Sperma Ceti, Coralli, Bolus, os sepia, &c.*

Hiscæ similibusque acidum planè domatur, continent enim multum alcali, quod cum acido tamdiu colluctatur, donec planè sit subjugatum. Dabimus itaque in tyronum gratiam quasdam formulas, huic rei appropriatas: ut

*Recipe Oculi Cancr., unciam semis.*

*Caphoræ,*

*Terebinthinæ Venetæ, ana drachmas tres.*

*Balsami Peruviani, scrupulos duos.*

Misce fiant pilulæ ex scrupulo quinque.

Sumantur quotidie quinque vel sex, quæ non tantum acidum temperant, sed & illud per urinam pellunt. aut

*Recipe Oculi Cancr., unciam unam.*

*Foliorum Sabinæ, drachmam duas.*

*Terebinthinæ Venetæ, drachmas duas.*

*Balsami Copaibæ, scrupulos duos.*

Misce fiant pilulæ ex scrupulo quinque. Dosis ut antea. vel

*Recipe Oculi Cancr., uncias duas.*

*Lapidis prunellæ, unciam unam.*

*Salis Tartari Vitriolati,*

*Caphoræ, ana drachmas duas.*

*Balsami peruviani, quantum sufficit.*

*Olei Sabinæ, guttas decem.*

Misce fiant pilulæ parvæ; dosis est à scrupulo integro ad drachmam unam vel.

*Recipe Mastiches, unciam semis.*

*Caphoræ, drachmas duas.*

*Salis Succini, scrupulum unum.*

*Olei Ejusdem, guttas viginti.*

Misce fiant pilulæ. vel

*Recipe Radicum Alcanthæ, uncias duas.*

*Olei Terebinthinæ, quantum sufficit.*

Misce.

Dige-



Digerantur in loco calido. Urinam optimè pellit, si detur ad sex, vel decem guttas.

Quidam *cantharides* hoc modo præparant, ut

*Recipe* Cantharidum, *drachmam unam.*  
Spiritus Vini, *uncias quinque.*

Digerantur aliquot dies, & drachmæ duæ humectantur cum oculi cancri duabus drachmis. vel.

*Recipe* Oculorum cancri, *unciam.*  
Cantharidum, *scrupulum unum.*  
Olei Terebinthinæ, *drachmam unam.*  
Sabinæ, *guttas decem.*  
Vini Rhenani, *uncias sex.*  
Misce fiat tinctura: quæ cochleatim sumitur.

*Quercetanus* multum gloriatur de suâ aquâ, quæ etiam ex sale volatili oleoso constat; si *terebinthina* cum ovi vitello & aquâ *Quercetani* propinetur, etiam juvat.

Ramosæ terebinthinæ particulæ ab ovi vitello ita circumvolvuntur; ut sese nequant explicare, hinc ori aut dentibus non adhærent, & facile admixtione alicujus vehiculi propinantur; & si opus sit, ut urina magis pellatur, addendum nonnihil olei succini aut sabinæ. Aliquot etiam olei succini guttæ in alcohol vini liquefieri possunt, ut cum vino hauriantur.

Advertendum ne Diuretica ex Terebinthinatis nimîa assumantur, nam succorum cursus nimium actus obstruit obstruatos testiculos & glandulas inguinales, hinc citissimè bubones & testiculos venereos nasci testis oculatus sum.

Ut porro ardor in renibus ac urinæ temperetur, nihil præstantius quam multum potus théæ forbere, quo omne acidum eluitur, & quidquid ardorem concitat compescitur, nam cum urinâ foras pellitur. Ejus loco sumi potest ptisana ex hordeo, glycyrrhizâ, passolis falsâ parillâ &c. aut fiat forbitio cum lacte & potu théæ.

Forti extractione théæ etiam injectiones fieri possunt, quibus ulcus detergetur. vel

*Recipe* Vitrioli Albi,  
Caphoræ, *ana drachmam unam.*  
Spiritus Vini,  
Aquæ Rosarum, *ana uncias octo.*  
Misce fiat injectio. vel

*Recipe*



*Recipe* Aquæ Communis, *uncias tres.*  
 Salis Saturni, *drachmam unam.*  
 Caphoræ, *scrupulum unum.*  
 Misce fiat injectio.

Ex aqua etiam calcis parari possunt.

Virga si admodum sit inflammata, ita ut videatur incurvari, ei nonnihil applicandum, quod inflammationem depellit: ut

*Recipe* Boli Armenæ, *drachmas duas.*  
 Caphoræ *scrupulum unum.*  
 Spiritus Vini, *quantum sufficit.*  
 Misce fiat linimentum.

Hoc peni applicatur, & inflammatio cessabit.

A Sudoriferis etiam non abstinendum, præsertim, si ex *Guajaco*, *Sassafras*, *Chinâ*, *Salsâ Parillâ*, &c. parantur, & malum inveteratum, de quâ materiâ formulas dabimus, cum de lue confirmata sit tractandum.

Si necesse sit ut gonorrhœa compescatur, sequentia exhibito:

*Recipe* Gummi Elemni,  
 Mastiches, *ana drachmas duas.*  
 Terræ catechu, *scrupulum unum.*  
 Misce fiant pilulæ.

Si singulis diebus duæ aut tres deglutiantur, in omni modo brevi effectum requisitum præstabit, nisi ulceratio esset inveterata, atque ampla. Si ulcus sit pertinax, injectionibus nonnihil æruginis admiscendum, ut crusta impura absumatur. Curatione ad umbilicum perducta, inter curandum maximè victus ratio est habenda: & loco cerevisiæ, vel vini tum decocta ex falsâ parillâ & chinâ &c. bibenda, aut, ut dixi, potus théæ, cofféæ, ptisana, lac, cerevisia recens tenuioris notæ, & omnes potus, quibus urina fit tenuis, & minus mordax, inhiheretur enim alias curatio. Abstinendum ab acidis, falsis & omnibus acribus: manducandum nonnunquam passulas majores cum amygdalis.

## OBSERVATIO EPISTOLARIS.

**A**Nno ætatis meæ circiter decimo quarto incidi in pessimorum morum Juvenes, dumque ipsorum consortio meo fatus utor, in tenerâ ætate ab iisdem facile seductus fui, ut quod ab ipsis factum videram, & ego  
*Tom. II.* S s s Observatio de simplici & virulentia gonorrhœæ.



ego facerem aliquando, manuque mobili improbam mihi libidinem excitarem, detestandam sanè, sed quæ mihi tunc temporis perplacebat; & si enim eâ ætate semen haud emittebam, delectamentum tamen & titillationem quandam excitari mihi sentiebam ex lubrico illo contactu. Post aliquod temporis spatium & maturo jam ætatis tempore, seminis ejectio actionem eam nefariam secuta est; quoties vero in medio opere & præsentem penè seminis ejaculationem remotâ manu, ut majori & longiore delectatione fruerer, impediēbam, toties saltem post aliquod intervallum, dimidii quadrantis horæ imo postmodum brevioris temporis, sua spontè absque ulteriori erectione & delectamento, & sine dolore profluebant aut exprimendæ erant leniter guttulæ aliquot materiæ viscosæ & glabrosæ, humori oculi vitreo substantia pellucida & per reliqua omnia oculis subjecta, perquam similis. Idem mihi accidebat, quoties libidinoso contactu suaviis puellas contingerem, aut cum iisdem saltem de rebus libidinem excitantibus sermones miscerem, tum enim idem profluvium guttarum trium vel quatuor prædicti liquori ex intervallo sequebatur, quandoque sed raro; nequidem præcedente penis erectione, uti nullâ delectatione ita nec dolore. Quam rem dum non curaram & cum puellis quam frequentissimè rem haberem, animadvertēbam semper breviori intervallo illud, quidquid est materiæ provenisse, in concubitu autem vel leviter semen profliebat verum. Hæc omnia nullum tunc incommodum adferebant, nisi fortè maciei causa erant; interea temporis itineribus magnis & gravibus confectis, & in his aliquot vicibus à morbis periculosis malè habitus, comperi naturam magis magisque debilitari, & in vetere hoc meo morbo debiliorem reddi; adeo quidem, ut ante, tum & quod parumper excurrit, animadvertere mihi visus sum, me seminis aut alius alterius materiæ, semini colore subalbido & viscosâ substantiâ suâ valde similem ad quamvis ani videlicet excretionem jacturam facere, guttas duas aut tres quidem non excedentem, ac cum ullo doloris sensu conjunctam, attamen corpori inimica & memoriam immensum debilitantem: quamvis hujus rei plures causæ concomitantes esse possint. Nequid autem prætermittam, quod ad rem facere posset, dicam: biennium penè excessisse ex quo post rem cum foeminâ habitam, laboravi Gonorrhœâ Venereâ, ab illâ meâ ordinariâ multum diversâ, erat enim materia destillans purulenta & livida, & non sine dolore emittebatur urina; ab hoc ego affectu opera medicaminum à Chirurgo acceptorum convalui; sed elapsâ præcedenti hyeme per octiduum rursus quandam mingendi ardorem & parum materiæ profluentis percepi, & si cum nulla foemina tum concubuissem, quo absque usu ullius remedii liberatus sum. Jam ætatis trigesimum annum aggressus sum & non negligerem, dum amplius puto quod satis superque neglexi &c.

P. S. Ego quidem non vitio materiæ sed vasorum effluvium illud contingere existimaverim, cum nullo dolore fiat & colore vel pellucidum oculi humorem vitreum vel verum semen referat. Memoriam quomodo succurrendum sit etiam desidero avidè scire. Tuus ex omni officio

Romæ.

1691, Idibus Martiis,

N. N.

Qui-



*Quidam ab aliquo tempore gonorrhœa laborans, nescio à quo morbo obiit.*

**P**ost dissectum cadaver in prostatico ulcusculum quasi inventum est. Gonorrhœa laborantis dissectio.  
 Certum est succum, quem prostata segregant, aliquando in prostatico stagnare, præsertim à coitu virulento, unde ulcuscula: in iis, qui à longo tempore curatifuerunt, semper idem cicatrices relictæ testantur.

Non omnia enarrabo quæ rescripsi ad virum Reverendum. . . . Sed ob petulantiam, & continuam penis frictum seminisque ejaculationem, vascula ex prostatico in urethram terminantia, ita relaxata fuerunt, ut materia à prostatico secreta, suâ sponte excerneretur, hinc Gonorrhœa simplex; quæ postea, ob concubitum contagiosum in virulentam transit.

Quamvis à virulentâ videbatur liberatus, ei tamen dedi pilulas meas ordinarias, quæ constant ex balsamo copaibæ, oculis cancri, bolo armenâ, arcano nostro &c. de hisce singulis diebus duodecim devorabat. Postea ut simplex Gonorrhœa inhiaberetur, injectionem curavi præpare astringentem valde & consolidantem ex corticibus granatorum, salviâ, cerussâ, lithargyrio &c. & convaluit.

Juvenis quidam 26 annorum, Divæ Futuariæ sacra ad ravim usque exco- Alia obs.  
 luit & loco præmii recepit torrentem aquæ insalubris, nihil curans stillicidium hocce nidorosum, post aliquot septimanas demum sibi adhiberi finit remedia & quidem pellentia, optimo cum successu, fluxus tamen ille albus jam redditus non poterat sisti; tædiosus hinc respuit ulteriorem medelam & gessit malum ferè per semiannum patienter; demum implorat auxilium meum, adhibui & purgantia mercurialia & sudorifera ut & injectiones, successu subsequenti prospero in principio, mox penè nullo, igitur quia interna in penis parte judicaveram quasdam vesiculas parvas, materiam continentes (uti ex sectione cadaverum duorum mihi fuit observatum) immisi ceream candelam ex Unguento camphoræ, cera, admixto mercurio crudo in Urethram & ope hujus indies insignis pultacei liquoris evacuabatur copia: continuavi ergo, dedique Tincturam Resinæ Guajaci, qua mediante materia jam reddita est prorsus alba; ut autem fluxus iste sisteretur, dedi internè Tincturam catechu, boracem calcinatam & alia; externè injeci liquorem, constantem ex tertia præparata, camphora, & vino, sed nihil efficere valui, manet fluxus ille albus, immutatus, imo excernitur singulis mane ad duas tresve guttas.

Atque sic omnes monendi, si in hoc Labyrintho venereo errant, se statim curæ viri probi committant, alias stillicidium illud ad extremum vitæ terminum durat, licet venenum sit expulsus. Hic vides prostatas non semper esse in culpâ, sed vesiculas in penè excitatas, purulentamque materiam fundentes.



DE INFLAMMATIONE PENIS, GLANDIS PRÆPUTII, ET DE CHORDA, SEU TENSIO-  
NE.Glandis  
inflamma-  
tio.

**G**LANDIS INFLAMMATIO (Vulgo *Chankers* & *Spaanse kragen*) cancerorum nomine venit, nihil aliud est, quam inflammatio aut pustulæ glandem, infra præputium, occupantes, quæ insequuntur crustosis & malignis ulceribus.

*Causa* etiam est coitus cum impurâ materiâ enim concubinæ, glans illinitur, atque cum admodum (præsertim in æstu venereo) penetrat, atque glandis cuticula admodum tenera est, venenum illud operatur in modum cantharidum, quarum particulæ ab humido quoque dissolutæ, calore cutis agitantur, hinc scindunt, dissecant, comminuunt, &c. : & plurimæ earum cuticulam penetrantes, vascula lymphica tenella dirumpunt; lymphæ effunditur, & intra cutim & epidermidem colligitur: idem ab hoc veneno expectandum, quod etiam in actum ducitur, atque cum volatili alcali istius sanæ partis lustratur: veneno itaque hoc tam celeriter trajiciente, nempe secando, scindendo &c. usque in canaliculos minores adigitur, unde succis accedit ingens alteratio. Nam si acidum istius veneni cuspidibus suis in succis prætercurrentibus hæreat, fluxus & circulatio retardantur, eodem modo ac asseres longæ ac graves multo facilius per flumen vehuntur, si ab aliâ causâ non impediuntur, quam si per singulos asseres trabes transversim essent infixæ, tunc enim in fluminis oram continuè impingerent, & hoc modo flumen clauderent: quemadmodum illud de asserebus dictum, contingit quoque alcali cum venenoso acido, quod quia, canaliculos glandis minutissimos penetrare non poterat, tanquam trabibus transversim infixis hæreere debet, unde sensim obstructio producit, præsertim si in memoriam revocamus, succos à tergo affluentes à latioribus canalibus ad angustiores cursum dirigere: quod fit ac si plurimæ naves ex flumine spatiofo simul per angustiam quandam dirigantur, præsertim velis suis ac malis, tunc se non tantum mutuo compriment, ac mala cum velis à funibus illaqueabuntur. Idem itaque contingit succis & istis particulis in vasculis tenellulis.

Hisce prælibatis, videndum quid ulterius huic obstructioni contingat. Nam obstructio, quæ ibi facta est, semper in eodem non manet statur, ac à continuò succorum affluxu, obstructio magis ac magis augetur: nam si mihi sit aquæ ductus, qui paulatim magis ac magis angustior sit, atque in eum lapides, ligna, &c. ceciderint, si tunc longo ligno lapides, &c. à latiori loco ad angustiore velim protrudere, tunc aquæ ductus necessariò obstruetur: antea enim per intercapedines lapidum aqua aliquomodo sibi viam parabat: ac quoniam nunc parietes utriusque lateris attingunt, atque invicem ita proximè appropinquant, ut intercapedines

sint.



sint abolitæ, omnis liquor fisti debet, & si prima obstructio augeatur, idem evenit nostris corporis succis, ubi à latiori viâ ad angustiore trudentur, tunc quoque obstruentes particulæ arctius ad invicem compinguntur, & succi desuper accurrentes subsistunt, hinc obstructio dilatatur, & in tumorem elevatur.

Canaliculo uno atque altero ita obstructo, etiam proximè adjacentes comprimuntur, angustantur, hinc propter angustiam, tanta succorum copia præterlabi nequit, ut antea, ideo per consequens ob morantes succos; aut saltem tardius incedentes intumescencia magis augetur.

Hiscē ita suppositis, sensim inflammatio augetur & dolor ingravescit; quia obstruentes illæ & coagulantes particulæ non semper in eodem statu manent, sed mutationem patiuntur, quæ sensim ad corruptionem vergunt: corpuscula enim illa continuò adhuc à materiâ subtili moventur: succis enim canaliculis incrassantibus, globuli aërei externè prævalere incipiunt, quibus succi ita premuntur, ut intra eos canaliculi angustari cogantur, atque apti evadant, ut subtilis tantum materia transmittatur: ergo concludo, nunc, quam antea subtiliorem transfulminare materiam, quæ etiam celerius movetur: quo enim particulæ sunt subtiliores, eo quoque facilius in motum ducuntur; & quo crassiores ac grandiores, eo difficilius moventur. Si itaque subtilibus particulis ejusmodi major & celerior motus sit, admodum igni similes sunt, vel & ipsæ ignem constituunt: cum itaque materia hæc subtilis ignis in modum per materiam hujus tumoris obstruentem fulminis instar transvolat, oritur calor effervescens, ut in fæno madidè nimis aggesto, aut Rosis, &c. in acervum aggestis. Particulæ nunc quæ in materia obstruente existunt, in actum ac furorem quasi irritantur, quia in celerem motum ducuntur, culicum instar inter sese volitantes, secando, scindendo, conterendo, comminuendo &c. omnia obvia; unde non tantum dolor nascitur, aut tandem ulceratio, quæ in glande dicitur *cancer venerens* (*chancker*: sed in præputio, præsertim deglubato, appellatur *paraphymosis*, (*een spaanse kraag*.) Materia porro inde effluens tenax <sup>Cancer</sup> est & viscida, constans ex plurimis particulis ramosis, plurimas particulas <sup>venerens.</sup> non tantum alcalicas & acidas, sed & aquasas seu anguiformes, continen- <sup>Paraphy-</sup> <sup>mosis.</sup> tibus, quæ à calore, assiduò perfluente, in aërem vehuntur, & exhalant; unde minor fluiditas remanet, quam ante: hinc crusta producitur.

Pus interim, quod infra crustam colligitur, quoniam acre est & mordax, nam à subtili materiâ ulterius movetur, secando, scindendo adhuc perseverat, idque majori vi quam antea, hinc ulceratio latius ambulat, & profundius exeditur: ita ut non tantum integer penis hoc modo afficiatur sed, si tempestivè remedia non adhibeantur, sed sæpe totaliter exedatur, & putrescat.

Continua puris emanatio fit, quia à succis à tergo affluentibus foras comprimuntur, quia canaliculi sunt exesi, aperti, & quidquid effluxerit, (quia ex materiâ lacteâ constat) acorem contrahit & puris materiam præbet. Hic nihil sanguinis effluit, quia obstructio non est in arteriis aut venis, sed



in vasculis minutissimis. Sed contingit interdum, si vasa majora sint exesa ut sanguis magnâ sæpe copiâ effluat, qui vix sistitur.

*Paraphymoses* id peculiare habent, quod præputia planè retro deglubantur, & glandem nudam relinquant, atque hujus rei ratio hæc est, nisi fallor: quando penis intumescit atque inflammatur; tunc præputium illud inflammatum glandem contegere nequit, at retrò cedere cogitur, nam quia ab inflammatione expanditur, etiam in crassitie accrescit, eodem modo ac vesica, quæ inanitur, etiam in latitudine extenditur.

*Secundo*, glans ab anteriori parte magis tumet, quàm à posteriori, hinc facilius retrò deglubitur. seu retrahitur.

*Tertio*, ut præputium retrahatur necessarium est; glans enim aliquando ita intumescit, ut à præputio contineri nequeat, hinc ejus dolores, gangrænæ &c. Præputium porro illud ita retractum, atque pustulis ulcerosis obductum, dicitur nobis *een spaanse kraag*, cujus origo, progressus, causa, &c. eadem est ac supra de cancriis venericis dictum: ex quibus satis intelligitur, quomodo ulcuscula nascentur, ideoque cramben bis coctam ad vomitum usque non apponemus.

Chorda.

Nunc aliquid dicendum restat de affectu, qui dicitur *Chorda*, gallis *cordée*, symptoma quoque Gonorrhœæ: id est, quando penis incurvatur versus posteriora, eodem modo ac si à fune quodam traheretur: illud, nisi fallor, hac de causâ fit: quia in penis texturâ quædam partes sunt, quæ dilatari possunt; & iterum aliæ, quæ non: nam quando ambo corpora nervosa ab inflammatione ita dilatantur, sæpe urethra, quæ intermedia horum corporum est, illam extensionem non sequitur, at priorem tantum longitudinem servat, atque ita videtur penis glans deorsum incurvari. Eodem modo, ut si plantem arborem juniorem A (TAB. VII. Fig. 42.) seu arbusculam, & in superiore parte funem annectam. B, atque circa radicem, C. quoque firmiter jungam seu tendam, sequeretur illam post aliquot annos fore incurvatam; (ut in Fig. Tab. VII.) funis enim erat impedimentum ne arbuscula se erigat: atque ita se quoque res habet cum pene, qui incurvatur, quia urethra elongari & per consequens incurvari vix queat.

Tandem devenimus ad curationem, atque primo inflammatio est extinguenda, & si quædam infra aut supra præputium ulcuscula appareant, detergenda & deinde profliganda.

Hoc ergo modo inflammatio cessabit, si sæpius in tincturâ Thææ calidâ lavetur, atque in eâ aliquantulum maceretur, ut nempe omnis acrimonia elixivietur: vel ejus loco fumatur lac calidum, aut aqua simplex, cui nonnihil caphoræ admisceri potest: inflammationi depellendæ convenit quoque sequens unguentum: ut

*Recipe* Boli Armenæ, *unciam semis.*

Colcothar vitrioli edulcorati,

Caphoræ, *ana drachmam semis.*

Spiritus vini, *quantum sufficit.*

Misce.

Hujus



Hujus medicamenti operatio hoc modo peragitur : primo præscribo & balsamica & colcothar, quæ maximâ ex parte ex fale alcali constant; dein & caphoram, quæ nihil aliud est quam quoddam sal volatile oleosum, quibus vini spiritum admisceo. Spiritus itaque iste cum caphorâ mistus, à subtili materiâ quam maximè movetur, ideo si inflammationi applicetur, propter agilitatem ad interiora penetrat, hinc plurimi canaliculi primo aperiuntur, & secundo materia obstruens fluori restituitur; vel saltem in majores motus & agitationes instigatur; hinc pars evaporatur, & pars iterum sanguinem & succos intrat: quod igitur evaporatur, à poris boli & calcotharis excipitur, atque iterum (quia vacuum non datur) quædam alcalicæ particulæ à penis canaliculis excipiuntur: ideo quando venenosum illud acidum in actum ducitur, ab alcali denuo mortificatur atque sub jugum mittitur, quod satis ex chymicis miscelis manifestum. Idem fit quando in pavimentum aut vestes oleosum quid stillavit, hanc maculam norunt mulierculæ nostræ promptè delere, accipiunt enim terram quandam pulverulentam, ut creta, gleba, bolus &c. hanc cum spiritu vini aut aquâ in pul-tem crassam redigunt, & hac maculam illinunt, aut alibi macula est. Cum porro materia illita exsiccat, aquosæ anguiformes particuli à materiâ subtili in auras pelluntur, hinc quia nihil vacui remanere potest, aliud succedere cogitur, & quoniam nullæ aliæ fluidæ adsunt quam ramosæ seu oleosæ, coguntur in priorum locum succedere, atque sic macula deletur. Itaque, cum medicamentum exsiccat, excipit particulas inflammationem excitantes, & inflammatio diminuitur, non secus ac macula delebatur.

Si itaque contingat, inflammationis obstructionem tam altas insinuasse radices, ut planè nequeat deleri; ut ante dictum, tunc particulæ istæ tamdiu secant, scindunt, &c. donec canaliculi sint fracti, & tunc indicatur ea à purulentâ materiâ debere detergeri, alias ulcera nimis profundè exeduntur, & totus penis absumeretur, nisi requisitis medicamentis malo resistatur. Sequuntur itaque quædam formulæ: ut

*Recipe Viridis Æris, drachmas decem.*

Sublimati, grana quatuor.

Caphoræ, scrupulum.

Vini Generosi, uncias tres.

Misce fiat linimentum. vel

*Recipe Aquæ mercurialis Fallopii,*

Spiritus vini, ana uncias duas.

Thuris,

Alocs,

Caphoræ, ana drachmam unam.

Misce.

Atque hæc sunt medicamenta, quæ dicuntur *detergentia*, quorum operandi



randi modus hic est. Prioribus formulis inest *Mercurius*, acido hostis inimicissimus, (de quo postea erit sermo.) *Mercurius* hic in sublimato inter salium intercapedines, coërcetur, atque ideo facilius ab aquâ aut vino absorbetur, ut commodius in usum adhiberi possit: huic adjicimus insuper quædam salia volatilia oleosa, ut est caphora, aliaque gummi, quæ spiritu vini solvuntur; atque hoc fit, ut per horum motum mercurialia in canaliculos penis penetrarent, & materia obstruens venenosa solveretur, atque sic acidum domando à mercurio in auras elevatur; & cum acido avolat ad tartara: hisce nonnunquam additur aliud quid, quod magis incitat, ut est ærugo, vitriolum album, &c. quæ propter particulas crassas undequaque quidquid incongruum abrodit, atque ulcus ab omni inutili ac canaliculis fractis detergit. Aqua sequentis præcipitati huic etiam rei inservire potest, nam postea in usum vocabimus: ut

### SUBLIMATUM DULCE PRÆCIPITATUM.

*Recipe.* Sublimati triti, *unciam semis.*

Saliis Armoniaci, *unciam unam.*

Aquæ pluvialis, *uncias octoginta vel centum.*

Misceantur in vitro aut ollâ vitreatâ, materia interdum agitur, addendo postea uncias duas salis tartari, tunc sublimatum præcipitabitur: pulvere subsidente aquam decanta, præcipitatum sicca, & usui serva: aquam in lagenâ serva.

Liquor iste constat ex particulis salinis, ex quibus sublimatum erat compaginatam, nempe ex vitriolo & sale, quibus quædam particulæ ex sale armoniaco, & sale tartari accedebant; atque sic salia fixa à volatilibus movebantur, & acidum ulceris à vitriolo, sale tartari, atque armoniaco domatur: interim quoniam omnia in motu sunt, ulceris parietes blandè roduntur, quod *detergere & mundare* dicitur.

Quod nunc præcipitatum est, maximâ ex parte particulæ mercuriales sunt, quibusdam ex sale tartari & armoniaci: *Mercurius* enim primo à salium spiculis acidis in sublimato in solidum corpus redactus, quo in aquâ soluto, cuspides omnes acidæ à mercurio solvebantur, atque in alcalicis insinuabantur; quibus, priorem sedem, relictis, volatiles salis armoniaci particulæ mercurii poros iterum occupabant; quando enim priores locum relinquebant, & aliæ succedere debebant, quia semper corporum motus circularis est.

Neque hic aqua calcis excludenda, notum enim, calcem ex alcali constare, quod mediante aquâ acidum ex ulceribus in canaliculis suis recipit, nam erat causa quare ulcera non poterant consolidari, remoto itaque acido, atque ulceris parietibus deterfis, consolidatio sequitur.

Interim Mercurialibus licitum est corpus nonnunquam purgare; fumendo interdum pilulas ex *terebinthina*, *cancris præcipitato albo* &c. confectas: Opor.



Oporteret ægrotum etiam nihil aliud bibere quam decoctum ex *salsa paril-lâ & chinâ*, idque calidè, quo acidum ex corpore etiam pelletur: *hoc opus hic labor.*

Quomodo porro carnosâ substantia crescat, cicatrix inducatur, In Institutionibus nostris diximus, *dis καὶ μεν δάναλον*. Remedia interim quæ ad acidum in ulceribus temperandum adhibentur, est *Emplastrum Gryseum*, constans ex variis acidum temperantibus, ut sunt alia omnia, *Lapis Calaminaris*, *Lithargyrium*, *Cerussa*, *Tutia*, &c. His accedunt quædam ex salibus Volatilibus & oleosis constantia & aromatis, ut *Terebinthina*, *Thus*, *Mastix*, *Myrrha*, *Caphora* &c. aciditates quoque absorbet *Diapompholigos*; hisce sæpe adduntur Mercurialia, & ne luxuriosè nimium crescat caro, additur præcipitatum rubrum. Olea ac pinguedines sæpe impedimenta sunt, si emplastris admisceantur: ideo si illa vitari possint, potius ad lavamenta crassa transeundum: ut

*Recipe Cerussæ, unciam semis.*  
*Lithargyrii auri, drachmas tres.*  
*Thuris, drachm. duas.*  
*Præcipitati rubri, scrupulum semis.*  
*Spiritus Vini, quantum sufficit.*  
 Misce fit unguentum molle.

Si exsicceetur, spiritu vini iterum ad consistentiam debitam est reducendum, vel:

*Recipe Tutia præparatæ,*  
*Thuris, ana drachmas duas.*  
*Caphoræ, drachmam semis.*  
*Spiritus Vini, quantum sufficit.*  
 Misce fiat unguentum molle. vel

*Recipe Minii,*  
*Boli, ana drachmas duas.*  
*Mastiches, drachmam unam & semis.*  
*Vini spirituosî, quantum sufficit.*  
 Misce fiat unguentum molle.

*Recipe Eboris Usti,*  
*Plumbi Crudi Aquâ Triti, ana drachmas duas.*  
*Myrrhæ, drachmam & semis.*  
*Aquæ Calcis quantum sufficit.*  
 Misce fiat unguentum.

In ulceribus aliquando verrucarum species succrescit; illæ præcipitato rubro aut alumine isto absumuntur: idem fit in callosis ac cartilaginosis



cicatricibus, quibus à nonnullis *Emplastrum de Ranis cum Mercurio* applicatur. vel sequens unguentum: ut

*Recipe* Unguenti Rosacei, *unciam semis.*

Mercurii Vivi, *unciam semis.*

Misce.

*Dieta* quam optimè servanda: vitanda inebriantia: cibus sit recens caro, biscocta, lac, ova, olera: potus fiat ex falsâ parillâ & chinâ:

## C A P U T XLII.

### DE URETHRÆ CARUNCULA.

*Caruncula.* **G**onorrhœæ socia est CARUNCULA, quæ præsertim producitur, ubi semen & succus prostaticus effluit: si itaque materia illa effluens fuerit acris, mordax, corrodens, omnesque partes præsertim ibidem loci corrodit, tunc ibi fit primo inflammatio, & quoniam materiæ venenosæ semper exitus conceditur: non tantum cum dolore excernitur, sed quia materia effluens ex particulis constat acutis, continuo in canaliculos illos angustatos infilit, itaque tanquam cultris & ensibus conscinduntur, unde ulcus, ut antea de cancris venereis dictum: ergo ulcus illud sive apertura, tam citò nequit consolidari, ac id quod supra penem exterius est; si enim Gonorrhœa non adsit, ab urina præterfluente apertum tenetur: & quia tunc ad votum cicatrice obduci nequit, carnosa seu fungosa pars altius, quam oportet crescit; hinc urethra obturatur, & urina retinetur unde mingendi difficultas. Quomodo porro excrescentiæ fiant, ut & Hyperfarcoses, in *Institutionibus nostris* docuimus.

Caruncula illa facile cognoscitur, ex mingendi difficultate. *Deinde* quando propè penis initium nonnihil nodosum sentitur in urethrâ cui dolor accedit; quamvis non semper in loco, sed aliquando magis versus extremitatem, atque non tantum in uno loco, ast sæpe in pluribus, quia tota urethra non raro excoriatur: imo & in foeminis quandoque reperitur, ast rarius. *Tertio* si cathetere seu stylo resistentia invenitur. *Quarto*, si Gonorrhœa vel simile quid præcesserit. Memini me carunculam observasse in quodam viro puro, & minimè ex Gonorrhœâ virulentâ, de qua hic sermo.

Progrediendum nunc ad curationem; fiat catharsis *æva* per mercurialia, ut ante præscripta: sudatio aliquando instituenda omnia enim quæ acidum temperant, fugant in omnibus morbis necessaria: ast præcipuum in hoc symptomate est, ut caro illa fungosa absumatur, quod factum haud ita facile est. Proximum est ut cannula ex argento, plumbo aut stanno vel ex ebore conficiatur, quæ admodum lævigata & polita est, ne dolorem inferat;



inferat; cujus extremitas, quæ foris prominet, sit pileata, ut cannula facile eximi possit, & intrudi.

Alii cannulam conficiunt ex linteo cerato, sed quia ad introducendum, urethræ Capacitas non satis est ampla, eligerem potius cannulam argenteam, auream, aut eburneam: verum quia à quibusdam in usum vocantur, modum conficiendi describam. Sumitur linteum firmum, & satis solidum, & ceræ albæ liquatæ, cui nonnihil olei admixtum est, intingitur, eodem modo ac sparadrapa fiunt. Linteum illud ceratum circum stylum volvitur, & cannula fit: quæ oleo lita urethræ intruditur: in extremitate foris filum propendat, ne vesicam ingrediatur, & facilius extrahatur. Vel sumitur linteum circum stylum volutum, quod cera, ut antea, intingitur, quo refrigerato, stylus extrahitur, & cannulam habebis secundum artem factam.

Quidam cannulas habent plumbeas, quæ quidem præstant, modo satis lævigatæ sint; plumbum enim scabrum est, ideoque minus aptum. Eburneæ glabræ sunt & rigidæ, ideoque præ cæteris elephantinas mallem.

Comparatâ fistulâ, pulvere commodo opus est, ut caruncula absumatur: atque sequentia in usum duci possunt: ut

*Recipe Aluminis usti, drachmam unam.*

*Æruginis, grana decem.*

Misce. vel

*Recipe Præcipitati Rubri, grana decem.*

*Pulveris Sabinæ, drachmam unam.*

Misce. vel

*Recipe Florum Sulphuris, drachmam unam.*

*Æruginis grana decem.*

Misce.

Hæc & similia pro re natâ possunt magis imbecillia aut fortia fieri.

Per hanc cannulam quædam unguenta intrudi aliquando possunt, idque usque ad carunculam, mediante stylo intruso: ut est *unguentum apostolicum*: vel

*Recipe Butyri recentis, unciam unam.*

*Ceræ Citrinæ, drachmas duas.*

*Terebinthinæ, drachmas tres.*

*Præcipitati Rubri,*

*Æruginis, ana scrupulum unum.*

Misce.

Hoc tamdiu intruditur, donec fungus sit consumptus.



Remotâ carunculâ, consolidandum est, & per cannulam sequens pulvis est inflandus: ut

*Recipe* Antimonii Crudi, *drachmam unam.*  
 Boli Armenæ, *drachmas duas.*  
 Caphoræ, *scrupulum unum.*  
 Misce. vel

*Recipe* Lapidis calaminaris,  
 Olibani, *ana drachmam unam.*  
 Misce. vel

*Recipe* Terræ Vitrioli dulcis,  
 Cornu Cervi Usti, *ana drachmam unam.*  
 Resinæ Citrinæ, *drachmam unam.*  
 Misce. vel

*Recipe* Terræ Sigillatæ,  
 Cerussæ, *ana drachmam unam.*  
 Caphoræ, *drachmam semis.*  
 Misce. vel

*Recipe* Lithargyrii Auri,  
 Mastiches, *ana partes æquales.*  
 Misce. vel

*Recipe* Plumbi Usti,  
 Tutix, *ana drachmas duas.*  
 Caphoræ, *drachmam semis.*  
 Misce.

Ex hisce pulveribus etiam unguenta fieri possunt, modo addatur oleum, cera, & terebinthina: accedunt hisce vulgaria quædam, ut, *Emplastrum Gryseum, Unguentum Oculare, Diapompholigos, Opodeldoch Felicis Wurtz.* &c.

Intetim pro urinâ reddendâ, nonnunquam cannula est extrahenda: & si reddi nequeat, Catheter est inferendus, qui ultra carunculam est trudendus: emissâ urinâ, cannula iterum intromittenda, & recens pulvis est inflandus: atque hoc tamdiu continuatur, donec curatio sit peracta.



OBSERVATIO CANNULÆ PLUMBEÆ IN VESICAM PRO-  
LAPSÆ, ET DE EJUS PETRIFICATIONE, MIHI PER  
EPISTOLAM IN HUNC MODUM COMMUNICATA,  
QUAM EX GALLICO SERMONE TRANSTULI,

*Doctissime Domine,*

**A**Nte Menses ferè tres fui Amstelodami, & bis ad ædes vestras, mihi ut esset honos vos salutare & eodem tempore gratias agere pro vasis Destillatorii delineatione, quam mihi misisti, sed non licuit, ob absentiam vos videre. Interea temporis transtuli me cum Barone quodam Aquisgranum, cui anno supremo in Hollandiam curru se transportando, incescit infortunium, ut cannula quædam plumbea, straminis majoris amplitudine, virgæ intrusa, (ut urinam nempe facilius redderet & Urethra maneret semper aperta) quæ ob currus postis nimium motum, in vesicam prolapsa est: post hæc nimiam exinde sensit incommoditatem, ita ut ad sectionem se componeret: quæ per Eremitam Gallicum, virum probum, (nomine *Frere Jacques Baulieu*) fuit instituta; mirabamur quam inaximè, nos loco dicti plumbi, videre calculum, tempore decem mensium formatum, quo plumbum erat incrustatum; pendebat absque plumbo ferè sesquiunciam. Erat observatio digna vobis ut communicarem, idque eo magis quia ipse testis oculatus, ipsumque Baronem à vulnere persanaverim. Interim &c.

Domine,

Trajecti ad Mosam,  
14 Nov. 1698.

Vester obedientissimus servus  
N. EICHHORN, Chirurgus  
legionis de son Alt. Monsieur le Duc de  
Holstein Pleun & Chirg. Major de son  
Regiment.

Ex hac observatione primo erudimur quam necessarium sit cannulis uti pileatis, ne in vesicam, Pectus, Ventrem, &c. prolabantur.

Deinde quod omnia, ut pili, aciculæ, vel quævis alia semper crustis calculosis incrustantur: particulæ enim salinæ, si superficiem inveniant commodam, ei adhærent, ut duo lapides marmorei, de quibus antea mentio facta.

C A P U T XLIII.

DE TESTICULO VENEREO, SEU HERNIA  
VENERIS.

**T**ESTICULUS VENEREUS, seu HERNIA VENERIS (Belgis *een sand-kloot*, ob gravitatem, vel *Venus-kloot*) nihil aliud est quam expansio vasculorum testiculum componentium.

Testiculus  
Veneris.

Ttt 3

Si



Si ante veneni expulsiōem Gonorrhœa nimis citò sistatur, tunc materia seminalis in canaliculis testiculorum remanet, atque morando inspissatur. Quomodo nunc illa materia contagiosa est, hoc modo, nisi fallor peragitur: quando succus ex prostaticis in urethram, curato priori ulcere, non amplius fluit, debet per vascula quædam iterum in sanguinem regredi (nisi quis statuere velit à prostaticis aut vesiculis seminalibus vascula nonnulla ad testes euntia, quæ necdum novi inventa) is sanguis denuo testiculos intrans, ut ibidem seminalis materia separetur, adhuc veneno Venereo turget, & incrassatur, eodem modo ac supra dixi de alcali & acido.

Hicce ita positis, semen per canaliculos testiculares seu feminales tam subito incedere nequit, quam oportebat, vel potius, ibidem incipit moram trahere: & quoniam à tergo continuus est affluxus, testiculus unus aut ambo magnopere extenduntur, & continuâ expansione admodum duri evadunt. Si humor itaque ille incrassatus non statim attenuatur, facile in scirrhum mutantur: quædam vascula etiam à materiâ illâ acrisæpe corroduuntur, & humor emanat, hinc fungosa excrescit caro, & testiculum in immensum usque excrescit, non sine magno dolore aut tensione; omnes enim fibræ expanduntur, & minimæ rumpuntur.

Videamus nunc breviter quæ ad curationem conducant: per attenuantia & in actum ducentia materia incrassata est fluiori restituenda: ast si altas egerit radices, conandum ut pus producat, aut quidquid scirrhosum est cultro amovendum: ast si omnia remedia incassum adhibita sint, castratione opus est. Intus dari possunt pilulæ ex *Terebinthinâ*, *Balsamo Peruviano*, aut *Copaibæ cum oculis cancri*: hicce devoratis multum potus Theæ sorbendum, quo corpus incalescat, & succi fluidiores fiant. Imo & in vino hispanico nonnulla grana *salis volatilis cornu cervi* fumenda. Hujus indolis etiam sunt:

*Spiritus salis Armoniaci, Eboris, Ossium, Sanguinis, Urinæ, sal volatile oleosum, cornu cervi, Eboris, Urinæ, Flores salis Armoniaci, &c.*

Omnia salia volatilia sunt venenis acidis alexipharmaca. Quamvis interna optimi sint usus, externa tamen minimè negligenda; nam cataplasmata, fomenta & Emplastra admodum proficua sunt; fiat igitur cataplasma viscitur:

*Recipe* Fimi vaccini, *uncias tres.*

Foliorum Phellandrii,

Rutæ, *ana Manipulum unum.*

Tabaci, *drachmam unam.*

Coquantur ad consistentiam ferè pultis, addendo

Farinæ tritici,

Mellis, *ana uncias duas.*

Misce fiat Cataplasma. vel

*Recipe* Fæcum vini, *uncias tres.*

Farinæ fecalices, *uncias duas.*

Caphoræ, *unciam semis.*



Spiritus vini, *quantum sufficit.*  
 Misce fiat Cataplasma. vel.

*Recipe* Fœcum Vini,  
 Panis secalicei, *ana partes æquales.*  
 Coquantur ex cerevisiâ jopenfi in formam cataplasmatidis.  
 Sequuntur nunc quædam Fomenta : ut

*Recipe* Cerevisiæ jopenfis (seu potius lupulatæ) *uncias tres.*  
 Spiritus Matricalis, *uncias duas.*  
 Salis Armoniaci, *guttas decem.*  
 Misce fiat fots. vel.

*Recipe* Tabaci, *Manipulum semis.*  
 Nasturtii hortensis, *Manipulos duos.*  
 Phellandrii, *Manipulum unum.*  
 Coquantur ex vino dulci ad uncias decem, colaturæ adde  
 Spiritus falis armoniaci, *drachmam semis.*  
 Caphoræ, *unciam semis.*  
 Misce fiat fots.

Hic *spiritus Matricalis & tinctura assæ foetide* etiam usui esse possunt.

Quando nunc hæc & ejusmodi testiculis applicantur, debent particulae, quæ tenues sunt & activæ, sese in poros insinuare, vel potius imprimuntur; nam quemadmodum videmus corium ab aquâ tumesceri, quando ejus fibrillæ ab aquosis anguiformibus particulis circumvolvuntur, ita quoque intumescit cutis & cæteræ partes; & quando una particula est impressa, tamdiu aliæ debent insequi, donec causa producit, quæ pressionem vi impedit, ne ulterius procedat : materiâ hac ita penetrantē, debent necessario illi humores, modo aliqualem habeant activitatem, mobiles fieri & fluidi, quod si procuratur, testiculus sensim detumescet, & humor incrassatus fixas sedes priores relinquet : & ut hæc omnia melius succedant, cataplasmatibus ac fotibus addendum falis armoniaci & tartari non nihil, quorum particulae ob rigiditatem magis in poros adiguntur, quam particulae ramosæ & facile flexiles : eodem modo ac globuli ex tormento bellico majori vi in rem illiduntur, quam simplex pulvis pyrius : convenit quoque Emplastrum de cumino, aut de baccis lauri, cum mercurialibus, sed ob particulas flexiles & oleosas nimium lentè operantur.

Si porro testiculi pus fundant, ulcus detergendum ac deinde consolidandum : at si frustra omnia adhibita fuerint, castratio erit pro ima medella.



## CAPUT XLIV.

## DE BUBONIBUS VENEREIS.

Bubones  
Venerei.

**B**UBONES VENEREI, nobis *Klap-ooren*, in inguinum glandulis apparent, & interdum sub axillis aliisque in locis glandulosis: adest intumescencia, calor, rubedo, dolor, pulsatio, & tensio, quæ phænomena sunt, huic tumori ut plurimum propria.

Materia venenosa vel ex sanguine proveniens, vel, quod magis credibile, ex lymphâ à pudendis & partibus generationi inservientibus redeunte, in canaliculis glandularum inguinalium deponitur, ibique obstructionem, inflammationem, suppurationem parit: de phænomenis hic nihil dicam, quoniam eodem modo producuntur, si causam venenosam excipias, ac de phlegmone dictum; dolor enim, rubedo, tensio, pulsatio &c. conveniunt.

Itaque ad *Curationem* descendamus: si tumor est in principio, annitendum, ut obstructio solvatur, absque ullâ suppuratione; si hac viâ non fiat, alia est investiganda, nempe ut quamprimum suppuratio promoveatur. Sequuntur in hunc scopum quædam formulæ, quæ vel obstructionem dissolvunt, vel ad suppurationem ducunt: ut

*Recipe* Tarinæ Tritici, *uncias tres.*  
Vitellorum Ovorum, *numero sex.*  
Capphoræ, *drachmas duas.*  
Crocī, *scrupulum unum.*  
Mellis, *quantum sufficit.*

Misce fiat Emplastrum molle. vel

*Recipe* Ceparum assatarum, *uncias duas.*  
Fini columbini, *unciam unam.*  
Seminis Sinapi, *unciam semis.*  
Mellis, *quantum sufficit.*

Misce fiat Cataplasma. vel

*Recipe* Galbani, *uncias duas.*  
Pulveris Tabaci,  
Seminis Cumini, *ana unciam unam.*  
Spiritus vini Camphorati &  
Mellis, *ana quantum sufficit.*  
Misce fiat Emplastrum.

Medicamenta hæc calidè sunt applicanda, & ne applicata erefrigerentur, ut post breve tempus solet, arenâ calidâ continuo fovendam, ut particulæ penetrantes eo facilius possint bubonis poros permeare, & obstructionem dissol-



dissolvere, seu resolvere, atque tunc sensim symptomata apparentia evanescent. At si venenum peccans nimium sit impactum, canaliculi conscinduntur, secantur, rumpuntur, hinc materia effluit, & pus evadit: facto pure, cultro aut cauterio potenciali bubo aperitur, ut eo celerius curatio maturetur. vel sequens cataplasma applicatur: ut

*Recipe Fermenti Secalicei, uncias tres.*

Sinapi, (præparati, ut mensæ solet apponi,) *uncias duas.*

Saponis nigri, *unciam unam.*

Spiritus Vini, *quantum sufficit.*

Misce fiat cataplasma.

Effuso pure, ulcus melle chelidonie & myrrhâ mundificandum, quod turundis ex linteo carpto fieri potest, tunc non tantum mundabitur, sed & sensim curabitur.

Interim aliquando Mercurialibus purgandum, & decoctum falsæ parillæ & chinæ bibendum.

## C A P U T XLV.

### DE VERRUCIS CIRCA ANUM ET PUDENDA. SEU CONDYLOMATIBUS, MARISCIS, MORIS, &c.

Inter symptomata Venerea pertinent quoque excrescentiæ quædam, quæ Bubones dicuntur VERRUCÆ seu CONDYLOMATA, quæ pro varia figura Venurei. etiam varia obtinere nomina; si ficum repræsentent, *Ficus* aut *Marisca* appellatur; si Morum, *Morus*. Quædam propendent, & *Pensiles* dicuntur: sed nomina nihil ad rem faciunt. Horum quædam dura, alia spongiosiora, & molliora.

Quando igitur à materiâ acri alicujus gonorrhœæ cutis corroditur, aut alia pars quæ ab hoc liquore tangitur, apertura fieri debet, ex qua carnosum quid excrescit, & verrucam quasi repræsentat, præsertim si cutis inducta sit. Hisce mulieres magis afficiuntur quam viri, quia ex vaginâ semper materia quædam alba promanat, quæ si fuerit venenosa & corrosiva, aut mordax, facilius anus earum roditur quam in viris: imo & ejusmodi excrescentiæ quidem in ipsâ vaginâ enascuntur, quia ibi semper materia est, quâ corrosio fit. Viri rarissimè verucis circa anum afficiuntur, quia materia illa ad anum usque, ut in foeminis, destillare nequit: sed eorum glans & præputium hisce magis vexatur: aliquando oriuntur intra ani aut vaginæ rugas, non secus ac Hæmorrhoides. Hic brevis ero, quia, quæ essent hic pertractanda de causis hujus excrescentiæ &c. in superioribus satis superque explicuimus, & ne fastidium pariat, ad curationem potius properandum.



*Condylomata* illa itaque sunt eradicanda, & locus cicatrice obducendus: nullâ apparente aperturâ, locus *oleo* vel *butyro Antimonii*, quod ob particulas corrosivas, omnia corrodit quidquid tangit; item *oleo vitrioli*, aut *spiritu sulphuris per campanam*, quæ ambo ex acidis & corrosivis particulis constant, sed spiritus sulphuris horum est penetrantissimus, quia ab igne parum differt. Litus iste quotidie est renovandus, tunc sensim decident & exsiccabuntur. Postea sequens quidem linteo carpto applicari potest: ut

*Recipe* Mercurii Sublimati, *drachmam unam.*

Salis Armoniaci,

Cerussæ, *ana drachmas duas.*

Aceti-vini, *uncias sex.*

Misce.

Si verrucæ habeant collum, facile chordâ cupreâ aut setâ equinâ sæpius convolvendo decidunt: si apertura ampla post absorptionem remaneat, ea cicatrizanda.

## C A P U T XLVI.

### DE LUE VENEREA, VARIISQUE SYMPTOMATIBUS EAM CONCOMITANTIBUS, UT ET DE MERCURII OPERATIONE.

Lues Venerea.

**P**rodromis LUIS VENEREÆ affectibus descriptis, ad ipsam *Luem* nunc est properandum, quæ solet sequi, si priora symptomata non bene sunt curata: si enim hoc veneno tota sanguinis massa inficiatur, tandem miserè homines luem incurrunt terribilem.

*Signa* in hoc affectu triplicia esse possunt, nam in principio omnia illa symptomata non apparent, quæ in medio & incremento observantur: & in fine aut summo gradu, multum differunt ab augmento.

*Principium* difficilis conjecturæ est, nam nemo facile confitetur causam, & si auguratus sis, perfrictâ negabunt fronte: deinde si rem apertè dicas, in summo gradu veritatem elocutam ægrè ferunt: dico itaque difficile esse in principio affectum conjectare: variis tamen signis simul collatis, veritatem nequeunt eludere. In *Principio* hujus affectus signa quædam habentur Gonorrhœæ, canceri venerei, bubonum, &c, nisi simpliciter per contagium, dormiendo cum contagioso, per basia, suctionem &c. malum ortum trahat, tunc primum in ea parte se primo prodit, quæ prius fuit veneno tacta: illud venenum aliquando admodum lentè, nonnunquam citius alas suas explicat: statim tarditatem incessus incurrunt, ideo si quid laboris aut motus est faciendum, ilico defessi sunt. *Secundo* Meticulosi & tristes sunt, cogitationum pleni, quod mirum non est, præsertim si actus illiciti reminiscantur. *Tertio*, color faciei est subflavus,



vus, vel expallido flavus cum intumescencia, & oculis concavis. *Quarto*, circa vesperam, & præsertim circa membrorum medium in periosteio sentiunt, qui ab Arthriticis in eo differunt, quod in articulis veniant. *Quinto*, primo adveniunt parvæ pustulæ & dolorosa ulcuscula, præsertim in iis partibus in quibus venenum primo est impressum: atque hæc sunt symptomata quæ in principio maximè apparent.

In *Augmento*, signa quam in principio sunt manifestiora, membra enim multo ad motum fiunt tardiora & graviora. Dolores quoque crudeliores, præsertim in capite. Increscunt capiti ulcera, & pustulæ pusfundentes, quæ etiam frontem, supercilia, barbæ regionem & tandem cæteras totius corporis partes occupant. Fit Madarosis seu capillorum defluvium: foetet anhelitus; nasus destillare incipit. Interdum Gonorrhœa adest, quæ à principio adfuit; item variæ ulcerosæ crustæ atque pustulæ elevatae circa pudenda. Remedia vulgaria nihil juvant, alii si adhibeantur, quæ in lue solent adhiberi statim levamen habetur.

Quando ad summum pervenerunt gradum, lues facilius cognoscitur: adveniunt tunc topi: item ossium caries, ossium nasi ac palati casus, erosiones cranii, aliaque symptomata furentia.

Phænomenon *Causæ* hoc modo explicari debent. Primo adest *Lassitudo*, *Lassitudo unde.* quæ nullam aliam trahit originem, quam ex sanguine viscido, quæ scorbuticis etiam, ob eandem rationem, familiaris est: pituitam in hac lue peccare ex cadaveribus liquet: *Nic. Massa Epist. 30. Tom. 1.* Sic inquit, „Plures homines mortuos in hospitalibus secui, qui viventes morbo Gallico laborabant, in quibus venæ per universum corpus plenæ erant pituitosâ materiâ albâ. Quæ pituita longè in quantitate superabat sanguinem, & loca etiam dolorosa madebant eadem materiâ pituitosâ: imo in aliquibus omnes lacerti madebant istâ jam dictâ materiâ, & venæ quoque, ut dixi, repletæ erant eadem.

Si Hæc vera sint, quæ docet *Massa*, pro nostrâ Hypothesi militat. Lassitudo enim si volatilibus utantur, agiliores fiunt, præsertim post assumptum potum thæ. Itaque si pituita venas & præsertim tubulos musculosos impleverit, omnia organa tardius moventur, & spiritus activi minori quantitate in cerebro & medullâ spinali segregantur, unde motus & actio maximè dependet & quia quasdam continet Particulas obtusè pungentes lassitudo molestiam parit. Eodem modo se res habet ac cum seris ferrugine obductus, quæ ferruginis interventu clavi minus obediunt, sed immobiles fiunt & strigosæ.

*Faciei tumiditas* est, quia viscidis illis humoribus omnes canaliculi, vasa *Facies tumida.* lymphica, &c. implentur, atque extenduntur, hinc cutis elevatur, & obmida expansionem, lævigata apparet cum splendore quodam: sic propter cutis tumiditatem & elevationem *oculorum* orbitæ videntur *concave*, & in circumferentia *lividitas* apparet, propter sanguinem crassum, qui per illas venas nequit circumduci, nam à vicinis partibus non tantum premitur & circulus impeditur, sed per se tardè incedit & corruptus est. *Oculi concavi. Lividi circuli.*

Porro quoniam ex sanguine tam viscido non nisi per pauci spiritus in cerebro, *Tristitia.*  
bro,



bro, &c. fecernuntur, tam hilares non sunt; sed *tristes*: & quia actum, & malum inde productum semper cogitant, cogitationemque semper revolvunt, coquunt, &c. hinc continuo sunt *cogitabundi*: deinde apud Medicum prudent confiteri; & cauti sunt, ne uxor, consanguinei, &c. sciant.

Dolores.

Sæpe de capitis, tibiarum, brachiorum, aliarumque partium *dolore* quaeruntur. Certum est materiam illam pituitosam non semper in eodem statu manere, verum illa stagnante, magna particularum debet fieri mutatio: nam ob motum, quem à subtili materiâ habent magnoperè invicem acuuntur, atque in membranas, periosteum, &c. illiduntur, illasque partes pungunt, atque sic dolorem inferunt. Et quoniam ille motus non cessat, sed particulæ salinæ & acidæ magis magisque exacuuntur, hinc dolores augentur.

Dolores  
cur noctu  
magis  
quam in-  
terdiu sen-  
tiuntur.

*Dolores* interdiu non ita molesti quam cum cubitum eunt: quia in lecto, & foribus clausis corporis succi magis incalescunt, & hostis, interdiu quietus, in actionem & motum provocatur. Sed extra lectum, corpore ab aëre frigido magis cincto, succi tardiores incedunt, & diaphoresis magis regularis est, ideoque dolores tunc remissiores, vel ferè nulli.

Cur in  
medio  
membro-  
rum.

In medio membrorum dolores plerumque oriuntur: quia materia illa pituitosa per totum corpus est distributa & data occasione, à motu cessat, sive in membranis sive in aliis partibus, quibus ossa proximè investiuntur. Symptoma illud Arthritidi vagæ non est absimilis, ideoque vix discerni potest: & plurimi dicuntur rheumatismo aut vaga arthritide laborare, qui revera ex lue venereâ laborant, ideoque artis est illud divinare.

Si materia illa pituitosa & venenosa alibi in glandulis cutaneis & vasculis lymphaticis hæret, ibi pustulæ seu parvæ inflammationes oriuntur, (& propriè nobis dicuntur *de Pokken*) præsertim generantur ubi acini glandulosi magni sunt, ut ubi pili crescunt in capite, superciliis, barbâ, pudendo, &c. eodem modo producuntur ut bubones: sic quoque suppurantur: suppuratis crusta inducitur, quia superficies exsiccatur.

Viscera  
pustulis  
obsiden-  
tur.

Illæ non tantum externè comparent, sed & viscera iis obsidentur. Doctissimus sui sæculi *Fernelius* hæc scribit *lib. 2. Cap. 14. de Abdit.* „Non „externas duntaxat, quæ sub aspectum veniunt, verum etiam in interiores „quasque partes, in ipsoque viscera penetrat, quæ dissectis mortuis compa- „rent, pustulis ulceribusque foeda.

Etiam apud *Joubertum* quædam prostant exempla. Dicit sequentia: „Visa enim sunt in apertis cadaveribus foeda ulcera & pustulæ in ipsis visceri- „bus: haud secus ac exanthemata per morbillos eadem afficiunt. Novi „enim plures, quibus ex Variola magna, non solum trachea, sed & pulmo „ipse fuit exulceratus.

„Fuit Juvenis, qui maximus tenebatur doloribus lateris dextri. Nullum „ei remedium proderat. Postquam vero mortuus est, factâ secandi potes- „tate, animadversa est cicatrix circa genua: unde factâ conjecturâ eum Gal- „lico morbo laborasse. Aperto corpore, invenerunt quod morbo Gallico „etiam interius totus laborasset: in Diaphragmate videbantur maximæ pus- „tulæ. Ubi autem fuit dolor maximus, dum viveret, ibi stomachus habuit

„cavæ



„cavæ manus instar pustulam, & insuper incumbente cavo hepatis aliquam  
„similem, ut una alteram comprimeret. Hæc *Gesnerus*.

Non tantum mihi varia exempla prostant prægnantium filios, filiasque pa-  
rientium & hoc morbo laborantium: sed *Trincavella* quoque exemplum  
quoddam adducit. „Novi, ( inquit ) dum Patavii Junior artium studiis  
„navarem operam, quod uxor cujusdam juris consulti, quæ morbo gallico  
„affligebatur, cum ipsa nunquam signum aliquod contractæ illius labis ha-  
„beret, sed semper omnino integra fuisset, & foetum tamen edidit crustosis  
„ulceribus undique scatentem.

Atque hoc modo per plurimi infantes luci exponuntur, qui non statim luis  
signa habent, sed latet anguis aliquandiu, & postea se sensim erigit, unde illi  
homunculi aliquando totam vitam miserrimè transigunt.

Quando glandulæ, ex quibus *capilli* erumpunt aut barbæ &c. ita obstructæ <sup>Pilorum</sup>  
sunt, ut pili nutriri nequeant, emori debent & excidere, eodem modo ut <sup>de flu-</sup>  
plantæ, quibus ab alimento aquoso orbatis, exarescunt, moriuntur; & <sup>vium.</sup>  
idem etiam pilis contingit, si alimento frustrantur, arefcere coguntur, &  
decidunt; calvities illa non tantum accedit capiti, sed & barbæ, superciliis  
&c.

Qui respicit cadavera videbit totam massam sanguineam esse corruptam, <sup>Halitus</sup>  
ex qua <sup>foetidus.</sup> *halitus foetidi* oriuntur, quibus & alii adstantes sæpe leviter possunt in-  
fici, nam quidquid alius expirat, alius inspirat; talis sanguis, tales fruc-  
tus.

Et quoniam narium & palati glandulosi acini à pituitosa illa materia, qui- <sup>Casus ossi-</sup>  
bus corpora scatent, obstruuntur, foetor non tantum augetur, sed & <sup>culorum</sup> *nasus*  
desillat, ut in coryza: insuper propter obstructions supra nasum gravata <sup>narium.</sup>  
est frons & nasi radix: interim materia stagnans, cum in eodem non semper  
manet statu, rodit *Officula narium spongiosa*, quæ non sine vehementi foetore  
*excidunt*; palatum fit concavum, nasus subsidet, & facies defœdatur. Sic  
quoque tonsillæ, uvula, gingivæ, &c. consumuntur. An iste liquor, qui  
in frontis cavitate est, huic rei aliquid contribuat, ossaque narium ac palati  
corrodat & carie inficiat, vero quidem videtur simile.

Consumpto periosteo, venenum illud ipsa ossa invadit, eaque corrodit, & <sup>Caries.</sup>  
vermiculari modo perforat, cuniculosque agit. Hinc *caries cranii*, alio-  
rumque ossium totius corporis, & dolores tandem intolerabiles & ossa non  
tantum perforantur, ac lignum vermiculis perterebratum, sed ita spongiosa  
redduntur, ut aquæ supernatent.

Succi continuo post rasionem stagnantes, acescunt; quorum particulæ <sup>Tophi.</sup>  
acidæ sese intra ossis poros insinuant & osseas particulas quasi millenis cuneis  
ab invicem findunt, hinc loco moventur, & speciem *calcis* seu *Tophorum*  
repræsentant. Ex chymica analysi liquet materiam illam multum continere  
salis volatilis, quod nullam aliam habet originem, quam ab ossibus ipsis.

In principio facile curam admittit: non immeritò dixerunt *Fernelius*, *Car-*  
*danus*, *Ingrassias*, &c. malum illud sæpe post vigesimum, imo & trigesimum  
annum primo se prodere, atque ita occultè latere, ut patiens ejus insciens  
sit, quamvis & alios possit contaminare. Nam ab unico feminis grano, mas-



sa statim sanguinis non ita inficitur, ut symptomata illico appareant; atque tantum etiam veneni quotidie per diaphoresin evaporari potest, ac singulis diebus accrescit.

Quo symptomata magis sæviunt, eo *curationis* difficilior est, præsertim si partes quædam corruptæ sint, ut fauces, palatum, cranii caries, corruptiones in corpore, &c.

Cum ad *curationem* devenitur, advertendum, ut sanguis ab hoc malo liberetur, atque ad symptomata, quantum possibile sit, attendatur.

Cum satis superque docuimus omnia illa symptomata ex acido venenoso devenire: nihil melius adhibetur, quam quæ illud domant, temperant, & è corpore expellunt; quod fit purgando, sudando, salivationem excitando, atque remediis alterantibus.

*Purgantia* nimium non sunt exhibenda, quibus patientes imbecilles evaderent, & sudationes non ferrent, medium tenere beati: in principio, medio & fine non sine mercurialibus purgandum. Inter purgantia vix mihi ulla differentia; sunt qui eligunt colocynthidem, præ aliis, sed quam ob rem, nescio.

*Sudoriferis* etiam aliquando mercurialia adjiciuntur, ut *Mercurius dulcis*, *Præcipitatum Album* &c. sudorifera fiunt ex *Theriaca*, *Resinâ Guajaci* &c. Sed insuper sudatio quotidie institui debet, mediante spiritu vini, idque instrumentis ad id appropriatis.


Primus  
sudandi  
modus per  
instrumen-  
ta.

Præter communem sudandi modum per internè assumpta, alii habentur per instrumenta, quibus quotidie vel alternis diebus aut tertia quoque die, pro viribus sudatur. Primus modus sic est: æger nudo corpore in lecto decumbit nudus, absque indusio, tunc tres aut quatuor semicirculi lignei adsint, infra quos corpus jacet, qui transversis baculis firmantur, cratis instar. Crati porro insternuntur linteum cum cæteris stragulis, atque sic, excepto capite, totum corpus contegitur, ita ne aër per aliquam aperturam subeat. Crates quoque ex viminibus fit, quæ primo tæniis incurvatur, postque sudationem unam aut alteram ita incurvata manet. Deinde habetur aliud instrumentum ex laminis ferreis compaginatam, instar infundibuli magni, in cuius summitate tubulus est satis amplus, qui perpendiculariter, ad altitudinem cubilis, est erectus; is habet alium tubulum cum angulo recto, transversum, qui versus cubile porrigitur. Is iterum alium habet cum duobus angulis rectis transversim, deinde alii duo ei annectuntur, quorum aperturæ sub stragulis & circulis aut crate sese aperiant.

Exempli gratia: (fig. 7. TAB. VIII.) A est infundibulum sudatorium. B. B. tubus, qui in duabus partibus solvitur, ut facilius ad hujus vel illius cubilis altitudinem accommodari possit. C. alter tubus, ingrediens tubulum G. G. qui iterum in alios duos D. D. desinit. E. est apertura ut sub tubulo spiritus vini accensus ponatur. F. est fenestella, qua E clauditur. Hoc modo spiritus vini vapor ascendet per B. B. C. G. G. & D. D. sub crate & stragulis.

Porro in inferiore infundibuli parte (in pavimento enim collocatur) ostio-











ostiolum habetur, per quod spiritus vini flagrans subponitur; quod iterum clauditur, tunc halitus spiritus vini ascendunt per tubulos infra stragula, & eodem patiens irroratur, quod tamdiu fit, donec bene æger sudaverit. Ante & post sudationem, decoctum ex falsâ parilla & chinâ calidè sorbendum. Sudatione peractâ removetur instrumentum cum crate vel circulis, & sudatio per horam continuatur; deinde indusium recens & calefactum ei induitur, iterumque surgit. Sed locus in quo sudatur, fornace (*een kagchel*) calefieri oportet, ne frigus eum corripiat.

*Alter* sudandi modus est quando quis sellæ aut sedi altæ nudus insidet, *Alter* modus cum hypocausto sub pedibus; cujus corpus, excepto capite, linteo stragulo ab omni parte diligenter contegitur, ne aër subeat; ollula spiritu vini incenso sedi supponitur, tunc vapor ascendens sudationem procreabit. Interim lectus calefieri debet, ut, sudatione peractâ, æger se ulterius ad sudationem componat, bibendo interim decoctum, ut ante.

*Tertius* modus fit calidis imbricibus seu tegulis, quæ ad latera, pedes, *Tertius.* supra ventrem & undique circum corpus ponuntur; quod & arenâ calidâ fieri potest.

*Quartus* modus aquæ vapore fieri potest, five simplici, five herbis in-*Quartus.* coctis, qui tubulo seu infundibulo excipi potest, eodem modo ut per spiritum vini docuimus.

In India occidentali sese in arenam fodiunt, præter caput, & à calore solari sudant. Quidam se curabat in fornace in qua linum siccatur. Sudatio eadem est, modo tantum largiter sudetur.

Sudatio etiam in dolio fieri potest, modo æger in eo possit sedere, & supponere per foramen spiritum vini, vel aquam coquentem. Huic rei etiam arcæ struuntur. Decocta desiderata, sequentia, sunt: ut

*Recipe* Ligni sancti, *uncias quatuor.*

Corticum ejusdem, *uncias tres.*

Glycyrrhizæ, *unciam semis.*

Fiat decoctio ex aqua ad uncias Octoginta, colatura detur usui. vel

*Recipe* Radicum falsæ parillæ, *uncias quatuor.*

Glycyrrhizæ, *unciam unam*

Coquantur ad uncias quinquaginta, colatura detur usui. vel

*Recipe* Salsæ parillæ,

Chinæ, *ana uncias tres.*

Ligni sassaphras, *uncias duas.*

Glycyrrhizæ, *unciam unam.*

Coquantur ex aqua ad uncias quinquaginta, colatura detur bibendum. vel

*Recipe*



*Recipe* Salsæ parillæ, *uncias tres.*

Ligni sassaphras, *uncias duas.*

Glycyrrhizæ, *unciam unam.*

Coquantur ex aquâ ad uncias quadraginta. Colatura detur usui. vel

*Recipe* Radicum bardanæ, *uncias tres.*

Salsæ parillæ,

Passularum majorum, *ana uncias tres.*

Coquantur ex aquâ ad uncias quadraginta, colatura detur usui. vel

*Recipe* Radicum chinæ,

Petalitidis,

Bardanæ, *ana uncias tres.*

Coquantur ex aqua ad uncias quadraginta, colatura detur sorbendum.

Hiscæ quidam addunt purgantia, sed meum non est ægros ita purgando torquere, atque eorum vires exhaurire: sed interdum licitum est non nihil *Colocynthis*, *Agarici*, *Hermodactylorum*, *Senæ*, &c. addere. Per totum itaque curationis circulum decocta illa calidè sunt sorbenda, idque aliquando cum purgantibus. Sunt qui antimonii crudi pulverem decoctis incoquant, sed frustra, aqua enim nihil ab antimonio accipit, neque mutatur; sed si pulverem ejus quotidie velis dare, proficuum erit: & omnis operatio fere à sulphure ejus pendet, eadem operatio à communi sulphure est expectanda.

Salivatio,  
seu ptya-  
lismus.

Extremum hujus morbi remedium est *ptyalismus* seu *salivatio*, & absque ea morbus sæpe non cedit. Mercurius enim propter volubilitatem non tantum pituitam ad glandulas salivares ducit, sed omne acidum in suis poris recondit: non sine jure, quidam à salivatione abhorrent, quia, si prudenter non instituitur, sæpe suffocantur, præsertim ab imperitis, si instituatur. Attamen si mercurialia negligantur, morbus non raro recrudescit, putantes se esse curatos: itaque usus mediocris est observandus. Non admodum conducit in iis, quibus malum in faucibus hæret atque naso; quando enim acres illi humores à mercurio è corpore versus oris glandulas ducuntur, ulcera magis corroderentur, atque id, quia glandulæ tunc maximè tument, non esset absque vitæ discrimine; ideoque in omni salivatione quam lentissimè incedendum.

Salivatio variis instituitur modis, nempe fumatione, sed hoc nunc temporis rarius fit; deinde unctione unguentorum aut lotione aquarum mercurialium; & denique per interna.

*Fumatione* fit mediante *Cinnabari*, quando quis sedet, eodem modo, ac si sudaret, & infra eum poneretur ignitabulum cum igne, cui cinnabaris injicitur, tunc omnis mercurius elevatur, qui se per poros corporis insinuat, & sic salivatio producit; sed is modus nunc vix in usu est; formulæ suffumigii sequuntur: ut

*Recipe*



*Recipe* Myrrhæ,  
Labdani,  
Styracis, *ana unciam unam.*  
Cinnabaris vulgaris, *uncias tres.*  
Terebinthinæ, *quantum sufficit.*  
Misce fiant globuli. vel

*Recipe* Mastichis,  
Ligni Rhodii,  
Aloës, *ana drachmas tres.*  
Cinnabaris vulgaris, *unciam semis.*  
Terebinthinæ, *quantum sufficit.*  
Misce fiant pilulæ.  
Atque sic variæ formulæ præscribi possunt.

Infumatio illa aliquoties repetenda, nam primâ vice salivatio, non nisi raro, excitatur: gradatim & non sine summâ prudentiâ ad salivationem est deveniendum.

*Inunctio* fit vel mediante aquâ mercuriali, vel oleis: sequens conducit per aquam: ut

*Recipe* sublimati, *unciam semis.*  
Aquæ pluvialis, *uncias sexdecim.*  
Misce.

Illâ mixturâ juncturæ possunt inungi, atque cum linteis fovere: hoc modo octavo vel decimo die salivatio incipit.

*Inunctione* unguentorum sequenti fit unguento: ut

*Recipe* Mercurii crudi  
Terebinthinæ, *ana unciam semis.*  
Sublimati, *drachmam semis.*  
Butyri recentis, *drachmam unam.*  
Misce. vel

*Recipe* Olei laurini, *uncias duas.*  
Argenti vivi, *unciam unam.*  
Terebinthinæ, *drachmas duas.*  
Misce. vel

*Recipe* Axungię porci, *uncias duas.*  
Terebinthinæ, *unciam semis.*  
Mercurii currentis, *unciam unam.*  
Misce.

Etiâ Emplastra fiunt Mercurialia, ut *Emplastrum Vigonis cum Mer-*  
*Tom. II.* *Xxx* *curio*



*curio, aut de ranis cum mercurio.* Cingulis mercuriali unguento unctis etiam salivatio excitatur, sed in quibusdam tardissimè procedit, tunc tamen instituitur. Unguentis hisce juncturæ membrorum quotidie inunguntur: sed eo tempore æger se calidè contineat oportet idque ante fornacem, aut tepidarium.

Quamvis ut plurimum inunctionibus salivatio excitatur, non tamen suaderem, quia propter cutis diversam constitutionem, calculus fieri nequit, quantum Mercurii se per poros insinuaverit: si multum, præter spem salivatio in nimiam copiâ ad suffocationem usque producit. Aliorum enim cutis laxa est, aliorum è contra solidissima & firma; aliter ergo bajulus tractandus, aliter delicatulus. Verum si per interna incedas, tunc facilius conjecturam facis, & ex oris foetore divinare potes, quosque Mercurius vires suas exerit.

Ast si velimus internè salivam excitantia assumere: sequentia sumi possunt: ut

*Recipe Mercurii dulcis, unciam semis.*

*Theriace, quantum sufficit.*

Misce fiant pilulæ, pro decem dosibus.

Matutino atque vespertino tempore dosi unica danda: vel

*Recipe Calomelas, unciam unam.*

*Sachari albi, uncias duas.*

Misce fiant pulveres sex.

Mane & vesperi dosi unica devoranda: vel

*Recipe Turpeti mineralis, grana decem.*

*Theriace, drachmam unam & semis.*

Misce fiat bolus.

Pro tribus dosibus. vel

*Recipe Præcipitati albi,*

*Rubri, ana drachmas tres.*

*Macis,*

*Caryophyllorum, ana drachmas duas.*

Misce fiant pilulæ.

Dosis à granis duodecim ad sexdecim. vel

*Recipe Sublimati præcipitati, grana duodecim vel sexdecim.*

*Theriace veteris, drachmam unam.*

Misce.

Singulis diebus semel sumitur, donec salivatio incipit.

Quando Salivatio instat, vel ventura est, os foetere incipit, in ore quadam difficultas oritur, faucibus, uvulæ, ac gingivis accedit intume-



tumefcentia, cum aliquo dolore. Salivatio non debet sisti, nisi modum excederet alias, enim suffocatio esset timenda.

Si in faucibus, gingivis, malis, labiis, aliisque oris partibus ab acrisalivâ ulcera fieri incipiunt, ducatus aureus aut annulus aureus in ore tenendus, in quorum poris multum Mercarii assumitur, & massa aurea argento quasi obducitur: deinde igni committitur, ut Mercurius avolet; iterum ori ingeritur, atque hoc repetitur: alii assumunt multum auri foliacei, sed res est eadem; optimum est os sæpe colluere, ut rodens materia elutrietur, id fit limonum muria, quæ constat ex plurimis particulis volatilibus oleosis & aromaticis, quibus os mundatur, melius, quam amygdalatis, decoctionibus ex ficibus, rosis rubris, rapis, pastinacis flavis, &c. At, si ulcera sint majora, & dolores vix tolerabiles, Gargarismata penetrantia fieri solent; ut

*Recipe* Muria limonum,  
Spiritus cochleariæ, ana uncias duas.  
Vini, uncias quatuor.  
Opî, grana quatuor.  
Misce fiat gargarisma.

Quando salivatio non satis citò excitatur, dantur patienti quædam sudorifera, quibus non raro prolicitur; at si nimium ad os profluat, blanda propinatur purgatio, tunc enim pars particularum mercurialium à glandulosis intestinorum acinis segregatur, & per anum foras convehitur: cum porro æger macie extenuatur, quod vix aliter fieri nequit, tunc ei cerevisiam recentem, dulcem bonæ notæ, calidam dato, hoc enim modo non tantum in priorem statum reducetur, sed & vires conservabit.

Quomodo *Mercurius* per globulos minutissimos operatur, & quomodo illi ab acidis spiculis saturantur, in *Institutionibus nostris* satis superque docuimus. Post datum Mercurium, etiam quædam acidum temperantia sunt propinanda, quod fieri potest per diuretica, sudorifera, & cathartica. Inter salivandum semper os, ut supra dixi, colluendum, ut corrodens saliva eluatur, & glandulæ tumidæ deobstruantur. Interim quoque decoctum calide est bibendum ex guajaco aliisque huic malo appropriatis, ut poris totius corporis diaphoresis continuo pateat.

Luem Veneream comitantur non raro *Tophi*, Tumores nempe lapidei, seu tartarei, quibus & Arthritici vexantur. Illi quoque Mercurialibus profligantur, ut Emplastro de ranis cum Mercurio, Vigonis cum Mercurio. Præparatur quædam *aqua Mercurii semper fumigans* quæ capite de stanno exhibetur, in *Chymia nostra*.

*Tophi* quotidie gutta una aut alterâ huius aquæ fricantur: tunc à Mercurio alis quasi amicitur materia tophacea, & sensim à longo tempore solvitur, à succis fluentibus recipitur, & foras evehitur. Sed Mercurialia tantum sunt applicanda, si nulla ossium caries adsit, tunc enim incedendum ut in carie fieri solet, raspando nempe, abradendo, officula eximendo



mendo, cauteria applicando, os pulveribus tegendo, qui præparantur ex *Euphorbio, Mastiche, Iride florentina, Aristolochia fabacea & Rotunda, Thure, Caphora &c.* Si adsint squamæ ossæ, tunc lavandum sæpe sequenti mixtura: ut

*Recipe Spiritus vini, uncias duas.*

*Succi Chelidonie majoris, unciam unam.*

*Euphorbii, drachmam unam.*

Misce.

Ulcera & pustulæ pus fundentes laventur *Aqua Mercuriali Fallpii* aut *Fernelii*: vel sequentibus: ut

*Recipe Aquæ calcis, uncias sex.*

*Salis saturni, drachmam unam.*

*Æruginis, grana sex.*

Misce. vel

*Recipe Spiritus vini, uncias duas.*

*Salis Armoniaci, drachmam semis.*

*Aloës, drachmam unam.*

*Auripigmenti, grana sex.*

Misce. vel

*Recipe Aquæ sublimati præcipitati, uncias quatuor.*

*Vitrioli albi, grana sex.*

*Myrrhæ, drachmam unam.*

Misce.

*Dieta* Instituatur exacta, absque acido, falso, acri, vino, Venere, pinguibus, frigido aëre & potu &c. potus sit decoctum. Cibus sit caro, recens, lac dulce, ova forbilia. &c.

Gravidæ lue venereâ infectæ, prioribus quinque sex mensibus curari possunt; sed post sextum curatio suspendenda, donec pepererit: nam mensibus posterioribus vires consumerentur, quæ in partu requirebantur, & foetui majus vitæ immineret periculum.

Ulcera Venerea pudendi labiis advenientia, salivatione in gravidis sanantur, ast quæ matricis substantiam depascunt, vel orificium ejus internum, semper incurabilia sunt.

Infantes infecti, ferè omnes brevi post partum, vitam cum morte commutant.

De Lue  
Venerea  
observatio.

Vir quidam militaris. (scripsit ad me Mëchliniâ *H. Snabel Chirurgien Major du Regiment de Monsr. Chevallier de Cinquille, colonel d'Infanterie de les troppes d'Hanover*) primo laboravit glandis cancro (*chankert.*) postea Gonorrhoeâ; quâ sanatâ, brevi post sanatus: post hæc iterum de novo Gonorrhoea movet lacertos; omnia incassum tentata sunt. Anno elapso, de



de Hemicraniâ dextri captis lateris supra crotaphyten muscolum conquestus, atque magis noctu quam diurno tempore, cum magno in juncturis doloribus, noctu quoque magis sævientibus. Consultationes cum Doctoribus atque Chirurgis non paucas habuit, ast quidam dixerunt esse Arthritim. Attamen ego dixi (inquit Chirurgus) Domine, est, *Lues Venerea*; ast meum consilium sprexit. Sed consilio alicujus Doctoris Aquisgranum profectus, ut ab Arthritide putatâ liberaretur: postea se bene quidem habuit. Ast brevi morbus recrudit; dixi Domine, salivatione tibi opus est; & sanaberis sed omnia mea respuit, iterum Aquisgranum petiit. Interim Antverpiæ consuluit Dominum *Schuckaart*, qui ei præscripsit decoctiones, sudationes, balnea, linimenta; post hæc se sanatum putabat, eratque lætus. Sed non longè post priores dolores & Gonorrhœa recruidere; & quatuor septimanis elapsis Nephritico dolore laboravit, à quo meo auxilio liberatus: verum artium dolores remanent cum Gonorrhœâ. Hæc ille.

Super hac re meum expetitur auxilium. Dico, (ut ille Chirurgus) illum laborare Lue Venerea; quod ex omnibus signis abundè apparet. Jubeo itaque salivationem aggrediatur quam-primum, ne malum altiores radices agat. Postea, si Gonorrhœa perseveret, sumat tincturam catechur & similia.

Hanc observationem volui annectere, ne Medici illi nasutuli & adulatores tam præposterè (vel lucri gratiâ) judicent. Nam à primâ instantiâ Chirurgus hic optimè judicavit de lue & salivatione instituenda.

*Nobilissimo & ætatatem colendo Domino Macenati, salutem & Observantiam.*

**S**ignificatur, ex petitione præsentis *Petri*, . . . & officii mei ratione, invaletudinem uxoris suæ, rem à principio curationis meæ, cum permissu *Macenatis* benignissimi, exordiar. Alia de lue observatione.

Præterlapsi anni 1696. mense Januario rogatus à Petro . . . . ut uxorem suam curandam susciperem; inveni in ipsis faucibus, pone Epiglottidem, uvulas quasdam, ita ut musculi planè nigri & emortui apparerent. Contra quod malum secundum Chirurgicæ & experientiæ ductum egi. Tamen in præsentia rerum, non potui adhibere in utero ferenti, quæ volui remedia. Partu autem liberatæ salivationem persuadere nullus potui; beneficio tamen aliorum remediorum cicatrices faucium obduxi. Inter hæc febricitante me per Octo Septimanas, non sine Phrenitide, recrudit soporata faucium pestis, quæ tamen medicamini paruit. Tempore autem menstruali miserabiles per omnia membra cruciatus experiebatur.

Ægrotante me, ut dixi, & naso mulieris intumescente; fuerunt qui persuadebant homini, ut in Cimbriam proficisceretur ad sacerdotem quendam, magis vulgo quam doctis notum, ejusque se submitteret curæ; inde ut rediit, satis, ut arbitrabatur ipsa, confirmata, placuit ei brachium suum fontanella (vulgo sic dicto) aperire. Ad quam operam præstandam accersitus



ego, ingratum animadverti foetorem per nares ejus emitti; rem tamen retinui, ne aliorum atque deberet, acciperetur, pro ingeniis hominum hujus regionis, ubi si quis, mei ordinis & conditionis, consilii locum habet, eo ad ostentationem non ad communicationem utitur, pro invidia hominum, etiam ad nudum panem extendente; unde ego ut in solitudine destitutus hic ago.

Sed ad rem, dum hæc aguntur, Pharmacopola quidam huc loci commigravit, ille operam suam tempore bene longo, usque ad reditum mariti, ægrotanti locavit, more hominum recentia extollendi, veterum incuriosæ. Rediens conjux ad 27 Octobris anni superioris, flagitavit, ut ego conjunctis cum pharmacopola viribus & arte, uxori subvenirem; cujus petitioni ego vero abnuui, haud ignarus futuri non ultra crepidas, & Pharmacopolæ nihil extra officinam. Fortè autem offendens apud afflictam mulierem Pharmacopolam illum, quæsi ab eo, quid morbi esset, qui ita miserè mulierculam afficeret; & quomodo vocaretur; tum ille; Videsne inquit, salivationem à sacerdote inceptam, sed non peractam esse; vides enim nasum & totam faciem tumere cum pædore; & partes crassiores, quæ ex salivario narium lentore nascuntur, vocatur ei *tabida Lues*. Hæc ille.

Interim in sella confidentis nares accuratius inspiciens, animadverti ipsa ossa infecta, & interfinium narium exesum esse, adeo ut muliercula hæc in summa esset, & adhuc sit miseria; ut hoc loco libeat interponere: principiis obsta &c. tamen acrius instante marito, ut nullum non adhiberem curam diligentiamque in valetudine conjugis suæ tuenda ita sedulo egi, ut judicium Dei, hominumque censuram non reformidem, & adhuc pergo, hac quidem methodo, ut cum afflictæ non sustinet recipere potionem decoctam, neque amari neque dulcis saporis, rem per salivationem aggrediar. Durante salivatione, meliuscula est, eâ autem transactâ, morbus comedere perseverat, & ad vicina proserpit. Et hoc perillustre est, quod temporibus menstruorum intemperantius depascat. Adhibui satis multa ad hoc malum movendum, sed irritò successu. Quando autem quid provenit, speciem habet massæ terreæ cum sanie. &c. &c.

*Vester subjectissimus Client*  
JOANNES HIORT.  
Chirurgus.

Christianiandix Norvegiarum  
18 Aprilis 1697.

Id responsi dedi.

*Magister expertissime,*

CAsum communicatum legi. Sed mentem vestram de hac ægrâ non aperte aperuisti; sit ut sit, tractari debet ferè eodem modo, ut qui ex Lue laborant. Inquire num salivæ habeat incommoda: num fluxum habeat album, præter solitum, nimium. Num alia symptomata Lue familiaria:



miliaria : si non , cancer est ossium faciei , narium &c. & vix curabilis , idque eo magis quia ore nihil assumere vult ; quid itaque in hoc casu faciemus ? nisi alternis diebus assumat Mercurium dulcem vel cum sudorifero , vel interdum cum cathartico. Deinde applices ambobus brachiis Emplastrum aliquod Mercuriale , sic insensibiliter curabitur & maximam inde recuperabis laudem. Mercurius quippe totum penetrat corpus , corrigit succos peccantes , acida culpabilia mortificat &c. Atque sic illa non auscultent salivatio non tantum est inchoanda , sed ad extremas usque vires est extendenda , idque cum omni , ut nosti , prudentiâ. &c. interim Vester

*Amstelodami*

1697.

18. Maji, S. N.

Steph. Blancardus  
M. D.



STEPH.



STEPH. BLANCARDI  
 PRAXEOS  
 CHIRURGICÆ,

Verioribus fundamentis superstructæ,

PARS IV.

*De Ulceribus.*

I. CAPUT.

DE ULCERIBUS IN GENERE AC EORUM  
 CURATIONE.

Ulcus  
 quid.

**U**LCUS Græcis ἔλκος, nihil aliud est quam solutio continui in partibus nostri corporis mollibus, ab inflammatione, ustione, illusione, contusione, lapsu, morfu &c. ortum ducens.

Pus quid.

Quoad *formam*, sunt magna, parva, longa, brevia, angusta, recta, obliqua, sinuosa, fistulosa, recentia, inveterata &c. Quoad *locum* in quo habentur, differunt, cutis aliquando, ut & muscoli, membranæ, tendines, vasa &c. ab iis afficiuntur. *Causæ* etiam maximè differunt; dolore, callositate, sinuositate, cancrofitate, verinibus, inflammationibus, cum vel sine carie, &c.

Sanies.

Extillantes succi etiam sæpe differunt, inter optimos habetur *Pus*, quæ constat ex materiâ albâ & crassâ, bono odore, quæ ex lacte constat coagulato. Secundo, *Sanies*, vel sanguis aquosus, qui ut plurimum comitem habet odorem acidum, cum sapore salso, & videtur esse sanguinis serum: interdum sanguinem admixtum habens, atque ideo pus sanguinolentum appellatur.

Ichor.

Sordes.

Tertio, *Ichor*, estque etiam humor tenuis flavescens, non sine particulis sulphureis ac falsis. Quarto, *Sordes*, aut pus sordidum vulgo in modum lardi apparentes, hinc Belgis *spekagtige sweeren*: hæc materia paulo



paulo est viscidior & tenacior, fixè tubulis carnosus inhærens, cum albedine in modum lardi ulceris parietes dealbans. Quinto, *Virus* estque acris, Virus. foetidus ac tenuis humor, ulcera dapascens, atque cutim vesiculis corrodens. Sexto, *Meligeion*, erat olim potio ex solo melle confecta cum aqua Meligeion. & herba quadam injecta: sed hic est humor in ulceribus melleus seu oleosus, & ut plurimum comitem habens ossis cariem, ex quibus emanat: cum foetore fere instar ossis raspati. Hisce adjungi poterant plures humores differentes, verum ex præcedentibus cæteri satis possunt intelligi.

Quo ulcera callosiora, vetustiora ac profundiora, eo curatu difficiliora. Si ulcus se bene habeat, curarique nequeat, signum est os desquamari. Circa nervos, tendines, magna vasa atque principales partes periculosa sunt & difficile curantur. Cacochymicis proprium est, quod ulcera diu gerant. Bonum pus, citissimam curationem indicat; malum portendit, si pus sit tenue, acre & foetens. Caro fungosa, non bona. In capitis ulcerationibus cavendum ab oleosis, corrumpunt enim cranium.

Primo sunt ulcera detergenda, deinde carne implenda, & denique cute inducenda. Inter detergentia habentur:

*Melrosarum, Unguentum Basilicum, de Apio. Emplastrum Gratiæ Dei, Diachyli cum Gummi, Resina pini, Spiritus Vini, Terebinthina, Vitella Ovi, Fuligo, Pix, Gummi Elemni, Ærugo, Spiritus Vitrioli, Mel Chelidoniæ Majoris, Alumen, Sapo, Præcipitatum Rubrum, &c.*

Horum & similium motu, quidquid demortuum quaquaversum secando & scindendo abroditur, præsertim si acribus quibusdam acuantur. Hisce inungitur turunda, quæ calefacta ulceri inseritur, deinde Emplastrum ex diapalina &c. superimponitur, parsque affecta fasciis deligatur: & hoc modo ulcus singulis diebus mundatur: ast si omnia sine turundis fieri possunt, (uti mecum sentit Industrius Dominus *Job. Muys* in Chirurgicis suis observationibus) melius est.

Quo ulcus magis sordidum, eo sunt applicanda magis acria. *Unguentum suppurativum* descriptum in capite de phlegmone summæ hic est utilitatis: ut &

*Recipe Unguenti basilici,*

*Apostolorum, ana unciam unam.*

*Præcipitati rubri, drachmam unam.*

*Misce. vel*

*Recipe Resinæ pini, unciam unam.*

*Terebinthinæ, unciam semis.*

*Saponis vulgaris, drachmas duas.*

*Misce. vel*

*Recipe Unguenti fusci F. Wurtz, semunciam.*

*Apostolorum, unciam unam.*

*Ægyptiaci,*

*Tom. II.*

*Υ γ*

*Gummi*



Gummi Elemni,  
 Terebinthinæ,  
 Colophonix,  
 Myrrhæ, *ana unciam semis.*  
 Spiritus vitrioli, *guttas decem.*

Misce.

Si in ulceris circumferentiâ quædam inflammatio est, inunge unguento albo caphurato: aut sequens impone emplastrum: ut

*Recipe* Emplastri diapalmæ, *unciam semis.*  
 Colcotharis vitrioli, *drachmas duas.*  
 Olei olivarum, *quantum sufficit.*  
 Misce fiat Emplastrum.

Imponuntur quoque Cataplasmata roborantia & penetrantia, ut & lavamenta: ut

*Recipe* Herbarum absinthii vulgaris,  
 Scordii,  
 Phellandrii, *ana manipulum unum.*  
 Florum camomillæ, *manipulos duos.*

Coquantur ex vino in formam cataplasomatis, omnibus contusis adde

Farinæ orobi, *unciam unam.*  
 Misce. vel

*Recipe* Foliorum rutæ,  
 Absinthii latifolii,  
 Nepetæ,  
 Apii,  
 Florum meliloti,  
 Sambuci, *ana manipulum unum.*

Fiat ex vino decoctio, cui adde

Farinæ lupini, *uncias duas.*  
 Misce fiat cataplasma. vel

*Recipe* Spiritus vini, *uncias quinque.*  
 Myrrhæ, *drachmas duas.*  
 Aloës, *drachmam unam.*  
 Misce fiat fomentum.

Mundatis ulceribus, færcotica imponuntur: ut sunt sequentia:

*Radices aristolochiæ rotundæ, consolidæ majoris, Herbe alchimillæ, Veronica,*



*ronice, nummulariæ, pyrole, solidaginis saracenici, Aloës, balsamum sulphuris, peruvianum, copaybæ, bdellium, mastix, myrrha, gummi anime, pix, resina pini, terebinthina, styrax liquida, oleum trifolii odorati, unguentum aureum, basilicum. Emplastrum diapalmæ, diachyli cum gummi, gratia Dei &c. quomodo detergentia, farcotica, & cicatrizantia operentur, in Institutionibus nostris antea docui.*

Ulcere carne impleto cicatrizantia inponuntur, ut sunt sequentia:

*Antimonium, bolus, calx lota, minium, lapis calaminaris, tutia, lithargyrium auri & argenti, plumbumustum & crudum, pompholix, terra vitrioli dulcis, cerussa, thus, mastix. Unguentum album camphoratum, diapompholigos, nutritum, oculare, Emplastrum diapalmæ; diachylum simplex, & cum gummi, griseum, minii, opodeldoch F. Wurtz &c.*

## II. CAPUT.

## DE CURATIONE ULCERUM CUM SANIE.

**E**jusmodi ulcera cognoscuntur ex dolore adjuncto, fœdine, fero cruento, colore albo, rubro, aut livido.

Difficile & tardè curantur; membranæ etiam non tam citò curationem admittunt ac caro.

Parandum est decoctum ex falsâ parillâ, chinâ, guajaco, sassaphras, &c. porro incedendum, ut in priori capite dictum: hoc modo etiam proceditur in ichorosis ulceribus: deinde siccantia & acidum temperantia sunt applicanda.

## III. CAPUT.

## DE ULCERIBUS LARDUM METINENTIBUS.

**U**lcera lardum mentientia (vulgo *spek-sweeren*) diæta sanantur & decoctis ex falsâ parillâ, chinâ &c. Potus Thæ in omnibus convenit ulceribus. Ad detergendum fiat sequens lavamentum:

*Recipe Foliorum scordii,*

*Abſinthii latifolii,*

*Centaurii minoris,*

*Sabinæ,*

*Florum rosarum rubrarum, ana manipulum unum.*

*Coquantur ex vino ad uncias viginti, colaturæ adde*

*Alöes,*

*Yyy 2*

*Myrrhæ,*



Myrrhæ, *drachmam unam.*

Unguenti ægyptiaci, *unciam unam.*

Misce fiat Lavamentum.

Huc quoque pertinet *Aqua divina Fernelii*, *Aqua viridis Hartmanni*, hisce ulcus sæpe lavandum, deinde optima digestiva cum præcipitato rubro aliisque medicamentis rodentibus sunt imponenda; ulcere bene depurato, agitur, ut antea dictum. Corrodentia hic merito sunt in usum vocanda, quia ulcera illa sæpe labia & parietes habent scirrhosos, qui temperatioribus non obsequuntur: nam illud lardo simile, est chylus seu succus nutritius in ipsis fibris coagulatus, qui duritiem induit.

#### I V. C A P U T.

### DE ULCERIBUS SINUOSIS SEU FISTULOSIS.

**U**LCERA SINUOSA seu FISTULOSA sunt ulcera inveterata, quæ se se profundè intra partes corporis molles insinuant, angusta sunt & callosa, cum uno aut pluribus sinibus.

Ulcus fistulosum.

Non aliunde originem habent quam ab humorum ex vasis ruptis intra musculorum capacitates, exstillatione; qui eundem statum non semper servant, tempore fiunt acidi, & acres; atque tunc omnes parietes quos continuò præterlabuntur, fiunt duri & callosi, hoc est scirrholi, & fibræ ubique redduntur obstructæ; & quid sit scirrhus, in superioribus diximus. Atque sic ulcera sinuosa fiunt callosa. Incurrunt aliquando cancerum, quando succi, per illas fibras currentes, magis ac magis incrassantur, & tandem à cursu inhibentur, atque tunc labia & latera livida & plumbea evadunt.

Habent unam vel plures cavitates, interdum unam vel plures quando plures sunt, nominantur *cuniculi*, quia cuniculi eodem modo suas cavernas effodiunt: aut si una, *specus* vocatur. Locis etiam differunt.

Cuniculi.

Specus.

Labia hujus ulceris plerumque sunt alba, atque etiam callosa, si malignitas nonnulla adjungitur: dura quoque, cum dolore aut paucio: interdum sicca, & non raro etiam multum humidi rorantia; exstillans pus tunc cum sonitu exprimitur. Stylus profundè introduci potest, aut si obliqua sunt, candela cerea. Si extremitas in carnem finitur, fundus est mollis, sed in os durior. Si tangat nervum, dolor intolerabilis sequitur, atque pus est oleosum, neque pars affecta se debite movere potest. Si os attingitur, & inæquale sit, *caries* adest, atque effluens pus sæpe tenue est, foetens & colore nigro. Si circa venam est, pus est cruentum. In articulationibus materia effluit instar ovi albuminis, glutinosa.

*Causæ* sæpe fuerunt præcedentæ inflammationes & ulcerationes, vas.



vasorum ruptiones, lapsus, casus, punctio, hæmorrhoides, &c.

Omnia ejusmodi ulcera difficillimè sanantur, præsertim, si articulos occupant, ut & oculorum angulos, vesicam, anum, uterum &c. quo sinus plures eo curatu laboriosiores. Caries ossium, caro fungosa, dolor, inflammatio, febris &c. si comitantur, omnia mala. Et curationi minus auscultant in senibus quam junioribus, imo & in cacochymicis, cachecticis, scorbuticis, lue venereâ laborantibus, quam alias sanis. Labia non dura, sed mollia & humida, bonum.

Quæ omnia remedia respuunt, curâ palliativâ sustinentur. Quæ interdum sanari minantur, sed intus cava manent, non sanantur. Ut itaque ad bona remedia deveniamus, danda sunt decocta ex falsâ parillâ, chinâ, saffrafras, guajaco, herbis vulnerariis &c. Superflui humores exiccandi, pars roboranda, & callositas removenda. Primo communia remedia sunt adhibenda, & quando nihil efficitur, ad ferrum candens deveniendum: si varii sint sinus, cultello in unum sunt secandi. Sequentia maximè in usu habentur.

Radices *Aristolochiæ rotundæ*, *Consolidæ majoris*, *Chelidoniæ majoris*, *Ari*, *Gentianæ*, *Hellebori albi*, *Valerianæ*.

Folia *Hyperici*, *Chelidoniæ majoris*, *Centaurii majoris*, *Apii*, *Hederæ terrestris*, *Nicotianæ*, *rutæ*, *Sabinæ*, *Scordii*, *Absinthii latifolii*, *Solidaginis Saracenicæ*.

Semen *Sinapi*, *Napi*, *Raphani*, *Nasturtii*.

Succus *Chelidoniæ majoris*, *Ari*, *Tithymali*, *apii*.

*Lixivium*, *Ærugo*, *Vitriolum*, *Auripigmentum*, *Alumen*, *Calx*.

*Aqua divina Fernelii*, *Aqua viridis Fallopii*, *Aqua Mercurialis*, *Præcipitatum Rubrum*, *Sublimatum*.

*Unguentum Fuscum F. Wurtz*. *Ægyptiacum*, *Lapis Alchymicæ*, &c.

Ut pars externè roboretur, coquuntur cataplasmata ex scordio, phellandrio, ruta &c. quæ in vino coquuntur. Aut Emplastrum de cumino, oxy-croceum, ceratum fantalinum &c. vel

*Recipe* Baccarum myrti,

Mastiches,

Myrrhæ,

Thuris,

Florum Rosarum Rubrarum,

Seminis Cumini,

Sumach, ana drachmas tres.

Resinæ pini,

Ceræ flavæ,

Olei hyperici, ana unciam unam.

Misce fiat Emplastrum.

Injectiones etiam in sinuositates fiant: ut



*Recipe* succi chelidoniæ majoris,  
 Apii, ana uncias quatuor.

Vini, uncias tres.

Aloes, drachmas duas

Misce. vel

*Recipe* Caphoræ, unciam unam.

Vitrioli albi, uncias quatuor.

Contunduntur in pulverein tenuein, atque sartagini impone, & in modum lapidis alchymia igne torreat, donec rubeat: iterum materia pulverifetur, addendo boli rubræ uncias quatuor: & serva ad usum. Si quando velis uti, fume libras duas aquæ pluvialis, quando coquitur, adde præcedentis pulveris cochlearia duo, bene agita, & post subdentiam clarum decanta, quo linteo carpto lavabis.

Sequens in cruribus humores foetidos fundentes & sanationem renuentes cum bono successu admoveri potest: ut

*Recipe* Salis Armoniaci, uncias quatuor.

Vitrioli Romani, uncias tres.

Lithargyrii, Semunciam.

Camphoræ, uncias duas.

Misce

Hujus pulveris fume semunciam, coque in aquâ pluviali, adde deinde

Nucis Moschatæ, semunciam.

Præcipitati albi, drachmam semis.

Misce.

Linteis calidè læsæ parti impone ad fovendum: vel

*Recipe* Aquæ fortis, unciam unam & semis.

Mercurii vivi, unciam unam.

Aquæ rutæ,

Chelidoniæ majoris,

Solani,

Aristolochiæ rotundæ, ana uncias duas.

Misce. vel

*Recipe* Vitrioli albi, uncias duas.

Boli Albæ, unciam unam.

Aluminis, semunciam.

In crucibulo in lapidis duritiem coquatur, materia relicta in aqua plantaginis, aut pluviali, pro re nata misceri potest.

Unguentum fuscum F. Wurtz, ut & Mel Chelidoniæ majoris utrumque in suppositorii duritiem coctum, fistulis inditur; si sit necesse, acriora sumi possunt,



possunt; nam si labia, & fistularum latera callosa sint, cruda, & nuda fieri debent, quare *Præcipitatum rubrum* convenit; & si non sufficiat, ad cultrum aut ferrum candens deveniendum. Huc quoque pertinent corrodentia, ut:

*Phlegma, Oleum, & Spiritus Vitrioli, alumen ustum, Vitriolum Cæruleum, Ærugo, Aqua divina Fernelii, Mercurialis, Fortis, Unguentum fuscum, Ægyptiacum &c.*

Remota callositate, proceditur, ut in priori parte dictum.

## V. C A P U T.

## DE FISTULA ANI.

**Q**Uando ani fistula est oritura, & materia acris exitum necdum invenit, Anifistulae intolerabiles, ob affectas partes membranofas, ano adiacentes, oriuntur dolores; aperto abscessu, materia acris, foetens, tenuis cum sanguine emanat, atque sic in FISTULAM ANI transit vel unam vel cuniculos plures habentem. Vix ægri in lecto decumbere, sedere, ambulare, &c. queunt. Hæ fistulae vel anum penetrant, vel non.

Difficillimè curam admittunt, & tum Chirurgis tum ægris non parvam pariunt molestiam: nascuntur non raro dura tubercula, quibus facibus alvinis exitus denegatur. Rectum intestinum perforantes, vaginam, & vesicam, non consolidantur nisi rarissimè admodum. Si necdum anum, &c. penetrant, cum difficultate curationem admittunt, & planissimè non curantur, non lædunt quidem, sed nonnunquam hæmorrhoidum in modum sanguinem fundunt, aut saniem: sed si fluxus invalescat, quod ab alvo astricta fieri solitum, non raro ægri vel Hydropem incidunt vel extabescunt.

Antequam ad operationem Chirurgicam eatur, solent admoveere quædam externa ut hirudinum succio, scarificationes, ut & ulcus detergentia, mundificantia, & carnem generantia, consolidantia. internè fumantur decocta ex chinâ, falsâ parilla, &c.

At si hisce non cedat, alia est ingredienda via, tunc enim specillo immisso fistulae altitudo exploratur, quâ cognitâ vel ferramentum aliquod leve & flexile, vel limum crudum tenuissimum quintuplex ad palmi latitudinem ita contortum, ut unitas facta sit; seta equina obvolutum, & specillo stanco vel plumbeo perforato insertum per fistulam impellunt, inditoque digito indice manûs sinistræ in anum, vel ferrum istud flexile, vel specillum cum filo occurrens per intestinum rectum educunt, sicque vel podice extracto carnem, quæ inter fistulam & internam recti intestini superficiem intercedit, scalpello aliquantum falcato una vice incidunt, ut unus eorum, quæ descendunt, pateat exitus, vel cum specillo extremâ parte inclinato simul inserti etiam lini caput præhendunt, & cum altero ejus capite bis aut ter viuciant, reliquum vero ex lino dependens intortum ad nodum alligant, jubentque ægrum, ut se ipsum fecet per vices, quotidie scilicet nodum fortius alligando, donec id, quod inter duo ora interjacet, eodem modo fecetur,



tur, ac scalpello factum est, linumque integrum reddatur. Si tamen multa caro inter fistulam & intestinum rectum interponi, aut cum fistula pertentatur, perquam altè speculum penetrare videatur, sectionem minimè volunt instituendam, ne dum sectio incautius obeatur, simul muscoli intestinum constringentes imprudentius præscindantur, ægerque fæces delabentes in posterum continere nequeat, sed invitus egerere cogatur.

Facta vero sectione, vulneri isti linamentum indunt, ne sua spontè, coëat eademque fistulam efficiat, donec caustico medicamento, auripigmento nimirum præparato, aut alumine usto, quidquid putridum existit & callosum absumatur, & caro sana persarcotica, unguentum de minio, lithargyria &c. reficiatur.

Non penetrantium ani fistularum orificium & ductum dilatant vel radice gentianæ, vel spongiâ exsiccata, &, si nihil obediat, sinum excidunt forfice vel cultello, carnemque putridam & callosam cauterio quodam itidem absumunt, cujus loco interdum linum byssinum succo tithymali magni, intinctum, & flore æris usto & contrito inspersum, vel linamenta unguento ægyptiaco illita & implicata ad fistulæ longitudinem demittunt, vel pastillos ex minio in aqua plantaginis aut communi, aut melle rosato dissolutos linimenti formâ adhibent, aut fistulas aliaque ejusmodi ulcera lixivio ex cineribus sarmentorum vitis parato, in quo pariter mel rosarum dissolutum fuit, abluunt, & emplastrum de salice externo eorum orificio imponunt.

Si fuerint inveteratæ & penetrantes, raro curantur, ideo potius quietæ relinquendæ, quam plurimis irritare remediis. Callus cathæreticis aliquando absumitur, nonnunquam cauterio. Plurimi si adsint cuniculi, scalpello aut forfice discindunt, ut oculis appareat fundus, & si callus non absumatur corrodentibus, tunc quidquid reliquum cauterio consumunt: deinde curant vulgaribus, balsamo peruviano, copaybæ, &c.

## VI. C A P U T.

### DE FISTULA LACHRYMALI.

**Fistula lachrymals.** **C**Arunculâ lachrymali exulceratâ, sequitur non raro **FISTULA**; dicta **LACHRYMALIS**, estque ulcus angustum quidem sed profundum, & inveteratum intra nasi radicem & canthum oculi magnum, cum vel sine inflammatione. Ob nimiam profunditatem, & pus remanens, cuniculos agit, ac subiectum os carie afficit, & graveolens humor continuò emanat, & tunc cura ægre peragitur, idque ob oculi continuum motum, humoremque assiduè extillantem, ob medicamenta acria, quibus oculus læderetur, deinde quod splenia & ligaturæ convenientes vix possint imponi.

In eadem non semper est statu, ideoque eadem semper adhiberi nequit cura. Nam aut est callosa, aut os subiectum est corruptum. Si adsit callus ferro incidendus, ac fistula dilatanda. Si æger ferrum respuat, tunc tantum gentianæ radice aut spongiis dilatandum; vel nonnihil alicujus caustici, ex  
ruptori



ruptorio infernali admovendum, idque prudenter ne oculus lædatur. Remoto caustico, ulceri inspergitur non nihil præcipitati rubri, idque cum linteo carpto, cum emplastro convenienti. Remoto callo, consolidatio fit balsamo capaybæ aut peruviano, aut alio quovis optimo unguento.

Ast si os carie sit affectum, tum immisso specillo durities quædam & resistantia animadvertitur; os tunc denudari debet, & abradi: foramen linteo carpto impletur, donec caro suas fibras emisit; interim labia vulneris unguento siccante, ne humor emanans in oculum fluat providentur. Si os planè cariosum sit, tum pulvis Euphorbii inspergendus; alii cauterio actuali utuntur, sed est ægris horrendum, quamvis bene factum; & longè melius quam cauteriis potentialibus ut oleo vitrioli, aqua forti, butyro antimonii &c. quia proserpendo plus ossi nocent quam profunt. Post hæc omnia, ulcus, ut alia ulcera, est deligandum, & oculus collyriis est custodiendus.

## VII. CAPUT.

## DE ULCERE VERMINOSO, ET PHTHIRIASI.

Quomodo VERMES, PEDICULI, &c. in nostro corpore crescunt, à nemine adhuc rectè demonstratum. Ab experientia mihi constat, omnia animalcula ex ovis & ovulis provenire, ast quomodo in nostris proveniant corporibus, sub iudice lis est. Microscopia multum juvant; quando iis inspicimus acetum, lac, sanguinem, caseum veterem &c, vermiculis scatent. Causa est, quod à muscis innumera ova lacti aliove liquori immittuntur, quæ in caseo & butyro etiam manent. Item in aceto, aliisque cibis plurimis. Hisce positis, mirum videri non debet quomodo in homine ejusmodi animalcula producantur; sit tamen ut sit, de lanâ caprinâ longè lateque disputare, ægris levamen non adfert. Nam quamvis plurimi adulti pediculos alant, qui ex lendibus sive ovulis produ- Vermes unde. euntur: tamen valde juniores seu impuberes, licet millies vestimenta & indusia mutant, nihilominus pediculis permultis abundant, & illa species primo intuitu non ex lendibus provenire videntur: imo iste *Pedicularis morbus* tantum pauperibus non familiaris, sed & divitum pueri non sunt ab eo liberi, quantumvis quotidie bis terve ab iis purgentur.

Fortasse omnes è lendibus nascuntur, & liberi antea fortè habuerunt Herpetem, vel alias aperturas in cute, in quibus casu una, pluresve lendes deciderunt, & sub crusta inducta manserunt: (magnatum enim filii non magis ab ejusmodi insectis liberi evadunt ac pauperum, quia ab ancillis communicantur, vel è scholis aliisve locis) lendes porro non sem-



per eundem statum servantes, tandem excluduntur, idque sub crustâ illâ; ex hisce iterum aliæ lentes, aliique pediculi prodeunt, in immensum denique numerum familiam suam atque colonias extendunt. Ultimo magna vi cutim tumoris in modum elevant perforantque; hinc tumores pediculis pleni; & quoniam colonias suas in plura loca emittunt, ideo quoque plurimi oriuntur pediculares tumores, ex quibus catervatim continuò exeunt<sup>6</sup> nam sub cute bonum videntur invenire alimentum. Vide de vermium generatione in *Institutionibus nostris*, ut & *Tractatum Belgicum de insectis*.

Raro sani sunt hoc morbo obnoxii, sunt enim ἀγροοί, macres, fætentes, febre laborantes &c. ulcera, quibus pediculi continentur, materia fætida sunt repleta, & ab iis præterfluentes succi contaminantur; atque corrumpuntur: at iste prætercurtus, cum sit continuus, etiam sanguis magis ac magis inquinatur, hinc omnes totius corporis succi prorsus inficiuntur; hinc nutritio corrupta; hinc prædicta symptomata.

Ulcera, quæ ut plurimum caput infestant, lavanda & mundanda iis, quibus pediculi moriuntur. Calcis aquam cum tincturâ aloës hic summo perè conducere arbitror, cum materia, qua pediculi nutriuntur, hisce planè immutatur, atque hac detracta, etiam sensim productio imminui debet, lotio illa sæpissimè reiterari debet. Convenit quoque tabaci coctio cum sapone. Et hæc si non juvant ad præparata ex mercurio deveniendum, quæ certam promittunt curationem: atque præcipitatum album butyro est admiscendum, vel vini spiritui, pro lavameno, Sed prudentur incedendum, alias juniori ætati salivationem inducunt.

Ulcera itaque his vel illis animalculis scatentia, forcipula sunt eximenda: & ad ulterius detergendum, amara & acria erunt utilia: ut.

*Gentiana, Helleborus albus, Colocynthis, Centaurium minus, Absinthium latifolium, Mentha crispa, Marrubium, Diptamnus, Scordium, Aloë, Myrrha, Ærugo, Fel Taurinum, Mel Chelidoniæ Majoris, Auripigmentum, Sublimatum, unguentum arthanitæ, &c.*

*Recipe* Radicum gentianæ,  
Colocynthidis,  
Aloë, ana semunciam.

Coquantur ex vino ad uncias duodecim.

Fiat lavamentum. vel.

*Recipe* Aloës,  
Myrrhæ,  
Æruginis,  
Fellis taurini, ana drachmas duas.  
Mellis chelidoniati, quantum sufficit.

Misce fiat linimentum.

Mundato ulcere, procedendum ut ante.

Quoad



Quoad interna, quotidie usu veniant decocta ex chinâ & falsâ parillâ &c. salia volatilia, & lavantia cum mercurio dulci.

## VIII. CAPUT.

DE ULCERE CUM OSSIS CARIE, ET SPI-  
NA VENTOSA.

**R**arum non est ulceribus quandoque os adjungi corruptum, quod **CA**-Caries ossis **R**IES dicitur, quæ ad curandum non parum difficultatis parit.

*Causa* videtur esse succus quidam acris & acidus, qui nos rodit; quod Cur acida in carie convenire possunt. liquet ex applicandis, quæ omnia salem acidum destruunt. *Causa* itaque si consistat in sale acido, quid itaque efficient aqua fortis & spiritus vitrioli in ejusmodi casibus; videmus enim ossa, ebur, dentes &c. acidis ejusmodi destitui? sed acida illa non adhibentur tam ad curandum, quam ad cariei causam tollendam, ne ulterius proserpat, atque tunc facilius scalpendum & Cauterizandum.

*Signa* sunt triplicia: *prima* sunt quando & cute & carne adhuc os est tectum, & tunc profundè supra os ingens dolor est, quia periosteum roditur, atque corrosus versus exteriora dolor magis augetur. Atque tunc oritur intumescencia, quæ interdum mollis est, inflatus aut durus: sed aperto tumore, ut plurimum mollis est lardo similis, ex quo interdum materies oleosa effluit cum maximo foetore: turundæ item & Emplastra ulcere aperto maculantur nigredine.

*Secunda* sunt, quæ specillo deteguntur, quod ex inæqualitate conjicitur, & maximè ex supra dictis signis.

*Tertia*, apparent *αἰσθησις*, quando ossa in principio oleaginosa videntur & pingua, tunc unguium in modum albescent, deinde lividitate ac nigredine, fragilitate, spongiositate, cariositate &c. corrumpuntur.

Caries circa tendines, nervos, vasa majora, quia eodem malo afficiuntur, periculosa est. Curatio sæpe tardè procedit, & raro curationem integram admittit: & ulcus de novo recrudescit, si os adhuc exfoliatur seu desquamatur. *Caries* in osse duro, melius quam in spongioso, aut ossium capitibus &c. quo *Caries* profundior, eo curatu difficilior. In sanis melior quam in cacochymicis, scorbuticis.

Si ulcus satis non sit profundum, corrodentibus excavandum; cavendo à nervis, tendinibus, vasis majoribus &c. Carie contraria remedia sunt acidum domantia: ut.

*Radices Iridis Florentinæ, Aristolochiæ Rotundæ, Rubiæ Tinctorum, Bryoniæ, Peucedani, Dracuntii, Tormentillæ, Zedoariæ, Zingiberis. Lignum Guajacum & ejus cortices. Pini Cortices, Myrrha, Mastix, Aloes, Olibanum, Euphorbium, Calx, Oculi Cancris, Osteocolla, Corallium, Lapis Ca-*



*laminaris, Tutia, Scoria Aeris, Pumex, Antimonium Crudum & Diaphoreticum, As Usum, Cinamomum, Crocus, Conchilia, &c.*

Sequentem pulverem ossi insperge:

*Recipe* Euphorbii, *drachmas duas.*  
 Aristolochiæ Rotundæ, *semunciam.*  
 Guajaci, *drachmam unam & semis.*  
 Misce fiat pulvis. vel

*Recipe* Iridis florentinæ, *unciam semis.*  
 Euphorbii,  
 Aloës,  
 Thuris, *ana drachmam unam.*  
 Foliorum Theæ,  
 Myrrhæ, *ana drachmas duas.*  
 Aquæ vitæ Matthioli, *uncias sex.*  
 Meilis chelidoniati, *uncias duas.*  
 Misce fiat injectio.

Hæc lotio fiat aut injectione, pro ut fieri potest. Omnium optimè Euphorbii pulvis inspergitur, quia non rodit; probè cavendum, ne olea aut unguenta os tangant, quia aliquando cariei causam constituunt. Hic ipiritus matricalis summoperè convenit, quia valde penetrat, & acida temperat.

His nihil si efficiatur, & os sit nudum, scalpendum est, scalpris ad id accommodatis, aut si caries profundas miserit radices, caudente ferro malum radicitus evellendum, aut terebrandum, alias nunquam scopum tangeres. Carie separatâ atque ab hoste liberatâ, ulcus more solito curatur.

SPINA VENTOSA, ut vocatur, à carie gradu differre videtur: nam est etiam ossium corruptio, maximè circa articulos, & ut plurimum in Junioribus; & magis in corruptione ossis consistit, quam in carnis ulceratione, quamvis ejus mali sit pedisequa.

Causa etiam in acido consistit. particulis viscosis involuto, quibus pori obstruuntur, atque sic tandem acriores fiunt, hinc ossium corrosio, atque in hoc malo particulæ, quam in Carie acriores sunt. Si caries sese in principio manifestat, facilius curabitur. In spina porro ventosa malum ab interiore ossis parte principium habet, & antequam cognoscitur, tota capitum cartilago, quâ membrum vertitur, ut & os durum perforatum est.

Spina Ventosa.

In principio non facile cognoscitur, & signa ita intricata sunt, ut vel peritissimus possit eludi: aut malo accrescente, satis ad oculum è se prodit. In initio ægrè cognoscitur, ob ossium duritiem, & earum partium insen-



insensibilitatem: deinde quia ab interiori causâ originem sumit, ideoque symptomata prius non indicantur, nisi cum viribus prævaluerit, ipsumque os perterebratum sit: at postea cum malum invaserit periosteum, cæterasque partes os cingentes, tunc omnia symptomata simul ingruunt, & cognitu facilia, ægerque ab acri & pungente dolore conqueritur.

Intumescencia interdum mollis est, inflata, figurâ ovali, interdum quidem planâ & depressâ; color cum parte æqualis, & dolor membri motu non parum augetur: febris nunc molestior, si adsit, nunc remissior. Malo porro ulterius radices agente, fistulæ fiunt, corrosis nempe membranis, ligamentis, musculis, cæterisque partibus os cingentibus, ex quibus tenue, & acerrimum pus funditur, quo specillum omnem suum nitorem perdit. Denique ægri emaciuntur & cacochymiam incidunt, unde nihil boni expectandum.

Si locus cognitus necdum sit apertus, aperiendus; cæterum scalpris sive raspatoriis, uti & cauteriis candentibus per cannulam adductis, ut in carie dictum, incedendum est.

Refert *Henr. Roonhuijs*, de virgine cui magnum ossis femoris frustum carie erat consumptum, exemptum, & locum callo impletum, ita ut nulla claudicatio remanserat: sed memini alicujus patientis cui os humerica- Historia. rie ferè putrefactum erat ita ut frustum spithamæ longitudine ferrâ ablatum sit; sed is locus iterum ita callo concretus, ut brachium illud ferè æquè bene movere possit ac alterum.

In carie tan ossium, quam dentium aliquando videmus ossa in latitudinem magis extendi & incrassari, quia salia in ossium poris manent, eorumque fibras obstruunt & ab invicem discedere faciunt; quod in conchiliis manifestum; est mihi enim concha ex reposito- In Carie Ducis magnæ Hettrurix missa, quæ constat ex plurimis lamellis, ab invicem ob materiem insinuatam, leviter separatis. Sic quoque ossa lamellatim secedunt. Intra lamellas & poros aliæ particulae se insinuant, & lamellas ab invicem ossa in latitudinem crescunt. recedere faciunt, quemadmodum lignum, interveniente cuneo, dilatatur.

In carie ex lue venereâ ossa, ob excisionem continuam tam levia redduntur, ut aquis innatent.

Absque vulnere externo fungi sæpe sub cute ex ipso osse excrescunt, qui sensim accrescunt, indolores, molles, cum cute ejusdem coloris, postea per se erumpentes, qui, si auferuntur intra paucas horas immensum usque iterum excrescunt, & si ablatio quotidie fit, quotidie quoque renascuntur, serum, ichorem & nonnunquam sanguinem fundunt.

Causa externa aliquando provenit à lapsu, casu, contorsione, contusione, illusione in rem duram &c. hinc sæpe vascula lymphatica, aliave Fungi ex carie. rumpuntur succumque exstillant, qui acris & acidus factus cariem ossibus aducit; sic tandem arteriolæ minimæ aliæque vascula periosteum per ruptantia corroduntur, quorum extremitates à succis affluentibus, (quoniam per venas reduces reduci nequeunt) elongantur, & brevi temporis spatio



in magnam molem excreſcunt, præſertim ſi denudantur, tunc enim nulum repagulum eſt.

Ob mollitiem à vulgari abſceſſu tangentibus non videntur differre, ſacculum puris æmulantes: ideoque Chirurgi hæc in re sæpe ſolliciti ſunt, ancipites num pus, num fungus ſit, ſigna enim externa eadem ſunt. Si aperiatuſ citius creſcit, & fungo ablato, iterum reſurgit.

Fungo inſperguntur pulveres corroſivi, & ſi non abeant, candens ferrum eſt aplicandum, quod eſt remedium proximum. Ex palati offe tales excreſcentias ferro candente ablatas novi.

Fungi ex  
cerebro &

Cranio vulnerato, fracturaque ablata, ex cerebri ſubſtantia aut meninges interdum fungos propullulare vidimus: ſed in hiſce cavendum à medicamentis corroſivis aut ferro ignito, ſed temperatioribus incedendum, ex quibus pulvis *Fabr. Hildani* conſtat, cujus ingredientia ſunt *Radices Angelicæ, Calami Aromatici, Aristolochiæ Rotundæ; Iridis Florentinæ; lignum Guajacum; Flores Salviæ, majoranæ & Roſmarinus.*

Oculis.

Quæ de cerebro dixi, idem de oculis teſtatur experientia, fungos quoque orire ſine prægreſſâ offis carie.

## IX. C A P U T.

### DE ULCERIBUS CUM SUPERFLUA CARNE, SEU FUNGOSA.

Ulcers cum  
cum super-  
flua carne

SÆpe ob Medicamenta per ſe vel alias ſupra modum caro quædam fungoſa & ſpongioſa vulneribus increſcit, idque brevi temporis ſpatio: melius enim eſt, tardius creſcat, quia tunc ſolidior evadit. Quomodo illa producitur in *Inſtitutionibus meis docui.*

Senſus interdum eſt doloroſus, ſi attingatur, & facile ſanguinem emittens, cum fungoſitate: interdum color eſt lividus, plumbeus & lardo ſimilis. Emanat plerumque tenax & viſcidus humor, non bene o- lens.

Raro curationem admittunt, imo maligna fiunt & cancroſa.

Spongioſa caro eſt amovenda, ut optima de novo ſuperincreſcat: ideoque conveniunt cauſtica quædam: ut

*Præcipitatum Rubrum, Alumen Uſtum, Cortices Granatorum, Colcothar Vitrioli, Ærugo, Oleum Vitrioli, unguentum Fuscum Felicis Wurtz, Ægyptiacum. Aqua Mercurialis, Divina Fernellii, Lapis Alebymæ, &c.* ex hiſce pulveres & unguenta fieri poſſunt: Carne illâ conſumptâ vulgaria medicamenta uſu veniant.



## X. CAPUT.

## DE OZÆNA, SIVE NARIUM ULCERE FOETENTE.

Quando ab acribus quibusdam humiditatibus membranæ nares intus investientes corroduuntur, ulcera veniunt cum foetore & difficultate quasi cerebri, ut in coryza, cujus nomen OZÆNA.

Ozena.

*Curatio* non tantum admodum est difficilis, sed, deciditibus ossiculis, nasus non parum defœdatur. Præter interna, externè adhibeantur detergentia & suppurantia. Laudat quam maximè *H. Mercurialis* attractionem urinæ asininæ in nares, quod etiam propriâ urinâ fieri potest. Idem præstant succus scarleæ cum melle. Vel *Hartmanni* aqua viridi utuntur, quâ ope penicilli nares intus sæpe lavantur: & turunda ex linteo carpto intruditur. vel

*Recipe* Thuris,  
Aluminis,  
Minii,  
Mercurii dulcis;  
Corticum Granatorum, *ana drachmas duas.*

Coquantur ex vino ad uncias sex.  
Misce fiat lavamentum.

Fumigationes etiam præstant; ut

*Recipe* Mastiches,  
Benzoin,  
Santali citrini, *ana drachmam unam & semis.*  
Cinnabaris factitiæ, *semunciam.*  
Misce fiat pulvis.

Conveniunt etiam unguentum fuscum F. Wurtz. Ægyptiacum, mel Rosarum, &c. Si hisce nihil profeceris, ad cauterium actuale veniendum. Si veniat ex lue venereâ, sæpe osciculâ decidunt cum vehementi foetore, atque tunc etiam non tantum supra præscripta sunt adhibenda, sed & mercurialia.



## XI. C A P U T.

DE PAPILLARUM RIMIS, EJUSQUE UL-  
CERIBUS.

Rimæ cir-  
ca papil-  
las.

Lactantibus mulieribus non raro contingit mammarum papillas cuticu-  
lâ denudari, atque in rimas finire, sive ab inflammatione, acri infan-  
tis salivâ aut eorum aphthis, aut aciditate, &c. lactis. Unde inter su-  
gendum ingens dolor. A salivâ acri, vesiculæ papillis adveniunt, ac si  
à cantharidibus essent excitatæ, quibus apertis suctio non nisi cum dolo-  
re peragitur: sic etiam à fortiori suctu vesiculæ fiunt. A salivâ acri eodem  
fiunt vesiculæ, ac aliquando à nimia qti, aut à febribus erysipelata circum  
labia fiunt.

Si infantis fiat culpâ, is restituendus *ut in Praxi nostra edoctum*: ve-  
rum sugant per corniculas, uberum ovillorum papillas, aut ubera cerea.  
Quam primum infantes lacte saturati sugut, papillæ sugnt abluendæ spiritu  
vini, tunc quidquid acre abluitur. Pro fissuris sequentia sunt.

*Recipe* Seminis psyllii,

Cydoniorum, *ana drachmas duas.*

Aquæ rosarum, *quantum sufficit.*

Fiat mucilago ad uncias tres, colaturæ adde

Caphoræ, *scrupulum semis.*

Misce. vel

*Recipe* Gummi arabici,

Tragacanthi, *ana drachmam unam.*

Aquæ plantaginis, *quantum sufficit.*

Fiat mucilago, ad uncias tres, colaturæ adde,

Cerussæ, *drachmas duas.*

Misce. vel

*Recipe* Mucilaginis seminis malvæ,

Psyllii, *ana unciam unam.*

Salis saturni, *grana octo.*

Misce. vel.

*Recipe* Cremoris lactis dulcis, *uncias duas.*

Cretæ allæ, *semunciam.*

Misce.

In exulcerationibus rimarum valent summo perè balsamum sulphuris  
& de peru, ut & recens oleum myrrhæ: in ipsis rimis spargitur pulvis  
gummi arabici cum nonnihil tutiæ. vel

*Recipe*



*Recipe* Florum recentium calendulæ, *uncias quatuor.*

Butyri recentis, *libram unam.*

Coquantur ad succi consumptionem.

Fiat unguentum.

Sic etiam lardi pinguedo quæ candenti forcipe exprimitur; item oleum ex juglandibus oleosis eodem modo expressum, multum ad præcavendas fissuras juvant. Item in papillarum Erysipelate conveniunt lactis recens cremor cum cerussâ aut cretâ; ut & aqua sambuci cum caphorâ, aqua calcis vivæ. Solutio vitrioli albi non est minoris commatis, si papillæ sæpius eâ laventur. *Balsamum Lucatelli* etiam summarum virium est. Si ex lactis aciditate, unguento albo camphorato aut aquâ calcis, aut oleo ceræ; &c.

## XII. CAPUT.

### DE MAMMILLARUM ULCERIBUS.

**Q**Uando lac in Mammarum glandulosâ substantiâ coagulatur, oritur durities, renitentia, tumor, inflammatio, exulceratio & interdum cancer.

Coagulatur è frigore contracto, quando lactis cursus inhibetur: vel quando suo tempore non exsugitur: accedit contusio, vulnus, Terror, mensium suppressio, &c.

Facile curantur, modo ritè tractentur, & nullus scirrhus aut cancer adfit: sed ob tensionem, partes membranosas, & nervos curatio sæpe non nisi cum dolore peragi solet.

Ante ulcus factum, adhibentur cataplasmata emollientia ex *Foliis Altheæ, Malvæ; Floribus Meliloti, Camomillæ, Pane Albo*, vel pro exigentiâ adde *Farinam Fabarum, Lini, Secalis*. Si pus factum altius jaceat, per cutim sectio ad puris locum usque est instituenda, quo evacuato, ulcus unguento basilico tractandum & sanandum, ut in aliis ulceribus fieri solet. Si Mammæ nimis pendulæ, magnæ & graves sint, fasciâ de collo suspensoriâ sustinendæ.

### *Casus.*

### DE MAMMÆ TUMORE, ET LACTE SALSO, CUM PURE ET SANGUINE.

**A**nte annos viginti quatuor Fœminæ nobilis-Norvagicæ Mamma dextra tumore fuit obfessa: & tredecim annos post hæc aliud accidebat symptoma, finito nempe puerperio, lac profundeabat salsum, cum admix-



tâ aquâ & pure, ex papillâ postea per multos annos stillans; aderat interdum nonnihil sanguinis. Postea sæpe minabatur in Mammâ tumor, quem semper Emplastro de Meliloto superabat: sed ante quinque annos abhinc malum ita prævalebat, ut sub papillâ tumor per se aperireatur, ex cujus apertura tunc humores cum pure evacuabantur, quemadmodum ex papillâ profluere solebant, quæ interdum etiam tumebat, sed dicto emplastro interdum imminuebatur. Verum ante annum nunc elapsum ita invaluit, ut juxta priorem aperturam etiam alia aperireatur, quæ tandem unum ulcus constituiebant, cujus magnitudo digiti articulum æquat: tunc ulterius intumescere desiit, dolor quoque & compunctio evanescebant, quos antea nonnunquam, ast non semper sentiebat, verum nunc pus cruentum emanat, imo interdum sanguis sincerus, & non raro lacteus, ast sine fœtore: accedebat nodus supra ulcus, qui resolvi nequibat Meliloti Emplastro, ast cum Emplastrum attractivum (ut dici solet) impositum fuerat, ex Mamma multum sanguinis profluebat. Chirurgus noster judicat nodum oportere aperiri.

Lac procul omni dubio primo fuit coagulatum unde Mammarum distensio & dolor, unde glandulæ lac fundentes suppuratæ fuerunt, quia cum papillis correspondebant, ferosum quid & falsum una cum sanguine stillabant.

Postea erosio vasis sanguineis, infecutus fuit sanguis. Materia, interim internè quoque rodebat, unam alteramque aperturam faciebat. Porro nodus is, erat glandula adhuc particulis caseosis obstructa: quæ facile in cancerum potuit degenerare.

Primo applicui cataplasmata ex *Malvâ*, *Althæâ*, *Ficubus*, *Farinâ Secalicaâ*, *Gummi Ammoniaco* &c. Hisce nodum ad suppurationem perduxit: Turundæ intrudebantur cum unguento suppurativo, & super imponebatur Emplastrum de mucilaginis & de meliloto; postea aperturis ab omni immunditie deterfis, cicatrifiantibus finem imposuimus.

## XIII. C A P U T.

## D E P H A G E D Æ N A.

*Phagedæna.* **P**HAGEDÆNA est ulcus malignum, & continuo proserpens, hinc *Belgis de Wolf*, & *de Vret*.

A Cancro gradibus differt, quamdiu cancer non proserpit, illud nomen non habet. In ore nobis dicitur *noma* & *Water-Kanker*, de quo statim, ideoque non nisi loco ferè differt.

Videtur etiam causa consistere, in acri acida, ut de cancro dictum; remedia enim quæ hic applicantur, omne acidum corrigunt. In ipso cancro acrimonia acida, non tanta abundat copia, quam in hoc casu. Cancer est malum quietum, & tantum in glandulosis partibus obstructis; ast in



in Phagedæna tantâ acrimoniâ colligitur, ut etiam vicinæ partes rodantur.

Circumjacentes rodit partes non sine magno dolore, & cum putatur malum esse superatum, brevi post recrudescit; hinc facile intelligitur, remedia interna æque ac externa esse adhibenda, nam internis, hostis insidias parans, vincitur, superatur. 2. Ulcera quoque sunt fastidiosa, cum pluribus sinibus, & labia arrosa, inæqualia. 3. Interdum adest albedo fungosa, lardi colore. 4. Humidum quod emanat tenue est & acre.

Ulcera ejusmodi non sine periculo sunt, quia continuo rodunt, proserpunt, quæ vix compescuntur: vasa quoque magna, tendines, nervi, &c. consumuntur, corrumpuntur, unde ad functiones actiones & motus peragendos membra inepta evadunt & mutilantur. Quo majora eo pejora, præsertim si plurima symptomata adjunguntur.

Ad *Curationem* pertinet bona *Dieta*, & usus falsæ parillæ & chinæ quotidianus. Maximè coërcentur ejusmodi ulcera *Spiritibus Penetrantibus*, *Alcohol Vini*, & *Spiritu Matricali*: hisce enim dulcescit acidum, ut in conficiendo spiritu nitri dulci apparet. Conveniunt quoque *Oleum Petræ*, de *Lateribus*, *Origani*, *Tabaci*, *Caphoræ*, *Oleaque* cætera, quæ valde penetrant. Si ætas sit mediocris, tunc aliquando sublimatum dulce præcipitatum sumant. In ipso ulcere externè inspergitur sal saturni, sublimatum, alumen, ex quibus lavamenta parantur & pulveres, unguenta; &c. ut

*Recipe* Aquæ vitæ, *uncias decem*.  
 Salis saturni, *drachmas duas*.  
 Aluminis, *unciam unam*  
 Misce.

Loco aquæ vitæ, aqua quidem sumitur pluvialis, aut plantaginis: sic etiam ex lapide alchymicæ lavamenta parantur vel inspergatur sequens pulvis:

*Recipe* Aristolochiæ rotundæ,  
 Antimonii crudi,  
 Thuris, *ana drachmas duas*.  
 Æruginis, *drachmam unam*.  
 Misce fiat pulvis.

Ipsi ulceri inditur sequens:

*Recipe* Unguenti diapompholigos,  
 Ægyptiaci, *ana partes æquales*.  
 Misce.

Additur interdum sal saturni; ut Rosio impediatur; circumferentia,  
Aaaa 2
si opus



si opus sit, illi potest *Butyro Antimonii*. Alii *Amalgama* applicant ex *Mercurio*. Hisce similibusve si nihil efficiatur, ad cauteria candentia deveniendum, & tunc eschara separatur, cutisque &c. inducitur.

## XIV. C A P U T.

## DE NOMA, ULCERE ORIS FOETENTE.

Noma: **N**OMA, est putrescens & depascens ulcus; ut plurimum in glandulis oris sæpe cavum, durum, dolens, nigricans & foetens.

Causa non raro ortum habet ex salivâ acidâ & scorbuticâ, quâ gingivæ roduntur & graveolentes fiunt. Scorbuticis enim os foetens satis familiare est, & gingivas, sanguinolentas, præsertim matutino tempore, quod pro emore aquâ sæpe eluitur. Foetor iste aliam non agnoscit causam quam salivam acrem, salisam & rodentem, quâ gingivæ roduntur, & magis vel minus putrescunt; si oris purgatio & elutio deinde negligatur, saliva fit acrior, unde tandem non tantum gingivæ, sed & tota bucca labia, palatum corroduntur, & ipsum os carie consumitur. Producitur ex perversâ sæpe victus ratione, ex fructibus horariis, saccharo aliisque dulcibus, acidis, salis & rodentibus. Per contagii speciem, in alios non raro transfertur; nempe quando ejusmodi patientes simul comedunt, & salivam foetidam mutuo communicant, vel in uno cubili decumbunt, tunc sanus inspirat foetidum oris halitum. Infantes & minus adulti hoc malo maxime afficiuntur, quia teneriores sunt adultis texturâ, hinc acri salivâ magis & facilius roduntur, præsertim si mala victus ratio accedat.

Quia continuò proserpit etiam nervi & membranæ læduntur, unde sæpe dolor: adest ut plurimum nigredo, putredo, foetor, cum inæqualitate marginum, & ossium carie; parres circumpositæ sunt rubicundæ atque maxime induratae. Pus non apparet, sed foetens ac tenuis sanies. Ut plurimum infantibus advenit in ore, aliisque partibus fungosis.

*Prognosis* hic non est admodum favorabilis, nisi in incipientibus: & si cito non coerceatur, patiens sæpe vitam in mortem commutat. Ex contagio major spes est.

Os aquâ calcis sæpe eluendum, vel aquâ sublimatâ & melle rosaceo. Ut hujus mali progressus inhibeatur, inter principalia habebuntur volatilia, ut *Spiritus Cochleariæ*, *Matricalis*, *Olea Stillatitia*, &c. illa quippe vinciunt spicula acida & acria: decocta etiam fiunt ex rebus optimis, ut

*Recipe* Foliorum Absinthii latifolii,  
Scordii, ana manipulum semis.  
Rutæ,  
Rhelladrii, ana pugillus tres.



Coquantur ex Spiritu vini ad uncias decem, colaturæ admisce  
 Unguenti ægyptiaci, *semunciam*.  
 Misce fiat collutio. vel

*Recipe* Spiritus vini, *uncias quinque*.  
 Caphoræ, *drachmas duas*.  
 Zingiberis pulverisati, *drachmam unam*.  
 Misce. vel

*Recipe* Aluminis, *drachmas duas*.  
 Mellis Rosati, *unciam unam*.  
 Unguenti Ægyptiaci, *semunciam*.  
 Vini Rubri astringentis, *uncias sex*.  
 Misce fiat collutio.

Deinde ex carpto linteo conficiuntur penicilli, quibus os sæpe eluitur post hanc collutionem spiritu cochleariæ, aut matricali os denuo abluitur, idque quo frequentius, eo melius. Externè cataplasmata calidè sunt applicanda; calor enim penetrat, atque seperationem procurat, ac mortificationem inhibet, quæ aliquando evenit.

Altiores si radices egerit, ad cultrum, & forficem deveniendum, & si penicilli commodè interiri nequeant, injectio est adhibenda. Sæpe cogimur *Oleo Vitrioli* uti, aut *Aquâ Divinâ Fernellii*. Os si carie infectum, *Tulpius* commendat *Cinamomi oleum*, cum oleo sublimati admixtum. Nonnunquam ad cauteria actualia deveniendum, quod commodè per cannulam fit. Factâ separatione, quotidie opus est collutione astringenti. In adultioribus mercurialia in parva quantitate, ne excitetur salivatio, internè dantur, ut & decocta ex lignis, &c.

## XV. CAPUT.

## DE AMBUSTIONE.

**A**MBUSTIO, quid sit lippis atque tonsoribus notum: est que triplex, <sup>Ambustio.</sup>  
 primus gradus, quando cuticula est ambusta, & à cute separata. Deinde cum cutis ipsa ab igne est læsa, & tertia, si partes subjæctæ: ut caro, tendo &c. ambustæ sunt.

*Causæ* sunt res omnes comburentes, ut ignis, aqua fervida, omnia metalla ignita, oleum fervidum, pulvis pyrius accensus, & porro omnia quæ comburere possunt.

Quo profundior ambustio, eo periculosior, tunc enim magna vasa, tendines, nervi summoperè corrumpuntur; hinc gangræna, sphacelus; membra mutila; in oculis cæcitas, &c. <sup>Vesiculæ quomodo excitentur.</sup>



Si cuticula rebus urentibus nimis proximè accedat, ignis particulæ non resiliunt, ast in succum ei proximè accumbentem penetrant, in quibus tam vehemens agitatio & motus concitatur, ut vascula cutis lymphatica à cuticula rumpantur, frangantur. Hinc fractis hisce vasculis, humor nequit periodum solitam absolvere, ideoque intra cuticulam necdum ambustam & cutim stillat, atque sic cutis elevatur in bullas seu vesiculas lymphæ plenæ.

Ignis ex  
quibus  
constet par-  
ticulis.

Si porro ignis particulæ cuti subjectæ fortius appropinquent, non tantum fibrillæ & vascula epidermidis afficiuntur, (ignis enim constat ex aliquot myriadibus particulis, ensis ac cultri in modum acutis, quæ in more culicum infinitâ celeritate inter se moventur, uti in *tractatu nostro de fermentatione* dictum.) Sed & cutanea textura planè conscinditur, atque secando depopulatur; illa porro dissectio atque destructio, nobis ustam seu escharam relinquit. Et si illa conscissio profundius penetret etiam musculi, nervi, tendines, atque cæteræ partes subjectæ eodem devastantur modo.

Ambusta solummodo epidermide, non procul ab igne pars læsa tenetur, ne motus celerrimus, primo ab igne introductus, nimis citò cesset, frangatque omnes, ab celerem exitum, fibrillas: ast si igni appropinquet, motus ille continuatur, atque tardius evanescit; hinc cuticula ob tardio-riorem refluxum non tam facile à cute abrumpitur, atque vascula minus franguntur: fit eodem modo ac vitra, si subito refrigerantur, facile diffiliunt, ast si tardissimè ignis motus evanescat, integra manent.

Aut loco læso imponuntur cepæ sub cineribus coctæ, aut sapo niger, sed hujusmodi non sunt vultui, præsertim oculis applicanda, sapo enim nimis rodit; illa, ob particulas activas, perservant quoque motum in partibus læsis, ne derepenitè cesset. Hisce adustum à sano separatur, si adustio fuerit nimium profunda: eandem ob causam convenit quoque aqua calcis, ut & muria: hisce præcavetur etiam acor succi stagnantis, quæ præcautio ad curationem facilem multum contribuere potest.

Si eschara sit inducta, sive in ipsa tantum cute, sive etiam in subjectis partibus, tunc ea sunt imponenda, quibus crusta est separanda: conficitur ex cæpis & sapone cataplasma: aut imponitur calx viva cum oleo raparum: alii cretam albam eidem oleo admiscent. Aut componunt *Unguentum ex Butyro, Stercore Gallinæ, Fuligine Camini, Cortibus Sambuci, Salvia &c.* quo crusta profundior, eo sint remedia penetrantiora.

Hisce itaque crusta separatur: ratio est, quia constant ex particulis, quæ à subtili materiâ facile moventur, unde & cuti & carni ambustæ talis etiam motus communicatur; & quia in sano alius longè motus est, ideo ambo illi contrarii motus causa sunt, quare demortuum à sano separatur; hoc enim motu fibræ sensim abumpuntur. & illa abruptio & separatio postulatur.

Cuti ambustæ applicetur sequens cataplasma, ut separatio procedat: ut

*Recipe* Ceparum coctarum, *uncias octo.*

Saponis vulgaris, *unciam semis.*

Misce. vel



*Recipe* Ceparum coctarum, *uncias octo.*

Mellis *uncias quatuor*

Misce. vel

*Recipe* Axungia porci, *unciam unam.*

Præcipitati rubri, *drachmam unam & semis.*

Misce. vel

*Recipe* Olei olivarum, *uncias sex.*

Calcis vivæ, *uncias tres.*

Misce. vel

*Recipe* Olei raparum, *uncias tres.*

Cretæ albæ, *uncias tres.*

Camphoræ, *drachmas duas.*

Misce.

Conficiatur quoque unguentum ex foliis lauris & lardi pinguedine. Con-  
veniunt item ceparum succus: decoctio foliorum Hederae arborescentis. Si  
altius quam cutim ambustio penetraverit, tunc crusta est scarificanda, & se-  
quens admoveatur ad crustam seperandam:

*Recipe* Butyri recentis, *uncias quatuor.*

Fuliginis camini, *uncias duas.*

Terebinthinæ, *unciam unam & semis.*

Vitellorum ovorum, *numero quatuor.*

Misce fiat Unguentum. vel

*Recipe* Corticum Sambuci, *manipulos duos.*

Foliorum plantaginis,

Salviæ, *ana manipulum unum.*

Coquantur ex aqua ad uncias viginti, colaturæ adde.

Fuliginis,

Unguenti basiliconis,

Saponis vulgaris, *ana uncias duas.*

Butyri non saliti, *uncias sex.*

Stercoris gallinæ recentis & albæ, *uncias tres.*

Misce fiat unguentum.

Seperata eschara, procede, ut in aliis ulceribus.



STEPH. BLANCARDI  
 P R A X E O S  
 CHIRURGICÆ,

Verioribus fundamentis superstructæ,

P A R S V.

*De Ulceribus.*

I. C A P U T.

DE VULNERIBUS IN GENERE.

Vulnera. Quid VULNERA, omni populo notum: definimus esse *vulnus solutionem* in partibus mollibus æque ac duris recens factam & à rebus extra nos productam.

Vulnerum diversitas consistit, 1. quod facta sunt in carne, ossè, tendine, ligamento, vasis, &c. 2. sunt vel externa, vel quæ ad interiora penetrant. 3. In capite thorace, ventre infimo, aut artibus. 4. Differunt figurâ, sunt enim recta, obliqua, profunda, vel superficie tenus. 5. A sclopeto, morfu, cum contusione, punctione, casu, sectione &c. 6. Sunt simplicia, cum vel sine ossis læsione 7. Venenata.

*Causæ* sunt omnia, quæ scindunt, secant, pungunt, ferrant, contundunt, &c. ut cultri, forfices, enses, gladii, vitrum, glacies, crystallum, &c. 2. Pungentes ut acus, aciculæ, piscium spinæ, dentes, tela, subulæ, &c. 3. Quæ perterebrant, ut globuli plumbei, grandines plumbeæ minimæ, contractum ferrum (vulgo *schroot*). 4. Contudentia, ut casus, lapsus, verbera, elevatio ponderis gravis, lapidum jactus, &c. 5. Illisus aut casus in rem duram.

Per se externa cognoscuntur fatis; sed obscurius vulnera interna ideoque exacta anatomica cognitio requiritur, & usus partium: etiam porro ad  
 symp-



symptomata, quæ ex vulnere sequuntur, est attendendum probè, ut & ad ea quæ ex vulneribus educuntur. Sciendum num sanari possint nec ne, aut lethalia sint.

Periculosa sunt vulnera capitis, præsertim cerebri, nervorum, vasorum majorum, medullæ spinalis, pulmonis, cordis, tendinosæ diaphragmatis partis, intestinorum præcipuè tenuium, vesicæ urinariæ, hepatis, lienis &c. Vulnera magna sæpe lethalia.

Cerebri ac medullæ spinalis non raro mortem prænunciant, quia ex eorum vulneribus, apoplexia, carus, paralytis &c. sequuntur, nam succi nervosi ex ii. debite radiare nequeunt.

Vulnera cordis, facile mortem inferunt, quia ab his sanguinis periodus impeditur; præsertim si ad ventriculos penetrent, alias interdum evadunt. Idem fit in pulmonis, hepatis, &c. Vulneribus.

Si in nervosis ac membranosis partibus accidat, ut in vesicâ intestinis, nervis &c. vitam facile cum morte commutant, nempe convulsiones, ex quibus totum systema nervosum in anomalias graves irritatur: idem quoque ex venenatis vulneribus expectandum.

Magna vasa vulnerata, ut vasa sub axillis, in feminibus, jugularibus, &c. magnam sanguinis copiam effundunt, quæ difficillimè sistitur. atque sic corpus inanimatum relinquunt.

Quando cartilagines, nervi, genæ, præputium, &c. fauciata sint, vix denuo conjunguntur, sed ossa per callum ad invicem iterum sæpe connascuntur. Intestina tenuia, si non consuantur, non consolidantur. Convulsiones, aut dejectiones nigræ in vulneribus, *ἰσχυρὸς*. Si magnis & parvis vulneribus nulla intumescencia superveniat, malum.

Vulnera cum figura rotunda, difficiliter curantur, quam alia figura. Si sint secundum fibrarum ductum, membra rarius mutilantur quam alias. Æstate curatio promptius succedit, quam hyeme, frigus enim vulneribus noxium, ideoque frequens deligatio non est suadenda. Ventris vulnera angusta amplis sunt periculosiora. In vesicâ, sæpe fistulam relinquunt cum urinæ stillicidio.

Inter vulnerum & ulcerum signa mortis prognostica, observatum à nosocomii lotricibus, quod maculæ sanguineæ & purulentæ ex fasciis aliisque lintheamentis nolint expurgari, si quis sit moriturus. Et ratio plana est, si teis sanguine & pure sordidis. Prognosticum lethale ex lin-

De curatione in sequentibus particulatim.



## II. C A P U T.

## DE SIMPLICI VULNERE IN CARNOSIS PARTIBUS, CUM QUIBUSDAM SYMPTOMATIBUS.

**V**ULNERA SIMPLICIA in partibus carnosis sunt, quando musculi, sanguinea vasa, nervi aut tendines fauciati sunt.

Differunt profunditate, magnitudine, longitudine, deperditione aut conservatione substantiæ.

Omnia vulnera mala, quid semper mali ominis symptomata sunt expectanda: musculosa parte tantum vulnerata, non adeo timendum.

In *Curatione* nimius sanguinis fluxus sistendus. 2. Inflammationes anticipandæ aut profligandæ. 3. Vulneris labia ad invicem conjungenda. 4. Atque sic retinendæ. 5. Impediendum nequid alieni incidat. 6. Substantia fauciatae partis in sanitate conseruanda.

Hæmorrhagia si non sit admodum magna, tunc simpliciter linteo carpato, Gossypio, araneorum tela, linteo adusto, &c. sistitur. Ast si potentiora requirantur, tunc ea sumenda, quæ in *capite de extirpatione* diximus. Intus datur nonnihil *Caphoræ*, *Opii*, cum *Aquâ Plantaginis*.

Vulneribus accedunt interdum inflammationes, quando ob fibras abscissas succorum periodus impeditur, nam tunc in vulnus stillant, vel in labiis subsistunt, qui, si incalescant inflammatio & dolor concitantur.

Intus datur *Sperma ceti*, *Oculi Cancris*; & si sudoriferum propinetur, eo melius. Media hic convenientia ex penetrantibus consistit particulis, quibus pariter stagnantes succi attenuantur ac lubricantur. Exterius applicatur ovi albumen cum alumine & caphorâ. Aut decoctio ex *Verbena*, *Veronica*, *Alchimilla*, *Bursa Pastoris*, &c. quæ coquuntur in vino rubro rhenano. Aut fit mixtura ex *Spiritu Vini*, & *Bolo*, cui nonnihil *Colcotharis Vitrioli* addi potest. Pellitur quoque inflammatio litu *Unguenti Nutriti*, *Albi Camphorati*, &c. si accedat dolor, utere sequenti:

• *Recipe* Olei Papaveris, uncias duas.

Ovum unum.

Croci, grana sexdecim.

Boli, drachmas duas.

Caphoræ, drachmam semis.

Misce.

*Spasmi*, *convulsiones*, cum parum boni portendant, quam primum sunt sistendi: quid propriè sint, in *Praxi Nostra* & *institutionibus Invenies*, ast qui vulnera sequuntur, differunt nonnihil ab aliis. Hic, in vulnera stillantur succi quidam, quibus membranosæ, tendinosæ ac nervosæ partes irritantur; aut alienum quid vulnere incidit, quoad molestiam parit & motus.



tus inordinatos. Hic itaque conveniunt interna ac externa: Interna *in Praxi* habentur. Sed externa sunt ea quæ ex penetrantibus volatilibus & oleosis particulis constant. ut:

*Oleum Lumbricorum, Vulpinum, Laurinum, Camomillæ, Hyperici, Terebinthinæ, Juniperi, Laterum, Rutæ, Majoranæ, Succini, Castorei, Spicæ, Salviæ, Cerae, Amygdalarum, Petrae, Rorismarini.*

*Unguentum Nervinum, Agrippæ, Albæ, Martiatum.*

*Balsamum Sulphuris, Copayvæ, Peruvianum.*

*Pinguedo Hominis, Vulpis, Anseris; Castoris, vulpis, Arietis, Bætyrum.*

*Spiritus Vini, Matricalis &c.*

Hæc & similia calidè vulneri instillantur, quo deligato, pars fauciata est quietè servanda. vel

*Recipe Unguenti nervini, uncias duas.*

*Olei petrae,*

*Rorismarini,*

*Balsami peruviani, ana drachmas duas.*

Misce.

*Recipe Olei hyperici, unciam semis.*

*Lauri, unciam unam.*

*Spiritus vini, drachmas duas.*

*Terebinthinæ, drachmas tres.*

Misce.

*Barbættus* maximè *Oleum Rorismarini* laudat, tam internè quam externè.

Cum alibi de *Hypofarctosi*, *Gangrænâ* & *Sphacelo* locuti simus, de hisce hic loci supersedebimus. Modum quo vulnera per futuram connectuntur, etiam antea dictum: Huc etiam connectuntur, ligatio cum laqueis.

Si quid alieni vulneri inhæreat, ut pili, arenulæ, spinæ, ossicula, festuæ, vitrum &c. illa debent vossella eximi. Vino arenulæ elui queunt. Si vossellâ nihil efficitur, utimur iis quæ *attrahentia* vulgo vocantur: (licet quidem cum vulgo loqui sed non sentire.) ut

*Farina lini, secalicaea, aristolochia rotunda, valeriana, beta rubra, dictamnus, ammoniacum, galbanum, sagapenum, resina pini, terebinthina, pix, unguentum basilicum, fermentum, stercus anseris, capri, columbæ, &c.*

Vulnera interim curantur *Digestivis Sarcoticis* & *Epuloticis*: ast alii, iis rejectis, absque suppuratione, solis balsamis incedunt: ut est *Balsamum Italicum* antea descriptum, ut & *Copaibæ*, illa tantum calidè vulneri instillantur. Sanat etiam optimè *Succus Chelidonie Croceus*.



*Ast Digestiva* locum habent potius in contusionibus, quam in simplicibus vulneribus: sequentia itaque *digestiva* appellantur: ut

*Radices aristolochiæ rotundæ, cucumeris asinini, gentianæ.*

*Mel, fuligo, vitella ovorum, butyrum recens, farina hordei, tritici, fœ-nigræci.*

*Oleum mastichinum, olivarum, raparum.*

*Thus, resina pini, terebinthina, pix, Mastix, gummi elemni.*

*Unguentum, aureum, althææ. &c.*

*Recipe Butyri majalis, uncias quatuor.*

*Resinæ pini, uncias duas.*

*Thuris,*

*Aristolochiæ rotundæ, ana drachmas tres.*

*Olei hyperici,*

*Terebinthinæ, ana unciam unam.*

*Misce.*

*Quæ carnem generant, sequentia sunt:*

*Radices symphyti majoris, iridis florentinæ, aristolochiæ rotundæ.*

*Folia saniculæ, pyrolæ, verbenæ, betonicæ, vincæ pervincæ, agrimonie, veronicæ, hyperici, virgæ aureæ, consolidæ saracenice, equiseti, consolidæ majoris, sabinae.*

*Semen lini, fœnigræci, Hyperici.*

*Aloës, myrrha, balsamum, peruvianum, copayvæ, sulphuris, sarcocolla, ce-  
lophonia, resina pini, pix, mastix, gummi elemni.*

*Bolus, terra sigillata, cerussa, tutia, lapis calaminaris, plumbum ustum,  
lapis hematites, sanguis draconis.*

*Oleum myrrhæ, hyperici, trifolii odorati.*

*Unguentum desiccativum, aureum, basilicum. Balsamum hispanicum Aqua-  
pendentis, italicum.*

*Emplastrum opodeldoch F. Wurtz. diasulphuris Rulandi, de betoni-  
ca, &c.*

*Recipe Aquæ vitæ rectificatæ, libras sex.*

*Foliorum hyperici,*

*Chelidoniæ majoris,*

*Solidaginis saracenice, ana manipulos duos.*

*Thuris,*

*Myrrhæ, ana uncias tres.*

*Infundantur ac destillentur, & destillatum serva: vel*

*Recipe Olei Hyperici,*

*Trifolii odorati, ana libras quinque.*

*Resinæ pini,*

*Terebinthinæ,*

*Ceræ,*



Ceræ, *ana uncias duas.*

Hyperici,

Rorismarini,

Chelidoniæ majoris, *ana manipulum semis.*

Croci, *drachmam unam.*

Pinguedinis porci recentis, *uncias sex.*

Coquantur & colentur. Hoc oleo sanantur omnis generis vulnera simplicia. vel

*Recipe* spiritus vini rectificati, *uncias tres.*

Myrrhæ,

Caphoræ,

Mastichis,

Styracis liquidæ, *ana drachmas duas.*

Misce. vel

*Recipe* Ceræ citrinæ, *uncias quatuor.*

Olei hyperici,

Trifolii odorati, *ana uncias quinque.*

Vini canarini, *unciis tres.*

Omnia lente coquantur, donec omnis humiditas sit evaporata, colaturæ adde

Terebinthinæ venetæ, *uncias tres.*

Balsami Copayvæ,

Peruviani, *ana semunciam.*

Styracis liquidæ, *drachmas sex.*

Santali rubri, *unciam unam.*

Boli rubræ, *uncias duas.*

Misce fiat unguentum.

Valet in omni vulnere, cephalalgia, lateris dolore, morfu canis rabidi, peste, cancro, vorialis, morbillis, ventriculi morbis, arthritide, Erysipelate, phlegmone, catharris sic dictis, tussi, pulmonum morbis, phthiſi, lapſu, podagrâ, &c. internè ad drachmas duas. Etiam externè applicari potest.

Sequentia dicuntur *Cicatrizantia*, seu *Epulotica*: ut

*Radices aristolochiæ Rotundæ, symphyti majoris.*

*Folia nummulariæ, hyperici, veroniæ, betoniæ, saniculæ.*

*Cortices granatorum, glandium calices.*

*Flores balauſtiorum, Rosarum Rubrarum.*

*Cineres & uſta, lana cremata, linteum uſtum, goſſypium uſtum, ſpongia uſta, pili leporis uſti, teſtæ fornacum uſtæ, plumbum uſtum.*



Corallia, creta alba, Rubrica, bolus, terra sigillata, lapis hæmatites, tutia, pompholix, lapis calaminaris, minium, cerussa, lithargyrium, Gypsum, scoria ferri, alumen ustum & lotum, calx lota, plumbi pulvis crudus, æs ustum, sulphur, antimonium diaphoreticum, cornu cervi ustum, os sapiæ, ebur ustum, amalgama mercurii, ostrea testa.

Sanguis draconis, acacia, aloë, Myrrha, sarcolla, mastix.

Unguentum album rhasis seu camphoratum, nutritum, de lithargyrio, de cerussa, oculare, desiccativum rubrum, diapompholigos.

Emplastrum opodeldoch F. Wurts, de minio, barbarum gryseum. &c.

Hæc omnia acidum temperant, quo vulnera læduntur: sequuntur quædam formulæ:

*Recipe* Boli armenæ, uncias duas.

Thuris,

Mastichis,

Amalgamatis mercurii,

Tutiæ, ana unciam semis.

Aloes, drachmas duas.

Camphoræ, drachmam unam.

Olei hyperici, uncias quatuor.

Ceræ, quantum sufficit.

Misce fiat Emplastrum. vel.

*Recipe* Boli armenæ,

Lithargyrii auri,

Plumbiusti, ana drachmas duas.

Minii, drachmam unam.

Terebinthinæ, unciam semis.

Ceræ, quantum sufficit.

Misce fiat Emplastrum. vel

*Recipe* Terebinthinæ, unciam semis.

Olei trifolii odorati,

Sevi castrati, ana uncias duas.

Lithargyrii,

Plumbi crudi, (quod guttula una aut altera aquæ, in pulverem redigitur.

Minii,

Cerussæ,

Boli ana drachmas tres.

Ceræ, uncias quatuor.

Misce fiat unguentum.

Sauciati interdum etiam internis utuntur: fiunt enim decocta ex glycyrrhizâ majore, saniculâ, hyperico, pyrolâ, sanbiâ, centanrio minore, carduo bene-



*benedictio*, &c. porro pulveres ex oculis cancri, sabinâ, spermate ceti, *hircisanguine*, &c. potus quoque convenit Theæ vel coffeæ. quam citissimè vulnere fieri debet deligatio, aër enim ea rodit, iisque nocet.

## III. CAPUT.

## DE SCLOPETORUM VULNERIBUS.

SCLOPETORUM VULNERA ab ulceribus & ordinariis vulneribus sclopeto differunt, quod partes, sclopeto ictas non tantum lædant, ast etiam circum vulnecumjacentes. Est enim carnis, ossis, vasorum &c. comminutio. Globuli introitus angustus est & rotundus, sed exitus amplus, sunt cavi, prodi, & fistulosi: primo ut plurimum sine sanguinis effusione; globulus enim fervidus, partes quas transit, urit: ast sunt, qui dicunt globulos non fieri tam calidos.

Globuli in corpore, si remanserint, instrumentis sunt extrahendi, & si ex quibusdam corporis partibus extrahi commodè nequeant, tunc vulnera incisione sunt dilatanda, si cum levamine fieri possit, & si nullam pariat molestiam incisione non est opus, & maneat globulus in suâ sede.

Vulnus ex contusione constans, ad suppurationem est perducendum:

*Recipe* Olei Rosati, *uncias octo.*

Ovorum,

Vitri subtilissimè triti, *ana uncias duas.*

Ceræ albæ, *unciam unam & semis.*

Corticis interioris sambuci, *manipulum unum.*

Bulliant omnia leniter secundum artem, & colatura erit ad ambusta egregium remedium. Quamvis hic nulla sit ambustio, quia globuli sclopeto emissi non comburunt, tempus enim non habent ut calidi fiant, multominus comburentes, & si possent comburere, ab intenso calore liquefierent.

*Recipe* Olei hyperici, *libram unam.*

Terebinthinæ, *selibram.*

Gummi elemni, *uncias duas.*

Viridis æris,

Mastichis,

Succini, *ana drachmas duas.*

Misce fiat Unguentum. vel

*Recipe* Aristolochiæ rotundæ,

Galbani, *ana uncias duas.*

Re-



Resinæ Pini,  
 Picis, *ana uncias tres.*  
 Olei lini, *uncias duas.*  
 Camphoræ, *drachmas duas*  
 Terebinthinæ, *unciam semis.*  
 Misce.

Si adsint dolores, convulsiones, sphaceli, &c. tunc incedendum, ut alibi dictum.

#### IV. C A P U T.

### DE PUNCTURA SEU VULNERE NERVORUM ET TENDINUM.

Punctura  
 nervorum  
 & tendi-  
 num.

**I**NTER VULNERA seu PUNCTURAS NERVORUM, etiam tendinum numerantur, ut & membranarum & ligamentorum, quæ oboriuntur ex sectione, punctione, contusione &c.

In fauciandi modo differunt. 1. Sunt enim planè abscissi: 2. Vel secundum longitudinem. 3. Aut compuncti, & tunc dicitur *nervorum punctura*.

Signa ex inspectione Anatomicâ sunt satis nota; ut quoque ex symptomatibus, nempe doloris, pulsationis, inflammationis, convulsione, spasmis, &c. aut tendine aut nervo per longitudinem aut planè abscisso, rarius illa eveniunt.

Symptomata gravia sunt expectanda, imo febres, & non raro phrenitis, & mors. Nervi punctura periculosior longè quam tendinis aut ligamenti. Putredo non raro accedit. Sectio transversa periculosior quam secundum fibrarum ductum.

Res alienæ si vulnere, quod aliquando fit, insint, educendæ. Nam quidquid ex fibris nervosis manat, acescit & irritat, unde symptomatum cohors. Atque tunc vulnus est dilatandum, apertèque servandum, ut illi succi, alias intus remanentes, nervosque pungentes, liberius excant. Si dolor sit intolerabilis, anodyna & cataplasmata applicantur ex *Micâ Panis Albi*, *Croco*, *ovis*, *lacte*, &c. Si putredo accedat, cauteria sunt admovenda, aliaque de quibus in capite de Gangræna & Sphacelo locuti sumus. Sic cætera quoque symptomata sunt tractanda, unaquæque pro suâ indole. Remedia debent esse balsamica: ut

*Oleum Cerae, Terebinthinæ, Sabine, Lauri, Anethi, Castorei, Hyperici, Mastichinum, trifolii odoratii, rutæ, rosæmarini, lavendulæ, camphoræ ex radicibus cinamomi.*

*Balsamum Peruvianum, Copaiba, Sulphuris.*



*Resinapini, Euphoribum, gummi elemui, mastich, caranna, tacamahaca, vinum adustum, lacryma abietis, aqua calcis, unguentum fuscum F. Wurtx, terebinthina &c.*

Omnia illa acorem prohibent, temperant, eodem modo ac si spiritus terebinthinæ admisceas oleo vitrioli : hoc enim modo ambo dulcescunt : ex ejusmodi variæ parantur formulæ:

*Recipe Olei terebinthinæ,  
Hyperici, ana unciam unam.  
Mastichis, drachmas duas.  
Misce. vel*

*Accipe Cerae,  
Picis Liquidæ,  
Resinæ, ana uncias tres.  
Euphorbii, unciam unam.  
Terebinthinæ,  
Olei hyperici, ana unciam semis.  
Misce.*

*Pix liquida* in hoc medicamentum est penetrantissimum, hoc norunt illi, qui ex India orientali veniunt, nam si quando navis picabitur, tunc omnes arculas Theæ foliis confarcinatas, cistis recondunt, ne odor picis per capsulam plumbeam intret, saporemque adulteret : idque non ex uno ore sed ex diversis diverso tempore audiui. *vel*

*Recipe Olei ex seminibus hyperici, uncias sex,  
Florum hyperici, quantum sufficit.  
Fiat infusio, deinde cola. vel*

*Recipe Olei terebinthinæ,  
Cerae,  
Spiritus vini, ana unciam unam.  
Euphorbii, drachmas duas.  
Misce.*

Hæc & similia calidè vulnere instillantur, & constringens pulvis inspergitur : ut

*Recipe Boli armenæ,  
Nucum cupressi,  
Sanguinis draconis,  
Seminis hyperici, ana partes æquales.  
Misce fiat Pulvis.*



Idem pulvis in continuo succi stillicidio magnoperè convenit: insuper applicari possunt cataplasmata vel emplastra. Vulnura ab aëris injuriis sunt arcenda. Si stillicidium remanet, cauterio opus est actuali.

## V. C A P U T.

## DE PUNCTURA APUM, ET BOMBYLIORUM.

**A**B APUM & BOMBYLIORUM PUNCTURIS oriuntur graves dolores, rubedo, intumescencia, & interdum gangræna, aliaque symptomata, imo & ipsa mors. Eorum aculei uncus habent recurvos, qui extrahi nequeunt nisi fibrillæ quædam rumpantur; hinc succi exstillatio, qui accescit, atque rodendo hæc symptomata parit. Si causa ab uncis recurvis non dependet, procul dubio ex aculeo venenum (quod amarum & acre guttui est) immittitur, nam symptomata quædam statim post ictum apparent.

Pro medelâ applicatur *Theriaca*, cui spiritus vini admiscetur. Præparantur quoque cataplasmata ex cepis: vel litus fit ex oleo scorpionum, cui tamen non fido. Aut vesicatoria applicantur, quæ juvant intra horæ quadrantem, & vesiculas non excitant, ob breve temporis spatium, atque sic, ut dicitur, venenum extrahitur. Quidam emplastrum apponunt ex semine lini, sale & aceto. Aut ex rutâ, lacte, ficis, muriâ, pisce salito, halece salitâ, contusis lauri foliis, althæâ, malvâ, farinâ hordei cum aceto. Lac ficulneum, cum eruca, stercore bubulino, melissa, Tymbrâ, Thymo &c. Si brevi symptomata non cessent, locus *Moxa* inuratur: aut aqua vel oleum fervidum instilletur.

## VI. C A P U T.

## DE VULNERIBUS VENENATIS.

Vulnera  
venenata.

**V**ULNERA VENENO infecta, fiunt morfu quorundam animalium, aut à globulis ex sclopeto missis, aut telis.

Primo adveniunt sæpe gangræna aut sphacelus; color lividus & niger, convulsiones, intolerabiles dolores, calor ingens, tremor, delirium, lipothymia, &c. Venena potissimum consistunt in vehementi acrimoniâ, quæ statim per vulnera diffunditur, omnesque succos coagulat, quæ in circumferentiâ sunt, unde statim gangræna & sphacelus.

Scorpionum ictus sanantur illitu olei scorpionum; alii cyperum imponunt, alii cardamomum in vino coquunt, vel pro potu dant lauri baccas cum vino, aut



aut myrti succum. Vel superstillant lac fici ipsum; scorpiones contusi & impositi, præferendi sunt.

De morfu canis rabidi, *in Praxi* locuti sumus.

Contra Aspidis ac viperarum morsus tam internè quam externè Theriaca datur: nam sudatio hic præstat. Scarificationes cum cucurbitulis loco affecto adhiberi possunt, ut omne venenum extrahatur, deinde cataplasma imponendum ex theriacâ, cepis, stercore hominis, carne viperarum vel aspidum, vini spiritu &c. locus morfu affectus, moxâ aut candenti ferro urendus.

## VII. CAPUT.

## DE VULNERIBUS CUM OSSIS LÆSIONE.

**S**I alicubi ossium fracturæ sint, illud specillo vel alio modo detegitur.

Si ossis fractura sit transversim facta, tunc partes vulneratæ ita conjungendæ, ac si erant in integro statu, idque tam accuratè quam fieri potest; (quod tamen in capitis vulneribus locum non habet) & tunc deligatio conveniens est instituenda.

Quando fractura integra non est, secundum longitudinem vel alias, tunc ossis fragmenta adsunt vel non.

Si nulla adsint, vulnus est curandum, & ambæ ossis partes conjunctæ, quantum fieri potest, servantur, cavendo ab aëre, ut caries ac foliatio seu desquamatio inhibeat.

Si adsint ossis frustula aut officula parva, à periosteo libera, illa sunt eximenda, antequam vulnus clauditur, nisi adhuc cohæreant, aut hæmorrhagia nimis fuerit larga: nam postea, dum vulnus suppuratur, per se quidem exeunt.

Si quando fragmenta ossi adhuc cohæreant, aut ipsius periosteo, non sunt eximenda, nam iterum ossi conjungi possunt.

Quoad curationem in genere, est ut antea dictum: sed ante omnia cavendum ne os pinguibus tangatur: quare ei pulveres superinspergantur ex *Myrrhâ*, *Aristolochiâ Rotundâ*, *Iride Florentinâ*, *Draconis Sanguine*, *Aloë*, *Mastiche*, *Thure*, *Farinâ Orobi*, &c. Ast quidam id haud necessarium putant, ut sicci pulveres nudo inspergantur ossi, sed tantum in ossis carie locum habere; ideoque ei pulveri admiscant terebinthinam aut ovi albumen.



## DE CAPITIS VULNERIBUS.

Capitis  
vulnera.

**O**Mnia ferè **CAPITIS VULNERA** sunt dubia. Parva quidem periculosa quam magna: imo & externa interdum tam dubia quam interna. Ut aliquid certi noscamus, videndum num cranium, cerebrum aut ipsæ meninges læsa sint. Vulnus penetrans, ex quo versùs exteriora pus fluit, minus periculi habet, quam angustum. Si læsum sit cerebrum, idque ex adjacentium partium communione, & à parvis vulneribus, periculofum. Spasmi & convulsiones, lethiferi. Sensuum internorum abolitio pessimum. Post capitis vulnera hepatis, mesenterii &c. ulcera sequuntur. Vomitus superveniens, malum portendit. Brevi omnia capitis vulnera periculosa.

Antequam ad curationem descenditur, primo sciendum quo se modo vulnera habent: itaque videndum num pericranium sit læsum sive sectione, punctione, contusione; num sit prope suturam, aut longè ab ea, aut in musculo temporali, aut in membranâ eum investiente, &c.

Pericranium *sectione* læsum, absque contusione & longè à futuris, facile sanatur: maneat os contactum, & fiat curatio ut ante.

Per *punctionem* aut *contusionem*, vel *utramque* majus habet periculum, & plura symptomata concomitantur: totum enim caput intumescit & tumor fit, itaque vulnus sectione dilatatur, ut humoribus extillantibus & irritantibus exitus concedatur: hoc enim modo plurima symptomata præventur.

Si Pericranium supra ipsas suturas sit sauciatus, quovis modo id factum, periculofum, quia crassa meninx fibras suas per eas emittit. Omnis putredo est arcenda, ulcus est detergendum, carne sit os tegendum, & si nulla cranii fractura appareat, *Curatio*, ut in aliis vulneribus est instituenda.

Cranii si adsit fractura, non est absque magno periculo; tunc sciendum qualis sit fracturæ species, variæ enim sunt. 1. Si os profundè sit fractum, & exterius oculis non sistatur, quod sæpe ex contusione palam fit; aut quando aliquid sanguinis ex ossis fractura erumpit, quo os corrumpitur, tunc trepano opus est. 2. Si fractura non sit profunda, detergentibus utimur, ut impurum à spongioso osse extrahatur; deinde superinducitur caro, & os à pinguibus arcetur. 3. Est cum fracturâ, fissurâ, interdum cum nonnihil ossis deperditione, atque tunc ad meningem usque penetrat; aut si solummodo in superiore diploës lamina est, non tantum periculi habet, præsertim si fissura recta non est, sed obliqua. 4. Adhuc fractura est cum variis frustulis, quæ tam altè depressa est, ut meninges comprimantur. 5. Alia adhuc invenitur cranii depressio, qua meninges & cerebrum læduntur. 6. Deinde depressio est in forniciis modum, absque ullâ fragmentorum abruptione, cum elevatione in marginis circumferentiâ, & in medio



medio cum concavitate, qua meninges deprimuntur: quæ si attractione restitui non possit, trepanum est adhibendum; in junioribus emplastra valde glutinantia, quibus depressum ad se trahitur, aut cucurbitulæ cæcæ. 7. Alia in infantibus reperitur depressio absque fracturâ eodem modo ac si plumbilamina mallei ictu concava redderetur; estque tantum depressio absque fissura, quæque duplex est, aut qua tota cranii crassities deprimatur usque ad meninges; aut qua suprema cranii lamina solummodo deprimatur. Si certum sit nullam adesse fissuram aut rimam, nullum periculum expectandum. 8. Ultimo venit *contrafissura*: Sed illa fieri non potest: Sed si quis cadat in partem capitis sinistram, accidit ut relabatur in alteram, & tunc in secundo lapsu fissura fieri potest, illæscâ lævâ parte: si quis hanc fissuram velit nominare *contrafissuram*, subscribam; aliam enim non agnosco.

Fragmenta, quæ non cohærent, si adsint, cautè atque prudenter sunt eximenda: & si introsum vergant, meningesque pangant, trepanizandum.

Applicanda debent esse temperata: ut est *Emplastrum de betonicâ, Gratia Dei, diapalma, defensivum vigonis, de cumino &c.* vel

*Recipe* Fuliginis camini, *uncias tres.*

Thuris, *unciam unam.*

Farinæ tritici, *uncias quatuor.*

Albuminis ovi, *quantum sufficit.*

Misce fiat emplastrum.

## EMPLASTRUM NURENBURGENSE.

*Recipe* Lithargyrii argentei, *libram semis.*

Aceti vini, *uncias viginti.*

Stent per tres dies, clarum decanta, adde

Minii, *libram semis.*

Aquæ sepermatis ranarum, *uncias duas.*

Iterum per totidem dies stent, interdum materiam agitando, subsideat, & clarum effunde, adde materiæ præcipitatæ

Olei olivarum, *unciam unam.*

Salis communis, *uncias tres.*

Caphoræ, *tantillum.*

Misce fiat Emplastrum.

Meninx si sit denudata, sindon applicatur cum melle rosaceo, aut digestivo bono cum terebinthinâ. Deinde vulnus linteo carpto impletur, idque modicè, ne siccatio fiat nimia.



Quando cerebrum diu denudatum fuit, materia quædam spumæsa apparet, quæ cerebri videtur esse pars, ea removenda & mundanda, & cerebrum fortibus ex vino est roborandum. Interdum cerebrum cum meningibus extra vulnus prominet, & aliquando pro fungositate agnoscitur. Tunc plumaceolis spiritu vini imprægnatis sensim deprimendum.

Porro Temporalium musculorum vulnera non semper Lethalia sunt, contrarium enim observant auctores; sed & ipse non semel musculum temporalem in canibus transversim persecui, & omnes evaserunt.

Capitis  
vulnus  
cui crani  
fractura  
ac depressio  
in  
puero  
septem  
annorum.

*Henricus Smeeks* vocatus apud filiolum septem annorum alicujus rustici (*Barent Barentse*) in Pago *Mastenbroek*. Is ab equi ungulâ inter oculos & frontem erat concussus. Puer intellectus ac sensus nullum indicium dabat, & tamquam alto somno correptus, continuò manum vulnere admovebat, dentibus vehementer stridebat; immaniter vomebat; & convulsiones magnæ aderant.

Immodica Hæmorrhagia exquisitam inquisitionem impediens; sed digitis tres fissuras inveniebat; prima à dextro latere ad lævum incedebat, longitudine quidem trium digitorum transversorum, & latitudine straminis; idque supra regionem ocularem, nempe per cavitatem illam osseam, quæ ibi est. Ex hac alia, recta sursum versus superiorem cranii partem procedebat: hanc insuper alia comitabatur usque ad musculum temporalem dextrum: harum longitudinem inquirere non poterat, sed latitudo erat ut prima.

Orbiculari fungo sanguinem primo sistebat, & circa margines linteam carptum applicabat, deinde *Defensivum Vigonis*, ne sanguis siccando, nimium glutinaret, super imposuit. Huic insuper alia tria vel quatuor emplastra ex diapalmâ & resinâ conflata; porro splenia inebriabat Gallico vino calido & vini spiritu, hæc omnia fasciâ, quæ cancer appellatur, deligabat.

Ruri cum esset, eo tempore in urbem ire non potuit, ideoque eâ nocte ibi pernoctabat: sed hora post somnum initum, excitatur, quia sanguis emanabat, non ex vulnere, sed ex naribus, primo guttatim, sed postea præter modum effluxit: quem fluxum sistebat albumine usto & granatorum corticibus: hunc pulverem albumine ovi irrorabat, & cum linteo carpto naribus quam altissimè intrudebat. Censante hoc fluxu, post semihoram ingentem copiam sanguinis vomebat: unde imminentis mortis, intra sextum aut septimum diem, Prognosin faciebat.

*Prima die* betonicam in vino gallico coquebat; quo decocto deligationem dissolvebat; sanguis quippe glutinis in modum firmiter erat conglutinatus: deinde fungum orbicularem forfice removebat, marginibus vulneris intactis. Vulnus eodem decocto eluebat. Cranio denudato & fissuris linteo carpto sicco prospiciebat, superimponendo vulgare digestivum. Circa vespeream prodibat sanguinolentum & flavum serum: & fungus à marginibus aliquantulum separabatur. Deinde deligatio, ut manè, ita vesperi instituebatur.

*Secunda*



*Secunda die* immensum usque oculi protuberabant, magnitudine pilæ, quam pueri pro duobus obolis, emunt color erat summè lividus, idque ob stagnantem sanguinem & succos. Applicabat lintea, sequenti fotu saturata: ut

*Recipe* Vini Gallici, *uncias decem.*

Seminis cumini, *unciam semissem.*

Coquantur & colentur.

*Die tertia*, aquosum pus apparebat; ex puero nonnihil vocis incipiebat audiri: & fungus planè separatus.

*Quinta*, delirus loquebatur: ob alvum retentam, suppositorium applicuit, ex melle, sapone Veneto, & sale Gemma.

*Sexta*, cum meliori judicio loqui incipiebat. Sirius fervens, æque ac stridor, putrefactionem minabantur. Penicillo ex linteis filamentis facto aperturas lavabat, idque decocto ex Scordio. Phellandrio, semine cumini, Myrrha, vino, ejusque spiritu. Pus se bene habebat: cum de officulis dissolutis volebat inquirere, puer clamabat; quo pus ita premebatur, ut in ejus faciem profiliret; causam inquirens, carnem supra nasum elevabat, & videbat superiorem futuram supra nasum seique straminis latitudine hiare, & frontis os latitudine quoque seique straminis depresso erat.

Deinde supernè in naso squamulam osscam inveniebat: qua remota, sanguinem coagulatum inveniebat, unde ex naso sanguis & aquosus humor profluebat: atque hoc fluxu continuante, puer à capitis dolore & vertigine liberabatur.

Plura officula cum soluta non essent, nulla amplius eximebat: vulnus diu apertum servabat. Carnem immoderate accrescentem sequenti pulvere refrænabat: erat compositus ex Gentiana, Aristolochia, & corticibus granatorum: interdum nonnihil torreat, aliquando non. Postea alumen ustum cum præcipitato rubro aspergebat; nihilominus tamen meningibus consulebat.

*Die vigesima quarta*, pus iterum tenue profluebat, non sine foetore, quod ab offibus corruptis provenire judicabat. Jussit puellum Suollam deferri, quod navicula fiebat. Tunc tres incisiones à parte superiore faciebat, & sex officula eximebat inter quæ etiam depresso officulum erat.

Tandem puer in integram sanitatem restitutus est. A principio ad finem usque cancro usus & spleniis, in decocto vini gallici, betonicæ, & myrrhæ imprægnatus usus fuit.

Vir nobilis Gerardus van Haften, Exconsul & scabinus regens Gorcomii, Ligni  
1676. 20 Januarii, cum aliis sociis extra urbem supra glaciem exspatiatur; Vir frustum  
infelix cecidit supra glaciem (non admodum lævâ, nam superconge lavarat minimi  
iterum, inque aliquod lignum casu incidebat, ita ut frustum ligneum, crassitiem digiti lon-  
& longitudinem fere minimi digiti adæquans, in oculum reciperet: hinc dolores in oculum  
querelæ &c. ast nemo non ignorabat ligneum frustum ab oculo receptum, ast illatum.  
quidem esse illum vulneratum, quod ex effusione sanguinis patebat. Frus-  
tum.



tum illud per palpebram inter canthi interioris glandulam, & oculi bulbum erat adactum.

Domum redeunte & convocato Medico & chirurgo : erat palpebra duobus in locis pertusa, & oculus admodum inflammatus & tumefactus ; ita ut per aliquot dies nihil videre potuerit, aderat quoque febricula.

Accuratâ circumspeditione adhibita, res eo usque perducta, ut, 9 Februarii, ligni frustulum fabæ Turcicæ dimidiæ magnitudine eximeretur.

Tertio Martii, Chirurgus *Joannes van Lingen*, iterum ligni frustulum extraxit : hisce exemptis, oculus se plane ad curationem accommodabat, effluente quotidie pure.

Tertio & quarto Aprilis oculus & circa oculum patiens magnum sentiebat dolorem : ita ut Doctorem Medicum ac Chirurgum accersiri juberet ; tunc intra oculi cavum & dictam glandulam nonnihil ligni prominebat, quod Chirurgus forfice extrahebat : atque illud erat permagnum, quod tempore fere undecim hebdomadarum ibi moram traxerat. Duobus aut tribus diebus post, adhuc quædam fragmenta eximebantur. Paulo post illud temporis sanari videbatur : Sostro utrique dato ; nihilominus tamen interdum quædam ligni fragmina prodire. Post menses octo & novem dies, 29 Septembris primo in integrum restitutus fuit : erat enim sine dolore, inflammatione, tumescentiâ & febris. Remanebat tantum ingens raucedo, circa nasi radicem magni frigoris sensus, & olfactus abolitio.

Sed quod mirum & notatu dignum, tempore matutino inter quartam & quintam horam, postquam nonnihil adhuc dormitaverat, magnum dolorem derepentè circa & in palato sentiebat, quam ingens faucium angustia comitabatur, ita ut se suffocari opinaretur. Tempestate illâ præteritâ, denique per tenue nasi & palati os vi quasi adactum ligni majoris frustum, crassitie & longitudine digiti minimi profiliebat, idque post annos duos octo menses & tres dies. Post hæc nihil fere molesti amplius sensit.

*Per duos annos frustum fistulæ tabacariæ in naribus retentum.* Bibliopola quidam Amstelodamensis, nomine *Daniel van den Dale*, cum aliis amicis in Pago den Overtoom, prope Amstelodamum recreationis animi ergo, prandebat, post hæc, è mensâ surrectus, fistulam tabaci sugebat : interim dum alii currendo, &c. inter se ludebant, contigit, ut sit, quendam in suctorem illidi, atque sic ex improvise frustum istius fistulæ in nares protrusum fuit : hinc Hæmorrhagia, quâ sublatâ, iterum domum redibat, & de cæteris nihil præterea querebatur.

Post duos annos digito nares nonnihil confodiebat, & tubuli tabacarii frustulum dimidium minimi digiti adæquans ex naribus sua spontè decidit : quod mirum, nescius quippe erat istius fistulæ fragmentum in naribus latuisse : deinde toto illo tempore nihil incommodi sentiebat. Hanc Historiam non tantum ex aliorum relatione habui : sed & ipse mihi retulit.

*Trepanatio post inflictum capiti vulnus.* *Anna vander Wal* à vicina, qua cum quæstio de purgandâ plateâ erat, vulnus cochleari ferreo in caput accepit, cui simul fractura cranii cum depressione aderat : trepanum quidem institutum, tamen vigesimo die obiit. Sutura coronali & sagittali uncie latitudine distantem invenimus fracturam.

Tre



Trepanum supra fracturam fuit institutum. Meninx inveniebatur rubicundi coloris & nonnihil inflammata, latitudine, ut conjectura erat, imperialis argentei, cum superficiaria incrustatione, & coagulato sanguine; fragmentum triangulare quoque meningi inhærebat, hoc sublato, supra tenuem meningem, nihil vel parum humidi inventum. Incisione ulterius facta, nonnihil de cerebro ablatum, nihil mali deinceps repertum.

Quæstio nunc est, num vulnus hoc à principio per se & necessario fuerit lethale & incurabile, num vero per accidens? an vero patiens sese neglexerit, an vero Chirurgi culpâ, cum trepanum septimo die primo sit institutum. Deinde vulnus à Chirurgi famulo, ut Vulgaria vulnera sit obligatum: accedit patiens Doctorum & Chirurgorum consilia abnuisse, deinde sese in viam per aliquot horas dedisse: interim continua febris affligebatur.

Respondendum, mortem per accidens insecutam esse; cum fragmentum primâ instantiâ eximi debuisset: deinde se neglexit, respuens omnia medicamenta & consilia fausta, sese in viam per totam urbem exponens. Symptomata enim ordinaria non aderant, neque vomitus, convulsiones, deliria, sopores &c. constabat memoria.

## IX. CAPUT.

## DE OCULORUM VULNERIBUS, &amp; RESTITUTIONE HUMORIS AQUEI.

**O**CULI VULNERA sæpe sunt periculosa, præsertim, quia hoc modo non raro *cæcitas* inducitur. Pinguia in hoc casu sunt fugienda; imo uno oculo læso, & alter debet obligari; capitis positio sit erecta, & *curatio* eadem est, ac post remotam cataractam descripsimus.

Cum aqueus humor emanaverit, applicatur aqua chelidonie majoris per se ex foliis per balneum maris extracta, cui nonnihil camphoræ admiscetur: aut si cum toto destilletur, eo melius, (valetque in visu debilitato restituendo, quia penetrantium est partium. Alii decocto in hoc casu utuntur ex ossibus bovis, aquâ ex albumine ovi, viperarum pinguedine &c.) vel

*Recipe* Myrrhæ,  
Boli armenæ, ana drachmam semis.  
Lactis muliebris, uncias quatuor.  
Misce.

Deligatio etiam fieri potest cum albumine ovi, caphurâ & alumine.

Si humor nimius effluxerit, tardè aut raro restituitur, quia fibræ fuerunt abruptæ. Si cæteri humores emanaverint, *cæcitas* manet perpetua.

Rusticum extra Roterodamum urbem ante aliquot annos vidi, qui ab alio Historia.



sclopi clava in caput ictus, ita, ut oculi juxta nasum extra cavum penderent; is pro mortuo domum latus, accersito quam primum ex urbe Chirurgo, oculorum cavis iterum restituit, & post aliquot dies æque ac antea vidit & pancratice vixit. Ejusmodi exemplum vide quoque apud *Henr. ab Heers obs. IV.*

## X. C A P U T.

## DE VULNERIBUS CERVICIS, JUGULI, OESOPHAGI &amp; ASPERÆ ARTERIÆ.

**C***ervicis* vulnera eodem ferè modo sanantur ut capitis, sed si altè non penetrent, vulgari tantum curantur modo.

Abscissâ *arteriâ carotide*, periculofum, quia sanguinis ascendentis effluxus raro sistitur: ibi enim locus non est proligatura applicanda: idèoque inferior abscissæ arteriæ pars, filo cerato est vincienda & firmiter constringenda; ex superiori enim parte nihil sanguinis stillabit & vulnus balsamo idoneo est deligandum, & quam citissimè sanandum. Sed quæritur, num satis sanguinis, pro cerebro irrigando, ex corde per alteram arteriam carotidem ferri potest? sed exempla docuerunt illæsam arteriam tum alterum tantum dilatari, sed satis larga copia etiam per vertebrales arterias ascendit, & quia omnes illæ arteriæ per anastomoses respondent, nullum est periculum expectandum. Consule Willisium, qui simile exemplum profert.

Ast *vena Jugularis* si fuerit abscissa, tunc superior ejus abscissa pars, & filo vincienda, quia è cerebro sanguis deorsum ruit.

Sed si ad dimidiam partem alterutra erat abscissa, ligatio non adhibetur, ast sanguis compressione præsertim per ministri manum, & astringentibus est sistendus, imo vulnus futura claudi aliquando poterat. Et si hoc modo sisti nequeat, tum ligandum, nam ex duobus malis, quod tutissimum, est eligendum.

*Asperâ arteriâ* aut *Oesophago* planè abscissis spes restitutionis rara est, ast si tantum ex parte vulnerati fuerint, per futuram vulnus claudendum, & balsamo vulnerario vulnus sanandum.

## OBSERVATIO DISSECTIONIS ASPERÆ ARTERIÆ.

Quidam nomine *Joan. de Moulyn*, 24 circiter annorum, vulnus accepit, incipiens supra sinistram, & finiens è directo supra dextram externam venam jugularem, ita ut aspera planè fuerit dissecta (nempe supra ejus caput) etiam oesophagus vulnere fuit læsus, ast vulnus parvum; æger erat ἀφωνος & sine voce. Hæmorrhagia ingens subsecuta. Chirurgus quatuor aut quinque acupuncturis & filo vulnus contraxit, deinde Emplastrum glutinans ac in super splenium vino saturatum imposuit. Fasciâ quoque caput deli-



deligavit firmiter ad humeros, ita ut caput nequiret vertere. Postea tribus vel quatuor horis elapsis, vox ægro restituta, qui fontem indicebat. Post hæc injecti clysteres, ut deponeret alvum. Sorbilia ei in cibum erant. Quotidie digestivo cum myrrha, aloë, & balsamo peruviano vulnus deligatum, & intra triginta dies sine symptomatibus, præter spem omnium, restitutus fuit.

Sed pace Chirurgi, qui mihi hunc casum communicavit, non essem in ea opinione totam asperam arteriam fuisse dissectam, sed tantum partem, alias neque locutus fuisset, neque unquam restitutus: & an œsophagus fuerit vulneratus, dubitarem, quia ob angustum vulnus conspici non poterat, neque sorbilia statim assumpisset sed Chirurgis id commune est, sesquipedalia verba divendere.

## XI. CAPUT.

## DE VASORUM LYMPHATICORUM VULNERIBUS.

Concomitantur, ut plurimum, imò semper vasa lymphatica sanguinea, quod autopsia apparet, præsertim circa majora vasa: quæ lymphatica, si ob sectionem venæ aut alias cæsim aut punctum fuerunt vulnerata, ingens sæpe effluit lympa.

Si hoc contingat brachio aut cruri, sciendum lympham ab extremitatibus versus superiora ferri, tunc vinculum infra vulnus est injiciendum, ne tantâ copiâ, aut saltem tardius versus vulneris aperturam fluat; tunc effluxus statim imminuetur.

Sed hoc tantum non sufficit, ast pulvis astringens vulneri est aspergendus, ex corticibus granatorum, bolo armenâ, sanguine draconis, linteo usto, alumine, vitriolo &c. mox linteam ter quaterve duplicatum in liquore quodam styptico tinctum cum fasciâ imponitur. Et si hoc non sufficit, cauterium actuale, ut alibi dixi, requiritur. Fieri potest, ut post venam sectam, vulnusculum Lympham emittat nonnunquam, quia inter secandum sæpe vas lymphaticum fauciatur.

In inguine si bubo aperiatur, non potest non vas lymphaticum unum aut alterum persecari, unde multum lymphæ exstillat. Tunc splenia ex linteis complicatis sunt applicanda, & fibula firmiter comprimenda; hoc modo vasa lymphatica ab inferioribus partibus lympham vehentia, comprimuntur.



## XII. C A P U T.

## DE THORACIS VULNERIBUS.

**P**ECTORIS VULNERA vel non penetrant, vel ad interiora penetrant; in penetrantibus viscera interna læsa sunt vel non.

Si ad interiora vulnus non pervadat, *Curatio* à communi vulnere non differt.

Ast si thoracis cavitatem penetraverit, & sanguis intus effusus sit, is est eximendus, uti capite de Empyemate dictum. Sed si parum aut nihil influxerit, vulnus erit consolidandum, cavendo ne aër intret, quia conclusus aër esset læsæ respirationis causa. Ad symptomata, ut febris, doloris, &c. quoque attendendum.

Si vulnerati sint pulmones, internè præscribimus quædam vulneraria & bechica, sic dicta. Quorum medicamentorum enumeratio in *Institutionibus* habetur. Dantur etiam pulveres ex oculis cancri, *spermate ceti*, &c.

*Cordis vulnera* sunt ut plurimum lethalia, præsertim, si ejus cavitates penetraverint, tunc enim sanguis continuo in thoracis cavitatem exprimitur & si in superficie læsum sit, ejus motus impeditur, à quo tota dependet sanguinis circulatio.

## XIII. C A P U T.

## DE VULNERIBUS ABDOMINIS.

Abdomi- **S**I abdominis vulnera externa sint atque non penetrent, ita curanda ut in  
nis Vulne- vulgari modo consuetum est.

EA.

Si *Omentum* foras propendeat, statim est introducendum: ast si ab aëre sphacelatum, & corruptum, abscindendum, filum sericum inter sanum & corruptum circumducendum, ita ut magna pars propendeat, ut si omnia ritè non succedant, possit foras extrahi. Si necdum corruptum, sed parum tantum refrigeratum, tum in mulso calido, vino hispanico, vel lacte calefaciendum, & deinde reducendum.

*Intestina*; si extra vulnus propendeant, difficiliter reducuntur, quam omentum; si refrigerata, dulci lacte fovenda, atque reducenda. Si vulnus sit angustum, aëre implentur intestina, ideoque necessario vulnus est dilatandum. Nonnulli intestina acu compungunt, ut flatus exeant. Si sint vulnerata, consuenda ut alibi dictum, quamvis rarius tenuia quam crassa sanantur, quia effunditur chylus, neque tam carnosæ sunt, hisce advenit febris, dolor, vomitus &c. Atque ex crassis excrementa in abdomen elabuntur, si citissimè non consuuntur.

Vulnera illa balsamo copayvæ sunt illinenda, ut ante sæpius dictum.

Vul-



Vulnera ventriculi, hepatis, lienis, renum, vesicæ & uteri, per se & tempore restitui debent, quia manu aut instrumentis tractari nequeunt, neque emplastra applicari; & externa applicata magni non sunt momenti: ideoque interna potius præstant, quæ componuntur ex balsamo copayvæ, peruviano, terebinthinâ, oculis cancri, &c.

Vesicæ collum per lithotomiam dissectum, primo digestivo, deinde balsamis vulnerariis deligatur. Interim curandum vinculo constringantur, ne motis cruribus, vulnus inflictum dilatetur. Porro ne urina ob acrimoniam vulneris labia lædat, bibatur lac dulce, amygdalinum, potus Theæ aut Coffeæ.

1675. Extra urbem Leovardiam apud fabrum lignarium vocatus cujus Glandis famulus de trabe quadam (quam ferrabat) in dorsum alicujus asseris ce-penis Hæciderat; unde penis glans ex contusione vulnerata fuit. Hinc ingens Hæc morrhagia, quam sistere, Chirurgus vicinus nequibat: languebat ferè æger: jussi, (asperso prius pulvere styptico) glans vesica porcina madida vel præputio tegetetur, atque constringeretur digitis, nequid sanguinis emanaret: & sic post aliquot horas sanguinis effluxus cessabat. Vide similem observationem apud *Cl. Fr. Ruischium in observationibus Anatomico Chirurgicis.*

## XIV. CAPUT.

## DE TENDINUM SUTURA.

**T**Endo pro parte est abscissus vel ex toto. Si ex toto non sequuntur tendio, intumescencia, &c. tendo trahitur versus suum ventrem, atque incrassescit. Ast si totus non abscissus, tunc periculo non vacant symptomata supervenientia, nam quid fibrarum reliquum, quia ab abscissis non simantur, continuo abrumpuntur, unde dolor intolerabilis, convulsiones, lipothymia, vomitus, diarrhoea, febris, lethargus, imo interdum gangræna, nisi tendinis reliquum abscindatur.

Non aliam *dolor* agnoscit causam, quam fibrillarum abruptionem, atque succorum emanationem: si planè essent abscissæ, earum abruptio cessaret. Porro quia spiritus tunc anomalè moventur, facile *convulsiones* pariuntur: sic cordis nervis etiam contractis, oriuntur *lipothymia*; ob eundem in nervis inordinatum motum, ventriculus afficitur, & *vomitus* producit: & quia intestina ei adhærent, iisdemque nervis gaudent, quidquid bilis, succi pancreatici, succi intestinalis, &c. est, quoque exprimitur, quorum irritatione &c. *diarrhoea* progignitur. Propter hunc inordinatum etiam sanguis turbatur, hinc *febris*. Cerebro à spiritibus orbato, febris accedit *lethargus*, nam cerebrum tunc, ultra ordinarium soporem, obstruitur.

Hinc ut omnia hæc symptomata evitentur, omnium optimè judicatur, ut tendo in totum abscindatur, nisi vulnus esset non magni momenti, &



symptomata pauca, tunc quippe abscissio temerè non est instituenda. Sed antequam dissectio fit, tendo prius est consuendus; scopusenim est ne ambo fines tendinis ab invicem recedant, alias ab invicem contraherentur.

Si tendines nimium versus carnem recesserint, ita ut mediante forcipula ad invicem reduci nequeant; tunc est emolliendum oleo amygdalarum dulcium recenti, aut oleo ceræ, tunc facilius coalitio fiet: reductione hoc modo factâ, tunc quam optimè fieri possit futura est facienda; quia itaque tendines ex fibrillis facile disrumpentibus, futura est facienda latitudine dimidii digiti à tendinum extremitatibus, ut futura partis motibus atque materiæ emanatione magis resistat. Tendo si satis non est nudus, annitendum est ut futura fiat carnis remotione, quia caro ab omni alteratione prava præservat.

Membro bene locato, minister, forcipulâ tendinis extremitatem præhendit, dum interim Chirurgus sinistrâ manu alteram extremitatem cepit, tunc acu rectâ duobus filis cerâ litis, cum nodo in extremitate, perforat ab exteriori parte versus interiorem, & ab interiore versus exteriorem, ut exactè appropinquent. Remotâ deinde acu, compressula lintea sumitur, duobus in locis perforata, ut ambæ fili extremitates pertransire possint, & ut simplex fiat nodus, cui alia compressula imponitur, quæ nodo Chirurgico ac nodo laxo firmatur. Sed compressulæ primo spiritu vini sunt imprægnandæ, aut quovis balsamo; & loco lintei carpti, supra nodum cera est imponenda.

Peractâ futurâ oleo & spiritu vini primo die irroratur: postea utimur balsamo ex terebinthinâ, aut tincturâ ex hyperico. Applicantur quoque caplasinata ex *scordio*, *absinthio*, *rutâ*, *phellandrio*, *melle*. Pure factis, signum est incipientis coalitionis.

## XV. C A P U T.

### DE INFANTIUM INTERTRIGINE.

**Intertrigo.** Recens natis infantibus tenera admodum est cuticula, & quoniam circa collum, axillas, inguina, &c. Sive ob lintheamenta nimis rudia, sive à sudore aut urina, cuticula sæpe abraditur vel roditur, & cutis à cuticulâ orbatur, tunc dolor cum rubedine infantibus accedit, & *Intertrigo* dicitur.

*Dolor* venit, quia papillæ cutis nervæ immediatè tanguntur, quæ alias epidermide erant tectæ.

Rubedo oritur, quia continuo in cuticulam motu, vascula sanguinea majori sanguinis copiâ implentur, imo & magis denudantur.

Pars læsa ab aëre est arcenda, quod variis remediis fieri debet. Quidam sumunt sebum hircinum, cum paucis oleo olivarum, cerâ albâ & cerussâ, his liquefactis, fit unguentum, quo inungitur locus læsus. Alii candela



delam sebaceam ante ignem nonnihil liquefaciunt, eaque linunt. Nonnulli fumunt oleum raparum, aut unguentum rosaceum. Ego tantum cerussam fumo, qua partem læsam aspergo, quod aliquoties, si necesse sit, repetere jubeo. Cretæ pulvis etiam valet, ut & lithargyrium &c. quibus acrimonia temperatur, quæ ex cutis canaliculis emanat: si enim illa non domaretur, corrosio profunda fieret.

Idem adultis, præsertim pinguibus & corpulentis, nimia ambulatione, aut equitatione fit, quibus eadem remedia præscribere soleo.

## VULNERATORUM QUÆDAM SEQUUNTUR OBSERVATIONES.

*Famulus cujusdam centurionis inter bellandum Sclopetari globulo læditur. Globulus sub sterno prope xyphoidem cartilaginem ingressus, carnosam diaphragmatis partem perforat, qui intra quintam & sextam sinistri lateris costam exitum habebat.*

**C**Urabatur à dextris Chirurgis Vulnus quidem externum, sed ventriculi debilitatem cum dolore retinebat, adeo ut à coena se temperare cogeretur. Mensibus octo elapsis, in immensum abdominis incidit dolorem, colicum mentientem; & quamvis à quibusdam remediis, nonnihil opis sentiebat, dedit tamen animam.

Vulnus  
Diaphrag-  
matis.

Abdomine aperto, maxima coli flatibus distenti pars, per Vulneris olim diaphragmati inflictæ foramen in Thoracis cavitatem penetraverat: mirum tamen, quia vulnus vix minimum digitum admittebat.

Æger noster de dolore ventriculi querebatur, quia continuis expirationibus, coli pars, per vulnus diaphragmati inflictum, sursum pressa erat; hinc exitus ex illo in colon, & per consequens ex ventriculo in duodenum denegabatur; unde flatuum distentio, quia aër libere *ἐν τῷ αὐτῷ* transire nequibat. Porro ex distensione & ciborum & flatuum non tantum dolor ortus, sed ipse ventriculus ex dolore cibos ferre non potuit, atqui exinde debilitas orta. Hoc etiam accedit, quod colon per exiguum foramen delatum, admodum angustabatur, & excrementa non nisi difficulter per arctum vulnus, perque intestinum inde coarctatum ascendebant; hinc, quia intestini istius latera continuo abra-  
debantur, dolor ortus est.

*Fabri cujusdam famulus cultro per Diaphragmatis nervosum centrum perforatur, qui & tertio die obiit.*

**I**N abdomine aperto, nullus ventriculus inveniebatur, sed per fora. Aliud. men septi transversæ inflicta, pollicis crassitiem adæquans, totus ventriculus sursum in thoracem delatus erat, adeo ut à parte abdominis conspici haud poterat.

Idem



Idem casus ferè est ac præcedens, ubi colon respirando per vulnus diaphragmatis in Thoracis cavitatem ascenderat: sic etiam in hoc fabro ventriculus expirando per illud foramen sursum ferebatur, adeo ut in abdomine neutiquam inveniri potuerit. Dico hoc factum fuisse per expirationem, quia inter expirandum abdominis muscoli intus tracti, intestina cum ventriculo diaphragmati affricant; hinc per foramen huic illatum, potuerunt facile vel intestina vel ventriculus sursum trudi, & ordinarium locum relinquere.

*Nobilis gallus per brachium sinistrum pugione perforatur; accommodato secundum artem vulnere, per alvum & urinam purulenta excernebat non pauca; at si vulnus ipsum multum puris evomebat, per anum & vesicam istius ejectio minuebatur. Tandem obiit.*

Postbrachii  
vulnus  
materiæ  
purulentæ  
per alvum  
& urinam  
excretio.

**P** Allida mors æquo pulsat pede pauperum tabernas, Regumque turres  
Post mortem viscera omnia sana,  
Læso brachio, plurimæ etiam fibræ non tantum carneæ sed & ductus, succum lacteum adducentes, læsi sunt; isti ductus lactei quicquid effundunt leviter coagulatur, quia moram trahi debet: istudque coagulum *Pus* vocatur. Si illud pus à ductibus succum nutritium revehentibus absorbeatur, una cum sanguine tandem ad glandulas intestiorum, nec non ad renes ducitur, qui & pus in intestina & vesicam ejiciunt, atqui sic per anum & vesicam fuit puris ejectio. Et illud pus, in vulnere jam restitans si non absorbeatur, vel saltem illud necdum effusum, & in vicinis partibus degens, circulando ad intestina & renes duci potest.

Plurimi Spectatores *hujus artis Chirurgicæ* in dubium quasi illam puris missionem trahere videntur: Historiam narrabo, alicujus bajuli, ubi ipse cum domino Doctore *Job. vander Poll* (olim in arte pharmaceutica præceptore meo) sæpius adfui. Cecidit igitur onus grave in pectus bajuli, eumque adeo læsit, ut pro mortuo domum à sociis portaretur. Incidit primo in Hæmoptysin, deinde in pyoptysin sive puris sputum non tantum sed cum minus spuebat, copiosum purulentum per lotium reddebat, quod alio modo fieri non potuit, nisi quod pus necdum effusum, nec spissè coagulatum per vasa reducentia absorbeatur, & per ductus urinæ excretorios excernatur.

Sed cur Gallus noster minus per urinam puris ejecit, cum vulnus multum dabat? id fieri potest, cum quis multum biberit, tum major puris quantitas potu hoc absorpto ex vulneris vicinis partibus solvitur & per urinam redditur: cum alias, pus refruere impotens (deficiente nempe liquore) in vulnus effundi cogitur.

*Miles generosus ab alio ad pugnandum irritatus, sub mammilla sinistra usque in substantiam cordis digladiatur; à pugnando tamen non cessabat, sed hostem fugientem ducentis passibus insequabatur, tandemque animam eodem in loco dabat.*



**T** Horace post obitum dissecto, vulnus digitum indicem admittebat, ac plurimum sanguinis effusi supra diaphragma viscebatur. Cordis  
vulnus  
lethale.

Cor dissectum habere, praesertim si vulnus in ventriculos penetret, lethale, quia sanguinis circumductioni fons est cor. Læso quippe corde, effunditur Sanguis in thoracis cavitationem, quem alias per arteriam magnam in universum corpus vehi oportuerit: & effuso sanguine, convulsoque corde, vita desistit. sed fugientem Hostem aliquot passibus insecutus est, quia paucio tempore omnis sanguis ex vulnere effundi non potuit.

**A** Nte aliquot annos, generosi Juvenes, post enata jurgia, (ob vindictæ scil. gloriam) singulari certamine decertabant, factumque est, ut alter alterum sub imam sterni sedem, trium digitorum latitudine à cartilagine ensiformi versus dextrum latus, gladio perfoderet. Nempe, cum ille, inclinato paulum antrorsum pectore, dextrum latus aliquantulum obverteret; mucro pectus ipsum haud altè penetrans mox deorsum in abdomen, & sinistrum versus ad spinam usque adactus est. Idem ictus duas sterni cartilagines, in dextro latere discidit; & deorsum vergens, diaphragmatis ambitum perforavit; indeque, rectà tendens, gibbum cavumque hepatis, & ventriculum juxta pylorum, iterum atque iterum perforavit; tandemque ensis mucro spinæ dorsæ, paulo subter diaphragma, illisus est. Juvenis quidem primum animo defectus, mox quæ in ventriculo erant, sed cruenti nihil, evomit; & quod mireris magis, licet diebus septem superviveret, & interea quotidie eo tempore, per os ejecit: per sedem vero noctu atque interdium ingentem coagulati sanguinis copiam, una cum alvi fecibus profudit. Quinetiam enemata, quæ eum in finem crebrò injecta erant, eodem semper plurimum tingebantur. Mirati itaque vehementer sumus, undenam sanguis iste profluxerit.

Dissecto autem post obitum corpore, nihil sanguinis in ventriculo ejus repertum est. Hujus igitur rei hanc causam fuisse nunc arbitror quod vulnera ventriculo inflicta, sanguinem omnem in abdomen deponerent, nullum autem in ventriculi cavitationem infunderent. Idque equidem credo libentius, quod aliter causa fontica afferri nequeat, cur nihil sanguinis in ventriculo repertum, aut per vomitionem ejectum sit; tum etiam, quod ventriculi venæ inter externas, non autem internas illius tunicas prorepant; unde saltem constat, fieri posse, ut vasa illa foras non autem in cavitationem ventriculi sanguinem suum effundant; denique, quod in cadavere, feri sanguinisque plurimæ libræ in abdomine repertæ fuerint, quorum pars aliqua è vulnere ventriculi (foras non intro stillantibus) promanare potuit.

Quid jam de intestinis dicendum, quæ sanguis gromosus implevit? credendum, quod sanguis in abdominis cavitationem effusus iterum per vulnus præpe pylorum inflictum se exoneraverit, adeo ut non opus esset in ventriculum descendere: anne etiam ex hepate per ductus bilarios versus intestinalem fistulam, sanguis descenderit, facile dicendum esset.

Cui perfecta fuerit Vesica, aut Cerebrum, aut Cor, aut Septum



transversum, aut tenue quoddam intestinum, aut Venterculus, aut Jecur. Icthalc est.

*Senex rhedarius equo sternaci insidens, in plateam silicibus stratam excutitur. Læditur vulnere frons. Mox vomitus, & cruenta nares insequiebantur. Vulnus vix cutim perforabat, Obligato vulnere, die sequenti, omnia pejus habuerunt. Febris cum lethargo alto inciepiebat. Vulnus chirurgicâ manu dilatatum, nihil mali indicabat, cum os nudatum integrum esset, paucis horis post, vitam cum morte mutavit, præeuntibus pluribus convulsionibus.*

Vulneris  
Frontis &  
capitis  
post obitum  
aperitio.

**P** Arcæ enim nec formæ, nec opibus, nec ætati, imo nec imperatoribus parantur.

Post obitum ferrâ cranio aperto, in opposita parte, nempe in occipite rima seu *Contra fissura* inventa est. Meninges & sanguine & sanie conspurcatæ erant.

Propter plagam in capite acceptam stupor aut Lethargus, aut desipientia, malum. Imo, quibus divisum est cerebrum, his febrem & biliosum vomitum supervenire necesse est. Ita quoque in sene nostro, postquam ex jactu plagam acceperit, statim vomitus subsequēbatur: quia concussio cerebro, spiritibusque deficientibus, convulsio, præsertim paris vagi, orta fuit, atque sic ventriculi cum cerebro societas, aut non ventriculi tantum, sed ob connexionem cum Duodeno, cui ductus biliaris inferitur, quoque & bilis elutriari debet, perque vomitum ejici.

Deficientibus igitur spiritibus, sanguis quodammodo stagnare cogitur, unde, ut antea sæpe dixi, febris. Et à concussio cerebro lethargus, partim, propter sanguinem extravasatum; partim ob disruptas cerebri fibras.

Sed *Contra fissura* unde? nisi quod illusione in frontem aer internus ita concussus & adactus sit, ut aer cerebrum pervadens, nullibique exitum habens, vi per oppositam partem eruperit: occipitisque fissuram concitaverit, Eodem ferè modo fit cum malum aut pila coriacea in pavementum illidatur. non semper læditur ea parte qua pavementum attigit, sed sæpe opposita. Nec dicendum cranium ita esse durum, ut vix ea accidere possint; sed considerandum est, aliud esse cranium arefactum, aliud vivum. Et quamvis hæc ita esse possint, crederem potius, ut alibi dixi, hominem si prolabatur in hoc latus, facile in oppositum posse revolvī, præsertim si quis de gradibus pluribus decidat.

Porro si rempestivè Trepanum fuisset adhibitum, sine dubio supervixisset, tunc enim per aperturam arte factam, sanguis, pus, &c. exitum invenisset.



*Juvenis Vulnus accepit in regione bregmatis sinistri, usque ad os ipsum, quod transversim rimam conspicuam habebat, prope quam de substantia cerebri portiuncula nucis avellanæ minoris quantitate eximebatur: In altera parte versus posteriora contusio aderat, osse bregmatis dextro versus interiora compresso: hinc vomitus, ingens Hæmorrhagia, & convulsiva & affectus soporosus; interdum in dextro latere motus convulsivi, in sinistro totalis paralyxis. Deligato vulnere, sensus aliquis per clamorem apparebat, tandem vitam cum morte commutavit.*

**D** Emortuo cranium apertum fuit, ubi vulnus dextræ partis tantum cutaneum, usque ad os cranii deprehendebatur: at contusio sinistræ partis admiratione omnino dignam erat, ut animæ facultates eo usque constiterint; tota enim regio bregmatis dextri contusa erat, ut remotâ cute sua sponte octo ossa separarentur, quorum unum acutius in ipsam substantiam cerebri, per utramque meningem impressum inveniebatur: ab hac contusione rima sub vulnere prædicto suam originem habebat, & ad auris usque os petrosum in latere sinistro progrediebatur.

Capitis  
Vulnus  
cum con-  
tusione  
Cranii  
lethale.

Ob consensum cerebri, mediantibus nervis, cum ventriculo, convulsio, sive vomitus ortum traxit. A concussio cerebro, vasisque disruptis, Hæmorrhagia. Ob cerebrum læsum, succi cerebrales per nervos fluere non potuerunt, hinc obmutescencia, sopor, paralyxis, convulsiones cæteraque Symptomata. Omnem tamen seusum non amisit, quia nonnulli succi in cerebro segregabantur: Verum postea, viribus decrepantibus, cerebroque paralyti tacto, obiit.

*Amstelodamensium nymphea nuptias celebrando, saltu incaluit; cum per gradus aliquot descendere debuit, a reliquâ pompâ protrusa, cecidit capite in postem, adeo ut leve vulnusculum in vertice acceperit: & quia prima & secundâ die nihil momenti videbatur, planè neglectum fuit. tertio die dolere incipiebat. Abrasis crinibus, vix cutis læsa. Quarto, caput grave, cum febricula. Quinto & sexto à casu die omnia exacerbata: delirabat, oculos cum facie inflammatos habebat; vitam finivit.*

**P** Ost obitum fractura nulla, sub cranio plurimum sanguinis effusi cum meningum inflammatione.

Post ca-  
sum cranii  
elevatio.

Sanguis intra calvariam effusus, nisi trepano eximatur, lethale. primo Symptomata quidem sopita; postea vero putrescente sanguine, membranae corumpuntur, unde convulsiones leves, deliria, febris. ex casu quædam vascula sanguinem effuderunt. Facies & oculi rubicundi, idque ex Meningum inflammatione, & febre comitante: ex viciniâ & omnium partium communi cohæsione id facile fieri potuit. Exinde satis liquet vulnera capitis parva, neglectu non esse habenda.



*Quidam ictus à baculo, in occipite, foris vix læsus, incidit illico in febrim, ac graves convulsiones. Trepano cranium perforatum; multum sanguinis extractum est, sexto tamen die obiit.*

Anatome  
i&i à ba-  
culo.

**A** Pertæ calvaria foris illæsa, intus vero varias fissuras habuit. Porro in plagæ vicinâ meninx livida & flaccida, variisque in locis nigro sanguine spurcata. Cerebellum autem ex sphacelo livescens. Circa cerebri basin, variisque item in locis multum sanguinis concreti effusum.

Quibus cerebrum syderatum seu sphacelatum est, intra tres dies intereunt: si vero hos superaverint, sani fiunt. Ita in nostro ægro; à vasculis ruptis multum sanguinis, qui alias partes permeare debuit, effluxit, exinde, istæ partes ab hoc balsamico liquore frustratæ, periire, hoc est in sphacelum inciderunt. Imo sanguis intra ἐγκέφαλον extravasatus, vicinas partes ita compressit ut tubuli succum cerebralem ulterius ad nervos protrudere nequiverint; quibus hoc modo obstructis, corruptio invasit. Sanguis item concretus ex morâ corruptus, non parum Sphacelo ansam præbuit.

*Rusticus phalange in palpebram superiorem oculi sinistri vulneratur, primo vulnus negligens, sed postero die Chirurgos consuluit præ dolore. Septimo die comate vigili corripitur, verum postea sensim in somnolentum incidit: nono que die obiit.*

Orbitæ  
Oculi Vul-  
nus lethale.

**C** Ranio aperto, interior orbitæ oculi in superiori parte punctum ita læsa conspiciebatur, ut una etiam ossiculum in duram meningem laceratam imprimeretur; separatâ vero crassâ meninge, tenuis meninx etiam in eodem loco foramen, instar fonticuli, saniem expellentis, habebat, sub quo tantus abscessus purulentus latitabat, ut superior cerebri substantia omnino in pus conversa videretur, quo undique cerebri ventriculi, superius & inferius, replebantur.

Statim quidem in soporem totalem incidisset, verum ob dolorem vehementem non potuit, ideoque vigili primo comate laboravit: verum postea, ob puris ingruentis copiam cerebrum ita oppressum, ut functionibus suis fungi non potuerit, hinc ex Apoplexia Mors.

*Revaliensis quidam, cum Melancholia, tentationibusque variis vexaretur; res tandem eò rediit, ut sibi stricto gladio mense Septembri latus hauriret infra quartam costam in thoracem adactò, & sub nona costa exeunte. Quod vulnus tamen intra menses duos sanatum est. Verum accidit, ut, post menses aliquot, iterum de absurdis cogitationibus conquereretur, & postea exeunte Aprili malè haberet, & se-*



*sequentibus diebus primo aquam, & quidquid cibi assumpsisset, post viridia, tandem ineunte Maio, nigra quater, eaque magnâ copiâ rejiceret vomitu, cum sudoribus frigidis & lipothymiâ, ac deinde post ultimum vomitum expiraret.*

**C** Orpus apertum est, deprehensumque vulnus per pulmones & diaphragma penetrasse, & quidem diaphragma transfossū fuisse in parte media tendinosa. Pulmonis ferè nihil repertum est in sinistro latere confosso; cum procul dubio cum pure exierit; exigua porticuncula erat costis adnata. Ventriculus totus ascendebat in sinistrum thoracis latus, & cor cum capsulâ de sede sua depulerat in dextrum latus, ubi & vivus ille ju-bebat observari cordis pulsum. Cor arefactum erat; copiosa citrinâ aqua in capsulâ. Omentum & pancreas totum etiam ferè circa ventriculum com-putruerat.

Vulnus in pectore, cum Diaphragmatis dilaceratione, & Ventriculi suo loco amotione.

Causam alibi explicuimus. Vomitus interim fiebat, quia ex ventriculo cibis per pylorum denegabatur exitus. Palpitatio fiebat ob compressum cor, nam sanguis ritè circulari nequibat per ejus ventriculos. Sic & omentum & pancreas, ob vasa compressa, sphacelum contraxere, unde earum partium putredo.

*Miles è regione Hepatis gladio percussus fuit, ex quo vulnere sanguis ad deliquium usque effluxerat. Sistitur Hemorrhagia; postea Hepatis frustum forcipe extrahitur; post tamen sævissima symptomata, optimè convaluit. Post tres annos febre continua tandem occubuit.*

**C** Adavere inciso; deerat portiuncula quædam infimi lobi Hepatis, quæ gladio erat abscissa. Cætera viscera nihil culpabile repræsentabant. Vulnere Hepatis, raro sanantur; idque ob vasorum sanguiferorum copiam, præsertim si vasa magna fuerint læsa, tunc enim omnis sanguis in ventrem effluit, & mors insequitur.

Vulnus ab dominis cum abscissione cujusdam portionis Hepatis.



S T E P H. B L A N C A R D I  
P R A X E O S  
C H I R U R G I C Æ,

Verioribus fundamentis superstructæ,

P A R S VI.

*De Ossibus Fractis.*

I. C A P U T.

DE OSSIBUS FRACTIS IN GENERE.

**Q**uid ossium fracturæ sint, omnibus notum, nempe alicujus ossis aut cartilaginis solutio continui, sive hoc fiat casu, lapsu, verberibus aut alias.

Loco differunt, sive in osse humeri radii, cubiti, digitorum, femoris, fibulæ, tibiæ, costarum, claviculæ, &c. 2. Sic Figura differunt, sive sit transversim, quæ communis est. (vulgo *Raphanoïdes* sive *een Radys breuk*) secundum longitudinem, & *Fissura* vocatur, aut contritione. 3. Ubi unicum aut plura ossa simul sunt fracta, uti ossis radii & cubiti, ossis Tibiæ & suræ, Vel ubi unum tantum fractum est. 4. Fiunt cum inflammatione, gangrænâ, &c. 5. Cum vel sine fragmentis. 6. In medio ossis, vel in loco superiori aut inferiori. 7. Habent unam fracturam, duas vel plures.

Quando ossa transversim vel obliquè fracta sunt, inæqualitas erit minimi momenti: at æger illud membrum debite movere nequit, quamvis ei videtur posse ejus usum capere: membrum sæpe longius oppositi lateris: si crus aut tibia frangantur, raro iis insistere stando possumus, multò minus ambulare, & si luxatio adfuerit, dolor adest: ut & quando fragmenta acuta adsunt aut ossis contritio. Fissuræ cognoscuntur ex crassitie,



fitie, inæqualitate & dolore: verum hæc fiunt magis conjecturâ, quam judicio aut tactu.

Si tantum simplex fractura transversa aut obliqua sit, absque ullâ contritione, aut frustulis, &c. nullum adest periculum. Ubi tantum unicum sit fractum os, melius est quam duo juxta invicem posita; quo in ætate juniore, eo melius. Etiam cura melius in medio, si fractura ibi sit, peragitur, ubi os est solidissimum, quam circa extremitates, ubi magis spongiosum est, & ferulæ minus commodè applicari possunt. Si fractura ossis ad septem dies differtur, corruptionis periculum est, ut & si fasciæ nimis strictè circumducantur. Gravidis dicunt quidam curationem tardissimè procedere.

Fractura cum vulnere parvi non est facienda, inquit *Cl. Joan. Muis*; sic ubi, inquit, in nosocomio, Roterodamensi aderam cum aliis quotidie per totos ferme dies curandis plurimis vulneratis, qui ex obsidione urbis *de Graaf* appulerant, omnes, qui fractura tibiæ cum vulnere laborabant, è vita abreptos esse novi.

Restitutio quatuor ut plurimum peragitur modis: ut *Extensione Coadaptatione*, *Deligatione* & in situm debitum *Collocatione*, quibus quædam medicamenta externa accedunt. *Extensor* raro absque doloris sensatione fit, præsertim, si fragmenta quædam acuta adsint; est tamen tolerabilis, si membrum hac figurâ extenditur, in qua se muscoli non movent, hoc est, ut membrum ita teneatur, ac cum erat in sanitatis statu, & minus delassatur. Osse debite extenso, ossa *Conjungenda* sunt, ita ut muscoli debitum servant situm, absque contorsione ac perversione. Post conjunctionem sequitur *Deligatio*, quæ duobus fasciis peragitur: primam supra fracturam ter circumvolvendo, deinde sursum ascendendo. Secunda est alterum tantum longa, quæ semel supra fracturam volvitur, deinde deorsum descenditur, & deinde sursum, ubi finitur. Inter fasciandum continuò ferulæ ex charta ferulacea seu crassa (vulgo *Bort-papier*) aut ligneis asserculis, &c. adaptantur, ne fracta ossa ab invicem recedant. Antequam fasciæ applicantur, fracturæ imponitur oxycratum, vinum rubrum, acetum, sed meo judicio, præstantius spiritus vini, defensivum aliquod, Emplastrum de cumino, de baccis lauri, ocycroceum, &c. Omnia enim in hoc casu quæ ex aceto fiunt, approbare nequeo: melius est vini spiritus cum caphorâ; ne sit deligatio nimis stricta, quia dolorem infert. Post deligationem membrum debito modo oportet locari, ita ut tempore sanitatis commodissimum erat; huic rei inserviunt laquei, præsertim ut in eo suspendatur brachium. Quando os fractum ab omni parte æqualitatem habet, atque membra utriusque lateris ejusdem longitudinis, tunc extensio bene est peracta. Si adsit dolor, signum est nimis fortis deligationis. Quam primum deligatio est peracta, si dolor fuit tolerabilis, qui proximâ vesperâ augetur, & tertia extra deligationem intumescencia, bonum est. Si secunda deligatione ossa æqualem habeant superficiem, non malum. Si vulnus adsit, primo os restituendum, idque lenitur, alias ingens dolor parti infertur, deinde attenditur ad vulnus: & si fragmenta adsint, primo eximenda. Inspice ulterius



terius caput de vulneribus. Interim bona victus ratio non est negligenda, ne symptomatibus ansa detur. Quictus sit æger, ne ossa restituta dissolvantur, & circulatio sanguinis nimis acceleretur.

Calli  
generatio

*Ossa callo coalescunt*; quod hoc modo fieri solet. Restitutis ossibus, sanguinis aliorumque circulus quoque restituitur; tum enim particulae quaedam ex poris arteriarum, aliorumque canaliculorum egressæ, transeunt per tubulos ossis, & cum perveniant ad extremitatem ossis diffracti, ulterius & amplius pergere nequeunt per lineam rectam ob tubulos fracturæ interruptos, ideoque deflectunt ad latera, ubi ossi & sibi invicem adhærentes constituunt tandem callum, qui ossa iterum coniungit.

Sed callus hic in senibus & debilibus tardius generatur ob sanguinem viscosum & crassum, qui per angustos ossium tubulos parca manu pertransiunt.

Meningum  
induratio.

Fabri ferrarii uxor habitabat in pago, nisi fallor Jutfaas, in medio ferè inter Utrajectum ad Rhenum & Leccam fluvium prope Vianam. Ei à juventute adfuit tuberculum supra oculum dextrum; quo ablato, sive scalpendo aut alias, cranium occupavit caries (fortasse tuberculum illud in ipso cranii meditullio radices egerat) non tantum eo loci, sed proserpsit ad superiora, ita ut ad volæ manus ferè magnitudinem cranium ad Meningem exteriorem usque cauteriis candentibus, &c. ablatum fuerit. Sed quod maxime hic notandum volo; Meninx denudata, (quia cranium amplius tegi nequibat) instar cartilaginis erat incrassata, & indurata: imo indolens si tangebatur.

## II CAPUT.

### DE OSSIUM FRACTURIS IN SPECIE.

**C**ranii fracturæ sunt sextuplices. 1. Est Fissura. 2. Contusio. 3. Fractura. 4. Sectio. 5. Punctio. 6. Contrafissura.

Fissura.

*Fissura* venit ab instrumentis duris ac hebetibus; interdum per duplicem tabulam seu *διπλόω*, aliquando per superiorem tantum.

Contusio.

*Contusio* dicitur esse, quando cranium ita est læsum, ut externè appareat integrum, ubi tamen versus interiora disunitum sit. Verum hoc in infantibus absque fractura facile fit.

Fractura.  
Sæpi.

*Fractura* est quando pars cranii prorsus est disunitum.

*Sectio* fit instrumentis scindentibus & secantibus, ut cultris, acinacibus, &c. atque hoc sæpe fit ossis deperditione aut saltem dependentia frusti instar panni: aut ossi adest simplex crena.

Punctio.

*Punctio* fit ab omnibus acutis, quibus pungi potest, ut sunt enses, cultra, pugiones, styli, &c. atque illa raro ad inferiorem venit tabulam.

Contra  
fissura.

*Contrafissura*, est quando pars cui casus accidit, integra manet & illæsa, ast in opposita partè fissura invenitur: sed illa hoc modo, uti veteres voluerunt



runt non datur, sed fit, quando post primam illisionem æger corpus circumvolvendo in oppositam partem relabatur, quod in superioribus dixi.

*Signa* sunt vertigo, cæcitas ante oculos, sanguinis vomitus, narium atque aurium hæmorrhagia. Manet patiens sine motu, atque brevi in terram prosternitur. Accedit delirium, paralytis, apoplexia, convulsio, spasmus, febris. Hic non respiciendum, numquid sit adultus, num ætate junior; sit enim ut sit, curandus est, idque citò atque tutissimis mediis.

Omnes craniifactorum periculosa, & quo profundiores, eo periculosiores.

Si cutis remansit integra, aut vulnus non satis magnum, triangularis aut crucialis sit incisio, cutis elevatur & pericranium à cranio separatur; si tunc adsit fissura, non nihil atramenti imponitur, & vulnus deligatur. Altero die cum sanguinis effluxus cessat, abraditur cranium, donec fissura non amplius conspicitur, & os sit sanguinolentum. Tunc non nihil pulveris aristolochiæ rotundæ, iridis florentinæ & Myrrhæ inspergitur.

Si fissura ambas tabulas penetrat, tunc ad trepanum confugiendum, quo etiam in contusionibus, fissuris & sectionibus utimur. At in punctiõibus, supra ipsam punctiõem trepanum est ponendum.

Si diversæ sint fracturæ, omnia frustula sunt removenda: at si adhuc connectionem cum solido habent, relinquenda; si fractura aliter accommodari possit & mundificari, trepano non erit opus.

In *fractura ossium nasi*, deprimendum quod elevatum nimis: & quod de-<sup>Fractura</sup> pressum spatula aliove instrumento est elevandum. Deinde cannula seu fis-<sup>ossium</sup> tula naso intruditur, & externè optimum defensivum imponitur, & si<sup>nasi.</sup> nulla accedat caries, curatio intra decem aut duodecim dies erit absoluta.

*Maxillæ inferioris os* fractum digito tam internè quam externè admoto<sup>Maxillæ</sup> restituitur. si digitus nimis fuerit debilis, aliquis à tergo caput teneat, & al-<sup>inferioris.</sup> ter antrorsum trahat, atque sic restituitur: & *curatio* intra viginti dies absolvitur. Sed quia maxillæ inferius fractura neque fascias patitur, neque quietem, ut in aliis fracturis, tunc instrumentum plumbeum, stanneum aut eburneum cogitandum, ita flexum, ut ab eo in ore dentes excipi queant, ut maxilla tanquam in arculâ, quoad fieri possit, conservetur.

*Scapula* fracta, ubi se ossi humeri conjungit, ut plurimum non sanatur.<sup>Scapulæ.</sup> Si frangatur, ubi se elevat, quod facile tactu animadvertitur, tunc humerus vel brachium manu aut vinculo deorsum trahitur, & interim in locum debitum ducitur quâdo diversas habet fracturas, incisione est apertura facienda, ut fragmenta eleventur, nisi carni adhæreant, nam tunc omnia sibi sunt relinquenda, quæ tunc vel per se excidunt, aut coadunantur; & restitutio intra quadraginta dies fit.

Si *os sternum* sit fractum, inæqualitas habetur, quæ digitis cedit, cum<sup>Sterni</sup> stridore; aut deprimatur, & tunc depressio sentitur, unde dolor, læsa respiratio, tussis, sanguinis sputum, &c. patiens magno lapidi imponitur,



&ambo humeri deorsum premuntur ; hoc faciendo singuli humeri horsum vorsum moventur, donec omnia in locum sint restituta.

**Costæ,** Simplex costæ fractura absque magna contusione aut inflammatione partium vicinarum, intra viginti dies restituitur, imponendo tantum *Emplastrum ad fracturas*. Ast si costa cutim perforaverat, manu iterum restituitur: si introrsum vergat, forti inspiratione extrorsum est ducendum, interim manibus faciendum, quidquid fieri potest. Si non succedat, glutinans admodum emplastrum imponitur, quo trahendo costa restituitur.

**Vertebra- rum.** Simplex *vertebrarum fractura*, digitis reponitur, & intra viginti dies restituta est. Ast medullâ spinali compressâ aut alias læsâ, ita ut brachia aut crura paralytica dependeant, & absque sensu sint, atque nec vesica nec alvus respondeat, *Σαράσιμον*, omnia tamen inolienda, ut quod comprimit sive sectione aut alias removeatur.

**Coccygis, sacri,** Idem faciendum in *ossis coccygis & sacri fracturis*: hoc peculiariter observandum, ut digitis ano immisissis, restitutio fieri possit.

**Coxæ,** *Coxæ fractura* siue morâ est restituenda, quæ intra viginti quatuor dies curatur, at si citò satis non restituitur, symptomatum caterva expectatur: Si plures sint fracturæ, sectione frustula sunt eximenda, & quæ restitui possunt in locum reducuntur. Sed si sine sectione fieri queat non est instituenda, idque ob plurimos tendines, vasa, & musculos.

**Humeri,** *Os humeri* versus pectus flectitur, atque extenditur, & extremitates junguntur: tunc restitutio intra triginta vel quadraginta dies absolvitur, sed maturius in uno quam in alio

**Cubiti.** *Ossa cubiti* duo cum sint radius nempe & ulna, si ambo sunt fracta, difficilius curantur, quam unum: restitutio sit extensione, & intra triginta dies restituitur.

**Carpi.** *Carpi ossicula*, sæpe post annum tertium necdum fuisse ferruminata vidimus in cadavere alicujus patibuli candidati: etiam extensione & digitorum contrectatione debent reduci.

**Ossis femoris** *Os femoris* vel in medio frangitur vel circa capita; hic requiritur, ob plurimos musculos, extensio valida, idque secundum lineam rectam, ne in hoc aut illud latus vertatur. Ut valida extensio instituat, primo æger in dorsum incumbat, deinde manibus validis, vel Habenis, aliisve machinis extensio instituitur: hic sunt vires adhidendæ, quia validissimi muscoli statim, post fractum os contrahuntur. Ossi reposito, adhibentur ferulæ, fascia ascialis, & arcula oblonga, ne os repositum ullo modo moveatur. Ideoque fascia circa lumbos & inguina quoque accommodari debet, & arcula debet esse longissima, non tantum femur comprehendens sed & partem suræ.

**Suræ.** Eodem modo ac radius & ulna, restituuntur tibiæ & suræ os restituti: grallatorio seu testudineo gradu incedunt, sed postea iterum, Mercurio velociores fiunt.

Si Velimus scire num crus sit bene repositum, tunc pollex pedis è directo patientis genu respondere debet, alias semper claudicabit.

**Et patellæ.** Veteres *patellæ* fracturam negarunt ob duritiem, quia sceleta inspexerunt tantum, in quibus durissima est, ast in vivis aut recenti cadavere mollis admo-



modum : ideoque facile frangitur. Si ergo transversim fuerit fracta, claudicationem inducit sæpe : at secundum longitudinem, non raro à musculis sursum trahentibus in locum debitum absque manuum auxilio reducitur, & intra viginti quatuor dies *curatio* absolvitur.

Quod per longitudinem fractam, patellæ os, non tam facile coalescat, est, quia ad minimi motus momentum frustra separata, iterum diffiliant, & ἐπὶ τὸ πλείους claudunt, quia callus ab utroque frusto coalitus, ad invicem coalescere nequeat.

Verum si transversim fractum, major claudicationis difficultas est.

Si os male sit restitutum, iterum callus est frangendus; sed prius callus per octo dies columbino fimo & lactè caprillo est fovendus, ut emolliat & dissolvatur : quod fit si non nimium vetus fuerit.

Mirum est, quod à *Rob. Knox Anglo* de ossibus consolidandis scribitur. Ceilonensis quidam (inquit) jactabat, se Tibiæ aut Humeri ossa restituere posse, impositione tantum quarundam herbarum in Sylvis crescentium. Porro pergebat dicere, se posse os fractum, si bene repositum erat, tempore duarum horarum, iterum, ut coalescat, efficere. Novi hominem, qui mihi asseribat, hoc modo fuisse restitutum. Hucusque *Knox*.

Cum hic de ossibus læsis agitur, adjungam modum, quo infantium crania depressa restitui possunt. Locus, ubi depressio est facta, à capillis rasio <sup>Cranii depressio.</sup> orbetur : tunc linteo ab omni humiditate detergetur; deinde applicetur emplastrum glutinans, quod minus esse debet quam depressionis locus exhibet : fiat quoque ex corio; porro impressio si in longum fuerit, Emplastrum pro re natâ est accommodandum. Ante applicationem cingulum coriaceum debet esse adfuturum. Patiens porro vel minister Caput firmiter immobile teneat; deinde os & nasus ab ægro, vel ab adstantibus est claudendus, & venter extrorsum urgendus : hoc facto, cingulo trahatur vel vi, & subito sursum applicatum Emplastrum : dum hoc fiunt, minister ab utraque parte caput comprimat, ut eo melius restitutio fiat.

Emplastrum fit ex drachmis quatuor *Farinæ Siliginis*, coquantur in aqua <sup>Emplastrum</sup> *communis* ad pulvis consistentiam, cui sub finem adde, *picis navalis*, uncias, <sup>glutinans.</sup> decem, *Mastichis*, drachmas duas. Fiat Emplastrum.

Illa restitutio aliquatido fit mediantibus cucurbitulis cæcis & ventricosis, <sup>Per cucurbitulas cæcas.</sup> ut alibi dictum. Tales cucurbitulæ fiunt ex stanno, habentes duas ansulas utrinque unam, quibus fascia ex corio aut tænia alligatur, ut cucurbitula applicata & frigefacta facili & celeri vi per rectam lineam sursum abstrahatur.

Si porro per Emplastra, aut cucurbitas nihil efficitur, fiat incisio vel trian- <sup>Vel trepanum.</sup> gularis, quæ fit duabus incisuris, vel crucialis, quæ tres incisiones requirit : atque hoc fit pro magnitudine aut parvitate depressionis. Hisce peractis trepanum instituitur deinde instrumento elevatorio cranium depressum elevatur.

*Furis consultus de tumore dextri genu querebatur, cum dolore ingenti : hocce morbo octo mensibus affligitur. Ad se interim doctissimos Me-*



*dicos ac Chirurgos vocat, sed nihil auxilii attulerunt. Postea cum lecto decumbebat, ac de latere in aliud se vertebat, os femoris in duas partes prope genu diffractum est, & brevi post obiit.*

Offis Fe-  
moris ca-  
ries, ac  
Fractura

**P**ost mortem femur aperiebatur, ejusque os in duas partes circa genuum apophyses disruptum cum carie inventum fuit.

Prudentissimus vir circa genu ex obstructione vasculorum quorundam tumorem habuit; liquor obstruens acidus factus periosteum corrodit, unde gravissimus dolor; corrodingo tandem, ipsum os invasit, idemque totum carie usque ad intima consumpsit; cum jam consultissimus vir se de latere in latus volvebat, non difficile fuit concipere, id præ corporis onere, quod sæpe femori innititur, in partes duas rupisse.

*Ebrius quidam sexagenarius ex lapsu ab alto amplissimum vulnus in cranio contraxit. Vertigine, vomitu ac stupore ilico correptus: hisce, postridie ad se rediens, nullum in sequebatur symptom. Quarto die, postquam multa purulenta excreverat, ab inopinata apoplexiâ, esse desit.*

Offis sphæ-  
noidis  
Fractura.

**A** Pertâ calvariâ, multum lymphæ effusæ ventriculos replentis, inventum. Continuatâ serie rima per frontem, oculique foramen usque ad sellam turcicam excurrerebat, propè offis sphænoidis mediam partem ingens fragmentum sejunctum à reliquo osse erat. Multum effusi sanguinis in cerebri recessibus delitescerebat.

Ex lapsu lymphæ aut sanguinis effusio, hinc cerebri compressio, convulsio & stupor.

*Nobilis quidam per os brachii scolpetari globulo ictus: Vulnere accommodato, sine dolore, tumore aut inflammatione se primis viginti diebus bene habuit. Postea febre vehementissima correptus, trigesimo die obiit.*

Fractura  
brachii à  
globulo  
scolpetari.

**E**Xenterato cadavere, pulmones putridi, & scirrhotatibus duris pleni. Ren dexter ulceratus, cujus purulenta in vesicam depotata. Liqueat in hoc nobili, morbi causam linæis oculis latitare, non enim à vulnere obiit, sed à malo interno. Multa sacro involucro tecta jacent, neque ullis mortalibus omnia scire fas est. Inest namque sæpe in incredibili verum & in verisimili mendacium.



STEPH. BLANCARDI  
 P R A X E O S  
 CHIRURGICÆ,

Verioribus fundamentis superstructæ,

P A R S VII.

*De Ossium Luxationibus.*

I. C A P U T.

DE OSSIUM LUXATIONIBUS IN GENERE.

**L**UXATIO est, quando os ex suo proprio loco in alium recedit, qua Luxatio, ordinarii motus impediuntur.

*Differentiæ* sumuntur à *forma*; nam aliquando integrum os è sinu prolapsum est, & tunc propriè *Luxatio* vocatur: vel loco sæpe recedit & *Dislocatio* appellatur. Interdum tantum parum è loco dimotum, & tunc *Subluxatio* nomen est, sive *Elongatio*. *Causæ* quædam sunt externæ, ut ictus, luctatio, casus, saltatio, cursus &c. Aliæ sunt internæ, quando circa articulos quidam humores resstant, ut in ischiatico dolore, puerperio, &c.

*Causæ* itaque sunt duplices, *externæ* ut casus, verbera, cursus, luctatio, extensiones magnæ, circum ductiones & flexus articulorum. Vel *internæ* sunt ut supra diximus.

In corporibus macilentis & minimè torosis signa sunt manifesta. Os est flexuosum, & in loco ubi excidit prominens; sed in loco ubi excidit, cavitatem relinquit. Si luxatio sit absoluta, membrum fit brevius & altius trahitur. Ast si contingat ex ligamentorum relaxatione, membrum elongatur, dolore afficitur, & ad voluntatem liberam moveri nequit. In subluxationibus



tionibus pauciora sunt symptomata : sed raro omnia simul in uno casu oboriuntur.

Restituuntur facilius in macilentis & admodum junioribus, ast difficilior in loco debito conservantur : contrarium habetur in pinguioribus ac senibus. Capitis luxatio est lethalis, in vertebis periculosa; est inveterata difficilis : à causis internis, tarda curatio, sed facilius restituuntur.

Os è cavitate elapsum, manibus, vinculis aut instrumentis in locum debitum reducitur : ex hisce tribus mediis eligendum quod præstantissimum est. Chirurgia hic etiam est quadruplex, ut de fractura ossium dictum, nempe *Extensio, Restitutio, Deligatio* & debita *Locatio*. Quamdiu membrum extenditur, donec inter os quod in loco remansit, & inter os quod è loco decidit, cavitas reperitur, cavendum ne ossis caput cum ciliis contra cavitatem, inter reponendum, nimium illidat, quia periculosa imo insanabilia symptomata exinde essent expectanda. Insuper cavendum, ut neque os neque muscoli nimium torqueantur, sed communem dispositionem servant. Antequam ad deligationem deveniatur. Si dolor non urgeat, ante quintum, sextum vel septimum diem necesse non est, ut deligatio solvatur : & quantum possibile, membrum ab omni motu excusandum ; atque tunc ponitur membrum ita, ne facile excidat. Si accedat inflammatio, tunc membrum non est extendendum, antequam cessaverit, quod emollientibus fit & antenuantibus.

## II. C A P U T.

### DE LUXATIONIBUS IN SPECIE.

Maxillæ  
luxatio.

**M**axilla rarius quam versus anteriora luxatur, nisi in valde junioribus. Interdum ab uno latere, & facilius restituitur; ast ab utroque latere difficilior admodum, imo & periculosissimum & interdum Lethale.

Raro maxilla luxatur à musculorum debilitate, sed interdum à debilitatis ligamentis, imo & aliquando à nimio oris rictu : si luxatio ab uno latere, obliquè ad partem læsam vergit : processus acutus sive corone prominet, neque inferiores cum superioribus dentibus conveniunt. Maxillam versus oppositam partem duc, atque sic in locum ducito, quod facile fit. Aliquando restituitur, modo alapam impingas.

Si luxatio sit ab utraque parte tota maxilla antrorsum prominet, atque os totum apertum manet : processus acutus in utroque latere altius prominet : temporales muscoli utrinque expansi. Teneatur à ministro caput, aut in parietem innitatur. Trahatur tunc maxilla, pollicibus ambobus in os immisissis, primo deorsum, deinde retrorsum, & tandem sursum, atque tunc quamprimum erit restituta.

Scapulæ,

*Scapula* raro luxatur, & raro ita reponitur, quin non nihil extuberet, ita ut patiens manum sæpe ori aut capiti adducere nequeat. Ad bene restituendum



dum in dorsum decumbat æger, atque infra humerum lapis aut aliud quid ponitur, tunc humerus antrosum extenditur, nempe in eo latere ubi luxatio est, atque sic scapula debito loco restituitur.

*Os humeri* nunquam retrorsum luxatur, raro sursum atque antrorsum, sed maximè deorsum. Certissimum signum est, quando sub axillis globosa durities sentitur, & in superiore parte cavitas: Bronchia longitudine differunt, & patiens nequit manum ori adducere. Os humeri. Patiens supra juncturam humeri alicujus fortis viri decumbat, atque sic teneatur: atque alter brachium deorsum flectat, deinde reponit Chirurgus superiorem partem in acetabulum, sicque restituitur. Alii scala utuntur, Glossocomio aut ambe Hippocratis &c.

Quando *cervicis vertebræ* luxantur, tunc patiens in humili sede sedeat, deprimatur deinde humerus, & caput ambabus manibus sursum trahatur, atque, hinc & inde commoveatur, absque tamen ullâ violentiâ, quo motu vertebræ reducuntur: hoc factò, iterum patiens caput, ut ante, movebit. Vertebra-  
rum colli.

*Dorsi Vertebrae* luxatis, patiens in ventrem decumbat, atque duo ministri eum, omnibus viribus, quantum fieri potest, extendunt, idque mediante vinculo, quorum unum sub axillis, est, & alterum supra femora, quibus, vertebræ iterum reducuntur. Si introsum luxatæ sint, sæpe lethale est. Dorsi.

*Ossis Sacri* luxatio restituitur digitis ano immittendo, quod tunc tam externè quam internè in locum reducitur. Ossis sacri.

*Os Coccygis* luxatur etiam introrsum, cui intolerabilis dolor, convulsio febris, &c. superveniunt. Restituitur digiti in anum intromissione, quò una cum alterius manus digitis externè applicatis brevi reponitur. Coccygis.

*Costæ* luxantur, quæ ob gravia symptomata brevi expectanda, statim sunt reducendæ. Si sursum extra vertebrae promineant, tunc, patiens brachiis suis de janua pendeat, atque sic costas repones. Ast si deorsum vergant, tunc patiens sese deorsum curvando genibus imponat manus, atque costæ loco restituuntur. Si introrsum vergant, emplastro conglutinante in locum trahendo reponuntur, quod sæpe bene successit; & si voto non respondeat, lethiferum est signum, quia manibus reductio fieri nequit. Costarum.

*Cubitus* antrorsum ac retrorsum, extrorsum aut introrsum luxatur, & interdum sequitur radius aut manet, quod palpando cognoscitur. Si antrorsum luxatio sit facta, brachium evadit brevius, & cubitus flecti nequit; antrorsum prominet, atque retrorsum cavitas sentitur: restitutio quam primum fieri debet, alias inflammatio, dolor, febris, vomitus, imò & ipsa mors expectanda. Brachium obliquè & tamdiu extenditur, ne ossa inter reponendum se mutuo lædant: si vires manibus deficient, tunc vinculum accipe, atque brachium circum columnam ducito, extende, & os retrorsum preme, donec in locum reducat. Cubiti.

Si luxatio retrorsum sit facta, antrorsum insueta cavitas animadvertitur, atque retrorsum prominentia; brachium est brevius, & flecti nequit. Si



Radii.

introrsum aut extrorsum, eadem sunt signa, aut prominentia in eodem est loco, quo os adactum est, atque cavitas ubi excidit. Post debitam extensionem, etiam restituntur, si luxatio sit recens facta. Idem *Radio* accidit.

Femoris.

*Os femoris*, ut plurimum luxatur introrsum, interdum extrorsum, antrosum, sed raro retrorsum. Si introrsum, crus alterum altero longius, & flecti potest; genu extrorsum protuberat, atque caput ossis femoris ad inguina latum, ibi clarè quoque conspicitur. Tam difficile ac restituitur, tam facile iterum excidit, unde cruris tabes, atque claudicatio.

Ut iterum reponatur, patiens supra medium tabulæ aut scamni ponitur, & inter ipsius crura ligneum cylindrum, firmissimum, linteo circumvolutum, ut os femoris contra illud fortiter extendatur, & interim manu Chirurgicâ restituitur.

Si luxatio sit extrorsum facta, crus brevius est, atque introrsum torquetur. Patiens illud quidem movet, aut vix cum eo terram tangere potest. Quamvis non restituitur, nihilominus omnis sensim perit dolor, & patiens sive subalari incedit fulcro. Restitutio eadem est ac statim dictum.

Si os femoris antrosum prominet, inguen tumet, atque nates rugosæ sine carne. Crus ejusdem longitudinis cum altero est, aut vix flectitur, cui urinæ miectio denegata accedit. Quamvis non restituitur, tamen patiens per aliquod tempus quidem incedit, aut interdum crus ad se trahere cogitur. Quando restituetur, debet patiens in latus sanum decumbere, atque tunc extenditur & restituitur. Si manus vires non sufficiant, genu Chirurgi est reducendum.

Si versus posteriora luxatio sit, patiens nequit crus extendere, flectere, terræ incedere aut ambulare, quin in dorsum supinus labatur; imo & altero brevius est. In inguine cavitas est, & in natibus insuetâ prominentia. Quamvis non reponatur, nihilominus dolor sensim evanescit, atque crus flectitur, aut brevius manet & rectum, neque tortum est introrsum aut extrorsum. Decumbat in ventrem æger, crus fortiter extendatur, præhendendo interim crus supra genu, quod trahitur à crure integro extrorsum, atque sic crus in acetabulum reducitur, in quo tamen non manebit, nisi æger se ab omni motu abstineat.

Tibia,  
furæ, &  
patellæ.

*Tibiæ ossis ac furæ* luxatio restituitur, ut de cubito dictum.

Patella si extra debitum locum sit adactum, debet patiens erectus stare, atque sic in locum reducitur, ligaturaque tam firmiter constringenda, ne genu flecti queat. Atque sic primo formicinum movebit gradum, sed postea cum tempore, incedendo audacior evadet.

Sic tandem illud opus ad umbilicum perduximus; quod sine præjudicio est examinandum: Thesaurus quippe stultis in lingua situs est, ut quæstui habeant, malè loqui de Melioribus: ut poëta

*Pectora felle virent, lingua est suffusa veneno.*

Chirurgiæ finis.

APHO-



A P H O R I S M I

A D

PRAXIN MEDICAM

E T

CHIRURGICAM

*Spectantes.*



Cicero 12. Phil. 5.

*Cujusvis hominis est errare , nullius nisi insipientis  
perseverare in errore.*

Dii laboribus omnia vendunt..



## A P H O R I S M I

A D

## PRAXIN MEDICAM

E T

## CHIRURGICAM

*Spectantes.*

- 1 **S**anitas ab optimo sanguinis & succorum circuitu dependet.
- 2 **S**animum quietum ac hilarem in corpore sive sano sive ægroto, esse, optimum.
- 3 Quæ in Medicina efficiuntur, prudenter fiant, & finis est respiciendus.
- 4 Quemadmodum ex uno teste, in jure, nihil recti determinatur, ita in Medicinâ unico signo nimis non est fidendum.
- 5 Scroti in infantibus corrugatio, bona, non item in morbis diuturnis.
- 6 Somno aluntur infantes.
- 7 Infantes, si à somno sæpe interturbantur, interdum morbo & macie corripuntur.
- 8 Optimum, ut infantes matres suas fugant.
- 9 Vinum, acetaria, fructus crudi, salsa, infumata, ac omnia saccharata infantibus nocent.
- 10 Infantes, ob epilepsiæ metus, non sunt terrefaciendi.
- 11 Infantium risus ante mensem tertium elapsus, motus epileptici prodromus est.
- 12 Caloris mediocritas, neque senibus, neque juniori ætati nocet.
- 13 Vigor in juventute, totius sanitatis & reliquæ vitæ, fundamentum est.
- 14 Nocturno tempore, & jejuno stomacho bibere, nocet.
- 15 Consuetudini multum concedendum.
- 16 Insueti post pastum se à nimis exercitiis temperent.

Gggg 2

17. In



- 17 In alterutro latere dormire, præstat, quam supinus, aut pronus decumbere.
- 18 Somnus meridianus, non planè est contemnendus.
- 19 Vini mediocris usus senibus salubris.
- 20 Inter præstantissima alimenta lac est.
- 21 Omnes in corpore repentinæ mutationes, nocent.
- 22 Si diaphoresis in corporibus nostris non ritè procedat, sanguis noster inspissatur, & valetudinarii sumus, vel ægotamus.
- 23 Regiones paludosæ, scorbutum inducunt.
- 24 Ignis aërem purgat, hinc expellit pellem, malignosque morbos.
- 25 Cum cibus multum panis sumere, præstat.
- 26 Panis ἀνὸς, castrato melior.
- 27 Cibi, multo sale volatili pollentes, optimi.
- 28 Cibi cocti, crudis, præferendi.
- 29 Sanis non purgare aut venam secare melius, quia his adhibitis non raro in morbos incidunt.
- 30 Dosis mediocris, in Medicamentis propinandis, semper largiore, præstat.
- 31 Quod paucis fieri potest, multis non est tentandum.
- 32 Quod unica vice fieri nequit, iteratis vicibus est faciendum.
- 33 Omnia sanguinis circulum promoventia, tam ægris quam sanis, proficua.
- 34 Ex duobus malis, minimum eligendum.
- 35 Sanis, omnia mediocriter sumpta, sana.
- 36 Ætas non ab annis, sed à viribus dimetienda.
- 37 Macres, minorem habent sanguinis copiam, quam obesi.
- 38 Chirurgus ægros molliter tractans, semper non est vilipendendus.
- 39 Menstrua pellentia, fœtum quoque sunt pellentia.
- 40 Diuretica, etiam menstrua pellunt.
- 41 Omnia in corpore nostro, acidum domantia, in omnibus morbis conveniunt.
- 42 Omnes morbi oriuntur ab obstructionibus & humoribus increassatis.
- 43 Flatus discutientia, pituitam etiam expellunt, menstruaque promovent.
- 44 Omnia cephalica, sic dicta, etiam antarthritica & stomachica sunt.
- 45 Omne acidum ab alcali domatur.
- 46 Omnes morbi oriuntur ab acido vel viscido.
- 37 Vesica vel alvus, si plus justo excrementa deponant, diaphoresis imminuta erit.
- 48 In largâ diaphoresi, alvus & vesica astricta esse solet.
- 49 Qui plus mingunt, quam bibunt, iis diaphoresis imminuta est.
- 50 Diarrhœa cessat, promotâ perspiratione.
- 51 Melius est paucis medicamentis uti, quam nimis.
- 52 Bilis & sanguis non quantitate, sed qualitate peccant.



- 53 Hyeme & æstate alvus est astricta magis, quo tempore remedia vehementer operantia non sunt sumenda.
- 54 Pingues acido non abundant.
- 55 Valetudinarii & macilenti acido abundant, & sanguinem crassum habent.
- 56 Phlebotomia sæpius iterata, ad Hydropem disponit, ut & Tabem, Scorbutum diuturnum, & tandem ad mortem.
- 57 Ut medicatio tutò peragatur & promptè, optimum, si Medicus sua medicamenta præparet.
- 58 Quælibet Regio Medicamenta profert, medendis morbis, qui in illis producuntur.
- 59 Medicatio si Medicamentis simplicibus fieri possit, ad composita non est confugiendum.
- 60 Qui Medicamentis abhorrent, difficilè curantur.
- 61 Signa, ex solâ urinâ petita, incerta.
- 62 Alvum strictam habentes, non raro Veneri plus justo indigent.
- 63 Tabaci suctus famem protrahit.
- 64 Membra à frigore intenso constricta, frigidis non calidis, sunt dissolvenda.
- 65 Fœminæ æstatis tempore, si per pavimenta lapidea nudis pedibus incedant, menstruo fluxui nocet.
- 66 Si Medicamenta bene operentur, spes est.
- 67 Morbi, omnia medicamenta respuentes, ptyalismo sæpe curantur.
- 68 In declinatione morbi, nemo moritur.
- 69 Qui ante pubertatem eunuchi facti, nunquam barbam alunt.
70. Urina, brevi post prandium aut cœnam, reddita, non ita falsa, quam ea, quæ longè post ea mingitur, nisi plurimum potetur.
71. Fœminæ delicatulæ, sæpe pluribus morbis, obnoxie.
72. Homines plurimâ pinguedine divites, & fortissimi videntur, cum ægrotent, non sine periculo ægrotant.
73. Quise nimium medicamentis indulgent, non sanantur: hinc *Celsus* inquit, quod illi, qui sanari volunt, scopum non attingant.
74. Optima & tutissima medicamina per sudationem fiunt.
75. Post somnum, si morbus imminuatur, bonum.
76. Cum ægri, post morbum, iterum cibos sumere cum appetitu incipiant, bonum.
77. Melius est ægrum relinquere, quam eum inanibus verbis protelare, & adulari, & non sanare.
78. Medicum accersire melius in principio.
79. Post exercitia, ambulationes &c. Si quis nimium incaluerit, melius spiritum vini, aut vini haustum largiorem sumere, quam cerevisiam frigidam.
80. Spiritus vini sitim solvit.
81. Morbi diuturni ex morbis pituitosis orti, repetito emetico sanantur,



82. Pueri , dum laborant febris , in longitudinem crescunt.
83. Remedia , quæ opem attulerunt , meliora , quam ea , quæ sunt probanda.
84. Vasa vulnerata , quo majora , eo periculosiora.
85. Omnia vulnera , ex quibus sanguis omnis profluit , vel circuitum sanguinis impediunt , Lethalia.
86. Pauci horarii fructus , pauci quoque morbi , nisi aër corpusculis sanguinis cras in invertentibus abundet.
87. Æstates fervidæ in autumnis plurimos morbos pariunt , sed temperatæ , paucos.
88. Quo hyems frigidior , eo morbi minus grassantur.
89. Eurus , Cæcias , Africus , paucos producit morbos.
90. Aquilo , Zephyrus , Auster plerumque morbos pariunt.
91. Circa solstitium & dies æquinoctiales , plurimi morbi nonnunquam recrudescunt.
92. Calore ferventes & sudore madentes ex lecto surgentes , seque derepente frigido aëri exponentes , pessimum & sæpe lethale , nisi optimè vestibus sint muniti.
93. Nunquam quis in morbum incidit , si mediocritatem in omni re sibi assuescat , & singulis diebus non nihil salis volatilis utatur : hoc faciendo senectutis annos numerabit.
94. Usus fructuum horariorum copiosus , parit dysenteriam , quartanam & sanguinem acido abundantem.
95. Morbi altas radices agentes , non semper Medicamentis vehementibus expelluntur.
96. Palati os , si excidat , per nares loquuntur.
97. Tendines humorem stillantes ferro candente curantur.
98. Pectoris vulnera , multum puris , ut plurimum , eructare solent.
99. Omne acidum & frigidum pectori inimicum.
100. Omnia vulnera & ulcera ab aëre defendenda.
101. Quibus in corpore multum acidi inest , difficile purgantur.
102. Æstas & Zephyrus ulcera foetida excitant.
103. Tempus hyemale ut & boreas. Causa existunt vulnera & ulcera ægre sanari.
104. Tophi non curantur , nisi interdum ptyalismo.
105. Infantes , qui sæpe brachiis circumferuntur , rectius iis , qui semper nutricum gremio insident.
106. Multus & vehemens infantum ejulatus , facile herniam parit.
107. Experientia , commodè rationi conjungitur.
108. Qui ingeniose curare vult , Philosophus orthodoxus sit oportet.
109. Sesquipedalia blaterantes , Arcana , & libri non nimium fidendi.
110. Qui purgatur , ei licitum non nihil ambulare.
111. Somnus , quies , frigus , ciborum assumptio , catharsin retardant.
112. Debiles sunt roborandi.
113. Ut spiritus sunt , ita quoque vires.



- 114 Moschus nulli foeminae convenit , nisi castoreum sit admixtum : similiter aliquando in nonnullis se habet cinamomum , & omnia dulcia.
- 115 Ex pharmacopoliis nihil petendum , si in culinâ habeatur.
- 116 Medicamenta debent esse grata , & tam minori quantitate exhiberi debent , quam fieri possit.
- 117 Qui sæpe animo delinquantur , diu ne maneant jejuni.
- 118 Prægnantes quarto & septimo mense purgare , periculosum est.
- 119 Ultimo mense utero habentes sæpe mingunt , sed alvum habent adstrictam , cum respirandi difficultate.
- 120 In partu difficili , vomitus & sternutatoria multum profunt.
- 121 Signa ingravidationis sunt ventris intumescencia , anima deliquia.
- 122 Si scire velis num foetus in utero adhuc vivat , Foemina non nihil vini Hispanici Malvatici , aut mulsi sumat , cum dormitum ibit , tunc foetus sese movebit.
- 123 Qui prima vice difficile pariunt , postea facilius , ut plurimum , entuntur.
- 124 Foeminae valetudinariae , non raro facile foetum emittunt.
- 125 Quod gravidis proficuum aut nocuum , etiam foetibus vel nocet vel prodest.
- 126 Quod gravidæ fastidiunt aut appetunt , idem plerumque infantes vel averfantur vel delectant.
- 127 Prægnantes se caveant oportet à menstrua pellentibus , & pravis alimentis.
- 128 Hystericis passionibus obnoxiae , ut & Hypochondriacis , se à dulcibus moderentur oportet.
- 129 Aromatica & spirituosâ prægnantibus earumque foetui utilia.
- 130 Motus insoliti , ira , terror , &c. facile abortum concitant.
- 131 Vita sedentaria , eaque continua , partum difficilem sæpe reddunt , tam quoad foetum , quam secundinas.
- 132 Coitus , uterum gerentibus , haud noxius.
- 133 Aquâ ( ex amnionempe ) defluxâ , si statim non sequatur foetus , partum reddit tardum.
- 134 Venam secare gravidis aut alvum purgare , non oportet.
- 135 Ad parturiendi nixus foeminae nimis maturè non sunt sollicitandæ.
- 136 Brevi post partum mulier concipere potest , quamvis menstrua non aparuerint.
- 137 Colostrum recens natis non nocet.
- 138 In foeminarum affectibus , semper respiciendus uterus.
- 139 In deliquiis pauca medicamenta quidem danda , sed sæpe reiteranda.
- 140 Auris arteria usta , certum dicitur adversus odontalgiam , remedium.
- 141 Cum purgatur , neque bibere oportet , neque edere , antequam purgatio cessat.



- 142 Febrim quotidianam sæpe concomitantur obstructions.
- 143 Quotidiana febris non tam facile profligatur ac tertiana, siue per se subsistat, siue ab aliis morbis dependeat.
- 144 Quotidiana facile in tertianam mutatur, & vice versâ.
- 145 Hyemesfeveræ, quartanas diu perseverantes & pertinaces producunt: benignæ vero è contra.
- 146 Ante febris adventum sudare, eandem pellit.
- 147 Si quartana longæ sit durationis, in scorbutum altè radicum mutatur, & interdum in Hydropem vel Tabem.
- 148 Quartana si autumnali tempore non cesset, per totam hyemem ad verem usque grassatur; & si tunc non profligetur, adhuc per integrum annum perseverat.
- 249 Sæpius reiterata phlebotomia viam magis sternit ad febres & scorbutum. Hinc illud proverbium, quod si cui semel vena fuerit secta, coactus sit singulis annis reiterare.
- 150 In variolis & febribus cum maculis advenientibus, venæ sectio non tantum periculosa sed & Lethifera.
- 151 Sudorifera in febribus optima.
- 152 Lethargo, si adsint Febris maligna, convulsiones, spasmi, tremores, cephalalgia, furores, imi ventris dolores, ætas provecta, & scorbutus radicata, malum.
- 153 Lethargus cum stertore, malum portendit.
- 154 Lethargus ab ebriete, vel post sumpta narcotica, vel ab exigua capitis læsione, præsertim in corpore alias sano, periculo vacat.
- 155 Post Lethargum, puris sputum, bonum.
- 156 Pulsus celer & continuus, febrim indicat.
- 157 Quo puerperæ serius febrim corripiuntur, eo melius.
- 158 In pleuritide intermittens febris, item in febribus malignis, scorbuto, cordis palpitatione, senibus, &c. sæpius adveniens, non semper periculosas.
- 159 Audiendi difficultas in febribus continuis, bona.
- 160 In febribus, quasi floccos quærere, & oculos rabidos habere, malum.
- 161 Stertere in pleuritide, Empyemate, Hydrope, &c. *Σαρδόνιον*.
- 162 Sputum cruentum in febribus malignis & pleuritide, bonum.
- 163 In febribus malignis, si sitis non molesta, malum signum.
- 164 Menstrua in febribus præter modum fluentia, idque in prægnantibus, sæpe abortum pronuntiant; sed in variolis vel alias, nisi vires satis fortes, periculosa.
- 165 Quo vires fortiores, eo febris tutior.
- 166 Post corporis & succorum magnam incalescentiam cerevisiam vel aquam frigidam subito & largiter bibere, sæpe pleuritidis causa est.
- 167 Phthisi laborantes, *ἀνω* per vomitum non sunt purgandi.
- 168 Evacuatio immodica, sæpe febrim inducit.



- 169 Ante febris accessum, cibos sumere, eam auget non tantum sed paroxysmum maturat.
- 170 Abstinencia à cibis, febres pellit.
- 171 Pustulas aut Erysipelatodem scabritiem circa labia habere, non raro febrim depulsam pronunciat.
- 172 Accessus febrium tardius advenientes, bonum.
- 173 Caro, ejusque jus sæpe febres augent
- 174 Vinum, vini spiritus & Lac, febricitantibus non nocet.
- 175 Aqua calida, Tinctura Theæ vel salviæ largiter sorpta, febricitantibus proficua.
- 176 Singultus & convulsiones in febribus, periculo non vacant; sudor frigidus in febribus Lethiferum.
- 177 Post febres intermittentes plures senes & debiles moriuntur, quam juniores & fortes.
- 178 Post febres ardentes sæpe capilli decidunt, & cuticulam exuunt.
- 179 Exacto puerperio non raro capitis pili decidunt.
- 180 Urina, in febribus, nigra, mortem pronuntiat.
- 181 Variolis laborantes, se in calido loco servant, oportet, vel vitæ discrimen incurrunt.
- 182 Sitis immodica, finis est purgationis.
- 183 Post purgationem, convulsiones, mortiferum.
- 184 Purgatio jejuno stomacho sumenda.
- 185 Post sumptam purgationem, non dormiendum, nisi nimium purgetur.
- 186 Enemata, semper calidè, injicienda.
- 187 Pus album in ulceribus, optimum.
- 188 In morbis, bono esse animo, curationis dimidium.
- 189 Post sudationem, horror, non bonum.
- 190 Consultum magis sudorifera vespertino tempore sumere.
- 191 Scabie laborantes, seseque ungentes, mutare indusium non debent.
- 192 Post sudationem, interula non mutanda, nisi prius sudatio planè cessaverit.
- 193 Inter sudandum, sese subitò frigori non est exponendum.
- 194 Morbi Hæreditarii, raro curantur.
- 195 Soporoso morbo laborans, si cum difficultate evigilet, malum.
- 196 Lethargici, intra septimum diem moriuntur; sed si superaverint, incolumes sunt.
- 197 Apoplexiæ in senibus, ut plurimum, lethales.
- 198 In Lethargo tumor pone aures, vel pus ex auribus, naribus, aliisque locis fluens; cum symptomatum levamine, bonum.
- 199 Apoplectici intra septem dies moriuntur, nisi febris corripiantur.
- 200 Si Apoplecticus in sudorem incidat, malum.
- 201 Delirium in comate vigili, convulsionem parit.
- 202 Febris maligna cum Lethargo, spasmodum inducit, ut & Tremores, convulsiones, cephalalgiam, delirium, furorem, &c.



- 203 Vertigo in anteriori capitis parte præstat, quam in posteriore.  
 204 Ab apoplexia demortui, non nisi post tertium diem sepeliendi.  
 205 Apoplecticis, si accedat stertor, actum ut plurimum.  
 206 Si Paralyfi febris superveniat, bonum.  
 207 Lac simul & menstrua in prægnantibus fluentia; debilem foetum indicant.  
 208 Os si foetum gerentibus frangatur, raro nisi post partum sanatur.  
 209 Morbi intermittentes, continuis, tutiores.  
 210 In dubiis morbis, sudorifera tutiora.  
 211 Variolis evanescentibus, non raro in aliis partibus ulcera exoriuntur.  
 212 Qui bene medicinam facere vult, optimus debet esse philosophus.  
 213 Plurimi morbi diuturni, qui vel scorbutus est altè radicans, vel arthritis, sæpe nonnihil de Lue venerea participant.  
 214 Venerea Lues raro, nisi Mercurialibus, sanatur.  
 215 Paralysis post annum affligens, rarissimè profligatur.  
 216 Ustio cum Moxa dolores levat, imo & arthritim sæpe sanat.  
 217 In Apoplecticis, spuma circa os, Lethale.  
 218 In peste, variolis, febribus cum maculis, venæ sectio vitanda, quippe mortem plerumque inducit, sed sudoriferis potius insistendum.  
 219 Omnia enemata frigidè injecta, multum nocent, imo mortem ipsam accerunt.  
 220 Sanguinis & succorum incalescentiæ nimix, sudando, pelluntur.  
 221 Sudatio cum *ὑποχρῖα*, bona.  
 222 Frigidus sudor tantum circa caput, faciem & cervicem, malum, & in acutissimis morbis *θανάσιμος*, sed in tutiori morbo, longitudinem denotat.  
 223 Nihil sanguinem & succos melius depurat, quam aqua & alcali.  
 224 Quæ feliciter parturire volunt, sanosque infantes habere, sese ab animi passionibus effusis absterneant, à nimio acido & frigore: bono enim animo esse non nocet.  
 225 Foeminae lactantes, acidis utentes, infantibus nocent.  
 226 Capitis dolor ab unguiculis, raro aut nunquam sanatur.  
 227 Cephalalgia interdum sanatur, si caput aquæ frigidaë immergatur.  
 228 Apoplexiæ furor superveniens bonum.  
 229 Sudor in apoplecticis, malum portendit.  
 230 Paralysis cum partium frigore, malum; è contra, bonum.  
 231 Post Apoplexiam paralysis, raro curatur, sed non raro iterum in Apoplexiam mutatur.  
 232 Tremores, post paralyfin venientes, optimum.  
 233 Si oculus in ea parte, ubi paralysis est, minor evadat, spes pauca est.  
 234 Subito terrore paralyfin annosam vidimus curatam.  
 235 Alvi fluxus, post recens inductam paralyfin, bonum.



- 236 Paralyfis raro hyemali tempore fanatur, sed citius æstate & vere.
- 237 Senes raro à paralyfi curantur.
- 238 Paralyfis in cruribus & pedibus tardius curatur, quam in partibus superioribus.
- 239 In Tabe & imminutione membri paralytici, perpauca curationis spes est.
- 240 Venæ sectio in membro paralytico instituta, sæpe illud mori facit.
- 241 Paralyfis in parvis laryngis musculis, & omnibus iis, qui respirationi inserviunt, lethalis.
- 242 Cordis paralyfis, mortem accersit.
- 243 Convulsio post phrenitim, lethalis.
- 244 Post largam hæmorrhagiam, sive quovis modo excitata, convulsio, ut plurimum, lethale.
- 245 Convulsio cordis, & partium respirationi inservientium, morti inopinatæ, ansam præbet.
- 246 Epilepsiæ aliquando cessant, post utriusque sexus pubertatem.
- 247 Epilepsia, à teneris, ad vigesimum quintum annum & ulterius persistens, raro curationem admittit.
- 248 Quando vertigo recens sit, raro adveniens, & non nisi ab externis objectis, facile curatur: ast quæ sæpe invadit, cum vehementia, & inveterata sit, difficile curatur, imo in Apoplexiam vel Epilepsiam quidem mutatur.
- 249 Senes à vertigine rarius curantur, quam juniores.
- 250 A phrenitide pauci restituuntur.
- 251 Capitis dolor cum febris acuta, & tenui pellucida urina, malum.
- 252 Surditas cum susurro in aure, semper spem præbet.
- 253 Sternutatio in parturientibus, apoplecticis, aliisque acutis morbis, bonum.
- 254 Continua sternutatio, narium Hæmorrhagiam concitat.
- 255 Si Apoplecticus à sternutatorio non sternutat, malum.
- 256 Quando in Odontalgia malæ intumescunt, brevi dolor cessat.
- 257 Odontalgia sæpe curatur, usq[ue] arteriâ auriculari.
- 258 In angina, periculum est, si facies intumescat, & livescat.
- 259 Si Asthma non curetur, in hydropem vel tabem, vel in utrumque mutatur, quos mors insequitur.
- 260 Si Rachitis ante partum vel brevi post adveniat, periculosissima, & non raro lethalis evadit.
- 261 Quo Rachitis citius post partum veniat, eo periculosior.
- 262 Quo à symptomatis Rachitis magis gravatur, nempe quando partium mala conformitatio modum excedit, cum ingenti macie, eo difficilius curatur.
- 263 Si Rachitis, ante quintum à nativitate annum, non curatur, per totam vitam valetudinarii evadunt.
- 264 A rachitide claudi, per se ante quintum & sextum annum restitutos novi.



- 265 Si rachitidis scabies aut pruritus accedat, curationis spes est.
- 266 Qui ab unguiculis, quasi scorbutici nati, restitutionis spem paucam habent; & curati, facile recidivum patiuntur.
- 267 Qui scorbuto valde mutabili laborant, difficile curantur, & non nisi lento gradu.
- 268 Qui luem veneream & simul scorbuticam patiuntur, sanantur quidem, sed brevi pristinum malum experiuntur.
- 269 Scorbutus cum symptomatis succi nervosi & ipsis nervis, difficile curatur.
- 270 Fœminæ à scorbuto, viris difficilius curantur.
- 271 Febres diuturnæ, multum ad scorbuti incrementum contribuunt.
- 272 Arthritis vaga in cervice, periculo non vocat.
- 273 Quando ungues livescunt aut nigrescunt in morbis extremè magnis, sæpe mors in propinquis est.
- 274 Semper dubium in gravidis & mera conjectura, num filium, num filiam sit paritura.
- 275 Quo citius in pleuritide cruentum sputum appareat, eo melius.
- 276 Sputum in pleuritide præter modum cruentum, malum.
- 277 Sputum album, viscidum & rotundum in pleuritide, malum.
- 278 Pleuritis, quæ intra quatuordecim dies non curatur, ut plurimum in Empyema transit.
- 279 Recens natorum pulmones si in aquis demergatur, signum est, non respirasse, ni arte, prius fuissent inflati.
- 280 Si in Empyemate curatio nimis longè procrastinetur, corrumpuntur pulmones, & extenuati moriuntur.
- 281 Primo incipiens phthisis, quidem curatur, sed inveterata raro.
- 282 In phthisi, si sputum foeteat, facies sit flavi coloris, cum macie, & viribus exhaustis, lethale.
- 283 Singultus in febribus acutis, malum.
- 284 Inter vomendum si oculi rubeant, & singultus superveniat, malum.
- 285 Purgantia ab invicem gradibus tantum differunt.
- 286 Febris cum stomachi dolore, malum.
- 287 Hydrops post Tabem, vel inveteratum scorbutum, raro curationem admittit.
- 288 In Hydrope & febribus se planè à potu abstinere non est necesse, sed hoc fieri cum distinctione debet.
- 289 Hydrops, incorruptis visceribus, certe sudatione & calore curatur.
- 290 In affectibus, qui lieni & utero adscribuntur, raro illæ partes in causa esse solent.
- 291 Passiones (quæ in fœminis dicuntur Hystericæ) etiam in viris observantur.
- 292 Calculus vesicæ membranis adhærens, ob mortis sequelam, non est secandus.
- 293 Urina recens reddita, & clara, si postea sabulum rubrum deponat, vitri lateribus adhærens, certum nephritidis signum non est.



- 294 Longa urinæ retentio , postea sæpe denegatam mictionem inducit , & deinde mortem.
- 295 Intestini recti procidentia , sæpe restituitur , modo nates ex improvise manu extensâ verberes.
- 296 A fulmine icti , ut plurimum moriuntur.
- 297 Si vasa magna in aliqua parte sint uisa , compressa , vel dissecta , non raro sphacelus sequitur.
- 298 Viscerum vulnera , periculosa.
- 299 Si cutis comburatur , cui pili increscunt , calvities remanet.
- 300 Ulcera fistulosa circa tendines , nervos , vasa sanguifera , ossa , cartilagine , in visceribus quibusdam , ut vesica , intestinis , hepate , liene &c. raro curantur.
- 301 Vulnera & ulcera non sanantur , si os subiectum corruptum sit : & si sanentur , postea iterum per se aperiuntur.
- 302 Omnia nervorum vulnera , sunt periculosa.
- 303 Nervorum vulnera periculosiora , quam tendinum.
- 304 Si nervorum vulnere accedat convulsio , malum.
- 305 Appetitus in gravidis , non est nimium cohibendus.
- 306 A rebus , quæ ab esu humano aliena sunt , ægrî subito non erunt abstrahendi.
- 307 Qui post nimium tabaci suctum , vini adusti &c. copiosum usum , ægrotant , iis plane denegari non oportet , si desiderent uti.
- 308 Qui potus spirituosos assueti sunt , & se abstinere volunt , sensim defuescant , alias facile in morbos incidunt.
- 309 Si Gangræna non statim sistatur , in sphacelum mutatur.
- 310 Sphacelus , cancer & caries ab invicem non differunt , nisi à diversa parte læsa.
- 311 Struma , scirrhus , callus , clavus , ab invicem non differunt , nisi in parte diversa.
- 312 Vulnera intestinorum majora non coalescunt.
- 313 Si mammaram cancer costis adhæreat , non est secandus.
- 314 Arthriticorum articuli , si à tophaceâ materia intumescant , raro sanantur.
- 315 Podagricus nunquam sanatur , si mala victus ratione utatur.
- 316 Scrophulæ tardè sanantur.
- 317 Calculus renum vel vesicæ , semel in corpore cretus , internis Medicamentis neque emollitur , neque comminuitur , licet plerique plurimum inaniter jactitant.
- 318 Quo febris magis fervens , eo sanguinis circulus tardior.
- 319 In febrium principio vertigo & urina aquosa , pellucidaque , ut plurimum in delirium incidunt.
- 320 Si alvi fluxus non brevi sistatur , facile in Dysenteriam mutatur.
- 321 In febribus , si viscera videantur uri , inflammationem in partibus internis denotat.
- 322 Biliosi , qui dicuntur , & bilem evomunt , acido acri abundant.



- 323 Si æger cibos abhorreat, non est ad sumendum sollicitandus.
- 324 Hydropicis, si adveniat tussis, actum.
- 325 Omnia olea pingua, surditati inimica.
- 326 Medicina non est conjectura, ut multi effutiant, nisi ab arte ignorantibus, & majoris nominis sint, quam rei: verum quod omnes morbi non curentur, est quia pertinaces obstructions & succorum incrassationes restitui nequeant, & ægri inobedientes sint.
- 327 Melius est incertis remediis morbos dubios ianare, quam ægrum ἀελπτως relinquere.
- 328 In Morbis gravibus, si manus & pedes frigeant, malum.
- 329 Melius unicum Medicum bene exercitatum accersire, quam decem de morbo altercantes.
- 330 Cui animus est Medicinâ uti, non ab uno Medico statim ad alium est eundum, quin corpus suum corrumpat.
- 331 Medicus decenter sit vestitus, & loquela seria, modesta.
- 332 Si intestini recti casus longè procrastinetur, gangræna corripitur.
- 333 Intestina in scrotum delabentia, & alvus adstricta, brevi si non restituantur, patiens moritur.
- 334 Intestina aliave viscera, post inflictum vulnus, extra suas cavitates propendentia, frigore, deinde Gangræna & tandem sphacelo corripuntur.
- 335 Qui arthriticis doloribus affligi consueverunt, verem & autumnum timeant oportet.
- 336 Qui à calculo secandus, Testamento de substantia sua disponat prius, deinde Deo animam commendet.
- 337 Mulieres sanguinem è ventriculo vomentes, sanantur, si menstrua appareant.
- 338 Frigus, & acidum pectori inimica.
- 339 Si quis præter modum è naribus sanguinem stillet, ei inopitato frigida cervici affundenda, tunc statim cessabit.
- 340 In urinæ Hypostasi pus crassum, certum non est signum ulceris renum, aut vesicæ.
- 341 Sanguinis mictio, vas sanguineum renum, ureterum vel vesicæ læsum significat.
- 342 Qui post sumpta venena, urinam nigram reddunt, in vitæ discrimine versantur.
- 343 Signa ex solâ urinâ petita, planè incerta.
- 344 Propriè loquendo, non dantur febres continuæ.
- 345 Calculatio de anno climacterico, nugis annumeranda.
- 346 Ex faciei lineamentis, passionis animi, ut plurimum cognoscuntur, præsertim si ejus conversationem vidimus.
- 347 Judicium ex plantarum figurâ, planè incertum.
- 348 Chiromantia nullius est momenti.
- 349 Metallorum à planetis denominatio, & eorum ad Metalla sympathiæ & influentiæ, chimæræ sunt.
- 350 Æque facile est χρυσοποιεῖν, quam aurum destruere.



- 351 Si febres aut morbi exorcismo quasi, verbis mullitando, aut alias fugantur, non Diabolo adscribendum, sed impressioni, quæ spirituum & succorum periodo imprimitur.
- 352 Curationes, quæ per figuras lapidibus præiosis insculptas, fieri conantur, mera est superstitio.
- 353 Vulnere potius per se, quam à pulvere sympathetico curantur.
- 354 Collectio herbarum, radicum &c. sub hujus vel hujus planetæ signo, aut hora, valde incerta.
- 355 Vires magneticæ in humano corpore, nulla nituntur experientia, nisi inter alcali & acidum.
- 356 Morborum transplantatio, nullius est momenti,
- 357 Hyeme corpora nostra, æstate calidiora.
- 358 In febribus omnibus sanguis noster, propriè loquendo, frigidior, quam in fanis.
- 359 Quibus intestina sunt coarctata, vel nimium infarcta, sive quamvis de causa id factum, excrementa per vomitum ejiciunt.
- 360 Febres non indigent remediis refrigerantibus.
- 361 Purgantia omnia unius sunt operationis & effectus, omniaque gradibus tantum ab invicem differunt: hinc parum refert, quodcunque purgans exhibeatur.
- 362 Venæ sectio in paucis casibus tantum requiritur.
- 363 Idem est, ex qua vena sanguis mittatur.
- 364 Inter parturiendum, si perinæum laceretur, inauditum non est, præsertim primo partu.
- 365 Quibus caput est vapulatum, vel casu ab alto aut alias invisibiliter læsum & vomitus accedat, signum internæ læsionis est.
- 366 Non semper cephalalgia trepano tollitur.
- 367 Supra suturas, præsertim sagittalem, Trepanum instituere, absque necessitate, suadendum non est.
- 368 Si apoplecticus statim non levetur, actum erit.
- 369 Apoplexiâ obnoxii, abstineant à nimio potu.
- 370 Apoplecticis, si à phlebotomia, se melius habeant, servantur.
- 371 Hysterica passio in prægnantibus & puerperis, periculosa.
- 372 In Hystericis sternutationem ciere, præstat.
- 373 Uteri inflammationes periculo non vacant.
- 374 Foetus gestatur novem quidem menses; sed computatio illa experientiæ quotidianæ non exactè respondet, quia sæpissimè ante vel post illud tempus enituntur.
- 375 Qui mense septimo pariuntur; enitendi labores, nimio motu concitant, & ut plurimum vivi, in lucem emittuntur.
- 376 Qui octavo mense veniunt, ut plurimum mortui sunt, quia à nimio motu non eniti solent, sed ob foetum mortuum vel imbecillem.
- 377 Fœminæ nimium pinguescentes, sæpe non concipiunt.
- 378 Abortus non raro periculosior, quam verus & justus partus.
- 379 Nimia lochia, aliquando Hydropem producant.




## 616 APHOR. AD PRAXIN MEDICAM &c.

- 380 Post abortum non raro vera conceptio sequitur.  
381 quibus primus partus difficilis fuerit , iis non raro secundus facilius erit.  
382 Parturiendi labores si à postica parte veniant melius , quam à ventris regione.  
383 Periculosum admodum , si quid de secundinis in utero remaneat.  
384 Variolæ hyemali tempore periculosiores , quam æstate.  
385 Si fluxus albus & menstruus crebrius solito adveniant , & longæ sit durationis , periculosus.  
386 Si foetus supra coxæ os collocetur , egredi nequit , sed dexterrima manus operatione in locum debitum restitui debet , alias parturiendi conatus nihil promovent.  
387 Menstrua ex sanguine viscido , ejusque defectu orta , difficile sanantur.  
388 Nec opium nec crocus ex Medicina exulari debent.  
389 In hisce regionibus , ferè omnes morbi de scorbuto participant.  
390 Quod quartana febris non curetur , est à Medicorum imperitia , vel ab ægrorum inobedientia.  
391 Dies critici in nostris regionibus non observantur.  
392 Consuetudini aliquid concedendum.  
393 Sani omnibus assuescere debent.  
394 Corpora impura , quo plus nutriveris , eo impuriora evadunt.  
395 Paracenthesis non instituenda , nisi vires adsint , & viscera inculpabilia,  
396 Omnis aqua & pus , unica vice non est depromendum.  
397 Quamvis cæsarea sectio sit periculosa , possibilis tamen est.  
398 Omne quod odorem spirat , partium tenuium est.  
399 Omne acre , amarum , & falsum calorem in succis nostris concitant.  
400 Conjecturæ optimum Medicum sæpe fallunt.

### Totius Operis

T E A O Σ .





# INDEX RERUM

*Quæ in secundo Tomo continentur.*

## A.

<b>A</b> Bdominis musculorum inflammatio.	132	post cephalalgiam.	204. 205. 206
Abortus, quid.	190	calculosi & Herniosi	380
quid in eo faciendum.	194	post diarrhoeam.	22. 27. 40
Abscessuum apertio.	361	dysenterici.	27. 31
Acanthobolus.	323	post dyspnoeam.	98. 99. 100
Achor.	453	post dysuriam.	161
Acia.	404	Epileptici.	218
Acicula in uretere inventa.	166	post fluxum æruginosum.	58
Acrochordones.	488	post fluxum chylosum.	31
Acus species.	323	febricitantis.	82. 87
Ægylops.	437	febri lenta laborantis	82. 88
Ær, per foramen in osse frontis factum, per		frontis vulnus.	586
nares expiratur.	259	febri & tussi laborantis.	97
Agathon.	269	furore uterinolaborantis.	176
Albaras nigra.	450	gibbosi & phthifici.	118
Albuginis.	404	Hypochondriaci.	44. 45
Albugo oculi.	352	Hydropici.	45. 86. 136. 138. 139. 141. 142. 143
Alphus.	450	Hæmoptysi.	83
P. <i>Alpinus</i>	327. 333. 334. 360	Hydrocephali.	138
Alvus adstricta.	32	Hysterica.	187
Ambe Hippocratis.	326	Herniæ umbilicalis.	392
Ambulatio, quid.	480	Icteric.	123
Ambustio.	557	Icti à baculo.	588
Ammann.	276	Ilaci.	52
Ammata.	327	Ischuria laborantis.	162. 165
Anaplerosis.	320	post Lithotomiam.	379
Anasarca.	129	de mola ingenti & utero perito-	
Anatome Apoplectici.	39	næo adnata.	187. 188
post abdominis vulnus.	43	post menses suppressos.	186
alvo adstricta laborantis.	45	post morbillos.	96
Astmat.	100	missionem puris.	164. 165
post aciculam deglutitam.	166	nephritici.	56
carcinomatis gulæ.	18	Principis Bavarix.	4
colicæ passionis 37. 39. 41. 44.	52	pleuritidis.	82. 86
cacochymici, 46. 57. 140. 142.		paralytici.	217
143. 144. 148		phrenetici.	82
post casum.	116	pulmones corruptos.	101
calculo laborantis. 157. 161.		phthifici.	84. 85
165		post pulsum intermittentem.	111. 115
post cordis palpitationem. 113		pulmonum Apostema.	119
114. 115. 116		pulsione circa umbilicum labo-	
		ran.	



# I N D E X.

rantis.	431	Aqua Mercurii.	531
Rhachitidis.	300	Aquei humoris oculorum restitutio.	577
strumosi.	44	<i>Aquapendens.</i>	328. 343
spasmo correpti.	314	Arcenici symptomata.	28. 226
scorbutici.	295	Arculæ Chirurgicæ.	326
subito demortui.	110	Ardor ventriculi.	7. 15
syncopen laborantis in puerpera.	189	Arteriotomia.	332
	163	Arthritis.	7. 280. 301
sanguinis mictu laborantis.	97	_____ vaga.	305
spirandi difficultatem	86. 87	Articulorum contractura.	483
Tabidis.	98	Artuum dolores.	280
Post Tussim &c.	4	Ascarides.	33. 34
ventriculo putrido laborantis.	<i>ibid.</i>	Ascites.	123
_____ ventriculi male locati.	18	Asphyxia.	107
veneno interempti.	19. 20	Asthma.	91. 278
vomitum sanguinis & dejectiones nigras.	51	_____ in Coromandel.	93
post vomitum bufonum.	46. 47	_____ observatio.	102
a vermibus demortui.	88	Atheroma.	429
post variolas.	119	Atrophia.	280
vomicæ.	138	Auditus gravitas.	270
post ventris dolores & tumores.	168	_____ difficultas.	273. 274
	218	_____ murmura.	275. 276
urinz retentionem, & vesicæ scirrhum.	436	<i>Hor. Augenius.</i>	333
ulceris & canceri colli matricis.	357	Aurium tinnitus.	270 275
	480	_____ susurrus.	270
vertiginosi.	65. 79. 423	_____ dolor.	271
Achylope,	89	_____ ulcera.	271
Ancyloglossum.	50	_____ vermiculi.	271
Aneurisma.	543	_____ humoris foetidi effusio & sudatio.	271
Angina.	50	_____ pulsatio.	276
_____ in Colombo & Coromandel rara.	397	_____ sibilus.	<i>ibid.</i>
	8	_____ fremitus.	<i>ibid.</i>
Alvi constipatae obs.	68. 433	_____ meatus, aperiendus.	356
Ani fistula.	356		
_____ inflammatio.	28		
_____ Procidentia.	64. 69		
Anorexis.	207		
Anthrax.	361		
Anus imperforatus, aperiendus.	381		
Aphonia post dysenteriam.	2. 278		
Aphthæ.			
Apoplexia.			
Apostematum apertio.			
Apparatus major & minor,			
Appetitus imminutus, tardus & prostratus			



# I N D E X

Boyle.  
Bracheria.  
Bronchocele.  
Bronchotomia.  
Bufonum vomitus.  
Bubo.  
—— Venereus.  
Bubonoccele.  
Bulimia.

## C.

**C**æcitas à Diarrhæa.  
—— oculorum unde.  
Cæsarea sectio.  
Calcis materiæ mictio.  
Calculi ex umbilico.  
Calculi renum signa.  
Calculi exsuctio.  
—— sectio.  
Calculus.  
Calli generatio.  
Callus.  
Canales Chirurgici.  
Cancer.  
—— venereus.  
Cannulæ Chirurgicæ.  
—— pro caruncula.  
—— plumbeæ in vesicam prolapsus.  
  
Caphuræ in febris usus.  
Capsulæ Chirurgicæ.  
Capitis dolor.  
Carbo  
Carbunculus.  
Carcinoma.  
Cardialgia.  
Caries ossis.  
Caruncula in Urethra.  
Carus.  
Catalepsis.  
Cataracta.  
Catena Sculteti.  
Catheteres.  
Catochus.  
Cauteria.  
Celsus. 137. 206. 245. 334. 342. 373.  
404  
Cephalalgia. 64. 200. 280

37. 470	Cerea.	455
327	Chimetlon.	464
469	Chiragra.	301
337	Chirurgia quid, ejusque partes.	319
51	Chlorosis.	130
68. 440	Cholera.	29.
520	Cholera sicca.	5. 30
385	Chorda penis.	508. 510
8	Cingula,	327
	Cirfocele.	396
	Claretum cinamomi.	108
	Clavus pedum.	489
	A. Cleyer.	329
27	Cochlearia Chirurgica.	325
577	Coeli,	324
372	Coeliaca passio.	30
158	Colica passio.	7. 36
390	—— periodica.	41
153	—— scorbutica.	280
157	Collum incurvatum sectione restituendum.	
375		355
152	Coma.	207
592	Concussio corporis.	280
489	Condylomata.	521
326	Contractura Articulorum.	483
47	Contrafissura.	592
509	Convulsiones.	7
325	Cordis officulum.	112. 119
515	Cordis palpitatio.	107. 112. 113. 121.
		278
517	—— Tremor.	107. 121. 278
73	—— ulcus.	111
326	—— vulnus.	110. 112. 585
64. 200	Corneæ ulcus.	438
68. 433	Corysa.	258
ibid.	Cranii trepanatio.	400
471	—— depressio.	595
6. 14. 64. 278	Crithe,	439
547	Crusta lactea.	453
514	Cucurbitulæ.	326
207	—— earum applicatio.	334
210. 235	Culter rasorius.	321
248. 344	Cuticulæ post febrim detractio.	88
325	Cynorexia.	8
325	Cyphosis.	117
210		
324		
404		



# I N D E X.

## D.

<b>D</b> eliquium animi	107
Delirium	64
Dentes vacillantes	277. 284
Dentium tartarus	266
———— Caries	266
———— albor	267
———— stridor	265
———— vermes	267
———— vitia	266
———— Casus	266
———— dolor	267
———— vacillantes	267
———— topi & mucus	267
Deobstruentia	53
Diarefis quid	320
Diaphragmatis vulnus	585
Diarrhoea	20. 64. 278
———— laborans cæcitate corripitur	37
<i>Diemerbroek</i>	69
Diorthrosis, quid	320
Dolor lumborum unde	33
Dothien	435
<i>Van Duijen</i>	169
Dysenteria	22, 64. 278
Dysenteriae inhibita symptomata	28
———— curatio post assumptum Arcenicum	28
Dyspepsia nidorosa	7
———— acida	7. 15
Dyspnoea	378
Dysuria	160

## E.

<b>E</b> cchymosis.	489
Eclipsis	107
Eclipsis	107
Electuarium antifebrile & diaphoreticum.	74
Elevatorium quid.	324
Elixir volatile oleosum	9
Emeticum concitat mortem	4
Emplastrum stomachale	12
———— diasulphuris ad ulcera	422
———— Neurenburgense	573

———— glutinans

Empoisthotonos	312. 113
Empyema	338
Enterocoele	385
Ephelides	490
Epicarpia, an prosint.	76
Epilepsia.	229. 280
———— infantium.	232
Epinyctides	429
Epulis	492
<i>Erasistratus</i>	137
Erysipelas	425
———— vesicarium	425. 426
Exomphalos	386
Exophthalmia	247. 248
Exorthrosis	320
Exostosis	484
Extirpatio membrorum	362

## F.

<b>F</b> acies Hippocratica	40
Fames bovina	8
———— canina.	<i>ibid.</i>
Fascia, ejusque species.	327
Fastidium	6
Favus	452
Febres intermittentes in Dronthemensi ditio- ne rarissimæ	88
Febris quid.	62. 136
———— ejus frigus, unde	62
———— livor	63
———— calor	268
———— alba	130
———— apyrexia	63
———— ardens	<i>ibid.</i>
———— amatoria.	130
———— cacatoria	64
———— cathartica.	<i>ibid.</i>
———— caufus	63
———— diaria	64
———— Ephemera.	<i>ibid.</i>
———— erratica	279
———— Hæctica	70
———— intermittens	71
———— Lenta	70. 71
———— Maligna	67. 68
———— lactea	197
———— pesti-	



# I N D E X.

IIII 3



# INDEX.

Hernia	aquola.	393	_____ sacer.	425
_____	Carnosa.	395	_____ persicus.	433
_____	Guttalis.	469	Iliaca passio.	47. 48 49
_____	Humoralis.	397	Imaginationes scorbuticorum falsæ.	279
_____	inguinalis.	385	Impetigo,	450
_____	intestinalis.	385	Imprudencia.	235
_____	omentalis.	385	Incubus.	211
_____	scrotalis.	385	Inflammatiô.	411
_____	varicosa.	396	Ingrassias.	525
_____	veneris.	517	Intertrigo infantium.	582
_____	Ventosa.	394	Intestinorum inflammatio.	16. 49
_____	umbilicalis.	385	_____ dolores,	280
Herpes.		442	Foubertus.	524
_____	miliaris.	442	Ischias.	301
_____	exedens.	442	Ischuria.	160
Higmorus.		445		
Hildanus.	226. 322. 324. 328		K.	
Hippocrates.	33. 41. 137. 187. 230. 233.			
	302. 335. 337. 360. 428. 493			
Hirudinum applicatio.		335	K Ergerus.	73
Humoris aquei oculi restitutio.		251	Kerkringius.	301
_____ examinatio.		254	Kinæ Kinæ usus in febris.	73
Hydatides,		124	A. Kircherus,	47
Hydrocele.		393		
Hydrocephalos.	124. 127.	135	L.	
Hydrophobia.		240		
Hydropicorum aqua quomodo per urinam			L Abia leporina.	353
expellitur.		127	L Labiorum incrustatio.	69
Hydrops ascites.		123	L Lactis in ventriculo coagulum, mor-	
_____ capitis.		130	bos producit.	3
_____ Medullæ spinalis.		152	_____ defectus.	198
_____ Thoracis.	124.	338	_____ redundantia.	199
_____ Faucium		135	_____ depravatio.	199
_____ Tympanitis.		127	Laquei.	327
_____ uteri.		185	Laryngotomia.	80. 337
_____ pectoris.		338	Lateris dolor, vide pleuritis.	
Hydrophthalmia.	247.	248	Laudanum liquidum.	95
Hypercatharsis.		28	A. Laurentius.	469
Hypochondriaca passio.		145	Lentes.	490
Hypochema.		345	Lentigines.	490
Hysterica passio.		177	Lepra Græcorum.	450
Hysterotomotocia.		372	Lethargici cur sæpe floccos quærunt.	65
			Lethargus.	207
			Leuca.	450
			Leucoma.	252
			Leucophlegmatia.	129
			Lichen,	550
			Lienis inflammatio.	145
			_____ obstructio.	145. 149
			_____ scirrhus.	145
				Lin.



# INDEX.

N. Na.



# I N D E X.

N.		contrafissura.	592
		Otalgia	271
		Ozæna	551
		P.	
<b>N</b> ares, ab iis receptum frustulum fistulæ		<b>P</b> alpebrarum inflammatio	440
tabacariæ, quod post duos annos primo excretum.	576	Palpebræ clausæ, aperiendæ.	355
Narium Hæmorrhagia.	262	Palpitatio cordis 107. 112. 113. 121.	278
Natta.	429		436
Nausea	2. 64	Panaritium	53
Necrosis	476	Pancreatis inflammatio	53
Nephritis	152	—— obstructio	352
—— falsa	158	Panniculus oculi.	352
Noctambulones	213	Pannus	440
Nodus	482	Panus	552
Noma ulcus	556	Papillarum rimæ	552
A. Nuk	152 246	—— ulcera	552
Nyctalopia	245	Paracenthesis	335. 339
O.		—— abdominis.	342
		—— scroti	394
<b>O</b> blivio	235	Pareus 322. 323. 324. 333. 334. 358	
Obstructiones viscerum.	7	Paralysis. 218. 226. 279. 280	
Ocularis abscessus.	437	—— liberata sudore spontaneo	215
Oculi cicatrix albicans.	352	—— scorbutica	218
Oculi humor aqueus extrahitur, cum visus restitutione	250	Paraphymosis	406. 509
Oculorum caligo	280	Paraphrenitis	64. 65 236
Oculus tuberosus	249	Paronychia	436
—— in eo frustulum ligneum receptum, quod post viginti menses primo exemptum	575	Parotides	440
Odontalgia	267. 277	Partus difficilis.	591. 366
Oedema	428	Parulis	492
Oesophagi læsio	I	Pedicularis morbus	545
—— steatoma	I	Penis extirpatio.	474
Omenti corruptio	58. 60 61	—— inflammatio	508
Omphalocele in recens natis	392	—— Tensio	508
Ophthalmia	245	Pene ligatura constricto, supra ligaturam	159
—— Græcorum	245	urina erupit.	66. 67. 78
Opisthotonos	312. 314	Peripneumonia	464
Opium præparatum	26	Perniones	210
Oribasius	326. 327. 328. 334	Pervigilium	471. 554
Oris tortura	265	Phagadæna	405
Ossium fracturæ	590. 592	Phimosis	329
—— fissura	592	Phlebotomia	411
—— contusio	592	Phlegmone	438
—— sectio	592	Phlyctænæ	65
—— punctio	592	Phrenetici, cur sæpe floccos quærunt	64. 65. 236. 242
		Phrenitis.	439. 545
		Phthiriasis	7. 70. 103
		Phthisis	Phyge-



# I N D E X.

Phygethlon	440. 441
Phyma	440
Phymata	441
Pica	5
Pili in ovario	124
—— Utero	188
—— tumoribus	430
Pilulæ Angelicæ	38
Pinguia, cur quidam non ferunt	418
C. Pifo	7
Pituitam incidentia	8
Plagulæ	327
Platerus	65
Plempius	345
Plethora, quid.	411
Pleuritis	65. 79
—— notha	280
Pleuropneumonia	66
Plinius	493
Plumaceoli	327
Pneumatocele	394
Podara	301
Polypus narium	485
Porrigo	453
Præputii inflammatio	508
Presbutia	244
Prunella	446
Pruritus	446
Pfora	446
Pterygium	350
Ptyalismis in febribus	64
—— per Mercurium.	528
Pudendum muliebre clausum aperiendum.	356
Pulsus inconstans.	278
—— intermittens.	278
Punctum aureum	388
Punctura apum	570
—— bombiliorum	570
—— nervorum	568
Pus, quid.	477. 336. 584
—— an liceat unica vice depromere	34
Pustulæ scorbuticæ.	277

## R.

<b>R</b> abiei Hydrophica	240
Ramex	385
Ranula.	439
Raspatoria	325
Raucedo.	261
H. Regius	65
Renes petrefacti	167
—— sanguinem fundentes	279
Renum exsectio in cane	252
—— inflammatio	150
—— ulcus	252
Repellentia, inutilia	416
Respirandi difficultas	278
Rhachitis	296
Rheumatismus	281
Ioh. Rhodius	404
G. Ten Rhyne	329
Risus sardonius	264
Riverius.	65 346. 437
H. Roonhuise	373. 380. 381. 399. 549
Rosa	425
Rouffettus	367. 375
Ructus	5
Ruisch	96 188. 390. 430. 471
Ruptoria	358

## S.

<b>S</b> aliva, quasi pilosa	260
Salivatio per Mercurium	528. 529.
	530
Sal volatile oleosum	6. 10
Sanguinem sistentia	363
Sanguinis sputum	90
—— mictus	151. 163
—— fluxus scorbuticus.	279
Sanguisugæ applicatio	336
Sanies, quid	536
Saphari	453
Sarcocele	394
Saturantia	15
Herc. Saxonia	333
Scabies	446
—— fera	450
Scalæ Chirurgicæ	326
Tom. II.	Kkkk
	Scal-



# I N D E X.

[illegible]



# I N D E X

_____ millepedum	128
Tinea	453
Tinnitus aurium	270. 235
Tire- <i>teste</i> , quid	325
Tonsillarum inflammatio	423
Tophi	280. 531
Torcular	326. 363
Tormina post partum	196
Tortura oris	265
Tounequet, quid.	328. 363. 364.
Trachelagra	302
Tremor cordis	107. 121. 278
_____ musculorum	312. 314
Tremulus motus corporis	280
Trepanatio cranii	400
Trep. ni species	322
Trincavella	525
Triplois quid	325
N. Tulpius.	6 15. 333. 334. 357
Tumores, quid	409
Tussicula	262
Tussis Humida	91
_____ Sicca	<i>ibid.</i>
_____ Consultatio	101

## V.

<b>V</b> aleriola	484
Valvulae circa cor osseae	95
Vanilios	105
Varices	482
Variolae	68. 80
Venenum ex improvise assumptum mortem conciat ; ejusque cadaveris anatomone	18
Venae sectio	329. 414
Venae sectio, quando nocet, & prodest.	75. 78.
Venerea impotentia	176. 177
Ventosa, quid	326
Ventriculi dolor	6
_____ ardores	7
_____ inflammatio	16
_____ morbi	2
_____ nidores	7
_____ Vulnus	585
Ventriculus putridus.	4
_____ flammam eructans	7
Vermis imperfecta	176
Verines	33 85

_____ unde	545
Vermis fasciatus vomitu rejectus	15
Vermium generatio	47
Verrucae	488
Verrucae circa anum, & pudenda	521
Vertigo	213. 280. 284
_____ trepano prof. gata	214
Vesicae inflammatio	150
_____ corrugatio	162
_____ ulcus	151
_____ glandulae	159
_____ prolapsus	390
Vibices in febribus	68
Vigiliae pertinaces	280
Vinculum linguae dissolvendum.	356
Vinum stomachicum medicatum.	11
_____ ex palinis	105. 129
_____ ceraforum nigrorum	109
Virus in ulceribus, quid	537
Viscerum obstructions	7
Vitiligo	450
Ulcerum cuniculi	540
_____ specus	<i>ibid.</i>
Ulcus quid	536
Ulcus cum sanie	539
_____ lardum mentiens	<i>ibid.</i>
_____ sinuosum	540
_____ Verminosum	545
_____ Cum ossis carie	547
_____ cum superflua seu fungosa carne	550
_____ narium foetens	551
_____ papillarum	552
_____ mammillarum	553
_____ oris foetens	556
Ulcuscula scorbutica	277
Uncus chirurgicus	325
Unguentum suppurativum	421
Ungula oculi	350
Volsella	323
Urina ardens	160
_____ rubra in scorbuticis	279
Urina suppressa	159. 160
_____ ejus stillicidium	384
Urinae per umbilicum emissio	162
_____ incontinentia post calculi sectio-	
_____ nem	384
Volvulus	48
Vomica	105. 119
Vomica nucis effecta	240



# I N D E X.

Vomitoria	8	_____ juguli	578
Vomitus	3. 12. 64	_____ oesophagi	578
_____ bufonum	51	_____ Asperæ arteriæ.	578
_____ sanguinis	4. 14	_____ vasorum lymphaticorum	579
_____ Verus	3	_____ Thoracis	580
Vander Voort.	346	_____ abdominis	580
Ureter monstrosus		_____ cordis	585
Ustio quid & quomodo fit	360	_____ Ventriculi	585
Uteri amputatio	475	_____ hepatis	585
_____ cancer	184	_____ frontis	586
_____ Hydrops	185	_____ capitis	587
_____ inflammatio	181	_____ iæti à baculo	588
_____ inflatio	184	_____ orbitæ oculi lethale	588
_____ scirrhus	182. 186	_____ in pectore cum diaphragmatis	
_____ Tympanites	184	dilaceratione & ventriculi suo loco ami-	
_____ Vaginæ procidentia	398	tione	589
_____ ejusque excreſcentiæ extirpatio.	475	_____ abdominis cum abſciſſione he-	
	404	patis portionis	519
Vulnerum futura	583	Uvulæ inflammatio.	424
Vulneratorum observationes	561	_____ relaxatio	424
Vulnerum prognosticum Lethale ex linteis	560		
fordidis	562		
Vulnus quid	567		
_____ simplex in carnosis partibus cum	568		
symptomatis	570		
_____ à ſelopecto	571		
_____ nervorum & tendinum	572		
_____ Venenatum	577		
_____ cum offis læſione	578		
_____ capitis			
_____ oculorum			
_____ cervicis			

W.

**W** eber 364  
 Willisius. 93. 242. 274. 578  
 Wirſungius. 501

Z.

**Z** ebel, quid. 352



# ADDENDA & CORRIGENDA.

*P* Ag. 2. l. 37. est ex. p. 3. l. 2. l. fibræ ventriculi circulares & rectæ ad motum peristalticum inversum. l. 17. & 18. *dele.* Et hoc potissimum infantibus accidit, præsertim si brachiis aliarum pectore & ventre incumbant. p. 8. l. 26. l. fibræ ventriculi sint resolutæ p. 9. l. 15. *dele* Emericorum. l. 16. l. gratiam alibi. p. 12. l. 17. l. *Laudanum opiatum.* l. 24. *dele* Opiatum. p. 17. l. 11. l. Utatur & sanguis omnesque succi magis fluidi redduntur. p. 23. l. 33. l. ut & senes. p. 18. l. 11. l. intestinis alias. pag. 47. lin. 11. *lege,* Excrementorum acrimoniam colon erosum fuit & p. 56. l. 35. *dele* nimis lentus & acidus erat: lentor siue mucago obstruxit glandulas, adeo ut succus, alias fluidus per ductum pancreaticum. p. 118. l. 7. *dele,* ut mirum non sit &c: *usque ad l. 9. ad,* ut nasi &c. p. 121. l. 20. *pro ἀφ' ἐπεὶ* l. πύωσις. l. 20. l. sinistra pulmonum parte non non ex vena pag. 125. l. 11. l.

*Recipe* Pilulæ Aloëphanginæ, *drachmam semis.*  
Olei Caryophyllorum, *guttas tres.*  
Misce fiant pilulæ, *Numero octo.* vel

*Recipe* Succus Iridis nostratis, *unciastres.*  
Mannæ Calabrinæ, *sesquiunciam.*  
Misce Fiat Haustus. vel

*P* 162. l. 31. pro Noluit l. Voluit. p. 191. l. 1. l. mensem sextum. p. 193. l. 7. l. processum mortuo foetu. *Signa.* p. 196. l. 27. l. existunt, & quia tantum duos, tresve dies continuantur, raro. p. 197. l. 40. l. obstetricibus imprudens læsio. Lochiis non respondentibus, p. 199. l. 39. l. quadrupedum. Vel p. 202. l. 6. & 7. l. Vermibus &c. vix aut nunquam curatur: Si Vomitus, Apoplexia, Paralysis Epilepsiæ &c l. 41. l. aliove liquore pro re nata. p. 206. l. 16. l. eum assiduo. l. 24. *dele* non. l. 45. *dele* Eundem ferè casum. p. 107. *dele* l. primam & secundam. l. 45. l. malum, quia p. 208. l. quia in l. 3. l. febrim l. 6. meditantibus l. 15. l. purgans. p. 209. l. 38. l.

Qui CONTINUA laborant SOMNOLENTIA *Antiscorbutica* sumant quotidie, ut *Raphanus, Sativus, Hispanicus, Cochlearia, Nasturtium Hortense, Sinapi. Martialia, oleosa volatilia;* sint Hilares; cerevisia sit bonæ notæ, vinum modicum. Tristitiam vitent, ut & acida, salsa, pinguja nisi modicâ quantitate,

His accedit COMA VIGIL; estque morbus in quo ægri ad somnum continuò proni sunt, tamen dormire non possunt, cum capitis gravitate, & sensuum torpore, & tardo Coma Vigil. partium exercitio, & corporis jactatio. Quibus aliquando delirium accedit.

*Causa* consistit in eo, quod quidam cerebri canaliculi materiâ viscidâ obfessi sunt, quâ sopor concitatur; verum quia aliæ à spiritibus accedunt, quæ acres & mobiles sunt, continuò præcedens materia etiam movetur: atque hoc modo ægri semper inter dormiendum & somniandum tenentur: Nam pungentes illæ particulae acres, leves motus convulsivos concitant, quo motu à mente concepto, tales formantur cogitationes, quales mens per hos aut illos canaliculos solebat animadvertere. Nam uti fides alicujus instrumenti musici nobis diversum tonum edunt, ita quoque illi motus diversas cudunt cogitationes. TORPOR & tarditas, nullam aliam habet originem, quam quod maxima cerebri canaliculorum pars lentum humorem percolent, quare membra non ad votum moventur, unde sequitur membrorum gravitas, & ad motum tarditas. Plurimis igitur in canaliculis cerebri motibus convulsivis existentibus etiam sensuum organa, aliquo modo delirio afficiuntur. Raro morbus per se est, sed potissimum symptoma



## A D D E N D A

seu fructus alterius symptomatis , ideoque comitem ferè semper habet febrim , phrenitim , scorbutum &c. semper non est cum periculo , & si delirium augeatur , convulsio quidem sequitur. *Curatio* eodem modo instituitur , ut in affectibus soporosis est dictum , ut & in Phrenitide.

P. 210. l. 25. l. innumeris aliquando. p. 211. l. 44. l. meque suffocantem. p. 214. l. 3. l. sedatur. In p. 218 l. 2. l. hinc unius aut. p. 219. l. 44. & 45. l. superioribus , prius quam in inferioribus. p. 224. l. 23. l.

Olei Succini.

Juniperi, ana scrupulos duos.

L. 45. *dele*. p. 224. l. 1. 2. 3. *dele* p. 225. l. 15. l. Diaphoresis sistebatur p. 327. l. 36. l. sanabam l. 21. l. detinebatur. p. 241. l. 17. & 18. *dele* ut in cerebro aperiuntur : hinc symptomata , p. l. 19. l. teria Venenata à materiâ subtili p. 242. l. 19. *dele* Sequitur. l. 23. t. Sequitur nunc. p. 249. l. 10. l. tamen quam à. p. 262. l. 21. l. os furculos. p. 266. l. 40. l. ne pro me. p. 276. l. legent pro legentur. 278. l. 1. & 2. l. ULCUSCULA : nam cutis in his locis inflammatur , p. 281. l. 11. l. quam qui. p. 296. l. 20. l. & non tantum. p. 298. l. 38. l. imbecilles. p. 331. l. 41 & 42. *dele* calore enim sanguis magis tumeant. p. 334 l. 35. l. scarificatione ejusmodi tendinibus , gangrænam , sphacelum & mortem fuisse secutam , hinc scarificatio. p. 336. l. 15. l. colorem p. 401. l. 17. l. nudum turundulis. p. 404. l. 24. l. diversitatem aliarum partium. p. 406. l. 2. l. primo fatus aut. p. 411. l. 29. l. extra vasa ruperit. p. 412. l. 12. l. calorem huic. p. 413. l. arterialis. p. 414. l. 16. *dele* quam senibus calidis succis præditis citius. l. 28. l. succulentis , ob pinguedinem non tam facile per cutim erumpunt , quam in macilentis. p. 421. l. 38. l. *quatuor & semis*. p. 438. l. 17. l. si carie sit infectum. p. 446. l. 38. l. decedentium particularum effluxu , eo tempore scabie non afficiebantur , ast æstate aëre , p. 450. l. 34. l. omnes pustulæ solitariae & ab invicem separatae sunt. p. 453. l. 30. l. seu Herpes capitis. p. 468. l. 42. *adde* , unguenti Agrippæ , *uncias duas*. p. 497. l. 37. l. ortum ex impuro. p. 498. l. 8. l. non quia ita ardet , sed quia ob. p. 507. *sex priores lineas dele , easque pone post lineam 17-* p. 510. l. 29. l. Fig. 43. p. 558. l. 13. l. nobis crustam seu. p. 560. l. 1. l. *Vulnus seu solutionem.*

## T O T I U S O P E R I S F I N I S .

















